

معارف عمومی تطاری
تألیف و ترجمہ کتب خانہ سی

عدد : ۲۶

ترجمہ بر عائد نظم بقائد برکندہ

روحیات و نفسیات



مؤلفی :
ا. رابو

مترجمی :
محمد علی عینی



استانبول — مطبعہ عامرہ

۱۳۳۱

مذہبات

صفحہ		مقدمہ
۵	۱	پہلی درس
۳۷	۷	ایکونجی درس
۵۹	۳۸	اوجنچی درس
۷۶	۶۰	دردنچی درس
۱۱۳	۷۷	بشنچی درس
۱۲۶	۱۱۲	التنجی درس
۱۳۲	۱۲۷	یدنجی درس
۱۶۷	۱۳۵	سکرنجی درس
۱۸۸	۱۶۸	طقوزنجی درس
۲۱۳	۱۸۹	اوننجی درس
۲۳۰	۲۱۴	اون برنجی درس
۲۵۴	۲۳۱	اون ایکونجی درس
۲۸۳	۲۵۵	اون اوجنچی درس
۳۲۱	۲۸۴	اون دردنچی درس
۳۶۰	۳۰۲	اون بشنچی درس
(بوفورمانک رقلری یاکلش دیزلدیکندن بو صحیفہ نك رقمی ۳۴۲ قالمشدر)		
۳۷۲	۳۶۱	اون التنجی درس
۳۸۹	۳۷۵	اون یدنجی درس
۴۱۰	۳۹۰	اون سکرنجی درس
۴۴۰	۴۱۱	اون طقوزنجی درس
۴۶۸	۴۴۱	اون بکرنجی درس
۴۹۲	۴۶۹	

مقدمه

قانون اساسينك وپنډاشلریمزه تأمین ایندیکې حقوق سیاسیه دن بر مهمی ده حریت مطبوعات اولدینی حالده یدی سنه دن بری ساحه انتشاره چیقان آثارك بر جدولی یایله جق اولورسه برچوښك هر درلو قیمت علمیه و اخلاقیه دن محروم اولدینی مع التأسف کوریلور . زیاده سیله شایان تأسف اولان واسبانك تشریحی صدد خارجنده بولنان بونیجه یی هر کس دن و هر مقام دن زیاده تقدیر ایدن معارف نظارت جلیله سی ایکی سنه دن بری پك مرغوب و مشر برتدیر اتخاذ ایده رك بر جوق کتب مفیده یی ارباب اختصاصه یازدیروب نظارت حسابنه نشر ایتدیرمکه باشلامشدر . بو کتابلر ایچنده صحیح مسلم کبی الك معتبر کتب دینه بولندینی کبی دارالفنون مدیر عمومی صالح ذکی بك افندینك آثار باقیه سی کبی سنه لرحه دوام ایدن برتبع و غیرتک و پك جدی برتجرك محصولی اولان قیمتدار اثرلر ده واردر . معارف ناظر محترمی شکری بك افندی حضرتلری اخیراً بو تدیر مستحسنی برقات ده ا توسیع و تشمیله همت بیوردقلرندن تألیف و ترجمه سنه باشلا تدری کتابلر آره سنده عاجز لینه ده بو (پسیقولوژی) نك ترجمه سنی حواله ایتشلردر . پسیقولوژی (روحیات) ، فلسفه نك مدخلی و اک مهم بر قسمی اولدینی حالده لسانمزه نقل اولمغه و مکتبلریمزه کیرمکه هنوز باشلا یور . بوجهتله بو علمك اصطلاحاتنه ده تماماً تقرر ایتش نظریله باقیله ماز . بونکله برابر ترجمه ده اک معروف و متداول و بالخاصه اصطلاح انجمن ته مظهر تصویب اولان لغاتك قوللانا سنه و هر حالده مباحثك آچیق و آکلاشلماسی قولای اولماسنه دقت ایدلمشدر .

بو کتابده روحیات مسائلی صیره سیله یازلمش اولمقله برابر ، بالخاصه تربیه جهتلرینه عطف نظر دقت اولنمشدر . بو سیله مؤلف کتابی ایچون یازدینی مقدمه ده اثرینه حاکم اولان عقیده نك «روحیه spiritalisme» ذهانی اولدینی سوبلدکدن صوکره بزم ایچون ده پك زیاده حائر اهمیت اولان شو ملاحظه لری یوریدیور : «بوکون بر جوق طرفدن ، اخلاقك کوشه مکه باشلامش ، وجدانلرک

قارارمغه يوز طومش ، عزيم واراده لرك بوزولمش ويا ضلالته دوشمش اولماسندن شكايت اولنيور . اكر معالاسف بوكيفيت طوغرى ايسه ، بونك دواسنى يتشديرمك معلمره عائددر ؛ زيرا قبلره اونلر مأمور ، مقدرات مملكت اونلرك اتندهدر . ملتك تربيه سنده معنوياته ومفكوره ده بيوك بر موقع وحصه ورسينلر ، يارينكى اهل وطنك قبلرلنده آمال عاليه ، اصالت وحيث انسانيه طويغولرينى اويانديرسينلر ؛ قبللرى قوريدان لادربلكدن ، انسانى احساسات جسمانيه نك واحتراصك اسيرى بايان « اتيان » positivisme دن ، انسانك جسارت واميدنى قيران واولدين برينلكرمه pessimisme مکتبلى قوروسونلر !

ايلكه ، وظيفه ، حقه ، عدالت ، الله تعالىه ، والحاصل وجدانك بتون شو ازلى وابدى بيوك مبدألرينه ايماني محافظه ايتك اونلرك بورچيدر ! زيرا روحه قوت وبركت ویرن ايماندر ، روحى دائما ايلرى به سون ، وياپدينى شیدن هیچ طور مقسزین ده بيوکسه چيقاران ، وبرترقى متادينك آلتى و طبعيتك برمانيوه لى کي اولماسه ، لايتاهيلكه طوغرى يوريه ريك وبذل مجهود ايدرك زنکيلشمسند مدار اولان ايماندر . بونک کي انسانلرى بربرينه ياقلاشديران ، طبيعى مساواتسزقلرى محبت واسطه سيله اورتادن قالديران ، هرکسک بربرينه آرقا چيقماسى وقارداشلق ايتسى کي فضيلتلرى اويانديران ، صوف ناسک اشتلافي قولايلاشديران ايمان ، حریت شخصيه نك انکشاف تامى ايله تشکيلات اجتماعيه نك قوتى ، عقل سليه رعایتله ، تأليفه ، يکانه اهل اولان برشيدر . والحاصل قبلره تسليت واستراحت ویرن ، حياتک بونجه آجیلرى ايچنده ، شبهه يي وبونک ايراث ايتديکي آلامى يورکلردن سوروب چيقاران ، شعله قيمتدار اميدى سوندرميوب پارلادان بقا وابدیت فکرى هر زمان اودرجه قوتلى اوله رق يشادان اودکيدر ؟ انسانلر بومعتقدن آيرلقلرى کون نه قدر مريض ونالان اوله جقلردر ! فقط بالحاصه بومعتقدانه ذاهب اولان « روميه » مسلکى منتسبلرى نظرلنده شو خيالات کاذبه محسوسدن باشقه برنشئ اخري اولدينى کي روح ، وظيفه ، والله تعالى صافدلانه برقوة مخيله نك اوهامندن پک باشقه شيلر عداولتمقده ، حیات جانلى برامر باطلدن وياخود امکانك صوك درجه سنه قدر تلذذ ايچون بروسيله دن بسبتون باشقه برشى صايلقمدهدر . »


مقدمه

مؤلف بۇكتاپك قسم نظريسى ايچون عصر حاضر ك لاشليه Lachelier ،
راوهسون Ravaisson ، بوترو Boutroux ، ژانه Janet ليار Liard ،
فوييه Fouillée كې فلسفه استادلرينك ، تربيه ايچون ده Gréard ، بويئسون
Buisson ، په قو Pécaut ، ماريون Marion ، قونپه ره Compayré كې
تربيه معلملرينك اثرلرينه مراجعت ايتديكنى خبر ويريور . بوندن باشقه
رابيه Rabier نك پسيقولوژيسله شاراك Charles فلسفه كتابندن پك بيوك
استفاده لر ايتديكنى لسان شكرانه ياد ايدييور .

مؤلف سوزىنى بىترمزدن اول اثرىنى اوقويانلر ايچون بونكله قناعت ايتيوب
دها بيوك استادلر ك كتابلرينه مراجعت احتياجى طويالرينى وبو صورته فلسفه نك
كنديسنى تقدير ايدنلر ايچون صاقلادىغى لذات لطيفه يى طاقمالرينى تىنى ايدييور . اونك
بوتىنيسنى بزده بو ترجمه يى اوقويانلر ايچون تكرار ايدرز .

محمد علي عيني

۹ مارت ۳۳۱ قزل طوبراق



بِسْمِ اللَّهِ الرَّحْمَنِ الرَّحِيمِ

تربیه عاقله تطبیقاتله برلکده

روحیات درسلی

برنجی درس

تربیه و روحیات

روحیات برعلم اولهرق موجوددر

موضوعی - اصولی

- ۱ — تربیه . تربیه اطفال و روحیات - روحیاتك تعریفی . تجربی روحیات . نظری روحیات - روحیات برعلم اولهرق موجوددر . - روحیاتك برموضوعی وارددر . - مادبونك مدعاسی - ماده مدعاسك قیمتی : تیندال Tyndall و تین Taine . - حادثات روحیه ایله حادثات عضویهك بربرندن فرقی - بوابی صنف حادثاتك بیلنملری بربرندن فرقلیدر - طبیعتلری ده بربرندن آیریدر . تحویل ممکن . - روحیات و فیزیولوجیا .
- تطبیقات عملیه . - تربیه جسمانیك وجوبی - تربیه جسمانیك اقسامی - عمومی حفظ صحت - مکتب حفظ صحتی - ذهنی یورمق - جسمانی ادمانلر . ژیمناستیک . - اویونلر - تربیه جسمانیك معناسی .
- ۲ — روحیاتده اصول : تأمل - اصول تأمل علیهنده اعتراضلر . استبصار خارجینك وجوبی - روحیاتك منابع استعلامی - تأمل ، اصول آفاق ایچون الزمدر - روحیاتده تجربهیه مراجعت اصولی - روحیاتده استقراء - قانون علمی فکری و روحیات .
- تطبیقات عملیه . - روحیاتده اینجهك استعدادی . - خصائصك « خویلك » تنوعی . - حریت - خصائصك علمی .

— ۱ —

تربیه . علم تربیه اطفال و روحیات — تربیه بی برچوق صورتله تعریف ایتشلر .
بونلر مقایسه اولنورسه جمله سنك نهایت شو تعریفه وارده بیله جگنی آکلامق

قولایدر. تربیه، چوجفک - بربرلرینه اویغون اولوق اوزره - قودلرینی، faculté اونی طبیعت انسانیه‌نک متحمل اولدینی کالک الک یوکسک درجه‌سنه ایریشدیره‌جک صورتده تمیه صنعتیدر. فقط هر صنعت بعض بیلکیلرک تطبیقندن عبارتدر. اوحالده بواسمه لایق اولان هر صنعتک مبادیسی اوبیلکیلرک ایچنده‌در؛ واقعا هر شیده، تطبیقات کندینه رهبر اولان نظریاته تابعدر. تربیه‌که دهامشکل ودها نازک برصنعدر یوقانوندن مستثنا دکلددر. صنعت تربیه دخی کندی ایشنی بر حسن نتیجه‌یه ایریشدیرمسی ایچون الزم اولان قواعد نظریه‌یی بیلدیرن (پرواغوری) علمنه تابعدر. بز بو علمه علم تربیه اطفال دیوروز. لکن علم تربیه اطفالده صیقی صیقیه روحیات علمنه تابعدر، یعنی علم تربیه اطفالک توصیه ایتدیکی احکام وقواعد طوغریدن طوغری‌یه حیات معنویه قانونلرندن نشأت ایدر، اویولده‌که هر صنعت تربیه‌نک اساس طبیعی ضروریسی الک نهایت بالذات روحیات علمنه وقوفده‌در.

شبهه‌سز، بوکا چوق وقت اعتراض اولمش. ائی مربی اولوق ایچون، برعلامه اولوق لازم دکل دیمشدر، بر عقل سلیمه، یاخود بر طلاق لسانه مالک اولوق ایچونده منطق قاعده‌لرینی یاخود علم بلاغت دستورلرینی بیلیمکه لزوم یوق دیمشدر. عجباً بر حذاقت فطریه، وبالخاصه تجربه ووظیفه مکلفیه شدتلی بر محبت سایه‌سنده، تربیه نفوس ایچون الک زیاده الویریشلی تدبیرلر بولنه‌مازمی؟ - واقعا بومطالعه طوغریدر؛ بوکا شونی‌ده علاوه ایتلیدر، انسانک احوال نفسیه وروحیه‌سنه عائد قانونلرک مکمل وپک طوغری اوله‌رق بیلنسه بیله، بومعلومات هیچ بر وقت سائنات والهامات قلبیه وتشبثات شخصیه‌نک یرینی طوته‌ماز، یعنی بر چوجنی تربیه ایتک هرشیدن اول اینجه وقلبی برشیدر، خویلدده‌کی باشقلق، طبیعت بشریه‌ده‌کی قرارسزلق، سربست ارادتک ترسلک وعکسیلکلری، علم روحیاتک کشف ایتدیکی قانونلرک هر وقت وامیتله تطبیقه مانع اولور. علم تربیه اطفالده‌ده باشقه شیلرده اولدینی کبی مبادی وقواعد پک صیقی بر صورتده تطبیق حرکتله یا کلش شیلر یایمقدن صاقیمق لازمدر.

فقط بتون بونی تسلیم ایله برابر، بیلیمکی که تربیه، روحیاتک ارشاداتندن واز کچه‌مز. فی‌الحقیقه بر جهندن، غایه اعتباریله، قوای مختلفه‌نک بربرینه اویغون اوله‌رق تمیه‌سی، اوقوه‌لرک نه اولدقلری بیلنمز یاخود بوبیلکی درجه

کفایه‌ده اولمازسه ناصل ممکن اولور؟ دیگر جهتدن وسائط اعتباریه، قوای مذکورهدن هربری اوزرینه ثمره بخش اوله‌حق صورته تأثیر ایتک، اونلرک جمله‌سنه مستعد اولدقلری تربیه‌یی ویرمک، بحربکسز تدیرلر یاخود تهلکلی معامله‌لردن صاقتمق، اونلرک - بنیه ذاتیه وقوانین ترتیب و ترکیب‌لری بیلنمزسه نصل‌قابل اولور؟ انکلیز فیلسوفلردن بریفی «طبیعت، طبیعتک قانونلرینه اطاعت ایدرک حکم اولنه‌بیایر.» دیمشدی. بوسوزک معناسی جسمانیاتده نه قدر طوغری ایسه معنویاتده اوقدر کرچکدر. بوندن ماعدا هر مرینک نه قدر جاهل کورینورسه کورونسون طبیعت انسانیه حقنده، کندی فرقده اولسون اولماسون بعض افکار شخصی‌سی واردر؛ شاید اومرینک مرتب برشکلده مدون ومعین قواعد اصلا تبعیت ایتدیکی ظن اولنسه‌ده، ینه اونک وجداناً و ذوقاً مطلع اولدینی بوقواعد رعایت ایتدیکنه شبهه یوقدر، بناءً علیه اوپله آرزوق مبهم برطویغو یرینه آجیق وقطعی معلوماته صاحب اولسه‌کندینه ضررمی ویرر؟ خلاصه تربیه عادی بر میل فطری ایشی دکلدر، امین یوریمک ایچون، اوکده برسراج منیر ایستر، نه‌یی یایمق ونه‌یی یایماق لازم کلدیکی بیلیمک ایستر، بونک ایچون روحیات علمنی بیلیمک مطلقاً الزمدر.

رومیانک تعریفی. تجربی ونظری رومیات — اوپله ایسه روحیات نه‌در؟ اصطلاح‌ده کوستریورکه بو، «علم روح» در. روح اول امرده تهجات، افکار، عزم واراده‌کی حادثات نفسیه‌نک هیئت مجموعه‌سیدر. بو حادثاتک خصیصه‌سی ظهورلریله برابر باطناً مشعور ومعلوم اولمالریدر، حیات معنویه‌مز بونلردن تشکل ایدر. روحیات بو حادثاتی، قانونلری استنباط ایچون تتبع ایدرسه، «تجربی روحیات» نامنی آلیر. اووقت یالکزر تجربه اوزرینه مؤسس برعلم مثبت دیمکدر، و او دأره خارجه چیقمعه‌ده قالشماز، بونک فیزیق وکیما علملردن برآز ایرماسی تتبع ایتدیکی حادثاتک خصائص خصوصیه‌سیله اونلری طانیق ایچون قبول ایتدیکی اصول سبیلهدر.

بونکله برابر روح ینه باشقه شیدر. مرآت شعورده تجلی نمای ظهور اولان حادثات نهایت اولسه اولسه روحک آثار وعلامتدن عبارت اولوب انجق اونک

مرور دهور ایاه تکاملنه دلالت ایدر لر . بوتقدیرده بالذات روح او حادثاتک مبدئی ، ذاتی ، علتیدر .

روحي بيلمك ديمك ؛ روحك ذاتي نهدر ، كنهی نهشیدر ، جوهر اصلیدی نهدر ، روح جسدن آیریمیدر، یوقسه اونك برمحصله سیمیدر؛ بونلری ده بيلمكدر. عجبا جسدله برابر فنايه محكومیدر، یوقسه بالعكس بقايه مظهر میدر ؛ بومستهلر ، کوریلورکه اولکی مسئله لردن باشقه بر صنفه منسوبدر ؛ ايشته بوصوكره کی سؤالدر نظری روحیاتك موضوعنی تشكیل ایدر . روحیاتك بوقسمنه نظری دینلمه سنك سببی اومستهلرك تجربه ایله دكل یالكز استدلال عقلی ایاه مناقشه اولنه بیله جکندندر. بوجهاه روحیات : « حادثات اخلاقیه ومعنویه ایاه کندی مبدئیرینك علمیدر » دیه تعریف اولنه بیلیر . بونك مکمل اولسی انحق شوا یکی صنف مسائلی احتوا ایتمیله اولور . تجربی روحیات ، نظری روحیاتك مدخل ضروریسیدر ، زیرا: روحك كنه فطریسنی تعینه قالقششق کندیسنی تجلی ایتدیرن حادثاتك اقدجه بیلنمنه متوققدر . دیگر جهتن ، نظری روحیات حادثاتك مثبت بر اصوله تبعاً تبغتك برتمه طبعیه سیدر . شبهه سز ، حادثات مشعوره نك بیلنمنده کندینه مخصوص بر اهمیت و مراقی او یاندیره حق جهتلر وارددر ؛ فقط بوقدرینی بيلمك بزم خصلت تجسسکاریمزی اقناع ایده سز ، بالعكس مراقزی آرتدیرر ، مطلقاً روحك هویت ذاتیه سی، کنهی اعتباریله نه اولدیغنی وبالخاصه ایلریده نه اوله جغنی بيلمك ایسترز. بوكا بکزر بر مسئله ده یقین علمی استحصالی انسانلر ایچون نصیب اولمادیغنی ایستدیکی قدر سویله سونلر ؛ بوسؤاللری قورجالامقدن، وبومسائل عظیمه نك حلنی آرامقدن عقلی دوندرمك ممکن اولمایور !

روحیات بر علم اولورق موهوددر . روحیاتك بر موضوعی وارددر . — عجبا روحیاتك پك محقق بر موجودیتی وارمیدر؛ بر علم موجود اولوق ایچون ایکی شرط الزمدر : برنجیسی معین ، غیر قابل تنزیل بر موضوعی اولماسی ؛ ایکنجیسی بوموضوعك بر صورت علمیه ده بیلنمکه صالح بولمنسی اقتضا ایدر. روحیاتده بوا یکی شرط وارمی ؛ بوكا چوق وقت اعتراض ایتشلردر .

مادبونك سرعاسی . — اولافلاسفهدن مادیون، روحیاتك بویه بر موضوع خاصه مالك اولدیغنی انكار ایاه برابر حادثات روحیه نك باشلی باشنه بر صنف حادثات

اولیوب، بونلرک ان‌نهایت حادثات عضویه به منتهی اوله جقلریخی ادعا ایدرلر. شه‌سز وهله اولاده، برطویغو یاخود بر فکر قیلندن بر حادثه ایله هضم یاخود دوران دم‌کی بر حادثه آره‌سند ههچ بر مشابته یوقدر کی کورینور. بونکله برابر، علم بر صورت قطعی‌ده اثبات ایتشدرکه، الک بسیطدن الک مرکبه، الک حقیرندن الک علویسه قدر، حادثات روحیه‌دن هر برینک شرط ظهوری، یا کن‌دیسندن مقدم و یا کن‌دیسله برابر متحدت بر حادثه عضویه، وبالخاصه مراکز عصبیه‌دن برینک اهتزازیدر. آنجق مادام‌که بویله ایش، حادثات روحیه‌یی نیچون آیری بر جنس صایمه‌لی؟ آنلرک یوقدر صیق بر صورته حرکات دماغیه مربوط اولمالری، بالذات بو حرکات کن‌دیلرندن عبارت اولمالرنددر. بناءً علیه روحیاتی آیری بر علم یا پیغه لزوم یوقدر، بو فیزیولوژیانک آنجق بر فصلیدر.، زیرا: فیزیولوژیانک موضوعی منحصر آ خدمات و وظائف دماغیه‌در.

ماده مدعاسنک قیمتی: تیندال Tyndall و تیه Taine - بو نظریه‌ده، شه‌سز که حقیقتدن بر جزء واردر. روحک وجودینه قائل بجریکسز بر حکیمک یادیغی کی، حیات معنویه‌یی حیات جسمانیه‌دن صورت مطلقه‌ده آیرمق محالدر. حیاتک شرائط حاضره‌سنه کوره، هر فعل نفسی طوغریدن طوغری به بر حادثه عصبیه تابعدر. فقط بویکی صنف حادثاتک شو توکافلندن، بر برلرینک عینی اولدیغه حکم اولته‌بیلیری؟ قلبی بر طویغو «احتساس» ایله اهتزاز عصبی آره‌سند نه‌کی بر مشابته تخیل ایتلیدر؟ «تیندال» ک یادیغی وجهله، عشق دماغه‌یمینی حلزون [۱] شکلده بر حرکت، و عداوت، یساری حلزون شکلده دیگر بر حرکت تقابل ایدر، دینه‌بیلیر. فقط عشقک حرفی حرفه‌ یمینی حلزون شکلده بر حرکت، عداوتک یساری حلزون شکلده دیگر بر حرکت اولدیغی مدافعه ایتک غیر معقول، باطل بر دعوا در.

تیه ده شویله بیان مطالعه ایدیور: «بر احتساس انساننده ماده سنجاییه‌ده تحدت ایدن حرکتک ترتیباتی، ینه اواحتساسک بر احساس صوتی و یا بر احساس رایحه‌وی‌یی، ایقاظ ایتسنه نظراً حاصل اولان فرقلرینی بوشنه اوکرشمش اولورز. نه‌یا پسق الیزه حرکتدن باشقه برشی کچمز، و بر حرکت، نه ماهیته اولورسه اولسون آجیلق و یا برودت احساسنه ههچ بر جهته بکزه‌مز.

[۱] اصطلاح انجمنی بو منحنی به «بریمی» اسنی ورمشدر.

شو ایکی جنس حادثاتک تحلیلی ، آره‌لرنده‌کی کرداب تفاوتی طول‌دیره‌جغه صوکنه قدر آچور ظن اولنیور . « حقیقت حالده‌ده حادثات روحیه ایله حادثات عضویه آره‌سند اویله فرقلر وارکه روحی حادثه‌لرک عضوی حادثه‌لره تنزیلی محالدر .

مادات عضویه ایله مادات روحیه‌نک فرقلری . بو ایکی ماداتک بیلنلری
بربرنره فرقلیر . — برنجی فرق ، بو حادثه‌لرک بیلنلری جهتنددر . حادثات عضویه آنجق حواس واسطه‌سیله ، باشلیجه کوز وال ایله ونیشر ، پرتوسوز و خرده‌یین کبی آلات استعمالیه ادراک اولنه‌بیلیر . کندیمزی ایسته‌دیکمز قدر دیکلیه‌لم و دوشونه‌لم بوشدر ، معدم‌م‌مک هضم یاخود قانم‌مک دوران ایتدیکنی حس ایتیمیز ، بونی باشقه منبعدن اوکرتمک‌کمز ایجاب ایدر . بناءً علیه حادثات عضویه صانکه سسسز صداسز اولوب بیتور . بونک ایچون انسان اونلری یا قلامق و ماهیتلرنی اوکرتمک ایچون چوق وقت صرف ایتمکده‌در: قانک دوران ایتدیکنی آنجق **هاروی Harvey** ، قاره‌جکرک شکر اعمال ایلدیکنی آنجق **فلوید فلوید** **Claud Bernard** دن اعتباراً بیلینشددر . ده‌ا نیجه ایشلر وارکه بدنم‌ز داخلنده اولوب بیتورده خبرم‌ز یوقدر و کشف و تدقیقلری ایلری‌یه قالمشدر ! بوکا مقابل حادثات عضویه‌نک ، کندیم‌زدن زیاده باشقه‌لری اوزرنده استبصار اولماسی ده‌ا قولایددر : قانک نصل دوران یاخود معدم‌نک نصل هضم ایتدیکنی اوزرم‌زده تجربه ایده‌میز ؛ بونک ایچون یا برجسد انسانی‌یی تشریح ایتمک‌کمز یاخود بر حیوان اوزرنده معدم‌سندن بردلیک آچقلغم‌ز لازم‌در . حاصل کلام ، بو حادثات برچوق مستبصرلر طرفندن بردن مشاهده و ادراک اولنه‌بیلیر .

حادثات روحیه‌ایسه‌بستون باشقه‌صورتله‌نمایاندر . اولاحواس واسطه‌سیله‌ادراک‌لری غیرقابلدر . کوزیم‌ز دیدۀ عقاب قدر کسکین اولسه ، اک‌قوتلی خرده‌بینلری‌ده قولالانسه‌ق بوشدر ، احتساسات قلیه‌یی ، یاخود تصورات ذهنیه‌یی خارجدن مشاهده و تیقن ایتمک‌کمز محالدر . شبه‌سزکه ، حواس حادثات روحیه‌نک علائم خارجه‌سنی بزه بیلدیره‌بیلیر ، فقط حادثات مذ‌کوره‌نک بالذات کندیلرینه ایریشمکده عاجز‌درلر: مثلاً کوز یا شلرنی کورورم ، فقط تأثر قلبی‌یی کوره‌م ، اکر اَلَم‌ک نه اولدیفنی ،

ایچمدن او کرشم اولق اوزره بیلیمش اولماسه‌دیم ، کوز یاشلرینک بنجه هیچ برمعناسی اولمایه‌جقدی .

خارجدن بیلنملری غیر قابل اولان حادثات روحیه‌یی ، اوزرنده وقوعه‌کلن آدم درحال ایچریسندن تیقن ایدر ، بو حادثه‌لر صانکه بیلنمکلکری‌ده برابر طاشیورلر ؛ حادثات روحیه‌یه مشعور Conscient تعیری اطلاق اولنمندن قصد اولنان معناده ایشته بودر . ایمدی بر حادثه روحیه ومعنویه ایله اونک بیلنمسی یعنی شعوری بر برندن آیرماز ؛ شاید قلباً بر تأثرم وارسه ، بونی درحال بیلیم ؛ بونک کی نه زمان بر شی دوشونورسم ، یاخود نه زمان بر شی ایسترسیم ، دوشوندیکمی ، ایسته‌دیکمی ونه دوشوندیکمی ، نه ایسته‌دیکمی درحال بیلیم . بناءً علیه حیات معنویه‌نک هر حادثه‌سی کندیسيله برلکده بر نور معنوی‌یی حاملدرکه ، بونور اونی او حادثه‌نک تجلیکاهی اولان شخصه بلامهال الهام ایلر . انسانلر قانلرینک طامارلرنده جولان ایتدیکنی نه قدر اوزون مدت خاطرلرینه بیله‌کتور مامش اولورلرسه اولسونلر ، دوشوندکری‌نی ونه دوشوندکری‌نی هر وقت بیلمشلردر . روح عالنده بیلنامش هیچ بر خدمت اولمدینی کبی کیزلی قالمش هیچ بر حادثه یوقدر . حادثات روحیه‌نک ظهوریله برابر همان ادراک اولملری زمان واحده وقوعه‌کلیر . انجق حادثات روحیه بویله طوغریدن طوغری‌یه بیلنمکه برابر ، بویلنش بسبتون شخصی‌واو حادثاته تجلیکاه اولان ذاته منحصردر : قلباً حس ایتدیکم شیئی درحال بیلیرسه‌مده بونی یالکز بن بیلیم ، باشقه‌لری اونی بیلیمز . نته‌کم باشقه‌لرینک حس ایتدکری ، دوشوندکری شیئی یالکز اونلر بیلیرلر ، بن بیلیم ؛ واقعا شعورم ضیاداردر اما بویالکز بنم ایچوندرد ، اغیار ایچون اوقو قبایلدر ، نته‌کم باشقه‌لرینک شعوری‌ده بنم ایچون قبایلدر .

برایکی صنف ماده‌لرک طبیعتلری‌ده بر برنده آیریمز . — شبه‌سز ، بلکه‌ده شو اعتراضده بولتورلر و دیرلرکه حادثه عضویه ایله حادثه روحیه حادثه واحده‌نک ایکی مختلف وجهیدر ، یعنی ذاتی اعتباریله نه حادثه عضویه در نه‌ده حادثه روحیه‌در ، فقط نظر مزده حواس ایله ادراک ایدرسه‌ک عضویه ، شعور ایله ادراک ایدرسه‌ک رومبه شکلی بالضروره اکتسا ایدیور : ینه بو وجهله ، برشیئی لمس ایله طانیان آنادن طوغمه‌کورلر ، شاید کوزی آجلسه‌ده کندیسنه اوشی کوسترلمش اولسه ، اونلری ایکی مختلف شی خیال ایدر ، دینلور .

بواعراضك بجا ، و آكلاشلمسى قولای اولدیغنی تسلیم ایدم . باطناً شعور واسطه‌سیله ، کوریلن حادثه، خارجاً حواس واسطه‌سیله کوریلن حادثه‌دن هروقت فرقلی اوله‌حق ، تبعه لایق برحادثه اصلیه مقامنده صایله‌جقدر . حقیقت حالده دخی ، حادثه روحیه ، ینه‌کندی ذاتنه متجلی اولماسی کبی برصفت خاصه‌سیله برابر حوصله شعورده و بوتجلاسنده بولندیغنی هیئتله حادثه عضویه‌یه هیچ بر جهتجه بکزه‌مز . حادثه عضویه ، اك صوکره بر حرکته تحول وتنزل ایدیور و اوحیئتله ، برشکله ، برسرعته ، بر استقامته مالک بولنیور . فقط بر احتساسك شکلی نه‌در ؟ خطوطی مستقیمیدر، منحیمیدر؟ بر محبتك سرعتی یاخود بر فکرك استقامتی نه‌در ؟ هرکس تصدیق ایدرکه بوسؤاللر عبدر .

برده حادثه عضویه ، ذرات مادیه‌نك بر تبدیل مکان ایلسی اولدیغندن ساحه بدنده برده مکانی اشغال ایدر ، بوجهتله اونی بر یرده تثبیت ایتمك - بوکا اهرول دیوروز - ممکندر : بناء علیه هضم ایچون معده‌ده ، تنفس ایچون آق جگرلرده تخصیص محل اولنور . فقط بر احتساس یاخود بر فکر ایچون هانکی یری تخصیص ایتملی ؟ قوله‌می ، باغا‌غمی نسبت اوله‌جقدر ؟ حادثات روحیه‌نك مکاندن هیچ نصیبی یوقدر : بونلر منحصرآ زمان ایچنده جریان ایدرلر . واقعا بین‌الناس محبتك مکانی قلب عد اولنور ؟ فقط بیلدیکمز شو صنوبری الشکل قلبدنه محبت بکزر هیچ برشی یوقدر ؟ یالکز انفعالات نفسانیه‌نك شدتنه کوره آزچوق قوتلی و سریع ضربانلر بولنور . کذلک آله پرمقده یاخود باشده تخصیص مکان اولنور ؛ انجق بوبرتوهم اثریدر . زیرا: احلال اولنان شی ألك کندی دکل، انك شرطی اولان تشوش عصیدر .

والحاصل ، حادثه عضویه قابل تقدیر و مساحه‌در ؛ الی‌المركز centripète وعن‌المركز centrifuge دینلن عصی جریانلرک سرعتی، مختلف یمکدرک هضمی ایچون مقتضی زمان ، یاخود فاصله معین ایچنده نبضلرک ضربانی عددی بوجهله حساب اولنمشدر . بوصورتله الی‌المركز جریانك سرعتی عن‌المركز جریانك سرعتدن یا‌دها بیوک و یا‌دها کوچک دینه‌بیلیر، و بر عدد معینله نسبتلری افاده اولنه‌بیلیر، ناصلکه صیتمه ائناسنده نبض حال صحتنه نسبتله ایکی اوچ دفعه فضله آتار دینه‌بیلیر . فقط حادثات روحیه‌نی انصل اولچملی ؛ شه‌سز، بر احتساسك دیگر بر احتساسدن

دها شدید اولدیغنی شعور ایله حس ایدرز ؟ مثلاً : برطوب سسی برتفك سسندن دها قوتلیدر؛ فقط قاچ دفعه؛ بونی بحق اولچمك امکان خارچنده در. بوامكانسزلق، روحك دها مجرد ودها صاف کیفیات وحادثاتی تقدیر مسئله سنده دها زیاده صحیح و ثابتدر . مثلاً : ایکی محبتدن برینك دیکرینه قاچ دفعه فائق اولدیغنی موازنه املنه کیم جسارت ایده بیایر ؟ اراقامك بوراده هیچ یری یوقدر ؟ وبویله شیلر ایچون قوللانیله حق رقلر پك قبا رموز اولور .

نحویل بر جهنده ممکندر . — والحاصل حادثات روحیه نك حادثات عضویه به تحویل ممکن دکلدر. نهایت ایسته نیرسه اولکیلرک شرطلری ایکنجیلرده در دینه بیلیر. فقط هیچ بروقت بونلر بربرینك عیندر دینه مز . بوندن ماعدا بو خصوصده برتحویل ممکن اولسه یدی ، حادثات عضویه بی حادثات روحیه به نسبت وارجاع ایتك دها موافق اولیه جقمیدی ؟ حادثات عضویه نك حرکاتدن عبارت اولدیغنی سولیشدك ؛ حرکت ایسه وضعیاتك برترکیندن عبارتدر، ناصل که عددده واحدلرک ترکیندن متحصلدر ؛ فقط بویله برترکی پیامغه آنجق عقل سلیم مستعددر . بر حقیقت خارجه مطلقه اولمقدن بعید اولان حرکت، آنجق ذهناً موجود اوله بیلیر. دیمك که حرکت برعمل نفسی وذهنیک محصله سیدر ، بر فعل شعوردر ، بوتقدیرده اونك استفاده سنه ، شعورك حذفه قالشقم ، آچیقجه سی شعور یوقدر دیمك بالذات حرکتی اورته دن قالدیرمق دیمکدر .

روحیات و فیزیولوژیا . — اولیه ایسه روحیات ایله فیزیولوژیا آیری ایکی علمدر ؛ بونکه برابر بربر لرینه قارشیلقلی خدمت ایدرلر.

روحیات متخصصی فیزیولوژیایه مراجعتدن قورقما لیدر ، شرائطی دماغده اولان احساس ، خیال کبی ، شعورك کندیسنه اخبار ایتدیکی بعض حادثات ایله تشوشات عضویه دن متولد بعض امراض روحانییه یی ایضاح ایچون فیزیولوژیا اوکا لازمدر . کذلک حیات معنویه نك حیات عضویه ایله اولان شو تکافلی روحیات متخصصنك پك آز ممکن اولقله برابر ، بعضاً تجربه کبی نتایجی مبذول براصوله ده مراجعت ایده بیلیمنه مساعده بخش امکان اولور .

فقط ، بروحیات متخصصنك علم بدناه هر درلو مناسبته بولمقدن تحاشی ایتدیکی ناصل معقول کورلرزه ، بر فیزیولوژیا عالمنك ده بر آدمك یالکز یشامق

ودوشونمکله اکتسابه مستعد اولدینی علم فطری درجه‌سنده اولسون ، روحیاته بیکانه اولماسنی عقل دها زیاده قبول ایتمز . اکر استبصار ایله مشهودی اولان اک مهم عضولرک حرکات یاخود خدمت مکلفه‌سک آثارینی بیلمک یعنی علمی برایش یایمق ایسترسه ، شعورک انبآت واعلاماتنه مراجعت ایلسی الزمدر . آرتق بوراسی تام آرسطو ایله برابر : « هرشیده سفلیاتک بیلنمسی علویاتک بیلنمسی ایچون الزمدر » دیمه‌نک یریدر . فقط علویاتک علمی نوبت کندیسنه کنججه ، سفلیاتک علمنه یکی بر شعشعه نشر ایدر .

تطبیقات عملیه . — تربیه جسمانیه نك الزمینی . — اکر نظریات نقطه نظرندن علم روحی علم بدنن کلیاً آیرمق بادی تأسف اولور ایسه ، بوکا تطبیقات نقطه نظرندن دها چوق تأسف اولور . شعور ، بالخاصه ، وجودک یکی وعالی بر صورتنه دال اولدیغندن بعض صور حقیره اونک ناظم احوالی اولمقده وکندیسى دائماً اونلره تابع بولنمقده در : تربیه‌نک بونی اونوتمامسی مقتضیدر . بز نفوس مجردة محضه دکلز ، بنیه عضومیزک ایجاباتنه رعایتله هر وقت مکلفز ؛ طاقات حیویه بالجله دیگر قوتلرک مداریدر . بدنی نسیان ویاتدلیک بهمه‌حال جزاسی چکیلیر . بوسیله تربیه جسمانیه الزم واهمدر .

واقعاً برجهندن ، صحت بدنی اخلال ، قوه زندکیسنی تهوین ایدن هرشی ، روحده تاثیر ایله اونده بر تشوش ، برضعف حصوله کثیرر . دیگر جهندن قوای عقلیه‌نک سربستجه ایشلمه‌سی ، قوه مدرکه‌نک محکمیتی واراده‌نک جلادتى ، خلاصه بر موازنه سعادتبخشا ایچون صاغ ، سالم ، متناسب برینه قدر هیچ برشی مؤثر و نافذ دکلدرد . **یامقالک** شوسوزینی تخطر ایدهلم : « انسان نه ملک ، نه بیه‌مدر » شه‌سز ملکیت درجه‌سنه ارتقایه چالیشهلم ، فقط بهیمیت ایجاباتی‌ده اونوتمایهلم . اکر بونک مقتضیات و حقوقی اصلاً نظر اعتنایه آلازسه ق ، چوق کچمه‌دن کورورزکه ، غایه‌مزنه نه قدر علوی اولورسه اولسون ایریشمک ایچون ، چاره‌لرک برنجیسنی ، اک ضروریسنی اونوتمشز . اسکیلر ، بالخاصه یونانیلر تربیه بدنییه روحک تربیه‌سیله برلکده وبردرجده اعتنا لازم کلدیکنی اینی آکلامشلردی . « سالم بربدنده سلیم برروح » اونلرک مفکوره‌سی ایدی . قرون وسطاده ، خرستیان زاهدلری بدنی حقیر برقفس عد ایله بونک اولسه

اولسه اذایه لایق اولدیغنی ظن ایدرلردی ، دیمک که یونانیلر ایشی اونلردن ایی آکلامشلردی . [۸]

تربیۀ جسمانیۀ اقسامی — حفظ صحت عمومی، حفظ صحت مطاب — تربیۀ جسمانیۀ مضاعفدر . اولاً : بدنک طاقات طبیعیہ سنی تمامیلہ محافظہ ایتک اقتضا ایلر . اوندن صکرہ بونلری قوتلندیرمک وکندیلرینی مستعد اولدقلری درجہده انکشاف ایتدیرمک ایستر .

برنجی غایہ یه ایریشمک ایچون، حفظ صحت قواعدینه واقفانه رعایتدن باشقه چاره یوقدر . واقعا بوبرنوع طبابت واقیه در، خسته لقلرک اوکنی آغہ وصحتی محافظہ ایتمک یارار . بوکا بالخاصہ چوجقلق زمانی دقت لازمدر . زیرا اووقت چوجقلرک بدنۑ ضعیفدر ، ایچنده بولندقلری محیطک شرائطہ هنوز آلتما مشلردر . بونک ایچون ابون کوزلرینی ایجه آچیلدر . چوجقلره ویریلہ جک یمکلمده عاقلانه تنظیم اولنمیلدر . غیر کافی اولماسنی سوبلمک حاجت وارمی ؟ چوقده اوزلی وقوتلی اولماسنی لازمدر . زیرا : بدن اوکبی قوتلی یمکلمری تمثیل ایدہ منر . البسه ایچونده بویله : نه چوق خفیف ، نه چوق قالین وصیجا ، نه پک کنیش ، نه پک طار اولمالی . بر اهمال ، بر احتیاط سزلق مشوم نتیجه لرہ منجر اولماسده ، بعضاً پک یهالی یه مال اولور . شہ سز بوتون بوشیلرده ایشک خیرلیسی اوسطیدر . لزومندن فضله اعتنا و محبت ، چوجنی نہایت کوشه دیر ، تأثیرات خارجه یه اسیر ایدر . بالعکس وقتیلہ لورہ Locke ک توصیه ایتدیکی وجهله چوجنی پککشدیرمک چالشملی ، صیجاغه صوئوغه طایانمہ ، آچلمہ طوقلمہ بالخاصہ المہ قاتلانمہ آشدیرملی ، بویله یاپیلیرسه چوجق دها ارکک اولور ، نفسنی دها قولای ضبطه مقتدر وکندینه صاحب اولور .

هپسی بوقدر درکل : آنا بابا چوجنک تمیزلکنده مقید اولمالی ؛ حامده چوجنک وجودینی تکمیل ییقاملی ، هر کون النی یوزینی آیاقلرینی یومق ، خلاصہ آبدست آلدیرمق اک ابتدائی حفظ صحتک احکامی جمله سندنذر . بونلر خسته لق وقوعنه وخسته لک سرایتنه مانع اوله جق اک جدی تدبیرلردندر . فقط چوجغه

[۸] اقوم شرایع اولان شریعت اسلامیہده بدنیزک هر عضوینک حقنی کوزتمک کمز امر ییورلشدیر . (مترجک)

بالخاصه بدننه رعایت ایتمسی اوکره‌تم، اوکا کوسره‌لم که تمیزک بر فضایتدر، دها قلبی ودها قیمتدار دیگر صفاتک نشان‌سیدر. بو سببله، آنا بابایه بو خصوصده یاردم وایشلرینی اکیل ایتک، چوجنه بالخاصه صحتک اک مهم قانونلرینی اوکرتمک و بو قانونلره رعایت ایتمینلری، ولوعادی براحتیاطسزلق سببله‌ده اولسه، طبیعتک کال سرعتله جزالتدیردینغی سویلک ائی بر معلمک وظیفه‌سیدر.

حفظ صحت عمومیه‌نک یاننده دیگر خصوصی بر حفظ صحت‌ده واردر که بزمه خاصه تعلقی واردر. بو، حفظ صحت مکاتبدر. مکتب بنائی قصورسز اولمالی، رطوبت، صوتوق، ازدحامی موجب اوله‌جق درجده طارلق، الویره‌جک قدر هوالندرماق چوجنک صحتنه مضردر؛ خسته‌لنی دعوت ایدر، سرائی تسهیل ایلر، بدنک نحافت واضطرابه سبب اولور. تنویراته‌ده باقلی، زیرا: بوده کوزلرک صحتی ایچون پک مهمدر. درس‌خانه‌لرک درجه حرارتنه، واطه‌لرک نه واسطه ایله ایستدیریله‌جغه‌ده دقت ایتلی. مکتب اشیاسی‌ده قصورلی اولمالی. ماصه‌لر نه پک یوکسک، نه پک آلاقی اولمالی، ماصه ایله صیره آردنده‌کی مسافه فضله اولمالی، چوجق طوغری طورملی، صیره‌نک کنارینه کوکسنی طیاماملی. بوتدیرلر فائده‌سز عد اولنه‌ماز؛ بالعکس بدنک شکلی، صحت، و خاصه کوزک سلامتی ایچون پک زیاده مهمدر. هله کوزک‌بی عزیز برعضوی مکتب طلبه‌سی آردنده پک چوق کوربان قصر بصردن محافظه ایتک نه قدر لازمدر. بناءً علیه چوجوقلرک تعلیم و تربیه‌سنه تخصیص اولنان محللرک انشا آتیله تفریشات و ترتیبانه عائد بالجمله امورک مأمورین حکومتک مظهر دقت و اهتمامی اولمالی حقایدر. (بو بابد و طنمزک بالخاصه بعض جهتلرنده اولدجه آثار ترقی کورلمکده‌در. واقعا اسکی زمانک یری حصرلی، نجره‌لرینه جام یرینه کاغد طاقلی، طاوانی باصیق، رطوبتلی قاراکلق محله‌مکتبلری، هیچ اولمازسه بیوک شهرلر مزدن قالقمشدر. فقط دها پابه‌جق پک چوق شیلر واردر. هله انقاضی هر طرفده تأسفله کوزه چارپان مسجد، مکتب، چشمه‌کی مؤسسات خیره اوزرنده اسملرینی کوردیکمز اسکی وقتلرک صاحب‌الحیات و الحسانلرینه امثال ایله اعانات تقدیه و عینیه ویره‌رک معارف نظارتک بو خصوصده‌کی مساعی عالیه‌سنی قولایلاشدیرملری صاحب اقتدار وطنداشلمزک حمتلرندن بکله‌نور [۱])

ذهنی یورم — بوندن ماعدا دیگر بعض شیلره اهتم ایتمک لازمدر .
 زمانمزه ذهنی یورمق علیهنده نه قدر اعتراض واقع اولدینی معلومدر . دینورکه
 ذهن یورغونلخی قانی ضعیفله تیر ، بدنی پیراتیر ، صولدور ، وقتدن اول بیتیر .
 بو حال چوجوقلمزك حیاتی ایچون وخیم برتهلکه اولدینی کبی عرق دینجلکنی
 خطرده دوشورور . بوسبیله مکتب پروغراملرینک طاشقنلغنه وطلبه‌نک بر چوق
 شیلر اوکرنمسه اجبار ایدلمسه قارشى پک چوق شدتلی اعتراضلر وقوع بولمشر .
 بلکه شو ذهن یورغونلخی ادعا اولدینی قدر موجوددکلدر . بلکهده اوقدر مشوم
 دکلدر ، فقط شونی اعتراف ایتلدر که طلبه‌دن انجق بر آزی لزومندن فضلہ چالیشورلر .
 بونکله برابر اونلری بوحالده منع ایده‌جک چاره ندر ؟ قباحث پروغراملردن زیاده
 مکتبه قبول اولنق وحیاده تأمین موفقیت ایتک ایچون طلبه‌نک کچیرمکه مجبور طوتدقلری
 مسابقه امتحانلرنده در . اومسابقه لرایسه بالضروره طلبه آرسنده رقابتی اوایندیریور .
 فقط استقبال اندیشه‌سی ، بو استقبالی دوچار تهلکه ایده‌جک قدر افراطه وارماملیدر .
 احتیاط بعضاً حرص جاه ویاخود حس تفاخرک اوکنه کچمکی بیلملیدر . ذهنک ،
 زمان زمان دیکله نمسی الزمدر . بالجمله احوالده ، تنفس واکلنجه پک مهمدر .
 مکتبه تنفس وقلری نظام ایجابنددر . چوجقلمک یاشی نه قدر کوچک و مقدارلری
 نه قدر زیاده اولورسه تنفس وقلری ده اوقدر چوق اولور . یالکز باشنه چالشدینی
 وقتده ، کندینی دیکلندیرمکه نفسی مجبور ایتلیدر . سعی ذهندن آزاده قالان
 بوساعتلر هیچ بر وقت ضایع اولمش صاییلماز . چالشدقندن صکره دیکلنمک ،
 ینه چالشمه‌نک ، اوکره‌نیلن شیئی کوزلجه بنسمه‌نک ، نفسه ویریلن زحمتک ثمراتی
 طوپلامه‌نک شرط الزمیدر .

جسمانی ادمانر — فقط یالکز صحتی وقوای بدنی تهدیدایدن شیلردن چکنمک
 الویرمز . بونی دها صاعلام ودها چویک یامغه‌ده چالشمیلیدر . تربیه جسمانی‌نک
 قسم مثبتی بودر . بوبابده جسمانی ادمانلر کندیلکندن واجب اولور . هم‌بوادمانلر
 اک سالم وفانده‌لی شیلردر . اسکی یونانیلرده بویله ادمانلرک نه قدر معتبر اولدقلرینی
 تاریخ خیر ویریور . اونلر بدنه عادات ایدرلردی . عضولرینک چویکلکنی
 وقوتی آرتدیرمعی ، بویلرینی بوسلرینی دوزله‌تمکی ، قوای حیاتیله‌رینی تاس تمام
 انکشاف ایتدیرمکی عاداتا برفن حالته قویمشلردی . یونانیلر عنده کوزل بریدن

ایله کوزل برروح بربرندن آیرماز شیلر ایدی . انسان تام اولمق ایچون «هم کوزل و هم نافع اولمالیدر» دیرلردی . اولر طوغری دوشنیورلردی . جسمانی ادمانلر بتون وظائف عضویه یی تنیه ایلر ، قانک دوراتی حیزلانیدیرر ، بدنی تقویه ایلر ، زنده لکی وقوتی آرتدیرر . بونکله برابر روحه ده پک فرح ویریحی تأثیرلری اولور ، صفات حسنه اخلاقیه یی ، شجاعتی ، اعتدال دمی ، صبری تنیه ایدر ، خوی تعدیل ، قوه اراده یی اعمال ایلر ، بوندن ماعدا قوای جسمانیه نك طاشقنلغی سببیه هرجنس احتیاضات قلبی طوتوشدیردینی و بدنی بیزار ایتدیکی بریاشده ، جسمانی ادمانلر فضله شدت و تهورلره ، جان صیقیجی خولیلر قورمغه مانع اولور ، دماغی تصفیه ایلر .

ژیمناستیکه — جسمانی ادمانلر ژیمناستیک ایله اویونلری حاویدر . [آنالرمز جسمانی ادمانلرک اهمیتنی پک ایی تقدیر ایتمشلردی . بونک اگ جانلی دلیلی آناتولینک حالا بعض یرلرنده جمعه کونلری برچوق کنجلرک قصبه لرینک معین بر میدانه کیدوب دکنک آتمه لری و آت اویناتمه لیدر . [۱]

فرانسه یه ژیمناستیک ۱۸۱۶ سنه سنده آمورو Amoros طرفندن صوقلمشدر . اولاهریکی شی کبی پک زیاده رغبت بولمش و بوندن اولاد وطنک حیات تازمه یولماسی ایچون بیوک شیلر بکلنمشدر . بوسبیله اولجه مکاتب تالیه ، ده ا صکره مکاتب ابتدائیه قبول ایدلشدر . ژیمناستیک ، ماهیتی ایجابندن اوله رق ، امر ایتدیکی حرکتلرک تنوعی ، حکم ایلدیکی ادمانلرک چوقلغی ، ایسته دیکی آتسارک دورلو دورلو اولماسی سایه سنده اعضای بدنی ، عضلاتی علمی بر صورتده تشکیل ایتمه مستعد بر تربیه بدنه بکزمه یوردی . بوکون ژیمناستیک اعتباردن براز دوشمش کیدر .

سپنسر Spencer دیورکه شه سز ژیمناستیک هیچ یوقدن اییدر ، فقط بیوک بردگری یوقدر . سپنسرک ژیمناستیکه اعتراضی قوای بدنی آهنگدار بر صورتده تنیه ایده جکنه اعضادن یالکزر قسمنی قوتلندیرمسنه در ؛ فقط اگ زیاده یکنسق ، وچو جقلرک اکثریسی ایچون جان صیقیجی اولغله ژیمناستیک ایته ام ایله رکه ، چو جقلرک بویه امر آتنده مرتب و موضع حرکتلردن بر لذت طویمه دقلرینی و صحت بدنلری ایچون بونلردن هیچ بر استفاده ایتدکلرینی سویلور . دیگر بعضلری ده دیورلرکه ادمانلرک آره سنده کی فاصله پک اوزوندیر ؛ بوسبیله

بودمانلر فائده سزدرد؛ مكره كه چو جقدن هر دفعه سنده مفرط برسى ايسته نه، بوده بشقه درلو بر يورغونلقدرد. والحاصل بعضلى ادعا ايدييورلر كه ژيمناستيق انجق بوكا استعدادى اولان پك آز كيمسه لرى علاقه دار ايده بيلير، ويا لكز بعض جانباز ويا بعض كورشجى پهوانلر يتشديرمه يارار.

بوتون بوسوزلر دوغرى اوله بيلير. فقط قباحث ژيمناستيك دكل، آكا عائد نظاملركدرد. بويحيآ لزومندن پك فضله صنعى ژيمناستيك ياننده، دها طبيعى، دها سربست بر ژيمناستيق واردركه فائده لى خدمتلى ايده بيلير: بونلر يايا يوريمك، كزينتيلر ياييق، آچيق هوا ده ياريش و آتى ياريش ويا بر كيمه يى «سپور» ايچون حاضرلامق كې شيلردرد. ايسته بونلر دنيانك بوتون ژيمناستيكلرندن دها قيمتداردرد. بونكه برابر ژيمناستيكى پك ذم ايتيمل. اى بر معلمه تصادف اولنورسه، نه جان صيقليز ونه وقت غائب ايدلش اولور. بو تقديرده ژيمناستيق ارلك چو جققلر كى قيزلر ايچون ده فائده ليدرد. واقعا، ايكي طاقيم آره سنده كى جنس و بيه فرقنى انكار ايتيورز و كرك ارلك و كرك قيزلر كى عيى ادمانلرى يايمنسى توصيه ايتيورز. بونكه برابر وطنه بهادر عسكرلر يتشديرمك ايچون، ارلك چو جققلر كى ژيمناستيكه مجبور طوتللى امر اولمقله برابر قيز چو جققلر كى ده اويله معزز بر خدمتلى اوله جنى تخطر اولمليدرد. بناء عليه اونلر كى دها نازك اولان بدنلرينه اهمام ايله صلابت لازمه يى ويرمك ايجاب ايدركه بونلر ده كنديلر نى بلكه ين آغر چله لردن تهلكه سز قور توله بياسونلر.

اوبونلر — يوقاريده ژيمناستيك بلكه ده استحقاقى اولمادىنى حالده اوغرا دىنى رغبته سز لكدن بحث ايدركن اويونلر كى اونلره پك فائق اولديغنى اشرا ب ايتشدك. «اويونلر كى ايكي شئى واردركه قيمته بها بچلمز، بونلر شومعهود مصنع ادمانلر ده اولميان شيلردركه برسى حرىت، ديكرى صفادر» فى الحقيقه، اويون فعاليتك كنديلكندن انبساطى، وجودك سربسته انكشافيدرد؛ اويون براحتياج طبيعيك نتيجه سى اولوب هر وقت شوق و شطارتله مختزج، و بوتون چو جققلر كى مرغوبيدرد، انسانه يورغونلق ويرمز، زيرا بويله برشى حس اولوتجه درحال براقيلير. هر ياشه، هر جنسه كوره آز چوق ساده، آز چوق كورولتلى، فقط هر وقت جاذب دورلو اويونلر واردرد. تميز آچيق برهواده، او كوزل كوك قبه سى آلتنده، بارلاق

کونشک نورلری ایچنده صیق آغاجلرک کولککلری آلتنده یاپیلان اویونلر هرجهندن اعلا وبدنک بوتون اعضاسنه منفعتبخشادر . صوگ درجده عملی اولان انکلیزلر ، بونی ای بیلورلر . بناءً علیه پروگراملرنده اویونلرایچون الک بیوک بریر آیرمشلردر . « اویونلر برنجی صیره ده کلپور . کتاپلر ایکنجی ده ؛ قریکت اوینامق ، کورهک چکمک ، یلکنلی کمی قوللانمق ، آولانمق ، آته ینمک ، یوزمک ، یومروق اوروشمق ، سلاح قوللانمق ؛ دلیقانلیلرک الک مراقلی مفید مشغله لرندندر . »

هرحاله اویون صحتک الک ایی مکتیدر . آدمک یناقلرینه قان ویریر ، اتلرینی قوتلندیرر ، کوکسی کنیشله تیر ، متنوع وظائف بدنییه یی تسریع ایلر ، بوتون وجودی تمیزلر ؛ صوکره انسانک کیفی ، نشه سنی ادامه ایدر ؛ هم بونلرک جمله سی ده قوت شکلنه کیرر ، زیرا : قوت علاجلرینک الک تاثیرلیسی سعادتدر . « اویون ، الک چویک بناءً علیه الک ایی کلنجه در . صنف خارجنده چوجق ایی اکلندیکی وقت ایچریده آرتق اکلنمک احتیاجنی طویمایه رق ، ده ایی چالیشیر . ذهن دها آچق ودها طوغری وطبیعت دها اوصلی اولور . زیرا : سینزلر یاتشمشدر ، دیمک هرشیته برنقی وار ، خواجه یه اطاعته وارنجه یه قدر .

اویون ، چوجقلر آرمسده سویشمه نک ، اقتضاسنده بربرینه آرقه چیقمانک ده مکتیدر . بویکی خصلت فضائل اجتماعیه نک الک کوزلرندندر . حریتک ده ایلک تجربه لری ، اویون دکلیدر ؛ والحاصل ، اویون صفوت اخلاقک نکهبانی واکثریا وجدانلرک تطهیر وتصحیحیدر .

تربیه جسمانیه نک معناسی — بویکی تربیه جسمانیه نک معناسی نه اولدیغنی بزه آکلاتیر ؛ یعنی اوننی برغایه دکل برواسطه اوله رق کورمیلیدر . شهبه سز جسمانی ادمانلرک اهمیتی آکلامش اولدقلرندن دولای انکلیزلری ثنا ایده بیلیرلر . فقط اولنرده بوادمانلری براز افراطه واردرماملریمیدر ؛ عجباً بوتون امل وفکرینی یالکز ایی یومروق آتمغه صرف وحصر ایتک بر آدمک شاننه صحیحاً لایقمیدر ؛ اولا احتیاجات حیوانیه مزنی تسویه مجبوریتده ایسه کده اونوتمایم که بز یالکز حیوان دکلز . ژیمناستیکه پک بیوک بر موقع ویرمش اولان افطوطیه اونکله برابر موسیقی ده تعلیم اولماسنی بحق ایسته مشدی . اونک بوندن مقصدی عقل وقلبک تربیه سی لزومی ده آکلاتمقدی ، زیرا تربیه یالکز جسمانی اولورسه

ارواحہ قابل ویرر، دیردی . فی الحقیقہ یالکز بدنہ خدمت جوق کچمہ دن اخلاقہ غلظت ایرات ایتدیکی کچی، معنوی و روحانی ظرافت و زاکتک ضررینہ ، یالکز قوہ مادیہ اطاعت و رعایتی استلزام ایدر .

بدنہ اشتغال ایدلم ، فقط روحہ خدمت نیتله ؛ بدنہ باقالم فقط اونک علائق و قیودندن دها قولای قورتوله بیلرک، ذهنمزی دها سربست و دها مستقل پایه بیللمک ایچون باقالم : مفکوره مز ، روح صافک حیات صافدر . فقط شو حیات حاضرہ دن اعتباراً ، امکان مساعد اولدینی درجہ ده ، اوکا نائل اولق ایچون بدنک ده امکان درجہ سنده صاغ اولماسی لازمدر . چوق اسکیدن برسوز دیمشردر : « بدن ، قوتلی اولدینی وقت سوز دیکهر ، ضعیفله دیکی وقت امر ایدر . »

۲

روحیاتده اصول Méthode psychologique

تأمل — Réflexion — روحیاتک بر موضوعی وار ، فقط عقل او موضوعی علمی بر صورتده طانیق ایچون بر اصول حاضر لامشمی؟ شہه سز، روحیات ریاضیاته امثالاً اتی à priori [۱] بر شکلده یالکز تعلیل Déduction قوتیه تأسس ایدمز . زیرا تعلیل بعض مبادی و قوانینک اولجه بیلنمش اولماسنی استلزام ایدرکه کندیس ده صکره اونک نتیجه لرینی استنباط و توسیع ایلر ، روحیات ایسه ایشته او مبادی بی اوکر نمکه چالیشور . روحیات فیزیک و کیمیا کچی تجربه خارجهیه و اونی تعمیقاً کلن استقرأ induction اوزریندهه ابتسا ایدمز . زیرا حادثات روحیه حواسک دائره ادراکنه کیرمیور . فقط بوکا باقهرق ، روحیاتک اصولی یوقدر دیرسک پک عجله ایتش اولورز .

اولجه سویله دیکمز وجهله هر حادثه روحیه مشعوره در ، یعنی هانکی ذاتک اوزرنده تجلی ایتش ایسه اونک طرفندن درحال وبلا واسطه متیقندر . شہه سز، بویله بنفسه متحدث و فطری بر احتساس ، علمک طلب ایتدیکی وجهله ، متبایز [۱] اصطلاحات علیه انجمنده بوکا (قبل التجربه — وبالاختصار — قبل) تعبیر ایدلشدر .

بر بیلگی اوله‌ماز ؛ فقط انسان کندینی طویلا یوب نفسنی مراقبه و نظر دقتنی نفسنده کچن شیلر اوزرینه تثبیت ایلک اقتدارینه مالکدر ؛ بو واسطه ایلده نفسک حادثات متنوعه‌سی حقنده ده‌ا صریح بر فکر اکتساب ایدر . ایشته انکلیز لرنک introspection دیدکلری بو تأمل Reflexion روحیاتک اصولیدر .

اصول تأمل علیه‌نزه اعتراضلر — شعور واسطه‌سیله مکتسب بو بیلگی حقنده ایکی درلو اعتراض ایدلشددر : اول باول بو واسطه ایله بر علم اکتسابی محال ویا عقیمدر دیمش لر . محالدر ، زیرا جوهر نفسی *Sujet* نك بری ناظر دیکری منظور اولوق اوزره ایکی‌یه آیرلسی قابل دکلدر؛ عقیمدر، زیرا او بیلگی دائماً حادثه‌دن صکره وقوع بولیور، حتی تتبئی مطلوب حادثه‌ی ازاله ایدیور: مثلاً شدتلی بر غضب حالتی تحلیل مطلوب اولسه بو حال یالکیز تعدل ایتش دکل چوقدن کچمشدر . اوتقدیرده میدانده اولمایان شیئی ناصل تدقیق ایده‌بیلیرسکیز ؛ بوتون بو سوزلر تزویرات محضه‌در . تأملک امکانه اعتراض ایتک اونک کرچک اولدیغنی اثبات ایتدکدر: فی‌الحقیقه اونک نه اولدیغنی بیلندیکی واونک یالکیز تأمل واسطه‌سیله بیلنه‌بیله‌جکی اعتراف ایدلمش اولیور . بوندن باشقه انسانک کندیسنی مشاهده ایده‌بیله‌جکدنک دلیل ، کندیسنی مشاهده ایتسیدر . برده انسان بر فعلده ایکن نفسنی تدقیق ایده‌مسه بیله ، او فعلدن صکره حافظه واسطه‌سیله بو تفتیشی یاپار، حافظه اوفعلک صفحاتی اوکا عیناً کوسترتد . بوندن ماعدا اگر بو اعتراضلر برشی اثبات ایتسه‌یدی ، ده‌ا فضله شیلری اثبات ایتش اولوردی ، یعنی یالکیز روحیاتک وجودینی قالدردماز ، اساسی مشاهده‌یه مستند اولان دیکر علملری‌ده الغا ایتش اولوردی؛ زیرا او علملرک بزه بیلدیردیکی شیلر، فی‌نهایه‌الامر، اشیانک بالذات کندیلری دکل او اشیانک بزده حاصل ایتدکلری تأثیرات ، یعنی خالص بعض حالات شعوریه‌در .

بواعتراضلردن باشقه، استبصار خارجی‌ایچون بر قیمت علمیه‌سی یوقدر دیورلر . واقعا علم ، فرده مخصوص غیرثابت شیلری اهل ایله ، کلی ودائی اولان شیلرله اوغراشیور . فقط، روحیات عالمی، منحصرأ کندی نفسنه عطف نظر تتبع ایدرک آتیجی نك بر روحی ، یعنی کندی روح ذاتیسنی تدقیق ایده‌بیلیر : اوراده تصادف ایتدیکی شیلرک باشقه‌سنگ روحلرنده بولئوب بولمادیغنی کیم بیلیر ؛ ذاتی اولان

شیئی عارضیدن ، جزئیلری کلیدلردن ، ممکن و اجیدن ، « فانی بی باقیدن » ناصل سچه بیلجهك ؟ ایمدی او عالمك یا بهجفی رساله مخصوصه احتمال که مفید و مراقلی بر شی اولور ، فقط قیمت علمیه سی اولماز .

دها باشقه اعتراض ده وارددر: برشیئی مثلاً صوبی علماً بیلمك ، اونك هانکی عنصرلردن مترکب اولدیغی ، وبو عناصرك برلشوب صوبی تشکیل ایتك ایچون هانکی قانونه تابع اولدقلرینی بیلمك ، یعنی او شیئی اولاً اجزاسنه تفریق، بعده یکیدن ترکیب ایلکدر . فقط ، نفسك حیاته تعلق ایدن خصوصاتده ، بز نه بویه برتحلیل یاپاییلیرز، نه ده بویه برترکیب . استبصار نفسی بز یالکز حادثاتی، شعورك اونلره بالطبع ویره جکی وحدت داخلنده کوسترر، یوقسه اونلری عناصرینه آیرمغه، وبو عناصرك ترکیب مدار اولان قانونلری بیلدیرمکه مقتدر دکدر . بو صورتله روحیات عالمی ، مرکب اولان شیئی بسیط صائمش اولور . والحاصل کندی نفسی مراقبه به باشلادیغی وقت طبیعت انسانیه سی متکمل و متشکل بر حالده اولدیغندن کیفیات مکتسبه نی قولایجه، اونك کیفیات فطریه سندن ظن ایده جك ، مشتق اولان شیلری اولدن موجود صانه جق، زیرا قوای متنوعه نك اوائلی واونلرک کیفیت « گنزه » لریه قوانین تمیلرینی هیچ برزمان بیلمه به جکدر . والحاصل کوردکلرینی وصف ایده جك ، اسباب علمیه سنی تعین وایضاح ایده میه جکدر .

استبصار هارمینك ومربی . رومیانك منابع استعمومی . — بوتون بوملاحظه لر وارددر : تأمل یالکز باشنه قالسه یدی پك طار و پك آزامین برواسطه تفحص اولوردی . بونك ایچون روحیات متخصصی یالکز شعورك انبآت و اخباراتیه اکتفا ایده مز، کندی نفسك مشاهده سنه ، باشقه لرینك ده مشاهداتی ضم ایتلیدر: بونی آکلاماش ویاپاماش هان کیسه یوقدر . شه سز شعورلرک ذاتلرینه نفوذ ایتك قابل دکدر ؛ بونکه برابر اوراده کچن شیلری بیلمك محال دکدر . اولاً بعض حالات شعوریه نك بدن اوزرنده عکسلری کوریلور . باغرمق ، ال ودیگر یوزده کی اعضالری اویناتمق کبی عضوی اشارتله اونلره خارجاً دلالت ایدرکه بز بولسان طبیعی عادتاً غریزه « سوق طبیعی » ایله آکلارز : بونك ایچوندرکه اونلری طوغریدن طوغری به خارجدن ادراک ایده رز صانیرز . دیگر جهندن ، لسان نیجه شعورلره سربسته جه ابلاغ مرامه مساعددر: ذاتمه

وجودینی اورتایه چیقاردیغم بو ویا شو اعتقادك سزده اولوب اولمادیغنی سزه صورابیلیم . بناءً علیه روحیات متخصصی کندی طبیعتندن دهها باشقه ودها متنوع طبیعتلری نه قدر استجواب ایدرسه استحصال ایدهجکی معلومات دهها او قدر زیاده فائدهلی اولور . ادبیات ، تاریخ ، السنه حقنده کی تبعات ، کندیسنه مکاناً و زماناً اوزاق اولان انسانلری ده طایندیره جفندن ، دائرة مشاهده سنی کنیشه تیر . ایشته بو وجهله ، کندی شعورنده ذاتی وکلی اولان شیلرله مدنیت ویا تربیه نك اورایه ادخال ایتش اولابیله جکی ساخته و غیر طبیعی عناصری دهها ای تمیزه مقتدر اولور .

دیگر بر جهتن ، وحشینك ، چوجفك احوالنی تتبع ، روحك عناصر ابتدائیه سندن بعضلرینی کشف و استخراجه ، و ملکات متنوعه نك صورت تکنونی ایله اونلرك تكاملنه عائد صفحات مختلفه بی تفهمه مدار اولور . بعض حالات مرضیه نك تدقیقه فوق الحد موجب عبرت و استفاده در . هم بوتدقیق ، حاضر مهیا بعض تجربه لر یرینه ده قائم اولورکه او بونلری یابامازدی ، یعنی بویه حالات مرضیه اوکا حسیات اخلاقیه و روحیه نك اعمال یاخود حادثاتی ترکیب ایدن عناصر متنوعه بی بربرندن آیری اوله رق کوستر ، اونلرك روابط تبعیت وقانون ترکیلرینی دهها آچیغه چیقاریر . خلاصه روح حقنده اونك دهها علمی بر وقوف اکتساب ایتسنه یاردیم ایدر . والحاصل حیوانانك تبعیه ده ، مثلاً غریزه کبی بعض قوا حقنده بر علم صحیح اکتساب ایتك یاخود مدرکه کبی انسانی تمیز ایدن و اوکا بالجه مخلوقات آراسنده بر موقع مستتاً تأمین ایله این قوایی دهها ای اکلماق ایچون يك چوق معاونت ایلر .

تأمل ، اصول آفاقی ایچوره الزمدر — بونکله برابر بو « اصول آفاقی » نك خدمتلی نه قدر مهم اولورسه اولسون ، تأمل روحیاتك ینه دائماً جانی مقامنده قاله جقدر . دیگرلرینه کندی طویغو ویا مطالعه لرینی صوردیغم وقت ، احتساس ویا مطالعه فکری ، اگر شعور دن کلیورسه ، بکا نره دن کلیور ؟ دیگر جهتن ، باشقه سنك روحنده کچن شیئی تیقن ایتك ایستدیکم وقت ، اوکده یالکز بعض اشارتله ، حرکتلر یاخود فریادلر بولیورم ، بونلرك نه معنایه دلالت ایتدکلرینی آکلامغه اهل اولماق ایچون ، ینه وجدانك بی تنویر ایتسی لازمدر : اگر کوز یاشلرینك

لله اشارت اولدیغنی کندی نقس‌ده تجربه ایتماش اولسه‌م، کوز یاشنی کورمکلکم تافله‌در، بونلرک نجه هیچ بر معناسی اولماز. بناءً علیه دیگرلرینی معرفت، کندی نفسمزک معرفتی ایچون الزم اوله‌جنی صحیح ایسه، کندی نفسمزک بیلنسی‌ده دیگرلرینی معرفت ایچون الزمدر دیمک ده‌ا طوغریدر: سوزک طوغریسی، بز یالکز کندیغزی طانیرز، ابنای جنسمزی‌ده آنجق کندیغزه تشبیه ایله طانیه‌بیلیرز. رومیانه‌م تجربیب — دیمک که روحیاتک کندیغه مخصوص بر اصولی واردر که استبصار نفسیدر، بو اصولک، دیگر علملرک قولاندق‌لری، استبصار خارجی یعنی اصول آفاقی اوزرینه فائق بعض جدی فوائدی واردر؛ زیرا اصول آفاقی عالم جسماینک آنجق بر قسم جزئیسه اوده بالواسطه، و بناءً علیه بسبتون نسبی بر صورتده ایرشدیکی حالده، استبصار نفسی واسطه‌سیله انسان عالم روحیاتک بالجله حادثاتی، بلا استثنا، هم‌ده هیچ بر واسطه‌سز و علی‌الاطلاق تیقن ایدر.

صحیح‌درکه دیگر بر نقطه‌نظردن روحیاتک بو فائقتی آرتق یوقدر. حادثات و واقعاته متدائر اولان فیزیق، کیمیا کبی دیگر علملر یالکز استبصاره دکل تجربه‌ده مراجعت ایدرلر، تجربیدن مقصد ایسه بعض حادثاتی، کندیلرینک نتایجنی الله ایتمک ایچون، حذف، تکرار و یاتنویع ایلمکدن عبارت‌درکه‌بو، طریق استبصاردن باشقه صورتله مشردر، زیرا شئونک بر برینه طولاشمش صیق طره‌سنی چوزمکه، حقیقی علیت نسبتلرینی و اونک نتیجه‌سی اوله‌رق قانونلری کشف ایلمکه خادمدر، چونکه قانون دیدیکمز شی کلی یاپلش بر نسبت علیتدن باشقه برشی دکلدر. حال‌بوکه، روحیاتده تجربیب پک مشکلدرد، متمتع اولمادیغنی زمانلرده‌ده اصلا قطعی و امین نتیجه‌لره سائق اولماز. شه‌سز، انسان نتایجنی تفتیش ایچون بالاخیار بر حالته توطین‌انفس ایده‌بیلیر؛ مثلا فلان فکری دوشونمکه باشلار، و اونک کندیسنده نه کبی فکرلر او یاندیره‌جغنی آراشدیرر، بو تجربه‌ینی بر قاچ دفعه یاپار. فقط نفسی اولان بو تجربه‌لر شئونک علل حقیقیه‌سی اوزرینه بزه استبصارات عادی‌دن زیاده برشی بیلدیرمز. قطعی تجربه‌لرک ممکن اولماسی ایچون، علتی آرادیغمز حادثاته تقدم ایدن حادثه‌لری الله کچیرمش اولقلغمز و اونلر اوزرینه کیفزه کوره اجرای تأثیر ایده‌بیلیمکلکم لازمدر. حادثات روحیه‌نک قسم اعظمی ایسه، علتلری باطنی و نفسی اولدق‌لرندن، بو شرطی اصلا ایفا ایتمزلر. بونده براستنا وارسه آنجق احساسات sensations

ایچوندر، زیرا بونلر طوغریدن طوغریه فیزیولوژییه منسوب احواله تابعدر، که بونلری ایسترسهك تعدیل ایدیهیلیرز . « روحیه فیزیقه Psycho - physique » دینیلن معاصر برآلمان مسلکی^(۱) بوقیل حادثات عضویه حقنده کی تجربه لریله اشتها یتیشدر. بومسلک اربابی ، بومیانده ، « احساس ، تهیج ایله مناسباً آتماز ، فقط یالکز اونك لغارتمه سی ایله متناسباً آرتار . » دستورینی وضع ایدیهیلدکرینی ظن ایدیورلر . آنجق بو دستور منازع فیه و پک زیاده مشکوکدر .

بوندن باشقه روحیاتده تجربیک تصادف ایتدیکی، یالکز مشکلات مادیه دکدر . برده مشکلات مغویه واردر . اکثریا تجربه لر یا بق ایچون حقیقه^۲ امکان واردر . فقط غیرك حقوقی بوکا مانع اولمقددر . زیرا هر كسك شخصی اساساً شایان حرمت اولدیگی کبی او یله تجربه تحتهمی اوله جق قدر حقیر دکدر ؛ یالکز غیرك حیاتی، حیثیت انسانیه سی اخلاص ایتیه جك بعض مضرتسر تجربه لره جواز واردر . بالمله احوال سائرده طبیعتك ارئه ایتدیکی بعض حالات مرضیه یی استبصار ایله اکتفایه مجبورز ، مع هذا بونلرده مع التشکر پک نادردر .

حالات مذکوره حاضر بایلش تجربه لر حکمنده اولوب، بعض فرضیه لرك تحقیق ایچون فائده لی شیلردر ، فقط اوفرضیه مسئولیتی اوزریمزه آله مایز . بو وجهه جنت و برسامك hallucination تبعی حیات مطرده نك ماهیتی ، یا خود ادراك خارجینك ناصل وقوعه کلدیکی ده ای آکلاتمه خادم اوله جفی کبی ؛ حافظه ، اراده یه متعلق امراضك تدقیقه بعض قوانین ویا عناصرك کشفه مدار اولمشدرکه احوالات اولماسه یدی کیمسه اونلری بیلیمه جکدی ؛ آندان طوغمه کورلر اوزرنده یاپیلان پرده نك قالدیرماسی عملیاتی کوزك طبیعی ادراکاتی حقنده بزه بر چوق شیلر اوکرتمکده در .

شونیده سوزیمزه علاوه ایدهل که زمانمزه روحیات تنویم ایله یکی بر طرز تجرب بولمشدر . بو واسطه ایله ، قونمیلیا نك مع التأسف بسبتون خیالی تجربه لریله فرضیه سی موقع فعل و تحقیقه چقاردقرینی ظن ایدیورلر . قونمیلیاوه فرض ایدیوردی که انسان کویا جانلی بر هیکلدر، فقط هر مضمون و معنادن خالی؛ صکره

(۱) « روحیات فیزیولوژیای Psychologie physiologique »

فیلسوف اوکا عقل واسطه‌سیله معین برحالت شعور ادخال ایدیور، اونک نتایجی ده بالذات کندی تخیل ایلوردی . فی الواقع تنویم ائناسنده اویودیلاَن کیمسه‌نک روخنده کویا بر بوشلق وقوعه کتوریلور ، شو صورتله‌که القا ایدلش حادثه‌نک suggéré آناری طوغریدن طوغری‌یه کشف ورؤیت اولنه‌بیلیر . بونکله برابر شوکا دقت ایتلی ، بو اصول هر وقت احوال غیر طبعیه و غیر مطرده‌ده اجرا اولیور ، عجا بویه بر حالده یابیلاَن تجربه‌لرک نتایجی تعمیمه حقمز وارمیدر ؟ برده شعورک غورنده بر (مکان مضر) ، حادثه مدخله‌نک آثار طبعیه‌سنی تعدیله مستعد بر کیزلی سبب عجا موجود دکلیدر ؟

رویه‌نامه استقرا ؛ قانونه علمی فکری و روئیات — تفصیلات سابقه‌یه نظرآ کوریلورکه روحیاتده تجربه‌لره مراجعت پک محدود و مقصوددر . بونکله برابر فرض ایده‌لم که روحک بتون اقطار تجلیسنده قابل تطبیق اوله‌بیلسون ، وبو واسطه ایله مقدمات و نتایجک صیق نسجی اریده‌رک حقیقی علیت نسبتلرنی استخراجه موفق اولورز . انجق بونستلری ، استقرا طریقیله قوانین عمومیه و ضروریه یاپه . بیلیمکلکمزه امکان یوقدر . فی الواقع بونک سببی شودرکه ماده عالمده حادثات مطرداً جریان و تکرر ایدر . علتلرک مشی طبعیسی علی‌الاطلاق هپ بر یولده‌در ، زیرا او علتلر نتیجه‌لرینه قارشلی لاقیددرلر ، حال‌بوکه روح عالمده کیفیت باشقه دورلودر . شتون روحیه نفس ناطقه‌دن یعنی صاحبندن ایرماز ، او شتونک بر معنای متضمن اولمالری آنجق اوکا نسبتله‌در ، نفس ناطقه ایسه بذاته بر امل ، بر قصد ، هر آن مظهر تکملات اوله‌رق تفیض و تعدل ایتکه معطوف بر نیت ایله متشکلدر ، ایشه بو قصد و نیتی موقع فعله چیقارمنه مصروف اولان مساعی حیات مغنویه و روحیه‌جه هیچ طور مقسزین تبدلاتی استلزام و هر دلو مکرراته مقاومت و ممانعت ایتکده‌در . برده بو قصد و نیت هیچ بر وقت خشنود اولمایور ؛ زیرا نفس عاقله ، بو قصدک کندینه ایصال ایتدیکی حالاتی ادراک ایله اکثفا ایتیور ، اونلری کندیلککندن دائماً ده‌ا علوی ، ده‌ا کوزل ، ده‌ا لطیف و روحانی بر کمال خیالی ایله محاکمه ایدیور ؛ بو وجهله ده‌ا یوقاری‌یه یوکسلمکی ، ده‌ا تام بر صورتده ساحه حقیقه چیقمنی ایسته‌یور . بو صورتله هر آن تجدد ایدیور . قیود ماضیدن ، کندیسنه مؤثر اولان بالجله اسبابدن رهایاب اوله‌رق انقیاد ایده‌جکی قانونی کندیبی

کندینه وضع ایدیور، یوقسه اوکا محکوم اولمایور. برکیمسه علم ایله بر صورتله بیتاب اولسه، بر عباره، بردستور ایچنده بوغولسه ارتق بردها بر کیمسه صاییله ماز. بناءً علیه تصدیق اولمایدیرکه، روحیات، فیزیق وکیما درجه سنده اصح و مثبت بر علم دکلدر. روحیاتده یقین دها آذر، دها کریزاندر، برایشی وقوعندن اول ادراک دها زیاده خطالی و دها آزامیندر: بونک سببی یالکزر حادثات اخلاقیه نك شون مادیه دن دها فضله مرکب اولماسی دکل برده کائنات طبعیه جه مجهول و فی حد ذاته علمه معاند بعض عناصر جدیدیه تصادف اولنماسنددر.

تطبیقات عملیه — رومیانه اینجک استعدادی — بودرسدن حاصل اولان بالجله فوائد عملیه یی استنباط ایتک اهم والزمدر. کوردککه: عقلی وامین برتریه طبیعت انسانیه نك قانونلری جدی صورتله بیلمکی مقتضیدر. انجق بو قانونلرک تعینی نازک و مشکل بر ایشدر. شبهه سز، روحیات دیگر علوم مثبته فائقدر، اگر تدقیق ایتدیکی حادثاتک ماهیتی نظر اعتباره آلیرسه؛ زیرا بو حادثاتک صحتی قطعی و مطلقدر؛ بو بابده هیچ بر شبهه محلی یوقدر؛ حال بوکه علومک، مختلف اقطار واقسامی تتبع ایتدکلری اعیان موجوداتک حقیقتندن صیقشنجه شبهه اوله بیلور. فقط، کشفه موفق اولدقلری قانونلر نقطه نظرندن روحیاته باقیلیرسه بوجهندن علوم سائرته نك دوشنده اولدیغنی انکاره مجال یوقدر.

بونکله برابر علم روح ایچون هر حقیقت عمومیه علی الاطلاق ردایدلش دکلدر؛ روحیاتده دخی بعض مبادی واردرکه صورت قطعیده ثابت اولمش کیدر: غیر صحیح و مثبتک یاننده صحیح و مثبت ایچونده یرواردر. بوسیله، دینه بیلیرکه تربیه خصوصنده بعض ثابت، اساسلی قاعدهلر موجود اولوب، بونلرک بیلنمسی اهم و نظر اعتباره آلمسی الزمدر. بونکله برابر اولا مقداری آز، صکرده ده پک عمومی اولان بو قاعدهلرک ظهوری محتمل بالجله حالاته مقابله ایدیه بیلیمکدن پک اوزاق اولدیغنی اونو تمقندن صاقملیدر. بو قاعدهلر حقنده کسب معلومات ایتکمزین، تصادفه تبعاً حرکت ایتک نه قدر محاذیری مستلزم ایسه، بونلره موثوقیت و صحتی قطعی و کلی بعض دستورلر نظریله باقمقده او قدر شئامت انگیزدر: بالعکس هیچ بر شی بونلردن دها یموشاق، دها سهل التفسیح اولمالیدر؛ یعنی بونلر دمیردن قاعدهلرکی دکل قورشوندن اولمالیدر؛ خلاصه مربی اونلره حاکم اولسون، کندینی اونلره

قادر ماسون ، اولنری فوق‌العاده متنوع اولان احوال حقیقیه کوره اویدر مقیم چون تعدیل ایتدیکی بیلسون .

هیچ برشی بوندن زیاده، قوتو آلمایی، ده‌ها زیاده تجربه صاحبی اولمئی، ده‌ها زیاده فطاتی ، استلزام ایتمز ، ایشته اصل « اینجه لکه » بوایشده مالک اولمالیدر . صوئوق بعض تصورات و مجردات قارشیننده دکل، حس و عمل ایدن حقایق مشخصه قارشیننده اونک یرینی هیچ برشی طوته ماز . والحاصل تربیه صحیحاً بر هنردر . ده‌ها طوغریسی اوندن زیاده بر عطیه ، بر فضیلتدر .

مضامینک نوعی — عربت — تربیه طبابت کییدر ؛ شبهه سز طبابت حیاتک قوانین عمومیه سنی بیلیمکه مکلفدر ، چوق شی بیلیمک ایستر ، صاغلام بر علمه، ایجه مقرر قاعده لره احتیاجی وارددر . بونکه برابر خسته لئی و شفا و یردجک علاجی بولوق ایچون ملکه تشخیصک واوزون بر تجربه نک یرینی هیچ برشی طوتاماز . فی الحقیقه عضویتلرک کوزه کورونمه ن پک درین فرقلری اولدیغی کبی بنیه لر حیرت بخش عقول بر صورتده تنوع ایتیمکده وهان هر شخصه کوره تبدل ایدرک کتابده عباره سی و ترتیبی اولمایان باشقه بر اصول تدوینی اقتضا ایلیمکده در ؛ بونک کبی تربیه سی، تدویمی، اصلاحی، تصفییه و یا تقویه سی آرزو اولنان خویرلر نه بر برینه بکزر، نه عینی بر قالدیه یاپیشدر . هر بریمزک کندینه مخصوص بر احتیاجی ، فعلی، ورد فعلی وارددر . شبهه سز، حیات روحیه نک عناصر متنوعه سی همزده وارددر ، فقط هر بریمز اولنلرک بر ترتیب مخصوص منفردی یز . بناء علیه بوشخصی فرقلر نظر اعتبار و اهمیت آلماز ، و هر کس حقنده بر معامله یاپیلیر، بر نظام ، بر اصول تربیه تطبیق اولنورسه بویوک بر خطا ایشانمش اولور . تربیه هرشیدن اول ایجاب حاله کوره تطبیق حرکت ایشیدر . بر خویه امین بر صورتده تأثیر ایتک ایچون اولا اوخویی یا قالمئی بیلیمک ، اونی طانیق ، اوکا یاقیشه حق برلسانه سویله مک لازمدر : رأس حکمت ، سرارواح و مفتاح قلوبه تصرفدر . بونکه برابر انسان کندی کیفیه کوره اخلاقی تبدیل و اصلاح ایده بیلیمکده امین اولدیغی سویله یه مز . هر وقت تخمین اولنمایان شیلر ظهور ایده بیلیر . بر بال مومنی اویروب چویره رک ایسته دیکک قالدیه قویه بیلیرسه کده انسانک قلبی اویله دیله دیکک کبی تبدیل ایده مزسک و هر وقت مقاومتلره تصادف ایده بیلیرسک : قارشیکده کی سوزیکی دیکه مکده ایکن

مخالفت ایده‌بیلیر؛ مطیع اولدینی حالده عناده باشلار، حریتک ناکهانی بعض حمله‌لری حساب‌لریمیزی شاشیرت‌ه‌رق بوتون امکلریمزه قارشی کله‌بیلیر.

علم مضامینی — بونی‌ده اعتراف ایتلی که، خویلری طانیق داعی مراق اولدینی قدر مشکل بر ایشدر. چوجفک ایچنده نه‌وار نه‌بوق آکلامق ایچون وجدانسه نفوذ ایده‌میز؛ اوکا خارجدن باقغه مجبورز، یالکیز بعض اماره‌لری یاقالایه‌بیلیرز، اوایله ایکن ینه اونلرک تاس‌تمام نه‌یه دلالت ایتدکارینی تقدیر ایتدیکمزه امین اوله‌مایز. برده بر خویک وجودینه دلالت ایدن احوالدن یالکیز برینه اطلاع ایله حکم ویرلسه احتمال که خطا ایدلمش اولور: بوندن باشقه چوجق قصداً اخلاقنی کتم ایده‌بیلیر، بوده بزى شاشیرتیر: اوایله ایسه تکمیل خوی ترکیب ایدن بیکلرجه عناصری کشف ویتقن باینده نه‌لر اولماز؛ نه قدر دقت نظر وبصیرت لازم! حکمدن اول نه‌قدر احتیاط وتقید ایستر! زیرا یا‌کلش بر تدیر هر شیئی ته‌لک‌یه دوشورر، هر شیئی محو ایدر!

بونکله برابر هیچ بر شیئی مبالغه ایتیم، و بالخاصه ایشک مشکلاتندن بیلمایم: اگر حقیقت او‌قدر زحمت و همه محتاج اولماسه‌یدی او قدر قیمتدار اولورمیدی؛ اخلاقه نفوذ ایتک اوایله مطلقاً محال دکلدر. بر کیمسه‌نک ماهیت مغویه‌سی ماهیت جسمانی‌سی کیدر: بوماهیت مغویه دخی بدن انسانی‌کی منسجم بر کلدر، بو‌کله داخل اولان اجزای مختلفه بربرینه او‌یغوندر، افرادینی جامع، اغیارینی ماندر: بناءً علیه اونلردن بر دانه‌سی بیلننجه دیگر عمومی حقنده واضح بر فکر حاصل اولور وچوجفک قابلیت روحیه‌سی نه‌در بیلنیر؛

طبعی‌وندن کوریه Cuvier نسلی منقرض بر حیوانک تک بر پارچه‌سیله او حیوانک بدنی ناصل اولدینی امداد عقل ایله ظاهره چیقارمشدی، اونک اجناس حیوانیه حقنده یا‌به‌بیلدیکی شیئی، بر روحیات متخصیصی، حتی خواجه‌نک کندیسی کشف اخلاق و مغویات حقنده یارمی؛ اگر اخلاقه دلالت ایدن علائمدن اک باشلیسی بولنورسه ایش او‌قدر قولایلاشیر، چونکه عالم ذهنده بوتون بر هیئته حاکم اولان عنصرلر وارد. ایشته مربی بویله علامت‌لرک کشفنه چالشمیلدر، بونک ایچون چوجنی اک طبیعی حرکاتیه مشغول ایکن تحت ترصده بولندیروب اخلاق اصلیه‌سنه دلالت ایده‌جک نشانه‌لرینی یا‌قه‌لامیلدر، فقط چوجق کندیسنک

ترصد ایدلایکندن خبردار اولمالیدر ؛ بو ترصد ایچون اڭ مناسب زمان اویون زمانلیدر ، چوجق او وقت کندینی قاپار قویوویرر ، ماهیتی نه ایسه اورتایه چقارر . انجق چوجغه کندینی سودیرمکه ، حقنده کوستریله جڭ محبتله امنیتی جلب ایتمکه چالیشملی : بالجمله امورده یورکلرک قوسنی آچان محبتدر ؛ باشقه سنک بذل نفس ایتمی ایچون انسان اولا کندی نفسی بذل ایتلیدر .

خلاصه

۱ — چوجڭک بتون قواسنی منسجماً تنیه ایتک فی اولان نریه ، تعقیب ایتدیکی غایه عمومیه وتوسل ایتدیکی وسائط مخصوصه اعتباریله روحیاته صمیمی بر صورتده مربوطدر .

۲ — روحیات ، علم النفسدر ، روح اولا حیات مغویه مزری ترکیب ایدن حادثاتک هیئت مجموعه سیدر . کذلک روح بو حادثاتک مبدأ ومصدریدر . بوندن طولایی روحیاته ایکی قسم واردر : برنجیسی تجربی روحیات که حادثات مغویه وروحیه نڭ وبونلرده جاری قانونلرک علمیدر . ایکنجیسی نظری روحیات که روحک ماهیت لدنیه سندن باحثدر . بو ایکی قسم بربرندن آیرلماز .

۳ — برعلم ؛ موجود ، مدون اولمق ایچون ایکی شرط ایستر . اولا غیرقابل اختصار بر موضوع ؛ ثانیاً او موضوعی علمی برصورتده بیلیمک ایچون براصول . روحیاتک بو ایکی شرطی حائز اولدیغنه اعتراض ایتشلردر .

۴ — مادیون روحیاتک اصلاً موضوعی اولمادیغنی دعوی ایدرلر . زیرا ، اونلره نظراً حادثات روحیه نهایت الامر ، حادثات دماغیه منجر اولور ، بونلر ایسه غیرییاتک (فیزیولوژی) موضوعیدر .

۵ — شبهه سز دینه بیلیرکه بتون حادثات اخلاقیه وروحانیه نڭ شرطلری حادثات عضویه در ، فقط هر ایکی صنف حادثاتک متحد وتوأم اولدیغنی سویلک امکانشدر (تیندال ، تن) .

۶ — بونلر اولا کندیلرینک صورت معلومیتلری جهندن بربرینه بکزه مزلر . حادثات فیزیولوژیه خارجدن ، حواس واسطه سیله بیلیر ؛ بونلر بعضاً پڭ کج

بیلنمشدر ؛ دهانیجه خدمات عضویه بیلنمامشدر ؛ بوندن باشقه بونلر کندی اوزریمزدن زیاده باشقه‌لری اوزرنده دهانی کورولوب بیلنور ، و بونلری متعدد مستبصر و مشاهدلر هپ بردن کورده بیلرلر. حادثه روحیه باطناً شعور واسطه سیله بیلنیر ؛ وقوعه کلدیکی آنده تیقن اولنور ؛ ضمیر مزده وقوعه کلان هیچ برشی بزه مجهول فالماز ؛ بوندن باشقه اونلی هانکی شخصک ضمیرنده وقوعه کیش ایسه طوغریدن طوغرییه او کورور بیلیر .

۷ — شویابه اعتراض وار ، بنده مختلف ایکی طرزده معلوم اولان حادثه حد ذاتنده بردر ، فقط واسطه بزاوئی بربرندن آیری ایکی حادثه ظن ایدیورز . بوکاشویابه بر جواب ویرمک قولاید . باطناً ، شعور واسطه سیله کوریلن حادثه ، طیشاردن حواس واسطه سیله کوریلن حادثه دن هر وقت آیری شیدر ، وباشلی باشه برواقعه در .

۸ — فی الحقیقه حادثه عضویه نك بر صورتی ، بر سرعتی وارددر ؛ اونلی احلال ایتک ، اولچمک ممکندر . حادثه روحیه نك بوکا بکزر اوصافی اصلاً یوقدر .

۹ — اگر بر رد و تحویل ممکن اولسه ایدی حادثه عضویه یی حادثه روحیه درندرمک ایجاب ایدر ایدی ، زیرا حرکت دیدیکمز شیک بر حقیقت خارجیه می اولمایوب بو آتخاق شعور سایه سنده موجود او واسطه ایله معلومدر .

۱۰ — روحیات وغریزات (فیزیولوژی) مستقل ایکی علمدر ، فقط بربرلرینه متقابلاً یاردمله مکلفدر .

۱۱ — روح وجسدک صبقی مناسبتلری وارددر ؛ بناءً علیه تربیه جسمانییه باقق الزمدر . تربیه جسمانیه مضاعفدر .

۱۲ — (عمومی و مکتبلره مخصوص) حفظ محتک غایه سی قوای حیاتیه نك محافظه می اولوب ذهن یورغونلغنی نهی واستراحت وتنفسی امر ایلر .

۱۳ — جسمانی ادمانلر تربیه بدنیه نك قسم مثبتنی تشکیل ایدر ؛ بونک غایه سی طافات بدنیه یی تماماً انکشاف ایتدیرمکدر . ژیمناستیک ایله او یونلر بو ادمانه داخلدر . ژیمناستیک قوای جسمانیه نك اصول تحتند تربیه سیدر . ژیمناستیک ، حقنده وقوع بولان اعتراضات و معاتبانه رغماً ، طبعی و بسیط اولورسه فائده سی انکار اولنه ماز . فقط او یون ژیمناستیکه مرجعدر ، زیرا او یون ده سربستدر و هم هر یاشه او یار . ادمانلرک

بدنه ایندیکی خدمت‌لردن بشقه روح‌ده لطف بر تأثیری اولور، و بعض صفات ذهنیه و اخلاقیه‌نی تنیه ایدر .

۱۴ — بوندن ماعدا تربیه جسمانیه بر غایه دکل، بر واسطه اولمالیدر. بدنه، عضویت ایدیاه جک خدمت روحی اعلا ایتک ایچون اولمالیدر، زیرا روح آنجق بدن صاغ و سالم اولورسه دها سربست یاشایه بیلیر .

— ۲ —

۱۵ — روحیاتک بر موضوعی وار، فقط بوبیلنمکه صالحیدر؛ شبهه‌سزدرکه، علوم مدونه‌ده مستعمل اولان اصول تعلیل و اصول استقرار روحیاتده قابل تطبیق دکلدر. فقط شئون روحیه، باطناً و شعور واسطه‌سیله در حال تیقن اولنور. روحیاتده‌کی اصول، «تأمل» در، یعنی نفسک کندینه دونه‌رک کندی کندینی تفتیش و معاینه ایلسیدر .

۱۶ — شو تأمل اصوله قارشی ایکی درلو اعتراض واقع اولیور. اولادینیورکه بواصول محالدر، یاخود عقیمدر. زیرا انسانک ضمیری چغت اوله‌مازکه بری دیکرینی معاینه ایتسین، برده تأمل تدقیق ایده‌جکی حادثاتی بوتدقیق سببیه اورته‌دن قالدیرمش اولور. فقط تأملک امکائی تأمل ایتمکه اثبات ایدیلیر، برده تدقیق ایدیاه جک حادثه کچمش اواسه بیله اونی حافظه انسانک عقلنه تماماً احضار ایدر. بوندن بشقه تأمل امکائی سلب ایتک استبصاره مستند اولان علمی اورته‌دن قالدیرمق دیمکدر .

۱۷ — اصول مذکوره ایچون برده قیمت علمیه‌سی یوقدر دینیور: یعنی یالکر بر شخصه عائد کیفیات او اصول ایله بیلنه‌بیلسه‌ده بو واسطه ایله مستحصل معلومات دیکر برینک احوال نفسانیه‌سنه تطبیق اولنه‌ماز؛ زیرا باشقه‌لرینک شعور و وجدانلری اوتدقیقاتی نفسنده یاپان آدمک شعورندن بستیون باشقه‌در. او حالده تأمل اصولیه حادثات روحیه‌نک عناصر ترکیبه‌سنی و قوانین ترکیبی بولمق محالدر .

۱۸ — صحیح اولان شودرکه، روحیات متخصصی کندی نفسنده یاپدینی تدقیقاتک نتیجه‌سنه دیکر علمانک‌ده نتایج و تبعاتیی علاوه ایتلیدر. نطق طبیعی، کلام، ادبیات، تاریخ، مبحث‌السنه، بو‌بابده‌کی تبعاتک ساحه‌سنی کنیشه‌تیر؛

چو جقزلر، وحشیلر و بعض غلط طبیعت اصحابی اوزرینده یاییله جق تدقیق قوای نفسانیه نك عناصر بسیطه‌سنی و بونلرك قوانین تکاملنی کشف و استنباطه مدار اولور. حیوان اوزرینده یاییلا جق تدقیقات ایسه اونك انسان حقنده دهامکمل بر وقوف پیداسنه خدمت ایدر.

۱۹ — فقط تأمل، روحیاتده اصل‌الاصولدر. زیرا اصول آفاقیه تبعاً یاییلان استنباطك تعلق ایتدیکی رموز و اشاراته یالکزر او بر معنا ویره بیلیر.

۲۰ — روحیات استنباط اصولی اوزرینه تأسس ایدمبیلورسده، بالخاصه کشف قوانین خصوصنده دهامثمره دار اولان تجربب اصولندن پك استفاده ایدمبیور. زیرا تجارب صحیحه و قطعیه انجق بعض شرائط فیزیولوژییه تابع اولان احساسات جسمانیه ده ممکن اولمبیلور؛ اونك خارجنده اولان هر یرده تجربه مادی یاخود معنوی بر چوق مشکلات و موانعه اوغرایور. اکثریا بعض حالات مرضیه ده تبعات اجراسیله اکفا اولنمایدیر، او حالات حاضر یاییش تجربه لر مقامنده در. پك یکی میدانه چیقان، اصول تنویم صورت مطلقه ده صحیح نتیجه لر ویرمیور کیدر.

۲۱ — تجربه اصولك بوتون حادثات معنویه ساحه‌سندم جریانی امکانی فرض اولنسه بیله، بو طریقله بعض قوانین کلیه وضعنه قیام ایدلسه بیوک بر جرأت کوسترلمش اولوردی، زیرا آیینم روحده هیچ بر حادثه توأم اوله رق بردفعه دهامنجلی و متکرر اولماز، بوندن باشقه انسان کندیسنده کی قوئم حریت واسطه سیله دائماً دهامیوکسك بر مفکوره یه یتشمکه ساعی اولدیغندن بو استعداد دخی یالکزر باشنه دیگر بالمله علل واسبابك تأثیرینه قارشى قویغنه کافیدر.

۲۲ — یقیندن محرومیتنه رغماً، روحیاتك امری التنده ینه بعض حقایق عومیه وارددر. مرینك اونلری نظر اعتباره آلوب تطبیق ایتمی لازمدر. فقط اونلرك کافئم حالات ایچون جاری ومؤثر اولدیغنی ظن ایتما میدیر: خویلر بر بوندن پك فرقلیدر، بو جهته قاعده لری اونلردن هر برینه کوره اویدرمق لازمدر.

۲۳ — بونکله برابر خویلرك سچلمسی پك مشکلدیر؛ یالکزر هر خویه دلالت ایدمك بعض خارجی اشارتلى کشف ایدمبیلیرز، فقط بونلره ویره ییله جك معنایه ده صورت قطعیه ده صحیح نظریله باقیله ماز. فقط، خویك عناصر واجزاسی بر برینی

آکیردیغندن، اونلردن بردانه‌سنگ کشفی بتون خویک ناصل اولدیغنی استدلال
ایچون الویرر .

۲۴ — چوجغک احوالی حرکات طبیعه‌سنده واویون اوینارکن تفتیش ایتلی
وکندیگی اوکا سودیرملیدر .



ایکنجی درس

شعور و قوا

۱ . شعور، حادثات روحیه‌نک وصف مشترکی — شعور بنفسه، و شعور متأمل — شعورک شو ایکی صورتی آره‌سنده کی مناسبتر — شعورک درجه‌لری — غیر شعور به مسئله‌سی حقنده برنظر اجمالی — دلیل اوله‌رق ایراد اولنان واقعات — غیر شعور به نظریه‌سنک قیعتی .

تطبیقات عملیه . تأملک انتباهی — تأملک اهمیت اخلاقیه‌سی — کوچوک ادراک‌لرک خدمت عملیه‌سی .

۲ . حادثات روحیه‌نک تصنیفی — حادثات روحیه‌نک اوچ صنفی — تصنیفده تفریط

یوق . **زودفروانک** نظریه‌سی — تصنیفده افراطده یوق — شو اوچ صنف حادثاتک اوصاف مختلفه‌سی — اوچ صنف حادثاتک کندی موجودیتلری اعتباریه استقلاللی — تمی وانکشافلری اعتباریه استقلاللری — اوچ صنف حادثاتک مغایرتی — قوای ثلته . قوه‌نک ماهیت صحیحه‌سی — اتحاد قوا — قوای ثلته‌نک حکمتی . تطبیقات عملیه — تربیه : ایشی . تربیه کله‌سنک ایکی معناسی — تربیه‌نک مشکلاتی — قوانک نسق انکشافی . تربیه تدریجیه . — انجذاب قلبی . — تعقیبی دکل ، تدریجی تربیه .

— ۱ —

شعور conscience . حادثات روحیه‌نک وصف مشترکی — چکن درسده

بیان ایتدک : حیات معنویه‌مزی ترکیب ایدن بوتون حادثاتک بر وصف مشترکی وارددر: بو اونلرک تحدث ایتلری ایله برابر ادراک و تیقن اولمالاری کیفیتدر؛ ایچمزدده بر هیجان حاصل اولدینی ویا ذهنمزه بر فکر کلدیکی وقت ، بونی حس ایدرز و بو هیجانی طویدیلغمیزی و بو فیکری دوشوندیکمزی بیایرز . حادثات روحیه‌نک بویه دفعی *immédiate* و باطنی اوله‌رق حس اولنسی **شعوردر**، بوضورتله هر حالت روحیه‌شعور به‌در .

بوندن بشقه شوکاده دقت اولمایدرکه : شعور و حادثات روحیه‌بربرندن آیرمالزلر؛ یعنی شعورسز حاصل اولمش حادثات روحیه اولمادینی کی، حادثه‌یه

بونی بزه اخبار ایتک اوزره ، بر فعل مستأخر ایله ، انضمام ایتیش شعور دخی یوقدر : حادثه روحیه بالذات وفی الحال مشعور به در؛ شعور اونک کنه ، وجودی ، حالت واجه سیدر ؛ الزان نورسز اوله مایه جنی کبی شعور سزده حادثه اوله ماز : حس ایتک ، دوشونمک دیمک ، حس اولندیغنی ، دوشونلیدیکنی شعور ایتک دیمکدر ، احساس وتفکر مشعور اولدقلری حیثیته موجوددر ؛ حس اولنمایان بر احساس ، تفکر اولنمایان بر فکر ، نه بر احساس نه بر فکر صایبیر . بوندن طولای شعورک بالجمله حالات شعوره رفاقت ویا انضمام ایتدیکنی سونیک نا بجا ویا شعورک او حالاتی بزه کوستره جک بر کوزه تشبیه اولنماسی ده ا زیاده نا صوابدر : شعور حادثات روحیه ملازم غیر منارک واونلرک صورت ذاتیه سیدر : حادثات روحیه ایله او حادثاتک شعوری ، دکل یالکز بر آنده متحدث ، فقط متحد وتوام شیلدر ، والحاصل حادثات روحیه نک موجودیتی آنجق شعور واسطه سیله وشعور ایچنده در .

شعور بنفسه مشعور متأمل — حادثات روحیه نک بشعور طبعی ضرورینه
 « **شعور بنفسه** conscience spontanée » اطلاق اولنور . نه قدر حقیر ، نه قدر مظلم فرض اولنورسه اولنسون ، نرده بر حیات روحیه وارسه ، اوراده بر شعور وارددر ، زیرا بو حیات روحیه یی پایان او شعورک کنیدیسیدر : بر الم چکن چوجق و حیوان بو المی مطلقا حس ایدرلر . فقط ، بونک سببی او الم ایله حادثه روحیه نک بر اولمسیدر ، بو شعور بنفسه مهم وقاریشیق اوله بیلیر ، قارا کلک وغیر تمایز بر خبر در که سنه اینه بیلیر : انجق عقل بر شیئی اوندن آیرلق و اوکا فارشی طور مقله طانیه بیلیر . بالخاصه انسان بو برنجی مرحله یی آنه بیلیر ، وکندی اوزرینه طولانله بیلیر ، نفسنده تحدث ایدن حالاتدن کندینی آیروب ، اونلری موضوع تفکری اتخاذ ایدرک اونلر حقنده بر وقوف ، تمایز و صحیح بر « شعور » اکتساب ایده بیلیر . شعورک بو بکی شکله « **شعور متأمل** conscience réfléchie » دینور . بونی شویله تعریف ایده بیلیرز : « شعور متأمل اوایله بر فعلدر که اونک واسطه سیله عقل طولانیر ، تضاعف ایدر وکندی ذاتی بر موضوع خارجی کبی تتبع ایدر . » دیمک که بو ، شعورک شعوریدر . او حالده شعور متأمل ایچون بالجمله حالات شعوره رفیق اولمایوب تفکرک بر عملیه متأخرندن نشأت ایدیور دینله بیلیر .

شعورك ايكى صورتى آره منزه كى منابهتدر — شعورك بو ايكى صورتنك خصائصى نه در ؟

شعور بنفسه ، حادثه روحیه‌نك بالذات ماهیتی اولدیغندن طبعاً اونكه بر آنده متحدندر . اونكه عینی مدته وعینی شده مالکدر ، كذلك حادثاتی بزه هیئت متحده‌سیله ، مخلوطاً احضار ایدر ، یعنی شعور بنفسه ترکیبی ومختلطدر ؛ شعور بنفسه ایله ، مخلوق حالت متحده‌ی روحیه‌ی طبعاً متحدث ایش کی حس ایتمکله قناعت ایدر ، کندینی اوندن آیرماز ، اونكه اختلاط ایلر ؛ مثلاً بهیمة کندى المنى طویار ، فقط کندى المی اونده تجسم ایتشددر . بناءً علیه شعور بنفسه ، جوهر نفسی ایله حالات روحیه‌نك متحد اولمسندن عبارتدر ؛ بو حالات روحیه صانکه متموج وسیار بر شکله قلمش دیمک اولیور ، زیرا اونلره معروض اولان مخلوق اولنلری جوهر نفسی‌یه اخبار واشعار ایتمز .

بالعکس ، شعور متأمل ، استناد ایتدیکی واقعه‌دن دائماً متأخردر ، انجق بو ، امر واقع نه پک سریع نه پک شدید اولمادیغی زمان ممکن اولور . بناءً علیه پک شدتی برهیجان ، شعور متأملی ابطال ویالغا ایدر . شعور متأمل حادثات روحیه‌نك عناصر وارکانتی ونسبتلری بر برندن آیرمغه ، وبو صورتله بونلر حقنده علمی بر بیلکی استحصالنه چالیشیر : بناءً علیه شعور متأمل تحلیل ومتمازدر . فقط بونک ایچون ذهنک بر معاونته محتاجدر یاخود ده دوغریسی عقلک کندیسنه رجوعی ، جوهر نفس ایله حالات نفسانیه‌نك بر برندن آیریلوب تضاعف ایتسی ایجاب ایدر ، شو صورتله که او حالات شعوریه بر «أنا» نك le moi بر جوهر نفسی معینک تصویرینه مربوط اولسون واو «أنا» واو «جوهر نفسی» او حالاتی بر نوع آینه اتخاذ ایدوب کندینی اوراده هم تماشا ایتسون وهم اوندن باشقه اولسون .

شونی‌ده علاوه مقال ایدم که ، شعور بنفسه شعور متأملدن ده واسعدر . بناءً علیه شعور بنفسه حوزہ‌سندن اوپله صراحتله ، تماماً منور بر شکله ، آیریلوب نظر ادرا کمزه کلن حالات روحیه متأمله‌یه هر آن مالک اولمایوب بو کی حالاتک انجق آز بر مقدارینه حتی بعضیلرینک رأینجه یالکز بر دانه‌سنه مظهر اولورز : بونک سببی شو درکه شعور متأمل حیات نفسیه‌نك منحصرأ یالکز بر نقطه خصوصیه‌سنه متوجه واونكه متوغل اولدیغندن ، نیجه نیجه حالات روحیه کندى خبری

اولمفسزین شعور بنفسه ساحه‌سندہ جریان ایدہ کلیر؛ مثلاً بو درسی یازدیلیم ائنادہ، تصوراتمک هر بری حقندہ پک صریح بر شعوره مالکم؛ فقط او ائنادہ بر چوق احساسات طویار، پک آز حس ایتدیکم بر سوری حرکتی اجرا ایدرم که بونلر بنم ایچون پک مبهم بر حالده قالیر. والحاصل شعور بنفسه وجدان متأملک بر کرسیسی حکمنده‌در: بری دیکرینی استلزام ایدیور: فی‌الحقیقه تأمل تأمل ایله باشلایه‌میور، اولامنطبق اوله‌جنی بر ماده ایسته‌یور، بو ماده ایسه شعور بنفسه نک منحصرأ منظر قندن عبارتدر.

شعورک درجائی، غیر مشعور به مسئلہسی اوزرینه بر نظر اجمالی — بوندن ماعدا، برده شوکا دقت ایتلیدرکه، شعور بنفسه‌نک صاییسز درجائی واردر، بو شعور آز ویا چوق صریح، آز ویا چوق شدید، کیت کیده ضعیف اوله‌بیلیر. مثلاً یازی یازارکن قاپومه پک شدتله اورورلر، بونی پک صریح بر صورتده حس ایدرم، بالعکس سواقده‌کی کورولتیلر بکا آنجق پک ضعیف وبوغوق اوله‌رق ایریشیر؛ بونلری عادتا حس ایتز کبییم؛ بنی چاغیرلر؛ هیچ بر شی ایشتماشم ظن ایدہ‌بیلیرم، بو باده‌کی طویغوم او قدر قاریشیق اولور؛ او یقوده انسان کندننن او قدر کچر، شعور اودرجه مبهم اوله‌بیلیر که هیچ بر فعل وحادثه‌نک تکرار تخطری قابل اولماز. فقط مادام که حادثات نفسیه بویه کیت کیده دها آز مشعور اولیور، بونلردن بعضلرینک صورت مطلقده غیر مشعور به اوله‌رق موجود اولدقلرینی تسلیم ایتکه نه کبی سبیلر مانع‌در؛ نیچون بعض تهیجات، بعض افکار هر درلو شعورک خارجنده موجود اوله‌ماسون؛ بو تقدیرده شعور، هر حالت نفسیه‌نک صورت ضروریه‌سنه دلالت ایتک شویله طورسون، هم کندیسی اولمفسزین اولجه ذاتاً تکمل ایتش اولان فعل دماغی‌یه منضم بر پرتو عارضی، بر عرضدن باشقه بر شی اولورمیدی؟

غیر مشعور به طرفدارلرینک مدعاسی ایشه بوندن عبارتدر. اونلر بو باده احتمال که «**لې بنیچ**» ک نفوذندن غیر حق استفاده ایتک ایسته‌یورلر. زیرا ادراکات دقیقه و متأمله «**aperceptions**» نک یاننده بعض کوچک ادراک‌لر «**petites perceptions**» ک یاخود «**دقیق و متأمل ادراک**» غیر مقرون ادراک‌لرک «**perceptions sans aperceptions**» موجود اولدیفنی برنجی اوله‌رق او اخبار ایتشدرد.

دلیل اولدو ابراد اولنامه واقعات — بو نظریه یی اثبات ایچون استادایدتکلری دلیملر پک چوق ایمش . حیاتی سومک ، وطنی سومک کبی طبعی یاخود مکتسب نیجه میلانلر ، ارضا اولندقدن صکرده وجودلرندن شبه ایتمکسزین ، قلمزده پایدار اولیور ؛ انسانک قلبده حرص اوزون مدت بر حاضرلقدن صکره اویانیر ، بعضاً ایجمزده بر سوینچ ویا کدر کلیر ، بر درلو سببی بیلهمیز . دیگر جهندن ، معقاد اولان هرا حساس ، شعورعندنده ضایعدر ، مثلاً دکرمنجی آرتق دکرمنک کورولتوسنی طویماز اولور . بوقبیلدن اولهرق ، بالحواس ادراکک میخانیزمه سنی تشکیل ایدن اعمال مرکبه حقنده اک کوچک بر فکره مالک دکلز . وجودمزلک طبقات عمیقهنده ناثم بر حالده بولنان بر سوری افکار حقنده عجبا فضلہ برشی بیلورمی یز ؛ برده بر فکر دیگر بر فکری الهام ایلر ، فقط عقلک اورایه یتشجنیه قدر کچمکه مجبور اولدینی مراحل متوسطه یی کورومه مشزدر . بعضاً بر مسئله نك حلنی آراز ، فقط بوله میاز ، صکره اونی آرتق دوشونم دیکمز وقت بردن بره مسئله نك حلنی خاطریمزه کلیر ، نظریمزدن کیزلی برسی اونی بزه حاضر لایوب کوندرمش . بشقه شیرده وار ، غریزه ده ، اعتیاده ، فعالیت صورت مطلقه ده غیر مشعوره در : حتی ایجه دوشونوب طاشندقدن صکره ، بر شی یامغه باشلا دیغمز وقت بیله ، شوخط حرکتیز اوزرینه تأثیرایده بیلمش اولان بالجمله اسبابه عارفی یز ؟ « اسپینوزا » Spinoza دخی افعالیزی تعیین وایجاب ایدن اسباب حقنده کی جهلمز ، حریته مالک اولدینمز حقنده کی وهمه باعث اولدینغی سویلماشمی ایدی ؟

غیر مشعوره نظر بر سنک قیمنی — مع التأسف بو نظریه غیر قابل قبول کبدر . شبه سز ، بر چوق حادثات روحیه غیر مشعوره در ، یعنی شعور متأملک نظری آلتنه دوشمز ، فقط دیگر بر اعتبارایله اولیه دکدرلر ، زیرا شعور بنفسه نك دائره ووقوفه کیره بیلیرلر ، اولجه سوبلککه شعور بنفسه نك صاییسز درجاتی واردر . بو حالات روحیه کرچه مدرک ، واضحاً معلوم دکسه ده ، ینه بر درجه یه قدر مشعوردرلر : اویقوده اولان دکرمنجی دکرمنک سسنی ینه آز چوق طویار ، زیرا بو سس کسینلنجه ، دکرمنجی اویانیر ؛ بوقبیلدن اولهرق بزی چاغرمش اولان سسی ، قاریشیقده اولسه ادراک ایتمشدک ؛ زیرا : ایجه آراسق طانیه بیلیرز . والحاصل ، هم نفسی و هم غیر مشعوره اولهرق اعلان اولنان بر چوق حادثه لر

علی‌الاطلاق غیر مشعوره به *inconscient* اولمایوب، فقط « ماتحت الشعور - subconscients » در .

بو مسئله‌لرده محق اوله‌رق یالکز شوکا حکم اولنه بیلیرکه شعور متماک شان ضروریسی « دقت Attention » اولوب حیات نفسیه‌یی یالکز بر ادراک واضح و دقیقه حصر و تنزیل ایتک طوغری دکلدرد .

بونک معناسی بستیون غیر مشعوره به حالات یوقدر دیمک دکلدرد : فقط اوایله حالاته آرتق نفسی ، روحی دیمک اوله‌ماز . مثلاً شعور متماک و واضحه مقارن اولان بر عمل بالآخره اعتیاد شکلنه کیرسه ، عادتا وجود آتی ماکنه کبی ایشله‌مش اولسه ، او آرتق برحالت ذهنیه اولماش اولور ؛ بعدما شعورک اوکا ملازم اولمامسده تعجب ایده‌جک برشی قالماز . بوراده استنتاج اولنه بیله‌جک نتیجه شوندن عبارتدرکه ، شعورک ، بر شرط آفاقی و خارجی اوله‌رق آرادینی شی ، معین بر شدنی ، معین بر مدتی اولان بر تهیجدر : او حالده بو مقدارک دوننده شعور حاصل اولماز ، نته‌کیم یوز درجه حرارتک دوننده صوغلیان ایتز ، بو حالده هم نفسی و هم غیر مشعوره به اوله‌رق بر حالتک ظهور و تحصلنی دعوی ایتک دلیلسر برادعادر . خلاصه کلام ، غیر مشعوره به نظریه‌سنک تنقیدی بزه آنجق ایکی صنف حادثاتک تصدیقنی تجویزایدرد : یابعض حالات نفسیه هنوز بر درجه مشعوره‌درد ، یاخود بعضلری تماماً غیر مشعوره‌درد ، فقط او وقت اونلره حالات نفسیه دینه‌مز . ایشه بوندن طولایی بالجمله حالات نفسیه‌نک صورت ضروریه‌سی شعوردر ؛ اونک خارجنده کیفیات نفسانیه موجود دکلدرد یاخود موجودیتنی غائب ایتشدرد .

تطبیقات عمیه — تأملک انتباهی — تربیه‌دن مقصد چوجنی ، بوتون معناسیله ، بر انسان یایمقدرد . بر انسان ، کندینی بیلن ، کندینه مالک اولان بر ذات اولوب ، کندنی باشنه حرکت مستعدرد . حال‌بوکه چوجق ایلمک کونلری کندینی بیلمز ، خارجی اشیایه کوکل خوش‌غلیله اسیر اولور : طیشاری‌ده جهانک کندیسنجه بستیون یکی اولان تماشاسندن مستفید اولق ایچون ، امکانک صوک درجه‌سده آچیلوب صاچلمقله نه قدر فرحلتیر !

بناءً علیه ذهنی اورادن چویرمک و کندینه مالک اولماسی ایچون کندینه دوندرمک لازمدر . بوخصوصده ناصل طاوراعلی ؛ طبیعده بکندیکی شیرک

هپسی، بو پارلاق رنكلر، بو آهنگدار، لطیف نغمه‌لرك، كافه كندی شعورندن صادر وانجق اوراده وجود پذیر اولدیغی سویلنه جگمی؟ واقعا بونی سویلرسك، چوجق شاشه‌جق، بوده برشیدر، فقط معناسنی آكلایه‌جقمی؟ بونك ایچون دها ساده بریول طومتلی، دیملی‌كه یالكز عالم خارجی یوقدر، بونك قدر حقیقی دیگر برجهان‌ده واردر. هم بوجهان کنديسنه اوندن دها یاقیندر، بوجهان كندی ذاتی، عالم نفس وروحیدر، نه‌کیم بر چوجنك دیدیگی وجهله بو اوقوه‌درکه انسان اونكه «آناسنی سور». بونك کبی چوجنه کنديسنك بوروح سایه‌سندد دیگر اشیا و دیگر ذی‌حیات مخلوقات‌ه‌صل تفوق و تقدم ایتدیکنی آكلاتمق قولای اولور، زیرا روح حسیات‌حسنه‌نك، محبت وشفقتك محل حصولی، عقل، فکر و اراده‌مختاره صاحبیدر. چوجنه، غفلته، یا پمش اولدیغی افعال حقنده، اخطاراتده بولنمالی، ایلک خاطره‌یه قاپلایوب اگر بر لحظه دوشونمش اولسه‌یدی، باشقه درلو حرکت ایتیش اوله‌جفی لطفله سویلنملی، بوتدیرلر چوجنك یاواش یاواش کندينه صاحب و امر اولماسنه مدار اولور.

تأملك اهميت ايهو قیسی — فی‌الحقیقه تأملك یاخود دها طوغریسی اعتیاد
تأملك اهميت معنویه‌سی مبالغه‌ایده‌منز. تأمل ایدن بر کیمسه یالكز افالنك تجلیکاهی دکل، اونلرك اسبابی‌ده بیلیمك شرطیله مؤثر و فاعلیدر، بو‌حاله‌طبیعت و هواسنه مغلوب دکل اونلره غالب اوله‌رق سرنوشتنی كندی تعیین ایلر؛ یعنی فاعل مختار برذاتدر. اگر بهیمة عادی بر فرددن باشقه برشی دكلسه، اگر هیچ بروقت کندينه متصرف اولمایوب الی‌الابد کندنده ظهور ایدن صور ذهنیه‌نك بازیچه‌سی اولمغه محکوم بولنیورسه، بونك سببی تأمله، واحساسات مجراسندن کندينی چکهرک وبونلره غلبه‌ایده‌رك نفسنه متصرف اولمغه اهل اولماسیدر. دیگر بر جهتدن، برانسانده عادی بر ماکنیه مشاهجه اولان حصه نه‌قدر بیوک اولورسه، بونك‌ده سببی اوآدمده تأملك دها آز مأنوس، دها نادر، ظن اولدیغندن زیاده مشکل اولماسیدر. بونكه برابر «ذات personne» نامنه حقیقه کسب لیاقت ایچون، حیاتك هر آننده، نفسنی تفتیش ایده‌بیلیمك، بوتون افکار و بالجمله انطباعاتك صحیح بر صورتده حسابنی کوره‌بیلیمك لازمدر.

کرمك ادراکاتك همرمت عملیه‌سی — بلکه‌ده غیر قابل اجرا بر خالدر :

« له ښیچ » غندنه معتبر اولان تصویره نظرآ یالکز قدسی «موناد La monade» ك [۱] كندی ذاتی حقنده علم تامی واردد ؛ انسانی اولان « موناد » ك شانی بعض « مېرهم اورا لبات مېه » ایله « بهرهمه نماز اورا لبات قلیه » دن مرکب برخلیطه اولمقدر ، بوخلیطه ده برنجیلرك حصه سی ایکنجیلره نسبتله پك بیو كدر . شعور واضح حیات نفسده برنقطه مضینه دن باشقه برشی دكلدر : اونك آلتنده كیت كیده ظلمته یاقین برشه ظل آلتنده دها چوق كینش بتون بر خطه یاییلمش طور ییور . فقط حیات مشعوره و « حیات غیر مشعوره » بزده بویه بربرینه هیچ طور مقسزین كیرمش قاریشمش ایسه ، تربیه دیکر بروظیفه ترتب ایدیور . حیات بشریه ده « كوچك ادراكلكرك » خدمتی انكار ایتیمه : و قتیله له ښیچ ك اونی اخطار ایتمی حقی ایدی . چوجك دها پك كوچك یاشدن اعتباراً تلقیه باشلادیفی انطباعات ، واوكا هر طرفدن ، چوره سنی قوشامش اولان طبیعتدن ، اورتالرنده بویودیكي كیمسه لردن ، كوزی اوكنده كی مثالردن كلن تأثیرات روحه نفوذ ایله لوحه قلبه قولایچه حك اولور . چوجق نه قدر كنچ وشعوری نه قدر زیاده تازه اولورسه او انطباعات آناری دها درین اولور ، بونلر چوجك اخلاقه ظن اولندیغندن زیاده تأثیر ایدر ، اراده مز اوزرینه نه قدر كیزی اولورسه او قدر زیاده قطعی برنفوذ اجرا ایلر ، تفكر اتمزه راستقامت معینه ، حساسیت مزه خصوصی بر بو كوم ویرلر ، والحاصل طبیعتلرمزی نازك یاخود قبا ، عفیف یاخود فاسد ، شن یاخود غمناك ، حالص یاخود متحذر یا بمق خصوصنده پك عظیم بر قدرته مالكدرلر . بو سببله بوتون استقبال اخلاقمز وسعدت حیاتیه مز اوزرینه قطعی بر تأثیر اجرا ایده بیلرلر . شهه سز بونلرك منفرد برعامل اخلاق اولدق لرینی دیمك ایسته میورز ؛ ظن ایدیورزكه (وطن ایتیلدر) انسانك كندیسی ده حریت [۲] سایه سنده ، وبرعزم واقدام مردانه

[۱] موناد — . بو كله نك اصلی $\mu\omega\nu\alpha\varsigma$ لفظ یونانیسیدركه معناسی واحد دیمكدرك . بو تعبیری اولافیشاغور قولانمش ، صكره افلاطون « مثل » ه تطبیق ایتمش ، علمای نصارا مختلف معناده قولانمشلر ، نهایت له ښیچ اوكا برشهرت ویرمشدرك . له ښیچ غندنه موناد « عالمی تركیب ایدن جواهر مستقله غیر جسمانی » نك نام عمومیسیدر . متأخرین فلاسفه دن رهنوویه Renouvier ده بو تعبیری قولانمقده در .

[۲] بزم تعبیر مزجه اراده جزئیه مزی صرف ایدرك . (مترجك)

ایله کندی طبیعت اخلاقیه‌سنک تشکله یاردیم ایده‌بیلیر : فقط شونی‌ده دیمک مناسب‌درکه فاتک ظن ایتدیکی کبی حریت ، بردن بره واولیه قولایجه فطرت اصلیه‌مزی دکشدیره‌مز : بوندن ماعدا ، انسان بر فعلده بولندینی وقت اونی هر زمان ذاتاً مالک اولدینی خویله‌براز یاجوق یاپماز می ؟ بونک ایچون چوجقده شعور او یانمازدن اول ، اونی مضر هر درلو تأثیراتدن قورومق لازم‌درکه روحه یالکز صحیح‌العیار تلقینات نفوذ ایتش اولسون . فقط ینه تکرار سوبلیه‌لم که کندی اوزرینه تأثیر ایده‌بیله‌جک القا آتی موازنه‌یه ، بونلرک هانکیلری نافع و مسعود هانکیلری مشؤم و داعی مسؤلیت اولدقلرینی تمیزه ، وجهله‌سنی میزان عقل ایله تفتیشه آلسدیرملیدر . بوکا چوجقک اقتداری خارچنده برایشی دینه‌جک ؟ بآس یوق ! چوجفی اقاع ایده‌لم که اوکا مستعددر ، بوقاعت اوکا لازم اولان قوتی ویریر : بیللمی که هرشیده ، قدرتی حاصل ایدن ایماندر .

— ۲ —

مادئات رومبئک نصیفی — شیمدی حالات روحیه‌نک شکل عمومیسنی ، جهله‌سنک منسوب اولدقلری « جنسی » اوکرندک ، شیمدی‌ده الک باشلی نوعلرینی تعیین ایتک یعنی اونلری ، آیری آیری زمره‌لره توزیع ، مشابته و اختلافلرینه نظراً تصنیف ایتک قالیور . بویله یاپیلیرسه ، حیات اخلاقیه و معنویه ده امین بر صورتده تتبع ایدلش اولور .

مادئات رومبئک اوج صنفی — حادثات روحیه‌نک اوچ بویوک صنفه آیرلدیغنده بوکون عمومیتله افکار اتفاق ایتشدیر : حادثات صیه ، نهیمیه یا ضرر و افعاله ؛ حادثات ذهنیه ، استحضاریه یا خود علمیه ؛ حادثات اراده ، فعالیت یا خود قصد و قرار .

بو اوچ صنف واقعاتک شعور داخلنده موجود اولدیغندن امین اولمق ایچون تجربه‌یه طانیشمق الویرر . مثلاً بر قباحت ایشلرسه‌م ، اوتانیرم ، مکدر اوئورم ، کوکلی عذاب قاپلار : ایشته بو بر کیفیت محسوسه‌در ، فقط احوالده ایکن ، نه قدر

فنا حرکت ایتدیکی آکلارم، بشقه درلو یاپه‌یله جکمی کورورم فعلمک حقمده نه قدر فنا نتیجه لر ویره جکمی تخیل ایدرم: بونلرک هپسی کیفیات ذهنیه در. بونک اوزرینه یاپیلان فسالنی تعمیره و بوندن بویه دهایی حرکت ایتکه قرار ویریرم: بوده بر قصد و قرار فعلیدر.

روما ایمپراطورلرندن آوغوستوسه کندی علیهنده «هیننا» نك برفساد چته‌سی تشکیل ایتدیکنی خبر ویرمشلر: اولاشو نانکورک خباتتی، معروض اولدینی تهلهکئی، بوکا مانع اولمق ایچون اتخازینه مجبور اولدینی تداییر متوعه‌یی ذهناً احضار ایتش: بونلر افعال ذهنیه؛ عین زمانده بوقیام خبری کندیسنه پک آجی تأثیر ایتش، بلکه قورقویه دوشورمش، قیزدیرمش: بونلر کیفیات حسیه و انفعالیه؛ انتقام آله‌جق، مته‌یی منفایه کوندره جکی یرده آوغوستوس هیننایی ایسته‌تمش، وعفو ایتش: بوده بر فعل ارادیدر.

تصنیفده تفریط بویه. زوفرانک نظریه‌سی — بونکه برابر حادثات روحیه‌نک تصنیفده یالکز تجربه‌نک اخباراتی نظر اعتباره آلمش اولسه‌یدی، جرأت صاییلردی، یاخود بومعامله مقتضیات علمه اوقدر موافق اولمازدی. بناءً علیه بوتصنیفک مقبولیتینی اثبات ایچون حادثات روحیه‌یی بویه اوچ صنفه آیرمقده افراط و تفریط بولمادیغنی کوسزملیدر.

عمومیتیه مسلم اوچ صنف حادثاته زوفروروا ده اوچ صنف علاوه ایدیور: طبیعتک مبول و یا اهواء ابتدائیه‌سی، نطق، حرکات محرکه. بونلرک غیر قابل اختصار بعض حادثات اولمادقلرینی اثبات ایتک قولاید. میول ابتدائیه کیفیات انفعالیه‌یه داخلد، زیرا آرادقلری تهیج اولمازسه میولک تصوری قابل اولماز، تهیج ایسه اولر سز تفهم اولماز. نطقه کلنجه، اعضای جسمانیه‌دن ماعدا، افاده ایدیه‌جک افکاری، یعنی بعض حادثات ذهنیه‌یی، و ابنای جاسیه محاوره احتیاج طبیعیه‌سی یعنی بر فعل حسی‌یی استلزام ایتیمورمی؛ حرکات محرکه‌نک ایسه روحیانه تعلق یوقدر. بوندن ماعدا، اونی ایضاح ایچون، حادثات روحیه‌نک بر صنف مخصوصنی تسلیم ایتکه اصلاً احتیاج یوقدر، زیرا تهیج، فکر، اراده، هر نه اولورسه اولسون، هر حالت شعوریه بر قوتدر، یعنی بر حرکت معینه‌نک ظهورینه سبب اوله‌بیلیر.

تصنیفه افراط برو . اوج صنف حادثاتك اوصاف مختلفه سی — بالجمله حادثات روحیه قبول ایندیگمز اوج صنفدن برینه کیره بیلیر و بوندن فضله سنی تصدیقه محل یوقدر . فقط یها آزمقدارده تصدیق اولنه مازمی ؟ تصنیفی بوندن دها اشاعی یه ایندیر مه نك غیر قابل اولدیغنه امین اولمق ایچون اوج صنف حادثاتك اوصاف مختلفه سی اولدیغنی نظر ملاحظه یه آلمق کفایت ایلر ، یعنی اونلر ، بر درجه یه قدر ، کندی موجودیتلری وترقیلری اعتباری یه مستقندر ، و اکثریا بر برلری یه متقابل و معارض بولنورلر .

کیفیات انفعالیه ، تهیجات و میلانلر حد ذاتنده انفسیدرلر ، یعنی جوهر نفسینک حالات محضه سی اولوب اوکا خاص ویا لکزر اوکا متعلقدر : بر تهیج بزی ضمیرمز ایچنده محبوس براقیر ، بزه هیج برشی اوکره تمز ، مکرکه خوش ویا ناخوش بر طرزده تغیر ایدلم . کذلک تهیجات صورت مطلقده شخیصدرلر ؛ حظوظاتم ، اذواقم یالکزر بکا عأددر . باشقه لرینک بونده حصه سی یوقدر . یا ماقال دیرکه ، بر ارککک حظوظاتی باشقه ، بر قادینک کی باشقه در ؛ بر زنکین ایاه بر فقیرکده حظوظاتی بویه مختلفدر ؛ « بر دلقانلینک صفاسی بر اختیارک صفاسنه بکزه مز . ایکی کیمسه یوقدرکه شیء واحد اونلرک ایکیسنی ده بر درلو تهیج ایتش اولسون . والحاصل اونلرده ، ثابت و مستمر اولان برشی یوقدر : حظوظات و اذواق یالکزر بر انساندن دکر برانسانه کوره دکیشمک شویه طورسون ، حتی عین بر شخصده ، عمرینک مختلف آنلرنده بوسوتون دکشمشدرلر .

افعال ذهنیه بالعکس « آفاقی » در ؛ شهه سز ، بر تصور ، بر تصدیق جوهر نفسینک بعض تعدلاتیدر ؛ فقط جوهر نفیسده ، جوهر نفیسدن باشقه بر شیئه یعنی اشایه کندی صفت و نسبتلری یه برابر دلالت ایدرلر . بناءً علیه جوهر نفسی اونلری کندندن آیریر و کندیزی اونلرک مقابله سنه کچر ، اونلر بروجودخارجی اضافه ایدر ، شو صورتیه که هر بیلمک فعلنده بر ایکیلک مندجدر ، یعنی بیلن نفس ایاه بیلن شی . بناءً علیه افعال ذهنیه غیر شخصی دیمک اولوب کلی اولمغه چالیشیرلر ؛ حتی بوتون عقوله حاکم اولان بعض مفهومات و بعض مبادی ضروریه بریانه براقلسه دخی ، بر فکر صحیح ، بر محاکمه نامه و سلمه ، بر برهان مکمل واضح یالکزر نجه معتبر اولمایوب نمکی کی متشکل بوتون اذهان ایچونده معتبر و قیمتداردر .

والحاصل، افعال ذهنیه بالنسبه ثابت و مستمر در؛ بر حقیقت مکشوفه لایتغیر در. شبهه سز، افکار و آرامزی دکشدره بیلیر، فقط اصلاً هر آن دکل: اونلردن بعضیلری ده وارد در که اونلرده قرار قیلارز، بونلر هیچ تبدل ایتمکسزین دوام ایدر. افعال ارادیه هم کیفیات انفعالیه و هم بیلکیدن باشقه در. بوصول ایکی صنف حادثات هرشیدن اول شعورك حالات «موازنه Statique» سیدر. اونلرله جوهر نفسی صانکه حالی اوزره، سکونده طورر. بالعکس افعال ارادیه حد ذاتنده «حالات قوانیه Dynamique» در. اونلرله جوهر نفسی کندی ذاتندن چیقار، خارجه تبدلی ایدر، افعالیله و بسط ایتمیکی قدرت ایله اشیا اوزرینه کندی تمغاسنی اورور. بونک ایچوندركه اکثریا، احتمال که هر نه قدر تماماً صحیح دکلسه ده، کیفیات انفعالیه و علمیه نك حالات «مطالعه» و دیگر لرینك افعال «متعديه» اولدیغنی دیشلردر.

بواج صنف حادثاتك كندي مربوط بدي اعتبارله استعماللری — بوتحلیلمزی تجربه ده تأیید ایدیور. اول امرده بزه کوستریور که شو اوچ صنف حادثات کندی موجودیتلری اعتباریله هیچ اولمازسه بالنسبه مستقلدلر. برچوچق دها برشی اوکر نمزدن چوق اول، لذت والمی دهنه مش اولور. المی چکبیلیر، فقط نیچون اولدیغنی بیلیمکسزین: زیرا تهیج جسمانی بزه کندیسك سببی بیلدیرمز؛ بعضاً شن، مسعود، وېك کیفی اولورز، فقط سببی بر درلو تعین ایده میز. والحاصل، مقدما کوردك که حادثات انفعالیه عموماً بزه هیچ برشی بیلدیرمز، مکرکه بز منفعل و متاثر اوله لم.

حادثات انفعالیه، حادثات ذهنیه اولمقسزین موجود اوله بیلیر. بونك عکسی صحیدر: اوکده طوران شوأوی کوریرم، اولجه کورمش اولدیغم بر شخصی طانیرم، مثلك اوچ زاویه سی ایکی قائمه مجموعه مساوی اوله جفی خاصه سی دوشورم: بونرك هپسی حادثات ذهنیه در، فقط انفعالات و تهیجات ایله هیچ مناسبتی یوقدر.

بناءً علیه تهیجات و علوم یعنی بیلکیلر بر بردن آری شیلردر. بواکی صنف واقعاتك افعال ارادیه ایله مناسبتی ده بونک کیدر. برچوچق برشی مراد ایتمکه مستعد اولمازدن چوق اول، تهیجانه معروض اولور؛ حیوانك بعض استحضارات و صور ذهنیه سی وارد، فقط اونك برشی مراد ایتمیکی سویله یه میز. شبهه سز، هر نه زمان برشی مراد ایدرسهك، بو عزم و اراده مز بر آرزونك، بر فکرك وجودینی استلزام ایدر:

فقط هر آرزو من موقع فعله چیماز ، بوکاده ممنون اولمایدیر ؛ كذلك وظیفه منک نه اولدیغی ده پک ایی ادراک ایتیش اوله بیلیرز ، بونکله برابر اونی یاپمایه بیلیرز : بوجته فعل ارادت ، آرزو و تصور ذهنیه نسبتله ، تماماً یکی برشیدر .

اوج صنف مادناتک کنری انکشاف و تمیلری اعتباریه استقواللری —
 موجودیتلری اعتباریه مستقل اولان ، بواوچ صنف افعال انکشافلری اعتباریه ده مستقلدلرلر . اولره عینی بر روحده مساوی بر شدت و قدرده تصادف اولماسی نادر در ، طبیعت بر جهندن بخش ایتدیکنی ، دیگر جهندن علی الاکثر امساک ایلور . شهه سز بواوچ طاقم واقعاتک جمله سی هر بریمزده بولنور ؛ فقط اونلردن بر طاقمی فضله وغالب اولوب طبیعت اخلاقه مزه خصوصی بر ادا ، بررنک ویرنه اودر . بر آدمک شخصنده حساسیت غالب و محبته انهماک بولنور ؛ اوکیسه نک بالضروره ذهنی پک زیاده محروث اولماز ؛ بوندن باشقه بالخاصه همتی ده ناقص اوله بیلیر . دیگر برکیسه ذکی ، معلوماتی اولور ، فقط طبعنده فوق الحد برحشونت بولنه بیلیر ، كذلك چالشمه یه میلی ده اولماز . بعضاً غیرت و فعالیت کلسی لازم کلسه بیک دردن صو کتیر ، ونهایت ترده دوشر و برشیئه قرار ویرمز . والحاصل دیگر برکیسه ده فعالیت پک زیاده میال اولور ، فقط اونکده انظاری محدود و قلبی قاتی اولور . آرای عامه دخی حالات مذکورده نک شعورده کی غالبیتلرینه کوره ، انسانلری ، اصحاب قلب ، ارباب ذکا ، ایش اربابی دیه آیردیغندن بو حقیقی برنجی اوله رق او تصدیق ایتیش دیمکدر .

اوج صنف مادناتک مغایرتی — بوندن ماعدا اشبو اوج صنف حادثات بر برندن او قدر فرقلیدر که بعضاً بر برینک بوسبوتون ضدی کورینورلر . شدتلی بر تهیجک ضربه سیله تفکر معطل اولور . **هاملتن** Hamilton اولجه مشله ده و اعلام ایتشدی که برحالت شعور بزنی نه قدر زیاده منفعل ایدر سه بیلکیمزه او قدر آز مساعده ایدر . « موحی الیه دیردی که ، احساس ایله ادراک بر بریله معکوساً متناسبدر » احتراصک عقلی اضلال ایله کورلندیکنی کیم بیلیمز ؛ دیگر بر جهندن ، عنصر ذهنی عنصر حسی به ضد کورینور : سزه حدت عارض اولدیغی وقت بونک حقنده تأمل ایدیکز ، حدتکز کچر ؛ ذهنک بر شیله اشتغالی المی تخفیف بلکه ده ازاله ایدر . تشویش خاطر ایدن احتراصات و آماله قارشنی الک ایی دوا مطالعه در .

والحاصل یوقاریده سوبدیکمز وجهله ، عقلک کشایش عظیمی فعالیتجه اکثریا قرارسز لغه بادی اولور ، دیگر برجهتن انسانک کندی احتراصانه قارشی قویمی وهوسانه غلبه چالغه چالشمسی ده نادر کوریلر برشی دکادر .

اوج قوه . قوه‌نک ماهیت صمیمی — شعورده متمایز اوج صنف حادثات واردر ، بوندن نه فضلّه نه اکسیک قبول اولنه ماز ، بونک ایچون اولنردن هر برینک مقابله‌سنده برده قوه Faculté بولدیغنی سویلک عادت اولمشدر : حادثات حسیه ایچون حساسیت Sensibilité ، حادثات ذهنیه ایچون ذهن Intelligence ؛ حادثات ارادیه ایچون اراده Volonté . شهسز حادثات نفسیه‌نک مختلف صنفلرینی برر تعیر مخصوص مجردله تسمیه ایتک تماماً مصیدر : زیرا بومفیدوموافق بر تسمیه‌در . بونکله برابر بو اصطلاحاته آلدانامغه ده اعتنا ایتلیدر . اسقوجیا مسلک فلسفینسک یابدیغی کبی ، بو قوه‌لره حقیق ، یعنی بر موجودیت خاصه ومستقله یه مالک ، روحک ایچنده کویا متمکن ، بر برلرندن ایرلمش و ظهورلرینه سبب اولدقلری فرض اولنان حادثاتدن آیری قدرتلر نظریه باقاملیدر : اکر بویه باقیلیرسه بعض عادی مجرداته بر شخصیت ویرلمش اولور . بناءً علیه و قتیله بوسسوه Bossuet نک دیمش اولدیغی وجهله ، او اوج قوه روحک کندیسیدر ، قوای مذکوره کندی ذاتی فعالیتله برلکده ، عدیمل الزوال ، غیر متناهی ، وکندی تجلیات فانیه‌سک جمله‌سندن صکرده باقی ، ودائماً ترقیات جدیدیه متوجه اولان نفسدر . نفسک بو فعالیت طبعی ، اصلی ، تنزیلی غیر ممکن ، بلا نه‌ایه قابل کمال اولمق اوزره احتساس ، تفکر ، اراده صورتلرینی اکتسایلر : ایشته او اوج قوه بو اوج صورتک کندیلرندن عبارتدر . اولنر شویله تعریف اولنه بیلیر : « فعالیت معنویه‌نک اطوار طبعیه و متمایزه‌سی » یاخود « حیات نفسیه‌نک خدمات اصایه و اساسیه‌سی » .

قوه‌لرک برلشمی — بناءً علیه ، مادام که او اوج قوه نفسدن آیرلما یورلر ، هراوچنک غیر قابل انحلال بر صورتده برلشمش ، و هر حادثه معنویه‌نک متحدنده غیر قابل تقسیم بر درجه‌ده همتی کچمش اولماسی طبعیدر : نفس بردر و فعل ایتدیکی وقت ، بر یوماقده Faissau طوپلانمش بوتون قواسیله برلکده طوپدن عمل ایدر . مثلاً دفته عائد بر فعل ، اولا ذهنک ذکانک برایشیدر ؛ فقط بونکله بیتمز ، دقت بر همتی ده یعنی قوه ارادیه‌نک معاونت و مداخله‌سنی ده طلب ایدر ؛ بونکله

برابر انسان آنجق کندیسنك خوشنه کیدن و حساسیتنی مراقه دوشورن شیلره ده‌ها زیاده عطف نظر دقت ایله .

بوندن ماعدا ، قوانك حقیقت حالده بربرندن ایرمالاری او درجه غیر قابلدرکه کویا هر برنده هر اوچی حاضر ایش کیدرله . بوجهته هر حادثه مشعوره اوچ آن ترکیبی حاویدر : طویمق « احتساس معناسنه اولان » ، آکلامق ، تکرار فعل ایتك . اول امرده هیچ برتهیج یوقدرکه ، نه قدر ضعیف اولورسه اولسون ، کندیسنی یا حفظ و ضبط ویا ازاله ایتك ایچون بر درجه جهدی ، برارادتی و بوندن باشقه ، موجودك کئندن باشقه بر موضوعك ، آزچوق مبهم بر صورت ذهنیه‌سنی حاوی اولماسین . دیگر جهتدن بیلکیه عائد هر حادثه بعض تهیجله مترافقدر : کورمك ، ایشتمك ، آکلامق هر وقت بر درجه‌یه قدر لذت مقامنده‌در ؛ بونك کبی برده جهدی متضمندرکه تجربه‌نك نتایجی اولان عناصر متنوعه و متعدده‌نی برطوب اوله‌رق بریره جمع ایده‌بیلسین .

والحاصل ، اراده‌یه متعلق هیچ برشی یوقدرکه ایچنده آرزو و استحضار ذهنی اولماسین . بوضورتله که ، هر حالت شعور ، مختلف نسبتلرده اولسه دخی ، هم تهیج ، هم صورت ذهنیه ، هم اراده‌در ؛ بوحالده طویمق ، آکلامق ، ایسته‌مك فعللرینك ؛ حیات نفسیه‌نك خدمات اصلیه‌سی اولدینی ده‌ای اکلایلمش اولور .

اوج قوه‌نك سببی — بوندن ماعدا ، اونی طریق قبل *à priori* (۱) ایاه تعیین و تحدید ایتك عجباً ممکن دکلیدر؟ اوچ «قوه» بعض عوارض مبروکه اولمادینی کبی ، قدرت مبده‌نك محصولات کیفیه‌سی دخی دکلدر . بالعکس ، اشیانك بالذات طبعیتدن نشأت ایتکده‌درله . انسان کبی ذی شعور بر مخلوق اطرافنده کی اشیادن بالضروره دوچار تأثیرات و تعدیلات اولدینی کبی کندیسیده اونلرده تعدیلات وقوعنه سبب اولور : دیمك که انفعال ایاه تکرار فعل ، طویمق و ایسته‌مك « برشیئی اراده‌ایتك » دخی حیات نفسیه‌نك ایکی صورت طبیعیه‌سیدر . بونك براوچنجی شکلی ده واردرکه طانیق و آکلامقدر . فی‌الواقع ، اشیا اوزرینه بر فقلده بولنق ایچون ، اونلرك نه اولدقلرینی بهمه‌حال بیلمك الزمدر . انفعال ، استحضار ذهنی ، رد فعل ، ایسته بونلر حیات نفسیه‌نك مضمونی ، و خدمات ضروریه‌سیدر . اکر بو دکلسه

[۱] ۲۳ نجی صحیفه‌ده *à priori* ایچون سهواً آنی دینلمش ایسه‌ده طوغریسی لمی‌در .

هیچدر ، حال‌بوکه حیات نفسیه‌ک حقیر تجلیاتندن اعتباراً‌ک یوکسک درجه‌ده انکشافه قدر اودر .

تطبیقات عملیه — تربیه ، تربیه‌ک ایشی . تربیه‌ک ایکی معناسی — بورایه قدر سرد ایتدیکمز خصوصات تطبیقات عملیه‌جه پک مشمردر .

بیلورزکه : تربیه‌ک غایه‌سی چوجنی مستعد اولدینی درجه کاله ایریشدیرمکدر؛ شمدی‌ده تربیه‌ک تأثیری هانکی ساحه‌ده جاری اولماسی اقتضا ایتدیکنی بیلورز . شبهه‌سز ، تربیه هیچ برشی خلق ایتز ، طبیعت هپسنی تهیه ایدر . بونکه برابر ، قوا چوجغده حال ابتدائی‌ده ، تخم شکلنده بولنور : بناءً‌علیه بوقوانک تماماً انکشاف ایتلری لازمدر . قوانک هر بری ایچون بولزوم صحیحدر ، تربیه جمله‌سنه اهتمام ایتلیدر . اگر قوانک یالکمز برینه اعتنا اولنوب دیکرلری اهامال اولونورسه عبثدر ، زیرا غایه اولان تهذیب واصلاح روح مسئله‌سی فوت ایدلمش اولور ؛ مطلب ایسه بوتون قوای روحیه و اخلاقیه‌ک آهنگدار ومنسجم برصورتده ترقی‌سی‌در . تربیه‌یه بویله کنیش برمعنا ویریلنجه ، تربیه‌دن مقصد بالجمله قوای مغنویه‌ک ، یعنی ذکایه ، قلبه واراده‌یه عائد جمیع ملکاتک تمیه‌سی اولور . ده‌ها طار برمعنایه کلیرسه ، تربیه خُلقک « خوی » تشکیلی یعنی حس واراده قوه‌لرینک تمیه‌سی معناسی افاده ایدر . او‌حالده تربیه تعلیم مقابل‌کلیرکه تعلیمدن غرض دخی ذهنک تمیه‌سندن عبارتدر . تهذیب روحک بو ایکی شعبه‌سی آردسند نه‌کی مناسبتلر بولندیغنی بوراده آراشدیره‌جق دکلز . شوقدرینی سویلک کفایت ایدرکه تعلیم تربیه عمومیه‌ک لازم غیر مفارق برقسیمیدر : بو تربیه جمیع قوایه متوجه اولوب هم متین وعزمکار اراده‌یه صاحب ، هم وظیفه‌یه عاشق و آتشین قلبه ، صاغلام و امین قفایه مالک آدملر یتشدیرمکه مکلفدر . ایشته برکیمسه مقتدر اولدینی ویتشمکه مکلف بولندیغنی حاله آنحق بو شرطله نائل اولور .

تربیه‌ک مشکلاتی — بوندن ماعدا قوانک تمیه‌سی مربی جانبدن نه‌قدر زیاده هماتی ، محویتی اقتضا ایدرسه ، بر او‌قدرده حذاقت و احتیاطی ایجاب ایلر ، اخلاقک تنوعی ، حریتک حالات غیر منتظره‌سی ، واونلردن متولد مشکلات سببیه اولجه سویلدیکمز شیلری بوراده تکرار ایده‌جک دکلز . باشقه درلوموانعه‌ده

ظهور ایدیور . فرددن فردہ دیکشن یالکز فطرت اخلاقیہ دکدر ، قوای متنوعہ نک انکشافہ باشلادیفی ساعت ایہ اونلرک تمولرنده کی سرعت دخی هرکسده برسیاقده اولمایور . باقیورسکز که بریسنده ذهن چابوق آچیلمنه باشلایور و بونک یالکز اوکنه دوشمک لازم کلیور . بردیکرنده ایسه چوق وقت بکتدیوریور واوزون مدت طورغون قالیور . تربیه بالخاصه مکتبه یابلدینی ، واکثر اوقات علنی اولدینی ایچون معلمک تصادف ایتدیکی مهالک درحال کوریلور ؛ استادک ایسی ابدی بر موازنه مسئله سیدرکه اونک بومسئله نک حلنی بولماسی لازمدر . بوجهتله استادک قارشیسنده کی برلوك چوجقلا ره باشه چیققی ، هر برینی یاشلریله قابل توفیق اوله جق بر صورتده شوق و غلیانه کتورمک ، قوت ویرمک ، بعضلرینک صبرسزلقلرینی ضبط ایتک ، دیگر بعضلرینک عطالتلرینی قیرمق ، خلاصه جمله سنی ترقی ایتدیرمک ایچون اک یوکسک بر درجه ده احتیاط وبصیرته مالک اولماسی مقتضیدر .

قرانک نسره انکشافی . نرپه نمریمه — قوای متنوعه نک آن واحده انکشاف ویکنسق بر صورتده تفیض ایتدکلرینی تصدیق ایتکه برابر ، اونلرک دائماً هر برده غیر قابل تحول بر ترتیه کوره بر برلرینی ولی ایتدکلری ده محققدر . غیر قابل اعتراضدر که حیات حسیه شعور داخلنده اول باولک بویوک موقعی اشغال ایتکده در . یالکز اوندن بر آز صکره ذهن کندینی کوسترییور ؛ اورته یه اک صوک چقان اراده در . بوندن باشقه ، هر قوه نک ایچنده معین بر قانون تکاملک کشف و تیقنی ممکندر ؛ بووجهله در که ذهن بدایت امرده ادراک خارجی به ، تداعی افکاره ، حافظه تخیلکاری به مقصوددر ، ذهن اوائل حالنده بسوتون حسی وجسمانی ، مشوش و مخلوط ، ترکیبی مفهوماتی تلقی ایده بیلیر ، بومفهومات اوکا عالم خارجیدن هان هان بنفسه وارد اولوب کندیلکندن هیچ برشی احداث واحضاره مستعد دکدر : صکره یاواش یاواش قوتلر اکتساب ایدر ، نسبتلری تجریده ، مقایسه به وکشف و تیقنه باشلار ، بویله لکه درجه درجه محسوسدن معقوله واحده دن قانونه ارتقا ایلر .

فقط بویکیفیت مهم نتیجه لری ایجاب ایدر : تربیه تدریجی اولمالیدر ، روشنده طبیعتک روشنه موافق اولماسی لازمدر ؛ قانونی ایسه قوای مختلفه نک درجه قدرته تماماً مطابق اولمق و اونلرک تفیض وانکشافی تعقیب ایلکدر . عضویتدن پک شدید

حرکت وجه‌دلر ایسته‌مک ، هم صحت بدن و هم وجودده کی طاقات حیویه‌نک انکشافی ایچون ته‌لکه‌لیدر ؛ بونک کی قوه‌لردن هر هانکی برینه ، ده‌ا کله‌گه‌دن عجله‌ مراجعت ایله شدت لازمه‌یی اکتساب ایتسندن اول ایشله‌مسی ایسته‌نیرسه جمله‌سی ته‌لکه‌یه آتیش اولور . اصل بوکی شیلرده بکله‌مک و صبر ایتمک لازمدر ؛ پک عجله‌ ایلرله‌مکی ایسته‌مک ، طبیعتی زورلامق ، یورمق ، یا موفقیتدن کن‌دینی محروم ایتمک ، یاخود موقت و خطرناک بر موفقیت‌الده ایتمکدر ، زیراً برنجی تقدیرده تحصیل هضم‌ایدلامش ، ایکنجی تقدیرده ایسه‌ ایصتمه حرارتی قوت صائنش ، قوه‌ افراطله کرلمش اولدیغندن توکه‌دلش ، خلاصه اونک پک ضعیف اولان زنبرکی قیرلمش اولور . یاشک برزمانی وارکه اووقت چوققلره ، یالکز علم اشیا کوستریلور ، بعض ماصاللر و کوچک حکایه‌لر سویلنیر ، بوندن باشقه برشی یالماز ؛ دیگر بریاشده واردرکه فزیقندن اخلاقندن بحث اولنور ، تفکره مراجعت اولنور ، تفکر اولماسی طلب‌ایدیلیر ، سویلکه حاجت یوق‌که ماصاللر آرتق چکلمز اولور .

بوندن باشقه ، بعض ماده‌لرده واردرکه دکل یالکز برآن ایچون تدریسندن اجتناب اولنور ، فقط بونلرک تدریسنه باشلان‌دینی وقت دخی عقلک درجه‌ترقیسنی نظر‌اعتباره آلمق ایجاب‌ایدیر ، اودرجه‌که عینی بر ماده‌ ایچون ، ظروف واحواله کوره ، طرز تدریس بوسبتون باشقه برصفت اکتساب‌ایتمک اقتضا‌ایلر . اول‌باول ، هر تعلیم ، هم ساده هم جانی و دائماً جاذب اولمالی ، صکره یواش یواش یوکسلملی ، هم مرکب و هم عالمانه اولمالی ؛ باشلان‌غجده محسوس حادثه‌لردن ، مشخص حقیقتلردن ، مادی و بارز مثاللردن تدریساته کیرشملی ؛ خیلی صکره ، حادثاتی بربرینه باغلامغه ، فکر مجردی ، قانون عمومی‌یی استنباطه ، روش اشیا به حکمران اولان کیزلی منطقی اظهار واره‌یه غیرت ایتلی در . معلوماتک ترتیبی یاخود اصوللرک انتخابی موضوع بحث اولورسه ، رهبر اوله‌رق دائماً ، تفیض قوایی آمال‌لیدر ؛ او اولمازسه درس‌لر بر قولاقندن کیروب اونه‌کندن چیقار کیدر و هیچ بر ثمره ویره‌مز .

ایبری سورمک — بونکله برابر هیچ برشیئی مبالغه‌ایتمه‌لم . شبه‌سز ، فضله عجله‌کیتما‌ملی ، فقط کچ قالمغه‌ده کلز : اوحالده « معتدلانه عجله‌ایتملی در » ؛

چو جنك قوتلرینی سوء استعمال ایتك احتیاطه مغایر در، فقط اونلری وقایه بهانه سیله عظالت ایچنده صولدرمقده جائز دكلدر . چو جنی شوقه كتورمك ، زمان زمان ، اوندن غیرتله ایسته مك ، كندیسنی ایلری یه سورمك الزمدر . اوده بونی ایستر . زیرا اولدینی یرده صایمقدهن چابوق بیقار . چو جققلر فطرتاً مراقلی اولورلر ، هر یکی شیئه هوس ایدرلر ؛ آفرین آلمقده کیفلرینه کیدر ، مستعد اولدقلری شیلری کوسترمکدن خوشلانیرلر ، هله برمدت چالشوب یورولدقندن صکره مشکلاته غلبه ایتدکلرینه قانع اولورلر سه سونجکلرینه نهایت اولماز ! چو جققلرده کی قوای روحیه نك تفیضنی تسهیل ، ترقیسنی تعجیل ایچون بو حالات نفسیه دن استادك ایده بیله جکی استفاده تماماً اشکاردر .

تغییبی دكل، تربیجی تربیه — دیگر بر جهتن ، اونو تمایلم که روحك بالجله قواسی آره سنده درین بر تکافل و تعاون واردر : انبساط قوانك بربری آردنجه اولماسی نافله در ، اونلر بر آنده ظاهر اولور ؛ مبدئندن اعتباراً ، ترکیب ایتدکلری نفسده جملة حاضر درلر و حی ، تام بر بنیه تشکیل ایدرلر . بونك ایچون حیات روحیه نك وحدتی قیرمق جائز اولمادیگی کبی ، تربیه نكده وحدتی اخلال ایتما ملیز : روح بعض منفصل اجزادن معمول دكلدر ؛ بوسبيله تربیه ده اویله متفرق پارچه لردن مرکب اوله ماز . شعورك جمیع طاقتلری متحد و بر برینه معیندر ؛ بوسبيله تربیه نك بالجله اشکالی بر برینه کیرمش قاریشمشدر . « رومو » نك قوای روحیه دن بعضلرینك دیگر بعضلرینی تعقیباً نمایان اولمالری سببیه ، بونلردن هر برینك برکل تام تشکیل ایلدیکنی و بوجهتله هر برینك مستقلاً تربیه ایدلمسی ایجاب ایتدیکنی ظن ایلمسی برخطایدی . مومی الهسك ظننه کوره تربیه ده بر بندن صراحة آیرلمش اوچ دور واردر : برنجی دوره ده یالکر حواسك ، ایکنجیسنده ذهنك ، اوچنجیسنده اراده و قلبك تربیه و تهذیبنه اهتمام اولنمالیدر . بویله بر اصولك امکانشزلفنی کیم کورمز ؟ قوای روحیه آره سنده اویله بر ارتباط و تضامن واردر که برینك تهذیبنه دیگر لرینك تهذیبنه ده چالشمقسزین ثبث اولنه ماز . محاکمه ذهویه ، دقته ، اراده یه مراجعت ایتکسزین حواسی تربیه ایتك قابلیدر ؟ حقّه محبتی ده از یاده تقویه ایتکسزین ، عزم و اراده یی ده از یاده صبور و متین یایتمقسزین ذهنك ترقیسنه چالشمق ممکنیدر ؟ و الحاصل ذهنك تهذیب و قوه مفکره نك

تقویه‌سی اہمال ایدلدیکی حالده تربیہ اخلاقیہ ناصل تأمین اولنہ بیلیر ؟ هر قودہ ، روحك كندندن عبارتدر ؛ او حالده هر قودنی مستعد اولدینی تفیضه مظهر ایتمك ایچون تکمیل روح اوزرینه تأثیر ایتلیدر :

تربیه تدریجیدر ، فقط مالک اولدیغمز قوای معنویه‌نك جمله‌سنه برآن ایچنده متوجه اولمالیدر ، فقط بالطبع بونلرك درجۀ اقتدارى وقابلیتیرینی ده هر وقت نظر دقت واعتباره آلق ایجاب ایدر .

خلاصه

۱ — شعور بالجمله حالات نفسیه‌نك صفت مشترک‌سی ، صورت ضروریه‌سیدر ؛ حالت نفسیه ایلہ شعورك ایکیسی برشیدر : برنجیسی انحق ایکنجیسنك ایچنده موجوددر .

۲ — حالات نفسیه‌مز حقنده مالک اولدیغمز بواحتساس طبعی ودفعی immédiat ، شعور بنفسه spontanée در . انسان باطننده وقوعه کان تحولاتدن ، بالاخره بر فعل مخصوص اعانه‌سیله ، کندینی تفریق وبوبابده بروقوف قطعی پیدا ایدہ بیلیر . بوصورتله حاصل اولان شعوردهه متأمل réfléchie دینور .

۳ — شعور بنفسه حالات وحادثات روحیه ایلہ برآنده وقوع بولور ، مدتی وشدتی اونلرك مدت وشدتیه بردر ؛ بوندن باشقه بوشعور ، ترکیبی ومخلوطدر . جوهر نفسی بوشعور واسطه‌سیله حالت نفسیه‌دن آیرلمش اولماز . شعور متأمله‌کنجه بو، حادثه‌دن مؤخردر ؛ آنحق حالت نفسیه نه پك چابوق ، نه پك شدتلی اولمازسه ظاهر وممكن اولور ؛ بوشعور ترکیبی دکل تحلیلی ومتمايزدر ؛ اونكله جوهر نفسی کندی حالات وتحولاتندن تمايز ایدر وکندینه متصرف اولور . شعور بنفسه شعور متأملدن کینشدر و اونك ایلک کرسیسیدر .

۴ — شعور بنفسه‌نك درجاتی چوقدر . نهایتی کلیه‌جك درجدهه تناقص ایدہ بیلیر . بناءً علیه هر شعورك خارجنده بعض حادثات نفسیه اوله‌بیلہ‌جکنی ادعا ایتشلردر . فقط غیر مشعوره l'inconscient مدعاسی غیر قابل قبولدر . بوبابده اثبات دعوا ایچون ایراد اولسان دلائلك چونعی علی‌العاده « ماتحت الشعور les subconscients » دلر ؛ بونلر مدرک اولماقله برابر ، آرزوق مبهم برصورتده

محسوسدر. دیگرلری تماماً غیرمشعوریه‌در، فقط اویله اولدقلری ایچون نفسی دکلدرلر.
 ۵ — غایه‌سی کندینه مالک و نفسی عارف آدم یتشدرمک اولدیغدن تربیه ،
 اشیا سببیه نظری دائماً طیشاری به مجلوب اولان چوجنی دوشونمکه آلدردمق
 و ممکن اولدیغی قدر چابوق کندینه مالک اولماسه یاردم ایتمک ایه مکلفدر . فی الحقیقه
 شخصیت انسانیه‌نک شرطی تأملدر .

۶ — دیگر جهتن، خویک تشکله «کوچولک ادراک» *les petites perceptions*
 لرك خدمت و تأثیری عظیمدر . بناءً علیه چوجفك ایلک آله‌جنی انطباعات و تلقیناته
 فوق‌العاده اهتیاکارانه نظارت ایتلیدر ؛ بالخاصه کندینه نفوذ و تأثیر ایده‌بیلجك
 شیلری حساب و تأمل ایتمکه آلدردمالیدر .

۲

۷ — حادثات نفسیه‌نک اوچ بیوک صنفه آیرلدقلرینی تصدیقه بوکون افکار
 متفقدر . برنجیسی ، حسی ، تهیجی ، انفعالی حادثات ؛ ایکنجیسی ، ذهنی ، تصویری
 یاخود علمی حادثات ؛ اوچنجیسی ارادی ، فعلی یاخود ارتیادی حادثات .

۸ — بوتصنیف کافیدر . بوکا ضم اولنق ایسته‌نیلن دیگر بالجمله صنوف حادثات
 (بونی فلاسفه‌دن ژوفر *Jouffroy* یا پمش) اولکیلرینه قولایجه داخلدر .

۹ — بوتصنیف همده ضروریدر ، زیرا بونلرك دیگر برشیئه تحویل و تنزیلی
 قابل دکلدر . اولاهر برینك صفات مختلفه‌سی وارددر . کیفیات انفعالیه نفسی ،
 شخصی نهایتسر درجه‌ده متحولدر ؛ افعال ذهنیه آفاقی ، کلی ، ومستقردر . عزمه
 ارتیاده عائد حادثات یالکز حالات دکل ، فعلیاتدر . برده ، تجربه بونلرك کندی
 موجودیتلری و ترقیلری اعتباریه بربرلردن مستقل حتی بعضاً مغایر اولدقلرینی
 بزه کوستریور .

۱۰ — بونك ایچون روحك اوچ قوه‌سی وارددر دینلمشدر : حساسیت ،
 ذهن ، ارادت . فقط بوقوا حقیقی و مستقل قوتلر دکلدر ، بونلر حیات مشعورك
 خدماتی ، فعالیت نفسك غیر قابل تبدیل و تنزیل صور طبیعیه‌سیدر .

۱۱ — بناءً علیه قوای نفس بربردن آیرلمازلر ، جمله‌سی عینی فعللر ایچنده
 محاطدر ، اونلرك هر برنده اوچی‌ده حاضردر .

۱۲ — تربيه نك غايه سى بالچله قواي آهنگدار ومنسجم بر صورتده تهذيبدر؛ بوجهته هيچ برى اھمال ايتماسى مقتضيدر .

۱۳ — بوايش مشكلدر ، سبى يالکز طييعترك تنوعى دكل ، قواي نفسيه نك هرچوقده عىنى زمانده ظاھر اولماسيدر . بوندن ماعدا قوانك ترقى طييعلىرى صيره سنى تعقيب ايتك ، واونلك درجه شدت ومرتبه انكشافلرينه توفيق حركت ايتك پك زياده الزمدر . تربيه تدريجى اولمالى .

۱۴ — بونكه برابر ، نه چوق عجله ايتلى ، نه اويله كريده قالمالى . چوجنى شوقه كتورمه نك وایلری یه سورمه نك یولنى بولمالى : چوجقده بونى بکلر، زیرا اولدینى یرده صایمقدن خوشلانماز .

۱۵ — برده ، قوا آراسنده کی مربوطیت و تضامن اودرجهده درک برینک تهذیبی دیگرلرینکده تهذیبی مستلزمدر . دیمک تربیه بر قوه یی تهذیب ایدوب صکره دیگرینک کنه باشلامق صورتيله یعنی تعقیبی اولماز . روسرنک بونى اولور ظن ایتش اولماسی خطادر .



اوچنچى درس

مساسيت

تهيجات

حساسيت . - حساسيتك اقسامى . - تهيجات : لذت و الم . - تهيج و ميلان . - تهيجك منشى . - لذت و فعاليت . - تجربه ايله صحتى اثبات . - تهيجاتك اضافيتى . - تهيجاتك نفوذى . - لذت و المك مناسبتى ؛ بدبينلك . - احساسات جسمانيه و احساسات قلبيه . - احساسات . - احساسات باطنيه ؛ حاسه حيويه . - احساسات خارجيه . - احساسات قلبيه . - تطبيقات عمليه . - كوكل آليجى سعى نظريه سى : بونك قيمتى . - مكافانلر . - تربيه و الم ؛ « طبعى رد فعللر » مسلكى . - مجازات . وجدانك تصديق و تأييدى .

مساسيت . — نفسك اوچ قوه اصليه سندن ، حساسيت برنجى اوله رق ظاهر اولان و تتمو ايدن قوه در ؛ حساسيت ، حيات ايله برابر باشلار و شعورك بتون مضموننى اولان او تشكيل ايدر ؛ هنوز طوغان چوجق فرياده باشلايه رق چوقدن تهيجلر حس ايتديكنى كوسترر . بوندن باشقه ، حساسيت برطبقه كيدر كه بالاخره ديكر ايكي درلو وظيفه روحيه اونك اوزرينه ابتنا ايده جكدرد : شويلاه كه ذهنك ماده ضروريه سى حواسك استحضاراتيدر كه بونلر ذاتلرى اعتباريله كيفيات انفعاليه در ؛ بونك كې ارادتك مايه سى ده آرزو در كه بو ، بر حادثه محسوسه دن باشقه برشى دكلدر . بناء عليه حيات معنويه نك تنبعه ، حساسيتك تحليلندن باشلامق مستحسن بر اصول ظن اولتور .

مساسيتك اقسامى — حساسيتى على الاكثر « تلذذ و تألمه » يعنى تهيجاته قابليت ديه تعريف ايدر لر . فقط حقيقت حالده ، بر فكرك ذهنه اسناد اولنه بيلمسى قيلندن اولار ق ، تهيجاتى بر قوه خصوصيه اسناد ايتك ممكن دكلدر ؛ ياقينده كوره جكز كه بونلر فعاليتك تقلبات متنوعه سنك داخل شعورده كى لواحقندن باشقه شيلر دكلدر . بوتقديدرد حساسيت ايچون دوچار اوله بيله جكمز تهيجاتك هيئت مجموعه سندن عبارتدر ديمك دها طوغرى اولوردى . بونكله برابر حساسيت

یوندن عبارت دکلدر . حساسیتک دیگر بر مبدئی ده میلان inclination دیدیکمز کیفیترکه بونلر شو صورتله حساسیتک اساسی تشکیل ایدر . والاصل ، برتهیجی متعاقب بر میلان نفسمزده غالب اوله رق « احتراص » شکله کیرمی واقعدر . بوده حیات انفعالیه نك یکی بر صورتیدر . بناءً علیه حساسیتک اوچ مختلف صنفدن شونی واردر : **نهیجک** ، **میوندر** ، **اضراصات** . اکر احتراصک بر میلاندن فرقلی اولمادیفی اخطار اولنورسه ، بوکا قارشى دینرکه : حساسیت اونلری ایقاع ویا اونلردن صدور ایدن تهیج و میلانلرک هیئت مجموعه سیدر .

نهیجک . لذت و الم . — حساسیتک الک کوزه کورینن کیفیاتی تهیجاتدر؛ برده حساسیتک بوحالاتی تنزیل و تحویل قابل دکلدر . لسان عامده بر کیسه ایچون حسیلدر دنیلدیکی وقت ، اونک قولایجه تهیج اولدیغی آکلاشیلر ؛ روحیات نقطه نظرندن ، برتهیجی طویغنه ، بر درجه یه قدر ، مستعد اولان هر مخلوق متحسدر . شعورک تجلیکاه اوله بیله جکی تهیجاتک پک مختلف طبیعتده اوله جغنی کورمک قولایدر : والده سنک مهمسنی اتمک چالیشان بر کوچک چوجقله بر حقیقی هنوز کشف ایتمش اولان بر آدمک تهیجاتی ، وکذلک آجی بر میوه ییمکه بر دوستی ضایع ایتمه نك آره سنده نه بیوک مسافه واردر ! بونکله برابر ، بالجله تهیجاتک ، مختلف جنسه منسوب اولقله برابر ، بر صفت مشترکسی واردر : یعنی بونلر هر وقت **لذت** و **الم** دن عبارتدر . لذت و المی تعریف ایتک ممکنسزدر ، زیرا بونلر اویله شیلردرکه ماهیتلری بسیطدر ، یعنی باشقه برشیئه تنزیل و تبدیلی ممکن دکلدر . فضله اوله رق ، بویله بر تعریف زائددر : بر لذتک نه اولدیغنی طانیق ایچون اونى طاتمش اولمق لازمدر ، نه کیم رنکک نه اولدیغنی بیلمش اولمق ایچون اونى کورمش اولمق لازمدر؛ بوشرط الزم ، وکذلک کافیدر . بونکله برابر لذت و المک کندیلری تعریف اولنه مازلرسده ، هیج اولمازسه اونلری سبب و علتلری واسطه سیله ایضاح ایتکه جواز واردر .

نهیج و میوه — خیلی زمان اول **نهیج** ایله **میوه** آره سنده بر مناسبت اولدیغنه دقت اولنمشدر ، فقط بومناسبت هپ عینی طرزده اکلاشلماشدر . بعضلری انسانه بدایه بسبتون عاقل و منحصرأ تأثیرات خارجیه یی اخذ و تلقییه قابل نظر یله

باقدر نردن بونلرك تلقيسنه كوره انسانده ايلك حاصل و حصولدن صكرده ده ميلانك ظهورينه سبب اولان فعل تهيجيدر ؟ يوقسه بالعكس انسانده اصل اولان ارادت و فعاليت اولديغنه و بوفعاليتك طبعاً بعض مقاصد و غاياته ، و كنديدكندن بعض انعامه متوجه بولنديغنه قائل اولانلرك ادعالري وجهله ايلك حاصل اولان وارضاً ويا منع اولنديغنه نظراً تهيجي توليد ايله ين ميلانميدر ؟

تهيج ايچون ميلانك هم علت و هم اثريدر دينه بيلير . اول امرده تهيج ميلاني استلزام ايلر و اوندن صادر اولور . فرض ايدلم كه بدايتده وجوديمز جامد برطاش كي يالكز انفعاله مستعد ايدى ، ونه بر آرزوسى ونه بر مطلبى و ار ايدى ، او حالده اشيايه قارشى نه ملتذذ ونه متألم اوله مازدق ، زيرا اشياى مذكوره بزه صورت قطعيده تاثيرسز قالمش اولوردى . تهيجك سببى اشيايك بالذات كنديلرنده اصلاً آرانما مليدر ، فقط بونى كندى طبيعتمزده ، و اونك فطرى اولان ميللرنده آراملى يز . بدايةً عمومى ، غير معين ، غير ماهر اولان بوميلانلر كنديلريني خشنود ايدمك اشيايي تصادفه تبعاً آرارلر بوكا موفق اولورلر سه شعورده لذت نمايان اولور : بوحاله نظراً لذت ميلانك نتيجه تاليه سيدر . فقط بوبور دفعه طاتلدق دن صوكره ايكنجى متأخر بر ميلانه باده اولور ، بوايكنجى ميلان برنجيسدن مشتق اولمغله برابر آرتق معين ، و تمامدر ، زيرا اولجه لطيف اولدينى حس ايدلمشكن شمدى يقيناً بيلن برشيئ خصوصى به معطوفدر ؟ تلذذ ايتدك دن صكره ينه تلذذ ايتك ايستهرز ، بونقطه نظر دن تهيج ميلانك مبدئيدر .

نزهتكم منشئى — بناءً عليه ، نهايه الامر ميلانك تهيجدن مقدم اولدينى و بونك آنجق ميلان ايله ايضاح اولنه بيلديكى قولايجه اكلاشيلير . هر مخلوق بدايت ظهورندن اعتباراً ، اساساً فعالدر ، يشامق ، تنو ايتك ايستر ، كنديسى ايچون خير اولان بعض شيلرى طبعاً آرار : بونلره ايرشمك والده ايتك ايچون صرف ايديله جك غيرت ، بالذات ميلاندر . اكر بو ميل خشنود ، يعنى خير اكتساب ايدلمش ايسه مخلوق ، طبيعتك كنديسندن ايستديكى حاله اوليغون بر حاله بولنديغندن خير اولور ، بووقوف و شعور ايسه لذتك كنديلريدر . بوسرر Bossuet لذتى : « طبيعته اوليغون بر حالك احتساسيدر » ديه تعريف ايدردى ، ديكر ده قادات مسلكي

منتسب‌لری ده بو بابه : « بر درجه صلاح و کمال » یعنی بر خیر مکتسبک یا خود متحقق و تحقق اتمک اوزره اولان برترقینک احتساییدر دیرلردی .

لذت و فعالیت — اویله ایسه لذت ، مطرد ، تام ، طبیعت موافق فعالیتیه مربوط ، یعنی مقصدینه ایرشمش فعالیتدر ؛ لذت اوندن حاصل ، اونک داخل شعورده نتیجه انکشافیدر . **ارسطو** اونی چوقدن کورمش اولدیغندن : « لذت ، فعل دکلدر ، فقط شباهت طراوت ناصل انضمام ایدرسه لذت ده فعله منضم اولور ، دیردی ؛ لذت ، علامت نعمت و خیر اولوب ، حیاتک تفیض وانکشافه هروقت دلالت ایلر ؛ المده هروقت حیاتک معروض مشکلات و مزاحم اولدیغنه اشارتدر . **آرسطو** مطالعه‌سنه علاوة دییورکه : حصول لذت ایچون فعالیتک سربست و معتدل اولماسی لازمدر . حقیقت حالده ، بو کیفیت یکی بر شرط دکلدر ، زیرا هر فعالیتک ایلک غایه‌سی اولاً ذاتی حفظ وادامه اتمک ، اوندن صکرده انکشاف ایلکدر : بصورتله ، عطائیه محکوم اولمق یا خود افنای قوتله نفسی تهلکیه دوشورمک ، مخلوق ایچون تابع اولدینی قانونلرک برنجیسنی واک اساسلیسنی نقض ایتکدر .

تجربه البرصحنی اثبات — بونکله برابر تجربه‌ده بونظریه‌نک صحتی اثبات ایلر . وجودیمزک وظائف عضویه‌سندن هربری ایچون معین برغایه واردر ، تهیج ایسه بوغایه اله ایدمنسی و یافوت اولنماسی متعاقب در حال ظاهر اولور . باجافلر یوریمک ، کوز کورمک ، ذهن بیلیمک ایچون خلق اولنشدیر ؛ بونک ایچون عطالت ، قارا کلک بزه الیم کلیر ؛ حقیقتک کشفندن نه قدر خشنود اولورسه ق جهلدن ، شبه‌دن ده اوقدر مضطرب اولورز . ایشسنزاک بر جهلندن بزه آغراق ویردیکی حالده ، دیگر جهلندن معتدل بر فعالیت صفا ویرر ؛ فقط فعالیت جبری بریوریشده اولدینی کبی ، افراطه وادرسه ، تکرار الم ظهوره کلوب کیف وصفانک یرینی طوتوز . نوری کورمکی سورز ، فقط بو نور پک شدید اولورسه کوزی یورار ، راحتسز ایدر . بو بابه دها برچوق مثاللر ایرادی قولایدیر .

نرمجوانک اضافیتی — لذت و الم کیفیتلری وجودک طبیعت خاصه‌سنه بویله‌جه تابع اولنجه ، بالطبع اضافی و غیر ثابت اولمق لازم کلیر : فی الحقیقه هر فردک ، کندینه کوره معین اذواقی ، وخصوصی میلانلری واردر . فضله اوله‌رق ، بو عناصر

هیچ طور مقصودین متحول و تقلبات دائمیه معروضدر. بناءً علیه برینک خوشلانیدیندن دیکری خوشلانماز ، یاخود بوکون کیفمزه کیدن شیلر دون کیتیموردی ، یاخود یارین ده کیتیمه بیلیر . بوقیلدن اوله رق مختلف کیمسه لک حائر اولدقلری قدرت فعاله یالکیز اولنردن هر بریله دکشمز ، فقط عینی شخصده حیانتک مختلف آواننده و مختلف ظروف و مکاننده دکشیر . بونک ایچوندرکه مثلاً طاقی ضعیف اولان برکیمسه ایچون فلان ادمان مشقتلی کلدیکی حالده طاقی زیاده اولان برکیمسه ایچون خوش کلیر ؛ چوجق ایچون اکلنجه اولان اویون اختیاری آرتق سوقه کتورمز ، حال نگاهته اولان آدمه راحت پک طاتلی کلدیکی حالده سختی یرنده برکیمسه ایچون هیچ چکلمز .

نهمجانک نفوذی — دیگر طرفدن ، وجودیمیزی تشکیل ایدن اعضانک مأمور اولدقلری ایشلر متنوعدر ؛ بونلردن بعضلری برمانعهیه تصادف ایده بیلدیکی حالده ، دیگر بعضلری سربستجه کوریلور ، بری مقصودینه ایرشمدیکی حالده دیکری بوکا نائل اولور . بوصورتله ، لذت والم ذاتمزه بربری متماًدیاً ولی ایدر ومتقابلاً یکدیگرینه نفوذایلر. **افموطوره** و قتیه بوحاله دقت ایتش ومعبودلرک بوایکی دشمنک یعنی لذت و المک آرهلرینی بولمنی مراد ایتشلرسه ده موفق اوله مدقلرندن هرایکیسنی بر زنجیره باغلا دقلرینی حکایه ایلشدر ؛ او وقتدن بری لذت و الم بربرندن آرماز ایکی آرقداشدر . هرلذت دکل یالکیز برالمی ده حاملدر ، زیرا لذتک انقطاعی بنفسه برالمدر ، فقط اک شدید برلذت ایچنده ببله ، ینه «آجی برشی» وارددرکه لذتی برآز اخلال ایلر ، بوکا و قتیه «لورمه سی Lucrèce» دخی دقت ایتش ، بونک سببی روحک اولذتک محکوم فنا اولماسنی حس ایتسیدر . فی الحقیقه لذت و الم آرهنده کی بوتقابل طوغریدر ، زیرا المک طورماسی ده بر لذتدر ، فقط بوندن باشقه الممزک غورنده اویله طاتلی برشی وارددرکه بزه اکثریا قبول تسلیتی ببله رد ایتدیروب اوکا تحمل ایتدیرر ، **میرسر Spencer** بواحتساسه «تلهذ الم volupté de la donleur» دییور .

لذت و المک مناسبتی. **برینلک le pessimisme** — لذت و الم بربرینه مقابل ومابین ایکی حالتدر ، عجباً بونلرک ایکیسی ده مثبتمدیر ، یوقسه بری دیکرینک فقدانندن عبارتمدیر ؛ بدینلرک عندنده حقیق اولان یالکیز المدر ، بتون وارلق

اوندن عبارتدر : یشامق امك ویرمك، بر شیئی آرزو ایتك، یعنی الم چكمدكر . لذت ایسه الملك طورماسندن عبارتدر ، بونكه برابر بو توقفده موقت بر زمان ایچوندرك . بناءً علیه ، وارلق بر فئالق ، حیات ، عقله مخالف بر جتدر ، او حالده یكانه وظیفه بر آن اول عدمه رجوعدر . بونظریهده بیوك مقدارده بر غرض مخصوص اثری واردرك . لذت یالكز الملك فقدانى ، المده منحصرأ لذتك فقدانى دكدر . متلذذ اولدیغم وقت یالكز الم چكمیورم دكل، برده لذتیاب اولیورم ، كذلك مضطرب اولدیغم وقت یالكز متلذذ اولمایورم دكل برده اضطراب چكیورم دیمكدر : بونده ایكى ضد حالت واردرك ، فقط ایكىسى فعلاً موجوددر . بومسئلهده تسلیم ایدیاهك خصوص شوندن عبارتدر كه ، بعض لذات فى الحقیقه بر حاجت مقدمه نك تطمینندن ایلری كلیر . او حالده الم سابق نهقدر شدید ایسه تلذذده او قدر زیاده اولمش اولور . فقط بر موسیقی فصلنى ديكه ديكم وقت فرحیاب اولدیغمدن طولایى ، اولجه برشى ديكه مدیکم ایچون متألّم ایدم ، یاخود بر یمكدن متلذذ اولمق ایچون اولجه آچلق چككم لازمدر دیمكده اصلاً طوغری دكدر .

احساسات و امیسات . — تهیجات فوق العاده متعددر . مادام كه جسمانى و روحانى اوله رق ایكى درلو فعالیتمز واردرك ، تهیجاتی ده باشلیجه ایكى صنفه آیرمق طبیعیدرك : جسمانى فعالیت مز مربوط اولانلری احساسات sensations دركه « حساسیت جسمانی » یی تشکیل ایدرك ؛ فعالیت عقلیه و روحیه مز مربوط اولانلری احساسات sentiments دركه « حساسیت مغنویه » یی تشکیل ایلرك .

احساسات . — احساس بر انطباع آلى و عضویدن ، جسمانى بر تحولدن ایلری كلیر . مثلاً ، بر دیش خسته لغنك المى ، یاخود آجیق لدینى وقت یمك یركن اولان لذت ، احساسدر . احساسك بر موضعی ، بر محلی واردرك . بووجهله طویدیغم الملك یری باشده اولدیغنه حكّم ایدیورم . احساس كندیسنك مجهولى قاله بیان علتنى بیلدرمز ؛ اونی طلب واقتضا دخی ایتمز ؛ او علت و سبب بولنسه بیله ، احساس هیچ بر جهته تبدل ایتمش اولماز : دیمك كه تهیج جسمانى ذهندن آیری و مستقل بر شیدرك . احساس بالجمله حیواناتده همان همان بر كیدرك ؛ زیرا منحصرأ جسم عضوییه تابعدر ، اعضای آیه ایسه بر جنسك افرادی آرده سنده درین بر صورتده تخلف ایتمز . والحاصل ، فعالیت جسمانی محدود ، و بونلره عائد غایه لرك حدودینه چابوجق ایریشلدیكندن اعضامزى

خرج قوتدن واضطرابدن صاقینان حرکات معتدله انجق معتدل، اورتا بعض لذات تولید ایده بیلیر .

احساسات باطنه . *ماره میویره* . — *le sens vital* احساساتی اکثریا «احساسات باطنه» ، «احساسات خارجی» دییه ایکیه آیریورلر .

برنجیلرک مبدئلری بالذات بندده در . بونلر پک زیاده انفعالی اولدقلرندن ، اعضای بدنمک ای ویا فنا حالرینه مربوطدرلر ؛ بواساسات بعضاً مؤلم اولور ، او وقت وجود ماکنه سنده بعض بوزوقلق اولدینی بزه خبر ویرر . مثلاً، ایچمک ، تمیز برهوا تنفس ایتک ، باجقلرینک او یوشقلغنی کیدرمک لذتی ایه، کذلک آچلق ، هواسزلقدن بوقلمق ، جبری یوریمک ، بریانیق ، برکسیکدن ، برذهن یورغلغندن متولد الم بوقیلدندر .

احساسات باطنیه *عضویه* ویا *میویره* ده اطلاق اولنور . فی الحقیقه اونلر حیات فیزیولوژییه نك مختلف وظائفه مربوطدر . اونلری بعضاً *ماره میویره* *Sens vital* تسمیه اولنان خصوصی برحاسه یه اسناد ایدرلر ؛ فقط بوتعبیر بر لفظ مجرددن باشقه برشی دکلددر ، زیرا شامه ویا لامسه درجه سنده فعلی و حقیقی او یاه برحاسه خصوصیه نك وجودینی قبوله سبب یوقدر .

احساسات *ماره میویره* . — احساسات خارجی اشیای خارجییه نك بدنمک بعض اقسامی ، یعنی آلات حواسمز اوزرینه اجرا ایتدی انطباعاتدن نشأت ایلر . حواسک عددی بشدر : قوقوالمق «شامه» ، طاتمق «ذائقه» ، طوقونمق «لامسه» ایشتکم «ساممه» ، کورمک «باصره» در . شبهه سز ، بوکون اونلرک معطیاتندن *les données* اکثریسی آرتق بزی نادراً ، تصادفاً متأثر ایدرلر ؛ بواساسات آرتق لذت ویا الم اولمقدن زیاده بیلکیلرددر ، «احساسات» دن زیاده «استحضارات» ذهیه یاخود تصورات *représentations* در . فقط ، بدایتده ، اونلر هرشیدن اول تمیجات ایدیلر وبزه برشی اوکرتمش اولمق ایچون خوشمزه کیتامکه ویا بیزار اینامکه باشلاملری انجق بالاخره وقوعه کلشدر ، مع هذا ، مثلاً ایچلرندن قوقولر یاخود طادلر کبی ، بعضیلری بوکون دخی اولدن اساساً خوش ویا آجی ناصل ایدیسه لرینه ده او یاه درلر ؛ دیکرلرینه کلنجه ، دها خصوصی صورته

تصوری واستحضاری representative اولدقلرندن ، کندی صفت ابتدائیلرینی قولایجه بوله بیلیرلر : پک شدید برتضیق هوا، پک یوکسک بر درجه حرارت، بر آز شدید بر ضیا بزه راحتسزلق ویرر . بوندن باشقه ، ایشتمک ، کورمک حقیق لذتلردر ؛ قازاقلق و سسز لکک بزه نه قدر صیقندی ویردیکی معلومدر . بناءً علیه عنصر حسی و عنصر ذهنی بر برینه صیقی صیقیه مربوطدر : فقط هروقت بر برلریه معکوساً متناسب اوله رق بولنورلر . اگر حالت شعوریه پک انفعالی affectif ایسه قیمت استحضاریه سی ضعیفدر . بوکابناءً هاملتون Hamilton شوقانونی قویمشدر : « احساس ، و ادراک ، بر برلریه معکوساً متناسبدر .

احساسات . — احساسات بدنی دکل فقط نفسی علاقه دار ایدر ؛ بونلر بر انطباع عضوی یا خود بر اشتها ی جسمانیدن نشأت ایتمز ، خشنودلق و یا بر مانعه یه تصادفدن ، والحاصل بسبتون روحانی میللردن حصوله کلیر . بناءً علیه بر محیی تکرار کورمک یا خود کوزل بر منظره یی تماشا ایتمک مسرتی ، سوکیلی بر کیمسه یی ضایع ایتمش و یا فنا بر حرکتده بولنش اولمق کدری احساسات جسمانیه دکل احساسات قلیه در . احساس ، احلال اولنماز : کندی عدمی دوشونن بر آدمک المنی اونک نره سنه قویملی ؛ دیگر جهندن ، احساسک سپیندن انسان خبرداردر ، بوخصوصه کی وقوف دهندده غیر قابل افتراقدر : انسان قلباً مضطرب اولدینی وقت ، بونک سببی هروقت بیلیر ، بر نعمتک ضیاعی هروقت ذهناً تصور اولنور . بوندن باشقه ، احساس بالذات ذهنک ترقیاتی تعقیب ایلر ، افکار ایله برابر تنوع ایدر ، متخیله نک تأثیری آلتنده کنیشه لر ، نفس ناطقه نک ترقیسی و وجدانک نزاکتی ایله تصفی وتعدل ایلر . بناءً علیه احساس احساسدن دها زیاده متحولدر . بونک امثال انبساطی عادتاً کندینه مخصوصدر : بز احساسک محکومی دکاز ، اونی بتون روحزله یاپان بز . والحاصل شونی ده اخطار ایده لم که احساس فعالیت معنویه مربوطدر : فقط بو فعالیت بدنن دها مستقل اولوب ، غیر متناهی اولان غایاته ده متوجه اولدیفندن حقیقه غیر محدود ، وغیر مشاهدیر : ذهن بیلیمکن یا خود قلب سومکدن بیقرار یوریلیرمی ؟ بومبجنده قابلیت تلذذمنر حدود بیلمز ، فوق الحد طائلی و فوق الحد متحول تهیجات ایچون یر واردر . احساساتک تصنیفی تجربه مسئله سنه کلنجه ، بوممکنسزدر ، زیرا بونلرک

انواعی صابلمقله یتتمز : انسانك ، كرك بالذات كندیسنی ملاحظه ایدرك ، كرك عائله ویا هیئت اجتماعیه ایچنده یشایه رق ، و كرك طبیعتك مناظری ویا صنایع نفیسه محصولاتی قارشیسنده احتساسة مستعد اولدینی بالجله مسرات وبالجله اكدارك مكمل بر فهرستی ناصل تنظیم ایتلی ! حساسیت مغویه و روحانیه کیفیت و كیت اعتباریه ایکی قات غیر متناهدر .

نطبقات عملیه — كوكل آلیجی سئی نظر بوسی : بونك فینی — لذت و الملك تربیه ایشنده مأموریتلری نه در ؟ بومسئله بر جوق ملاحظات سردینه متحملدر ، بز بوراده یالکزر مختصر بعض معلومات ویره بیهلجکز .

علم تربیه متخصصلرندن بر جوغنی لذتی امر تربیه‌یی دها زیاده قولایلاشدیر مق ودها امین برشكه قویق ایچون توسل ایده‌جك وسائلدن بری عد ایتمشلردر. تربیه بالخاصه مکتبده ویرلدیکندن ، چوجغه مکتبی پك زیاده سودرملیدر فقط اول مکتب کندینی سودرملیدر. مکتبك چوجق ایچون یالکزر بر «اویون» ویا «بوش وقت» بیره جك» بریر اولمایوب اونك اوراده اکلنمسی ولذت بولماسی ده مقتضیدر . اكر خواجه بر جاذبه برنشئه کوسترمکی ، كذاك ماهر اولمنی ، شدت وحدت زماننده بیهلج محفوظه حلم ایتمکی ، انضباطك ایجاباتنه توفیقاً سرت طاوراندینی زمان دخی بر بابا کچی حرکت ایتمکی بیلیرسه ، کیمسه مکتبی چوجغه اونك قدر سودیره مز . لکن هرشی استادك ذاتی ایله یتتمز : تدریس یوللرینه ده بیوک بر موقع ویرملیدر ؛ برطرز عمومیده ، مکتبده سئی كوكل آلیجی اولمالیدر. چوجنی یالکزر پك بیوک مشکلات مواجهه‌سنده بر اقامق ، و اوکا کندیسنی چوق کچمه دن اوصاندره جق اویله قوری ، یکنسق ، باصمه قالب وظیفه‌لرده تحمیل ایتماك کافی اولمایوب ، بوندن باشقه ایشی اوکا طاتلی کوسترمه‌نك چاره‌سنی آراملی ، موانعی ازاله ایتلی ، متحول ، شخصی ، دائماً زنده بر تدریسه نظر اهمیت و مراقنی ادامه ایلیدر. «تربیه‌نك سری ، خوشه کیتمکدر» مکتب پك الیم خاطراتی تذکار ایتدیرن حزین ، پك صیق بر زندان کچی اولمالی ، بلکه ایچنده هرکسک کندینی ایی حس ایتدیکی فرحفا ، مسافر پرور بر ماجا ، «ظریفانه ویزلدایان بر آری قووانی» کچی اولمالیدر .

بوندن طوغری برشی اوله‌ماز . چوجفك مکتبده ترقیات سریعه‌یه مظهر اولماسی ایچون اك امین واسطه اونی سومسی ، وظیفه لرندن و درس لرندن لذت

آلماسی در : هانکی شیلر کندیسنک نظر دقتی جلب ایتمش ایسه اکی اونی اونلری بللر، هانکی شیلر خوشه کیتمش ایسه اکی اونی اونلری یابار. بونکله برابر ، بونلرده ده برحد معقول لازمدر . و چوجغه قارشى هرقت هردرلو مشکلاتی ازاله ایتک و کندیسندن اکی کوچک بر غیرت بیله ایسته مامک لازمدر دیبه ظن ایتما می یز . تربیه پک سرت ، پک آغیر اولما می : فقط او یله لزومندن فضله کوشک و غیرتسزده اولما میدر ؟ شونی اونو تاملی : مکتب ایلریده حیات ایچون برحاضرلق یریدر : فقط حیات بر الدورادو Eldorado میدر ؟ [۱] اکثریا مشقت چکمک و بوغوشمق لازم دکلیدر ؟ وظیفه یولی هر وقت آنکلسز میدر ؟ ایچنده هردرلو جهد و غیرت محذوف اولان بر تربیه غایه سنی غائب ایتمش دیمکدر ، اوتربیه روحی اعمال ایده مز ، اوتربیه ایله یتشه جک چوجققر ایلریده پک چوق آلدانمش و امیدسز لکه دوشمش اولورلر. بوندن باشقه ، چوجقده جهده میدان ویرمامک ، بالذات لذتی محو ایتک دکلیدر ؟ سعادت ارککجه و یوره کله چالشمقندن حاصل اولما می ؟ شهبه سز ، طبیعت اورتابه یالکز سعی و مشقتی سورمشدر ، سعادت و مسرتی ده اونلردن صکره و صانکه اونلرک آلتنه کیزله مشدر : حظ و مسار کندیلرینه محق و مشروع بر مکافاة کی کلن کیسه لر ، اوغراشمقندن ییلمایان و شمدی چکدی بکتری مشقتک ایلریده بر قارشولنی کله جکنی خاطره کتورمه یین ارباب جرأت و جسارتدر . بزم بیادی کمز بو قانونی ، چوجق هنوز بیلمز ، بونی اوکا بولدرمغه ، اورایه نظر دقتی جلب ایتک چالشمیلدر ، اونی مشقته آلدیر می و کندیسنه دیملی که قاعده یه موافق ، خیره مطابق جهت و اقدام بزه اصلا اخانت ایتمز ، و سعادت حقیقه اونکله برابردر . بو تلقینات چوجنی خودکام ایدر یولنده کی اعتراض نابمحلدر . یینه اوقدر مهم دیگر بر قانون واردر که چوجغه آکلاتمق مشکل دکدر . مسرت ولذت اونی آریا نلردن قاچار و آنحق اونی غایه اتخاذا یتمینلره کلیر !

مطافاندر . — تربیه ده لذت طبیعیه نک اهمیتنی بیان ایتدکن صوکره ، **"لذت صنوب"** یعنی **مطافاندر** اوزرینه بعض سوزلر علاوه ایتما مکلکمز قابل دکدر ، **فانت** بونلره اونی بر نظره باقما یور : معلومدر که فانتک غندنده وظیفه یی وظیفه [۱] الدورادو ، سیاح (پیزار) ک معاونی (اوره لانا) نک آمازون ایله اوره نوق آره سنده کشفی ادعا ایتمش اولدینی خیالی بر قطعه ، که اوراده آتون آشوب طاشیورمش .

اولدینی ایچون اجرا ایتلیدر ، باشقه بر ملاحظه‌ی خاطره کتور ماملیدر ؛ بناءً علیه بر چو جغه ای حرکتده بولندینی ایچون بر مکافاة ویرمک ، باخصوص ای حرکتده مجبور اتمک ایچون بر مکافاة آله جغنی کندیسنه امید ایتدیرمک ، اوکا وظیفه‌ی منفعتده فدا ایتدیرمک ، بوندن صکره اونی خودکاملق حساباتنه اطاعتده آله شد رmq دکلیدر ؟

حکیم مشارالیهک نیچون حذر ایتدیکنی آکلایورز : بونکله برابر هر شینه حق و حصه‌سنی ویرمک و حقیقی اولدینی کبی کورمک لازمدر . چوجق هنوز وظیفه محضه یه قارشی متحسس دکلدر . عجبا اونی چالشدیرmq ایچون ، اونک « اوده سدهک مفعوری » قارشیسنده منحصر آفانت ک وظیفه ویردیکي امر محکم imperatif categorique کبی صوئوق بر تعمیردن استعانه اولنورسه ، شودعوت و تشویقک تأثیر سز و معناسی آکلشلامش قالماسدن قورقلمازمی ؟ چوجق دکل قوجه بر آدم بیه بلکه خیری خیر ایچون پامغه ظن اولندیغدن ده از مستعددر ؛ بناءً علیه کندیمز ایچون بیه مشکل اولان بر شینی چوجقدن ایسته مک بر خیال محض اولمازمی ؟

بو تقدیرده مکافاتلرک ، تربیه خصوصنده ، تأمین ایده بیلدکری قیمتدار معاونتلردن محروم قالسه‌یدی بادی اسف اولوردی . چوجقک اوکا احتیاجی واردر ، اوکا قارشی متحسدر ، مکافاتلر چوجنی تشویق ، حس غبطه‌سنی ادامه ایلر ، مکافاتلر مزیت و استحقاق مقابلیدر ، بوجهته یالکز موفقیته ، اهلیته ، دکل غیرت و حسن نیته‌ده توجیه اولنمالیدر . مکافاتلر او قدر الزمدرکه اکثریا چوجق اونلری امید و آرزو ایتدیکي ایچون چالشیر : واقعا بو چالشق عادی برشیدر ، فقط البته هیچ چالشماقدن اولادر ؛ اونلری اسیرکه مک ، تر قینک الک مؤثر آلات محرکه‌سندن برینی قیرmq ، نیجه نیجه اراده و مراملردن ، بونلرک الک مقتدر منهلرندن برینی اورتادن قالد رmq اولوردی .

فقط ، عجله شونی سویله لم که : مکافاتلرک منفعتی قابل مناقشه اولماقله برابر تهلهکسی ده بیو کدر : الک بیوک حذاقت ، الک بیوک احتیاط الزمدر . اول امرده ، مکافاتک ماهیتی نه اولورسه اولسون ، بازارلق طرزنده اولماسی قطعاً مردود اولمالیدر . موفقیت یا خود جهد ایچون اولجه معین بر تعرفه اصلاً اولماسی ؛ یعنی شاکرک معلمک آلا جقلیسی اولوب وقت فرصتده اونی صیقشدره ماملیدر . او یله بر طرز

تربیه قلب‌لری ان‌حق منعت پرست اولمغه آلدیرر . بوجه‌تله بر علم تربیه متخصصنك مكافاتك عملدن اول هیج بروقت وعدا اولنماسی و بونا عملدن صکره انتظار ایدلسی و مكافاتك حربت تامه ایله ، تكفل ایدلش برا کرامیه کی دکل برزیده محصول اولماسی لازم کلدیکنی بیان ایتیمی حقسز دکدر ، خلاصه مکافاة قابل استیفا بر حق کی ده ایسته نه مه ملیدر ، بونك بویه اولماسی وظیفه نك مستحق اولدینی تصدیق و تأییده بو دنیاده هر وقت نائل اولمادیغنی چوجغه آکلاتمق و سعادتله فضیلتك اکثریا اودرجه مستهزایانه بر برندن آیری اولدقلری شو حیات فانیه عالمده اونی متانته آلدردمق ایچون بک ای برشیدر . دیگر جهتن مکافاتلری لزومندن فضله مادی شیلر ایچندن سچمکدن ، مثلاً پاره ویرمک ، ای بریمک ییدرمک ، بر دانته‌لی بویون باغی ویا برقات یکی اثواب آلق کی شیلردن ، ممکن اولدینی قدر قاجم‌لیدر ؛ « بوشلری مکافاة اوله‌رق وعد ایدرسه کز ، اونلری حد داننده ای مهم شیلر ایش کی صایدرمش اولورسکز ... ؛ چوجنی سعادت‌تی تمتعدن عبارت صایمغه آلدردمش اولورسکز » لومہ Locke کحق وار : چوجنی بویه مکافاتله آلدردمق ، اونك روحنی مادیلشدرمک ، اونی حقیقی غایه‌لرندن دوندرمکدر ، تماماً روحانی اولان اوغایه‌لر ایسه قلبك محبته و ارادتك مساعی و اقداماتنه یکانه مستحق اولان شیلردر . دیگر بعض مکافاتلر واردرکه ده‌آز ته‌لکه‌لیدر ، زیرا ده‌اصاف بعض اجزای ملموسه‌دن مرکب ، ده‌اخالی ، ده‌اخلاقیدر : بونلر ، مثلاً بعض کلمات تشویقه‌درکه چوجنك قلبنی دائماً ایستدیرر ، شبهه‌سز بر آز قابالی فقط تماماً حس اولنه‌جق بر مدح (غروری او یاندرمقدن چکنملی) ؛

استادك محبتی ، آرقداشلك حرمتی ،

ابونيك تبسم سعادت‌تی و چوجنی اوپمسی‌ده اوجنس مکافاتلردندر . بونلر مادام *de Maintenon* ک بحث ایش اولدینی شاه و شرف درکه ، چوجق اوکا طایانه‌بیلیر ، حتی طایانم‌لیدر .

فقط حقیقی مکافاة ، صحیحاً معنوی اولان مکافاتدرکه وجدانك خشنودلغندن عبارتدر . دیگر مکافاتلرک هبسی موقت شیلردر ؛ اونك ویرلسی چوجنك هنوز بوصوك مکافاته قارشو متحسس اولمامسندندر ؛ بوجه‌تله او مکافاتلرک ایشی آن‌حق وجدانی او یاندرمقدن عبارت اولمالیدر ، دیمک‌که بونلر ان‌حق ادب اکتسابی

ایچون بررهبرلکدن عبارتدر ، غایه‌لری ده حکم وجدان اوکنده کوزدن غائب اولمقدر ؛ یالکز حکم وجدان کفایت ایتلیدر ، زیرا کافی اولان یالکز اوندن عبارتدر؛ چوجغک ، سعنیک مکافاتنی واقدامنک تأییدینی بر وجدان مستقیمک شهادتدن و (مستحق اولدیغمز وقت) بزدن هیچ بر وقت قاجایان شو تصدیق قلییدن آرایه بیلمسی الزمدر .

تربیه والم . « رد فعللر یاخورد مقابلہ طبیعت » مسلکی — لذتک خدمت ووظیفه سندن صکره المک کی کلیر . فیلسوفلرا کثریا ، اضطرابی حقلی کوسترمک ایچون ، اضطرابک فوائد عدیده سندن بریسی اوغرایه بیله جگمز مهالکی بزه بیلدیرمسیدر دیشلردر . بو طوغریدر: فقط مع التأسف اخطار ایتلیدرکه شواخبار (نته کیم وقیته بهیل Bayle اوننی کورمش) ، خطرناک یاخود مشوم فعلدن اول وقوعه کله یور ، بلکه اوندن صکره اولیور ، شوصورتله که اوخبری الده ایتمک ایچون انسانک اوننی کسندی ضررینه الده ایتمش ، واضطرابک تجربه سنی کسندی یامیش اولماسی لازم کئیور: یعنی یالکز بریریمی یاقدیمز وقت آتشی طوتاماق لازم کلدیکنی اوکرشمز اولیورم .

تربیه نک ایشه قاریشه جنی یر ایشه بوراسیدر . چوجغک تجربه سی یوقدر ، هرشی اونک ایچون یکیدر ، اطرافنده کی عالمک الک بسیط قانونلرینی بیله بیلمز: فقط طبیعت اوننی اوکره تمکه مکلف دکدر ، چوجق بیلسین بیلمسین طبیعتک امورنده بیله اولماز؛ شاید بدبختلقه اوکا تجاوز ایده جک اولورسه مرحمتسزجه جزاسنی کورر ، چوجغک بونده سؤنیتی وارمی یوقی طبیعت اوننی آراماز . بونک ایچون چوجغه هانکی شیک تهلکلی، احتیاطسزلق اولدیغنی اوکره تمک، جانی یانمازدن اول خبر ویرمک وفعلی منع ایدرک اضطرابک اوکنی آلمق مریرله عأندر . شبه سز ، بتون تربیه عالملری چوجغک بویله براهما مه مظهریتنی قبول ایتامشلردر؛ اولردن بعضلری چوجغک کسندی تجربه سیله هرشیئی اوکره نمسنی ، چله ، مشقت مکتبنده یتشمسنی ایستلر ؛ طبیعت اوننی بزدن ایی تربیه ایدر ، زیرا اوکا افعالنک نتایج ضروریه سنی « اعمالنه مقابله ایدرک » حس ایتدیرر : والحاصل چوجنی ، یابدینی احتیاطسزقلری تعقیب ایده جک اضطراب ، دنیانک بتون نصیحتلردن زیاده اصلاح ایدر .

« ردفعالیر یا خود مقابله طبعیت réactions naturelles مسلک مشهوری بودر ، و قتیله بونی روسو Rousseau بیلدیرمش ، صوکردهده میسر Spencer « بعض تعدیلات ایله » تکرار اورتایه چیقارمشدر . بر چوقق کزینتی ایچون هیچ بروقت حاضر دکلدر ؛ فقط شاید اونی بکله مه دن بردفعه یالکز جه کیدرسه کز بردها سزی بکلتدرمز . آتشله ، بجاقله اکلنیر ، براقکز بریرینی یاقسین ویا کسین ؛ امین اولکز که عقلی باشنه کلیر ؛ آچ کوزلیدر ، برسؤ هضم اوکا هر درلو اخطار اتدن دها فائده لیدر . هرشیده ، تربیه خدمتی طبعیته براقلیدر ، بزم بوکا قاریشمغه صلاحیتمز یوقدر .

بویله بر طریق بعض احوالده یارایه بیلیر ، بوکا اعتراض اتمیز ؛ فقط هر شی ایچون الویرمز . چوق وقت ، حقیقی بر وحشت شکلنه بیله دوزر ؛ مثلاً برآنا چوجفک قاینار صویه النی صوقاسنه ، ویا بر قویو کنارنده اویناماسنه آلدیرمازسه اوکا نه دیملی ؛ زیرا اخطاره شایاندرکه ، بعض احتیاطسز قلر یالکز آز چوق بر اضطرابی دکل ، بعضاً بالذات اولومی ده دعوت ایده بیلیر : طبعیت چوق وقت چوجنی اویله بر تربیه ایدرکه ایلریده بردها اصلاحنه محتاج اولماز ، زیرا اولدیرر .

روسو طبعیتی عاقل ، عادل ، نافع ظن ایتشدی ؛ روسونک بوظنی حقسزدر . زیرا طبعیت شعوردن محروم برماکنه دن باشقه برشی دکلدر ، بونک ایچون یولی اوزرینه دوشن شیلری امانسز ازر کچر . اوتقدیرده تربیه بوندن ناصل اجتناب ایده بیلردی . چوجفک قربانی اوله بیله جکی مقابله طبعیتری کندیسنه اخبار ایتک ، بالعکس ، تربیه ایچون بروظیفه واجبه در .

مجازاندر . و مه انک نصیر بر و ناییری — بناء علیه ، طبعیتک در حال و مرحتسز جه ویره جکی آجیلردن چوجنی قورومنی بیلمک لازمدر ؛ بونک کبی طبعیتک جزاسنی چوق کچ ویره جکی ویا جزا ایتیه جکی شیلردن طولایی اوکا بعض آجیلرده طاندرملیدر . بو کیفیت ده « مقابله طبعیت » مسلکنک کفایتسز لکنی بزه کوستریور . واقعا ، جسمانی اولان هر تجاوز هیچ کچکدیر مکسزین انسانک جانی یا قاجق بر جزایی دعوت ایدیورسه ده ، مغوی اولان تجاوزلر بونک کبی دکلدر : بونده حکم وجدان ، قباحتی در حال تعقیب ایتیمور . ایشته چالیشماز ، دقتسز بر چوجق که هیچ برشی اوکره نمور ، اگر اونک شو حاله قارشی لاقید قالیرسه ق نتیجه سی

نه اولور ؟ شبه‌سز طبیعت بوکا مقابله ایده‌جک : برخیلی زمان صکره ، چوجق بیویوب‌ده آدام صیره‌سنه کج‌دیکی وقت ، کندینی جاهل ، بدبخت کورنجه ، کندینه ایتدیکی حق‌سزلنی آکلامش اوله‌جق . دیمک که جزاسنی کوره‌جک ، بلکه‌ده بوجزا پک شدتلی اوله‌جق : فقط بوجزا کچ قالمش اولمایه‌جقمی ؟ قنالق یاپیش ؛ شبه‌سز جزاسی چکلمش ؛ فقط اوکنه کجلمش اولسه‌یدی ده‌ای دکلیدی ؛ دیگر برچوجق‌ده چالسه یاخود یالان سویلسه ، طبیعت بو جرملری جزالندرمی درعهده ایدیورمی ؟ طبیعت بوکا بلکه هیچ بروقت مقابله‌ده بولماز ؛ بالعکس ، چوجق بونده نه قدر آز ماهر اولسه (حال‌بوکه اکثریا چوق‌ماهردرلر .) کندی کوتو فلاندن ینه بر استفاده چیقارر . بونلر‌ده آلدیرمایه‌جقمی‌ز ، ایشی طبیعتک اجرای عدالت ایتسنه‌می براقه‌جغز ؟ عادتک کوکشمه‌سنه وبریته حالنه کیرمنه مساعده‌می اوله‌جق ؟

بومسئله‌ده دخی عقل سلیم ایله وظیفه متفقدر : تربیه طبیعتک یاپدینی شیرلی تکرار یاپمیلدر . اولاً بعض طبیعی الملرک وقوعنه مانع اولماسی لازم ایدیه‌ده ، شم‌دی‌ده بعض جزالری ترتیب ایتسی‌ایجاب ایدر . مجازات الزمدر ، بونی چوجغک منفعتی‌ده‌امر ایدر : چوجغک وجدانی‌هنوز کافی درجه یتشمش ، کافی درجه‌ده نازک دکلدر ، بوجهته اوکا فنانلی آکلاده‌ماز ، اوندن واز کچیره‌مز ، بالخاصه عذاب وجدانه ویا عارله تکرار خطا ایشله‌مسنه مانع اوله‌ماز : اخطارات وجدانی‌یه مجازات‌ده یاردیم ایتیلدر ، مجازاتدن غایه حکم وجدانی چوجغه قبول ایتدیره‌رک اوحمکی تنویر وتقویه ایتمکدر . مجازاتک بوراده‌کی غایه‌سی برآن اول فائده‌سز اولمقدرد . چوجنی تعذیر ایتمک‌کمز بردها تعذیر ایتماک ایچوندرد ؛ تربیه‌ده غایه‌ی اعلا چوجغک کندی جزاسنی کندی ویرمسیدر ، وجداننده اوپله برتقییح واونی تعقیب ایدن المده اوپله بر جزا بولسون که بردها اوقباحتی یامماسین وحرکتی دوزلتسین . ایشه حقیقی « مقابله طبیعت » بودرد ؛ فقط بومقابله اشیادن دکل بزدن کلیر ، عقلدن ، حریتدن صادر اولور ، کور وجامد برقوتدن دکل .

خلاصه

۱ . حساسیت ، ایلمک ظاهر اولان قوه‌در ؛ عادتاً دیگر ایکی قوه‌نک (ذهن واراده) استناد ایتدیکی طبه‌در .

۲. حساسیت ، حادثات محسوسه‌نك هیئت مجموعه‌سیدر : بو حادثات اوج صنفه آریلیر : تهیجات ؛ میلانلر ، احتراصلر .
۳. تهیجات ، لذت والمدر ؛ لذت والمك تعریفی غیر قابلدر ، بوندن ماعدا فائده‌سزدر ؛ یالکزر بونلرك منشأ روحیسی آرانه‌بیلیر .
۴. تهیج میلانلرك هم اثری وهم علتیدر : اول امرده ، باشلانغجده ، غیر معین میلان کندیسینی خشنود ایده‌بیلجك شیئی راست کله آرار . لذت بوخشوندلغك اثریدر ؟ فقط بوده ، شیء نفیسه متوجه ، معین بر میلانك علتی اولور .
۵. اویاه ایسه تهیج میلانندن نشأت ایدر ؛ بو کیفیت ، موجودك قانون طبعیسنه موافق بر حالك شعورندن عبارتدر ، تهیج فعلك چیچکیدر (آرسطر) : مقصدینه نائل اولمش فعالیتی استلزام ایدر ، بوده فعالیتك معتدل اولماسنی تضمن ایلر .
۶. لذت والم حد ذاتلرنده اضافیدرلر ، بونلر متادیا بربری آردنجه کلیرلر . وبربرلرینه ایجه کیررلر . لذت والم ایکی مقابل حالدر ، فقط بدینلرك دعوالرینك عکسنه ، عینی درجه‌ده مثبتدرلر .
۷. تهیجاتی ، فعالیتك ایکی باشلیجه صورتنه موازی اولمق اوزره ، ایکی صنفه آیررلر : احساسات و احتساسات . یعنی (حساسیت جسمانیه ، حساسیت روحانیه)
۸. احساس بر انطباع عضویدن ایلری کلیرور ؛ اونك وجودده بر محل معینی واردر ، او نه علت و قوف حاصل ایتدیرر ونه بووقوفی ایستر ، اوبالنسبه غیر متحولدر ؛ بر حرکت معتدله‌یه مربوط اولوب ، ضعیف واورتا حالیدر .
۹. احساسات : احساسات باطنیه و احساسات خارجه‌یه آریلیر .
۱۰. برنجیلری بالذات بدنن کلیروبالخاصه الیدرلر (آچلق المی ، بریانق المی ، الخ) ؛ اولنره عضوی یاخود حیوی‌ده دیرلر ، وکندیلرینی « مائه مبریه » یه نسبت ایدرلر .
۱۱. دیکرلری اشیای خارجه‌نك اعضای حواس اوزرینه تأثیرلرندن ایلری کلیرلر . حواسك معطیاتی بدایتده پك انفعالی ایدیلر و تکرار اویله اوله‌بیلیرلر . (پك شدتلی ضیا) : بوکون ، اولنر بالخاصه استحضاریدرلر (هاملتنی قانونی) .
۱۲. احتساسك شرطی روحانی بر واقعه (فکر) در ؛ احتساسك بدنده مخصوص بر مکانی یوقدر ، هراحتساسك سینه انسان واقفدر ؛ بونلر هرکسك

ذکا و طبیعتلرینه کوره دکشیرلر ؛ صحیحاً غیرمتناهی اولان فعالیت مغنویه به مربوط اولمقلرندن ، لذیذ و دائمآ تازه بعض تهیجانی تشکیل ایدرلر . بونلرک او قدر چوق نوعلری واردرکه هر درلو تصنیف ممکنسزدر .

۱۳ . تربیه اکلنجه بی دفع ایتمایلدیر ؛ سیک کوکل آلیجی اولماسی لازمدر ؛ اکر خواجه تربیه بی درایتله و خوشلقله یابایلیر ، اکر ادمانلر قولای ، جانلی ، متنوع اولورسه مقصد حاصل اولور . بونکله برابر ، چوجنی هر جهددن اسپرکه ماملیدر ، زیرا بویله یابیلیرسه غوغای حیات ایچون چوجق فنا حاضر لائمش اولور ؛ اوکا چالشمقده کی لذتی طاتدیر مق و خیره موافق سیک هر وقت وجدان طرفندن تقدیر اولندیغنی آکلامق لازمدر .

۱۴ . بوندن ماعدا ، مربیلرک صنعی بعض لذاته ، یعنی مکافاتلره مراجعت ایتملی لازمدر ؛ چوجنک چوجق اولدیغنی اونوتمایلدیر ؛ اویله ایسه او ، وظیفه بی وظیفه دیه یاپاماز . بونک ایچون مکافاتک چوجفه وظیفه سنی یادی ر مق و حسن نیتی تأیید ایتک ایچون فائده سی مسلمدر . بونکله برابر مکافاتک پک مادی اولماسنه اعتنا ایتمیلدر ؛ مکافاته ده زیاده معنوی و اخلاقی اولمالیدر . بوندن ماعدا ، کرچکدن انسانه کفایت ایده جک ، ودیکر بتون مکافاتلرک یالکرز تهیه سنه مکلف اولدیغنی مکافاته ، وجدانک حسن شهادتیدر .

۱۵ . الهه تعلق ایدن خصوصاتده ، مربیلر چوجنی طبیعتک اوکا طاتدیر مقده قصور ایتمدیکی بعض آجیلردن صاقمالیدر ، زیرا اولا تجربه سزلک سبیلله ، هر لحظه طبیعتده کی قوانین فیزیقیه بی اخلاص ورطه سنه دوشمکه حاضر در . « مقابله طبیعت » مسلکی (سنسر) چوق وقت وحشتدن باشقه برشی اولمایوب چوجنی بعضاً اصلاح ایتسه ده اوئی اولدیره رک یاپار .

۱۶ . دیکر برجهتدن مربیلر ، چوجنک استقبالی ایچون مضر اولمقله برابر طبیعتک پک کچ اوله رق جزاسنی ویره جکی بعض عمللره مانع اولق ، یا خود جزاسز قاله بیلله جک بعض اعتیادات سیئه بی طور در مق اوزره بعض صنعی آجیلر ، و جزالرده ترتیب ایتمیلدر . جزا چوجنک منفعتی ایچون یابیلیرسه نافعدر . زیرا اونک وجداتی تنویر ، ودها صکره کندی کندی ده جزالاندر ماسنه خدمت ایدر . ایشته تربیه ده غایه بودر : لازم کلیرکه چوجق قباحتنک جزاسنی محکمه وجداننده بولسون .

دردنجی درس

میلان

میلان . — میلانلرک مبدئی . — میلانلر و خدمتلر . — میلانلرک اقسامی .

۱ — شخصی میلانلر . — جسمانی میلانلر : اشتها . — روحانی میلانلر . — قاریشیق میلانلر .
تطبیقات عملیه . — خودکاملق و تربیه . — غبطه .

۲ — اجتماعی میلانلر : دیکرکاملق . — تعطف . — تعطفک شرائطی : ذکا و محیسه . —
عشق . — تعطفک موضوعلری .

تطبیقات عملیه . — تهیجاتک سرایتی . — تقلید قانونی . — نواد تعطفکارینک قیمت اخلاقیه سی . —
نواد تعطفکارینک مراقبه سی .

۳ — عالی میلانلر . — عالی میلانلرک اقسامی . — حقیقه محبت . — کوزله محبت . — اینی به
محبت . — عالی میلانلرک ترکیبی : احتیاس دینی . — عالی و تعطفکاری میلانلرک موجودیتی . —
تطبیقات عملیه . — عالی احتیاسلرک تمبیه سی .

میلان . — تمهیدات سابقه نظرآ ، تهیجات حالات مشتقه در ، مخلوقک اصلی
و ابتدائی میلانلرینه تابعدر . بناءً علیه بومیلانلر حساسینک کوکی ، مایه سی کبی
اولدیغندن اولاً بونلرک تعین و توصیفی ایجاب ایدر .

میلان ، بعض شیلری آرامق و بعض شیلردن قاجق استعداد فطریسیدر که
لذت و الم خصوصنده کی هر تجربه دن اولدر . میلانی اکثر یا غریزه به بکزه دیرلر : فقط
غریزه دها قطعیدر ، زیرا انسان و یا حیوانی بر فعل معینه سوق ایدر ، و عقل
واراده نك هر درلو مداخله سنه مانعدر . میلانه کلنجه بودها غیر معین ، و متردد
اولوب دها عمومی رغایه به معطوفدر ، بوندن باشقه انسانی اوغایه به ایریشدیره بیله جک
وسائلک تصور و انتخابی همتی عقله و بونلری اجرا ایتمک همتی ده قوه اراده یه
براقیر . بونک ایچوندرکه ، عینی غریزه نك سوقیه ، بر جنسه منسوب ایکی فرد ،
متحد و مشابه بر طرزده حرکت ایتدکلری حالده ، عینی میلان تأثیریه بوسبتون باشقه
بر طرزده حرکت ایده بیلیرلر .

میلانلرک مبدئی . — مخلوقک ابتدائی میلانلری چوقدر : بونکه برابر بر

کوکدن آیریلان دالدر کچی، جمله‌سی ایکی یوزلی بر میلان اصلیدن تشعب ایدر لر، بومیلان مخلوق کندی فطرتی محافظه و اونی تمیه ایتک خصوصنده کی جهد غیر ارادیسیدر. بومیلان ایله حیات بر برندن آیرلماز، ده‌ها طوغریسی بومیلان ذی‌حیات طبیعت کندیسیدر: بر آغاجک کوکی آغاجک بقاسی ایچون لازم اولان صوبی بولق اوزره الک سرت قایالری آزار آزار ناصل ده‌لر سه: بونک کچی «آسطور دیور، بر نبات، اولمزدن اول، ابدیت و صمدانیت کندی ده اشتراک ایتش اولمق ایچون، بر خلف براقعه چالیشیر. فقط نباتک، بو غیرتندن خبری یوقدر، شاید موفق اولماز سه، هیچ بر اضطراب طویقمسزین محو اولور کیدر. حیوانده، بالخاصه انسانده ایسه ایش بونک عکسنه در: بقا بولق املندن انسانک شعوری خیردر، وجودک حفظ و بقاسه مدار اولان هر شی در حال بر لذتی موجب اولور؛ بوکا حائل اولان، وجودی تهلکیه دوشورن، کوچولدن هر شی المی تولید ایدر: بناء علیه تهیج وجود مزک پیویوب زنکیناشدیکنی و یا خود بالعکس فقیر لشوب بوزولدیفنی بزه اخبار ایدن آچیق کوز بر بکچی کیدر.

میهن و مهنه. — بتون دیکر میلانلر بوجهد کلی و دائمینک، بو «یشامق عزم، اصلینک تعیناتندن باشقه بر شی دکدر. فی الحقیقه، موجود مخلوطدر، ده‌ها ایلک کونندن بری متعدد طاقتلردن متشکلدر، ینه ایلک کوندن بتون بو مختلف طاقتلری محافظه و تمیه ایچون جهد ایدر: بو صورتیه، عمومی میلان، مخلوقده نه قدر متمایز و مستقل وظائف و خدمات عضویه و ارسه او قدر طبیعی میلانلره آیریله‌رق کیت کیده خصوصیلشیر. شویله که بر فرد ذی حیاتده یکی بر عضو، یکی بر قوت پیدا اولور اولماز، در حال یکی بر میلان طوغار که مقصدی اونک تمامیت و تمیه‌سنه نظارتدر. کور طوغش بر کیمسه کورمک آرزو سنی طویمایور. فقط نور بصره مالک اولدیفنی کچی، کورمک اونک ایچون بر میلان، بر احتیاج مبرم اولور.

میهنلرک اقسامی. — میلانلری اکثریا موضوعلرینه کوره اقسامه آیرر لر: شخصی میلانلر، بونلر لفظکده دلالت ایتدیکی وجهله شخصمزه، «ای»، مزه منسوب اولانلردر؛ اجتماعی میلانلر بزی انشای جنسمزه ربط ایدنلردر؛ عالی میلانلرده بزی مفکوره‌یه طوغری توجه ایتدیرنلردر.

۱

شخصی میهن‌نر. — شخصی میلانلرک تک بر اسمی وارددر: «خودکاملق»: فقط بو تعبیردن فنا معناسی دکل، اصل لغت معناسی آکلامیلدر. بو میلان هر مخلوقک کندی نفسنه اولان محبت غیر اراده‌سیدر. بو میلان، حال طبعیسنده، مشروع و اییدر، زیرا حفظ وجودک شرطیدر: یالکز افراطه واردینی ودیگر محبتله مانع اولدینی وقت، معنای اصطلاحیسنه کوره، خودکاملغه دوزر. بوندن ماعدا، بزم طبیعتمز چفتدر: جسمانی و روحانی. بناءً علیه فردی حیاته منسوب میلانلر طبعاً ایکی صنفه آیریلیر: عضویت آلیه‌نک اییلکی مقصدینه معطوف اولان جسمانی میلانلر؛ روحه متدائر اولان روحانی میلانلر.

جسمانی میهن‌نر. اشرار. — جسمانی میلانلردن، بعضلری بزی اعضای بدنری سالم اوله‌رق محافظه‌یه اماله ایدر، بومیلانلر تطمین اولندینی وقت اولدجه مهم وازشدید بر رفاهیت احتسası حصوله کلیر؛ شاید برمانعه‌یه اوغرادینی، یعنی وجود ماکنه‌سک برطرفی بوزولدینی ویا فنا ایشله‌دیکی وقت بعضاً پک شدتلی الممر حاصل اولور.

دیگر بعضلرنده‌کی غایه اعضالرک تعمیریدر: اونلره اصل «اشتها» دیرلر: آجلق، صوسزلق، اویقو بومیلانلردندر. بونلر بر صورتله قانه‌بیلیر ووقت وقت ظاهر اولور، بوکیفیت اونلرک وصف خاصیدر. بونلر تطمین اولنمادقلری وقت، بعضاً پک الیم اولان بر «احتیاج» ی تولید ایدرلر.

میلانلریمزک بعضلری اعضالریمز ی ایشله‌تمکه سبب اولور: بونک ایچوندرکه کورمکی ایشتمکی سوز، واوزون براستراحتدن صکره حرکت احتیاجنی طویارز: اویون چوجوق ایچون پک لزومندن فضله کلن قوتلرینی خرج ایتیش اولماسی احتیاجنه مقابله ایدر.

روحانی میهن‌نر. — روحانی میلانلر بالذات قوایه کوره قسملره آیریلیرلر. حساسیته مقابل اولان تهیجات احتیاجیدر: بو اوقدر دریندرکه بعض آجی تهیجلر تهیجلردن خالی قالغه، اکثریا، ترجیح اولنور. حتی بعض صنعی تهیجلر بيله آرانیر: ین‌الناس اودرجه منتشر اولان سیاحت هوسی، تیاترویّه، فوق‌العاده

تماشالره رغبت ، مراقلی رومانلره اعتبار ، سرگذشتلر آرقه‌سندن قوشمق الح هب بوندن ایلری کلیر .

ذهن دخی ایشانه‌نک احتیاجنی طویار ، فقط بومیلانی یاقینده بحث ایده‌جکمز حقه محبت طویغوسیه قارشیدر ماملیدر؛ بومیلان ، ذهنک توجه ایده‌جکی موضوعک قیمتی هر نه اولورسه اولسون خشنود اوله‌بیلیر . اک واهی شیرله اوغراشمغه ، ویکیدن آراشدرمغه بزى سوق ایدن فطری بر حس تجسدر ؛ برشی اوقورسه ق بوزهنمزی ایشسر برامق ایچوندور .

قوة اراده‌یه متعلق میلانلر ده‌ا متنوعدر . بونلر ، مثلاً ، عشق حریت ، عشق استقلال کبی شیردرکه بونی لافونتن La Fontaine « قورد وکوپک » حکایه‌سنده [۱] پک ایجه بر صورتده توصیف ایتشدور ؛ عشق حاکمیت و آمریت‌ده بونلر-درکه انسانده ده‌ا چوقق ایکن پک بلیدر ؛ شان و شرفه ، تعظیمه ، ابنای جنسمزک حرمتنه محبت‌ده بومیلانلردندر . « پاسکال » Pascal دییور ، بز انسان فکرینه اوقدر بیوک اوله‌رق مالکزرکه ، او سبیلده دوچار تحقیر اولمغه ، ویاخود برروحک مظهر حرمتی اولمامغه تحمل ایده‌میز . بتون بومیلانلر ، شخصیت عندمزده عزیزدر ؛ محاسنمزی مبالغه و نقایصمزی تنزیل ایدرک ، اونى اولدینی درجه‌دن زیاده کوزل یاپارز . عزت نفس دیدیکلری ایشته بودور . بوتعیری ایجه ایجه احتیاسات مختلفه‌نک محیط اولدینی آشکاردر ، زیرا انسانک صورت خصوصیه‌ده علاقه‌دار اوله‌بیلدیکی قوا چوق و بونلردن ترکیب ایدن ترتیبات غیرمتاهیدر . بناءً علیه عزت نفس قولایجه غرور و یا تفاخری طوغوردر ، واکثریا کبر و بدلالغه یاقیندر . فقط ، دیگر بر جهتدن حیثیت ایله‌ده برلشه‌بیلیر ؛ اوشرف و ناموس اولورکه ، بزى یالکزر ابنای جنسمز نظرنده دکل بلکه کندی نظرمرده بیله تنزیل قدریمزه سبب اوله‌جق شیرلدن صاقمغه اماله ایدر : ایجه ذوات عننده شرف ، وظیفه‌نک جانی براسیدر .

[۱] برقورد ، سمیر بسیلی برکوبکه راست کلش . اونک بوخالنه پک ایمره‌نمش . فقط کوبکک بویننده کی خلتنه‌ی کورروب نه اولدیغنی صورمش . نتیجه‌ده کوبکه ایدیلن اکرامک سبی بواسارت خلقه‌سی اولدیغنی آکلایجه برپارچه اتمک وکمیک ایچون اوحاله کبرمکه راضی اولمایه‌رق کوبکدن آیریلوب ینه طاغه اورمانه قاچش .

غبطه عزت نفسك دیگر بر صورتیدر. قیصقافجلقدن باشقه اولان ، غبطه اوآرزودر که هر بریمزی ابنای جنسز آره‌سندہ کی موقعمزی محافظه ، باشقه‌لرینک درجه‌سنه اولا یشمکه، صکره اونی چمکه، هر وقت ناموسکارانه وسائطه ، چالشمغه سوق ایدر : اوحالده غبطه ذاتی اعتباریله معتبر بررقابتدر. بو احتساس چوجقتری دهامکتبه تشویق ایتدیکی کبی بونک حیوانلردهده موجود اولدیغی بحق اخطار اولمشدر . (۱)

قاریشیمیلاندر . — بونلردن باشقه ، بزده جسمانی وروحانی میلانلر آره‌سندہ متوسط اولمق اوزره ، هم بدنه وهم روحه منسوب بعض میلانلروارددر. اوزو هب مریانی ذکر ایدم. هبمزك یشامق ایچون طیبی ودرین برمربوطیمز وارددر : بردها وار اولمامق فکری ، یوق اولمق ملاحظه‌سی جمله‌مزی تیره‌در . حیات ایسترسه آجی ، قاراکلق ، سفالتله مالی اولسون ، حکمی یوقدر : غریزه بقا اوقدر بیوکدرکه : « اولمکدن ایسه چمک » ترجیح اولنور؛ انسانلرک شعاری بوندن عبارتدر. قصداً اتحار ایدنلری بوکا مقابل مقام اعراضده اخطارایتمک عشددر؛ اولابونلرمستناددر؛ صکره حیاتدن وازچمک ایچون ، فلاکتلرک اوقدر بریغین اوله‌رق طویلانمسی لازم کلیرکه ارتق اتحار، حب ذات علیهنده دلیل اولمق شویله‌طورسون، بالعکس بومیلانک نه قدر درین اولدیغنی کوسترر : « یشامق جتی » حتی اوندن بیقان اوصانان کیمسه‌لرده بیله پایدار اولمایورمی ؟

هم بز بالکنز یشامق دکل ، ایی یشامق‌ده ایسته‌یورز : وارلق محبته رفاهیت محبتی‌ده منضمدر . « یاسقال دییور ، بتون انسانلر مسعود اولمخی آرزو ایدرلر . » شبهه‌سنز ، سعادت قی هرکس بر درلو آکلامیور ؛ سعادت قی اله کچیردیکمزی فرض ایدم ، چابوجق باشقه شیر ایسته‌مکه باشلارز. بونکله برابر سعادتک آرقه‌سندن کیم ایچنی چکمز ، اونی ایستر اوطوره‌رق بکله‌سین ، ایستر فعالانه قووالاسین ؟ هر حالده روح مدنیت سعادت آرزو‌سیدر : شوخیرعقول صنعتلرک ایجادینه، بتون

(۱) یوقاریکی ۸۰نجی صحیفه‌نک اون دردنجی سطری نهایتده کی (میلانلر) دن صکره ایکی سطرقدیر یا کلش ونقصان دیزلمشدر، بویله‌وله‌جق : « بتون بومیلانلر شخصیتیمز حقنده کی محبتیمزک صور مختلفه‌سندن باشقه برشی دکلدر . فی الحقیقه بو شخصیت عندمزرده عزیزدر . » — ینه اوصحیفه‌ده ۱۷نجی سطرده کی مختلفه‌نک « مختلفه‌نی » ، و ۲۰نجی سطرده کی « اوشرف » کله‌لری « اوزمان ، شرف » اوله‌جقدر .

قون نفیسه‌نك ظهورینه او سبب اولمشدر ، صانكه بو آرزو حیاتك طوزی ، فعالیتك زنبركیدر .

ملکیت محبتی ده حب حیاتك دیگر برثمره سیدر . واقعا ، انسانك وارلنی تأمین ایتمك ایچون ، اك ای چاره ، ایجابی تقدیرنده قوللانه بیله جکی بعض امواله تصرف ایتمی دگیدر؛ ملکیت بر ضرورتدر : همده بر میلان طبعینك تطمیننه خادمدر؛ هپمزملکی و متصرف اولدیغمز شیرلی تزیدی سوهرز ، چوجق کندینه مخصوص بر شیئه مالک اولورسه مسعود اولور ؛ آدده آلئك تریله الده ایتدیکی اموالی سوهر : زیرا بو شیرل اونك ذاتندن بر نسه ، وارلغندن بر نشان ، هویت انسانیه سندن صادر بر شعشه در .

تطبیقات عملیه . — فوراملار و تربیه . — تربیه ده شخصی میلانلرك حصه سی نه اولمالیدر ؛ اولاهن اولنورکه مربیلر اونلری اصلاً بیوتمکه محتاج دکلدرلر : هرکس کندی ذاتی درجه کافیه ده طبعاً سومرمی که بونی اوکا سویلکه لزوم اولسون ؛ فضله اوله رق ، مربیلر خودکاملنی ازاله ایله مکلف دگیدر ؛ زیرا مطلوب یالکز کندی بئلکلرینی دوشونن بعض نا اهل کیمسه لری دکل ، بلکه کریم وجوانمرد آدمدر و بیغرض یوره ک صاحب لری یتیشدرمک دگیدر ؟

بو صحیحدر : چوجفه هر شیده و هر یرده یالکز کندی ذاتی غایه اوله رق تعلیم ایدن بر اصول تربیه وظیفه و مأموریتنی تجاوز ایتش دیمکدر . بوندن ماعدا ، شخصی میلانلر اکثریا مردار و ملوث احتراض حاله چابوق کچر ؛ جسمانی اشتها لرك مذل سیئه لره سبب اوله بیلیر : بناءً علیه مربیلرک بو میلانلرك بیوک بر یر طوماتسانه مانع اولمالری لازمدر .

بونلکه برابر تربیه نك مجرد صورتده منفی اولماسی الزمدر . شهه سز ، چوجفی خوددین یاماملی ، فقط آره صیره اوکا منفعتنی دوشونمسه سی ده اخطار اولنمالیمیدر ؛ چوجق ایلری بی کورمه یین آغستوس بوجکنه بکزر ؛ آنجق بولندینی زمانی کورر ، نظری اوزاقلره کیتمز ؛ خودبینلکک مقبول برنوعی واردرکه بونی اونده اویندرمق لازمدر ؛ اوکا سویلکی که وقت قیمتیدر ، بو کوندن اعتباراً ایلریده نه اوله جفی دوشونمی و حیاته تأمین موفقیت ایده بیلمی لازمدر : حیاتی اوکا اولدینی کی

کوسترمکده ، ضرورات مادیه‌سنی بیلدرمکده ، وبالخاصه غیره نافع اولمق ایچون ، برنجی شرط ، اونلر یوک اولماق اولدیغنی ، اوکره تمکده نه فنالق اولور ؟ بوندن ماعدا ، شخصی میلانلر ایچندن بعضلری نافع و کریمدر .

لا روچفوکال La Rochfoucauld بوکا دائر نه دیرسه دیسین ، عزت نفس فنا دکلدر . اولا ، برکیمسه‌نک اوندن محرومی ائی بر علامت دکلدر ، بو محرومیت کوتی بر خویه دلیدر ؛ دیگر بر جهتن ، شو میلان یالکز منفعت حسابلرینی دوشوندرمز ، بلکه اعمال حسنه‌ده سائق اوله‌بیلیر : انسان عزت نفسی ایلیک یایمغه ، محافظه فضیله صرف ایده‌بیلیر ، ایشه بو سلیم بر وقاردر . بوندن باشقه عزت نفس‌ده شرفدر ؛ او حالده بویه بر میلانک علویه کیم اعتراض ایدر ؟ شرف دیمک ، حیثتمزی اندیشه ایتک دیمکدر ، صانکه هویت انسانیه‌مه بر عبادتدر ؛ چوجنی بو خصوصده متحسس ایتک ، اونک وجدان اخلاقیسنی اویاندرمق ، وظیفه‌نی اوکا دها مشخص بر اشارتله کوستره‌رک دها ائی آکلاتمقدر .

غبطه . — فقط ، شخصی میلانلر آره‌سنده ، غبطه‌یه خصوصی بریر ویرمیلیدر : زیرا تربیه بویه « هم اوقدر عمومی و هم اوقدر شایان حرمت بر میلاندن » استفاده ایده‌بیلیر . بونکه برابر حقیقت حالده ، مسئله فوق‌العاده مناقشه ایدلمشدر .

پور روآیال Port Royal [۱] استادلری بو میلانی تهلیکلی عدایدرلردی : نشئه ظفر « روحک شهوت » نی یعنی تذلل و تواضع نصرانیه [۲] بسبتون ضد اولان تفاخری بالضروره تولید ایتزمی ؟ اونلردن صکره ، روسو دخی غبطه‌دن خوشلانش دکلدر : غبطه قیصقانچلی ، مغلوبک فتورینی ، غالبک نخوت و تفاخرینی موجب اولور . دها صکره‌لری ، دیگر بعض علم تربیه اربابی دیورلرکه مکتب ، چوجقلر آره‌سنده حس تعاونی اوکره‌تمیلدر ، آنجق غبطه اونلر آره‌سنده رقابتی اویاندره‌جفتدن بو حسیاتی بوغار .

[۱] پور روآیال . -- فرانسه‌ده پارس جوارنده مشهور بر دیردر . بر آره‌لق بر عزلتگاه ایدی . باسقال و دها بر جوق عالملر بوراده اوطورمشلر وپک مهم درس‌کتابلری یازمشلردی : پور روآیال صرفی ، پور روآیال منطقی اونلردندر . بو دیری ۱۴ نجی لوی ۱۷۰۵ ده قاپاتمش و ۱۷۱۰ ده یقیدرلشدی .

[۲] تذلل و تواضع خرسیتانلغک تعالیم اصلیه‌سندندر . اسلامده تواضع مقبول ایه‌ده تذلل یوقدر .

بونکه برابر ، ذهنك وارادەنك بتون قوه‌لرینی آچقی ، جهد واقدا می
 اویندیرمق، چوجغه بتون قابلیتی کوسترتمک ایچون خواجه‌نك الی آلتنده باشقه‌هانکی
 چاره واردر ؟ شوکا دقت اولمشدرکه خصوصی تربیه‌نك ثمره‌سی، برآرده مشترک
 اولان تربیه‌نك ثمراتسندن آشاغیدر : زیرا اولکنده غبطه‌نك یری یوقدر .
 شبه‌سز، بو احتساسة، مجادله‌نك بو منبه‌ حمالودینه مراجعت اولماسه ایی اولوردی .
 فقط ، ینه سویله‌لم که، چوجنی اولدینی کی کورمک لازمدر . اوکا بوی اولچه‌جک،
 اورنك اوله‌جق شیرل ایسترکه کنديسنی تحریک وسوق ایتسین : چوجق یتشه‌جک
 ویا کچه‌جک بررقب قارشیسندن اولدینی قدر باشقه هیچ بروقت چالشماز. دینورکه
 غبطه و بونك طوغوردینی رقابت « میات غوغا » سنك ترقنده بر خیالیدر [۱] :
 فقط چوجق ده‌ا مکتبه‌ ایکن حیاتك شرائط حقیقیه‌سنه معروض بر اقلسه و بو
 دیاده هیچله ، هیچ برشی قازانمایه‌جفی آکلاسه نه اولور؛ دیگر طرفدن غبطه
 آرقداشلق مناسبتلرینی مطلقا اخلاص ایتمز؛ بالعکس ، بو مشروع مجادله‌لرده، انسان
 بربرینی سومکی و بربرینك خاطرنی صایغی اوکره‌نیر، حتی مکتبه‌ رقب ایکن بتون
 مدت عمرلرنجه بربرلرینه پك قلبی بر محبتله باغلی قالمش بعض ذواتك وجودی نادر دکلددر .
 بناءً علیه غبطه پك مسعود نتیجه‌لر ویره‌بیلیر . بوکا یالکز ایکی قید احترازی
 علاوه ایده‌جکز : غبطه چوجنك خویی نه قیمتده ایه اوکا مساویدر ؛ بالخاصه
 خواجه اونی نه یاپاییلیرسه اودر . خویی حسده مایل اولان برچوجقده ، صفت
 اصلیه‌سنی قولایجه غایب‌ایدر، حسده دوزر؛ ارتق باشقه‌سنی کچمک جهته مصروف
 اولمایه‌رق اورقیمی دوشورمکی قصد‌ایدر؛ بو اویله بر رقابت عقورانه‌درکه استحصال
 مقصد ایچون مخالف فضیلت واسطه‌لرده مراجعت ایده‌بیلیر . دیگر برجهتدن ،
 تجربه‌سز بر خواجه ایه ، غبطه جدی محاذیری موجب اوله‌بیلیر ؛ مربی عزت
 نفس‌لری بربرلریله طوتوشدرمقدن صاقملیدر : شاید رقابتك نتایج بهیمیه‌سنی
 تخفیف ایتمکی بیلمزسه ، بعضلرنده نخوتی ، هر یرده وهرشیده تحکم حرصی ،
 دیگر بعضلرنده فتور وکینی اویندیرمش اولور .

بونکه برابر دیگر بر غبطه واردرکه بلا قید و شرط نافعدر : روسو دخی

[۱] خیال l'image صورت مناسنه قولانلشدر . قدما بزم حافظه دیدیکمز قوه‌یه

خیال دیرلردی .

اونی پك اي بر شي صايوردی . بو غبطه چوجقلری بربريله اولچمك دكل ، هرچوجنی كندی كندیسیله مقایسه ایلمكدن ، چوجك بو كونکی ایشنی دونکی ایشیه قارشیلادرمقندن ، ترقی ایتدیکنی کوسترمکدن ، واکا دها ای اوله جغنی امید ایتدرمکدن عبارتدر . ایسته چوجك قلبنده « بوکندی کندیسیله رقابت » میلانی اویاندرملیدر . فی الحقیقه اساس بودکیدر ؟ نهایت مقصد ، چوجك بحق چالشمسی ، ای یامق وداثما دها ای یامق آرزوی شدیدنی قلبنده طویماسی در : یوقسه یالکز باشقه لرینی کچمك مطلوب دکلدر ، هرشیدن اول ، کندی کندی کچمی لازمدر ، وایلك جهد و اقدام اگر ایکنجی بر جهد و اقدامه سائق اولور یاخود دها طوغریسی اونکله برلشیرسه ایسته اوزمان برکتلی ، مفید و سالم اولور .

۲

اجتماعی میهنپر : دیگر لایم altruisme . — اجتماعی میلانلرک براسمی ده دیگر لایم altruisme در : واقعا بزی دیگر لرینه طوغری میل ایتدیرن طویغولر بو میلانلردر . بو میلانلرک ایلك نشانه سی انسیتدرکه ، انسانک یالکز لغه دایاناماسی سببیه ، و غلبه لکدن اوزون مدت اوزاق دوشلدیکی وقت ، کندی نه آزچوق بکزه بن کیمسه لرله کورشمکدن متولد مسرت حسیه بزه ابنای جنسمزی آراشدر : **روبنصونک و اندرودی Vendredi** [۱] ی بولدینی وقت طویدینی کیفی کیم بیلمز ؟ بونک کبی حبسخانه لده محکوملری تک باشنه بر جرده طیمق اصولنده بعض تعدیلات اجراسنه مجبوریت حاصل اولدینی معلومدر ، زیرا اویله علی الاطلاق بر تجریده محکوم اولان بدبختلر چوق کچمدهن صحت و عقل لرینی غایب ایتشلردر . عجباً بوکون او قدر مبرم اولان شو احتیاج و قتله انسانلرک بربرلیله اجرا ایتدکلری محاربه عمومیه ، هوبسک رائج ، بر نهایت ویرن مقاوله عقبنده تدریجاً تشکل ایتش بر عادتک نتیجه عادیه سیدر دیه مومی الهیه تبعاً اعتراض اولنه جقمی ؟ بویله بر فرضیه نك حتی ناصل اثبات اولنور ؟ **ارسطو** حقلی اوله رق انسانی بر حیوان اجتماعی اوله رق تعریف ایتشد . برشیه کندی بکرری آره سنده بر نوع

[۱] و اندرودی ، روبنصونک خدمتجی و صادق آرقداشیدر . بواسم صافدل و صادق بر خدمتجی و وصف ایچون علم اولمشدر . (روبنصون) حکایه سی نورکجه یه خیلی زمان اول ترجمه ایدلش اولدیغندن معلومدر .

انجذاب فطری وار کیدر : هر مخلوق کندی اطرافده کندی صورت ذاتیه‌سی کندیسه کوسترن افرادی حاضر کورمکدن طبعاً خوشلانور . حیوانلرک بيله کندی جنس‌لریه برلشوب حقیقی جمعیتلر تأسیس ایتدکاری کوریلور .

تعطف sympathie . — ده‌اوار . یالکز ابنای جنسمزله الفتدن خوشلانمق دکل ، اونلرک تهیج‌لرینه اشتراک ایتمکده متمایلز ؛ تعطف ویا ده‌ا طوغریبی تعطفک بر نوعی ایشته بوندن عبارتدر . شبهه یوق ، چکدیککز الم یالکز شخصسکره عائددر ، بونکله برابر سزه منحصر قالماز ، اونی ادراک ایدن بالجمله وجدانلرده سیرایت ایدر ؛ اونلردهده تهیجکزه عکس اندازاولور ، اویله‌که اورو حلدده سزک کيله برلکده اهتراز ایدر ؛ انسان ده‌ا چوجق ایکن باشقه‌لرینک حظ وکدرینه اشتراک ایلر ، متبسم برچهره کورنجه کولر ، یاننده بری آغلارسه آغلانغه باشلار . تعطفک بونوعنه حیوانلرده بيله تصادف اولنور . جسارت ویا شوق وغلیانک ، نظامسزلغک یاخود فساد اخلاقک برکیمسه‌دن دیکرلرینه (نه قدر سرعتله) ناصل سیرایت ایده‌بیلدیکنی ایشته شو باشقه‌لرینک احساساتنه اشتراک میلانی اینساح ایلر .

تعطفک سرائطی : ذهن و تمجید . — بزه عائد اولمایان بر تهیجک بزه قدر یتشمی ایچون ، آکلادیغمز بعض اشارات مشهوده ایه کندی کوسترمسی کافیدر . خارجهده هیچ بر علامته کندی اظہار ایتمین بر المدن حصه‌دار اوله‌مايز ، زیرا اونک وجودندن خبریمز بيله اولماز . بونکله برابر اوعلامت دخی اونی کوره بيله‌جک کوز ایچوندر ؛ بوسبيله تعطف ایچون اولدجه برترقی عقلی ایجاب ایتدیکی کبی بومیلان ذهنت درجه‌تمویله تحول ایدر .

بوندن ماعدا ، خارجی بر اشارتدن تهیجی تفرس ایتک ایچون ، دیکر بر شرط ، ضروریدر . سیمسر حقلی اوله‌رق اخطار ایدرکه وجودی صحتده اولان کیمسه‌لر باشقه‌لرینک خسته‌لغدن آز متحسس اولور ؛ باشقه‌سنک آلامدن تماماً خبردار اولمق ایچون انسانک اونلری بالذات طانیش اولماسی لازمدر . بونک سببی شودرکه بورایه قدر بحث ایتدیکمز تعطف ، تعبیر صحیحله ، یابانجی بر تهیجک سرائتی اولمایوب ، باشقه‌سنک تهیجکک تماسیله بر تهیج شخصینک اویانماسیدر . ایشته بونک ایچوندرکه انکلیز مکتب فلسفییسی بونوع تعطفی « خودکاملق » ک اشکالندن بری عدا ایدیور . هر نه اولورسه اولسون ، باشقه‌لرینک مسرت ویاخود کدرلینی ، بونلرک بر

عکس‌نی قلب‌مزدده طویمق ایچون ، ذهناً استحضار لازم کلسه ، بوعکس او استحضار نه قدر شدید اولورسه او درجه شدتلی اولور ؛ بوسبيله احتساساتک سرائتی ايله متخیله آره‌سنده صیق مناسبتلر وارددر : (د . ستوارت D. Stewart) ک تنبهنه کوره ، نیجه کیمسه‌لرک قابی‌قائی و غیر متحسدر ، زیر قوه متخیله‌لری فقیردر ؛ اولرک شسو صوئو قفلرینی ازاله ایچون ، اولو ذهنلرینی کنیشه‌تمک لازمدر ؛ بالعکس شدتلی بر متخیله‌یه مالک اولانلرک قابلیت تأثیریه‌لری زیاده اولوب ، اکثریا وجودی اولمایان آلامدن بيله رفته دوشرلر .

عشر . — بونکله برابر بوقابلیت تأثیریه تعطفک اشاعی برشکلیدر . فی‌الحقیقه تهیجانتک بوسرایتنده انفعالتیدن فضله برشی وارددر ؛ بالخاصه ، وجدانلر آره‌سنده روحک بر نوع فعل انعکاسیه تأسس ایدن رابطه لزومندن فضله سطحیدر : تعیر صیحه‌لر تعطفک او درجه‌سنده روح ینه کندی‌بنلکنده محصور اولوب یالکیز کندی ایچون یشار . فضله اوله‌رق ، بو آشاعی تعطف مخلوقائی برلشدره‌جک یرده تفریق‌ایده‌بیلیر : بن مسعود ایدم ، سزک المکز بنم سعادت‌می تشویش ایدیور ، نه‌یه‌المکزی کندیکنز ایچون صاقلامدیکز ؟ بوندن طولایی سزه طارغیم ونه‌ده ايسه سزی دفع ایده‌جکم . حقیقی تعطفه کلنجه ، بو سربسته‌جه بذل ذات ایدن ، طوس طوغری قلبدن کلن ، خودکاملنک مانعه‌لرینی قیران ، وجدانلری صمیمی بر صورتده برلشدرن ده‌ها طوغریسی «أنا» لری بر برینک یرینه قویدیران تعطفدر . حقیقی تعطف ، تماماً انسانی یاخود ده‌ها طوغریسی الهی بر فعل اولان ، عشقدر . سزی سودیکم وقت ، روحم سزک کیله براولور . یاخود ده‌ها طوغریسی « بر نوع خیالی تاسع Métempsychose idéale » [۱] ايله روحکنز بنم روحه کچر ، سزک ضمیرکنز بنم کنک یرینی طوتار : بتون تهیجانتکنز ، دوشونجه‌لریکنز ، امیدلریکنز هپسی بنم اولور ؛ بن ارتق سزک ایچون یشارم ، ترک حیات ایدرسه ینه سزک ایچونددر : سز ارتق بکا کندمدن زیاده قیمتلیکنز !

تعطف اوزرینه مس‌تد احتساسات مختلفه‌یی کورمک قولایددر . باشقه‌لرینک مصیبتلرندن کندیمرک کیلر قدر متأثر اولمقلغمزه وکندیمره یاپدیغمز کبی اولنره‌ده

[۱] Rabier نك روحیات درس‌لرنده تعطفه دائر اولان صحائف نفیسه‌یی‌اوقومانی .

امام غزالی‌نک محبت حقنده‌کی مقالاتی‌ده فوق‌العاده نیجه ودریندر .

چاره آرامقلغمزه سبب مرحتدر . کندیمز ایچون سعادتی ناصل آراسق باشقه - سنكده سعادتی بوصورتله تمی ایتمكلکمز سبب خیرخواهلقدر . بوخیرخواهلق عاطل طورماز ، افعال ایلهده کندی کوستره بیلیرکه اووقت اونو یاپانله « صاحب الخیرات والمسنات » دیرلر . خیرخواهلق ایله صاحب الخیراتلق برلشیرسه « عاطفت bonté وشفقت charité نامی آیر ؛ صاحب شفقت بر آدم » کندی قرینی کندی نفسی کبی سوهن ، ، وهپ کندی « نفسی » دوشونه جک یرده بونی باشقلری ایچون اونوده بیلن کیمسهدر . عاطفت اربابی یالکز حالد اولان آلامی تسکینه قوشمازلر ، ایلریده اوله جق مصائبده اوکنی آلمغه چالیشیرلر : اووقت بوکا انسانیتیه محبت philanthropie دینورکه امداده محتاج اولان هرکیم اولورسه اولسون قابولری آچان مؤسساتک ظهورینه سبب بوطویغو اولمشدر . والحاصل ، عشق بعضاً او قدر درین اولورکه بزم ایچون عزیز اولان شیر اوغورنده حیاتمزی فدا ایدرز ؛ اووقت بوکا فدای نفس دینور : علو نفسی وشهامتی magnanimité حاصل ایدن عشقدر . بتون انسانلری بربرینه باغلايان رابطه تعاوندن ، ده طوغریسی اونلرک عینیت اصلیه سندن خیر اولان ، شو عرفاندن اعتباراً ، بئلك individualité خیالاتندن بقاسنی قورتاران ذاتک روحی صاحب شهادتدرکه بویله بر کیمسه باسفالک تعیری وجهله « عمومی général » ه شامل اولمغه کسب استعداد وهیئت اجتماعیه انسانیه نك سعادتی اوغورنده فدای نفس ایده بیلیر .

تعطفک موضوعلری . — شیمدی ده تعطفه ، تعلق ایتدکلری موضوعاته نسبتله نظر اولنورسه ، شواحتساسلر تفریق اولنه بیایر .

اولا برشئی سربستجه سچمکه مستند اولان انتخابی مودتلر ؛ بونلر اصل عشق ایله محبتدر . عشق دها زیاده ارکک ایله قادی برلشدیرر ؛ عشق براحتساس شدید اولوب ، انسانی طوتشدیرر ، وبوشدتی سببیه اوزون سورمز ؛ بعضاً نه قدر چابوق طوغمش ایسه او قدر چابوق سوز . محبت کلنجه بو ، دها زیاده برجنسندن اولان کیمسلری برلشدیرر ؛ محبت دها سا کندر ، علائق ماده دن دها آزاده در ، انجق بربری طانیان ، تقدیر ایدن کیمسلر آردسند تأسس ایده بیلیر ؛ دها اوزون مدت دوام ایدر ؛ زیرا تقرریده چوق زمانه توقف ایتشدی . قدما ، بر فضیلت

مقامنده تلقی ایتدک‌لری محبت اوزرینه پک لطیف حیغه‌لر یازمشلردر : بونکه برابر مونتانی Montaigne ک‌کن‌دیسنی laBoétie یه [۱] باغلایان سوکی حقه‌ده کی سوزلرینه هیچ برشی بکزه‌مز. انتخابی سوکیلر چوجقه‌ده خصوصی بر صورت اکتسا ایدرکه آرقداشلقدردر : محبتی حاضرلایان آرقداشلقدردر ؛ اک اوزون دوام ایدن محبتلر مکتب صیره‌لری اوزرنده تشکل ایدر.

اهلی اولان مودتلره کلنجه بونلر بر اوجانک ، بر عائله‌نک مختلف اعضالری برلشدیرن علاقه‌لردر. بونلرقاری قوجه آره‌سنده کی عشق ، آنا بابانک محبتی ، اوغلک محبتی ، قاردش‌لر آره‌سنده کی محبت ، عائله فکریدر . بونلردن هر برینک وصف مخصوصی وارکیدر : آنا بابانک چوجقلرینه اولان محبتی چوجقلرک آنا باباسنه اولان محبتی دکلدر : دقت اولمشدرکه بونلرک برنجیسی ایکنجیسندن عموماً ده‌ا دریندر: بونک سببی شودرکه تعطف فعالیت مصروفه ایله آرتاروانسان کندی محسنلردن زیاده احسان‌دیده‌لری سور . شهبه‌سز ، اهلی اولان محبتلرک بوکون اقوام متمدنه‌ده نه‌ایسه‌لر اسکیدن‌ده ایله اولمش اولدقلرینه اعتراض اولمشدر. صحیح اولان شودرکه ، نفس ناطفه ووجدانک ترقیسی نتیجه‌سی اوله‌رق ، او محبتلر کیت‌کیده ده‌ا مستقر و ده‌ا رقیق اولقله برابر کسب قدسیت ایتمشلردر . بونلر یتشمکله مکلف اولدقلری درجه‌یه واصل اولدقلری وقت ، حرمت متقابله ایله مطلق فدای نفسی انتاج ، ارواحک ، منفعت عمومیه ایچون انسانه‌کن‌دینی اونوتدیران ، اتحادینی حاصل ایدرلر .

وطنی سوبشم‌لر «فرواد» affections civiques وطن واحده منسوب افرادی برلشدیرر . عشق وطن بوکون بزده او قدر طبعی‌دیرکه هان ، هان خاطر‌مزه گلز ، فقط آتالریمزک‌طویراغه دشمن‌ایق باصار باصماز ، روحزده فورانه باشلایه‌رق عقللره حیرت ویره‌جک فداکارقلره بادی اولورکه بونلری تاریخمیزک خارچنده آرامغه احتیاجمز یوقدر . اسکی جمهوریتلرده وطن پرورلکک نه قدر شدتلی اولدینی معلومدر . بلکه‌ده بزده‌کن‌دن زیاده ایدی ، زیرا ، بونک وجودی اول امرده بر درجه‌یه قدر متشکل بر ملتک وجودینه متوقف اولقله برابر ، ده‌ا [۱] آتیه‌ن دولابوئیه‌سی ، فرانسز ارباب قلم‌ندندر . حکمادن مونتانی ایله پک دریس بر محبتی واردی .

وطن نه قدر محدود اولور و نظر ادرا که نه قدر طولی و معین بر موضوع عرض ایدرسه وطن پرورلک دخی او قدر قوتلی اولدینی کورینور : ذاتاً محبت‌لر قانونی، دأرہ سی نه قدر کنیشلرسه او قدر ضعیف اولمق دکلدر؛ انسان انحق ای طانیدینی شیئی سوه بیلیر .

خلاصه کلام ، انسان عائله و وطندن ده کنیش بر جمعیتک یعنی عالم انسانیتک اجزاسندندر . انسانیت منحصراً اصلک ، فطرتک ، قدرک مشترک اولماسندن متحصل ابتدائی، طبیعی جمعیتدکه همزی برلشدیریور . بوکا تعلق ایدن علاقہ لره cosmopolitisme دینور . بر لاتین شاعرینک شو سوزی معلومدر : « بن انسائم، انسانی اولان هیچ برشی بکا یابانچی دکلدر. » بر کیمسه نک احوالندن علاقہ دار اولمق ایچون اگر محتاج معاونت ایسه معاونتته قوشمق ایچون ، بزم کبی اونک ده انسان اولماسی الویرر . تعطفنک نظرندہ افراد بشریہ یی آیرہ بیلن، قومیت ، عرق فرقلری یوقدر . بونکله برابر بو طویغونک اوزون مدت قلب بشردہ کیزلی قالمش اولدینی اعتراف ایتلیدر . بو انحق بزی بر بریمزه باغلایان رابطہ تعاونک باطناً ادراک اولنمغه باشلامسی ایله طوغه بیلمش و وجدان اخلاقینک ترقیسیله تنمو ایدہ بیلمشدر . اعصار قدیمه ده، بر یابانچی یه بولندینی یرده دشمن نظریه باقارلردی . رواقیدر، برنجی دفعه اوله رق انسانلرک عموماً صاحب عقل اولدقلرینه استناد ایله، عمومک انحق بیوک بر عائله تشکیل ایتدکلرینی آکلامشیر و « نوع بنی بشره محبت » قاعده سنی قویمشلردر . بالاخره خرستیانلق ده انسانلر آردسندہ کی اخوتی یکیدن تایید ایتمشدر . [۱]

کوریلورکه : تعطفدن متولد ، بتون بو احتساسلر ، منسوب اولدقلری زمره لره نظراً بریری اوزرلرینه طبقه طبقه دیزیلورلر ، و کنیشلکلری آرتدقه شدت وقوتلری آزالمقده در . دیگر برجهتدن ، ، ده خاصوصی احتساسلر ، ده واسع و منبسط احتساسلرک شرطی ، اساس ضروریسیدر . مثلاً وطن محبتی انسان انحق عائله سی ایچنده اوکره نیر : افلاطونک طایی وجهله ، عائله محبتلرینی ، دولتک منفعته، الفا ایدرسه ک ، ارسطونک ده خبر ویرمش اولدینی وجهله ، وطن محبتی قالدیرمش اولورز .

وطني ومدنی محبتلری قالدیروب یرینه انسانیت محبتی قویمق ایسته مک ده

[۱] اخوت انسانیہ خرستیانلغک تعالیم اصلیه سندندر .

قوزموپولیتلرک خولیا سیدر . بوسورتاه قلبک قلبله حقیقی برتریه‌سی ، مختلف محبتلر ایچنده نوعاًما برارشد معنوی واردر .

تطبیقات عملیه . — نریمجانک سراینی . — تعطف اوزرینه بورایه قدرسویانمش اولان سوزلر مرکز تطبیقات عملیه‌سی مبدولدر . بیلیورز : احتسابات بر قلبدن دیکرینه اکثریا فوق‌الماده دینه‌جک برسرعتله انتقال ایده‌بیلیر : بو برقانوندرکه ، برجهتدن نتایج مشومه‌سندن قاچینه‌بیلیمک ، دیکر برجهتدن ، نه قدر ممکنسه اوقدر استفاده ایده‌بیلیمک لازمدر .

اول امرده بیلیمکی که کوتونک حقیقهٔ سرایت ایدر : بو کیفیت چوق وقت اخبار، توصیف اولمشدر ، زیرا نتایج مستولیه‌سی سبیلله ، ترجیحاً نظر دقتی جلب ایتمشدر . «موسیوماریون Marion» دییور، تاریخ بزه، مدت وشدت‌لری جهتدن متحول ، نیجه حقیقی علل ساریهٔ اخلاقیه‌نی کورستر مکدهدر . « عالمده وقوعه کلن شیلر ، مکتبدهده اولور . طلبه آرسنده قنالق فکرینک نه قدر ساری اولدینی معلومدر ، مثلاً انضباطه عدم رعایت حرکته ، برقاچ مشوقک باشی آلتندن چیقدینی حالده ، قولایاتله دیکر طلبه‌یه بییلاروق عمو میلشیر . برصنف اطاعتلی ، چالشمیلرندن خواهجه خشنود ، اخلاق تمیز : دیرکن بردن (اکثریا برکون ایچنده) ایش دیکشیر، چالشمه حس اوله‌جق درجهده آزالیر ، ادبه خلل عارض اولور : کوریلورکه بوکا سبب بکی کلش برچوجقدرکه فساد اوندن چیقیور، صکره « اوندن بولاشان هر چوجق دیکر برینی زهرلیور : بوسورتله هپسی مصاب اولیور . بوفساد مشترک، اکشیمک حائده اولان زمره نه درجه کنیش وزیاده کثیف اولورسه ، اوقدر قورقنچ نتایج حصوله کتیرر ، ودها زیاده قاریشیق شکلدر کیرر . »

فی‌الحقیقه، بوسرایت قانوننک تأثیراته یاشنی یاشنی آلمش بر آدم دخی کوجلکه مقاومت ایتدیکي حالده ، چوجق اولویتله بوکا معروض قالدق قربانی اولور . بونک ایچوندرکه چوجغک ایچنده یاشادینی محیط، یاخود دوام ایتسنه مساعده اولنان جمعیتلر هر شهبدن بری، وارقداسلرینک تمیز، پاک، ولکسز اولمالری اهم‌والزمددر . بونده کی مشکلات عیاندیر : بناءً علیه مرینک کمال صبرله چوجغک احواله نظارت ایتمی وبعضاً شدت کورستر میسی ایجاب ایدر : بو تقدیرده علت ساریه‌نک ایلک اعراضنی یا قالا یوب سرایتی دها باشنده ابکن ، وکوکلشمه‌سنی بکلمه‌دن قلع ایتیلیدر .

فقط شونی ده سویله یه لم که، بوسرایت قانوننک ایی جهت‌ری ده وارددر؛ اوندن حذر ایتکه برابر استفاده ده اولنه بیلیر. فی الواقع فسالنک سرائتی کبی اییلک ده سرائت ایلر.

احتسابات نافعہ، تهیجات جوانمردانه، عین حیثیتہ، قلبدن قلبہ انتقال ایدہ بیلیر؛ حالبوکه احتسابات نافعہ، تهیجات جوانمردانه، افعال حسنہ، نیت جوانمردانه‌یی ایجاب ایلر. جنک اورتاسنده، شوق و غلیان کولک‌لی قابلا یه رق، اک یورکسر کیمسه، ارقداشلردن غیرته کلرک، برقهرمان اوله بیلیر؛ بر مجلس، خطیک سوزلردن جوشه رق، برقرار و طنزورانه‌یی تصدیق ایچون هپ بردن آياقلا نیر. عین احوال مکتبه ده وقوعه کلیر: اکثریا بر قاج چالیشان چوجنک وجودی غبطه حسنک طلبه آره سنده یا ییلار ق اک تنبل‌لی بیله تشویق ایتک ایچون الیرر. بوقیلدن اوله رق، تمیز محیطلر، ایچنده یشایانلر اوزرینه پک مسعود بر صورتده اجرای تأثیر ایدر؛ بو محیطلرک «تأثیر شافیدر»، بعض طبیعتلرک نقصانلرینی تداوی، وجدانلری تصفیہ، نقایصی تطهیر ایلر. بو بر تداوی روحانی دیمکدرکه مریبلرک بوندن کنیش بر صورتله استفاده ایدہ بیلملری مقتضیدر. شاید بر چوجنک اطواری غلیظ و شدید اولور، قلبی تهیجات رقیقه غیر مستعد کورینورسه، اونی طبیعت‌ری ده‌ا و دود کیمسه لرله کورشدیریکز، آزار آزار خشوتی کچر، نهایت ده‌ا زیاده لطافت و ملائمت کسب ایلر. دیگر بر چوجنک شاید ذهنی خفیف مشربانه خیالات ایله مشغول ایسه، اونک اطرافنده بر هوای ادب و عفت یارادیکنز، کنیدیسی فضیلتکار ذوات ایله کوروشدیریکز، درجه درجه وجدانی کسب صفوت ایلر. والحاصل، تعطف «ای و کوتی تأثیرلرک اکمل درجه ده بر آت» نقلیه سیدرکه او واسطه ایله انسانلر یا بوزیلور و یا متقابلاً دوزه لیر: تربیه باینده بونک هیچ بروقت اونودلماسی لازمدر.

تقلید قانونی. — احتساباتک سرائیت مغنویه‌سی، ده‌ا سطحی، فقط اونک قدر حقیقی اولق اوزره، بزده دیگر بر نوع سرائیتی، سرائیت افعالی موجب اولور.

یابلدیغنی کوردیکمز بر شئی تقلیده طبعاً نه قدر مائل اولدیغمز هیچ کیمسه نک مجهولی دکلدر؛ کنیدیازی باشقه لرینه شو بکنزه دش کنیدیکندن وقوعه کلیر.

قوة ارادیه مزه تابع اولماز ، بزه حکم ایدر : شویله که یالکز باشقه سنک کولدیکنی ، اسنه دیکنی ، قاچدیغنی ، ایلری یه یوریدیکنی کورمک تأثیریه دیگر بری ده کولر ، اسنر ، قاچار ، ایلری یه کیدر ؛ پارلاق برفعلک ده دائماً مقصدلری اولور . جانلر ، اتحارلر ، شهرت آلمش رزالتلرده ده کیفیت بونک کیدر : بونلرده ساریدر . فقط تقلیده اولان بوتمایل بالخاصه چوجقده کوریلور ؛ چوجق احوالی تدقیق ایدنلر اونده کی بو تقلید فطری ایچون پک چوق مثاللر بولملشدر : چوجق نه کورر ونه ایشیدرسه ، هپسنی تکرارلار ، واکثریا ایلک کلن مسافرک یاننده . بونک ایچوندرکه اوکادائما کوزل مثاللر کوسترمک اهمدر ؛ خصوصیه یاننده هر درلو مناسبتسز و پک خفیف سوزلردن و فعللردن چکنمیلدر ؛ اوکا اک بیوک رعایتیه بورجلی ز. [۱]

بوندن ماعدا ، سرایت افعال ، سرایت احتیاسات حقیقت حالده هپ بردر . افعال یالکز افعالی دعوت ایتمز ، اونلره متوافق اولان افکار واحتیاساتی ده استلزام ایدرلر : اکر بر حالت شعوریه اونی اظهار ایدن برفعلی ایجاب ایدرسه ، بوکا مقابل صیره کندیلرینه کلنجه فعللر دخی برطاقم حالات شعوری قله القا ایلرلر : دیمک که بونلر آره سنده ایکی واقعه وارددرکه بری فعل دیگری رد فعلدر : تقلید نه قدر خارجی اوله رق کورینسورسه کورینسون ، ینه ایچ یوزنده بر سرایت باطنیه واردر ، بناء علیه مریبلر بونلرک هراکیسنده عینی دقتله نظارت ایتمکه مکلفدرلر .
نواد نطقاً لانه نیک قیمت اهنوقیسی . — شمدی تعطفک شکل عالینه کله لم .

غیر قابل اعتراضدرکه بونده جوامردانه ، اصیلانه بتون بر صنف مودتلر وارددرکه چوجق قلبنده اونلری بیوتمکده تردد جائز دکلددر . بزی خودکاملقدن قورتاران ، احتیاسات تعطفکاری ، باشقه سنی سومکه بزی ایله تمیزی ؛ آنجق ، وظیفه نیک بزدن ایسته دیکی ، اکر باشقه لرینک سخنه « بر واسطه کبی دکل ، فقط دائماً بر غایه کبی » معامله ایتک ، « قریبزی کندی نفسمز کبی سومک » دن عبارت دکلسه یانه در ؛ برده ، دیگر بر نقطه نظرندن ، « شفقت » عنوان جمیلی ایله تعطف فضیلتک اک

[۱] بوقاعدهیه بالخاصه معلملرک رعایت ایتمی لازم کلدیکنی سوبلمکه حاجت یوقدر ، نرا چوجق خواجه سنی دیگر انسانلردن فرقلی کوردیکندن اونی تقلیده پک زیاده میالدر . بوندن باشقه تقلید سببیه چوجق فکر تشبندن محروم قالماسی ایچونده کندیسنه خیری شمردن تفریق ایتکه وغیر ارادی برصورتده دکل بالاراده ، واصوله توفیقاً حرکت ایلکیده اوکرمیلدر .

یو کسک شکلی دکلیدر؟ اخلاقیته moralité یا لکر عدالتدن عبارت دکلدر: عدالت لزومندن فضله سلبی و عفتک حد اصغری سیدر: شفقت اخلاقیته متمم ضروری سیدر. فضله اوله رق، شفقت بالذات عدالتک شرطی دکلیدر؟ باشقه لرینک حقوقه رعایته اولان استعدادیمز، اولنری سودیکمز وقت اکر اک زیاده اولمازسه، باشقه نه وقت اولور؟ حال بویاه اولمغه برابر، یا لکر دیکر کاملق احتیاساتک اخلاقیته قیمتدار معاونلری اولدقلرینی، وظیفه اجرایی قولایلاشدر دقلرینی، فضیله ده زیاده امنیت و دها زیاده لطافت و یردکلرینی تصدیق ایتک طوغری دکلدر؟ اولنرک بالذات اخلاقیته اولدینی سوبیلنه مزمی؟ یا سغال Pascal لک، زاقربی Jacobi لک، آرام سمیت Adam Smith لک اعمالک صوک طایاندینی یرسنوحات قلبیه در دیملری بو خصوصی آکلادقلرنلدنر. بناء علیه بدیدرکه مریبلر چوجنک قلبنده شو تواد تعطفکارینی تمیه و بونی مساعد اولدینی درجه ده تقویه ایله مکلفدر. شبهه سز، فانت Kant قلبک میلانلرینه ال آتشدر؛ اونک عندنده اخلاقیته آنجق وظیفه رعایته عملدن عبارتدر: وظیفه نه قدر زیاده مشکل ایسه، مزیتزده اوقدر بیوک اولور. حال بوکه احتیاسات نافعه طبیعی بالخاصه جهد واقدامی، و بالتیجه فضیلتی آزاددر؛ بو یوله بیان مطالعه ایله اولنرک حقیقی بر ضرر مغوی تشکیل ایتدکلرینی و اولنری کفایت درجه سنه ایندرمک لازم کلدیکنی سوبیلک آره سنده همان هیچ بر فرق یوقدر. فقط بو بر مبالغه در: تواد تعطفکارینه قیمت اخلاقیه سنی کرچکدن ایندرمکه، عاطفتی و بر روح شفیک فورانلرینی اتهام ایلمکه کیم مقتدر اوله بیلر؟ عشق، فضیله دها قولایلق و یرر: عجبا مطلب اونک هپ کوچ اولماسیمیدر؟ خایر، مریبلر حساسیتی اوایندر مقندن و محتوی اولدینی کوزل تخملری باشارت مقندن قورقاملیدر. افمروطوره مصرأ دیردی که انسان فضیله «بتون روحیه» کیتلیدر: بوقیلدن اوله رق ایلمکه ده بتون روحزله کیتلی یز دنیه بیلر: قوه ارادیه کندیسنه قلب یاردیم ایدرسه هیچ بر شی غایب ایتمز.

تواد تعطفکارینه مراقبه سی. — بونکله برابر شونی ده سوبیلک لازمدر: وظیفه نك عشق واسطه سیله تقویه سی نه قدر مهم ایسه، عشق ده وظیفه تابع طومتق او قدر مهمدر. «فانت» ک حق قازاندینی یر بو مسئله در. اولا انسان او یله بر آدم حقنده شدتلی بر تعطف حسن: ایدرکه اوکا.

مستحق دکلدر ؛ بو خصوص بالحاصه اصل عشق حقنده طوغریدر ، زیرا هان هر وقت بلاتأمل اولان هوا و عشق « ایسته‌دیکی یره اسه‌رك » کوزمه‌ر پرده چکر . محبت حتنده‌ده بویه‌در . ارسلر دیرکه محبت آنحق اصحاب خیر آره‌سنده وجودپذیر اوله‌بیلیر : فقط بومطلب هر وقت تحقق ایتماشدر ، اعتراف اولمالیدرکه ، پك صیق ، بعض رابطه‌لر « دوستلردن بری ویا هرایکیسنده بولان ، حق وخیم بعض اخلاقی نقایصه غیرقابل تألیف دکلدر . » [۱] انسان سودیکی کیمسه‌رك افکارینه بالضروره اشتراك ، اولنری طبعاً تقلید ایدر ، نهایت چابوقی اونلره بکزر . بونك ایچوندركه ، انسانه قوت ، حیاته نجات ویرن و بناء علیه اعزاز ایدلسی لازم کلن محبتلر اولدینی کبی ، انسانی کیره‌دن ، موقعندن ایندیرن و دوشورن محبتلرده واردر .

شو کیفیت چوجفه اجرایی الزم بر اخطاردر : شه‌سز ، اونك ایلک محبتلری فوق‌الحد متلوندر ؛ نه‌قدر قولایقله کوکل ویرسه اوقدر قولایقله‌ده کندینه کلیر . فقط بر زمان کلیرکه اونده علائق ده‌ا محکم و ده‌ا جدی اولور : اهواء قلبیه‌سنه قاننامنی اوکا اوکره‌تمك واو طویغولر اوزرینه کندی قدرت تفتیشیه‌سنی محافظه‌یه کندینی آشدرمق لازمدر . بوندن باشقه ، شوکا ایجه دقت اولنسون ؛ وظیفه واسطه‌سیله عشقه نفوذ ایتمك اونی سوندرمك دکل ، فقط بالعکس اونك مدتی ، کندیسینی طاغندی‌ره‌حق بعض اجزای ناپاکدن قورتارارق ، اوزاتمقدر .

دها وار ؛ بر صورت عمومیه‌ده دینه‌بیلیرکه تعطف ، عمل خصوصنده درجه کافیه‌ده امین بر مبدأ دکلدر . شه‌سز شفقت عدالتی اکال ایله مکلفدر ، فقط شفقت یالکز باشنه یوریمه‌ملیدر ؛ اگر شفقت فضیلتک چیچکی مقامنده ایسه ، عدالت اونك کوکی وقاعده‌سی متابه‌سنده‌در . احتمال که اساسنده صیمی بر شفقت نامنه نیجه فالقلر ارتکاب اولنشدر . فضیلت تامه نه‌شفقتسز عدالت ، ونه عدالتسز شفقتدر ؛ بواونلرک هرایکیسنک منسجم بر صورتده برلشمه‌سیدر ؛ عدالتک هر وقت یکی بعض شکلرینی احداث ایتمك واوکا استناد ایلک شفقته راجع اولدینی کبی ، شفقتی‌ده یا کلش یوله صایمقدن قورومق عدالته عائددر .

انسانک بیلمسی لازم اولان شیلر بونلردر ، وبونلر نه‌قدر چابوق اوکره‌دلسه

ایرکن صایلاز . اول امرده چوجغه باشقه سنک شخصنه رعایتی تلقین ایلك اهدمدر؛ چوجق کندی حقوقدن قولایجه خیر اولور ، اونلری منونیتله اعظام ایلر ، باشقه لرینک حقوقه دأر هیچ بروقت آجیق بروقوفه مالک دکلدر ؛ بونک ایچون اونک بصیرت معنویه سنی ایجه لشدیرمک ، باشقه کیمسه لركده کندیسی کی اولدقلرینی آ کلاتمق ، وکندیسنی ذهنأ هروقت باشقه لرینک یرینه قویارق کندینه یالماسنی ایسته مدیکی شیلری اصلا یالمامنی اوکړه تمک ایجاب ایدر . ایشته چوجق بو صورتله ابنای جنسنه رعایتی اوکړه نه رک ، اونلری سومکده ده ای حاضر لائمش اولور .

۳

عالی میهنلر . — سومک قابلیتیز ، نه « خود پرستانه » میلانلر ، ونه « دیگر کامانه » محبتلر ایله یتیمز ؛ بزده دیگر بر زمرة تمایلات واردر که بزى عالم حقیقتک فوقه ، قطعات رفیعۀ معنایه قدر چیقارر: بونلر عالی میلانلردر . فی الواقع ، اعیان موجودات بزى خوشنود ایتیمور : بالعکس بونلرده کوریلن اکسیکلکلر ، قاریشیققلر ، بیایققلر کوزیمزه دیکن کی باتارق اضطرابمه سبب اولور . ایاقلریمز یرده اولمقله برابر باشمز هر صورتله ده مکمل بر سما ایچنده در . یاسفال ک قولنه کوره ، بز غیر متساهلک ایچون یارادلشمز ، وحقیقۀ غیر متناهییه یتشمک ایچون چیر پینیز ، معنایه ، کاله تشنه یز ، معلومات حسیه نك وظواهر مشهوده نك بزى تطمینده کی شو عجزی هویت معنویه انسانیه مزك اک کوزل نشانه سیدر .

معنوی ، فکری اولان بومیلانلره مطالب عقلیه ده دینیر: زیرا بونلرک مدار حصولی ادراکدر ، عقلدر ؛ مطالب مذکوره ادراکات و سنوحات عقلیه نك نوعاً نتیجه سی ، لواحقیدر: چونکه ادراک حد ذاتنده ذات اجل واعلانک ، ذات صمدانیتک ، کال مطلقک صفتیدر . کال مطلق نامتاهیدر ، ده طوغریسی هرایکیسی برشیدر : بوسبیله معنایه ، کال مطلقه ایرشمکدن عاجز ؛ بز اوکا طوغری کیتدکه اودها اوزاغه چکلمکده در : بونک ایچوندر که بو میلانلر دخی غیر متناهی اولوب تطمین اولمالری ده هیچ بروقت میسر دکلدر .

عالی میهنلرک انصامی . — بو عالی میلانلر باشلیجه اوج قسمدر : حقه محبت ، کوزله محبت ، خیره محبت . بونکله برابر عشق حقیقی بعض معانی موهومیه

تعلق ایتمز ، فقط بالمقابله سومکده مستعد موجوداته تعلق ایدر . بوندن ماعدا بزم تصور ایتدیکنز کمال قوه مخیله مزک بروهم عادیسندن عبارت اولمایوب بز اونک واجب الوجود اولدیغنه ایمان ایتمکده وکندیسنه الله نامنی ویرمکده بز . بونک ایچوندرکه بتون مطالب عقلیه احتساس دینییه رجوع ایدر .

مقدمه محبت . — هرکس فطره حقه میالدر . بیلنمین بر شینک قارشیسند برصقنتی طویار و اوجھولیتی ازاله ایدرسهک سوسینرز . چوجغه باقکنز : دها پک کوچکدن هر شیئی بیلنک ایستر ، بزى سواللریه یورار ، حواسک کندیسنه کوستردیکی شیرلک علتی اوکرنمکی مراق ایدر . انسانک اختیارسز حقه حریرصانه اولان بوجھولیتی ، اوندن چیقارده جنی فائده ، اوندن چیقہ بیلجک تطبیقات عملیه ایچون دکلددر ، بوجھولیت منحصرأ حقک کندی ایچوندر . حقیقت بسبتون فائده سز فرض اولنسه ، انسان ینه نفس ناطقهک شو احتیاج عرفاتی تطمین ایتمش اولمق ایچون اونى آراردی . بوتایل یوقاریده بحث ایتمش اولدیغمز میلان ایله قاریشماز ، اومیلان ذهک بالذات شینک قیمتی ایله مشغول اولمقمزین ، یالکنز ایشله مسنه سبب اولور ؛ بونده ذهن مشغولیتی ایسه جدیدر ؛ بیلنمسی مطلوب اولان حقیقت ، یعنی اشیانک ، قوانین واجبه وازلیه سیله برلکده ، ماهیتیدر .

حقه اولان بوجبت علی العموم علمک ظهورینه سبب اولمشدر . بوندن باشقه اصل علم ایله فلسفه یی بربرندن آیرمق قابلددر . علم ، کلهک معنای مثبتیه کوره ، تجربه ایله معلوم اولان شیرلدن بحث ایدر ؛ علمک غایه سی موجودات محسوسهک ویاخود حادثاتک آره سند موجود اولان مناسبات عمومیه ومستمره یی تعیین ایتمکدر . علم هنوز اکمال ایدلمش دکلددر ، فقط فرض ایدلم که اودرجه یه کلش اولسون ، عقل ینه راضی اولمایه جق ، وباشقه صورتله مشکل وجالب مراق سواللر صوراجقددر . بوسواللر اشیانک ماهیتیه ، علت اولاسنه ، غایه نهائیلرینه عانددرکه علم مثبتک بونلر حقنده جوابلری یوقدر ، وترقیده ایتمک ایسترسه ، اونلرله اوغراشماز . مسائل مذکوره فلسفهک اصلی وغیر قابل تنزیل جزئیدر .

کوزله محبت . — حقه اولدینی کبی کوزله ده طالب و مجلوبز : طبیعتک انظار تماشا مزه عرض ایتدیکی مناظر عظیمه دن متلذذ اولمق ایسترز ؛ اونلرک قارشیسند ،

بستون باشقه ماهیتده براحتساسله، برتهسیج لطیف ایله متحسس اولورز، بو طویغو حیرت و مفتونیتدن متولد، تهسیج بدیعیدر. بوندن باشقه، عالم طبیعتک بزه ویردیکی ناقص اثرلرله اکتفا ایتیز: هیچ بر شائبه‌نک اخلاص ایتیه جکی بر لطافتدن ذوقیاب اولمق ایچون، انسان دها زیاده آهنگدار، دها زیاده کوزل اثرلر احداثه صرف مقدرت ایلر. ایشته طبیعتده کی نمونه لرك بو کفایتسزلیکی، و کوزلی بتون حشمت و شعله سیله کوسترمک هوسی، صنایع نفیسه‌نک مبدئی، مدار حیاتیی اولمشدر. شبه سز، خاطره کلیر، عجباً کوزله محبت انسانده فطریمیدر: چو حقدده کوزی شدله تهسیج ایدن پارلاق رنگلره مجلوبیت کبی بستون حسی بر احتیاجدن باشقه بر شیه تصادف اولنه بیلیرمی؟ بو طویغونک عموم افراد انسانیه شامل اولدیغنه ناصل اعتماد اولنورکه هر نوع ذوقدن صورت مطلقه ده محروم کبی کورینن نیجه کیسه لر هروقت کوریلور: بعض وحشیلرک دخی نفرتی جالب بر طرزده یوزلرینی و بدنلرینک مختلف اقسامی چیزدی کلری یاخود پک قابا بر موسیقی سیله رقص ایتدکلری ده کوریلور.

حقیقت شودرکه، کوزله محبت احتساسی قابل تربیه در: بو طویغو اولاقابا ایسه ده، کیت کیده انجه لشمکه مستعددر. هر حالده بو احتساس بر صنعتکار *artiste* ده، یعنی الک زیاده بیومش و کندنن الک زیاده خبردار اولمش اولدیغی بر یرده، کنهی اعتباریله عینی شیدر: یعنی کمال مطلقه طوغری بر اقبالدر. بر صنعتکار اثرینی یا پیغه باشلادیغی وقت قصد و نیتی، روحنده کیزلی اوله رق طاشیدیغی کوزلک نمونه سنی افاده ایتک، اونک حقنده حاصل ایتدیکی فکری، معنایی، حواسه، قوه مخیه یه، قلبه آکلاده جق بر شکل ایله موقع فعله چیقارمق، و بوفعله چیقاریشدن هم کندیسینی و هم باشقه لرینی تلذذ ایتدرمکدر.

ضمیمه محبت. — حقه و کوزله قارشیی متحسس اولدیغمز کبی، خیره قارشیی ده اوله یز. ابنای جنسمزدن برینک افعاله شاهد اولدیغمز وقت قابمزدده برسوری احتساسات خصوصیه «احتساسات روحانیه» پیدا اولور: اکر اوفعللر بزه ای کورینورسه، قابمزدده اونی یاپان حقنده، خیر خواهلق، تعطف طویارز، شاید اوفعلی یا پیق ایچون فوق العاده فداکارلق لازم کلکشه حیره و غلیان و هیجانه دوشه رز.

عکس حالده ، طویاجغز شی نفرت، حقارت ، خصومت در ، شاید اوایشک درین برفساد اخلاقه دلالت ایتدیکنی ظن ایدرسهك پك زیاده منفعل و متدهش اولورز . شاید فعل بزدن صادر اولورسه باشقه طویغولر حاصل اولور : بعضاً بو طویغو تام ، لطیف برسوینج اولور ، بونده کی حلاوت وظیفه اجرایی ایچون اوغرایه بیه جگمز مشقتلری یزه اونوتدرمغه کفیدر ، برسوینج « قلب خوشنودلنی » در ، بعضاً بو طویغو آجی برالم اولورکه بزى برآن راحت برافاز وبتون حیاتمزی زهرلر : بو احتساس « عذاب وجدانی » درکه اکثریا روح متدللی « ندامت »ه سوق ایدر ، بوندامت قوه ارادیه نك برده اعینی خطایی ایشله مامك ایتدیکی ایچون ویردیکی قراردر . والحاصل ، فعلدن متأخر اولان ، بو احتساساتدن باشقه ، اوکا تقدم ایدن دیگر طویغولر وارددر : کاه اولورکه الویرشلی وخیر اوله رق تصور ایتدیکنمز شیلره توافق ایتدیکنلری ایچون ، هنوز امکان حالنده اولان بعض افعاله قارشى ایچمزدن بر مجلوییت حس ایدرز ، بعض افعالده اولورکه خاطره سی بیه نفرتمزی موجب اولدیغندن ، تدهشله رد ایدرز .

بتون بو احتساسات قلبمزه خیره محبت طویغوسنك موجودیتنه دلالت ایدر . بو اویله بر میل طبیعی روحانیدرکه فطره مستقیم وعیف اولان کیمسه لره طوغری یول کوسترمك ایچون الویرر ؛ بو احتساس جالب نظر دقت بر سلامت ، علی الاعلی بر اینجه لك اکتسابنه مستعددر . احتساسات روحانیه نك متحول و یامتا قاض اولدقلرینه دائر اعتراضه محل یوقدر . زیرا ، اولاً بو حال صورت مطلقه ده دکلدرد ؛ هر یرده وهر زمان خیردیه حکم اولنان بعض فعللر وارددر ؛ ثانیاً هر زمان وهر مملکتده انسان بعض شیلری یایتمق وبعض شیلردن چکنمك لازم کلدیکندن وجداناً خیردر : روحیات اعتباریه ، بو احتساسك کلیتی الویرر .

عالی مبدنلرک ترکیبی : احتساس ربنی . — سوبلدیکنمز وجهله شو یوقاریده کچن اوچ طویغو بزى طوغریدن طوغریه اله تعالی یه ایصال ایدر . نفس ناطقه نك حقه متوجه اولان سیری آرده سنده تفرس ایتدیکی شی بالذات حقیقت ایله متحد وتوأم اولان بر عقل اکلدرد ؛ قلبك چیرینه رق صبر سزلقه ارادینی شی وقیه افروطنك پك بیوک بر تهیجله بحث ایتدیکی شو حسن اکلدرد ؛ حاصل کلام وجدانك تصور وانسانه دستور حرکت اوله رق امر ایتدیکی شی ، بالذات خیرایله

متحد اولان براراده قدسیه در . عالی میلانلرک غایه‌سی الله‌تعالادر : احتیاس دینی اونلری تلخیص ایله برابر سبق ایلر . واقعا بودنیای دنیده مخلوقاتی کاللریله متناسباً سودیکمز حالده ، روحز بوکلاتک بالذات کنیدیسی اولان وهر کلاک مصدر ومنبعی اولان ذات اجل واعلاویه ناصل فطرهٔ مجلوب اولماز ؟ کرچه بعض کیمسه‌لر ، هر نوع مشاغل دنیویه طالمش اولدقلرندن الهی نادرآ دوشنورلر . فقط بیوک برالم ، بر ماتم اونلری کنیدلرینه کتورر ، اونلر اووقت ذات اقدس احدیتی آزاره اوکا توکل ایله ، امداد و حمایتی استرحام ایلرلر . بناءً علیه احتیاس دینی هرشیدن زیاده عشقندن مصنوعدر . الله تعالی بزّه اصلا محتاج دکل ایکن بزّی یاراتماسی انحق محبتی سبیلهدر ؛ باری تعالی بتون قولارینه رحیم وشفیقدر . بو قدر انعام واحسانه قارشى اوئی سومامک ناصل قابل اولور ؟

فقط بوعشق تعظیمدن آرملاز : بناءً علیه جانب حقّه توجه ایتدیکمز وقت برخشوع دیندارانه ایله حرکت ایتلیز ، زیرا بز کناهکارز ، ذات احدیت ایسه قدوسدر . بوندن ماعدا ، قدرت بالغه صمدانیه‌یی اظهار ایدن اعظم نامتاه‌یی واصغر نامتاه‌یی خوارق حضورنده ناصل متحسّس اولمایز ؟ بونک ایچون روح بعضاً بلا اختیار ، مناجات ایله ، عالم قدسه سیر و عروج ایدر . عبادت احتیاس دینک جانلی بر افاده سیدر : انسان سعادت حائده جناب حقّه احسان بیوردیغی نعمتلردن طولانی دعا ایدر ، فلاکت حائده تحمل وجسارت ایسته‌مک ایچون دعا ایلر ، طبعیتک برمنظرهٔ محتشمی تجیلاً مناجاة ایلر ، انسان کندی نفسی ایچون ، باشقه‌لری ایچون ، سودیکی شیرلر ایچون ، سزى سومه‌ین کیمسه‌لر ایچون الله یالوارر ؛ دعا لک مبارکی شوصوک شکلیدر .

احتیاس دینیک بعض قابا شکلله کیرمش وحالا کیرمکده بولنش اولدیغنه عجباً اعتراض اولئورمی ؟ حقیقت ، بر وحشینک النده کی اودون پارچه‌سنه ایفا ایتدیکی عبادت ایله مدنی بر آدمک ذات اقدس احدیته عرض ایتدیکی عبودیت آره‌سنده فرق واردر ! فقط نه‌بأس وار ! اونلرک هر ایکیسنى تحریرک ایدن عینی بر حسدر ؛ یالکز تفکر وتأمک ترقیاتی و وجدانک انواری سایه‌سنده کسب صفوت ایتمشدر ، بونکه برابر فطرت انسانیه‌نک ذاتی اولان بر احتیاجنه دلالت

ایدر ، شو تقدیرده بر دینه سلوک religiosité انسانلرک هپامدن هروقت ایچون تمیزینه مدار اوله‌جقدر ! شبه‌سز، بعض کیمسه‌لر، حتی بعض عقول‌عالیه آرتق‌اللهه ایسانمدقلرینی اعلان ایتمشلردر: فقط بوانکار اونلرک باشقه‌لری کچی اوکا ایساندقلرینه عالی بر دلیدر؛ بوندن باشقه اونلرک انکار ایستدکلری شی، ایچنده طوغوب بیودکلری دینک خبر ویردیکی اللهدر ، اونلر اونک دیکر بردرلوسنی تصدیق ایدهبیلیرلر ، کمال مطاقه ، ترقیه ، ظواهر محسوسه‌یه نسبتله ده‌آز کاذب بر حقیقه دخی اینانیرلر : بوتقدیرده اونلرک دخی الاهی اولدینی صحیحاً ادعا اولنه‌بیلیر !

عالی و تعظفکارانه مبدل‌لرک موبودینی دغیر قابل تنزیل اولماسی . — تعظفکارانه محبت‌لره مطالب عالیه‌نک بر وصف مشترکی وارددر : بونلر حد ذاتلرنده هردرلو غرضدن آزاددهدر . بو کیفیت تعظف حقنده بدیهیدر : زیرا عشق بالذات ترک تعاق دیمکدر . اوسایه‌ده نفسمزی اونوتدیغمز کچی بونی باشقه‌سی اوغورینه‌فدا ایلرزه . عالی میلانلر حقنده‌ده بو کیفیت طوغریدر : بر عالم حقیقتی آرادینی وقت بونی شخصی اکنجه‌سی ایچون آراماز ، بو تحرییی بالذات حقیقت ایچون یاپار ؛ وبو سینده کندنن کجر ، شعورنده خود اندیشانه بر اندیشه ایچون اصلا یر بولماز .

فقط انسانک عجباً کندنن غیری اولان مختلف شیلره او صورتله باغلانماسی و کندیسنجه او قدر عزیز اولان «أنا» سندن وازچکمی ممکنیدر؛ بوندن باشقه، بوکون بو حال ممکن فرض اولنسه بیله ، تعظفکارانه و عالی محبت‌لری خوداندیشلکک بسیط بر محصولی عد ایتک ممکن اولمازمی ؟ تعبیر دیکرله ، انسانک قلبنده حقیقه غرضدن خالی ، حبسی محبت‌لر وارمیدر ؟ برده ، اگر بونلر وارسه غیر قابل تنزیلیدرلر ؟ **لاروشفوقو** La Rochefoucauld برنجی ، انکلیر مکتب فلسفیی ایکنجی نقطه‌یه ایلشیور .

لاروشفوقو نک امثال حکمیه Maximes سنه اساس اولان مدعا معلومدر : انسان کندنن غیری بر شیئی سومکه غیر مستعددر ، اونک بتون محبت‌لری خود اندیشلکدن نشأت ایلر : محبت‌لریمز ، فضیلت‌لریمز هپ کوسترش ، ریادر ، بونلر نهرلر ناصل کیدوب دکزه دوکیورلرله ، منفعت دریا سنه کیدوب قاریشیرلر .

لاروشفوقونك ذهانی ، شوقا با شكلی ایله تصویری ایدیلنجه، قابل مدافعه دكلدر .
 عجبا یر یوزنده هیچ بر کیسه وارمی که ، بر کون اولوبده ، هیچ بر حسابه
 مستند اولمقیزین ، یاخود کندینی هیچ خاطره کتورمکسزین بر صورتاه دیکرینه
 وقف وجود ایتش اولماسون ؟ هایدی غرضسز عوضسز افعال ظن اولندیغدن
 زیاده نادر اولسون ، فقط یوقدر دیمک طوغری دكلدر . شهبهسز ، دعوایی
 دها اینجه لشدیرهك ، باشقه لرنی سومك ، ینه کندینی سومك دیمکدر
 دینه بیلیر ، زیرا دیکرلرینك سعادتته چالیشهرق انسان سعادت حس ایدر .
 بو طوغریدر ، فقط مادام که سعادت آرانماش و فعلك سببی دکل اثرندن
 عبارت بولمشدر ، مادام که غیر ارادی ، بلا تأمل حرکت واقع اولمشدر ، تأویلک
 نه اهمیتی وار ؟ فداکارلق یاپلیدی وقت طه یولان لذت انجق بر شی اثبات ایدر ، که
 بوده ، لاروشفوقونك اعتراضه هدف اولان مسئلهدر ، یعنی فداکارلق ، غیره
 محبت انسانده فطری بر میلاندر . موسیو ژانه M. Janet نك دیدیکی وجهله ،
 باشقه سنی سومك بر لذتدر ، فقط بالذات لذتی آراماق شرطیه ، زیرا آرانیرسه
 ظاهر اولماز : طلسم بوزیلور .

انکلیز مکتب فلسفیی اعتراف ایتمشدر که بوکون غرضدن خالی محبتلك
 فعلاً موجود اولدیغی انکار غیرقابلدر ؛ فقط ادعا ایدیور که بو محبتلك فطرت انسانیهده
 اصلی اولهرق موجود اولمایوب نهایت الامر خودکاملغك بر تحولندن باشقه
 شیلر دكلدر . اونلر دیورلر که انسان اولا کندی کیفی آرامش وکندی سعادت
 ایچون باشقه لرنینك سعادتتی فدا ایشدر ؛ فقط چابوق آکلامش که فعالیتلر تعارض
 ایدر سه ضرر وقوعه کلیور ، بالعکس بونلر آره سنده بر وفاق اولور سه اختلافدن
 زیاده موجب استفاده اولیور ؛ ینه چابوق کورمش که ، بالذات کندییی دها زیاده
 مسعود اولمق ایچون ، ایچنده یشادیغی هیئت اجتماعیه اعضالرنینك سعادتتی ده نظر
 اعتباره آملقه مکلفدر . بو حالده دیکرکاملق خودکاملقندن طبعاً چیقمشدر ؛
 طبیعتده هیچ بر شی غائب اولمادیغدن ، بو طویغو توارث قانونی سابه سنده بزده
 کسب محکمیت ایدرک درین بر اعتیاد حاله کیرمشدر ، او صورتاه که شیمدی
 صورت قطعهده فطری بر استعداد شکلنده کورینیور .

مطالب عالیله دخی بووجهله ایضاح اولنور . مثال اولهرق ، خیر ، وظیفه احتیاسانی

آلهم، معلوم اولدینی اوزره بواحتساس وجدان اخلاقینک تشکله خادم بر عنصر در؛ فقط بونک ده خودکاملق تمایلاتنک انکشافدن باشقه بر شی اولمادیغنی کورمک مشکل دکلدر . بدایتده انسان بعض افعالندن ، هیئت اجتماعیه نک اونی ، فنا ، یعنی کندی موجودیت وامینتی ایچون مضر تلقی ایتمسندن طولانی ، ومجرد عقوبت قورقوسیه ، صاقینیر؛ آو کویکی شاید آوه صالدر رسه ییه جکی طایاقی تخطر ایدرک ناصل طور رسه ، اونک کبی ، انسان ده بعض کوتیلکلره ، جمعیت کندیسنه ویره جکی جزایی دوشونه رک ، جسارت ایده مز . فقط یاواش یاواش ، بو حالک شعورده تمادیسی ، ومختلف عمللریمز آره سنده اونک عینتی نتیجه سی اوله رق ، نهایت بر قصد مخصوصه وقوعه کلن او مجانبت بلا تأمل وقوعه کلکه باشلار » یعنی غیر مشعور به اولور ، مقصود خودکامانه اونودیله رق ، هر درلو ملاحظه منفعت اندیشه خارچنده ، خیری ، کندی خودکاملغمز سائقه سیله دکل ، محضا خیر اولدینی ایچون یامش اولدیغمزی ظن ایدر ، وبو وجهله بوندن اعتباراً قلمزده پک حسی اولمق اوزره وظیفه احتساسنی بولغه باشلار . خیر احتساسی حقنده وارد اولان ملاحظات حقه وکوزله محبت احتساسلری حقنده دخی صحیحدر : اونلرکده اوکا مشابه بر شکلده « تکنون » ایتدکلینی اتیان قولاید . قبول ایده لم که انکلیز نظریه سی طوغریدر : عجباً بوندن طولانی غرض وعوضدن خالی محبتلر بوکون اورتادن قالقه جقمی ویا قیمتلرینه خللمی کله جک ؟ کل ، یبانی کلدن چقار دینیور ، نه باس وار ؟ بو حال کلک وجودینه وشیمدیکی حالنده دوامنه مانعی اولیور؟ بونکه برابر قبولی مشکل اولان بالذات اونظریه در . خودکاملق ناصل اولیورده بستمون کندیسنه ضد اولان احتساساته تحول ایده بیلمش؟ حقیقی دیگرکاملق ، خودکاملغک شعور لاحق اولمتسزین اونودلماسی دکلدر ، بو ، خودکاملغک بیه رک وبالاراده فدا ایدلمسیدر ، منفعتک القاآتی ، بونک قلبی تسخیر ایدن جاذبه سنه تماماً مطلع اولمق شرطیه رد ایتدیگمز وقت اک زیاده حسن اخلاقه موافق حرکت ایتش اولور . بو صورتبه خودکاملق ، خودکاملغک فدا سنه ناصل سائق اوله بیلیردی؟ اعتیاد سبیدر دینیرسه : بوکا قارشی دیرز که اعتیاد هیچ بر شی یاراتماز : اولاً منفعت سائقه سیله عمل ایدن مخلوق اعتیاد سایه سنده ینه

منفعت الجاسیه حرکتیه مصر اولور ، خودکاملنی دها درین ودها نارین اولور ، نه منفعتیه عملدن واز بکر ، نه خودکاملنندن قورتیلیر .

حقیقت ، اوله بیلیرکه انسان ، بیکلرجه احتیاجک تحت تضییقده ، اولا آنجق کندی وارلغنی تأمین ایتمکی دوشونمش اولسون: تعطفکارانه محبتلر ، معنوی میلانلر ، پک مادی حقایق محسوسه نك زبونی اولدیغندن ، اونک اعماق روحنده ، ملفوف ، مکمون ، بونکله برابر حقیقی اولق اوزره خواب آلود بولنیوردی . فقط انسان ، بر آز سربستلشوب ، طبیعتیه اسارتدن بر آز دها قورتلغه باشلانجه ، وجداننده مضمون اولان میلانلر اچلمغه وییومکه ، واونی کندی ذاتک فوقه ، دیکرلرینه ، غیر متناهییه طوغری آلوب کتورمکه باشلامشدر : احوالده بو میلانلریکی و بستیون اصلی original [۱] بر شی تشکیل ایتش اولورلر . انگلیز مکتب فلسفیبی بر همه آلدانمشدر : دیکر کاملنک و اخلاقیته تکوتی خودکاملنی اونوتمله ایضاح ایدیور ؛ بالعکس دیکر کاملنک و اخلاقیته تنوی واسطه سیله خودکاملنک اونودماسی ایضاح اولنور : مکتب مذکورک سبب عدایتدیکی شی بحق اثردر [۲] .

نظریات عملیه . — احساسات عالیه نهمی . — تربیه انسانی مطالب عالیه یی حرته و بونلره بر انکشاف تام اعطاسنه معطوف اولمالیدر ، بو حال بدیهیدر . انسانه حیثیت ویرن ، مدار امتیاز اولان بونلردر ؛ بوندن باشقه احساسات عالیه قلوب عالیه یتشیدیرر ، انسانه اک یوکسک قیمتی ویرن ایسه قلبدر : بناءً علیه اونلری تمیه ایتک هویت انسانیه یه اک یوکسک شکلنی ویرمکدر .

اولا ، چوجنی حقیقته قارشى متحسس ایتکه اقدام اولنور . بونک ایچون ، (بللی برشی که) اولایالاندن صاقمانسه دقت ایدیلیر . اگر ، واقعا طوغریلغه میل اولور و سوزینی یالکزی فکرینی تفهیم ایچون قوللانیرسه ، کتم افکارک فائده سنی چابوق آکلار و بونی خوی ایدینیر . بو وخیم بر استعداددر ، بو نه قدر اصلاح اولنسه چوق دکلدر : اگر بو خونی قاممانسه مساعده اولنورسه ، چیرکین

[۱] موسیو ریشاردو M. Ricardou دیور ، کونش سمت رأسه طوغری یوکسلیرکن ،

صبح سیسی طاغیلیر ، فقط سیسی طاغیدان اودر : کولیکه قاجار ، زیرا نور قازانیر . «

[۲] (صحیفه ۱۳۴ ، De l'idéale) کتانبندن .

و آشانی هیچ بر فعل اولماز که اشتراك ایتش اولماسون : چوجق ، دلیقانی چاغنه کلنجه ، آرتق هیچ بر شی اوکندن چکنمز ، زیرا هر شیئی انکار ایده‌یله‌جکنه اولجه امین اولمشدر : ریاکارلقه شیرلک ایکیزدر .

چوجغه یالانک عارینی حس ایتدرمک ، مناسبدر ؛ فقط بو بر نتیجه منیه‌در : اوکا حقیقه محبتی‌ده اوکرتمک اهم و الزمدر . بونک ایچون، علمک بخش ایتدیکی بتون فوآدی اوکا کوسترمک، معلوماتی بر کیسه‌نک برجاهله نسبتله مالک اولدینی رجحانی حس ایتدیرمک کفایت ایتمز ؛ اونی حق حق اولدینی ایچون سومکه آلسدرملی ، کسب عرفانه ، نفسنی حقایقه انفاق ایتک نه‌قدر لایق اولدینی آکلاماسنه همت اولمالیدر . شبه‌سز ، هپ چوجقلری میز ییوک عالم یامقندن بحث ایتیورز : بونک وسائط ماده‌سینه مالک اولمایه‌ییلرلر و دیگر وظیفه‌لر اونلری بو یولدن چویره‌ییلر : فقط اونلری حقه‌علاقه‌دار ایتک، و کندیلرینه ایلریسی ایچون بو صورتله ذهن و قلبلری آچه‌جق بر یول حاضرلامق لازمدر .

تربیه کوزله محبت حسنی‌ده تمیه ایتلیدر . قدامنک ، و بالخاصه یونانیلرک ، ذوق محاسنپرستینک حرثنه نه قدر اهمیت ویردکلری معلومدر ؛ موسیقی‌یه روحی یوکستمک و خوی قوتلندرمک ایچون مؤثر بر قدرت عطف ایدرلردی ، بزده صنایع نفیسه اهمیتندن برآز غائب ایتش کیدر ، هان هان بالکز یوکسک صنفلر پروغرامنه داخل بولنور : اصل اهلینک تربیه کوردیکی ابتدائی مکتبلرنده بونی اک آشانی آتمشدر ، چوجقک ذوقه وحسنه عائد مبادی ایله استیناسندن زیاده عملی و مسالک صناعیه‌یه متعلق معلومات ایله تجهیزینه همت اولنور [۱] .

بونکله برابر مکتبلر انسان یتشدرمکه و تربیه ارواحه مأموردردر : خلقه‌ای بر تربیه ویرمک ، وکندینه امانت اولنان چوجقلری یتشدرمک اوکا عائددر ، زیرا اورایه دوام ایدنلردن قاجی اونک کندیلرینه ویره‌جکی درس‌لری اکاله موفق اوله‌جقدر ! بناءً علیه مکتبلرک تربیه بدیعه ایچون‌ده کنیش بر یر ویرملری مقتضیدر .

« هر صنفه منسوب چوجقلر وکنجلر ، فقط باشلیجه صنف عوامه منسوب چوجقلر وکنجلر ، مشهور بر متفکر دیور ، هر شیدن اول تربیه واک‌یوکسک

[۱] مؤلفک مقصدی طبعی فرانسز مکتبلریدر .

کوزلکه عبادت حسیله پرورده ایدملیدر . « تدریس‌اتک همه حال بر منفعت مادییه متوجه اولماسنده اصرار اولنورسه چوجغک قیمت انسانیه‌سی تأمین ایدن محاسندن کنیدیسی محروم براقه‌رق منفعت حقیقیه‌سی اهل ایدلمش اولور ، بویه برتربیه « قوای نفسیه‌نک ، کنیدیسندن مظهر تشویقات اولماسی ایجاب ایدن قوه‌ی » تذلیل ایتمش ، واک علوی ونجیب مطالب انسانیه‌ی قوروشمش اولور ؛ تربیه‌نک مقصد اصلیمی « هرکی کندندن ده‌ای و عالی بر شینه راغب و مجلوب اولمغه » آلدردمق دیکیدی؟ اوپله بر تربیه بومقصدینی اونوشم دیمکدر : هر تربیه اساساً « احرارانه liberal » اولمالیدر .

کوزلک روح اوزرینه اولان نفوذ مبارک‌نی نظر اعتباره آلمق بونک تربیه‌عمومیه قواخصوصنده اجرا ایده‌جکی خدمتی آکلامق ایچون الویرر . کوزل ، بوایشه یاراماز بر شیدر ؛ چوجغه کوزلی سومکی اوکره‌تمک ، اونی کنیدیسی اونوشمغه دعوت ایتک ، اوند حسیلک فکرینی حاضر لامقدر . اونک قلبی کوزلکدن متأثر اولمغه آلدردمق ، اونی عاطفته ، کرم وسخاوتنه آلدردمقدر . بوندن باشقه ، مکتسبات بدیعه قلبی یوکسکتمکدن ، روحی کبارلاشدرمقدن باشقه بر شی یاپاماز ، زیرا بزلی ده‌ای یوکسک ، ده‌ای مغوی بر حیاتدن حصه‌دار ایدر . بالخاصه ، صنایع نفیسه ارواحی تصفیه ایدر : کوزلک مفسد اخلاق اوله‌ماز ؛ بالعکس بزلی لوئیاتمزدن ییزار ، محرومیتلریمز دشمن ایدر : کوزل قارشیسنده ، بزده کوزل اولمق ایسترز ؛ تماماً باطنی ، تماماً روحانی بر کوزلکه کوزل اولمق ایسترز ؛ بزده چیرکینلکی حاصل ایده‌جک هر شیدن ده‌ای زیاده قاجارز ؛ کوزلی تحسین ایدرک ، روح اونی مشق اتخاذا ایدر ، اونکله استیناسه باشلار ، بالذات اونک کبی اولور . بو نقطه نظرندن ، کوزله محبت خیره محبتک بر شکلندن باشقه بر شی دکلدر : بوسبيله رواقیلرک کوزلک ایله فضیلتی بر شی عدا ایتلمی حقسر دکلدی .

بو حالده چوجغک قلبنده کوزلدن متأثر اولمق خصلتینی او یاندردمقدن قورقمایه‌لم ؛ مکتبه شاعرلکک بر آز اشراق ایتسه ایشمیه‌لم ، ده‌ای طوغریسی عوام اولادینک ، معنای یوکسلمکه و مغوی شیرلی سومکه رغبتلرینی آتدردمق مناسبدر : بو صورتله چوجقده حاصل اوله‌جق مفکوره ، ایلریده اونک کیره‌جکی بایانی وهپ برقابله‌کی ایشلرنده ، و اکثریا مشقتلی وسرت حالنده ، نشئه‌سی محافظه ایده‌جکی کبی روح‌نکده

عیارنی صیانت ایله جك، و نفس ناطقه یه عاڭ شیلرده کی علویت و لطافتی کنديسنه آكلاده رق كوچكلكلره دوشمه سنه مانع اوله جق، حیاتی سویله یوب یو كسلده جك، و كنديسنی اعلا و بالخاصه «دها ایی اولمق امكانتی و بونك نشئه سنی اشراب ایدرك» اوكا تسلیل ویره جكدړ .

تربیه چوجنك حاسه معنویه سنی تشكيل ایتك و كسكیناتمك ایله مكلفدر دیمك باباغیلقدر . چوجق دها مکتبه كیرركن بتون عالمه شامل وابدی اولان اخلاقك مبادی اصلیه سنی چوقدن اوكرنمشدر، فقط بومعلومات هنوز مشوش، پك مبهم، پك ضعیف و غیر قطعیدر . مطلوب اولان، اونلری آچیغه چیقارمق، قوتلندرمك وجدانده كوكلشدرمكدړ . چوق وقت حیاتك چله لرینی كچیرمك ایچون، چوجنك یوك اوله رق، مغوی بردستك اوله رق، یالكرز مکتبه کی مکتسباتی واردر : بناءً علیه استادك نفوذینك قطعی اولماسی، وروحك اك درین یرینه قدر كیرمش بولماسی لازمدر . فقط بحق دیمشدردركه : «اخلاق اوكره نكندن زیاده تنفس اولنور» : بوسوز بالخاصه چوجق حقنده طوغریدر . بوجهته چوجنی تمیز برحیط ایچنده یشاتمق، كنديسنی كوزل مثاللر، كریمانله فعللر قارشیسندنه بولندیرمق، هر بویوك وعلوی شی ایچون تقدیر و هیجانی اویاندرمق اهمدر : والخاص چوجنك روحی انطباعات سالمه ایله طولمش اولمالیدر . بوندن ماعدا، استادك كنديسی ده خویی، سلوكی لسانی ایله مثالرك اك مقنهی اولمالیدر ؛ اونك سوزلری صیجاق، وانسانه قناعت ویرن تهیجله مشحون اولمالیدر : زیرا قلبه كیده جك سوز، ینه قلبدن طوغار، اك بسیط برحكایه، برادای صمیمیت سایه سنده قبلری تهیج ایتك شرطیله، اك عالمانه فقط پك صوئوق درسدن دها قیمتلیدر .

بناءً علیه چوجغه اولاه خیری سودیره لم : اوندن صكره ده دها استادانه، هر وقت آچیق، مقنع درسلر ویره بیلیرز . قانون اخلاقی بی، و بونك حشمتی، امرلرینی، نهیلرینی دهاطوغری اوله رق طانیمنی اوكا اوكره دیرز . بوجهله، چوجق دها زیاده مطالب عالیه، دها زیاده احتساسات رقیقه صاحب، یعنی كندی وظیفه لری حقنده برعلم صحیحه، برحس سلیم اخلاقیه، بر وجدان مستقیمه مالك اولور . فقط خیره محبتی، وظیفه رعایتی، احتساسات دینییه تقویه ایتكسزین، تأمین ایتك قابلمیدر؟ یوقاریده كوردك : خیر، وقانون اخلاقی بزى طوغریدن طوغری یه

الله تعالی‌یه ربط ایدر . چوجنک امر محکم « l'Impératif catégorique » ک بیوکلکنی و اوکا بورجلی اولدینی حرمتی حس ایتسی و آکلامسی ایچون ، انسانلر آرسنده منعقد بر مقاوله اولمقدن اوزاق اولان قانونک ، بتون افعالمزی بیلن ، صدور وقلوبک خفایاسنه واقف اولان برشارع اعظمک اثری اولدینی سویلک مناسب دکلیدر ؟ نیجه کیسه‌لرک اغوآت شیطانیه غلبه و تمایلات سفلیه مقاومت ایتسی ، آنجق کندیلرینه هر شینک فوقنده برحاکم مطلقک اعمال و افعالمزه ناظر اولدینی و ایرکچ بزدن حساب صوراجنی اوکره دلمش و ایناندلمش اولملری سایه‌سنده در ! بو حال یاشنی‌باشنی آلمش بر آدم حقنده بویه اولورسه چوجق ایچون ده اویله اولماسی اولیتده در !

بوندن ماعدا ، دیگر بر ققطه نظرندن ، حسیات دینی حیات معنویه متعلق خصوصات ایچون قیمتدار بر معاوندر . کرچک ، بتون انسانلرک مرتبه‌سنی کوچولتمک فکری خاطریمزدن اوزاقدر : الله اینانمدینی حالده وظیفه‌لرینی ایفایه دوام ایده‌جک قدر قوتلی بعض کزیده ذواتک موجود اوله‌بیله‌جکنی ظن ایدرز [۱] : هر امید غایب اولدینی حالده قانون اخلاقی حضور قلبی تأمین ایدن بتون مواعیدیه پایدار اولمازمی ؟ بونکلا برابر وظیفه‌یه باغلامق ، وجوده ، شیء حقیقی‌یه باغلامق ، لذتک صفاتک یاخود خودکاملغک آلدایمی خیالاتنه قاپلایوب اونلرک اوسته یوکسلمک دکلیدر ؟ بو ، شبهه‌سز اویله در ، فقط انسانلرک اکثریتی بویه ملاحظاته یوکسه‌بیلیرمی ؟ بونلر او سوزلرله خیره وقف وجود ایده‌بیلیرلر ، وصاغلام اولان لذتی ایلریده آخرتده اوله‌جق مجهول شیلره فدا ایده‌بیلیرلرمی ؟ نهایت مفکوره‌نک بریلاندن ، مزعج بر خیالتدن باشقه برشی اولمادیغنه قانع اولدقلری کون نه اوله‌جق : بوندن باشقه ، قانونه یالکیز قانون اولدینی ایچون جانی ویره‌جک قدر جسارت کوسترنلرک کندیلرینه مخصوص بر دوشونجه‌لری یوقیدر ؟ بناءً علیه بروهم ، بر خیال ایچون اوغراشدقلرینه ، کندیلرندن صکره برازدها فضله سعادت برامق ایچون بوشنه چارپشدقلرینه قانعیدرلر ؟ عَمَلک صاچه وامورک تصادفک باریچه‌سی اولدیغنه اینانیورلرمی ؟ خایر ، اونلره یورک ویرن الله تعالی فکری ، و حیاتک بونجه مشکلات واکداری ایچنده اونلره راهبر و شئون عَمَلک چوق وقت ظالمانه اولان

استهزاسه نظر استخفاف ایله باقلرینه سبب لطف باری‌یه اولان امیددر !
 احتساس دینی اخلاقیته ، ادبک تمل طاشیدر : بونلرک برینی تأمین ایچون ،
 دیکرینی قوتلندرملیدر : فضیلت ایله تقوی برشیدر ؛ حسن نیت بر اعتقاد دینیدر .
 بناء علیه حسیات دینی‌یه تربیه ایتک حساسیتک تهذیبی ، قلبی تصفیة سنی تمیم ایدر .
 بوندن ماعدا الله تعالی‌یه اعتقاد دیکر بالجله احتساستی اصلاح ایدر ، انسان الهی
 سودیکی وقت ، انسانلری اسکیدن اولدینی کبی دکل باشقه صورتله سور . اونلری
 ارتق یالکز کندیلری ایچون دکل ، لیه وفیاه سور : تعطفده ده‌ها زیاده بر
 کرمی ، ده‌ها زیاده برحلاوت کسب ایلر .

والخاصه ، چوجقلرده مغویاتی اویندرمق ، یوکسلتمک تربیه‌یه عائددر ،
 تربیه‌نک تربیه اولماسی انجق بوحیثله در . بو طریقله بزه خیالاته قابلیش برنسل
 یتشدیر یله جک دینمه‌سین : زیرا عالمی اداره ایدن مغویاتدر ، مفکوره‌در ، هر نه قدر
 عالم اونی بیلمه‌سه‌ده : هرشیده ، ترقینک صانعی ، طبیعتک بیوک مانیوه‌له‌سی اودر ،
 اونی ده‌ها ایلری‌یه وداثامدها یوکسکه کتورمک ایچون یرندن قالدیران اودر ! ده‌ای
 برحالی تفهم ، زمان حاضرک نقصانلرینی افشاء ، ده‌ای نك موقع فعله چیقماسنه تصدی
 ایده بیلنلر انجق مفکوره‌یه مجلوب ومقتون اولانلردر : بونک ایچون یالکز کوردیکنه
 اینانان ، یالکز اونکله قانان وهیچلکک اضطرابی طویمایان «اشباه» طرفدارلرینک
 وای حالنه ! حاله کولن ومستقبل ایله اکلنه‌ن ریی نك وای حالنه ! بویکمه‌لربیوک،
 کوزل ، ابدی نه یاپاییلرلر ؟ کندی حیاتلرینه نه حقیقت ویره بیلرلر ؟ اولوب کیتدکدن
 صکره کندیلرندن نه‌قاله‌جق ؟ معلوم اولسون که : جوانمردانه تشبیلر ، مشر وبرکتی
 اولمز اثرلر مفکوره‌یه مغویاته مربوط ذواتک نصیبیدر !

خلاصه

۱ — تهیجک مبدئی اولان میلان ، حساسیتک تمیلدر ؛ میلان هر تجربه‌دن
 مقدم اوله‌رق ، مخلوقک بعض غایه‌لرینی آرامق وبعضلرندن قاجق خصوصنده‌کی
 استعداد طبعیسیدر .

۲ — بوتون میلانلرک مبدئی مخلوقک کندی وجودینی محافظه وبونی تمیه

ایتمک خصوصنده کی جهد واقدا میدر . مخلوقده نه قدر وظائف و خدمات طبعیه وارسه اوقدر اصلی میلانلر واردر .

۳ — بونلر موضوعلرینه نظرآ اوج صنفه آیریه بیلیرلر : شخصی ، اجتماعی ، عالی میلانلر .

۴ — شخصی میلانلر یاخود خودکمالق وجود خاصمزه تعلق ایدر ؛ بونلر جسمانی و روحانی میلانلره آیریلیرلر .

۵ — جسمانی میلانلر شویله آیریه بیلیرلر :

۱ — اعضای آلیه نك حفظته چالیشانلر .

ب — غایه لری اعضا لرك تعمیرینه معطوف اولانلر (اشتہال) ؛ بزى اعضا لریمزی ایشله تمکک مجبور ایدنلر .

۶ — روحانی میلانلر بالطبع روحك قوه لرینه کوره آیریلیر ؛ (۱) حساسیته احتیاج تیپج ، — (ب) ذهنه ، اونى هر هانكى موضوعه دائر اولورسه اولسون ایشله تمکک احتیاجی ۲ — (ج) اراده یه ، عشق استقلال ، عشق حریت ، احتیاج تحکم ، شان و شرفه ، حرمت ، تصویبه مظهریت آرزوسی ، حس ناموس ، غبطه مقابلدر .

۷ — قاریشق میلانلر هم روحه هم جسمه تعلق ایدر : بونلر حب ذات ، حب سعادت ، وحب تملکدر .

۸ — خودکامانه میلانلر آردسنده ، بعضلری واردرکه بونلرك بیوک براهمیت کسب ایتماملرینه مربیلر نظارت ایتمیدرلر ، فقط دیگر بعضلری واردرکه سلیم اولدقلرندن اولنلری تمیه ایده بیلیرلر . عزت نفس ایله ناموس حسلری کی کی بونلر اخلاقیتمک پك قوتلی یارد مجبیلیردر .

۹ — غبطه یه خصوصی بریر ویرلمیدر : شبهه سز بعض علم تربیه متخصصلری (بور رو آیال ، روسو) بوکا نظر شبهه ایله باقمشلدردر ، فقط چوجنی تشویق ایچون اوندن مؤثر باشقه برشی یوقدر ؛ بوندن باشقه چوجفه حیاتك شرائط حقیقه سنی ده کو ستر ؛ غبطه آرقدا شاغله مخصوص مناسبات حسنه یی ده مطلقا اخلاص ایتمز . بونکله برابر غبطه قیصقا نجاغه دونه بیلیر : دیگر برجهتدن ، تجربه سز بر معلمک النده ، عداوتك ظهورینه ، مغلوبك فتورینه ، نخوت ، وحقارتیه سبب اوله بیلیر . التمیز و سلیم غبطه ، انسانك کندی کندیسینه .

یاریش ایتسیدر، ایشته چوجقده او یاندیرلمسی مطلوب اولان بودرلو غبطه‌در؛ اساس مسئله بررقی کیمک دکل، کندی کیمک وداثا دها انی یامقدیر.

۱۰ — دیکرکاملق اجتماعی میلانلرک هیئت مجموعه‌سیدر (که بزى دیگر انسانلردمیل ایتدیرر). دیکرکاملق علامتی انسانک انسانلره برلشمک خصوصنده کی احتیاجیدر. بعض فیلسوفر (هوبس) بومیلانی برحس مکتسب عداایه برمیلان فطری اولدیغنی انکار ایدیورلر: بوکا شبهه شهبی اماله ایدن میل طبعینک بر حال خصوصیی دنیلسه بلکه دها طوغری اولور.

۱۱ — بز ابنای جنسمزله یالکز اجتماعی آرامقله قالمیز، بوندن باشقه اونلرک تهیجلی ده قلمزده عکس ایدر: ایشته تعطفک برصورتی بودر، یعنی تهیجلیک سرائی.

۱۲ — بوتعطف، بز یابانجی تهیجک بعض اشارات مشهوره ایله افاده ایدلش و بو اشارتلیک تفهم ایدلش اولماسنی اقتضا ایلر: ذهنک حصه مهمه‌سی بوندن ایلری کلیر. فقط، اشارتی اکلایمق ایچون، انسانک عینی احتسası اولجه طویمش اولماسی لازمدر: تجربه‌نک اوندن دها آز اونمایان خدمت و وظیفه‌سی بوندن ایلری کلیر. والحاصل، یابانجی احتساسک خیالی (image) نه قدر شدید اولورسه تعطف او قدر قوتلی اولور: تعطف ایله مغیله‌نک صیقی مناسبتی بوندندر.

۱۳ — فقط بونده برسرائیت مشئومه واردرکه نفوری تولید ایده‌یلیر. حقیقی تعطف اوایله برمحبتدرکه یالکز وجدانلری برلشدیرمز، بوندن باشقه روحلری بروجود کبی یاپار؛ یعنی سون کیمسه سویلن کیمسه ایله قاریشیر واونی کندینه ترجیح ایلر.

۱۴ — بوتعطف مرحمتی، خیرخواهانی، حسناپرورلیکی حصوله کتیرر: بویکی احتساس برلشدرک عاطفی، شفقتی تشکیل ایدر؛ شفقت میدانه برخیر دائمی چیقاردرسه حب انسانیت اولور؛ تعطفک شکل عالیمی، بذل ذات وفدای نفسدر.

۱۵ — احتساسات تعطفکارینک باشلیجه‌لری شونلردر: انتخابی مودتلی (عشق و محبت)، - (ب) اهلی مودتلی یاخود عاآله احتساساتی، - (ج)

مدنى مودتلر ياخود احتساسات وطنيه ، - (د) جماعت مودتلرى ، - (ه) بتون افرادى بشره محبت حسلى ياخود قورموبولتسم . - بواحتساسلارك دائره شمولى بيودكجه شدتلى آزاليور: ده اكنيش احتساسلر ده آزمتمد محبتلى استلزام ايدييور .

۱ — تعطف اولا تهيجلارك سرايتيدر: ايلك يابه جق شى چوجنى علل ساربه اخلاقيه دن محافظه ايتك وكنديسى متمايداً تميز محيطلرده طومتقدر . هيچ خاطر دن چيقار مامليدر كه خيره شده ساريدر: سرايت قانونى بعض آثار مؤسفه ي موجب اوله بيلديكى كى (اونلردن صاقملى) ، مسعود نتيجه لرده ويره بيلير . (بونلردن ده استفاده ايتلى) .

۱۷ — بوكا مقابل ، چوجقده پك درين بر صورتده بولنان غريزه تقليدى تعطفه نسبت ايتمليدر ، بناء عليه ، چوجق ايكن حصول ظهورينى ايسته مديكمز هر فعلدن صاقباليدر .

۱۸ — شكل عايسينده اولان تعطفه كلنجه ، بونك قيمتى حقنده مناقشه اولنه ماز: اولا بوبرنوع ادب فطرى كيدير ؛ بوندن ماعدا ، عدالتك فوقه ارتقا ايدن شفقت فضيلتك تيمندن عبارتدر . شبهه سز ، قانت جهد و اقدامى آزادان احتساسات نافعه فطريه يه نوعاً ما اعتبار ايتيور ، فقط بوبرمبالغه اولوب انسان ايبيلكه بوتون روحيله متوجه اولمايدير .

۱۹ — بونكه برابر ، تعطفكارانه محبتله مراقبه سزده تسليم نفس ايتك جائز دكلدر: اولا بعض عشقلر ، بعض محبتلر واردركه انسانه لكدر ؛ ثانياً شفقت دائماً عدالتله برابر يورومليدر . زيرا عدالتله مقارن اولمازسه يولنى شاشيره بيلير .

۲۰ — شخصى ميلانلارك و تعطفكارانه محبتلارك فوقنده عالى ميلانلر بولنور: بوميلانلر كاله ، مفكورده يه متوجه ، مفكوره يي مستلزم اولوب ، نهايتسز ، طويلق ، قائمق بيلمز ، وحد ذاتنده حسيدرلر . بوميلانلر باشليجه اوچدر . حقه محبت ، كوزله محبت ، خيره محبت: بوميلانلارك جمله سى احتساس ديننده طويلق اولوب برلشير: زيرا حقا ، جمالك ، خيرك مستجمع اكلى الله تعالادر .

۲۱ — حقه محبت ، حس تجسسدن آيرى اولوب ، علم و فلسفه نك ظهورينه

سبب اولمشدر : انسان بيلمك ايچون بيلمك ايستر. كوزله محبت صنايع نفيسه يي طوغورمشدر: شهبه سز، بواحتساس قابل تربيه در ، فقط انسانده فطريدر . خيره محبت اخلاقك مبدأ ومصدرى اولوب فضيلتك بر ركن الزميدر : هرانسانده ، كيم اولورسه اولسون، برمكفيت معنويه طويغوسى واردر .

۲۲ — احتساس دينى عالى مطلبلى خلاصه ايتمكه برابر اونلرى كچر : بو، جناب بارى تعالى يه روحك توجهيدر . بواحتساس عشق وتعظيمدن متشكلكدر؛ بونك دليل خارجيسى عبادتدر . بواحتساس انسانك قلبنده فطرى وغير قابل افنادر .

۲۳ — واقعا لاروشفورقو بويله حسبي مودتلك موجوديته اعتراض ايتش وانكليز مكتب فلسفيسى ده اونلك غير قابل تنزيل اولدقلاينه ايلششمش ايسهده ، لاروشفورقو نك دعواسى تجربه يه مخالفدر؛ شهبه سز ، باشقه سنى سومكده سعادت واردر ، فقط بوزم اونى سومك خصوصنده كى برمیلان طيعيميزى بحق اثبات ايدر . ديكر برجهتدن ، اكر حسبي احتساسلر خودكاملقدن مشتق اولمش اولسه لردى بيله ، شيمدى نه ايسه لرينه اويله قالمش اوله جقلردى ، فقط بوتحول غير قابل تعقلدر .

۲۴ — مربيلىر عالى ميلانلرى تميه يه همت ايتليدر ، زيرا حيثيت انسانيه منحصرأ بوميلانلر وجود ويريبور؛ مربيلىر چوجنى حقدن ، خيردن ، كوزلدن متحسس ايتليدر؛ بوتربيه يي بالخاصه عوام اولادينه ده زياته ويرمليدر . برده ، خيره محبت احتساس دينى ايله كسب كمال ايدر : اخلاقيت ايچون قيمتلى بر معاون احتساس دينيدر . الله محبت انسانلره محبت ده زياته قوت وكرمى ويرمك ايچون فوق العاده مؤثردر .

۲۵ — چوجقلرده معنوايه ، مفكوره يه مجلوبيتى انفاق وادامه ايتليدر، زيرا هرشیده ترقيتك وانسانك بيوكلكنك شرطى معنوايدر .

باشنجی درس

La passion **امراض**

احتراس - احتراض ، میلان مفرط - احتراض ، میلان منحصر - میلان واحتراس - احتراضاتک اسباب تشکلی - وراثت - تمایلاتک زجر وارضاسی - محیط جسمانی و محیط معنوی . اسباب معنویه : دقت - محیاه - عقل *raison* و اراده - احتراضاتک اقسامی - احتراضات شخصییه - احتراضات اجتماعییه - احتراضات عالییه . تطبیقات عملیه - حیات بشرده احتراضاتک ایفا ایتدیکی خدمت - تربیه واحتراس .

امراض - **سن طوماس** Saint Thomas ایله **دوقارت** فلسفه سی منتسبلرینه نظراً احتراض کله سی الیوم حسی *sensible* وانفعالی *affectif* تسمیه ایلدی کمز حالاتی یعنی تهیج لرایه اوندن مشتق اولان ویا اولنری تولید ایدن متنوع افاده میلانلری ایدر . « بوسسوئه Bossuet » یه نظراً ، جله سنک منشائی عشق اولمق اوزره ، باشلوجه اون بر احتراض اولماسی ایجاب ایدیور . بو ذات « عشقی اورتادن قالدیری کمز ، احتراضاتک هپسینی ازاله ایتمش اولورسکز ، دییور .

کلماتک تعریفلری سربست اولدیغندن ، حساسیتک حادثات مختلفه سنه « احتراض » نامنک ویرلمسنه هیچ بر مانع یوقدر ، خصوصاً که بونلر حقیقت حالده وجودیمزک **انفعالی** جیتی تمیل ایتمکده در . فقط لسان عوام دخی احتراضک ، حساسیتک هم تهیج وهم میلاندن فرقلی بر حال اصلسی اولدیغه شهادت ایدیور : شویاه که بعض کیسه لر حقتده ، قلبی احتراضدن خراب ویا احتراضه زبون تعیرلری قوللانیلدیغی کجی ؛ خست ویا قمار احتراضندن بحث اولنور : بوتون بومعنا وتلقیلره کوره ، احتراضک ، حساسیتک یکی بر صفحه سی مقامنده اولمق اوزره ، خصوصی برشی اولدیغی آشکار اولدیغندن ، ارتق اونک نه دن متشکل اولدیغنی بیلیمکل کمز ایجاب ایدر .

امراض ، **میلان مفرط** — شبهه یوق که احتراض تولد ایتدیکی وقت ، بستون یکی بر تمایل وجوده گلش اولمایور ؛ هر احتراض بر میلاندن تولد ایدر ،

دها دوغریسی احتراض فوق العاده توسع وانکشاف ایتش اولان بر میلان مفرطدن عبارتدر . اصلنده ، مختلف میلانلر بر سویهده اولوب بر درجهیه قدر یکدیگری تعدیل ایدر : احتراض ، موازنه‌نک اخلاندن عبارت اولوب بر میلانک ، کندی مرتبه‌سنی محافظه ایده‌جکی یرده ، اوکا مخصوص حدودی تجاوز ایده‌رک کسب شدت ایتدیکی ونهایت احراز تفوق ورجحان ایلدیکی وقت تولد ایلر . نهایت الامر واول باول احتراض متبیح بر میلانندن عبارتدر .

احتراض ، مبهوره منحصر — احتراض دها فضله بر شیدر ، فی الواقع طاقت تأثیریه من مقدار اعتباریه محدوددر . شاید بر میلان بوصورتله افراط درجهده توسع و تکامل ایده‌بیلیرسه بوخصوص انجق دیگر میلانلرک ضررینه مذکور میلانلری بلغ ایتکه واولری کندی منفعتنه اوله‌رق احما ایتکه حاصل اوله‌بیلیر . بناءً علیه احتراض دیگر میلانلری سالب ، ونفسه منحصر بر میلاندر . بووجهله احتراض بر انفساخی ویکی بر تنسیق وجوده کتیر ، بر انفساخه سبب اولور ، زیرا سائر تمایلات طبیعی‌بی غایه‌لرندن محروم براقه‌رق نهایت کندیلری سوندیرر؛ یکی بر تنسیقه سبب اولور ، زیرا او وقته قدر متفرق وپیشان بر حالده اولان حساس قوتلرک کافه‌سنی کندی اطرافنه طولایوب هیسنی کندی تعقیب ایتدیکی غایه‌یه طوغری سوق ایدر . ایمدی محترص بر آدمک آرتق حساسیتی ، کندی احتراضی ایله اونک ارضاسنه خدمت ایدن شی ایچونددر : اونک قلی‌ارتق حسیات سائره‌نک کافه‌سندن خالیدر : **هارباغوره** [۱] یالکز کندی چکمه‌جه‌سنی سوده ، بوسوکی عالیه‌یه محبت ویا دوستلق کبی اک مشروع واک طبعی دیگر مودتلرک جمله‌سنی سوندرمشدر .

بوندن ماعدا احتراض یالکز حساسیته کاملاً غلبه و تصرف ایتکه قالمایوب دیگر قوای ذهنیه و معنویه‌نک کافه‌سنهده غلبه ایدر . آرتق روح یالکز اوکا باقار ، یالکز اونک ایچون دوشونور ، موجودات اشایی یالکز اونک آره‌سندن کوریر : ایشته بوندن طولاییدرکه احتراض عقلی کورله‌تیر ، کوزمه‌ پرده چکر ، محاکمه‌نک کافه‌سنی اخلاص وافساد ایدر . دیگر طرفدن احتراضی

[۱] **هارباغوره** [مولیه‌رک آوار avare عنوانی تیا وروستنده خستک تمثالی اوله‌رق

تصویر ایتدیکی محیل شخصک اسمیدر .]

نمون ایتک ایچون قوۋ ارادیه هر شیئی یاپمغه حتی قهر مانلق کوسترمکه وجنایت ارتکاب ایتکه دخی مستعددر؛ بالعکس، احتراضك علاقهدار اولمادینی وقت انسان بیکانه، عاطل وتشبشز قالیر . خلاصه کلام ، احتراض روحده بر حاکم مستبد کبی یرلشهرک اونی تماماً زیر ربقه اسارتنه آلیر .

میسوره و احتراض — بو وجهه احتراضله میلانی بر بردن آیران فرقلرک جمله سی کوریلور . میلان ساکندر ؛ نفسمزه سربستهجه حاکم اولسامزده مساعددر . بالعکس ، احتراض شدیددر ، اونی هر شیئی سوروکلہ یوب کتین بر فورطنیه ، بر قاصرغیه تشبیه ایدرلر ؛ صاحب احتراض اولان بر آدم آرتلق کندی نفسنه حاکم دکلدر ، زیرا احتراضك ایراث ایتدیکی شدتلی تشوش ، عقل وحریقی سلب ایدر . احتراضی « روحك عصیانی » عد و اعتبار ایتمش اولان متقدمینك اونی بر مرض مغنوی عد ایللری حتمسز دکلدر : فی الواقع احتراض جنت نوغندندر ، بو بر فکر ثابتدر ، بعضاًده حیات مغنویه و روحیهك موازنه سی ایله آهنگنی اخلاص ایدن حقیقی بر « جن طوتمشلق » در .

میلان، لایتغیر و دائمیدر: احتراض اکثر احوالده دوام ایتمین بردن بره حاصل بر بحرانددر : اوتکمیل آتشی توکتدیکی وقت سوز ، حتی دنیله بیلیرکه بر احتراض نه قدر شدید اولورسه زوالی اوقدر یاقیندر . اك زیاده حائز شدت اولانلرینك یکیدن ظهور ایده بیلمه سی ایچون بر مدت معینه ظرفنده کسب سکونت ایلیسی لازمدر ، بو وجهه احتراضات مذکورہ بر طاقم اشتداد و سکونت دورہ لری و بعضاًده بر نوع انسجام عرض ایدرلر .

میلانلر یکدیگرینه ایراث مضرت ایتمه مک و هیچ برینه خلل کبہ مک اوزره بر آهنگ دائره سنده توسع وانکشاف ایده بیلیرلر : بوجهدن اولمق اوزره حقه محبت هیچ بر وجهه خیره محبت و یا اهلی مودتله مانع دکلدر . بر آنده هم ای اوغل ، ای قوجه وهم ای بر وطن اوغلی اولمق قابلددر . بالعکس ، احتراض حسوددر : اودیکر طبیعی میلانلرک کافه سنی محو ایتدکدن ماعدا هر درلو احتراضات سائرہك تولدینه ده مانعدر . « یاغمال » ك مطالعه سنه نظراً بر آدمده عینی زمانده ایکی بیوک احتراض بولنه ماز .

میلان ، وجودك سعادت حالنی ، بالطبع لذتی دهنه مزدن اول ، آرار :

شبهه یوق که نائل خط اولور، فقط بو، هیچ بر وقت میلانک غایه سی دکلدی وینه بوندن دولاییدرکه میلانده غرض یوقدر دنیله بیلیر. بالعکس، احتراض خودکامدر: لذتی دوشونمیه رک خیری آرایه جنی یرده خیری نظر اعتباره آلمق سزین لذتک حصولنه ساعیدر؛ حتی اکثر احوالده حظوظات شخصیه سنی وجودک سمعادت عمومیه سنه ترجیح ایدرک، سختی اخلال و حیاتی ازاله یه قدرده کیده بیلیر: شویاه که عیاش بر آدمک ایچدیکی مشروبات کثوله ادامه حیاته خدمت ایتمکدن ماعدا او آدم صرف ایچمک لذتی ایچون بدتی تخریب و روحنی افساد ایدر. بناء علیه احتراض فعالیتک بوزولمش بر شکیدر. بویالکزر بر میلان مفرط و یا میلان منحصر اولمایوب حتی اکثریا بوزولمش بر میلاندر.

امراضاتک اسباب تشکلی. — احتراض موازنه نک بوزولماسندن عبارتدر: بناء علیه اوکا باعث اولان اسباب هانکیلیردر؟ اسباب مذکوره پک چوق و مختلف صقلره منسوبدر.

وراثت. — اول امرده وراثتی ذکر ایتمک لازمدر. بزئرله کچمشلریمز آره سنده بیوک بر تکافل و تضامن واردر: بزدها طوغارکن، صانکه ذاتمزده مدت مدیده حال نامده قالان و بعضاً هیچ بللی ایتمک سزین برایکی نسلدن کچمکدن صکره نهایت ایلک فرصته بغته و جدانمزده نمایان اوله رق بزى بعضاً طانیه جق برحاله کتیرن بر چوق تخملمر آلمقده یز. اساس و منشأده بالعموم میلانلر آره سنده موازنه تامه بولندیغی فرضیه سی حقیقی اولمقدن زیاده نظیردر. چوق دفعه بر چوق بشیکده ایکن تدقیق ایدیله جک اولسه، بعض میلانلرینک دیکر لرندن ده ا اول منکشف اولدیغی ودها زیاده وضوحله ترسم ایلدیکی مشاهده اولتور: تمایلات مذکوره دیکر لرینه تقدم ایتمکه و احتراضه تبدل ایتکه ساعیدر.

تمایلاتک زهره و رضاسی. — هر هانکیسی اولورسه اولسون، هر بر تمایل احتراضه تحول ایلک قابلیتینی حائزدر، بوده ایکی شرط ایله قابلدر.

آلشدیغی غایه سندن متماد یا محروم ایدیلان بر میلان نهایت زائل اولور؛ طبیعتک اعتراضاتی آرتق ایشیدیلز اولور. بالعکس، «هیچ برشی بر تمایلی بر دفعه خشنود ایتک، بر

دفعه زجر ایلک قدر تشدید و تحریک ایتمز . اولجه حصول بولان تمایله نه قدر مشکلات و موانع ایقاع ایدلسه او تمایل اودرجه فضله تشدید ایدلمش اولور ، دها قولایقله « احتراضه مخصوص غیر منتظم وسیل کی جریان آلیر » . تجربه ایله ثابت اولان بو کیفیتک آکلاشلمه سی قولایدر : مخلوق مقصدینه وصول ایچون نه درجه زحمت چکرسه الله ایتدیکی لذتی شدته تقدیر ایدر : بوندن اعتباراً خیال تهییج دها زیاده شدید قالور ، دقت اوکا دهه فضله بر ثبوتله مربوط اولور : آرزو آز زمانده احتراضه تبدل ایدر .

برده احتراض بر تمایلک پاک لطیف بر صورتده حصول بولماسندن تولد ایده بیایر . عجبا میلانک ماهیتی دهه خصوصی بر صورتده فیزیولوژیقیمیدر ؛ اگر او یله ایسه میلانک صانکه یرلشمش اولدینی عضو ممارسه ایله بیور ، مطلب و احتیاجی آرتار ، زیرا دهه بیوک بر مقدارده غذایه محتاج اولمشدر : اشتها سهولتله احتراض اولور ؛ زیاده اشتها اوبورلنی ، ادمان خشونت طبعی تولید ایدر . دهه روحانی بر تمایل موضوع بحث اولجدهده عینی قانون حکمفرمادر : تمایل یالکزر اعتیاد ایله قوتلنیر ، تدریجاً دیکر لرینه غلبه ایدر ، نهایت روحی اولجه یالکزر میل ایتدیکی طرفه تماماً دور ایتدیرر : احتراض جابوق حصولپذیر اولور .

محیط مادی و محیط معنوی . — دیکر طرفدن ، احتراضاتک تشککنه متعلق خصوصاً صانده مختلف محیطلرک تأثیر و نفوذینی انکار ایتک قابل دکلدر . بو تأثیر اولاً محیط مادیکندر : « بر طاقم احتراضات بعض اقایملرک ثمره طبعیه سی کیدر » . مماتک حاردهده اقامت ایدنلر رخاوتنه وهوسات شهوانیه دهه زیاده مبتلادرلر . اوبورلق ، خشونت طبع علی الخصوص شمال سکنه سنه مخصوص احتراضاتنددر : وجود بشر حرارتی محافظه ایتک ایچون فضله مقدارده یمک یمکه ، دهه زیاده حرکت ایلکه محتاجدر .

محیط مادییه نظراً صواب اولان بوجهت محیط معنوییه ، دوام اولنان جمعیهته ، مطالعه اولنان آثاره ، کوز آلتنده بولنان امثال و تجاربه ، اینجده بیودیکمز احوال و وقایعه نظراً برقات دهه صوابدر . کچن درس لرک برنده خوبیک caractère ایکی مهم قانونتی یعنی تقلید و سرایت قانونلرینی مطالعه ایدرک حسیاتک بر روحدن دیکر

روحانه قدر قولای انتقال ایتدیکنی کو سترمشدک: اوندن تکرار بحث ایدمه جک دکلز، یالکز شوراسنی ذکر ایتکه ا کفا ایدرزکه، تهیجر حقده طوغری اولان شی احتراصلرا ایچون دها زیاده طوغریدر. بونک کبی موقع اجتماعیک، ثروت وسامانک احتراصلاتک تشکلی اوزرنده کی تأثیر و نفوذلری ناقابل انکاردر: زنکین اولان آدم هر کسدن زیاده متکبر و حریص اولمغه میالدر؛ خستک معناسنی براقچ پاره بریکدیرمک ایچون بونجه زحمتلره قاتلانان کویلو قولایجه آکلار.

اسباب مغریه: دقت Attention - اشبو اسباب خارجییه تماماً باطنی اولان دیگر برطاقم اسباب علاوه ایتک اقتضا ایدر. بونلردن برنجیسی دقت در. احتراصه سبب اکثریا بودر، زیرا انسانک نهایت باغلاندینی برشیئه اوزون مدت عطف نظر دقت ایتش اولماسی لازم کنیر؛ دیگر طرفدن کوردیکی، ایشیتدیکی ویا اوقودینی هرشیئه عطف نظر دقت ایله یین کیمسه، ایلک فرصته انکشاف ایدمه جک اولان برچوق تحملک کندی وجدانه نفوذ ایتسه مساعده ایتش اولور. هیچ برشی اوزرنده توقف ایتمین وذهنه نقش اولان خیالدر درحال اونودیله رق همان غائب اولان خفیف مشرب کیمسه لرده ایسه حال بویله دکدر.

تخیل Imagination — فقط هیچ برتأثیر و نفوذ تخیلک نفوذی قدر مؤثر دکدر. تخیله ایله احتراص بیننده جدأ شایان دقت برفعالیت متقابله موجوددر. بر طرفدن احتراص، تخیله یی تحریک ایدر، او واسطه ایله نفس ناطقه هرشیئی تغیر ایدمه ک اونی مالک اولمدینی بیکلرجه رنکه صوقار، حتی قبایحی فضائل صورتنده کورمه ک قدر واریر؛ «سویلن رشیده هرشی بزه سویملی کورینور». فقط صیره تخیله یه کلنجه، بوده احتراصی قیزیشدیرر! اولجه تجربه ایدلمش اولان بر حظ ولذتی بزه یکیدن عرض ایدن، و بزه طاسدیرمش اولدینی شیئی کوزمک اوکنه تکرار وضع ایله یین اودر؛ بو حالده تخیله او حظی، او شیئی کوزل کوزمکه واونلری دها جاذبه لی برحاله صوقارق کندیلرینه دلربا رنکدر ویرر: بو صورته آرزوی قیزیشدیره رق انسانی قاوورم جق برحاله صوقار، واکا اصل احتراصه خاص اولان ابرام ظالمانه یی ویرر.

عقل اراده . — بونک اک مشوم اولان جهتی بو هیجانه، بو «اخلاقی باش دونمه سنه» قارشو مقاومت ایدن عقل ایله اراده نک نهایت الامر اوکا شریک

جرم اولماسیدر. عقل اول امرده اعتراض ایتمکه باشلامشدی: فقط ایش کوریلنجه، اوندن قورقوسی آزالیر، آرزویه قارشو دها آرمقاومت ایدر؛ حتی ایجابنده اونی معذور کوسترمک ایچون برهانه بولور: بوصورتله درکه «عقل اکثریا قبلک زبونیدر.»

اراده کلنجه، او احتراضک کندیسندن مسئولدر. فی الواقع احتراض تخیلات وحظوظات فعلیه ایله یاشار. حال بوکه، اراده برطرفدن نفسک نظر دقتی اشایی سائر اوزرینه جلب ایده بیلیر؛ دیگر طرفدن، احتراضی آرزو ایتدیکی شیدن محروم ایدر، اونی دوچار ضعف ایلر وبلکه بسبتون محو ایلیه بیلیردی. بوندن دولاییدرکه احتراض ائناسنده ایقاع اولئان افعالتک مسئولیتی تمامی تمامنه باقیدر: آرزویه نظارت ایتک و اونک زبونی اولماغه غیرت ایتک بزه عائددر.

امراضاتک اقسامی. — احتراضک مبدئی میلاندر: یعنی هر میلان احتراض شکلی آلفه مستعددر. بناء علیه احتراضاتک تصنیفی میلانلرک تصنیفه مطابق اولمق لازم کلیر: بوصورتله احتراضات **شخصیه**، احتراضات **اجتماعیه** و احتراضات **عالیه** اولمق اوزره اوچ نوع احتراض الده ایتمش بولئوروز.

امراضات شخصیه. — شخصی میلانلرک اساسی نفسه محبت ایدی: فقط تام معناسنجه، بو محبت روحده اوصورتله احراز تفوق ایده بیلیرکه دیگر مودتلرک کافسنی بوغار: مخلوق اوندن صکره یالکز کندینی سور، هر شیئی کندی «أنا» سنه عطف و تخصیص ایدر: بووجهله برحس منحصر اولمش اولان محبت نفس، احتراضه دونمش دیمکدر؛ کله نک معنای عادسی ایله، بو بر خودکاملقددر.

شخصی میلانلر اوچ بیوک صنفه تقسیم اولئور ایدی. اوکا مقابل اوله رق احتراضاتده اوچه آیریلیر. احتراضات بدنیه غایه طبعیه لرندن آیرلمش ویا تغلب ایتمش هوسلردن عبارتدر؛ نته کیم تغدی احتیاجی اوبورلغه دونه چکی کبی حرکت احتیاجی ده خشونت طبعی حصوله کتیرر.

روحانی میلانلرکده اشکال احتراضیه سی واردر: تهیجلر آرزوسی قمار ویا قانلی منظره لره محبتی تولید ایدر؛ عزت نفس تکبره؛ غبطه حسده؛ حرص جاه تحبیره منجر اوله بیلیر.

مخلط میلانلر حقه‌دهده بویه‌در : دنائت ، حدی متجاوز ومفسد بر حیاته محبتدر ؛ خست ، حب تملکک بر شکل مرضیسیدر .

احتراسات اجتماعی . — اجتماعی میلانلرده احتراصاته تحول ایده بیلیر .

عشق یالکیز شدید اولدینی وقت دکل ، فقط ، معشوقک سعادتی تحری ایده‌جک یرده ، صرف کندی حظوظاتی نظر اعتباره آلدینی وقت دخی احتراصدر . دوستلق کندیسنه عائد اولمایان دیگر هر شیئه نظر حسدله باقه‌جق صورتده بوزیه- بیلیر . اهل و عیاله محبت قلبدن حسیات و ظنپورانه‌یی سیدیمی ؟ آکلاملی‌که احتراصاته دونمشدر . عشق وطن طولایسیله اهلی مودتلی زائل اولان اسکی « هوراس » ده « Horace » خصلت مذکورده بر احتراصدر . حب وطن ، « شووینیزم » یعنی فرط تعصب شکنده تجلی ایتدیکی وقت‌ده‌ینه بویه‌در . مملکتنه قارشو اولان حسیات وطنیه‌سی زائل اولوب وطن محبتی قبا بر فکر باطل صورتنده تلقی ایدن « قوزموبرلیت » ک حالی‌ده بویه‌در . بوندن باشقه احتراصات اجتماعی‌نک هر وقت تعطفک « sympathie » شایان تقبیح و داعی تهلکه اشکالی اولملاری لازمکلزم ، اونلر میاننده ظریف ، نحیب ویالکیز شدتلی طولایسیله احتراصدن معدود اولانلری‌ده وارددر . اولادینی احتراصله سومدیکی حالده والده نامنی طاشیمغه لایق اولان والده وارمیدر ؟ برحوب ، حیاته وارنجیه قدر هر شیئی فدا ایده‌بیلیر ، کندی محی ایچون حس ایتدیکی محبت اوددرجه دریندر . مملکتی ایچون فدای جان ایتمکده تردد ایتمین قهرمان ، وطنپورلکی احتراص درجه‌سه ایصال ایتش اولمازمی ؟

احتراسات عالم . — عینی قانون عالی میلانلری اداره ایتمکده‌در . اشکال احتراصیه‌لرینه نظراً اونلرک بر قسمی مقبول و موافق ، دیکرلری کولنج ویا تهلکه‌لیدر . برانسائی حقیقی‌عالم یاپان حقیقته اولان فرط محبت یعنی احتراصدر ؛ فضیلتکار برآدمه‌ده مدار استناد اولان ووظیفه‌سندن دوندرمه‌ین قوت خیره اولان فرط محبتدر ؛ کذلک حقیقی بربدیعه‌کارده دخی احتراص بدایع یوقیدر ؛ والحاصل اربابی سوینه سوینه اولومه قوشان غیرت دینه حس شدید ، حس دینیک وحب‌انلهک غلیانه کلسی دکلدرده نهدر ؟

واقعا بو‌صور عالیه ایله برابر وجود بشرده حاصل اولان بر طاقم

انحرافات مرضیه‌ی ده ذکر ایتک ایجاب ایدر. عشق حقیقت، اوتوبی utopie [۱] شکننده کولنج بر احتراض اوله بیلیر: بر طاقم انسانلر واردرکه اهمیتدن عاری بر مسئله‌ی حل ایتک ویا حصولی قابل اولمان بر اختراعهده بولنق آرزوسیه بعضاً ثروت و سحتلرینی واکثریا قیمتدار بر زمانلرینی غائب ایدرلر. بو قیلدن اوله‌رق خیره محبت دخی اشخاصک حقوق اصلیه‌سنه تجاوز ایده‌جک قدر ضالته دوشه بیلیر. کوزله محبت حقایق اشیادن نفرت، و بدینلک شکننه کیره بیلیر. واصل حاصل حس دینی تعصب احتراض محدودینه منقلب اوله بیلیر. اورایه قدر وارمالمش اولسه بیله، اک طبیعی حسیات مودتی بوغمه چالیشه بیلیر. «ایضال» کندی همشیره‌سنه قارشو پرورده ایلدیکی شفقتدن طولای کنبدینی بر «قاتل» المسیح déicide کی تقبیح ایتزمی ایدی؟ [۲]

نظریات عمده. — حیات بشرده احتراضاتک ایضا ایتدیکی خدمت نهدن عبارتدر و اونقطه‌دن تربیه اونکله نهوجهله حرکت ایتلیدر؟
 بوبابده ایکی ضد فکر درمیان ایدلمشدر. بعضلری احتراضاتک کافه‌سنک حد ذاتنده ای و مشروع اولدیغی، بناءً علیه اونلرک سربستهجه تکامل وانکشافه مساعدده ایدلمسی لازم کلدیکنی بیان ایتشلردر. ازمه قدیمده بعض سوفسطلر طرفندن مدافعه ایدیلن مدعا بوایدی، بونی بالاخره **اپیکور** Epicure تصحیح ایتدی، صوک زمانلرده فرانسز فیلسوفلرندن **فوریه** Fourier تکرار جانلاندردی. بومطلبده مفکوره هرکس کندوسنده حاکم اولان احتراضی نمون ایده‌جک صورتده جمعیت بشریه‌ی یکیدن دوزلتمکدر. بالعکس، رواقیون stoiciens وفانت Kant مثللو دیگر بعضلری ده بشریتک اصلاح و تکمیلی عقل و منطق خارجنده اصلا حرکت ایتمه‌مکدن عبارت اولدیغی، حال بوکه احتراضک نامعقول واکثریا مغایر عقل و منطق ماهیتده بولندیغی درمیان

[۱] **اوتوبی**، یونانی ابکی لفظدن مرکبدر، معناسی: وجودی اولمان بر دیمکدر.

انکلتزه وکلانندن **طوماس موروس** بوبله بر محل تخیل ایله واسعهده بر کتاب نشر ایتمش (۱۵۱۶ میلادی سنه). اجراسی قابل اولمان شیلره شیمیدی بواسم ویرنکدهدر.

[۲] یعنی یالکوز یسوعی سومک ایسته‌دیکی ایچون. اوندن باشقه‌سنه محبتی خرسیتیانغنه مخالف کوریورمش دیمک. «مترجک»

ایده‌رک اونک فنا اولدیغنی ، بنا علیه روحدن قوباریلوب آتلماسی لازم کله جکنی بیان ایتکده درلر .

احتراضاتی مطلق اوله رق مدح ایتکده ده ، ذم ایتکده ده آشکار بر مبالغه واردر . بر طرفدن انکار اولنه مازکه ، حیثتمزک غایب اولماسنه سبب اولان ، بزی بهائم درکسه ایندیرن احتراضات سافله وخسیسه ، بووجهله اک زیاده موجب عار و خجالت افعال و حرکاتک ، و ناقابل اجتناب بر نتیجه اولمق اوزره « اک دهشتناک فلاکتلر » ک اساسی و منبعیدر . فقط بوقدری حقیقتک یالکزر یاریسندن عبارتدر : مثلاً حسن ناموس ، آنا عشق ، طوغرییه و اییلکه محبت کبی بر طاقم احتراضات نجیبه و عالیله نک وجودنی کیم انکار ایده بیلیر ؟ احتراضات مذکوره تقبیح و یا جف القلم رد ایده بیلیرمی ؟ یا سغال بحق ؟ معالیدن هیچ بر شی بلا احتراض یا بیله ماز ؟ دیمشدر . ؛ حیاته تصادف اولان بر چوق مشکلاتی کوزه آلمق ، مجادلاته طیانمق ، اصلاً نومید اولماق ، هیچ طور مقسزین یوکسلمک و دهها اوزاقلره کیتمک ایچون عقل ایله اراده اکثریا کافی اولمایوب بو بایده احتراضک معاوتی لازمدر . عقله حرارت لازمی و یرن ، واردتی کندیسه الزم اولان جسارتله بسله ین یالکزر احتراضدر . اونک روحدن قوباریلوب حیقارلماسی ، ایچمزه عطالتک ، کیوشکلکک صوقلماسی و « لافونتهن » ک La fontaine تعبیرینه نظراً باشلوجه زبیرکمز » ک ، فعالیتک اک قوتلی مشوقک المزدن قابلماسی دیمکدر .

و بو نقطه نظردن ، احتراضه اک طاشقین اذواقک ، حیاته بتون اهمیت و لطافتی و یرن تهیجاتک شرطی و لازم غیر مفارقیدر دینله مزمی ؟ (دستور وقاعده لرینه چوق دفعه صادق قالماش اولدقلری سهولته اثبات اولنه بیان) رواقیلر نه دیر لرسه دیسونلر ، سعادتحال « طویغرسزلره » apathie و روحک سکونت تامه سی ایله حاصل اوله ماز ، سعادتک نفقه سی فعالیتدر ، سعادت دائماً حال فعالیتده بولنور : قوای نفسانیه مزک انبساطنی کورلتک ، اونک منبعی قوروتمق دیمکدر . دیگر طرفدن ، بوکا چالشمق ، احتراضی اورتادن قالدرمی ایسته مک ، بیهوده بر چالشمق ، بر خیال خام ایله اوغراشمق دیمکدر : قلب بشری بوش براقق متعسر در : اوهر وقت بر غایه ، بر مفکوره ایچون چارپاچقدر : احتراض ، بالذات وارلغمزدر .

حیات بشرده احتراصاتك ایفا ایتدیكى خدمته دائر اولان حقیقت «آر-طوره» طرفدن پك كوزل تقدیر ایدلمشدر : بوحکیم حساسیتك حرکاتنی تعطیل ایتك وطیعت انسانیه‌نك اوته‌سنی بریسنی قوبارمق جای بحث اوله‌ماز، اولنری، اولچی آلتنه آلمالی، برانتظامه صوقلی، اولنره محاکمه فکریه ایا نه‌فوذ ایتلمیدر دیور. احتراصات کندی کندیلک‌لرینه ترك ایدیله‌جك اولورلرسه انسانی اك منفور یولسزقلره سوق ایده بیلیرلر ؛ اولنرك اك مقبوللری بیله تماماً غیر متجاوز و تهلكم‌سز دكلدر : عقل طرفدن برانتظام آلتنه آلتنه‌جق اولورلرسه فنا اولانلری دخی مقبول اوله‌بیلیرلر : برطاقم محق حدتله، عالیجناب کینلر واردر ؛ کذلک مشروع و مقبول بر تکبر، غرور واردر ؛ او‌حالده احتراصات نجه‌یه عقل رفاقت و معاونت ایده‌جك اولورسه، ده‌امحق اوله‌رق مقدس محبتله وپك عالی مودتله تشکیل ایتمش اولورلر. کوریلورکه انسان صرف احتراصه تابع اولما‌میلدر : یالکز قوری عقله تابع اولسه‌ینه برا کسیکلکی اولمش اولور؛ بونك ایچون ایجابنده احتراصه‌ده اتباع ایتلمیدر، زیرا بویه تهیج‌لر اولمق‌سزین اجرای فضیلت امکان‌سزدر، بوتقدیرده احتراصك عقلی قیزیشدر ماسنه وعقلك احتراصی حد اعتدال و معقولیتده بولندر ماسنه مساعدده اولنمالیدر .

نریه و امراضی . — شو سوبلیدی کمز شیلرك کافه‌سی چوجقلره تطبیق اولنه- بیلیر . چوجغك قلبنی قوروتومق، کنج‌لک‌نه کوزللك و حلاوت ویرن شیئی یعنی جولان، سیر و تماشا، کوکل ویرمک کبی برعطیه سبجانیه‌نی سوندرمک، و اوکا مشنوم برلاقیدلق اولماسه بیله کندیسنی وقتندن اول اختیارلاده‌جق اولان طونوق بر احتیاط تلقین ایتك، اوکا قارشو برحقسزلق یا بمقدردر. بالعکس پك مقبول اولان هر شیئی ایچون روحنی تتره‌تمک و عالیجنابانه وفائده‌مند احتراصاتنی قلبنده او یاندرمق اقتضا ایدر. اونی احتراصات سافله و خسیسه‌نك سرایتندن ده محافظه ایتلمیدر : بواحتراصلر (سویلنمسی لازمدر) وجدانده طوغمغه و اوراده کوکلشمکه هر وقت پك مهیادری. مقدما توصیه ایتدی کمزى خلاصهٔ اخطار ایدلم : چوجغك مطالعه ایده‌جکی آثاره، دوام ایده‌جکی محملره، ایده‌جکی مکالماته و تماشا ایده‌جکی منظره‌لره نظارت ایتمه‌نك اهمیت فوق‌العاده‌سی واردر : بوضورتله تلقینات فاسده‌نك برقسیمی بر طرف ایدلمش اولور، بدن حقنده اولدیغی کبی روح حقنده‌ده حفظ صحت

من طبدن اقدم دکمیدر ؟ بوتیقظ پک بیوک اولمالیدر ، زیرا انسانک اکثریا هیچ خبری اولمقسزین احتراصات باش کوسترلر : هیچ بر اثر ترک ایتمکسزین روح اوزرندن قایوب کیتمش عد اولنان بر فکر اوکا رغماً اوراده یرلشمش و خفی ، مجهول بر سعی و عمل نتیجه‌سنده اعماق قلبیه‌مزده کؤک صالمش اولور . هیچ شبهه ایتدیکمز حالده او فکر هر درلو تمایلزک ، تصورات متنوعه‌مزک بر مرکزی اولمش اولور ، و بردن برده براق بر سواده حاصل اولان صاعقه کبی ، آپانسز فورطنه‌یه طوتیلوب اوندن قاچامیان وجدانده پاتلار . احتراصه قارشو الک ای سپر ذهنک افکاری قولایلقه قبولیدر ؛ بوتقدیرده فکرلر ده‌آز مبرم اوله‌بیلیر . اونلر یکدیگرینی نوعاًما تنقید و تمادیا تفتیش ایلر و بو رقابت معنویه مفکره‌نک اونلره حاکم اولمسه ویا اونلری وقت وزماننده توقیف ایلمسه ده‌آز زیاده مساعده ایدر ؛ سربست بر تربیه‌نک آثار خیره‌سی ایشته بوندن عبارتدر .

خلاصه

- ۱ . اشتقاق نقطه نظرندن احتراص روحک منفعل بولندینی هر حاله اطلاق اولنه‌بیلیر ؛ « قارته‌زین » لره نظراً احتراص (میلان و تهیج‌لر کبی) حادثات حسیه‌نک هیئت مجموعه‌سیدر . فقط احتراص نه‌میلان ایله و نه‌تهیج ایله قاریشماز .
- ۲ . احتراص اول امرده بر تمایل مفرطدر ؛ فقط انجق تمایلات سائره‌یی کندی منفعتنه اوله‌رق تحویل ایتمکه بو حاله کیرمشدیر : بو ، کسب تفرد ایتمش حسود بر میلانندن عبارتدر .
- ۳ . میلان ساکن ، احتراص شدیددر ، میلان دائمیدر ؛ احتراص بر بحراندیر . بری‌کندیمزی اداره ایتمک‌کمزه مساعددیر ، دیکری بزدن اختیاری سلب ایدر .
- احتراص جنت نوغندن بر حالت مرضیه‌در . بزه مسلط اوله‌رق حکمی آلتنه‌آلیر .
- ۴ . میلانده غرض یوقدر ؛ زیرا هر درلو اذواق و حظوظاتی تجربه‌دن اول وجودک سعادت خالی آرزو ایدر . احتراص ، وجودک سعادت عمومیه‌سنی اخلاص ایدرک صرف کندی حظوظاتنک حصوله سعی اولدینی جهته خودکامدر . بوندن طولانی احتراص بوزولمش بر میلاندر .

۵. احتراضك تولدینه باعث اولان اسباب متعدددر : ۱ وراثت ، ۲ تمایلاتك زجرى ویا ارضاسى ، ۳ محیط مادى ومعنوى ، ۴ تصادفلر ، ۵ دقت وتأمل ۶ تخیل . اراده ومحاکمه عقليه هر وقت احتراضك شریکیدر .

۶ . هر احتراضك اصل واساسى بر میلانده بولندیجی جهتله احتراضاتك تصنیفی بالضروره میلانلرك تصنیفه مطابقدر : - احتراضات شخصی (خودکاملق ، او بورلق ، تکبر ، بخل وخست) ، - احتراضات اجتماعیه (اشکال فاسده ، اشکال نجیبه) ، احتراضات عالیه (اشکال نجیبه : احتراض حقیقت ؛ اشکال فاسده : خیالپرستی) .

۷ . حیات بشرده احتراضاتك ایفا ایتدیجی خدمت ایکی مختلف صورتده اکلالمشدر . بعضلری اونلرك هر وقت مشروع اولدقلرینی بیان ایتمشلردر (سوفیسطرایاه فوریه) ؛ دیگر بعضلری اونلری کلیاً تقییح ایتمشلردر (رواقیویه ، فانت) . هر ایکی نظریه مبالغه‌دن خالی دکادر . برطاقم احتراضات قبیحه وخیسه موجوددر ؛ فقط بوکا مقابله ، احتراضات نجیبه‌ده وارددر . احتراض اولماسه معالیدن هیچ برشی حصوله کتیر یله‌مز . احتراضك رفع وازاله‌سی نه ارزوایدیله‌جك برشی‌در نه‌ده بوکا امکان وارددر . اصل حقیقت عقلك احتراضه نفوذ ایتمی لزومیدر « ارسطر » .

۸ . تربیه‌نك احتراضات عالیجنابانه‌یی توسیع ایتمی وعینی زمانده چوجنی احتراضات خسیسه قارشو وقایه ایلمی اقتضا ایدر (نظارت لازمه ؛ کنیش بر دهندن ایدیلن استفاده‌لر) .

آلتنجی درس

ذهن

مدرسل

ذهن ، طانیق و آکلامق قودسیدر . - ذهنك اقسامی .
تطبیقات عملیه - تربیه ذهنیه . - قوای ذهنیهك تمیه سی : بیلیکلرک مختلف منفعلیه
تطبیق . - تربیه ذهنیهك ماهیتی .

ذهن طانیقو را کلامو قودسیدر . — ذهن ، اکثریا طانیق و آکلامق
قودسیدر دییه تعریف اولنور: کافه حادثات استحضاریه ، ادراکات ، صور و خیالات
وافکار ایله بونلرک حصوله کتیردیکی مختلف ترتیبات هپ اوکا اسناد اولنور.
شئون روحیه بیتده موجود اولان فرقلردن بحث ایتدی کمز صیره ده کورمش
اولدیغمز وجهله ، طانیق حس ایتمک دیمک دکدر ؛ حتی بو ایکی فعل و خدمت
بیتده بوکون بر نوع مغایرت وار ظن اولنور. احساسده ، نفس صانکه منفعلدر ،
طانیق ایسه بالعکس ایچنده مفکریه مخصوص اولان قدرت فعاله و صنعتکارانه
نمایان اولان ، بعض اعمال مخصوصه ذاتیهك هیئت مجموعه سنی مستلزمدر .

طانیق اول امرده فرق و تمیز ایتمک دیمکدر . «بن بوشخص ویا شوکتابی طانیق .»
دیمک بن او شیرلی دیگرلری ایله اصلا قاریشدیرمام ، کوره بیلدیکم اشیانک
کافه سندن اونلری تفریق ایده بیلیرم ، اشیاى مذکورہك تمامك ایچندن بن اونلری
قولایچه بوله بیلیرم دیمکدر . بوهر وقت بوله در: ایستراشیای خارجه ویا شئون باطنیه ،
ایستراشیای مشخصه ، ویا معانی مجردة موضوع بحث اولسون ، طانیق اول باول
تجرید ایتمک ، تفریق ایتمک ، فرقلری سچمک دیمکدر .

فقط بو خصوص بر شرط الزم ایسه ، بر شرط کافی دکدر . بر شیئی طانیق
ایچون او شیئی سائر کندینه بکزه مه بن شیرلدن آیرمق کافی اولمایوب برده
او شینک کندینه بکزه بن شیرله یا قلاشدرلماسی ده لازمدر . فی الحقیقه ، بوشی

نه قدر خصوصی بر شی اولورسه اولسون ، دیگر بر سوری شیلرده دخی سیاناً موجود اولان بر طاقم اوصافه مالکدر: بونک ایچوندرکه اونک طانمسی، بیلنمی اوشیله اشیا ی سائره بیننده موجود اولان مابه‌الاشتراک‌لر یعنی بکزه‌ین جهتلر ایله روابط قرابتک آکلاشلماسی و بناءً علیه اونک عمومی بر مقوله‌یه ادخال اولماسی دیمکدر. مثلاً ، ایشته بر شی: عجبا نه در؟ بن اوشی آنجق کتابلر ویا آغاجلر زمره‌سنه ادخال ایلدیکم وقت طانیش اولورم . او وقت بن : « بو بر کتابدر ، شو بر آغاجدر » دیه بیلیم . « سپنسر Spencer » هر طانیه ، ریاضیه اصطلاحجه او شیئک تمامینسی بولق ، یعنی بر تمشیدر دیمشدر . اشیا یی بر برینه تقریبدن ، شبهی توحیددن عبارت اولان شوصوک عملیه یعنی تمثیل برنجی عملیه درجه‌سنده و بلکه اوندن زیاده مقتضیدر: طانیق هرشیدن اولدن اشیا بیننده موجود اولان مناسباتی تیقن و ادراک ایدرک اونلری توحید و اونلر بیننده موجود اولان رابطه‌لردن کله‌نک‌ده دلالت ایتدیکی اوزره رابطه و سلسله‌لر connexions تأسیس ایلکدر. ذهن اساساً مناسبات اشیا یی، عالمده موجود اولان انتظامی کشف و تیقن ایلک قوه‌سی اولدیغی کبی ذهنک اک عالی بر شکلی اولان دهای علمی دخی اوزاق و کیزی مشاهتلری تفرس ایتک ، و عوام ناسک نظرنده صورت قطعه‌ده ضد کورینن شیلری بر برینه تشبیه ایتک قابلیتدن عبارتدر .

ایمدی طانیق ، مفکره‌نک مشاهتلره فرقلرک حد اصغریسنی تفرس ایتمی ایله ممکندر . فقط اشیا بیننده موجود اولان مشاهتلره فرقلر متعدد و بعضاً ده بک کیزلیدر : اونلری آغیر آغیر ، تدریجاً کشف ایده‌بیلیرز . فرض ایده‌لم که بو بابده بر فکر صحیح و تام ایدنمکه موفق اولدق ، او حالده اشیا دن بر سلسله ترتیب ایده‌بیلیرز که هر برینک او سلسله‌ده کندیسنه مخصوص بر محل معنی اولور؛ او شیئک حدود و جوانبی ، دیگر شیلره اولان جهت مشابته و ارتباطی ، و بونلرک هیئت مجموعه‌سی ارسنده ایضا ایتدیکی خدمتی کورورز ، اونلری « آکلامش اولورز . » بو حالده « آکلامق » دیمک « اشیا یی طوبدن قاوارامق » ، اونلری بر کلّ حالده طویلامق ، تنسیق ایلک دیمکدر . ذهن ، هرشیدن اول « اشیا یی ترتیب و تنسیق ایلک قوه‌سیدر ؛ اونک مقصدی « ترتیب طبیعی » عالمه مکملأ اویغون اولق » و « کندی افکارینک انسجام و انتظامی

واسطه سیله بالذات اشیاك انتظام و تسلسلی اظهار اینكدر . « (۱) علومك وضع و تدوینی ایله نفس ناطقهك هیچ طوریه رق تعقیب ایلدیکی ایش بواولدیگی کی، علومك ترقیاتی ده بوایشده کی ترقیات ایله اولجیلیر. سوزك قیصه سی، ذهنی طانیق و آكلامق قوه سی دییه تعریف ایدرهك، اونك یالکز مأموریت مخصوصه سی اولان تنسیق ایشك ایکی درجه سی کو سترمش اولدق .

ذهنك افسامی. — ذهن اساساً بر در : فقط بو برلك، اقسام متعدده سی بر برینه یار دیم ایدن و بر برینك نقصانلری طولدیران بر بندنه کی برلكك عینیدر. تعبیر آخره، اونده بر قاچ صنف قوه ویا مختلف عملیه لری تمیز و تفریق ایتكمكندر . اونلری اکثراً اوچ صنفه آیرلر .

اولا بر شیئی طانیه بیلیمك كمزك برنجی شرطی اوشیله نفسمز آره سنده آز چوق برنسبتك بولماسیدر. ایدی اول امرده، طانیله جق شیله بزى مناسبته بولندرمغه مأمور، برزمره قوا لازمدر. قواى مذكوره یه اکثراً « قواى اکتسابیه facultés d'acquisition » نامی ویریلور؛ معرفتك بزه « ماده » ابتدائیه سی اونلر احضار ایدر . بولر، بریاندن، « ادراك خارجی perception externe » - دركه حواس واسطه سیله وقوعه كهرهك، بزى اشیاى خارجیه ایله یعنی عالم جسمانی ایله مناسبته بولندیرر . دیگر یاندن، « ادراك داخلی perception interne »

اولوب بونك ده آلتی « شعور » دركه « انا » یی، كائنات معنوی یی ادراك ایتدیرن اودر. فقط بوايلك قوه لرك مكنتسات و معطیاتی، كندیلرینی اخذ و تلقی ایلدیكمز دقیقه ده همان زائل اوله جق اولسه ییدی، بزم ایچون بر شیئی طانیق امكان خارجنده اولوردی : بو جهته یه یکیدن برزمره قوایه لزوم واردی : بولره ده

« قواى حافظه facultés de conservation » نامی ویریلور . اونلر ایچندن باشلوجه سی « قره حافظه mémoire » در . قوه حافظه ك شرطی ده « قراعى افكار associations des idées » قانون اصلیسندمه مند مجدر. بوندن باشقه، نفس ناطقه عینی سلسله افکاری هیچ طور مایه تکرار ایتكله اکتفا ایتمز، افكار مذكوره ایله بر طاقم یکی افكارو مطالعات وجوده کتیره بیلیر: **تخیل** imagination ایشته بوندن عبارتدر .

(۱) بو مطالعه اسپینوزاك Ethique عنوانی کتاینددر .

شو اسملری سکن قوا بزده طائیه‌نک مواد اصلیه‌سنی اعطا و تأمین ایدرلر :
اوندن صکره اونلرک علم دائره‌سندده تشکیل و ترتیبی جهتی قالیر . بواشده
« قوای تربیه facultés d'élaboration » نک وظیفه مخصوصه‌سیدر . اعمال
و خدمات ذهنیه‌یی بونلر تقویم ایدر ؛ بونلر معرفه « شکل » مخصوصی ویرلر .
ذاتاً اونلر متعددر : وقت ، تجربه abstraction ، مقایسه ، تعمیم بزده تصورات
عمومیه‌یی ویرر ، بو تصورات بزده تصدیقاته سوق ایدر ؛ تصدیقات دخی برلشهرک
صیره کندیسنه کلنجه ، قیاسات و استدلالی تشکیل ایدرلر .

والحاصل ، ذهنه عائد اعمال و حرکاتک کافه‌سی تدقیق ایدیله‌جک اولسه ،
ذهنک هر یرده وهر وقت ، بعضی عمومی قانونلره توفیق حرکت و اطاعت ایتدیکی
کوریلورکه اوقانونلر اونک کیزلی داماری دهاطوغریسی مبدأ محرکیدر : نفس ناطقه
تصادفه تبعاً حرکت ایتمز ، بعضی معین قانونلره نظر اعمل ایدر ، اونلره بیلیمکسزین بیه‌سوق
طبیعی ایلهرعایت ایلر : اونلرک هیئت مجموعه‌سی قوه عاقلیه‌یی raison تشکیل ایدر :
عقل ذهنک اساسی اولوب اونک عضوی و غیر قابل تبدیل بنیه‌سی مقامندهدر .

تطبیقات عملیه . — تربیه ذهنیه . قوای ذهنیه‌نک تمه‌سی ؛ بوفوتلرک بیلیملرک
مختلف صنفلر بنه تطبیقی . — حساسیتک تربیه‌سی « تربیه اخلاقیه‌نک » برقم
مهمی ایدی . ذهنک تربیه‌سی ایسه « تربیه ذهنیه » نک بالخاصه غایه‌سیدر . علی‌العموم
قوانک تمه‌سی حقنده سویلش اولدیغمز شیلرک هپسنی بوراده تکرار ایتک ایجاب
ایده‌جکدی [۱] . فی الواقع ، بر آهنگ و انتظام حصولی ازجمله ذهن خصوصنده
آراملیدر ، زیرا قوای مختلفه ذهنیه‌نک کافه‌سی بربرلرینه فارشو متقابلاً معاوننده
بولنمقدردر : حواس رقیقه و سالمه اولمازسه قوتلی و واسع بر حافظه اصلا
بولنه‌ماز ؛ کنیش و صادق بر حافظه‌سز دخی صاغلام بر قوه محاکمه اوله‌ماز .

دیگر طرفدن ، معرفت قوده‌سی بر قانون معینه توفیقاً تتی ایدر ؛ بوکا
منسوب قوای مختلفه‌نک بربرلرینک شرط و مشروطی اولمق اوزره تابع اولدقلری
ترتیب منطقی ، کندیلرینک تاریخ صیره‌سیله ظهورلرنده‌کی نظامک عینیدر . بوکا
منیدرکه نفس ناطقه‌نک تربیه خصوصیه‌سی ایچون ، ازلی و اصول ایلهر حرکت

ایتمک و تدریساتی قابلیت ذهنیه نك درجه سنه و قوتلرینه حذاقته اویدرمق لازمدر : حادثات مشخصه و مادیه و امثال محسوسه ایچون بر یاش بولندینی کبی قوانین مجرد و مبادی کلیه ایچونده اوندن متأخر ایکنجی بر یاش وارددر .

تربیه ذهنیه نك ماهیتی . — فقط هرشیدن اقدم تربیه ذهنیه نك ماهیتی ایجه ادراك ایتمک مقتضیدر . بو تربیه یی افاده ایچون علی الاکثر « تعلیم instruction کلهسی قوللانیلیر و بوده طار معناسه آلنق اورده « تربیه éducation » یه قارشو قونیر (۱) شبهه یوق که ، چوجنی معلومات مختلفه ایله تجهیز ایتمک خیلی برایشدر . بو اوکا مؤخرأ لازم اوله جق اولان برطاقم آلات و ادوات مکمله ویرمک ، حیاتک مشکلات متعدده سی آرده سندن کنديسک ؛ مکن مرتبه سهولته صیرلمسنی قولایلاشدیرمق دیمکدر . حتی تتبعات و مطالعات حسن صورته اجرا ایدلدیکی وقت ، ذهنه تأثیر ایتمک و اونی یتشدرمک ایچون تعلیم و تدریسدن instruction مفید هیچ بر شی یوقدر . فقط علی الخصوص تعقیب ایدلمسی لازم کلن ، شوصوک غایه در . مکتبدن مطلوب اولان غایه ، چوق شی اوقوتق دکل فقطای اوقوتقدر ؛ بر معل چوجنک قفاسنه ممکن مرتبه آز زمانده اک چوق مقدارده معلومات و حقایق طولندرمق ایسته یه جک اولورسه ، وظیفه سنی بیلیمور دیمکدر ؛ اصل حائر اهمیت اولان شی ، معلوماتک کمیت و وسعتی دکل ، بلکه او معلوماتک کیفیتی ، طرز تلقینی و روحه قبول ایندیره جکی اعتیاد ائدر . بوبابده بحق : « تحصیل ابتدائیدن مقصد ، بوتحصیلک تماس ایندیکی مواد مختلفه اوزرینه ، بیلنمسی ممکن اولان هرشیئی قاورامق دکلدر » دنیلمشدر : ذاتاً مکتبه کچن نسبة قیسه زمانده اوکا مساعد دکلدر . حقیقی بر معلم یا لکیز معلومات ویرمکه اکنتا ایدن معلم اولمایوب ، بلکه چوجنه حقیقی سومکی اوکرده دن ، ذهنی آجان ، و تمیه ایله یین و اوکا محاکمه یی ، طوغریانی ، پاکلک ، انجه لک و حماسه اویغون اولان هر شیئی ویرن معلمدر . فی الواقع او حالده ، چوجق « سعی معنوی آلت » نه مالک اولمش اوله جفندن ، کنديسنه ویرلمش اولان کوچک خزینه افکاری ایلریده متدایاً تزئید و تکثیر ایلمک مقتدر اولور : کرچه اوکرندیکی شیلر محدود ایدی ، فقط سطحی دکلدی ؛ ذهنه یرلشمش ، عضلاتی یموشاته رق تقویه ایش

واونده اعتیادات حسنه حصوله کتیرمشدی : دیمک او حقیق بر تربیه ایدی .
 آرتق بو مقصده ایریشمک ایچون ، چاره‌نک نه بر طاقم مجرد و میخانیکی
 وسائطدن ونه یکنسق و صوئوق بر طاقم درس‌لردن عبارت اولمادیغنی علاوه ایتکه
 عجبا حاجت وارمیدر ؟ ثمره ویره‌جک یکانه طریق « طریق فعلی méthode active »
 درکه معلم ایله طلبه آره‌سندده متیادی بر تعاضی افکاردن عبارتدر .
 تدریساتک جانی اولماسی لازم‌کلیر : معلمده طلبه‌نک نظردقتی جلب ایتک موهبه‌سی
 بولمالیدر : بونک ایچون اونک هر وقت افکاری واضح اولمالیدر . معلمک طلبه‌نک
 بیلدیکی شیلردن بحث ایتسی و « ده‌نارت » ک Descartes اصول وقاعده‌سنه توفیقاً
 معلومدن مجهوله ، قولایدن کوچه کچمی ایجاب ایدوب ، بر قاعده بدیهه‌دن
 متحمل اولدیغنی بالجمله تطبیقات کثیره انتقال ایدلمسی ویا بر نتیجه خصوصیه‌دن
 - شعور لاحق اولمق‌سزین - تطبیق ایدلمش اولان قانون عمومی‌یه صعود اولنسی
 بوجه‌دندر . بوندن ماعدا ، معلم سویشمش اولدیغنی شیلرک طلبه‌سی
 طرفدن ایجه آکلاشلمش اولدیغنی ، ودرسک ذهنه تماماً یرلشدیکی
 وبو وجهه نفس ناطقه‌نک تمیه عمومیه‌سندده بر ترقی حصوله کلدیکنی متیادی
 آراشدیره‌جقدر .

خلاصه

- ۱ — ذهن ، طایبق و آکلامق قوه‌سیدر .
- ۲ — بر شیدنی طایبق ، اول امرده اوشیئی ، او اولمایان شیلردن آیرمقدرد .
 کذلک هر شیدن مقدمه اوشیئی عینی جنسندن اولان اشیای سائر ایه ربط
 ایتک ، اونی دیکرلری ایه توحید ایدن مناسبتلری آکلامق واونی بر صف
 عمومی‌یه ادخال ایلکدر .
- ۳ — اشیانک بر برلری ایه اولان فرقلری : « مابه‌الاختلاف » ایه بکزه‌ین
 جهتلری : « مابه‌الاشترک » آکلاشدیغنی زمان اوشیلردن هر برینه‌عائد اولان وظیفه‌ینی
 تعیین ایتک ، حدود ونواحیسنی کورمک قابل اولور ، اونلر بوصورتله آکلاشلمش

اولور . آ کلامق دیمک بر ترتیه ، بر نظامه قویمق دیمکدر ؛ بو حالده آ کلاییش :
« ذهنک اشایی ترتیب وتصنیف ایتمک systematisation قوده سیدر .

۴ — ذهن بر قایچ صنف قوده یی محتویدر : برنجیسی قوای اکتسابیه ؛ ایکنجیسی قوای حافظه ؛ اوچنجیسی قوای ترتیه ؛ دردنجیسی عقل .

۵ — تربیه ذهنیه دن مقصد روحک تنیه سیدر . بوکا دها خصوصی اوله رق تعلیم وتدریس نامی ویریلیر . فقط اونک حقیقی غایه سی ذهنی یالکز بر طاقم معلومات ایله تجهیز ایتمک اولمایوب اونی کانه ایریشدیرمک وکندیسنه نجات وصابت افکار ویرمکدر . بونک اینجون تدریساتک جانی ، دائما آچیق وایجه آ کلاشامش اوناسی لازمدر .

يدنجی درس

فرای اکتساب

ادراك خارجى

تجربه ، هر معرفتك باشلانغجيدر۔۔ ادراك خارجى؛ مشكلات . مادهنك كفيات ثانويه سى۔۔ كفيات اوليه۔۔ اجسامك كفياتى : بوندن نه آكلشلمايدير . ادراكك ماهيت حقيقه سى۔۔ ادراكك ماده سى : احساسات . حاسه وحواسك اعضاسى ؛ حواسك سلسلهء مرآتى ۔۔ قوهء ذائقه و قوهء شامه ۔۔ قوهء سامعه۔۔ قوهء باصره۔۔ قوهء لامسه و حاسهء عضليه۔۔ ادراكك شكلى؛ ادراك و احساس ۔۔ مسئلهنك وضعى ۔۔ على العموم «شئ» مفهومى؛ بونك منشأى۔۔ معين شئ مفهومى؛ بونك منشأى۔۔ ادراكات طبيعه و ادراكات مكتسبه ۔۔ ادراك مكسبك ماهيتى ۔۔ حواسك كنديلكندن وقوع بولان تربيه سى۔۔ ادراكات مكتسبه ده قوهء لامسه نك ايفا ايتديكى خدمت ۔۔ قوهء باصره نك ادراكات مكتسبه سى۔۔ كوزك احساسات عضليه سنك اهميتى ۔۔ حواسك قابيت تكملى ۔۔ ادراكك ماهيت ومنزله سى اوزرينه عمومى نتيجه ۔۔ ادراكك اشكال مرضيه سى : حواسك غلطلى ۔۔ اوهام حواس ۔۔ برساملر .

نظريات عمليه۔۔ تربيه حواسك اعمال ايدلسى ۔۔ حواس قابل تربيه در ۔۔ استبصار ممارسه لرى ۔۔ تربيه حواسك ماهيتى ۔۔ تربيه حواسك تاريخى ۔۔ حقيقى مرربى طبيعت در ۔۔ تربيه حواسك غايه سى .

تجربه ، هر معرفتك باشلانغجيدر۔۔ معرفتك Connaissance ماهيتى حقنده نه رايده بولنلورسه بولنلسون ، حتى بو بابده «قانت» كې، معرفتده برطاقم عناصر قبله *à priori* بولندينى بيله بيان ايدلسون (۱) معرفتك باشلانغجى تجربه اولديغنى تسليم ايتليدر . ذهن بوشده ايشله يه مز ؛ طانيق ايچون ، طانيه جق بر شيك بولماسى ، اشيانك بزه عرض ايدلمش اولماسى لازمدر ، بونى يابه بيله جك ايسه يالكنز تجربه در . ايمدى مفكره نك هر فعل و عملى اوكا ويرلمش اولان بر مادهء ابتدائيه نك وجودنى اقتضا ايدر . بو وجهله قواى اكتسابيه نك قواى سائرهنك

(۱) قانت ه كوره ، قبلى اولان بو عناصرك باشليجه سى مكان ايله زماندر . بوخالده برشيئى ادراك ايتمش اولنلغوز ايچون اونى اساساً بر حالت نفسيه مز اولان زمان ومكان ايله تقيد ايتكلكمز لازمدر .

« مترجك »

جمله‌سندن اول تدقیق ایدملری لازم کثیر . ذاناً بونلر ایکیدر : ادراک خارجی و ادراک داخلی .

ادراک خارجی. مشکلات . — ادراک خارجی چوق وقت شویله تعریف اولنمشدر: « بو بر فعلدرکه او واسطه‌ایله نفس ناطقه اجسام و کیفیات اجسام حقنده استحصال معلومات ایدر . » بویله بر عملیه دن بسیط برشی یوقدرکی کلیر: وحسب الطبیعه کندولکنندن وقوع بولیورکی کورینور ، كذلك ادراک ، طوغریدن طوغری یه برتحسندن intuition ، اشیانک مفکره طرفندن دفعا تملك ایدلسندن باشقه برشی اولمادیغنه انسانک اینانه جنی کلیور . فقط بو حال برکورینشدن عبارت اولوب عامی بر آدمک هیچده شبهه ایتدیکی یرده مهم بر طاقم مشکلاتک موجود اولدیغنی کورمک قولایدر .

فی الواقع ، اشیانک نفس ناطقه طرفندن ادراک ایدلبکنی نه صورتله ایضاح ایتلیدر؟ مقدا «دمه معرفت» ک قبول ایتدیکی کبی بعض اجزای صغیره ماده‌ینک ، صورت لرك اجسامدن قویارق ، و مجرای حواسدن کچهرک دماغ ایله اختلاطده بولندیغنه و بووجهله بزه اشیانی استحضار ایتدردبکنه می قانع اوله جغز؟ بونظریه قابل مدافعه دکلدر . اجسامک دماغه قدرسوق ایدلبکلری شی «صورت» لر اولمایوب بالذات اجسام ایله مشابهی اولمایان بر طاقم حرکات بسیطه دن عبارتدر . بونکله برابر ایستر صورماده ، ایستر بالذات اجسام موضوع بحث اولسون مشکل ینه اودر : او صورتلرك معلوم اولماسی ایچون کلوب کتله دماغیه یی تزید ایتلری کافی دکلدر ، زیرا تماماً بر جوهر روحانی اولان مفکره نک اونلردن خبردار اولماسی نه صورتله قابل اوله بیلور ؟

ماده نک کیفیات تأویسی . — نه قدر چالیشلسه نافه‌در : اشیانک طوغریدن طوغری یه ویا بالواسطه نفس ناطقه طرفندن ادراک ایدلبکنی تسلیم ایدن نظریاتک کافه سی طوغری دکلدر: مفکره نک کندی کولکمی اوزرندن نوعاً صیجراه رق اشیایه کیرمی ، اشیانک کندیلرینه منقلب اولماسی و بووجهله اونلری ماهیت اصلیه لری و کیفیات حقیقه لری ایله آکلاماسی قابل دکلدر ؛ مفکره کندی کندینه ، حصار شعور ایچنده محبوسدر ، او آنجق اشیانک کندی اوزرنده حصوله کتیردیکی اثروره ، یعنی نفسنده وقوعه کلن برطاقم تکلیفات بسیطیه یتیشه بیلیر .

شبهه یوق که ، مقام اعتراضده ، منکره ایچون حواسک عالم اجسامه - کپه‌رک بوجسملری کیفیات حقیقه‌لری ایله برابر تماماً آکلامسنه مساعد برنوع طبیعی کوپری کی اولدقلری بیان ایدیله‌جکدر . فقط بوده بروهمدر . چوقدن بری طوغریدن طوغری‌یه ادراک ایدلدکلی ادعا اولنان خواص ایکی بیوک صنفه آیرلمشدی : بونلرک کیفیات ثانویه تسمیه اولنان برطاقملری نفس اجسامه عائد ایش کی صایایوب یالکیز بزه نسبتله ، شعور خاصمز داخلنده ، بعض تکیفات انفسیه اولمق حیثیتله برحقیقتلری اولدقلری ظن اولوردی ؛ بونلر لون ، صدا ، سخونت والح کی شیلردی .

فی الواقع ، بونک حقیقه بویه اولدیغنی دلائل عدیده کوسترییور . اشخاص مختلفه عینی اشیا الوان مختلفه‌ده کوریرکن لونک برخاصیت مطلقه اولدیغنه ناصل حکم ایدیله‌بیلیر ؟ صاریلغه مبتلا اولیکز ، هرشی سزه صاری کورونور ؛ سزده والنوره خسته‌لنی اولسون ، قومشوکزک قرمزی کوردیکی شیئ سزیشیل کوررسکیز . بذاته برلون بولنش اولسه‌ایدی موجوداتک کافه‌سی اونو عینی‌صورتبه کوره‌جک دکلی ایدی ؟ بناء علیه لون انحق اونو ادراک ایدن آله نظرأ موجوددر ، آلت مذکورده‌نک تبدلی ایله اوده تبدل ایدر ، او ، تماماً اضافی اولان برخاصیتدر ، اک صوکی ، اولسه اولسه کندی نفسلریمزک عادی برتکیفندن عبارتدر .

هوانک درجه حرارتی «سخونت» حقه‌ده بودها طوغریدر : صوئوقق ، صیجاقلق آنحق بزه کوره موجوددر : الکیزک برینی صوئوق ، دیکرینی صیجاق صویه باتیریکز ؛ بعده هرایکی الکیزی ایللق صویه قویکیز : بوصو الکیزک برینه صیجاق و دیکرینه صوئوق کله‌جکدر . ایصمه‌کیز وارسه ، دون احتمالکه صیجاق دیدیکیز صویی صوئوق بوله‌جقسکیز . خلاصه ، هوانک درجه حرارتی لوندن زیاده برکیفیت مطلقه دکدر ، او تماماً بزه مضافدر ، ده طوغریسی او بزم کندی شعورمزده مخصوص برحالتدی . سس ، قوقو ، طات کی «کیفیات ثانویه» نک کافه‌سی حقه‌ده‌ده بونک باشقه صورتده اولمادیغنی اثبات ایتک قولایدز .

والحاصل ظاهراً غریب کوریلن شو حقیقتی اثبات ایتک ایچون تجربه عامیانه‌نک شهادت بسیطه‌سندن باشقه دلائل سائرده‌مزده واردز :

علوم مثبتہ دخی بویه برنظریه‌نک لهنه شاهددر . علوم مذکورده حرارت ،

صوت ، ضیا تغییر آخره « خواص اجسام » دیدیکمز هر شیک انجق بزده نظراً و بزده موجود اولدیفنی بیان ایدر . بزى احاطه ایدن علمده ، علم مثبت نظرده ، حرکتدن باشقه برشى یوقدر : بو حرکت اعصابمزه برینى تهسیج ایدرکه دماغى صارصنجه بزده « ضیا » ویا « صوت » دیدیکمز شیلر ، ناصل اولدیفنی بیلنمکمزین ، حصول بولور ؛ آفاقى objectives اولدقلى ادعا اولسان بو « کیفیت » لرده شعورکه بعض تکیفاتندن باشقه برشى کورمک قابل دکلدر .

فضه اولهرق نفس ناطقه‌نک حال خصوصیسى ایله احوالک منشائی اولان انطباع آرسنده الک کوچک بر ممانت بیله قبول ایدیلمز . مولر Müller لک ، اعصابک قدرت نوعیه‌سی حقده‌کی تجارب مشهوره‌سی بونی کوسترر .

اعصاب مختلفه اوزرینه اجرای فعل ایدن عینی برشى بزده تماماً مختلف بر طاقم نتایج حصوله کتیرر ؛ بر جریان الکترلیق کوز اوزرینه تأثیر ایدرسه بر لون ، قولاغه تأثیر ایدرسه بر صوت ، جلد اوزرینه تأثیر ایدرسه بر کیدیشه ، لسانده بر طعم حاصل ایلر . بونک عکس اولهرق ، حد ذاتلرنده مختلف اولان شیلر بر عصب اوزرینه تأثیر ایدرسه عینی تغییراتی تولید ایدرر : بو صورته کوز اوزرینه ایستر باصلسون ، ایستر اورولسون ، ایستر عصب بصرى کسلسون ، ویا بر جریان الکترلیق ایله ویاخود بعض موادک معده‌یه ادخالى صورته تهسیج ایدلسون بر طاقم حادثات مضیده‌دن باشقه برشى اصلاً کورونمز . سوزک قیصه‌سی ، بتون کیفیات ثانویه‌نک موجودیت فعلیه‌سی آنجق بزده‌در : شعور اولماسه ، اولر موجود اوله‌مازلردی . (۱)

کیفیات اولیه . — فی الحقیقه ، اضافیت و انفسیتلری شیمدی آرتق شبه‌دن وارسته اولان کیفیات ثانویه‌نک یاننده ، ثقلت ، مقاومت ، مکان étendue کبی بر طاقم « کیفیات اولیه » نک موجودیت مطلقه آفایه‌سی چوق وقت ادعا ایدلمشدی . بونلرک بزده تماماً مستقل اولهرق اجسامده حقیقه موجود اولدیفنی و اولرک

(۱) بر صورت عمومیه‌ده ، نفس ناطقه‌نک تکیفنده ، شیئی خارجینک رسمنی ، صورتی کورمک متممدر . زیرا بو تکیفده نفس ناطقه‌نکده بلکه او شیک ماهیتدن زیاده تأثیری واردر ؛ دیگر بر صنف امور و اشیا‌ده ، صو ایچنه دوشن بر طاشک حاصل ایتیه‌کی حرکت ، طاشدن زیاده صو یک ماهیت و حالته تابع دکلدر ؟

اشیائی تقویم ایدن ماهیت اصلیه‌ی تشکیل ایلدک‌لری ضن اولتور ایدی . بونکله برابر ، شونی‌ده بیان ایتلیدرکه ، بوبروهمدر . چوجنه آخر کلن ویا باشه چیقلماز بر مقاومت ابراز ایدن هر هانکی برشی ده‌ها فضله بر قوه عضلیه‌ی حائر اولان بر آدمه هیچ آخر کلز ویا مقاومت‌سز کورینورسه ، ثقات ویا مقاومت‌ه خواص مطلقه نظریه باقیله بیلیرمی ؟ بوراده‌ده تماماً انفسی اولان بر عنصردن ، یعنی جهد شخصیمزدن ، قدرت ذاتیه‌مزدن قطع نظر اتمک قابل دکلدر ، بوحالده مقاومت کبی ثقلت دخی آنجق بزم جهد و غیرتمزده وفاعلیت محرکه‌مز ایله موجود وقائمدر .

مکانه متعلق خصوصاته کلنجه مسئله ده‌ها بسیطدر ، « **دوقارت** » ک بوکا دائر مطالعه‌سی نه اولورسه اولسون ، اوکا اجسامک جوهر ذاتیسی نظریه باقیله مز . فی الواقع ، لون مکاندن نه قدر آیرمازسه ، مکان دخی لوندن اوقدر آیرماز : بوحالده لون تماماً اضافی و انفسی ایکن مکان ناصل کیفیت مطلقه اوله بیلیر ؟ خلاصه کلام کیفیات اولیه و کیفیات ثانویه‌ک هپسی ، هرایکیسی‌ده عینی اعتبار ایله ، آنجق بزه نسبتله ، یعنی بزه موجوددر . (۱)

کیفیات اجسام : بزمزه **آکلا سله‌الیدر** . — عمومک ظن واعتقادینه نه قدر مخالف واک کوکشمش اعتقادتمزه شوحقیقت نه قدر مبین اولورسه اولسون ، ادراکک ، ظاهرآ کورلدیکی کبی اولمادیغنی یعنی بالذات اشیاک کیفیات حقیقه‌لری ایله برلکده تحدسندن عبارت بولمادیغنی اعتراف ایتلیدر . کیفیات مطلقه اصلاً یوقدر : **اولر آنجق بزه نسبتله موجوددر** . کیفیات مذکوره تماماً انفسی اولان بر طاقم انطباعاتدر . حواس ، یعنی تفکری اورته‌دن قالدیریکز ، عینی زمانده اصوات ، الوان ، مقاومتلر خلاصه هپسی محو اولور . عالم ، کندی ذاتنده تماماً قاراکلق و ساکتدر . حواسدن برینی قالدیریکز ، اجسامدن درحال برچوق « خواص » ی قالدیرمش اولورسکز ؛ بزه ده‌ها زیاده ده‌ها رقیق حواس بولنسه ایدی ، اشیاده

(۱) شوایکی طاقم کیفیات آره‌سنده ایلک فرقی قویان **دوموقربت** ایدی ؛ صوکره **دوقارت**‌ده بونی ترویج ایتشدی ؛ **دوقارت** نه نظرند بفرق حواس ایله قوه مدرکه‌ک فرقه مقابلدر . **برقی** بفرقی قالدیریور ، وبتون کیفیت دییه ظن اولنان شیلر صورذه‌یه‌دن *idées* عبارتدر دیور .

شوآنده تصور بیه ایتمدیکمز بر چوق «کیفیت» لر کوریر ایدک . تعیر آخرله بزم برکیفیتک ادراکی perception دیدیکمز شی ، یالکز بزده اولان ومنحصراً بزده مخصوص برحالی ارائه وتمیل ایلهین شیئک بزم خارجهزده ارتسام ایتمسندن عبارتدر . کرچه اشیای خارجه نیک موجودیتی حقنده بعضلری شبهه ایتمشله ، بزدهخی بونلرک حقیقت خارجه لرینی واضح بر صورتده اثباته قادر دکل ایسه کده اونلرک حقیقتلرندن شبهه ایده جک قدر ایلری کینمکده معقول دکلدر ؛ فقط هر حالده حقایق اشیا بزجه تماماً مجهولدر ، اونلری انجق بزده حصوله کتیردکلری حالات شعور آده سندن ادراک ایدرز ؛ بز اونلری بو حالات انفسیه کوره تعین ایلرز ، یعنی کندی تکیفاتمزی اونلره کنیدیلرینک «کیفیت» لری ایمش کبی اسناد ایدرز ، او صورتله که نتیجه اعتباریه بزم ایچون اشیا ، ذاتمزدن اعانه وهم ایله قوبارق ، بغیر حق بزدن بسبتون مستقل بر طاقم حقائق خارجه ایمشله کبی عد اولتان حالات نفسیه مزدن باشقه شیلر دکلدر . (۱)

ادراکک مافیهت مفیقیسی . — براز اول سویلتیان شیلر تماماً آکلاشلدی ایسه ، ادراک «خارجی» نیک ماهیت حقیقیسی نه اوله بیلدیکی قولایجه کوریلیر . بز هیچ بر وقت انفسی اولان بعض تکیفاتمزدن باشقه بر شیئک قارشیسنده دکلز . بو حالده ادراک بالذات بوتکیفاتک تفسیر وتأویلندن باشقه برشی دکلدر . بوجهلله ، بو عملیه ده هیچ اولمازسه منطق نقطه نظرندن بربرندن فرقی ایکی شی تمیز ایتمک مناسبدر : ماده و صورت .

ادراکک ماده‌سی : احساسات . — ادراکک ماده ذهنیه‌سی اشیانک شعورده حصوله کتیردکلری تحولات وتعدیلاتدن یعنی احساساتدن متشکلدر . مع مافیه بو کیمه دن ارتق برطاقم انفعالی حائلردکل ، فقط چوغی موازن اولان یعنی نه فعلی ونه انفعالی اولمایان ، وبو جهته استحضاری وتصوری دیمک اولان بر طاقم شئون آکلاشلیدر . هیچ بر التباسه امکان بر اقامق ایچون هامیلنه « احساسات

(۱) بو مسئله اوزرنده براز سوزی اوزاتمش اولدیغمز ایچون معذور کورلملیز ؛ زیرا ادراکک ماهیت صحیحه‌سی آکلامی ایچون یک الزمدر . ترجیح حقنده کی درس‌لرده اشارت ایتدیکمز وهم بوراده واردر : بر شیشه ایی یا فنا ، متصوت یاخود صیجاق ، دیدیکمز وقت دائماً شعورمیز تکلیفات صرفه‌سی اونلره اسناد ایتمش اولورز .

sensations « که سنک اصل احساساته تخصیص ایدلمسنى و « ادراکات perceptions « که مى ایلده حالات استحضاریه اشارت اولماسنى تکلیف ایتشدی ؛ بناءً علیه یانیقدن حاصل اوله‌جق آجی بر « احساس » صایله‌جق ، بالعکس بر حرارت طویارق هوانک سخونتى تقدیر ایدرسیم : بوده بر « ادراک » عد اولئه‌جقدی . فقط بو تعییرات قبول ایدلمش اولمایوب « احساس » که مى شوایکی صنف شئونى اراءه ایتک ایچون قوللانقده‌در . کونشک ضیایى کوزمى انجیدیور : بو بر احساسدر ؛ بیاض بر شى کوریورم ومتأثر اولمایورم : بوده بر احساسدر . بو صورته احساس بر تخریش فزىق ایله شعورده حاصل اولان باطنى بر تکیفدن عبارتدر .

شبه یوق که الیوم صرف استحضاری اولان احساسات اصلنده بر طاقم احساسات صرفه یعنی تمیجآدن عبارت ایدى ، وینه قولایجه انفعالى اوله‌بیلرلر ، فقط بونلر شیمدی چوق وقت موازن یعنی نه فعلی وانفعالیدرلر ، حالاً معرفتک یعنی بیلکینک مواد ابتدائیه‌سى بونلردر

هراس وهراسک اعضاسى . هواسک ملسله مراتبى . — بو احساسلر چوقدر (۱) اولنرى بزه ویرن حاسه‌لره‌کوره اکثریا بش قسمه آیررلر : ذائقه ، شامه ، سامعه ، باصره ، لامسه . اولنلردن هر برینک مشروط‌له‌مى معین بر عضو ایلده‌ده او عضوله اولنرى قارشدر ماملیدر .

حاسه ، بر مأموریت و خدمت نفسیه اولوب مفکرده‌به منسوبدر ، کوز ویا قولاق کبی حاسه‌یه مخصوص عضو بر آلت ماده‌یه جسمانیه اولوب اقسام بدننددر .

احساسات مختلفه‌یى آکلامق ایچون هر بر حاسه‌نک خصوصى معطیاتى تعیین ایتک مناسب اولور . کافه حواس هپ بردن ایفای وظیفه ایتدیکندن اولنلردن هر برینه‌مدیون اولدیغمز معلوماتى ده‌ها زیاده امنیتله تعیین ایتک ایچون خاصه

(۱) عجباً جمله‌سى بر بردن نوعاً مختلف اولان احساسلر اصلنده متحد واحساس واحندن مشق دکلیدرلر ؟ ترکب احساساتک وحدتى حقنده‌کى مدعا these بودر ؛ کیفیتجه اولان اختلافاته کلنجه بونلرده بسیط بعضى کمیت فرقلینه رجوع ایده‌بیلرلر . بوراده شوقدر سوبلکله اکتفا ایدلم که احساسک عنصر کمیى غیر قابلى تنزیدر ، زیرا احساس انحق شعورده ناصل ظاهر اولورسه اوندن باشقه درلو اوله‌ماز ، فضلا اوله‌رق ، کیفیتجه اولان اختلافاته رجوع ایدن ، کیتجه اولان فرقلردر : یعنی ده‌ها شدید احساس باشقه بر احساسدر .

بعض احوال مرضیه مراجعت ایدملیدر؛ ایشته بو مسئلهده تجربه یابه بیلیمک ایچون، « قوم‌یامه » طرفندن تحیل ایدلمش اولان هیکیللی المز آلتنده بولندیرمق اقتضا ایدردی: فقط بوکا بر چاره یوقدر.

ذهن نقطه نظرندن، حواس، حقیقی بر سلسله مراتب تشکیل ایدرلر.

قوه زائفه و قوه شامه. — عضو مخصوصی دیل اولان قوه زائفه طاتلرک خاصه سیدر: اشیانک بزه لذتلی کورونمی اولنک سایه سنده در: بوحاسه عملدن ساقط اولدینی وقت هرشی بزه ناخوش کلیر؛ شاید بوزیلیرسه دون بزه خوش کلن شی بوکون بزی تتسندیره بیلیر. طاتلر هرشیدن اول خوش ویا ناخوشدر؛ بوجهته بونلرک معرفت نقطه نظرندن اهمیتی آذرر: بونلر مثلاً بر کیمیا کره اشیا حقنده بلکه براز معلومات ویره بیلیر.

عضو مخصوصی برونک غشای مخاطیسی اولان قوه شامه قوقولرک حاسه سیدر: کلک نشرایتدیکی بر طاقم ذراتک عصب شمی ایله کلوب تماسده بولماسی سایه سنده بوچیچک بزه رایحه لی کورونور: مثلاً انفییه چکنلر کبی، قوه شامه لری بوزیلانلر، اک ناخوش و بلکه اک تهله کلی قوقولر ایچنده هیچ خبرلری اولمقسزین یشایه بیلیرلر. قوه شامه نك معطیاتی قوه زائفه نك معطیاتی کبی حد ذاتنده انفعالیدر، قوه شامه رایحه لرک تمیز و تفریقده شایان قید و تذکار بر اینجه لک اکتساب ایده بیلیر. واک ای کیمیوی معیارلرک خبر ویره مدیکی بر جسمک وجودینی اخبار ایلیه بیلیر، بویه اولقله برابر بونلرک اهمیت ذهنيه سی نسبة فقیردر. (۱)

بوندن باشقه احساسات شمییه وذوقیه هیچ طور مقسزین بر برینه قاریشمقده ومتقابلاً بر برینک قوتی آرتدرمقده در: یمک لک طادی دیدیکمز شیئه اصل طعملر قدر رایحه لری کیرمش بولنیور: قوه شامه سی بوزولمش اولان بر کیمسه طاتلری هان حس ایده مز اولور. حیوانده، قوه شامه زائفه نك قولاغوزی کبی کورینور: حیوان طاقمده دن اول قوقلار؛ بوخصوص انسان حقنده ده طوغریدر: کوزل یمک لره مراقلی

(۱) صوطولی معیار شیشه لری ایچنده برقاچ دامله صارمباق روحنی حل ایدرک یک مراقلی تجربه لر یالیشدر. بر جوق کیمسه لرک برونی عینی قدرت « تمیزیه » یی کوستره مامشدرلر، رایحه وذوق احساسلرندن عنصر ذهینک صورت مطلقه ده مقنود اولمادیغنک دلیل، اولنلری سیجه بیلیمک لیمز و خاطره کتیرمک لیمزدر.

اولان بر آدم برون دلیکترینی آچهرق ، اولایمکی قوقلار . قوه ذائقه ایله قوه شامه نوعاًما یمکری انتخاب ایتکه مأمور و احتیاجات حیاته قویاً مربوط اولدقلرندن کندیلرینه اکثریا « حیات جسمانیه نك حواسی » اسمی ویرلمشدر .

قوه سامعه . — یوقازیده سوبلدیکمز حاسه لر ایله عنصر انفعالی ، عنصر ذهنینک پک زیاده فوقده ایدی .

قوه سامعه ایله امر بر عکسدر . آلتی پک ماهرانه ابداع و ترتیب ایدلمش بر عضودن یعنی قولاقدن عبارت بولنان ، قوه سامعه اصواتک حاسه سیدر : صاغر ایچون دنیا بر سکوت مطلق ایچنده در صوتده بر قاچ کیفیت تفریق ایدیایلر : **سرت** اهتزازاتک وسقته تابعدر ؛ **ارتفاع** ، اواهترازلرک بر زمان معینه کی عددینه کورده در ؛ **طنف** صوت اصلییه منضم اولان آهنگ پرده لرندن نشأت ایدر ؛ **ایقاع** دخی اصواتک منتظماً توالی ایتسندن متولد اولوب احساس موسیقی بی عادی کورلیدن آیرر .

شبه یوق که ، اصوات ایستر طبیعی ، ایستر صنعی اولسون بعضاً لطیف اولان تهیجرلر مزک اکثریا مصدر و مبدئیدر : فقط علی الاکثر اولر نه فعلی ونه انفعالی اولمایوب تماماً ذهنیدر . قوه سامعه یه « حاسه موسیقیه » نامی ویرلمشدر ، زیرا موسیقی اصواتک قوانین معینه یه توفیقاً ترکباتندن باشقه بر شی دکلدر . اوکا پرده « حاسه اجتماعیه » دنیلمشدر : فی الواقع هیئت اجتماعیه انسانیه نك آلتی نطق اولوب نطقده سامعه یه خطاب ایدن بر طاقم تلفظلردن ترکیب ایدر . بو نقطه نظرندن ، قوه سامعه علمک آلت نقلیه سی ، تربیه نك عضوی کیدر . « **قورنور** Cournot »

کبی بعض مؤلفلر قوه سامعه بی عال العال بر حاسه انسانیه صایارلر ، زیرا حواس سائر انسانندن زیاده حیوانلرده مکمل اولدینی حالده ، بالعکس قوه سامعه بزده درجه تکمیلک اک یوکسک مرتبه سنه ارتقا ایتمشدر ، خاصه شوجهتندن که قوه سامعه نطقک تشکلی ایچون اثرمدر ، « بتون قوای ذهنیه مزک تموی ایچون شرط عضوی بودر . »

قوه باصره . — قوه باصره نك آلتی پک قاریشیق و پک نازک دیگر بر عضو اولان کوزدر . کوز ضیانک وحالات مختلفه سنک یعنی اوانک حاسه سیدر . بر کور ایچون دنیا بر ظلمت مطاقه ایچنده در : کور ، لونک نهدن عبارت اولدیغنی تصور ایده مز ؛ بوکا دائر کندوسندن سؤال ایدلمه ویرده چی جوابلر صاحبه اولور ؛

مثلاً « قرمزینک ترامپته سنه مشابه اولدیغنی » ویا « ضیانک شکر کبی طاتلی اولماسی لازم کلدیکنی » سویلر .

شبه یوق که ، حواس ابصاریه نامتناهی بر طاقم تهیجلمزه سبب اولور ؛ خصوصیه ، قوهٔ باصره « حاسهٔ بدیی » در وکوزللك اوزریمزه اولان تأثیراتی هر وقت حظوظاتدر ؛ بونکله برابر ، چوق وقت ، باصردنک معطیاتی هرشیدن اول استحضاریدر . کرك وقوعات و موجوداتک بیانمی وکرك اشارات تحریریه ایله معلومات مکتسبه‌نک تبلیغ ایدلمسی موضوع بحث اولسون ، قوهٔ باصره‌غال‌العال بر حاسهٔ علمیه در .

شیمدیکي حالده ، لون « ایکی بعدلی مکان » تصورندن تفریق اولنه‌ماز . کوز غیرمتحرک واحساس مضیٰ بر نقطه‌یه مقصور اولسه دخی ، بونقطه بزه یاییلمش ، کنیش کورینور؛ کرهٔ عین تضییق ایدلسه ، عصب بصری کسلسه ینه بر شکل مسطحی حائر بر طاقم احساسات ایقاظ ایدلمش اولور . « ناتیویسم nativisme » (۱) اربابنک افکار ومطالعاتی وجهله بو ، بر فعل ابتدائی وفطریمیدر؛ یاخود « اخبارینور empiristes » نظریه‌سی وجهله بویه مکان مسطح تصویری تجربه‌دن مؤخر بر نتیجه‌میدر ؛ مسئله‌نک حلی مشکلدور .

احساس کندی ذاتی اعتباریه ، کوروندیکنه نظراً ، تماماً شدی intensif در؛ شدی دن مدی extensif ناصل چیقاریلیر ؛ بونکله برابر ناتیویسم اربابنک حق اولدینی کورونینور (۲) زیرا ضیا احساساتک اول امرده وحد ذاتنده هر درلو

(۱) ناتیویسم ، هرهانکی بر خویک ، بر وظیفه ومأموریت عضویه‌نک ، بر فکرك ولادی وفطری اولدیغنی تعلیم ایدن ذهاب وطریقار doctrines ک جمله‌سنه دیر . فقط خصوصی بر صورتله شبکهٔ عیندن کلن انطباعاتک حصول بونالریله برابر ، وجوه نفسینک مقدمه بر تربیه وتأثیری اولغسزین ، صورت forme وبعد distance کبی مسافه احسا- ساتی تولید ایتدیکینی قبول ایدن ذهابله دیر . « مترجک »

(۲) بو مسئله‌دن موسیو رایبه‌کندی روحیات درس‌لرنده صلاحیت لازمه ایله تفصیلاً بحث ایشدور . بوکا یالکز شونی علاوه ایده‌جکیز که بو « مکان » صورتنده نفس ناطقه‌نک اثر فعالیتیه ده کورمیلیر . شبکه‌سی پک حساس اولان ، کوز کیهٔ مختلف بر سوری احساساتی معاً آلیر ؛ اولری تمیز ایچون مفکوره ، عدم تناقض قانونه منقاد اولدیغندن ، اولنلرک بعضیرینی بعضیلری خارجنده قویغه ، کندیلرینی فضاده بسط ایتکه بالضروره مجبوردر .

صور مکانیه یه بابانجی اولدقلری فرض ایدلسه، برنوع کیمیای دماغی ایله اونلرک جمع یاخود ترکیب ایدلمسی نافله اولور، چونکه بدایهٔ اونده مندمیج اولمان استحضارک بردن بره ناصل ظهور ایده بیلدیکی ینه آکلاشلماز: بناءً علیه مکان تصور و تحدرسک لون احساسی ایله فطرتاً و طبعاً یکوجود اولدیغنی تسلیم ایتک ایجاب ایدر.

بوانجی ضد نظریه یه قوهٔ باصره نك بزه ابتدائاً اجسامک شکل حقیقیسی، حجملرینی، مسافه لرینی یعنی اوچ بعدلی مکانی بیلدیروب بیلدرمکی مسئله سنده دخی تصادف اولنور. بوراده اختیاریون حقلی کیدر: «ادراکات مکتسبه» مناسبتیه مسئله نك برقاج کله سنه طوقه جغز، شمدیك دییه لم که، کوز حرکت ایتدیکی وقت دخی قوهٔ باصره بزه ینه برشکی کوسترمکدن عاجز دکدر، زیرا ابعادی افراط درجه ده اولمان برلونک تحدسی کندیسک حدودی آز چوق تحدرس ایدلدکجه وقوع بولماز. بونکه برابر تسلیم ایتلیدرکه، بویه حاصل اولان صورت الوانک پک ناتمام، عادی، همان دائماً بلیرسز و مبهم بر صورتی، سوزک قیصه سی کنارلری غیر معین و غیر ثابت بابانجی بر پارچه سیدر. (۱)

بووجهله، باصره نك مطعیات خاصه سی ایکی بعدلی مکان تصور واستحضاریله برلکده اولان الواندن عبارتدرکه بوتصور اولنلردن آریله مانز.

قوهٔ لامسه و حواس غضیه. — قوهٔ لامسه نك اشیا حقدنه استحصال معلومات ایتک خصوصنده اک زنگین حاسه اولدیغنی متفق علیهدر.

ذاتاً بو قانون اولدکجه متایز عناصر عرض ایدن هاحساسک تابع اولدیغنی قانوندر: شویله که قوقو احساسک شامه سی نازک اولان کویکده مکانی برشکل آلماسی محتلدر؛ سامه سی او قدر انجه اولان موسیقی طاقیم باشیسک احساس صوتی ایچون دخی حال بویه دره. دها اشاعیده سویلیه جکز که اوچ بعدلی مکان، بو قبیلدن اولق اوزره، بر تحدرس انفعالی «یعنی خارجه ده وجودی اولوب ده نفس ناطقه مزک اونی مجبوراً درک الیسی» اولمایوب، بلکه مفکره نك بر ایجادیدر: بو تقدیرده «مسافه، مکان» تصویری هروقت نفس ناطقه نك اثر فعالیتدر.

(۱) لوزانی دو قنور دوفور Dufour ک کور طوغوبده پرده لری آچلمش بعض کیمسه لر اوزرنده یابدینی تجربه لر بونی اثبات ایتمشدر: بونلر بیاض کاغددن یاپلمش ایکی کوچک مستطیلدن «قاعده لری بر، فقط ارتفاعلری غیر مساوی» هانکسک دها بیوک اولدیغنی آیره مامشدر.

بوحاسه اول امرده بتون محیط بدن اوزرنده منتشردر ، فقط دها خصوصی اوله‌رق موضعی الدر ، ال ایله انسان ، حقلرنده پک صحیح و قطعی برخبر آله‌جق صورتده‌اشیایی یوقلایه بیلیر . اسکی زمانلرده آنافسافر الک اهمیت عظیمه‌سندن متحیر اوله‌رق « انسانک تفکر ایتیمی اله مالک اولدینی ایچوندرد ، دیر ایدی . ذاتاً قوه‌ لامسه چوق وقت « لامسه‌ فاعله » تسمیه اولنان « حاسه‌ عضلیه » ویا « حاسه‌ جهد و غیرت و حاسه‌ حرکت » دن اکثر اوقات قابل تفریق دکلدر ، و اوکا عطف اولنان معلوماتک کافه‌سنی خاصه‌ شو معاونه مدیوندرد (۱) حاسه‌ لامسه‌ نادراً زائل اولور و دیگر لرینک کافه‌سنک یرینه کچه‌بیله‌جکی ظن اولنور . یالکز قوه‌ لامسه‌یه مالک اولدینی حالد شایان قید و تذکار برترقی مغنوی و ذهنیه‌یه موفق اولان (لورا برید غمان Laura Bridgman) ک حالی مشهوردر .

لامسه‌یه اولاه هوانک سخونتتی تقدیر احساسنی مدیونز ؛ ملک اوسته بر مرمر پارچه‌سی قورلرسه صوئوق اولدینی حس ایدرم ؛ بر اوطه‌یه کیرم ، اوراسی بکا سرین ویا صیجاق کلیر . — بوکا مقابل ، الم ماصه اوزرنده ایکن اوزرینه برشی تطبیق ایدرسکز : بنده برتماس ، بر تضییق احساسی حاصل اولیور ؛ بنی‌المدن طوته‌رق کندیکزه طوغری چکرسکز : بنده جر احساسی حاصل اولیور .

حاسه‌ عضلیه ایله تضاعف ایدن لامسه‌یه دیگر استطلاعاتی‌ده مدیونز :

وزنه مقننه : اگر اعصاب لمسیه‌نک حساسیتی (بعض اشخاصک باشنه کلدیکی کبی) ابطال ایدلمش ایسه اوزانمش قولک اوجنده ، الم اوزرینه بر پارچه مرمر طاشی قویار ایسه‌کز ، اونک صوئوق ویا صیجاق اولدینی آکلایه‌مام ، فقط اونی دوشمکدن منع ایتک ایچون صرف ایده‌جکم جهده کوره اونک آغیر ویا خفیف اولدینی بیلیرم .

مقاومت مقننه : اوکده بر دیوار بولنیور ، بن اونی ایتهرک یرندن قلداتمق ایسترم : اونک بکا مقاومت ایتدیکنی حس ایدیورم ؛ بومقاومتک درجات مختلفه‌سنه کوره مختلف اسملری واردرد ؛ غیر قابلیت نفوذ نرم ایچون باشه‌چقماز بر مقاومتدر . صلابت بیوک بر مقاومتدر : (قیرمق ایستدیکمز بر جو‌زده اولدینی کبی) ؛

(۱) آیریجه بر حاسه‌ جهد واری یوقی ، بوده پک زیاده مناقشه‌نی موجب اولمش بر مسئله‌در .

یاشیقانلق لزومت برشیدک اجزاسنک بربرندن آیرماسنه قارشو بر مقاومتدر. (قیرمق ایستدیکمز براغاچ پارچه سنده اولدیغی کبی)؛ — بوروشیق، دوز و قطفه کبی یوشاق حقنده: بن برشیده، یونتمش برجام پارچه سنه ال ایله خفیفجه طوقیورم؛ اونک دوز اولدیغی، یا اوستنده برطاقم سرتلکلرک و چیقندیلرک بولدیغی حس ایدیورم؛ برکلک یاراغنه طوقیورم، بر قطفه یه طوقدیغم وقت حس ایتدیکم شینک عینی حس ایدیورم.

لامسه، یالکز باشنه قالسه ده بزده ینه ایکی بعدلی مسافه احساسنی حاصل ایده بیلجک کیدر. فی الواقع، الیمی برماصه اوزرینه دوز اوله رق قوبدیغم وقت، حرکت ایتدرمسیم دخی معاً وقوع بولان متعدد احساسات طبعیاً مکان سطحی شکلی آلیور. بونکله برابردها مهم وعظیم ابعاد موضوع بحث اولدیغی وقت، حاسه عضلیه نك مداخله سی والک تبدیل مکان ایتیمی مقتضیدر. اوچنجی بعد یعنی حجمه متعلق خصوصاته، بوخصوص دها طوغریدر. مثلاً ایشته برپورتقال: قوه باصره ایچون بوبسیط ملون بر سطحدر؛ فقط بن اونی المله طوتیورم، پارمقلم اونی قاوریور، ینه اوآنده برچوق نقطه دن قوشادیور، هرجه تندن اویروب چویریور، وچوره سنده طولاشیور. ارتق بن اونی یالکز بر سطح کبی دکل مجسم اوله ق ادراک ایدیورم. بوندن ده آکلاشیلیور که اشیانک شکل حقیقیسنی واونلرک قبارتمه لرینی، حاسه عضلیه نك معاوتنه مظهر اولان لامسه یه مدیونز؛ موقع، مسافه، جهت حقنده ده بویه در؛ ایشته برفس؛ اونک بندن مسافه سی نه قدر اولدیغی آکلامق ایچون المی اوزادیرم، ویا بو الویرمزسه برمدت قالقوب اونکله تماس ایدنجه یه قدر یوریرم: حرکت نه قدر چوق دوام ایدرسه، آدیملر نه قدر زیاده اولورسه اوشی بندن اودرجه اوزاق دیمکدر. (۱)

ادراکک صورتی. ادراکک احساس. — شوخالده ادراکک ماده سن ییلیورز: کری یه بونک صورتی تدقیق ایتک جهتی قالیور. بوصورت بالذات احساساتک

(۱) شوکا دقت اولمالیدرکه، درجه حرارتک یاخود تضییقک احساسی اولدیغی کبی بیدک، شکل و صورتک تحدسی، احساسی یوقدر: احتمالکه مقاومت احساسندن بیلجک بحث جائز دکلدر. بزه معلوم اولان انحق تماسلر و احساسات عضلیه در: بوندن ماعداسی هب نفس ناطقه نك فصالیئتدن ایلری کلیر. بناء علیه، دینه بیلیرکه اوچنجی بعد کندی تعینات مختلفه سیله برانکده مفکره نك حقیق بر نمره ایجادیدر.

نفس ناطقه طرفدن تأویلندن عبارتدر: بوعملیه نك ماهیتنی چایوجق معاينه ایده لم. احساس صرف انفسی اولان بر معطادر، شعورك بسیط بر حالتیدر. اونکه بزکندمزدن حقیقما یورز، احساس بر درجه کورددر، وحد ذاتنده غیر عاقلدر، اوبزه یالکزر برشی یعنی متکیف و منفعل اولدیغمزی بیلدیرر. والحاصل بو دفعاً *immédiatement* وقوع بولان تماماً بسیط بر شأن اولوب تعریف و ایضاحی قابل دکلدر و ذاتاً بوکا احتیاجده یوقدر .

ادراك ایسه مرکب ، مؤخر و کندینه مخصوص قانون تنوک کشف ایدلسی ممکن اولان بر عملیه در. بو اویله بر فعلدر که نفس ناطقه او واسطه ایله احساسه انطباق ایدرك اوکا بر « آفاقیت » اسناد یعنی خارجه و جودی اولان بر شئك مفهومی ضم ایدر ، و بو صورتله او احساسی ترتیب و تأویل ایدرك اونلردن اشیا حقتده بر معرفت استخراج ایدر . صاری بر شی کوریورم ، بو عادی بر احساس در ، شعورمك بسیط بر تکلیفیدر: اوراده اوکده پورتقال دیدیکم، بندن غیری اولان ، بو ویا شو اوصافی حائر بولنان بر شی بولندیغه حکم ایدیورم: دیمك که بو صورتله قابل فهم اولان، بر حقیقت خارجه یه نسبت ایدیلن ، بر کیفیت آفاقه نك اماره سنه تحول ایدن احساس « ادراك » ه منقلب اولمشدر . ادراكك احساسك تأویلی اولدیغنی کوسترمك ایچون اکثریا احساسك « منفعل » بالعکس ادراكك « فاعل » اولدیغنی سویلر لر .

مسئله نك وضعی . — فقط صرف بر تکلیف داخلی اولان احساسه ، نفس ناطقه بر شی خارجه فکرنی ناصل اولیورده تشریک و علاوه ایدیور ؟ نه وجهله اونی شعوردن آیره بیلرک کندوسندن غیری اولان باشقه بر شئك خاصیتی عد ایدیور ؟ بو مسئله حد ذاتنده چفتدر: بر نحیسی علی العموم شی فکرنه نه صورتله انتقال ایدیور ؟ ایکنجیسی اشیا معینه فکرنه ناصل واصل اولیور ؟ مثلاً بنده صاری یه متعلق بر احساس حاصل اولیور : ناصل اولیورده بسیط بر تکلیف نفسی ایله دکل بلکه بر حقیقت خارجه ایله مناسبتم حاصل اولدیغنی ظن ایدیورم ؟ فضله اوله رق بو رنگك بر پورتقالی تمثیل ایدوب بر چیچك ویا یر کاغد یا پراغی تمثیل ایلدیکنی نه صورتله بیلورم ؟

على العموم شئ مفروض؛ بونك منشأی. — برنجی مسئله‌نك حلی مشكلدر . شبهه یوق‌كه، اونك موجود اولدیغنی آكلامیورز، زیرا بوكون بر احساس شعورده ظاهر اولنجه، درحال اونی طیشاریمزده ارتسام ایتدرر، خارجی بر شیئه نسبت ایلرز . اوحالده شو ایکی آن، یعنی احساس وادراك بربرندن آیرماز، واونلرك آیرلش اولدقلرینی آكلامقده كوچلك چكرز: حافظه امدادیه نه قدر كچمشلره چیقمش اولسهق، ظن ایدرزكه، لون ویا صوت طرفزدن تماماً انفسی بر حال صورتنده هیچ بروقت تلقی ایدلمه مشدر .

بونكله برابر مسئله وارددر: فعلاً، چوجوق ایچون عالم خارجی اولاً مفقوددر: چوجوق ایچون هرشی ابتدای امرده اصلاً انفعالی اولان برطاقم انطباعات انفسیه انحصار ایدر. حقاً نفس ناطقه شعور ایچنده محصوردر، ویا لكز كندی احساساتیه مشغولدر، بوا حساسات ایچنده ایسه اونی كندی موجودیتندن غیری بر موجودیت حقنده شبهه دوشوره جك هیچ بر شی یوقدر . فی الواقع، بونلر ایستلدیکی قدر درین تحلیل ایدلسون پهوده در: بر احساسدن هیچ بروقت بر احساسدن باشقه برشی چیقاریله ماز. بزى؛ «خارج» ایله طوغریدن طوغری به تماسده بولندرمق امتیازی اکثریا كندیلرینه توجه اولنان احساسات لمسیه بیله بوندن مستثنا دكلدر: مقاومت احساسی لون احساسی کبی صرف داخلی بر حالدر؛ احساساتك كافسی اونلری اولجه تقویم ایدن لذت و الم کبی انفسیدر. بناءً علیه «هاسیلتن» ك نظریه‌سی کبی، احساسده بالذات شیئی تیقن ایتك قابل اولدیغنی بیان ایدن نظریات «نهمیم» نك هپسی اعتراضه قارشى طایانه میور. «ارمطر» به امثالاً احساسك، «حس ایدن جوهر نفسی ایله حس اولنان شی بیننده بر فعل مشترك اولدیغنی» سونلك مسئله‌نك حلی برخطوه ایلرو. لقمش اولماز، زیرا روحیات نقطه نظرندن، احساس حس ایدن شخصك برتکیفندن، «شعورك بروضیتندن» باشقه برشی دكلدر. رهمه تبعاً، برشیئی احساس ایچنده ادراك ایده میور ایسه كده، اوشیئی احساس مناسبتیه تفهم ایدیورز، و بوده برسوق طبیعی سایه‌سنده در دیمك، حادثه‌ی تیین و تعین ایتك ایسه ده ایضاح ایتك دكلدر. بوبابده اك چسوق قبول ایدلش اولان نظریه قوزمه «Cousin» ك «ره‌قارت» دن اقتباس ایده رك تكلیف ایتدیکی نظریه در. ذهنده اصلیا بعض

مبادی principes ، اعتقادات واردر ، ذهن بونلر حقنده بر شعور صریحه مالك اولمادیغی وقت دخی ، ایلك دفعه ایشله‌مکه باشلانجه اونلری تطبیق ایدر . « هر حادثه‌ك برعلای اولماسی اقتضا ایدن هبت متعارفه‌سی بو جمله‌دندر : چوجغك هیچ طور مقسزین بزدن برچوق شیلر صورماسی بو اعتقادك نه‌درجه سرعتله ظهور ایتدیكنی کوسترر . انجق ذهن طویدیغی احساساتك علای کندی اولمادیغه چوق کچمه‌دن دقت ایتشدر : واقعا بو احساسلر ، بز کندیلرینی بکله‌مدیکمز حالده ، بزه تأثیر ایدرلر ، ایسته‌مدیکمز حالده کندیلرینی کوسترلر ، کندیلرینی طوزدرمق المزدن کلدیکی حالده دوام ایدرلر ، کندیلرینی دوام ایتدرمك ایسته‌سه‌كده فائده‌سی اولمایوب غایب اولورلر . بونکله برابر ، بو احساسلر بر طاقم حادثاتدن عبارتدر ، و حادثات اولق حیثیتله ، علتلری بولمق لازمدر . بو علتلر بزم کندمز اولمادیغمزدن ، بونلرک بزدن خارجه اولماسی ایجاب ایدر . ایسته بویه کندیلکندن وقولایجه وقوعه کلن انتقال واستدلال سایه‌سنده ، بواننده خارچی اشیانك موجود اولدیغه ذاهب اولورز ؛ بز اونلرک حد ذاتنده ذاتلرینه هیچ بر وقت ایریشه‌مدیکمز ، کندی احساساتمزی اونلره وصف و کیفیتلری اولق اوزره بالطبع عطف ایدرز و صرف کندی احساسات ذاتیه‌مزده اشیانك کندی ذاتلرینی کوردیکمزی ظن ایدرز .

بونظریه مشکلاتدن عاری دکدر : (۱) فقط قبول ایدلمش اولسه‌ده اکالی لازم کورینور . فی‌الواقع علیت مبدائیک پک خصوصی صورتده اولان تطبیقی نظر اعتباره آلسون . شبه‌سز ، بر احساسی اوکا متبادیاً تقدم ایدن دیگر بر احساسه ، او واسطه ایله ربط ایده‌بیلدیکمز آکله‌شیلور ؛ فقط بز ده اوزاقلره کیسدرک صرف برشان باطنی اولان احساس ایله بر حقیقت خارجه بیننده برنسبت بولندیغی تصدیق ایدیورز . بو صورتله ، بردنبه کندمزدن چیقارق احساساته محتوی اولمادقلری شیئ یعنی خارجه وجودی اولماتلق exteriorité مفهومی علاوه ایتکککمز لازم کش اولیور ، حال بوکه بلکه علیت مبدئی بیله بومفهومی بزه ویرمکدن عاجز قالردی : بو کیفیت اقتضا ایدرکه علممزک قانون قبلیسی à priori

(۱) بوکا رایه‌ك اعتراضلری واردر .

صفیله، غندمزده مسافه L'espace حقنده اولجه برتحدس بولنش اولسون. دنیا مصور دکدر، اونی ادراك ایتکله بزاحداث و تصویر ایتش اولیورز؛ اونی ادراك ایتک ایسه قانت «Kant» ک آکلامش اولدینی اوزره احساساته مسافه‌نک صورتی علاوه یعنی یعنی بالذات مسافه‌نک وارلغنی تصدیق ایلکدر.

معین شی مفهومی : بونک منشائی . — شیمدی ایکنجی مسئله‌قالیور . شی معین مفهومه نه‌صورتله ایریشیورز؛ بونک حصولی انجق تجربه وبتون حواسمک تشریک مساعیسی ایله قابلدرد. مثلاً ایشته برپورتقال: اونی طانیق ایچون حواسمک هر برینه عرض ایتککم لازمدر؛ اونلرک هربری اونک حقنده صلاحیت مخصوصه‌سی داخنده بکا معلومات خصوصیه ویرر: شویله‌که باصره اونک رنگنی، شامه قوقوسنی، لامسه درجه حرارتی، مسافه‌سنی، شکلنی واخل بیلدیرر .

مع هذا شوراسنده دقت ایتلیدر : حقیقته، شی واحد اوزرینه، مالک اولدیغمز حواس مستقله ومتازده قدر اشیاى مختلفه‌یه مالکزر. باصره‌نک حس ایتدیکی پورتقال ذاته‌نک حس ایتدیکی پورتقاله هیچ برجهتجه بکزه‌مز: بری برلوندرد، دیکری برطاندرد: فقط بویکی شی پینده نه مشابته واردرد؛ بونک کبی شامه‌نک حس ایتدیکی پورتقال ایله لامسه‌نک حس ایتدیکی پورتقال پینده هیچ برجهت مشابته یوقدر. عجبا برقوقو ایله بردرجه حرارت آره‌سنده نه‌کبی قرابت واردرد؛ بربرندن بو درجه فرقلی برطاقم شیلره طویدن «پورتقال» اسمنک ویریه بیلیمسی نفس ناطقه‌نک بواحاساتی طبعاً ترکیب واونلری برکل tout حالنده جمع ایله بوصورتله برشی واحد میدانه چقارماسدن ناشیدرد. بوراده‌ده، اعتراف ایتلیدر، که خصوصی برشی ادراك ایتک دیمک، اوشیئک بزده موجب اولدینی تکلیفات مختلفه ایله اونی یامق، خلق ایتک دیمکدر: بو طرزله، اشیا بزه نظراً، مفکره‌مز طرفندن تشکیل و ترتیب ایدلمش وشعورندن اثر غلط اوله‌رق آیری ظن اولنش بعض احساساتک هیئت مجموعه ومنظمه‌لرندن système باشقه برشی دکدر .

فقط بوندن ده مهم بر نتیجه چقایور. نفس ناطقه‌نک فعالیت احساسات مختلفه‌یی برکل حالنده طوبلامشدی، بوجهتله بالاخره اونلردن بردانه‌سک بزه معروض ودها طوغریسی ذهناً استحضار ایدلمش اولماسی تداعی افکار قانونه مستداً، او احساس ایله برلکده اولجه حاضر بولنش اولان دیکر احساساتک، حافظه

سایه‌سنده ، اونك اطرافنده درحال ینه طوبیلا نسی ، واو شیئی خیالاً کورمکلکمز ایچون کفایت ایلر . مثلاً بن برقوقو طویارم : بر پورتقال قوقوسی اولدیغنی طانیرم : درحال مفکرده شئیك تمامی ، اونك صاری رنگنی ، شکل کروسینی ، طادینی و سائرہ یی کوز اوکنه کتیررم : والحاصل حالاً ادراك ایدلمش اولان بر کیفیت بنده ماضیده اونکله برابر ادراك ایتمش اولدیغم دیگر بالجمله کیفیاتک خاطره سنی او یاندریر و بعض شرائط معینہ یه رعایت ایتک شرطیلہ بنم اونلرک کافه سنی یکیدن ادراك ایدہ بیله جکمه براماره اولور . بوصورتله تک بر احساس ایله ، شئی درحال و تماماً ادراك ایتدیکمزی آرز چوق مکمل وهم ایلرز .

ادراکات طبیعی و ادراکات مکتبہ . — بناءً علیہ هر حاسه بزه ایکی نوع ادراك ویرر : **اولا ادراکات طبیعی** صکره **ادراکات مکتبہ** . و قیلہ بو حادثه یه دقت ایتمش اولان « **ارسطو** » برنجیلرینه « **محسرات خاصه** » دیگر لرینه ده « **محسرات مشترک** » نامنی ویرمشدی .

بر حاسه نك ادراکات طبیعی سی او حاسه نك بزه ابتداء ویردیکی ادراکاتدر ؛ بوادراکلا او حاسه یه خاص اولوب او حاسه اولماسه بزاونلری اصلاً آکلا یه مازدق : بناءً علیہ بونلر هر حاسه نك مخصوصات ذاتیه سندن باشقه برشی دکلدر ، نفس ناطقه کندی نه مخصوص سعیله اونلری ادراکات حقیقه یه تحویل ایله تأویل ایلر . شویله که ، **قوة باصره** بکا ویرمکه فی الحقیقه صلاحیتدار اولدیغنی شیئی یعنی بررنکی ویردیکی وقت ، ابتداء تکیف باطنیدن باشقه برشی اولمایان بو حالدن ، برشی خارجی یه متعلق بر معرفت پیدا ایدیورم ، ایشته بو حادثه **قوة باصره نك** بر « ادراك طبیعی » در .

بر حاسه نك ادراکات مکتبہ سی ، وظائف طبیعی سی خارجنده اولدیغنی جهتله ابتداء بزه ویره مدیکی و کندی معطیات خاصه سنك حواس سائرہ یه عائد معطیات ایله اشتراکی سایه سنده ، بالآخره بزه تدارک واعطا ایدہ بیله جکی ادراکاتدر : بو تقدیرده اوادراکات او حاسه یه مخصوص ادراکات خصوصیه اولمایوب اونکله حواس سائرہ پینده مشترک اوله بیلیر : بونلر صانکه مستعار ادراکاتدر . شویله که **قوة باصره** بزه ابتداء رنگدن باشقه برشی ویرمز و ویرمکه مقتدرده دکلدر : بونکله برابر بز شیمدی بریمکک لذتی اولدیغنی ویا برقاشک لامسه یه یמושاق

کلدیکنی باصره ایله حس ایدرز: بزه یمکی حقیقت حالده نفیس و یا قاشی قطیفه کبی یموشاق کوریور ایشز کبی کلپور: دیمک که ذائقه و لامسه نك متعلق نوعاً ما باصره حاسه‌نه کچمش کورینیور: بونلر باصره نك ادراکات مکتسبه‌سیدر.

ادراکات مکتسبه نك ماهیتی. — ادراک مکتسبک ماهیت حقیقه‌سنی آ کلامق قولاید. بویکی برادرک دکدر. حواسه نك هر بری معین بر بنیه به مالک اولوب بزه یالکز کندیسنه مخصوص ادراکاتی ویره بیلیر: قوه باصره نك طادی و یارشیثک قطیفه کبی یموشاقغنی طوغریدن طوغری به حس ایده بیلرسی ایچون نه قدر ادمان ایدلسه، نه قدر صرف دقت اولنسه فائده‌سزدر. یالکز اولجه وقوع بولان بر تجربه ائناسنده احساس لون ایله احساس طعم برلکده طویولمش، نفس ناطقه اونلری جمع ایش اولدیغندن: اوندن اعتباراً برنجیسی یعنی احساس لون یکیدن ظهور ایدنجه ایکنجی حاسه نك خاطره‌سنی او یاندر، او بنم ایچون اولکینک اشارتی، اماره‌سیدر و بودعوت یعنی برنجی احساس ایکنجی خاطر لایمسی اودرجه سرعتله وقوع بولیور که حقیقه لون ایله طعمک کندیسنی ده ادراک ایلدی کمه ذاهب اولیورم. ایدمی ادراک مکتسب بالواسطه بر ادراکدر، بوتما میله بر تذکردن، بر حاسه نك کچمش بر احساسنی دیگر بر حاسه نك آلآن وقوع بولان، و اولجده برنجی احساسله معاً وقوعه کلش بولان بر احساسی ایله کیری چاغره‌مقدن عبارتدر؛ ادراک مکتسب، بر حاسه نك معطیات حالیه نك دیگر بر حاسه نك شیوه و لهجه‌سنه برنوع ترجمه‌سندن عبارتدر.

حواسک کند بلمکده وقوع بولانه تربیه‌سی. — معطیات حواسک تسلسل و ارتباطلری سیبیه، حاسه لر بر برلندن متقابلاً مستفید اولورلر: بوسایه ده چوغنی غیر اختیاری بر جوق تجربه لر وقوعه کله رک حواسی تربیه ایدر، بونلردن شعورک خبری اولماز. یالکز هر حاسه ممارسه و اعتیاد سایه‌سنده کندیسنه مخصوص ساحه فعالیتده تدریجاً تراید ایدن بر مهارت احراز ایتمکه قالمایوب، حواس سائر نك ساحه‌سنه طوعاً تجاوز ایدر، اونلره کندی استخباراتی اعاده ایلر، و ظاهرأ هر وقت دائره صلاحیتی خارجنده قالماسی لازم کان بر طاقم معلوماتی بزه و بر مکه مستعد اولور. بوجهله حواس، تصادفاً دکل بلکه قانون اقتصاده توفیقاً یکدیگری مقامنه قائم و لمغه

موفق اولورلر: اك زياته سرعتی حائز اولان، كندی استخبارلرینی بزه ویرمك ایچون بزدنك آرزومان ایستین حاسه لراك بطی اولانلرك یزینی طوتارلر: اوتقدیرده اولنرك ادراكاتی نفس ناطقه نظرندده حواس سائرده عائد ادراكاتك اشارات مختصره سی، مقامنه کچر. برده اعتیاد ایله بواشله ییش mecanisme اودرجه سریع، بورمزواشارت اوقدر طبیعی اولورکه اولنرله اشایی دفعا ادراك ایتدیكمزی وهم ایتیش اولورز. (۱)

ادراکات مکتسبه قوه لامسنگ فدی. — حواس سائرده نك تربیه سیه خاصه قوه لامسنگ مأمور اولدیغی ظن اولنور. حواس مختلفه نك ادراكات مکتسبه سی اونك سایه سنده در؛ دیگر حاسه لر لامسنگ بتون کشفیاتنی ضبط وقبول ایدرلر، صکرده اوننی بطاقتدن دولایی کولکده براقوب اونودرلر. مثلاً شامه ابتداء بره یالکز قوقولری بیلدیرر: بونکله برابر، قوقو ویرن شینگ مسافه سی ویا استقامتی حقنده او واسطه ایله بیان مطالعه یه چابوق موفق اولورز: بوموفقیته بر طاقم تجارب ملموسه وعضلیه یی تذکر سایه سنده حاصل اولور: احساس نه درجه قوتلی ایسه شینگ اونسبتده یاقین اولدیغی مشاهده ایتیش ایدک: شیمدی ده شینگ موقع محتملی حقنده دفعا بر دلیل الده ایتیش اولق ایچون معین بر رایحه یی حس ایتکلکمز کافیدر. بونک کبی، ابتداء یالکز اصواته قارشو حساس اولان قوه سامعه جسم متصوتک ماهیتی، (مثلاً اغاجدن ویا معدننمی) فضا ده کی موقعی ویا بعدی تمیز ایتکلکمز مساعددر. ایشته بوده کذلک سامعه نك قوه لامسه ایله تربیه ایدلمی دیمکدر: تجربه ایله بیلیرکه شاید شی یاقین اولورسه صوت شدت لیدر، شینگ یاقینلاشوب اوزاقلاشامسه کوره صوت دخی ضعیفلار ویا کسب شدت ایدر: بوتقدیرده، برصوت ادراك ایدلیدیکنی متعاقب هان شینگ بعد ومسافه سیه وحرکتیه دلالت وشارت ایدر.

باصره نك ادراکات مکتسبه سی. — فقط علی الخصوص لامسنگ باصره اوزرندده کی نفوذی جالب نظر دقتدر. بو کون عالم خارجییه معرفت پیدا ایتک ایچون باصره نك اودرجه حائز اهمیت اولماسی، والآن انزنکیکن اك اوکره دیجی حاسه نك کوز اولماسی لامسه سایه سنده در. باصره بزه اشیا نك مسافه سنی، شکل حقیقی سنی،

(۱) تەنك Taine ذهن عنوانلی کتابنده بوکا دائر معلومات واردر.

قبارتمه‌سنی خبر ویرر، بوجهته اوکا بحق « اوزاقدن برقوۀ لامسه » دینور. فقط ماهیتی اعتباریله ابتداءً باصره یالکز الوانه قارشو حساسدر.

شبهه یوق که، « ناتویسم » طرفدارلرینک ذهابه کوره قوۀ باصره ابتداءً اوچنچی بعدی صورت قطعیه و تامه‌ده تحدس قابلیتته مالک اولماسه بیه، هیچ اولمازسه نوعاً ادرک ایدر. فقط آاندن کور طوغانلرک کوزلرنده کی پرده عملیه جراحیه ایله قالدیریلنجه تحقق ایدن حال، ادرک مذکورک تجربه‌نک نتیجه‌سی اولدیغنی درمیان ایدن اختبار یونک حقلی اولدیغنه دلالت ایدیور، اختباریون یوادرک باصره‌نک ابتداءً بر قابلیت دکل بر تجربه‌سی ثمره‌سی اولدیغنه ذاهبدر. یوبابده بش آلتی روایت واردر. (ک اسکسی اسقوجالی طیب « شه‌زده‌دن Cheselden » ک روایتی در) بونلرک جمله‌سی بر مألده‌در: اعمی اوله‌رق دنیا‌یه کلن بر شخص ایلك دفعه کوردیکی وقت اشیانک کوزلرینه « تماس » ایتدیکنه ذاهب اولدیغنی بیان ایدر؛ بوشیلر اونک ایچون، مسافۀ حقیقه‌لری نه اولورسه اولسون حدقه عینه تماس بر سطح اوزرنده مرتب بر طاقم رنگلی لکه‌لردن عبارتدر؛ صکره یاواش یاواش قوۀ لامسه‌نک اخباراتی سایه‌سنده، اشیای کیری چکیله‌رک مختلف سطحلر اوزرینه دیزیه‌رک تدریجاً بر منظرۀ واضحه تشکیل ایدر.

اشیانک شکل حقیقیسی و قبارتمه‌سی حقده دخی هیچ بر فکر یوقدر: اشیای ابتدای امرده بر طاقم رنگلی پارچه‌لردر: « شه‌زده‌ده » ک خبر ویردیکی کور یالکز قوۀ باصره ایله ابتداءً بر کوپکی برکیدن تمیز ایده‌مامشدر: بونک حصولی ایچون اولره لمس ایتمی، احساسات بصریه‌سنی احساسات لمسیه‌سنه تطبیق ایلمی لازمدر. دو قوتور « فزائ » ک ایکنه ایله مقاصی مهارتله قوللاندیغنی بیان ایلدیکی کنج ترزی قادین اولری باصره اعانه‌سیله طانیور؛ زیرا مقاصی اوجندن، ایکنه‌سنی ترس طرفندن طوتمشدر. کوزینه عملیات اجرا ایدلش اولان دام‌دو « والدر وپ » کندیسندن انطباعاتی سؤال ایدلده « بهت و مهیرت » ایچنده‌قالدیغنی بیان ایتمشدر، و عملیاتدن یکریمی بش کون صکره دخی قرمزی شال، یشیل قطفه‌لر کینمش قادینلر هنوز کندیسه رنگلی بر طاقم لکه‌لر کی کورینوردی.

قوۀ باصره‌نک بزه اشیانک مسافه‌سنی، حجمی، قبارتمه‌سنی صورت صحیح‌ده بیلدیرمیسی ایچون قوۀ لامسه‌نک اوئی اوکره‌تمی لازمدر: حتی اکثریاً مدت

تعلیمیه پک اوزوندور . بوتربیه احساسات بصریه‌نک احساسات لمسیه و عضلیه ایله ارتباط واتصاله منوطدر . بر سلسله تجارب نتیجه‌سنده ، وبوکون ارتق بزدده هیچ بر یادی قالمش اولان قاریشقی بر عمل سایه‌سنده ، صورت محسوسه image نك ظاهری جسامته، دیگر شیلردن تمایزینه، الواننك شدتنه، کنارلرینك صراحت ویا صحت تامه‌سنه قوللرمزك ویا باجاقلمزك فلان سلسله احساسات عضلیه‌سنی ، یعنی بر مسافه معینه فکری، و یاخود کولکه‌لرک ویا ضیالرک فلان طرزده توزع وحرکتته، ال واسطه‌سیله ادراک و تحری ایدلمش فلان شکل مفهومی جمع ایتکی اوکره‌نمشردر . بوتقدیرده، احساسات بصریه احساسات لمسیه وعضلیه‌نک امارات مظهره‌سی ، اشارت‌لیردر ، او احساساتی تلقی ایدنجه هان کندیلرینی قوه لامسه‌نک وحاسه عضلیه‌نک معطیاتی صورتنده تأویل ایدرز . صنایع نفیسه‌نک ابداعاتی قارشوسنده بو درجه کثیر اولان وهملریمز بوندن ناشیدر ؛ عادی بر بز اوزرنده مختلف برچوق سطح ، شوراده یانی باشمزدده بر منبع ویا کله ، براز اوزاقدده بر سلسله جبال تمیز ایلدیکمزی ظن ایدرز ؛ اشیا به معرفت حاصل ایتمه‌مز ایچون قوه باصره‌نک بعدما بو درجه مهم اولان خدمتی‌ده کذلک بوندن نشئت ایدر ؛ زیرا باصره اودرجه آغر، بطی اولان قوه لامسه طرفندن بر دفعه تعلیم ایدلدکن صکره، یریمزی دکشدرمکه احتیاج مس ایتکسزین غایت واسع مسافه‌لری قطع ایتکلکمزه وحقیقه نامتاهی اولان ابعادی اولچمکلکمزه مساعددر !

کوزه عالم احساسات عضلیه‌نک اهمیتی . — بوندن باشقه شوراسنی‌ده تصدیق ایتک ایجاب ایدرکه، کوز حد داننده بزه درینک وصورت حقنده برانطباع ویرمک خصوصنده تماماً غیر مستعد دکلدرد ، بوده احساسات ضیائیله احساسات عضلیه‌نک اتحاد و مشارکتی سایه‌سنده در . کوز ضیانک انطباعه معروض اولقله اکتفا ایتز ، اوکا قارشی کنیدیسه رد فعل ایدر ؛ کوز ، جانی و متحرک بر عضودر : بعض عضلات اونی اشیانک مسافه‌سنه کوره اویدرر ، ورؤیتک ممکن مرتبه آچق وتمیز صورتده اولماسی ایچون کوزی حاضرلار ، بو کیفیت یا کندیلکندن وقوعه کلیر ، یاخود اراده‌نک امداد واغانه‌سیله اولور . بوقیلدن اوله‌رق ، رؤیتک آز ویا چوق یاقین اولماسه کوره ، ایکی محور بصر دخی آز ویا چوق حاد برزاویه تشکیل ایده‌جک صورتده ، بربرینه آز ویا چوق تقرب ایدر ؛ اکر اوشی صاغده ویا صولده

بولتورسه عضله اوصورتله تقلص ایدهدرك، احساس منیری كیدوب بولمق اوزره كوزی تحريك ايدر . كذلك كره عینه دخی جسم مرئینك كزارلرینی تعقیب ایتك ایچون حرکات مختلفه اجرا ايدر . بونلره شو ویا بوطرفه چوروب یاخود ایدیکمز بویون ایله باشك حرکاتی ده علاوه ایتك لازمدر . بوحرکاتك آز چوق مبهم بر احتسası احساس ابصاری به رفاقت ايدر ، اوصورتده كه كوزك یالكز احساسات عضلیه سی ایله بزده عمق و صورت حقنده بر فکر حاصل اوله بیلیر . بونكله برابر بعد نالئك تخمین صریح و قطعیی ، كوزه عائد احساسات عضلیه نك اله ، قولره ، باجقلره عائد احساسات لمسیه و عضلیه ایله اشتراكی سایه سنده مكاتب اولدیغنی سولئك ده طوغری اولور ؛ « ال ایله یوقلايه یوقلايه ، كوزك شویله بر احساس عضلیینی المزك فلان حرکتیه ، باشقه بر احساسی قولمز » « ساعد » ك براز اوزانماسیله ، دها دیگر بر احساسی ده باجقلرمزك ایکی ، اوچ ، یکرمی ، یوز آدیمله برلشديررز . [۱] بوصورتله ، كوزك فلان احساس عضلیی ایله عینی زمانده وقوع بولان ، احساس بصری در حال او قیلدن اولان مسافه معینه نك صورت محسوسه سنی دعوت واثاره ايدر ، بونك ایچون بالذات قوه باصره واسطه سیله صورت و مسافه نی دفعاً immédiatement ادراك ایتدیکمزی وهم ایتش اولورز .

حواسك قابلیت تكمی . — کوریل یورکه بوکون قوه باصره تماماً قوه لامسه نك یرینه قائم وبوسیله اونك مستعد اولدینی تکمله ایرشمنه مانع اولمشدر . کورلرک عرض ایتدیکی مثال قوه لامسه نك ایریشه بیلدیکی اینجه لکی اثبات ايدر . برکور حکایه ایدرلرکه بر چوق مدالیله آراسندن حقیقی اولانلرینی تقلیدلرندن تفریق ایتکه مقتدر ایتش . ذاتاً برحسده ن محروم اولان اشخاصده حواس سائرده نك (على الخصوص اونلرک الك نافع اولانی) شایان دقت بر تراکت احراز ایتمی قانوندر : کورده قوه لامسه نك علی العموم نازک اولدیغنی سولیشدك ، اوند قوه سامعه نك ده پك کسکین اولدیغنی علاوه ایتك لازمدر ؛ ینه عینی صورتله بر صاعرده قوه باصرده نك شایان حیرت بر قدرت ادراکیه به واصل اولماسی قابلدیر . حواسك ایشاه دیکلری نسبتده فراست و سلامتلی آرتار : موسیقیشناسك قولاغی ، رسامك

کوزی بر طاقم انچه فرق‌لری ادراک و تمیز ایدرکه تجربه‌سی ده‌ا آز اولان کیمسه‌لر اونلری سچمه‌ز .

ادراکک ماهیت و منزلتسی مفهده عمومی نییم. — شو تفصیلاته کوره بونک کورلمسی قولایدز . ادراکک قابل و منفعل اولان نفس ناطقه‌ده اشیانک بسیط بر تحصیل و اقتباسدن عبارت اولدیغنی ظن ایتک خطادر : طبیعتک بوباده حصه‌سی بک‌آز، مفکره‌نک حصه‌سی یوکدر . عالمی ادراک ایتک دیمک، اونی تصویر ایتک ، اونی احساسات ذاتیه مزله یاپمقدز . ادراکده تجارب عدیده‌دن ، عملیات کثیره‌دن مرکب فوق الحد قاریشیق بر ایش واردز ، و شیمدی فعل ادراکک بزه او قدر بسیط و او قدر طبیعی کورنمسی اعتیادک بر نتیجه مؤخره سیدر .

فقط بوتقدیرده‌دخی مقدمه‌ده اخطار اتمش اولدیغمز وجهه، ادراک خارجینک اشیانک ماهیت باطنیه‌سنه ایریشه‌مدیکی بدیهیدر : عالمک حد ذاتنده نه اولدیغنی تجربه بزه سویلیه‌مز . حقیقت حالده ، اساس مسئله تعمیق ایدیله‌جک اولورسه ، ادراک « خارجی » اصلاً یوقدر ، زیرا بزم « اشیا » objets دیدیکمز شیلر بزم ایچون ته‌ایه‌الامر ، وهماً شعورمزنک خارجنده ارتسام ایتدردیکمز ، بعض تکلیفات انفسیه‌مزدن عبارتدز . بومشله‌ده idéalistes فیلسوفلرک تماماً حق واردز : به‌فتی Berkeley ایله‌برابر، اشیانک بزم ایچون بر طاقم صور ذهنه‌دن باشقه برشی اولمادقلرنی سویلیه‌بیلیرز، یعنی اونلر انجق بزم کندی ادراکمز داخلمده موجوددر؛ استوارت میل Stuart Mill ایله‌برابر ، ماده‌نک بزم ایچون « احساساتک برامکان دائمیسندن » باشقه برشی اولمادینی قبول اولنه‌بیلیر، یعنی بزه نسبتله ماده احساسات حاضره ویا آتیه‌مزدن باشقه برشی دکلدز . اشیا بزم کندی تکلیفاتمزدز : برشی خارجی تیقن ایلدیکمزی ظن ایتدیکمز وقت، ادراک ایلدیکمزشی برامر باطنیدر . بوضورتله ، نه Taine ک مطالعه مشهوره‌سی جداً صائبدر : « ادراک ، کرچک بر برسامدر) ادراکده ، برسامده اولدینی کی ، ذاتاً بزده اولان شیئی بزدن آیریرز، صرف باطنی اولان بر معطایه بر وجود خارجی ویررز ؛ بو ایکی حال ییتنده روحیات نقطه نظرندن هیچ بر فرق یوقدر . شو قدر وارکه ادراک ، طبیعتده اماره‌سی اولدینی حقیقی وفعلی بر شیئه توافقی ایدر ؛ بو ، له‌یینج « Leibniz » ک تعبیرینه نظراً « اصل و اساسی اولان برشان un phénomène bien fondé) در.

بونقطه نظر دین ادراک ، برسام جنسندن اولمقله برابر ، « صادق » در ؛ بالعکس برسامک هیچ بر متعلق اولملوب هیچ بر شینه مستند دکلدر : بناءً علیه برسام هیچ بر شینی احتوا ایتمین بر ادراکدر . (۱)

ادراکک اشکال مرضیه سی ؛ هواسک غلطیری . — مادام که ادراکک اشیا نیک دفعا بر تحس و تفرسی واستنساخی اولمادقندن باشقه ، بر چوق عملیات مرکبه یه ده محتاجدر ، اونک اکثریا غیر صحیح اولماسنه تعجب ایتمه ملیدر . اکثریا « غلطیات حواس » ، « اوهام... و برساملر » بر لرندن تفریق اولتور . حسابیلر Scepticisme معرفت بشریه نیک قیمتته اعتراض ایتک ایچون چوق وقت « غلط حواس » استناد ایشلردر : بوباده ایراد اولنان مثاللر معلومدر : صویه باتیریلان کورکک قیریق کورلمسی ، درت کوشه لی بر قله نیک اوزاقدن مدور کورلمسی وسائره ... فقط طوغریسی سویلک ایجاب ایدرسه ، حواس بزنی اصلاً آلداتماز ؛ کندیلرینه متعلق اولان اشیا اوزرنده اولنر هیچ بر وقت غلط ایتمز و طوغری خبر ویرلر : مثلاً الوانه متعلق خصوصاً صاده کوزک آلدانمسی قابل دکلدر ، زیرا اونک بزه ویردیکي الوان انجق کندیسند و کندیسی ایله قائمدر . بناءً علیه اگر اشیا نیک مناظر ملونه سنی باصره ایله حکم ایتمکه اکتفا ایتمش اولسه ق ، اصلاً خطا ایتمز . فقط ایش بویه اولمایور . حواس مختلفه یه عائد معطیاتک نتیجه سی اوله رق ، واعیاد قانونه توفیقاً بر منظره ملونه کوریر کورمزاونی باشقه بر حاسه نیک لسانه نقل و ترجمه ایدرز ، تعیراخرله باشقه بر حاسه نیک

(۱) شونقطه یه پک دقت ایتلیدر که بومستله ده اختیار ایتدیکمز نقطه نظر تماماً روحیاته کورمدر . اشیا نیک احساسات ذاتیه مزندن باشقه برشی اولاملری انجق بزمه نسبتله در . یوقسه اولنرک بزم داخلی ادرا کرده کی موجودیت فعلیه لری یاننده ، خارجاً دخی بذاته ولداته بر موجودیت حقیقه لری اوله بیلیر : طبیعت ابتداء احساساتز داخلنده و احساساتز مثابه سنده موجود اولمقله برابر ، احساساتز خارجنده دخی موجوددر . حقایق خارجیه نیک بذاتهم ، وجوه نفسی ایله اولان مناسبتلری خارجنده وجوه نفسی نیک احساسات اوزرینه اجرا ایتدیکي فعل ضروریدن قطعاً نظراً نه اوله بیله جکلرینه دائر بر فکر ایدنمکلکمز دخی ممتنع دکلدر . مثلاً ، حقایق خارجیه اشیا یی ، بونلرک بزه الک یاقین اولان انموذجه یعنی نفس ناطقه مزه قیاساً تصور ایده بیلیرز . بویاس هم مفکره وهم حیات عضویه نیک مبدئی بروعینی روح اولدیفنه قائل اولان بر « روحیه animisme » به یعنی وقبله لینیمک طبیعت حقنده قبول و بوکون راسموتک مدافعه ایتدیکي ذهابه مشابه بر تلقیه منجر اولوردی ؛ فقط بومستله نیک تدقیق مابعد الطبیعه یه عائددر .

دائرۀ صلاحیتی داخلند بولان بعض کیفیاتی باصره ایله تقدیر ایلرز، بوجهله، یالکز صورت ظاهرده باقهرق، درحال کورک و یا قله‌نک شکل حقیق‌سنی تقدیر ایدرز، حال بوکه بصلاحیت یالکز لامسه‌یه عأندر.

ایشته بوتأویل سببیه و یا ده‌ا طوغریسی بوجهله برحاسه‌نک دیکرینک مقامنه قائم اولماسی ایله‌درکه غلط وقوعی ممکن اولور. فقط غلط، حواسدن ایلرو کلز؛ اولردن بز مسؤلز؛ دیکر برحاسه ایله معلوم اوله‌جق بعض کیفیاتی باشقه برحاسه ایله تقدیر ایتمک بزه عأندر. علی‌العموم کیفیات ابصاریه ایله کیفیات لمسه‌نک اتصال و ارتباطی صحیح‌در؛ بونکه برابر بعض احوال نتیجه‌سنده (۱) بو ارتباط ناقص اوله‌بیلیر: فقط بوکا چاره بوله‌بیلیرز، بونک ایچون لامسه‌نک مداخله‌سی الوریر. ظواهره انجق احتیاطله حکم ایتمک و حواسمزی یکدیگری ایله معاینه ایلمک بزه عأندر.

اوهم Illusions . — «حواس»ک غلط‌لری ادراک «اوهم»ندن تفریق ایتمک بر غنعه‌در. طوغریسی، اوهم‌ک اک چوغنی ینه «غلط حواس» در؛ بالخاصه «اوهم بصر» اولردندر که یک چوق باشه کلیر. «اوهم» تعیرندن ده‌ا خصوصی صورتده اولمق اوزره، برحاسه‌نک دیکرینک یرینه کچمسندن، یعنی برحاسه‌یه عأند بعض معطیاتک باشقه برحاسه‌نک شیوه‌سیله ترجمه واداسندن متولد دکل بلکه معین بر احساس اوزرنده قوه‌ی مخیله‌نک فعل و تأثیریه وقوعه کلوب حقیقه وفعلاً موجود اولان بر شئیک تماماً غیری برشی عرض ایله‌ین غلط‌لری قصد ایتملیر. وهم، حقایق اشیا اوزرینه استناد ایدر، وهمک باشلانجی هر وقت بر احساس حقیق‌در، فقط شخصک طبیعتنه، ایچنده بولندینی مکان وزمانه کوره قوروتتی‌یه اویوب بزه‌ر، بصورتله اشیا‌یی تغیر وافساد ایدر: شوبله‌که، قراکلق اولدینی وقت قورقاق برچوچق ایچون آغاج برشق و یا کندیسینی‌یمکه حاضر‌لنش دیوکی

(۱) بوظروف و احوال بعضاً بالذات طبیعت و قوانین طبیعتدن متولددر. (مثلاً انکسار ضیا قانونی کبی)؛ بعضاً انسانلرک صنع و عمندن نشأت ایلر، مثلاً رسم و نقشده اولدینی کبی: بر صنعتکار بر سطح یکانه اوزرنده بزدن آرز چوق اوزاق اشیا‌نک عرض ایندک‌لری کوستریشلری تقلید ایدرک، بزه مختلف سطحلر موجود اولدینی ظن و صحیحاً غیر متماهی مسافه‌لری ادراک ایندیره‌بیلیر.

بر حیوان اولور . خرافاته اینانان بر کویلو کیجه آیک یالذلادینی سیسلر ایچنده
بر سوری غول یبانیلر کورر .

برساملر . hallucinations . — مخیله‌نک حصه‌سی نه قدر بویوک اولورسه،
وهم‌ده اونسبتده تامدر : نهایتده ، مخیله‌نک هیچ بر احساسک دخلی اولمقسزین
تصور و استحضاری یوقدن ایجاد ایتدیکی آکلاشیلیر : او وقت وهم برسام
اولور . بناءً علیه برسام یوقاریده سویلدیکمز وجهله ، اولمایان برشینی ادراکدر .
برسامک طوغریدن طوغری به متوقف علمی دماغک کندیلمکندن ارتجاعیدر :
اوندن حاصل اولان استحضار ذهنی معناد اولان ترتیبات عضویه آلیه به توفیقاً
خارجده اتسام ایتدیریلیر ، فقط باطنک بوخیالنه مطابق خارجده هیچ بر شی
بولماز . فی‌الحقیقه اکثریا برسام خارجده حقیقتدن محرومدر : اوتقدیرده برسام
مقصوددر . ینه چوق وقت ، خیال اودرجه شدتلی ، اوقدر ملون اولورکه ،
انسان صحیحاً موجود بر شیله مشغول اولدیغنی ظن ایدر ؛ اوحالده بر حاسیه‌عائد
بر ساملر حواس سائره‌نک برساملرینی ایفاظ ایدرلرکه بونلر برنجیلری اکال ایلرلر :
خسته بر آدم یتاغنک آیاق اوجنده بر قدید کوریر ، اونک قونوشدیغنی طویار ،
کندیسنه یاقلاشدیغنی کوریر اوکا طوقور . بوصورتله برسام عمومی اولنجه انسان
عالم حقیقینک یرنی طوتان دیگر بر عالم مخیل ایچنده یشامغه باشلار : بو ، جتندر .
تطبیقات عمده . — رپیه هواک الهمال ابرلسی . — شبهه‌سز (ازمنه قدیمه‌ده

افهم‌طوره‌نک اثبات ایتدیکی اوزره) احساس ، علم دکلدر ؛ فقط بالذات قانتک kant
بیان ایتمش اولدیغنی اوزره علمک مبدأ ضروری ومبنی علیه اصلیسیدر . حواسه
مستعد اولدقلری مهارت ورقنک تمامنی اکتساب ایده‌جک صورتده ، تربیه‌لرینه
اعتنا ایدلسی الزمیتی بوندن ایلرو کلیور . بونکله برابر روسو Rousseau نک
اخطار ایتمش اولدیغنی اوزره قوای نفسانیه‌نک هپسندن ، اک زیاده اونودیلان ویا
« مهمسه‌نله ینلرینک حواس اولدیغنی » آکلاشیلور . واقعا ، بر جهندن ، مدنیت
سایه‌سنده اونلره اولان احتیاج جز آلامشدر ؛ بز اونلردن آزشی ایسته‌بورز ، بالطبع
اونلرده بزه آز ویریور . دیگر جهندن ، حواسک شهادتلی نسبی اولدیغنی
چابوق سزدک ؛ بونک ایچون اونلرک یرینه مشاهداتده بولنه‌جق هر درلو آلات

وادوات ابداع ایلدک . بناءً علیه ، حواسه قارشو بر عدم اعتماد کوستره رک ، کندیلرخی کوشه نسیانه آتارز .

هواس قابل تربیه در . — بونکه برابر حواسک بزه ویره بیله جکی شیئی کورمک قولایدر : اونلرک بری نقصان اولدینی وقت دیکر بری حقیقه شایان دقت بر اینجه لک پیدا ایده بیلیر : کورده قوه لامسه یی ، صاغرده قوه باصره یی ذکر ایتشدک . احوال عادیده بیله حواسمزک هر بری اعتیاد سایه سنده مکمل بر آلت استخبار اولمغه مستعددر؛ موسیقیشناسک قوه سامعه سی اصواتک اینجه فرقلرینه ، صنعتکارک کوزی الوانک ان نازک عیار tons لرینه قارشو حساسدر دیمش ایدک؛ تاجر ایپکلی قاشلری ویا چوخه لری لمس ایتمکه تقدیر ایتمکه چابوق موفق اولور؛ شراب چاشنیکی طاندینی شرابک یالکز خالص اولوب اولمادیغنی دکل حتی قاچ سنه لک اولدیغنی تمیز ایدر . بونک کبی ده بر چوق مثال ذکر اولنه بیلیر. خلاصه کلام ، ادراکات مکتسبه حقدده سوبلدیکمز شیلردن ، بعض حواسک حواس سائر ایله اشتراک مساعیلری سایه سنده ، معطیات جدیده ایلنه قدر زنکیلشه بیلدیکنی و بزه فطرتلری اقتضاسنجه ویرنکلی معلوماته ده بر سوری یکی خبرلر ضم ایده بیلدیکنی اوکرشمش اولدق .

استبصار ممارس‌لری . حواسمزک هر بری قابل تربیه در. بوتربیه یی نصل یاپمیلیدر؛ بونک ایچون یالکز برواسطه وارددر. اوده ممارسه ایله دقتدر . چوجنی کوزل استبصار ایده بیلیمسی ایچون اوکا ، چوق وقت مشاهده ایتمکه وهر شیئی تحت مشاهده سنده بولندرمغه آلدردمیلیدر: حواسک سلامت وقوتی اونلری قوللانماسیله آتار، چوجق نه قدر مشککلسند اولور واونلری نه قدر تنیه ایلرسه حواسی اوقدر اینجه لشییر. بوباده ، چوجفک کوزی اوکنه آزشی قومیلیدر؛ اکثراً تک برشی الویرر. بوشیلر هر درلو صفحاتی ایله چوجغه تقدیر ایتدیریله جک، براز وقت چوجقده براقیله جق ، بنالوجی Pestallozi نک یاپدینی کبی چوجق اونلری یوقلامغه ، هرجهته اویروب چورمکه مجبور ایدیله جک واوشی حقدده مبهم و سطحی برخیال یرینه بر فکر صحیح حاصل ایتدکجه ترک ایدیله جکدر. دیکر طرفدن، هر دفعه سنده چوجفک مراقفی جلب ایدن یکی شیلر ترجیحاً بو آنه قدر کورمه مش اولدینی

شیلر آله‌جقدر. علم تربیه اطفال، بو کوچک مشاهده ممارسه‌لرینه باشلادینی وقت هپسینی سویلشدر: اشیا درس‌لرینک، «مشاهده» و منظره ایله یاپیلان تدریس‌لرک قوای مدرکه‌نک نشو و تکاملنه جدأ معاونت ایده‌جک‌لری بدیه‌در: حواسه خطاب ایله تعلیم ایچون، اول امرده حواسک امکان دائره‌سنده مکمل اولمالری لازمدر. والحاصل، بعض او یونلر و خاصه رسم نظرک سلامت و امنیتی ایچون مکمل بر ممارسه‌در.

تربیه حواسک ماهیتی. — تربیه حواسک نه ماهیتده اولدینی، بوندن ده آکلاشیلور: بوتربیه چفت اولمالیدر. اولاهر حاسه‌یه ادراکات خاصه‌سنه متعلق خصوصانده فطرتنک متحمل اولدینی اینجه‌لکی تماماً احرازه آلدیرمیلدر. بالطبع اک زیاده مغنوی اولان حواسه اعتنا ایدیه‌جکدر: یعنی سامعه، باصره، لامسه؛ فقط شهبه‌سز که شامه ایله ذائقده بواهتمدن حصه مند اوله‌جقلردر، فقط نتیجه‌سی لذات جسدیه‌یه محبتة sensualité چابوق دونه‌جک صورتده بو ایکی حاسه‌ینی اینجه‌لشدرمکدن صاقمالیدر.

دیگر طرفدن، چوجغه حاسه‌لرندن بونلرک ابتداء ویرمیدیکی معلوماتی‌ده استنباط ایتسنی، و اوحاسه‌لرک بعضلرینی دیگر بعضلریله تعلیم ایتسنی، و عینی برشئیک تماماً ادراک ایدلسی خصوصنده اونلری معاً چالشدیرمسنی، هر برینک کندیلرینه مخصوص اولان مختلف لهجه‌لریله تأویل‌لرنده اک بطیلرینک یرینه اک سریرلرینی قویماسنی، و باخصوص بر طاقلرینه عائد اولان معطیات دیکرلرینه عائد اولان معطیات ایله معاینه ایتسنی اوکره‌تملیدر. حواسک یکدیگری مقامنه چکمی، کرچه اشیایی ده چابوق طاقتمق خصوصنده مسلم بعض فائده‌لره مالک ایشه‌ده، مخدورلری‌ده واردر؛ بواسبدال برچوق غلطلرک مصدری و برخیلی اوها مک سبیدر. چوجفی احتیاطی قیلمق، لزومندن فضله براعتادک تهله‌کسنی کندیسنه کوسترمک، وایلک کورینش اوزرینه همان حکم ایتماکه آلدردمق لازمدر.

تربیه حواسک نارغی. — دیمک که روسو تربیه حواسک اهمیتی اوزرینه اصرار ایتمکده حق‌سز دکل ایش. روسو «بز انجق اوکرندیکمز کی کوریورز، لمس ایدیورز، ایشیدیورز»، «صانکه حس ایتکی اوکرنمکله مکلفز» دیرایدی.

اوندن صکره پستالوجی کوچک چوجقارک تربیه سنده بواصولی برحسن نتیجه به ایصال ایده جک وسائط عملیه بی آرامشدر : پستالوجی اوفاق شاگردلرینی طبیعتک اشیاى مختلفه سنی ال ایله یوقلامغه ، اولچمکه ، بونلرک کشف ایده بیله جککری اوصافی یوکسک سسله سویلکه اجبار ایدردی . بوفکری عصر مزده فروبل Fröbel تکرار اورتایه چیقارمشدر . معلومدرکه ، شوآلمان مربیسی ، چوجغه اشیا نك شكله واقف اولمنی اوکرتک ایچون ، « آلتی هدیه » (۱) عنوانیه براصول ایجاد ایتدیکی کبی چوجغه اشکال هندسیه نك مختلف تربیاتی تعلیم ایتک اوزره برسوری اویونلر وادمانلرده ابداع ایلشدی . فرانسه ده دخی چوجقارله محبتیه شایان تحسین اولان مادام یاب قاریانیه حواسک حسن صورتیه ایفای وظیفه ایتسی ایچون بعضی آلتلراویدرمشدی .

طبیعت ، محقیقی مربیر . — بونلرک هپسک برقیعتی بولندی بی بدیهی اولوب ، شبهه کتورمه یں حسن یتلرینه ده هر حالده حرمت ایدملیدر . بونکه برابر بوراده ایکی شی نظر اعتباره آلملیدر . اول امرده روسو ایله پستالوجی نك مشاهده ایتیش اولدقلری وجهله اصل حقیقی مربی طبیعتدر ؛ هرشیدن اول ، طبیعتک بوقدر مختلف ، بودرجه مبذول اولان اشکالنه مراجعت ایدملیدر ؛ اشیا ایله نفس ناطقه آردنه قونیلان آلات صناعیه احتمالکه پک بسیط یعنی پک مجرد اولدقلری ایچون یا مطلوب اولان غایه به ایریشه مز ، ویاخود حواسک تمیزه قابلیت کسب ایتسنه طبیعت ذی حیاتک « اشکال ملایمه و متحرکه » سی قدر خدمت ایده مزلر . موسیو راوسون : Ravaisson کندینه مخصوص کوزل برلسان ایله ، « حیاته مخصوص اولان خطوط معوجه و لطیفه » قدر هیچ برشیک باصره نك حصول سلامت و صحت خدمت ایده میه جکنی بحق بیان ایتمشدر .

تربیه هواسک غایه سی . — بوندن ماعدا ، تربیه حواسک اهمیتی حقنده مبالغه ایدلمیلیدر . بوتربیه برغایه اولمقدن زیاده بر واسطه در . موسیو غره آر Gréard حائر اولدینی صلاحیت معساده ایله مکتبه بویه برشی ایله اشتغال ایتنه تله که سنی کوستریور . غره آر بودرسک چوجق ایچون « برایشدن زیاده

(۱) الی هدیه : ۱ طوب . — ۲ کره ، اسطوانه ، مکعب . — ۳ سکر مساوی مکعبه تقسیم ایدلش مکعب . — ۴ سکر مستطیله تقسیم ایدلش مکعب . — ۵ قطر لرله تقسیم ایدلش مکعب . — ۶ انشآت طاشلرینه تقسیم ایدلش مکعب .

برا کلسجه « اولماسدن قورقور . تربیه حواس او یون اولمایوب جدی برایشدر . بوسبيله درکه ، بوتربيه ده ، دها عالی برشینک حاضرلانیسانی کورمک ایجاب ایدر . اهمیت ویره جک شی ، چوجغه اوزاق مسافهلردن کورمبيله جک کوتلی برکوزویرمک اولمایوب ، اونده باشده کی کوزدن باشقه یولده قیمتلی برکوزی ، یعنی ذکا کوزنی تربیه ایتک ، وفکر استبصاری ، ایقاظ وتشویق ایلکدر . حواس ، مفکره نك کنديسیدر ؛ حواسی ایشله تمک ، هرشیدن اول مفکره یی طوغری رای کورمه آلدیرمق ، جانلاندیرمق ، دها میز ودها متیقظ قیامق ؛ دنیاده اکثریا حقایق اشیادن پک اوزاق اولان ظواهره قارشو صاقیندیرمق دیمکدر .

خلاصه

۱ — تجربه ، معرفتک باشلانجیدر : مفکره ، اوزرنده ایشلیدیکی وکنديسنگ اصلا خلق اینه مش اولدینی بر ماده نك وجودنی اقتضا ایتدیرر . تجربه چتندر : بو برجهتدن ادراك خارجی ، دیگر جهتدن ادراك داخلیدر .

۲ — ادراك خارجی « نفس ناطقه یی اشیای خارجیه ایله مناسبتده بولندیران فعلدر . » بوقولای وطیبی بر عملیه کی کورنیور : فقط بو بر کورنیشن عبارتدر . ادراك ، اشیانک کندي کیفیات حقیقه لری ایله تمحسندن عبارت اولدینی اولدجقه چوق ظن ایدیلر . فقط خیل وقتدن بری ، (صوت ، حرارت کی) « کیفیات ثانویه » نك انحق بزده موجود اولدینی تصدیق اولمشدر ؛ مکان ، ثقات کی « کیفیات اولیه » یه کلسجه اولنلرک دنخی حقیقت مطلقه لری یوقدر . بالذات علوم مثبتہ دنخی « خواص اجسام » دیدیکمز شیلرک شعورک برطاقم حالاتندن باشقه برشیئه دلالت ایتدیکی بیان ایدیور . بزم ایچون ، عالم تکيفاتمزک هیئت مجموعه سیدر .

۳ — ادراك بوتکيفاتنك تأویلندن باشقه برشی دکلددر . بناءً علیه ادراك اولو بر ماده یی ، ثانیاً بر صورتی محتویدر .

ادراك ماده سی ، انفعالی دکل ، خاصه استحضاری اولان بر احساسدر . احساسات بزده حواس خمس ایله وقوع بولیور : وآنلرک هربری شرط جسمانی اوله رق برر عضوه مالکدر .

۵ — ذائقه طادلرک حاسه‌سیدر ؛ شامه قوقولرک حاسه‌سیدر : اونلرک معطیاتی هرشیدن اول انفعالی اوله‌رق قالمشدر . — سامعه بزه اوصاف مخصوصه‌لری ایله برابر اصواتی اعطا ایدر : بونده عنصر ذهنی ، عنصر انفعالی‌یه غالبدر . سامعه حاسه موسیقییه و حاسه اجتماعیه‌در . — باصره ضیائک والوانک حاسه‌سیدر : بر درجه‌عالیه‌بر حاسه بدیعیه و حاسه علمیه‌در . لون ، نفس ناطقه‌نک (احتمالکه بر قانون قبلیه توفیقاً) ایکی بعدلی مسافه تصور واستحضارندن آریله‌ماز . — لامسه اکثر احوالده حواس عضلیه ایله متحددر . او بزه کندیلکندن هوانک درجه حرارتنه ، لمسه ، تضییقه ، جره ، ایکی بعدلی مکانه متعلق احساساتی بیلدیرر . حاسه عضلیه ایله برلشهرک بزه وزنی ، مقاومتی ، سرتلکی ، دوزلکی ، اوچ بعدلی مکانی (حجم ، قیاس ، قیاسمه ، بعد) بیلدیرر .

۶ — صورتی اعتباریه ، ادراک ، احساسک تأویل ایدلمش ، برشیئی خارجی‌یه اسناد قلنمش اولماسیدر . ذاتی اعتباریه انفسی اولان احساسه ، نفس ناطقه بر شیئی عمومی مفهومی ناصل علاوه ایدیور ؟

۷ — اغلب احتمال بو ، مبدأ علیت سایه‌سنده وقوع بولیور . احساساتک بر علتی اولوق لازم کلیر ، فقط مفکوره بوعلتک کندیسنده اولمادیغنی حس ایتدیکندن اونی ، کندینک خارجنده آرار . فقط بودخی نفس ناطقه عندنده مسافه تحدسی بولماسنی استلزام ایدر .

۸ — نفس ناطقه شیئی خصوصی مفهومنه ناصل ایریشیور ؟ بو ، تجربه سایه‌سنده‌در .

بر شیئی آکلامق ایچون اونی حواس مختلفه مزه عرض ایتک لازمدر ؛ فقط اونلردن هربری بزه تماماً باشقه بر شیئی عرض ایدر ؛ ائمدی نفس ناطقه‌نک غیر متجانس اولان او احساسلری ترکیب وشئتک وحدتی تشکیل ایلسی لازمدر : بناءً علیه بو شیئی احساساتک بر ترکیبندن عبارتدر . بو تقدیرده احساس واحد تکرار کورینتجه بتون او احساساتی خاطره کتیرر . بو وجهله هر حاسه‌نک بزه ایکی درلو ادراک اعطا ایتدیکی کورینیور : اولاً ، کندیسنه مخصوص اولان واو حاسه اولماسه اونلره مالک اولماض غیر قابل بولنان ادراکات خاصه ، ثانیاً ، حواس سائر ایله مشترک وکندی ماهیتندن نشأت ایتیوب حاسه مذکورده‌نک حواس سائر

ایله اشتراك مساعیسندن حاصل اولان ادراكات مكتسبه . ادراك مكاتب چكش بر احساسك صورت محسوسه سی image اولوب اولجه او احساس ایله برلكده موجود بولنش اولان بر احساس حاضر طرفندن خاطره كتیرلمسندن عبارتدر . بناء علیه حواس كنیدلكلرندن بربرلرینی تربیه ایدیور دیمكدر : بونلرك بعضری دیکرلرینك یرینه كچه بیلورلر .

۱۰ . دیکر حواسی تعلیم ایتمك وظیفه سی علی الخصوص لامسه یه عائددر . باصره كندی ادراكات مكاتبه سنی اوکا مدیوندر : كور اوله رق دنیا به كنلرك اوزرنده کی تجربه كوزك اول امرده یالکز لونه قارشى حساس اولدیغنی ارانه ایدر ؛ كوزك بالا خره اشیانك مسافه سی، شكلی، قبارتمه سی حقنده بزه معلومات ویرمی انجق معطیات ابصاریه نك احساسات لمسه وعضلیه ایله اشتراكی سایه سنده در .

۱۱ . باشلی باشلرینه آله جق اولورلرسه، اوچنجی بعد حقنده بزه بدرجه یه قدر برفكر ویره بیهلك اولان وقوللرك ویا باجقلرك احساسات لمسه وعضلیه سی ایله اشتراك ایتلمی صورتیه مسافه یی طوغریدن طوغری یه ادراك ایتدیكمزى بزه توه ایتدیرن، بالذات كوزك احساسات عضلیه سنه بر محل تعیین ایتمك لازمدر . ۱۲ . — بناء علیه ادراك، اشیانك بر تحدس انفعالیسی دكدر : دنیای ادراك ایتك اونى كندی احساسات مزله احداث ایتكدر . بزم ایچون دنیا حالات شعور مزك هیئت مجموعه سی، « احساساتك بر امکان دائمیسی » در .

۱۳ . ادراك قاریشیق اولدیغی جهتله اكثریا غیر صحیحدر . طوغریسنی سويلك ایجاب ایدرسه حواس بزى آلداتماز؛ خطا انجق حواس مذكوره یه عائد معطیاتك نفس ناطقه طرفندن تأویل ایدلمسنده در . وهم، مخیله نك احساس اوزرینه اجرای تأثیر ایتمسندن ایلری كلیر . او، ماهیتی تغیر ایتدیكى حقایق اشیای بزه . برسام، وهمك صوك درجه سیدر . برسام وجودی اولمایان شیئ ادراكدر . انسان اونى تنقیص ایتمكه موفق اوله مدینی وقت جسته وارر . روسونك مطالعه سنه نظراً بزم حواسمزى لزومندن زیاده اهل ایلدیكمز آكلاشیلیور . اول امرده اونلره اولان احتیاجز آذرر ، بعده چوق وقت اونلرك یرینه بعض آلات وادواتده قویارز . بونكه برابر اونلرك هربری ایچون تربیه نمكندر . واونلرك جمله سی آز اعتنا ایله مهم برانجه لكه ایریشه بیلیر . بوتربیه انجق ممارسه ودقت ایله پایله بیلیر .

۱۵۰. او ایکی قسمدر: هر حاسه‌نك كندی قابلیتی داخلنده مستعد اولدیغی اینجه‌لکك تمامی اکتساب ایتیمی لازمدر. دیگر طرفدن حواس مذکوره‌نك جمله‌سنه عائد مساعی‌ی اشیانك ادراك کلیسی اینچون تشریك ایتدیرمه‌من وبوصورتله حواس مذکوره‌ی بربرلریله تعلیم ایلمه‌من اقتضا ایدر؛ فقط چوجغك‌ده بر حاسه‌یه عائد معطیات دیگر حاسه‌نك معطیات ایله تفتیش ایلمکی اوکرنمسی وظواهره اعتماد ایلمه‌سی خصوصلری‌ده مهمدر.

(روسو، پستالوجی، فروبل) کبی بر طاقم مربیلر تربیه حواسك اهمیتنی بحق آکلامشلدرد. ایکی تنیه واجبدر: حواسك تربیه‌سی بالذات طبیعت ایله مناسبتده بولنه‌رق اجرا ایدملیدر. آلات وادوات صنعیه ایله وقوع بولمالیدر؛ دیگر طرفدن تربیه حواس غایه‌دن زیاده برواسطه اولمالیدر؛ هرشیدن اول حائر اهمیت اولان شی فکر استبصارك وحسن تمیز ومحاكمه‌نك تکاملیدر.

سکزنجی درس

ادراك داخلي

ادراك داخلي . — أنا . — أنا ، جوهر . — جوهر حقنده علم ابتدائي . — أنا ، عانت . — علت حقنده علم ابتدائي . — غايه حقنده علم ابتدائي . — أنا نك واحدتي ، عينتي ، ديمويتی . — أنا نك احتساي . — أنا نك احتساي ايله أنا نك فكري . — أنا نك فكري ايله أنا . — فكري أنا نك عناصری : قوا . — عضويت . — شعور وحافظه : فكر أنا نك تغيراتي . — مستقبل أنا نك تصویری . — « كندی كندی طائی » . — ادراك داخلك حدودی .

نظيفات عملیه . — كندی بيلمكده کی منفعتدر . — اعتماد نفس ، تواضع واحترام
ازدراك ، قابليت ك تعیین . — مسلك انتخابی . — معلوم كندی طابعی و كندی
كندی مطالعه ایلیمی لذوی

ادراك داخلي La perception interne . — « ادراك خارجی » بزی بالطبع
« ادراك داخلی » به سوق ایدر ، زیرا انسان اشیا خارجییه ادراك ایتدیکنی ظن
ایده رك ینه کندی تیقن ایدر . تجربه نك بو یکی شكنك آلتی شعوردر ، فقط
بوراده موضوع بحث اولان شعور متأمدر ، بو شعور متأمل معرفت صحیحاً بر
طور اصلیی اولوب ، بو حیثیه ، بالخاصه ذهنه مربوطدر . مسئله بونك هانکی
موضوعه سائق اولدیغی و بزی هانکی حقایق فعلیه ایرشدرمکه مساعد
بولدیغی بيلمکدر .

أنا Le moi . — تأمل واسطه سیله ، ضمیر مزداخله انفاذ نظر ایتدیکنی وقت
اولا عقلره حیرت ویره جك صورتده قاریشق بر عالم ودها طوغریسی شعور
ایچنده هیچ طور مقسزین بربری ولی ایدن ویکدی کیرینک یرینه چن هر درلو
حادثادن متراکب آردی آرقه سی کلز بر رسم کجید قارشیسنده بولتورز . فقط بوجوش
وحرکت قرار سزانی ایچنده ثابت و غیر متحول قالان بر شی واردرکه « أنا ، نك
کندیدر ، واقعا بتون بو شون ، نه قدر مختلف و متحول اولورسه اولسون ، اولره

بندر دیرم ، اونلرک هر برنده کندمی بولورم ، اونلری نفسنده و کندمی اونلرده حس ایدرم ، کرچه اونلردن آیرییم ، بونکله برابر اونلری کندیمه نسبت ایدرم. شعور متأمل conscience réfléchie شعور بنفسنده conscience spontanée دهآ آز کنیش ایسه ، بوکا مقابل دهآ دریندر، شعور بنفسنده انا اوکا مخصوص حالات ایچنده غایب اولمش کبی ایدی ؛ وشعور متأمل ایله انا کندی تکیفاتندن آریلوب کندی جانلی حقیقی ایله کندی وارلغنی ادراک ایدر: ایشته تأملک اصل معطاسی بوادراک ضمیردر . کندی شئونک هر برنده بووجهله دفعاً ادراک اولنان بو انا ، بزه بعض اوصاف ذاتیه معینه ایله کورینور؛ بوندن طولاییده او، یالکزر تجربه داخلیه‌نک بزه ویره‌بیله‌جکی بعض مفهوماتک منبئی ، اورنکیدر .

انا ؛ موهـ Substance . — بزم حیات مغنویه‌مزی تشکیل ایدن وقوعات دائمی برتجدد ایچنده‌در، بونلر ظهور ایتدکلرینک عقبنده آرتق اورته‌ده یوقدر، بالعکس انا دائمی قالیر وبو تکیفات فانیه ایچنده پایداردر ؛ اونلرک ایچنده ثابت ومستمـر جوهردر، بومعنایه کوره، انا جوهردر، انا نه کندی شئونک اوتەسندە کائن بر « هویت » ، ونه کندی تکیفاتنه استنادکاه مقامنده اولان ، معطل برنوع « هیولا substrat دکلدر : اکر اویله اولسه‌یدی « انا » بسیط برمعنای مجرد، ویا تماماً غیر معین وغیر قابل تعین برشی اولوردی . انا کندیسنه مخصوص حالاتک خارجنده اولمادیغنی کبی بو حالات دخی اوندن خارج دکلدر: انا کندیسنه مخصوص حادثاتک داخلنده‌در ، حادثات مذکورده انایه داخلدر . انا ناک جوهر اولدیغنی بیان ایتکدن مراد : اونک هر حادثه ایله برابر فوت اولوب او حادثەدن صکره ظهور ایدن یکی بر حادثه ایله تکرار تولد ایتدیکنی ، وکندی حیاتی تشکیل ایدن وکندی ترقیاتنه دلالت ایله‌ین متنوع ومتمادی تکیفات آردسندە ، بتون جوشش واقعاتی اورته‌سندە لایتغیر طاقت وفعالیتی سایه‌سندە پایدار اولدیغنی اکلایتمقدر .

موهـر مفندە علم ابتدائی . — انا جوهردر: بویله برعالمی یالکزر تجربه داخلیه ایله استبط ایده‌بیلیرز . جوهر ، تغیرات آردسندەکی موجود مستمر ، اوصاف وکیفیاتک وبونلره عارض اولان تبدلاتک مسندالیه دائمیسیدر . حواس بویله بروقوفی

بزه ویرمکدن عاجزدر؛ اونلر بزه یالکیز بعض حادثات فانیه بیلورلرکه قرارسزلق بونلرک وصف ثابتدر. شبهه‌سز، بزه بعض شیلر بر حقیقت جوهریه‌یه مالک کورینور. ایشته بر ماصه : بن اونی اولجه ناصلسه ینه اویله بولیورم ، بوتقدیرده اونک باقی اولدیغنی ظن ایدیورم . فقط بونی بیله بکا کیم تأمین ایده‌بیلیر ؟ کیم بیلیر بلکه *موقاربت* ک بحث ایتدیکی جن خبیثه مشابه بر قوت همان ماصه‌یی اورتهدن قالدیروب اونک یرینه بستیون بشقه بر ماصه قویماشدر ؟ برده او ماصه بنم ایچون نه‌در ؟ بعض احساساتک عادی برمنظومه سی ، بعض کیفیاتک بر مجموعه سیدر . فقط بو کیفیتر آلتنده نه‌لر واردر ؟ حتی عجبا برشی وارمیدر ؟ حواس اونی بکا سولمکدن عاجزدر، اونلر بکا بر حقیقی ، برشی مشخصی ، واولی بالطریق بو موجودک بقاسی اولوب اولمادیغنی آکلاتمغه مقتدر دکدر . اونلرک بنده حاصل ایتدیکلری تکلیفات سیبیه ، خارجه حقیقی بر شیئک وجودی اولدیغنه شبهه اید-بیلیرم ، فقط بو تماماً فرضی اولان بر استدلالدر ، یوقسه ، بر تحدس Intuition ، طوغریدن طوغری‌یه بر احساس دکدر . فضله اوله‌رق ، بو استدلالک مستند علمیی نه‌در، تجربه ، تکلیف انفسی ایاه موجودک شأن ایاه حقیقت خارجه‌نک غیر قابل انحلال بر صورتده متحد اولدقلرینی بردن ادراک ایتدیریور ، ایشته بو استدلالک مستند علیی « نوعی ذاته منحصر اولان » بو تجربه‌درکه شعورکده مداری عرفانی بودر .

أنا، علت cause. — أنا کندی شئونه قیاساً، بزه یالکیز « جوهر صورتنده کورونمز، او علت صورتنده منکشف اولور . ذاتاً ، جوهرله علت بیننده صیق بر ارتباط واردر: لم یبشج ک قولنه کوره ، اصلاً فعل ایتیه‌جک اولان بر جوهر هیچ بر وقت وجود پذیر امکان اوله‌ماز : وار اولمق ، فعل ایتمکدر ؟ بر موجود نه نسبتده فعل ایدرسه او نسبتده وار دیمکدر . بر دفعه ده‌ها سوبله‌یلم أنا منفعل و میت بر هیولا دکدر ؛ او هر شیدن اقدم انبساط ایدن و متبادلاً ده‌ها زیاده انبساطه چالیشان بر طاقت فعاله‌در . شبهه‌سز ، بو علت قوانیه causalité dynamique طوغریدن طوغری‌یه اختیار ذاتیزدن صادر اولان بر طاقم حادثانده، مثلاً جهد و اقدامده ، بالاراده قرار اعطاسنده ده‌ها بارز بر صورتده بللی اولور ؛

فقط شعورك شئوننده وحتی بر ماهیت انفعالیه‌یی حائز اولانلرنده بوعلیته تصادف اولماسی قولایدر ، حتی تهیجده بيله ، یا اونی قاچرمامق ویا ازاله ایتک ایچون موجودك بر جهد واقدامی واردر . شوراسنی ده تنیه ایتک لازم کیرکه ، حادثاتی حاصل ایدن آنانك قدرتی بو حادثات ایله بیتوب توکنمز . شوآنده اوطورمق ایستیورم و فی الواقع اوطوریورم : فقط بو یکی حاله کلدیم می اوحالدن چیقابيله جکمی وباشقه بر حال حصوله کتیره بيله جکمی و بونی ده ترك ایده بيله جکمی حس ایدیورم : بن هر نه ایسه ام اویم ، فقط ده ا باشقه بر شی اوله بيله جکمی ده حس ایدیورم . قدرتم ، حدودینی کچدیکی حالك اوستندن مستقبه قدر امتداد ایدر . بویه اولماسه ، صانکه غیر متحرك و حال حاضر ام ایچنده طوکمش اولوردم ، شعورمک تیین ایتدیکی تغیرك حصولی غیر ممکن اولوردی .

علت مفهمله علم ابتدائی . — علت مفهومی ده جوهره وقوف کیدر : یعنی بو وقوف دخی یالکز تجربه داخلیه دن مشتق اوله بیلیر ؛ حواس اونی بزه بیلدیرمکدن عاجزدر . بر علت کنديسنك غیری اولان و « اثر » effet تسمیه اولنان برشینك حصوله کافی بر طاق ، بر قوه مؤثره در . بو نقطه حقنده هیرم Hume ك یابدینی تحلیل تماماً قطعیدر . تجربه خارجه بزه یالکز شئون و حادثاتی یعنی تحقق ایتک اوزره اولان ویا تحقق ایتش بولنان شیرلی عرض ایدر ، اونلری موقع فعل و تحققه چیقاران قدرت قارشیسنده هیچ بروقت بولندیرماز ؛ یالکز توالی ایدن ، یکدیگری تعقیب ایله بن بعض حادثاتی ارئه ایدر . عجباً بونلرک مؤخر اولانلری مقدم اولانلردن بونلرک حائز اولدقلری بر تأثیر سائقه سیله می نشأت ایدیورلر ، بونی بزه خبر ویرمز . ایشه حرکتده بولنان بر بیلاردو یووارلاغی ، بو یووارلاق باشقه بر یووارلاغه چارپه رق آتی بولندینی حال سکونتدن چیقاریور : حواس یکدیگری تعقیب ایدن یالکز ایکی وقعیه ادراك ایدر ، کوزلرمز ، نه قدر کوتلی اولورسه اولسون ، برنجی یووارلاقده ایکنجی یووارلاغك حرکتنی ایجاب ایده بيله جك قدرتی کشف ایتکدن هر وقت عاجزدر . عمومیت اوزره ، اثر علتك تماماً غیریدر و اشایی بزه عرض ایدن تجربه او شیرك احداثه مستعد اولدقلری اثرلری بزدن کیزیلور : بر نهرك صوینه یالکز با مقفه او نهرك ، ایچنه دوشن بر آدمی بوغه بيله جکی آکلاشیه بیلیرمی ؟

تجربه داخلیه باشقه درلودر . *مره در بیرامه* Main de Biran چوقدن اونی کورمشدی . بوفلسوفه نظراً علت مفهومک منشائی جهد محرک احتسایدرد . قبولی تحریک ایتکه چالیشدیغ وقت ، ووجودمک بر توترندن صوکره قولم حرکت ایدنجه یالکز حادثه متعاقبه یعنی بر جهندن جهد و اقدام ، دیگر جهندن قولمک حرکتی مشاهده ایتیورم : حرکتک طوس طوغری جهدمدن ایلری کلدیکنی ، و بونک علت مولده سی ، مبدأ موجی اوجهد اولدیغی ده حس ایدیورم .

بونظریه من جهته طوغری اولمقه برابر ناتمامدر . علت احتسائی جهد محرکدن یعنی جهد مؤثردن زیاده بالذات جهندن نشأت ایلر . بر فعلی مراد ایتدیکم آمده بیله ، اوفعلک عدم حصولی نافله در ، زیرا کندمده اوایشی حصوله کتیره بیله جک بر قدرت حس ایدیورم : حقیقت حالده ، اثر یوقدر بونکله برابردها اول نوعاً وارد ، زیرا بو ذی حیات و ذی شعور فعالیت و قدرت ایچنده محصور و مستحضر کیدر ، بوفعالیت و طاقت ایسه بنم بنلکمدن عبارتدر . بناء علیه ، علت مفهومی یالکز فعلک اجرایی اثناسنده ادراک ایتش اولمایورم ، فعللردن اول دخی وجودمک مستقبله طوغری اولان توترقوانیسندن Tension dynamique استنباط ایدیورم .

شوراسنی ده علاوه ایتک ایجاب ایدرکه ، علت مفهومی تجربه داخلیه دن بو صورتله استنباط ایتدکدن صکره بزبالطبع خارجه ، اشیایه ده نقل ایدرز . ایسته بونک ایچوندرکه چوجوق اولسون ، اسکی زمان انسانلری اولسون ، بتون طبیعتی جانلاندیرلر و هر بر حادثه نك آرقه سنده ، کندیلرنده حس ایتدکلری قوته آچوق مشابه بر قوت تصور ایدرلر ؛ ینه بوکا بناء درکه متماً دیار بر برینی تعقیب ایدن ایکی حادثه کوردیکمز وقت ، تماماً انفسی اولان و منشائی روحی اولدیغی شبهه دن وارسته بولتان بر تمایه استناداً ، برنجی حادثه نی ایکنجیسنک علی صایمغه و اوته کنک دیگرینی ایقاعه مقتدر اولدیغی تحیل ایتکه میل ایدرز .

غایه مقصوده علم ابتدائی . — شعور بزده « علت فاعلیه » مفهومی ویرر ، « علت غائیة » نمونه سنی ده تهیه ایدر . علت غائیة مقصود اولان غایه ، قوددن فعله ایصال ایدمک ایسته نیلن مفکوره در . شویله که شا کرد اوکرنمک ایچون ، تاجر زتکین اولمق ایچون

چالیشیر : معارف و ثروت بر « علت غائیة » و یا بر رگایه در . اتمدی بوتصور بزه تجربه خارجه ایله کله مز . حواس شیلرک نره دن کلدیکلرینی بزه سویه میور ، او شیلرک متوجه و ساعی اولدقلری غایه یی ده بزه کوسترمز ، حتی اونلرک برغایه ساعی اولوب اولمادقلرینی بیله خبر ویرمز : یالکز بعض شیلرک دائماً بربری آردنجه « تعاقب » Succession دیگر بعض شیلرک هپ برلکده ویا معاً حصوله کلدیکنی Coexistences « معیت » کوسترمز ، فضله برشی کوسترمز : بزم بوکا علاوه ایتدیگمز هرشی کندمزدن صادر اولیور . فی الواقع علت غائیة یی تصور وادراک ایده بیلیمکلکمز تجربه داخلیه سایه سنده در . هر نه وقت فعل ایدیور ایسه ک ، بر غایه مز وارد ، قوه دن فعله چیقارده جق بر مفکوره یی مراد ایدینرز : او اولماسه ، اصلاً فعل ایتیمز . بوضورتیه افیالمزک سبی اولری ایقاع ایدن فعالیتمز اولمله برابر ، بر سببی ده بالخاصه طالب اولدقلری غایه در ، که بوغایه اولماسه حالات مختلفه مز وقوعه کلزدی . (۱)

بناءً علیه غایتده دخی مسئله عایتده اولدینی کیدر : یعنی هرشیده بر غایه تصویری نفسمزنک تجربه سندن حاصل اولدینی حائده ، بونی ده خارجنده کی اشیاه تشمیل ایدرک اعیان موجوداتک بر قانونی عد ایلرز .

أنا نك و احدیتی ، عینیتی ، دیمومیتی — هپی بوتقدر دکل . أنا بزه بعض نعوت معینه ایله کورینور . بونلرک برنجیسی واحدیتدر . شهسز أنا نك قواسی چوق ، عملاتی مختلف وهران معروض تنوعدر : فقط أنا اساساً بردر ، اونك واحدیتی مطلقدر ، غیر قابل انقسامدر . علوم ریاضیه متخصصی هیچ طور مقسمزین واحددن بحث ایدر ؛ فقط بو واحد پك قاریشیق اوله بیلیر والی مایتهی تقسیم ایدیله بیلیر . اشیای خارجه ، مثلاً بر یغین طاش بزه واحد کورینور بونکله برابر او طاش یغینی کثیردر ، وائی تشکیل ایدن عناصرک هربری کذاک کثیردر . بتون بونلرده ، اعتباری وجعلی بر طاقم واحدلر وارد . فقط أنا نك واحدیتی تماماً بسیطدر ،

(۱) بونك انچوندر که اسطرطو علت غائیة علتک علی دیردی ؛ واقعا علت فاعلیه ، بلا غایه اوسه فعل انجزدی .

غیر قابل تحلیلدر ، ناقابل انقسامدر : بو واحدیت بالذات واحدك انمودجیدر :
 آناندر ، کندیسنه مخصوص قوانك بر طاقنی ، مثلاً مفکره‌نی ویا اراده‌نی رفع
 ایدکز « قالان شیء أنا دکلدر » .

مرور زمانك کندیسنه بر تأثیری اولمایان وعلی‌الدوام بر حالده بولتان شو
 واحدیت ، عینتدر . شبه‌سز آنانك ایچنده متمادی بر صیوروت devenir وارددر ؛
 تکیفاتی سکر ، اذواق دکیشر ، قواسی باشقه شکله کیرر . بونك نه‌اهمیتی اوله‌بیلیر ؛
 بتون بو تقلبات اوکا تأثیر ایتمز : اك اوزون واك متنوع عملیات آرسنده ، زمانك
 آوان مختلفه‌سنده او کندیسنك هپ عینی‌شی اولدیغنی حس ایدر ، ماضیدن حافظه
 ایله یتیشه‌بیله‌جکی آنه قدر بونی هپ بویه‌بیلیر ؛ والحاصل « أنا » کندیسنك هپ
 کندی اولوب باشقه بر شخص اولدیغنه واقفدر .

أنا کندیسنده دیمومیت اولدیغنه‌ده مطلعدر . شبه یوق‌که ، شئون نفسیه‌ده
 حادثات کونیة خارجه کیدر . یعنی ظهورلری ، درحال زائل اولوق ایچونددر ، بو
 حادثه‌لر ارتق موجود اولیان ماضی ایله هنوز موجود اولیان استقبال یننده ناقابل
 فهم وادراك بر خط فاصل کیدرلر ، فقط أنا علی‌الدوام باقیدر ، هر تکیفه فوت
 اولوب یکیدن دیرلمز ؛ أنا بتون حالات فانیه‌سی آرسنده دوام‌ایدر ، کندی حضورنده
 هر وقت کندینی بولور ، والحاصل أنا دائمدر .

ایشانك واحدیتی ، عینی ، دیمومیتی بالذات آنایه مخصوص اولان واحدیتك ،
 عینیتك ، ودوامك بر خلاصه‌سیدر . نفسمرك خارچنده ، طاش ییغینی بر کثرت
 مطلقه‌در : اونك بر اولسی مفکره‌نك بر فعل ترکیبسی سایه‌سنده‌در ، وحد
 ذاتنده بو فعل دخی نفس ناطقه‌نك وحدت اصلیه‌سی ایله ممکندر . كذلك اونك
 عینی اولسی ، اونی حافظه سایه‌سنده طانیه‌بیلدیکمزدن دولاییدر ؛ فقط حافظه‌نك
 مشروط لهی بزم کندی عینتمزددر ، واونك بزه دائم کورنمی نفسمزده بلا
 واسطه حس ایتدیکمز دیمومیتی اونده ارتسام ایتدردیکمزدن ناشیدر .

أنا نك انسانی . — والحاصل ، ادراك خارجی ادراك داخلی ایله مقایسه ایدیله‌جك
 اولورسه ، ادراك داخلیده ادراك خارچیدن فضله بر شیء بولندی کورینور .
 حواس یالکزر وقایعه ، تکیفاته یریشه‌بیلور : اگر ذاتمرك خارچنده وحدانك

آرقه‌سندده دها درین بعض اعیان موجوداتک بولدییغنی فرض ایدیورسهک ، بو فرض ناقابل تحقیق بر استقراءدر : موجودات خارجییهی بز حس ایتمز ؛ یالکز اونلرکی کیفیات وصفاتی بزم ایچون قابل فهمدر ، زیرا اونلر هنوز بزدن باشقه بر شیء دکلدر . فقط ، بونک عکسنه ، نفسمزه انفاذ نظر تدبیر ایتدیکمز وقت ، یالکز ضمیرمزه سکن تکلفاتی ، شونی حس و مشاهده ایله قالمایز ، ایچمزه بر وجود ذی حیاتک ، بر حقیقت مشخصهک ، بر فاعل حقیقیک ، یعنی اُنَا نَک بو- لندیغنی ده درحال فهم ایلرز ؛ وجودمزی حادثاتدن استنباط واستنتاج ایتمورز ، بو استنتاج اولماسه ، بزده کندی نظریتمزه نوعاًما موجودات خارجیهدن برشی اولوردق ، فقط بز هر حادثهده کندمزی حس ایلرز . شبهه‌سز، اُنَا نی تحس intuition یعنی اُنَا نَک وارلغنه حصول عرفان شعورک برحال معنی اولقسزین وقوع بولماز : وارلغنی اولمایان بر شیئی ادراک ایتمز اولمایورز ؛ فقط هر بر حادثهک تحسیده اُنَا نَک تحسینی وقوع بولقسزین حصوله کلز : وقایع بزه ییابجی دکلدر ، بونلر بزم تاریخمزدر ، تکامل وترقیتمز ایچنده بالذات نفسمزدر (۱)

اُنَا نَک وارلغنی حقیقهکی بو احتساسلر درجانه منقسم اوله بیلیر : درین برمراقبه انسانسده اولدیغنی کجی ، آز چوق ضعیف ، مبهم اوله بیلیر ؛ فعالانه برعزمده اولدیغنی کجی متهیج وشدید اولماسی ممکندر ؛ فقط بو طویغو هیچ بر وقت بزدن آیرماز بز هر وقت بئلکمز طویارز، وارلغمزه وبونی تقویم ایدن نهایتسز فعالیتشه شعورمز لاحتدر . بو احتساس بسیط ، غیر قابل تنزیل ، غیر قابل تحلیلدر ؛ کذلک ابتدائیدر ، بو سببله هیچ بر عملیهی اقتضا ایتمز ؛ ینه بو سببله علی الاطلاق غیر مخطیدر . بو احتساس ، اک متنوع تحسسات ایچنده مندمج ، محوی تحسدر ، شعورمزدن مرورایدن حادثاتدن هر برینک عنصر غیر مفارقیدر ، صانکه منکردهک تمیز ایتدیکی حالاتک نوعاًما اوزربنه کلوب ترسم ایتدیکی مشترک آراج frame در.

اُنَا نَک انسانی و فکر اُنَا . — اُنَا کندی طویار: فقط کندیسنی محیط اولان شیلری نه وجهله طانیق ایسته‌رسه ، کندیده طانیق ایستهر . بناءً علیه، اُنَا نَک

(۱) بو اعتبارله ، اُنَا یه هم مختلف و متحد ، هم متوالی و هم مستمر ، هم کثیرهم واحد ، هم موجود هم متغیر ، هم جوهر و هم عرضدر دینه بیلیر .

هر آن‌کندی وجودی حقنه مالک اولدینی شخصی طویغوی ، بالذات کندیسنی موضوع تتبع اتخاذ ایله کندی حقنه حاصل ایتدیکی « فکر » مجرددن تفریق ایتک مناسبدر . بو فکر آز چوق بر قدرت ذهنه صرفنی استلزام ایدن بر بنای مخلوط ، بر محصول مؤخردر؛ بو بنانک انشاسنده قولانیلان لوازم انشایی مختلف ومتعدددر . فضل اوله‌رق ، هر بر معرفت بشریه کبی ، اوده آز ویا چوق صحیح ، کندی موضوعنه آز ویا چوق مطابق اوله‌بیلیر؛ والحاصل اشای خارجیه‌نک ادراکنده واقع اولدینی اوزره ، اوندۀ آزچوق حائر اهمیت بر طاقم انتظامسزقلر وضالئلر وقوع بوله‌بیلیر .

فکر انا وانا . — فقط شوراسی ایجه آکلاشملیدر: انا‌نک فکرینه مخصوص خصائصدن بو فکری حاصل ایدن انا‌یه مخصوص اولان خصائصه حکم اولماز ، برده انا‌نک فکری حقنه طوغری اولان بر شیئی انا‌نک کندیسنه تطبیق ایتک ، بیوک بر التباس ارتکاب ایدلمدکجه ، ممکن اولماز.

انا‌نک فکری ، قاریشیق بعض مالزمه‌نک وجودینی اقتضا ایدر. فقط بالذات انا ، شئونیۀ *phenoménistes* (۱)‌نک مدعاسنه رغماً احساساتدن مؤلف بر مجموعه ، بر سلسله دکدر ، زیرا بر مجموعه‌ منتخبه ، بر سلسله آنجق حد *termes* لرك یکدکری ایله برلشمش اولمالریله امکان پذیر وجود اولور ، انا ایسه رابطه‌نک کندیسیدر. فکر انا بر محصله‌در: فقط انا کندی شئونک محصولی دکدر، زیرا اونلردن اول موجوددر ، اونلره حاکمدر ، اونلرک جمله‌سندن ده‌ا واسعدر : انا مالک اولدینی فعالیت ترکیه‌سیله ، موجود اولمق میلی ایله او احساسلرک مشخص رابطه‌سیدر ، اونلری طویلایوب تنسیق ایدن وجهه‌سنی عینی بر تاریخک وحدتیله برلشدیرن انا‌در . انا‌نک فکری یا کلش ، وهمی اوله‌بیلیر : فقط بوندن بالذات انا‌نک‌ده بر وهم وخیال‌دن عبارت اولدینی نتیجه‌سی چیقاریله‌ماز : انسانک کندی حقنه آلدانسی ، کندی فنا طانیاسی ایچون ، وار اولمق وکندی وارلغنی صحیحاً حس ایتک لازمدر . (۲)

- (۱) شئونیۀ : معرفت بشریه‌نک یالکز شئون وحوادثه تعلق ایده‌بیله‌جکسه قائل اولان ذهب فلسفیدرکه ایده‌آلسم ایله چوق وقت قاریشیدر.
- (۲) انا‌یه یالکز انا‌نک فکرینه چسبان اولان اوصافک اسناد اولماسی شئونیۀ

فکر اُناتک عناصری، قوا . — بو تقدیرده اُناتک فکرینه داخل اولان عناصر نلردر ؟ بونلر متعدددر . بو عناصر اول امرده بعض قوا ویا ملکاتک تصور واستحضاریدر . بن اولا کندمدن بحث ایتدیکم وقت حس ایتمکه، دوشونمکه، اراده ایتمکه مستعد بر موجود حقنده بر فکره مالکم دیمکدر . فقط عموم انسانلره عائد اولان بو قوه لرك بنم عندمده باشقه بر رنکی ، خصوصی بر نشانه‌سی واردر ؛ بنم تمایلاتم ، بنم احتیاساتم بکا مخصوصدر ، کذلک بن اشخاص واشیائی کندمه خاص بر طرز خصوصیده حکم وتمیز ایدرم، بن کندمه خاص افکار واعتقاداته مالکم ؛ بالخاصه باشقه‌لری کبی ایسته‌م ، کندمه مخصوص بر طرز حرکتیم واردر . بونلرک هپسی بکا خاص بر سیای مغنوی‌یه، بنی بتون باشقه‌لرندن آیران بر « خصیصه » یه مالک اولمقاغه سبب اولور .

عضویت. — بوندن صکره عضویتیمز یا خود بدنمز حقنده کی فکر کلیر . بزم اُنامز اول امرده بزم ایچون منحصرأ روحانی بر وجود دکلدر ، فقط هم روحانی وهم جسمانی بر «کل طبیعی» در . کندیمیزی بدنمزله قویأ مربوط حس ایدیورز، بونی ایچمزدن ، حاسه حیویه sens vital ایله ادراک ایدیورز . بدن فعالیتمزک محل تطبیق‌در، اشای خارجی‌یه تبدیل وتغییر ایتمکلکمز اونک واسطه‌سیله‌در . بوسیلره مبنی بدن حقیقه ذاتمزک بر جزئیدر . لسان عادی‌ده بونک بویه اولدیغنه شاهددر . زیرا « دوشونیورم » ویا « ایسته‌یورم » دیدیکمز کبی « ییویورم » ویا « بیویورم » دخی دییورز .

شعور و حافظه : فکر اُناتک تغییرانی . — بوندن باشقه اُنا ، شعورمزک حالأ بره استحضار ایتدیک شئونک دکل، فقط ماضیده بکن وحافظه معرفتیله محفوظ بولنان شئونک دخی هیئت مجموعه‌سیدر . بو مسئله‌ده دخی، کندی ذاتمز حقنده ایدینه بیله جکمز

Phénoménisme طرفدارلرینک خطاسیدر : بو ذهاب ، صورت مستحضره ایله او استحضاری یاپان جوهر نفسی بر برینه قارشیدریور : حالبوکه اُناتک فکری ایله اُنا ، بر او پلانی ایله اولی انشا ایدن معمار کبی بر برندن آیریدر . شئونیه طرفدارلرینک اثبات ایتدکلری و «هویت معنویه انسانیه‌نک ایکلیشه‌سی dédoublement de la personnalité» دیدیکلری حالات مرضیه ، اُنا حقنده کی تحلیل و مجرد بیلکی خطالریدر . (فوبیم نک la Liberté et le Déterminisme عنوانی اثرنده بوکا دائر ایضاحات واردر) ، دعا زیاده مابعدالطبیعه‌یه عائد اولان بو مسئله مهمه حتنده بوراده تفصیلاته کیریشه‌میز .

فكرك فعلاً اولديغمز شيدئ مطابق اولماديغنى كورمك قولايذر: زيرا كچمش اولان حياتمزدن يالكز بعض رابطه سز اقسام قالمشدر: قسم متباقيسى تماماً بحر نسيانده غرق و نابديد اولمشدر، ديكر بر جهتن، اكر بزه عائد اولان بر چوق و قايسى اونيده بيليرسهك، بوكا مقابل، بزه عائد اولمادقلى حالده منحصر آنجيه مزه شدتله تأثير ايتمش اولمالرى سبيله، و هر وقت حافظه نك نقصانلرندن دولاي، ديكر بعض وقايع و حادثاتى تاريخ حياتمزه ادخال ايده بيليرز. بو صورتله كتابلى اوقومش اولان بر طاقم سياحتلرك حقيقه اجرا اولمش اولدينى ظن اولتور. حتى كندى تاريخ حياتنك باشقه بر شخصك تاريخ حياتيله قاريشديريلوب كنديسنك فلان ويا فلان شخص اولديغه قناعت حاصل ايدلسى و كندى قناعت وجدانيه سنه كوره حركت اولنماسى قابلدز: مثلاً تيمارخانه لرده برى كنديسنك مسج، ديكرى ناولتور اولديغنى سويلر. بوندن باشقه، حافظه نك غير مصاب قالدنى حالده، احساسات جديده نك بعض احوال دولاي سبيله بر صورت عميقه ده تحول ايتمش بولنماسى قابل اوله بيلير: او وقت موجود كنديسنى طانيماز، او احساسلى كندى اسكى قابليتلىنه، عمومى مزاج و استعدادينه اسناد ايده مز اولور، وارلىنى اورتادن قالمش ويا باشقه بر شكله كيرمش اولديغه قولايجه ذاهب اولور: بوندن دولايدير كه اويله بر كيمسه كندى حقنده مع المنونيه: «بن آرتق يوغم» ويا «بن باشقه بر كيمسه يم» ديمكه باشلار.

ادراك داخلينك كافه اوهامى كوسترييور كه آنانك فكرى نفس ناطقه نك قاريشق بر انشاسيدر و حقايق اشيا ايله نادراً مطابقدر. بو اوهامك بوندن باشقه هيچ برشئ اراه ايتديكنى ده علاوه ايده لم؛ آنانك احساساتك بر محصله سنى اولديغنى و اونلرك بالجله تقلباتى تعقيه محكوم بولنديغنى ادعا ايتك ايچون هيچ بروجله اوهام مذكوره وزرينه اسناد ايديله مز. آناناربخ حياتى باشقه برينك تاريخ حياتى ايله قاريشديره بيلير، فقط بو خلطى ياپان انا كندى حس ايدر، كندينه شعورى متعلقدر؛ «بن آرتق يوغم» ديمسى ايچون اولجه موجود اولديغنى در خاطر ايتسى و حالا موجود بولنديغنى حس ايلسى ايجاب ايدر؛ «باشقه» اولديغنى سويلسى ايچون اونك حال حاضرندن و ماضيسندن خبردار بولنماسى و كنديسنك عىنى اوله رق قالمش اولماسى اقتضا ايدر. آنانك معرفت تحليليسنده ظهور ايده بيله جك انتظام سز قلر بالذات آنانك حقيقت فعليه سنه و آنانك

کندی حقیقت فعلیه‌سی حقنده بنفسه حاصل‌ایتدیکی احتساس علمینده هیچ برشی^۱ یاپه‌ماز. [۱]

مستقبل اُنانك ذهناً تصویری . — نهایت ، فکر اُنایه عنصر اوله‌رق مستقبل اُنانك تصویری‌ده ادخال ایتك لازمکلیر . شیمدی نه اولدیغمیزی وچکمش زمانده نه ایدو کمزی بیلیمکه اکتفا ایتمه‌رك ایلروده نه اوله‌جغمزك خطوط اصلیه‌سنی‌ده قوّه‌یخیله امدادیله چیزرز . بر چوق اشخاصده بو مفکوره لطیف بر رؤیا، تماماً معنوی بر تلقی خفیفدر ؛ بالعکس دیگر بعضلرینده شعورده کولکشره‌رك حیاتك « فکر مدبر » ی‌کی اولور . بونقطه نظرده ، اُنانك هم بر امر واقع، هم بر فکر اولدیغنی سولك صحیحدر . امر واقعدر ، زیر وجودی واردر ؛ فکردر ، زیر اکثریا کندندن ده‌ا زیاده‌کندی اولان بر مفکوره‌یه ساعیدر ؛ ویا ده‌ا طوغریسی « امر واقع » اولغه چالیشان بر « فکر » در : اُنا برشی دکلدر . بر ترقیدر ؛ اُنا واقع دکلدر ، بالعکس وقوع بولمقده‌در، هیچ طور مقسزین ایلری‌یه کیدرك واقع اولمقده‌در .

کنری کنریکی طانی . — فکر اُنانك تشکله مقتضی اولان قاریشیق عملیات و مالز مه‌نك جمله‌سی کوریاور ؛ بناءً علیه بو فکر نیجه عارضه‌لره معروض اولدیغنی کبی هر بریمزك کندی حقنده بر عرفان صحیحه مالک اولماسنه ده‌ا چوق ایستر . نیجه کیمسه‌لر کندیلرندن خبردار دکلدردر : بوللر اشیا‌ی خارجییه تماماً مجلوب ، دنیا ویا ایشلره طالمش اولدقلرندن محکمه وجدانلرینه نادرأ مراجعت ایدرلر و نهایت چوق حکمه‌دن بوکا عائد و ساطی‌ده غائب ایلرلر . تأمله ده‌ا زیاده آلمش اولانلر بيله کندیلرینی نقصان بر صورتده ادراك ایدرلر و کندی اُنالری حقنده بر صلون کولکه کبی بر فکرلری ، ناتمام و متغیر بر خیالاری واردر . اُنا حقنده بر فکر صحیح تحریمی نازك بر ایشدر ، زیرا معرفتك متعلق ایله جوهر مدرك بر برندن آیری دکلدر . هله، اشیا‌ی خارجییه موضوع بحث اولدیغنی وقت ، عزت نفس ایله احتراض ایشه نه قدر زیاده قاریشمش ایسه ، اوللر حقنده ایدینه‌بيله جکمز وقوف حقیقتدن او قدر زیاده آیریلیر : بو تقدیرده بزه او قدر عزیز اولان و کندیسنی تماماً بی طرف بر کوزله و به یقمه‌ك تعبیری وجهله بالعموم احتراضات بشریه‌دن

[۱] بوقاریده « اُنا » ایله « اُنانك فکری » آرمه‌سند قویدیغمن فرقه باقلماسی .

عاری اوله‌رق کورمه‌من غیر ممکن بولان بو «أنا» موضوع بحث اوله‌جنی وقت نه‌لر اولماز .

نهایت ، ایچنده یشادیغمز هیئت اجتماعیه‌نک أنامزک فکرنده حصوله کتیردیکی تغیری اونوتمايه‌لم : بزم کندی غندمزده ، فی‌الاصـل اولدیغمز حالده بولنمازک اکثریا بزجه اهمیتی یوقدر . اصل مهم اولان شیء باشقه‌لرینک کوزینه ، اولدیغمز کبی کورنمه‌مکلکمز ، ویا اونلره اولمادیغمز کبی کورنمه‌مزدردر : بزدها ایی ، دهافداکار ، دهاعالیجناب وبعضاده (فارفارالق اوله‌رق) دهافنا ، اخلاقی دهابوزوق کورونمک ایسترز . بعض آقتورلر واردرکه صحنه اوزرنده فلان ویا فلان شخصک رولنی اوینادقدن صکره عاقبت کندیلرینه اوشخص سوسنی ویرر ویا اوکیمه‌نک حسیات وافکارندن برشی قاپارلر : بز دخی مقامنده کورنمک ایسته‌دیکمز شخصک حقیقت حالده کندییسی اولدیغمزه آز زمانده ذاهب اولورز . ویا باشقه‌لرینی آلداتمی ایسته‌دکدن صکره نهایت کندمزده بوکا آلداتمش اولورز .

خلاصه کلام ، بر چوق اسبابه بناء کندی حقمزده حاصل ایتدیکمز فکر حقیقت حالده اولدیغمزدن هر وقت آز چوق فرقلیدر ، و حکمای قدیمه‌دن مفراطک « کندی کندیکی طانی » جمله حکمیسه‌نه معارف بشریه‌نک موضوع یکانه‌سی نظریله باقیله‌سیله جکنی تکرار ایتمی بوش دکلدر .

ادراک دایمینیک ضروری . — ادراک داخلی بزى کندی أنای ذاتیمزک مواجهه‌سنه قویار : اونک بوندن ایلریه کیتمدیکنی‌ده علاوه ایتلیدر . اول امرده شعور اشای خارجییه یتشه‌میوب ، یالکیز اونلرک کندیسنده حصوله کتیردکلری تکیفاته مطلع اوله‌بیلیر . کندی بدن خاصمز حقنده ده زیادده شعورمز یوقدر ، شبه یوق که بدنک بزم اوزرمزه اجرا ایتدیکی فعلی ویا بزم بدن اوزرینه اجرا ایلدیکمز تأثیری حس ایدیورز ، یعنی حقیقت حالده ینه انجق کندی ذاتیمز حقنده شعورمز واردر . سوزک قیصه‌سی ، مطلق حقنده شعورمز اولدیغنی ادعا ایدمه‌یز : شبه‌سز ، بز کندمنی اضافی ، محدود ومقید حس ایدیورز ، بو کیفیت ایسه نامتناهی واکمل بر موجودک حضورنده بولنمقلاغمزی استلزام ایلر : فقط بالخاصه مطلق اولمادیغمز جهته مطلق حقنده شعورمز اوله‌ماز .

تطبیقات عمایه . — معرفت نفسک فائزده‌لری ، اعتماد نفس . — کچن درس‌لرک بریسنده ، چوجقده تأمل ملکه‌سنگ ایقاز ایدلسی الزمیتی بیان ایتش ایدک . بوراده اوندن بحث ایده‌جک دکلز ، فقط چوجغک کندی کندی طانیاسنگ ویا هیچ اولمازسه کندی کندی طانیغه چالیشمه‌سنگ حائر اهمیت اولدیغی بوراده سویلیدر . انسان بو عرفان ایلد ناقابل انکار بر طاقم منافع الده ایدر . اولاً کندی دگرینی ده‌ای بیلیر ، کندی قوتلری حقنده ده‌اصحیح بر فکر حاصل ایدر ، صکره درعهده واجرا ایده‌بیله‌جکی شیرلر حقنده ده‌ای طوغری حکم ویرمه‌ک باشلار : بو صورتله بر چوق آلدانیشلردن و آجیلردن کندی صاقمش و دیگر طرفدن ، کندی مزیانه و آتف اولورسه ، عجز و نقصانلری ده‌ای کوریر : بوده اونلرک تصحیح و تهذیبک برنجی شرطیدر؛ کذلک تأمل سایه‌سند قانون اخلاقی حقنده و بو قانونک انساندن طلب ایتدیکی وظیفه‌لر حقنده بر فکر واضح ایدینیر. سَنَک Sènèque کچی بر چوق حکم‌او یا فرانفرد Franklin کچی بعض اخلاقیون « محاسبه نفسی l'examen de conscience » پک زیاده‌مدح و ثنا ایتشلر و بونی‌کندیلری تطبیق ایتشلردر . [۱] بو، اول امرده اصلاح نفس ایتک آرزوی کریمانه‌سنی اثبات ایدن وینه او آنده فضیلتجه ترقی ایتش اولق ایچون بر شرط مؤثر اولان بر طریقدر .

فقط باشی آلمش بر انسان حقنده بو بویله اولورسه چوجق ایچون‌ده عینی حال نه‌دن اولماسون؟ چوجغک‌ده کندی قوتلری بیلمسی ، کندی نفسنه براز اعتماد ایتسی ، نیت ایتدیکی و فقط مشقتی مستلزم بولان بر ایشی یا یمنه کندی مقتدر کورمسی لازمدر . چوجنی حرکت کتیره‌جک و تقویه ایده‌جک بو اعتقاددر : چوجق کندی قوتلرینه مطلع اولورسه ، بونلری دمه‌مه‌ک باشلار ، قوللاندقده بو قوتلر بیور ، و نهایت ایش‌ده بیتمش اولور : هرشیده ، بیوکده و کوچکده « طاغری دویره‌ن » ایماندر ؛ انسانه جسارت و یرن و موفقیته ایردیرن ایماندر . ایدمی چوجغک کندی حقنده اچی بر فکرده مالک اولماسنه ، کندی کوچک جرأتلرینک قیرلما‌ماسنه ، کندی قنادلری ایله اوچاسنه مساعد بولمالی‌یز : بوسایه‌ده اوکا بر

[۱] بزده صوفیه حضراتی و اخلاق علماسی‌ده بو طریق شدتله توصیه ایدرلر .

(مترجک)

چالم کلهرك امید ایتدیرمش اولدیغی شیئه لائق اولمى ایستهر . شاید کندیسنه پك فضله بر قیمت بیچهك اولورسه ، بووهمنی ظالمانه بر صورتده ازاله ایتیهلم: بویه یاپیلیرسه بزمده اونى کندی ظنی کبی ظن ایتدیکمزه ذاهب اولهرق جسارتی قیرلامش اولور : فضله اولهرق، کندی حقنده حاصل ایتمش اولدیغی فکر کندیسنه تأثیرده دوام ایده جکندن ، کندیسنى اوکا بکزه تمکه چالیشیر وبو خیال کندیسنك طبعی اوزرینه مساعد بر تلقین اجرا ایلر .

تواضع واحترام . — بوندن مقصد (بدیهدرکه) چوجفك کندی مزیااته خیر اولوبده کندی نقصانلری حقنده کوز قاپامسی دکلدز؛ بالعکس کرک مزیت و کرک نقصانلری بیلیمسی لازمکلیز : برنجیلرینی بیلیمسی اونلری بیوک بردقت ایله محافظه ایتک وتزیدینه چالشمق ایچون ، دیکرلرینی بیلیمسیده اونلردن قورتلق ایچوندز . چوجفك کندی نه پك آلاتماسی نه ده بالا پرواز اولماسی اقتضا ایدر . بوتقدیردهده نتیجه قادز . چوجوق ، کندی بکنیر کوچوچك وجودی دیو آینه سنده کورهرك قورولمغه باشلارسه ، چوق کیمکسزین معلملری ویا ابونی طرفدن وقوع بولهجق اخطاراتی دیکله مامکه باشلار . اونك فضیلتی تواضع ، احترامدر . چوجوق هنوز پك تجربه سز اولدیغی ، هر درلو نقصانی و باشقه لرینك ده زیاذه مزیتلری ، ده چوق عقل و حکمتی ، ده فضله علمی اولدیغی ؛ بناء علیه کندیسنه ویریلن نصیحتلری رد ایتیمسی ویا آنلری اوزون اوزادی به مناقشه ایلیمسی ویاخود او اخطاراته قارشو صبرسز کورنمه می ، بالعکس اونلری حس متداری ایله تلقی ایدهرك اخطارات مذکوره دن مستفید اولماسی کندی یاشی اقتضاسندن بولدیغی کندی نفسنه سولایدز .

چوجغه کندی قباحترلرینی حس ایتدیرمکدن ویا اوکا عیبلرینی کوسترمکدن قورقاملی یز . فقط اوکا عینی زمانده اونلرك نا قابل تدای اولمادقلرینی، ایسترسه اونلردن خلاص اوله بیله جکنی آکلاتمالی یز ؛ بونك کبی اونى هر درلو حقارت وذلتن اسیرکه ملی یز ، اصلاح نفس اوغورنده صرف ایده جکی مساعی به قارشو حساس اولمی یز .

ادراک ، قابیلترک تعینی : مسلک انتخابی . — هپسی بوندن عبارت دکل: محاسبه نفسک ده از حائر اهمیت اولمایان باشقه بر فائده سی واردر . بو کونك

چوچنی یارینک ارککی ، اهل وطنیدر؛ تربیه نك غایه سی اونى هیئت اجتماعیه ده وظیفه سنی حسن ایفا ایده جك، ابنای جنسنه مفید اوله جق بر حاله قویمقدر : انجق اونده طبیعت خصوصه ، بر مجموعه اذواق، بر طاقم معین قابلیت لر واردر . بونك ایچوندر که چوجغه کندی نفسی کنیدلکندن تنبع ایتسنی اوکره تمك ، کنیدینسك هانکی جهته اك زیاده قابلیتی اولدیغنی تمیزه موفقیتانی تأمین ایتکدر . چوجق بو جهته سانك اولورسه اك زیاده خدمت ایفا ایده بیلیر، باشقه لرینك سعادتلرینه خدمتله کندی ده اك زیاده مسعود اوله بیلیر .

بعضی ابون واردر که مشروع اولدیغی شبهه سز اولان بر احتراصك سوق ایله ، چوجقلرینك ذوق و هوسلرینه مطابق اولوب اولمادیغنی تدقیقه بیله حاجت کورمکسزین کنیدیلرینه ده شرفی و یادها کارلی کورون بر مسلکه چوجقلرینك انتساب ایتسنی آرزو ایدر لر . چوق دفعه بوضورتله طبیعتی اجبار ایتك پك تهلکه لی اولوب كرك کندی نه كرك چوجقلرینه نیجه کدر لر حاضر لامقدر .

دیگر بعضلری آتی نی ده زیاده دوشونه رك ، چوجقلرینك تربیه سنی حواله ایتدکاری معلم لرله استشاره و تعقیب ایتلری مناسب اولان استقامتی کنیدیلرندن سؤال ایدر لر . فقط معلم اکثرا بر پدرك ویا بر والده نك طبیعی اولان و معذور بولان انفعلانی موجب اولماق ایچون حقیقتی سویلک خصوصنده اظهار تردد ایلدکن باشقه طلبه سندن هر برینك اقتدار و استعدادینی صورت صحیحه ده بیلمکدن امین اوله بیلور می ؛ انسانك کندی حقنده آدناماسی محذوری موجود ایکن باشقه لری موضوع بحث اولدیغی وقت ناصل اولورده بیان فکر ایدیه بیلیر ؛ چوجغك اکثرا فوق العاده بعض غریب حاللری اولور که احتیاط و تدبیری امر ایلر : شمدی یه قدر بعض شیلره قارشى آغیر طاورانیوردی ؛ وسائطدن محروم کورنیوردی ، فقط بردن او یا نوب مراقه باشلار ، چالشیر ، بیوک تر قیلر کوسترد : اکر پك بحله علیه حکم ویرلش اولسه یدی نه اوله جقدی ؟

بتون بونلرک نتیجه سی بالذات چوجغك فکرنی صور مقدر ، اوبلکه هر کسدن ایی کنیدینسی بیلیر ، اونك کنیدینسی هر وجهله کشف ایتسنی ایچون اوزون زمانه احتیاج یوقدر : اکثرا اونك ترجیح ایندیکی شیلر بر آن اول ظهور ایدر و چوجق خیالی اکثرا رؤیا لرینه کیرن مسلکدن باشقه مسلك ایسته مز . اونى کنیدینسندن

سؤال ایتک، استقبالی ایچون الک مفید معلوماتی طوبلامق، کندی کشفیاتنی کن دیسنه یایدیرمق خصوصلری بزه عائددر. چوجفک منفعتنه اوله رق، ابوین ومعلمینک مقرط ک شبانه قارشى اوقدر حسن استعمال ایتش اولدینی بوضعتی براز ودها طوغریسی چوق بیاملری شایان تمیدر: بو اسکی فیلسوف حقیقی یالکیز بالذات روحلردن استخراجه دکل بلکه روحلرکده نه قابلیتده اولدقلرینی کشف ایتک موهبه‌سنه حقیقتاً مانک ایدی: قسرونوفونه Xénophon ک بزم ایچون حفظ ایتش اولدینی «مطالعه طریقه‌سنايه مطالعات» ده مقرط ک ناصل برامیتله ارواحه نفوذ ایتدیکنی، اولری نه اولدقلرینی افشایه ناصل اجبار ایلدیکنی، حقیقی قابلیت‌لری ناصل فیم وکشف ایتدیکنی، برکیمسه ده احتراصات کستاخانه وسیئه وارسه ناصل قلع، دیگر برنده وظیفه ایله قابل توفیق اولیان جرأت ویا ناموسم تردرلر وارسه بونلری ده نه وجهله رفع ایلدیکنی کورمیلدر. شبهه‌سز، بر معلمدن ویا بر پدردن مقرط ک اهائی طلب ایدیه‌مز: بونکله برابر، برچوجفک اقبال استقبالی، هر حالده بتون مدت عمرنجه توجه ایده‌جکی استقامت موضوع بحث اولدینی وقت، بوتدقیقاتک کن دیلرندن طاب ایدلسی پک فضله‌میدر؟

معلم کن دیسنی طانیاسی وکندی کن دیسنی تربیه ایلیمسی الزمینی — معلمک
چوجنی کندی کن دیسنی طانیغه سوق ایتیمی ایجاب ایدرسه، بالذات کن دیسنک ده کن دیسنی طانیاسی الزم اولدیغنی علاوه حاجت وارمی؟ بوبابده بحق شویله دنیلمشدر: «معلمک مطالعه ایده‌جکی ایکی شی وارددر: بری کندی تربیه‌سی، دیگرى چوجقلمک تربیه‌سیدر.» فی الواقع، معلمک بوضورتله کن دیسنی متمادیاً وجداً تدقیق ایتسنده کن دیسی ایچون بیوک بر منفعت وارددر. اول امرده انسانک دیگرلرینک ماهیتنی لایق‌له آکلاماسی ایچون اول بالذات کن دوسنک ماهیتنی آکلامش اولماسی اقتضا ایتزمی وچوجقلمق حقنده بوخصوص بویه ایکن بیوکلر حقنده ده بطریق الاولی بویه اولماسی لازمکلمزمی؟ معلم کن دیسنی تقدیر ایده‌رک اکثریا خیر ایشلمه‌نک، کن دینه حاکم اولمانک نه قدر مشکل اولدیغنی کندی تجربه‌سیله درک ایده‌رک چوجفک ضعفی، قباحترلرینک تکررینی، صبرسزلقلرینی آکلار، اونندن دهآز نومید اولور، وغیر قابل اصلاح اولدینی فکری ایله چوجنی ترک

ایتز . دېكر طرفدن معلم كنديسنه ده نظارت ايدهر ك ، افعال و حركاتك عمومى شته تفيش ايلهرك وظيفهك كندوسندن طلب ايتديكى شريك كافه سنى حقيقه ايفا ايتمش اولوب اولماديغنى ، ايشنى صداقله كوروب كورمديكى ، هر درلو تكبر و غرورى برطرف ايدهر ك وجدانى حقيقه مستريح اولوب اولماديغنى كورر ، كندى حقه ده مشكلپسند اولور ؛ معلم كندى ايچون نه قدر زياده مشكلپسند اولورسه ، او قدر قيمتى آرتار . خصوصيله ، بوترييه شخصيه ، بوغيرت صبورانه سايه سنده معلمك طور و حركتى او امر و وصايسنه ده از ياده امنيتله توافق ايدر ، نمونه امثال اولمده كى قدرتى كسب ايلر ، نمونه امثال اولمك ايسه چوجق اوزرينه تاثير عظيمى واردر : اكر معلم تعليم ايتديكى شريك خلافته احتياط سزجه حركت ايدرسه ، باشقه لرني ياقمقدن منع ايتديكى شيلرى كنديسنك ياپديغنى ، قتيح ايتديكى قصورلره كندى سقوط ايلديكى كورولورسه ، چوجك حرمتنه مظهر اوله بيلمسى غير ممكندر ، زيرا افعال متناقضه سيله اونك وجدانى تشويش ايتشدر ، بو تقديرده ارتق ترييه قابل اولورمى ؛ معلمه عائد وظيفهك صوكى يوقدر : او ، چوجقلر ايچون كنديلرينه توصيه ايتديكى بتون اوصاف مدوحه ك جانلى بر نمونه سى ، اونلرك نظرنده هر نقطه نظرده مذكوره وى ، هر نقطه نظرده على بر آدم ؛ باشقه لرينه مشابه اولمايان بر آدم ، شخصى كنديسنه قارشو محبت و احترام الفا ايدن آدم اولماليدر . بوكا بناء دركه معلمك كندى اكال ، اصلاح ، قصورلرينى اتمام ايلكه چالشماسى لازمدر . معلمك قوه اقناعيه سى ، تاثيرى اخلاقك يوكسكلكى ايله اوليلور ؛ چوجقلره اى - پئمك طريقه ده ، كنديلرينه بالخاصه اى - پئمكى اوكره در .

خلاصه

۱. — ادراك داخلينك آلتى شعوردر . تأمل برطرز معرفت اولوب مسئله اونك نهيه متعلق اولديغنى بيلمكدر .
۲. — تأمل يالكز كيچي اولان و آ ز دوام ايدن حادثه لرى ادراك ايتز ؛ بلكه او حادثه لرى كنديسنه اسناد ايتديكمز بر حقيقت دائمي ده ادراك ايدر . بو حقيقت فعاله انا در . هر بر حالت متأمله انا نك تصويرينه مربوطدر .

۳. — انا شئون نفسیه نك بوصیرورتنه مقایسه ایدلده كده ، بر جوهر در ، یعنی او حالات ك توالیسی آره سنده هر وقت دائم اوله رق قالیر . وشو جوهر فیکرینه مالک اوله بیلیمکلکمز انحق شعور سایه سنده در . حواس بزه یالکز بر طاقم حادثات موقته نك تعاقب وتوالیسنی کوسترر ، اگر بو حادثه یی بر جوهر ك آثار ظاهره سندن فرض ایدیور ایسه ك بونك سبی ذاتمزده ، تکیفات نفسیه مز آره سنده ، باقی ودائی بر موجودك وارلغنی حس ایلدیکمز دن ناشیدر .

۴. — فقط جوهر دیمك علت دیمکدر . انا ایله انا یه مخصوص حالات اره سنده یالکز برنسبت موازنه statique اولمایوب بلکه برمناسبت قوانیه dynamique واردر ؛ انا شئون نفسیه ده کی کثرت وتخلف کنديسندن مشتق اولان طاقت énergie اولمغله برابر اولنرك جمله سنه حاکم اولان حقیقت فعلیه réalité در .

۵. — علیت نمونه سنی یالکز تأملدن استخراج ایده بیلیرز . ادراك خارجی بزه یالکز باشقه حادثه لر دن صکره کلن بعض حادثه لری کوستره رك شو صوك حادثه لرك برنجیلر دن حصوله کلدیکنی خبر ویرمز . (هیرم Hume) (مده ویرانه Main de biran) ه نظراً علیتک وجودندن خیر اولمغله غمز فعالیت محرکه سایه سنده در : قولزی قلداتمق ایسته دیکمز وقت قولزده قالفنجه ، بو ایکی فعل بیننده بسیط برنسبت تعاقبدن فضله برشیئك یعنی نسبت علیتک بولندیغنی حس ایدیورز . احتمالکه ده یوکسکه چیقیله رق بو احتسائی آرزو وحقی اراده یه (حاصل اولان فعلدن صرف نظر) عطف ایتک ایجاب ایدر . — بو وقوف پیدا اولنجه دیگر اشیا یه تشمیل ایدرز : بوندن دولاییدرکه اول زمانده کی انسانلر وحالا چوجقلر بتون طییعی جانلاندیرلر .

۶. — شعور بزه علت فاعلیه ایله برابر علت غائییه یی بیلیرر ، (غایه ، مقصد ، فکرمدر) : حواس بزه بربری آردنجه کلن ویا برلکده وقوعه کلن حادثات وشئونی کوسترر ، فقط بونلرک نه یه ساعی اولدقلرینی وحقی بر مقصد متوجه اولوب اولمادقلرینی خبر ویرمز . بزه کلنجه ، بالعکس ، برغایه اولمق سزین هیچ بروقت حرکت ایتیه ز . قوه اراده مزك تجربه سندن مطلع اولدیغمز بو حالی اوندن صکره اشیا یه تشمیل ایلرر . بوندن باشقه انا کنديسنی حقیقی ، مطلق بر واحد ، وكافسی مفروض ویا او واسطه ایله موجود بولنان دیگر واحدلرک عمومندن مستقل برواحد کی تفرس

ایلر . اُنانك مرور زمان ایله تغیر ایتمه‌سی عینیت وهوتی تشکیل ایدر . شو عینیتی ادراك ایتمک‌کمز ایسه نفس ناطقه‌مزنك دیمویتدن بزى خیر ایلر . اُنا هر حادثه ایله برابر فوت اولوب اوندن صکره ظهور ایدن‌یکى بر حادثه‌ایله یکیدن تولد ایتز . او ماضیدن ، حالی ده قطع ایدرك استقباله متمد ، یعنی دائم اولور .

۰۸ — بناءً علیه ادراك داخلیده ادراك خارجیدن فضله برشی واردر ؛ ادراك خارجیده ، بزیا لکنز حادثاته ایریشیرز ویالکنز موجودی استتاج ایده بیلیرز ؛ ادراك داخلیده ایسه ، برطاقم حادثاتك توالیسندن خبردار اولمقله برابر مشخص وحی بر موجودك وارلغنی ده عارف اولورز . بو عرفان ، بر چوق درجه‌سی بولنه بیلیمکه برابر ، دائمی ، بسیط ، اجزایه ناقابل تفریقدر .

۰۹ — بو عرفان واحساسی اُنانك کندی حقنه حاصل ایده بیله‌جکی فکر مجردله قاریشدیر ماملیدر : بو فکر بر چوق مالزمنه‌ك وجودنی استلزام ایدن وبعضاً حقیقت ایله حال مطابقده بولنه‌میان بر انشادر . ذاتاً او فکرک خصائصندن اوکا عائد احتساستك نه توالیسی ونه ده محصولی اوله‌میان ، نفس اُنانك خصائصی هیچ بر وجهله استدلال ایدیه‌مزن .

۱۰ — فکر اُنانك عناصری شونلردر : ۱ . روحك قوای عمومیه‌سنه عائد وقوف ، فقط بعض تعینات خاصه ایله برابر ۰ - ۲ . بدنمز حقنه‌کی وقوف ؛ - ۳ . حالده وماضیده‌کی حیات نفسیه‌مزن حقنه‌کی وقوف (حافظه‌نك اهمیتی : فکر اُنانك مقدری حافظه‌نك طالعه‌مربوطدر) . ۴ . مستقبل اُنانك تصویری .

۱۱ — حقیقه و فعلاً نه اولدقلرینه علم صحیحی متعلق اولانلر آزدرد . (احتراصاتك ، هیئت اجتماعیه‌نك تأثیری) : « کندی‌کندیکی طانی » قولی نادراً تحقق ایتش بر مفکوره‌در .

۱۲ — شعور اُنا یه ایریشیر ویالکنز اوکا ایریشیر : نه اجسام خارجیه‌یه ، نه بدن خاصمه ، نه مطلقه شعورمز لاحق دکلدرد .

۱۳ — انسانك کندی نفسنی بیلیمسی اهمدر : محاسبه نفس طریق فضیلتده ترقی ایچون فائده‌لیدر . چوچنك ده کندینی طانیاسی وکندینی دوشونمکه آله‌شامی لازمدر . بوسایه‌ده نه یه مستعد اولدیغنی ده‌ای اوکره‌نیر ؛ برده چوچنك کندیسنه یراز اعتمادی اولماسی لازمدر ، زیرا بوسایه‌ده جسارت کسب ایدرك موفقیته نائل

اولور . بوندن باشقه اوکا کنديسنى دها اي ظن ايتديکلرينى اشراب ايتلیدر ، زیرا حقنده بسنلین فکره لایق اولغه بویله لکله چالشیر .

۱۴ . — بونلرک معناسى چوجق کندى قصورلرینه کوز قاپاسین ، کنديسنى اولديغندن بيوک کورسین ديمک دکلدرد ؛ چوجغک متواضع واحترامکار قالماسى لازمدر . چوجغه خطالرينى وضعيف جهتلرينى کوستریمکدن قورقاملیدر ؛ فقط بونک شرطى ، ایسترسه بونلردن قورتلق النده اولديغنى اوکا سويلکدر .

۱۵ . — چوجق کندى نفسنى طانیغه غیرت سایه سنده ، کندى خصوصى قابیلترینى دها اي تمیزه ، دها زیاده مستعد اولديغنى ودها چوق خدمت ایفا ایدیه بيله جکی واک زیاده مسعود اوله بيله جکی مسلکی انتخابه مقتدر اولور .

۱۶ . — معلمده کندينى طانیغهمه چالشاملیدر ؛ کندى ذاتى تربیه سنه وتکمل ایتکه متبادیا اهتم ایتلیدر : معلم چوجغه سوزینى دیکله ده بيلمک ایچون افعالیله اوکا نمونه امثال اولمالیدر .

طقوزنجی درس

فرای محافظه

حافظه

حافظه نك اهميتى . — حافظه : تعريف ؛ شعور ايله مناسبانى . — حافظه نك ساحه فعاليتى . — حافظه نك عناصرى . ۱. افكارك محافظه سى ؛ — نظريه لر . — محافظه افكاره مخصوص قوانين . — عضويتك اى حاليه اولماسى . — انطباعات شدى . — تهيج . — دقت . — افكارك تمايزى . — افكارك تركي . ۱ تكرار . — حافظه خارجه وحافظه داخله . ۲ افكارك احيا سى . — كند بلكندن حاصل تذكرك . — بالتداعى تذكرك . — بالاراده تذكرك . ۳ تشخيص . — تذكرك مهم . — تشخيصك شرائطى : زمان حقنده كى فكر وآنانك عينيتى . — تشخيصك ميخانيزمه سى ؛ مسئله نك وضعى . — تذكرك ايله ادراكك فرق . — تذكرك ايله وهم خيالى نك فرق . — نظريه نك تصديق . — ۴ احلال : ووبونك ميخانيزمه سى . — حافظه نك امراضى : نبياع حافظه ايله فرط حافظه . — حافظه لك انواعى . — حافظه نك مزياتى .

نظريات عمليه . — حافظه وقوه ميمزه . — حافظه وتربيه اخلاقيه . — حافظه نك تربيه سى .

حافظه نك اهميتى . — حافظه حيات ذهنيه ده مهم برخدمت ايفا ايتكمده در : باسفال ك سويلش اولدينى كى « حافظه ، نفس ناطقه نك بتون عمليه لرى ايچون الزمدر » . قواى اكتسابيه ده اونك وساطتنه محتاجدر . فى الواقع ، هر بر ادراك حال حاضرده وقوع بولور، فقط حال حاضر اولور اولماز هان منعدم اولور . ايمدى نفس ناطقه ده ماضى حفظ ايتكم قابليتى اولماش اولسه ، نه برشى ادراك ونه ده برشى فهم ايده بيليردى . حافظه اولمازسه ، قواى تربيه ده عقامته اوغراردى . بيلديكمز وجهله ، بوقوله لر ، اعمال ايتكم اوزره بر ماده نك اولجه موجود اولماسنى اقتضا ايدرلر ؛ فقط مفكره يه عرض اولنان شيلر هان قاجوب

کیدرسه ، آره‌لرنده‌کی مناسبتلرک کشف و علمک انشاسی ناصل قابل اولور ؟
 هایدی بوترب و تکوینی ممکن فرض ایده‌لم : فقط هیچ ایشه یارامازدی . زیرا
 نفس ناطقه‌ایشنی بتیرر بتیرمز بتون نتایج اونودلمش اولسه‌یدی ، هیچ‌طور مقسزین
 ایشه تکرار باشلامغه مجبور اوله‌جق و هیچ‌بروقت ترقی‌اتمکه موفق اوله‌میه‌جقدی :
 علممز په‌نه‌لوب Pénélope ك طوقوندچّه چوزیلن بزینه دونه‌جکدی . (۱)

مافظه : تعریف . شعور ایدر مناسباتی . — حافظه « تخطر ایتک قودسیدر . »
 تعیر آخرله اولجه اکتساب ایدلمش اولان افکارک یکیدن بولنامسی ، و طاننامسی در
 دیه تعریف اوله‌بیلیر . بونکله برابر ، بوفلمک یالکز « افکار » . یعنی ذهنک
 یکانه عناصرینه شامل اولدیغنی ظن ایتمه‌ملیدر : حافظه بتون عناصر مغنویه
 تعلق ایدر : شعور کی حافظه‌دخی حالات نفسیه‌نک عمومونه عائد برقانوندر ؛ شعورده
 اولجه حاصل اولان هرشی یکیدن حادث اوله‌بیلیر ؛ حافظه‌بالذات شعورک‌دوامی اونک
 احیاسی در .

حافظه‌نک دخی شعورک عینی حدودلرینه مالک اولدیغنی علاوه ایده‌لم .
 شاید بز یالکز کندمزدن خیر ایشه‌ک روابر قورلر Royer-Collard ایله برابر ،
 کندیمزدن باشقه هیچ برشیئی تخطر ایتدیکمزی سویلکلکمز لازم کلیر . شهبه‌سز ،
 بز فلان ویا فلان شیئی تذکر ایلدیکمزی منوناً سویلرز ؛ فقط اوشی بزیم ایچون
 بعض احساساتک هیئت مجموعه‌سندن باشقه برشی دکلدی ، و نفس ناطقه‌یه یکیدن
 کله بیلن شیئی ، حد‌ذاتنده شیئک کندیبی اولمایوب فقط یالکز احساساتمز
 و مقدمات بونلرله برلکده بولنش اولان تهسیج ویا آرزولر کی شئون متنوعه‌در .

مافظه‌نک سامه‌نمالاتی . — حافظه شعورک برقانون عمومیسیدر : بعضلری ده
 ایلرویه کیده‌رک اونو حیاته واده‌نک ایچنه قدر ، برحالی محافظه ایتکه وبرحرکتی
 تکرار ایتکه مستعد اولان هرشیئه تشمیل ایدرلر : بوتقدیرده حافظه ایله اعتیاد
 برشی اولق لازم کلیر . بوصورتله چیچک خسته‌لکندن بوزلمش بریوزک ، اوخسته .

(۱) په‌نه‌لوب ، خرافات یونانیده ، اولیسک زوجه‌سیدر . اولیسک غیوبتی اثناسنده
 کندیسینی ازدواجه طاب اولانلره ایشه‌لمکده اولدینی قاشک اکلنده موافت ایده‌جکنی
 سویلردی ، فقط کوندز ایشه‌لدیکنی کیچه بوزاردی . بو حیلله سایه‌سنده یکریمی سنه مدت
 طابلرک تضییقندن قورتلش ایش .

لغتك می‌قرونی؛ دكزلرك دخی و قتیله اوزرندن كچن بومیه بوسی ك كیلرینی، بو كیلرك
براقدفلی ایزلر سبیلله تخطر ایتمه‌سی ایجاب ایدردی .

بو برمالغهدر . تذكر ایتك تذكردن خیر اولوق ، وقوعه كلن برتکیفك
• یکی اولمایوب اولجه ظهور ایتش اولدیغنی تشخیص ایتكدر : ایدمی تشخیص
تذكرك عنصر اصلیدر . حال بوكه محقق ، نه یوز ونه ده دكر تکیف ایتدیكلرینی
حس ایتامشلدردر ، تکیفلرینی ماضینك برطینی مقامنده تشخیص ایتزلر ؛ بونك
ایچون نه بریکی نه اوتنه کی تذكر ایتزلر ؛ اونلرده یالکنز حافظه‌نك تماماً ظاهری
وسطحی اولان نشانه‌سی واردر .

مافظه‌نك عناصری . — حافظه بر قوه مخلوطه‌در ؛ اونده باشلیجه درت
خدمت fonctions تفریق ایدیله بیلیر : برنجیسی : افكارك حفظی ؛ ایکنجیسی
بونلرك یکیدن جانلانسیمی یاخود تمثیلی ؛ اوچنجیسی کندیلرینك اذکار اولوق حیثیته
تشخیصلری ؛ دردنجیسی ماضیده کی موقعلرینك احلالی ، تعیراخره ایلک ادراك
وقوع بولدیغنی زمانك صحیح بر صورتده تعینی . « موزار Mozart سیکسن
کلیساننده اوقونان Miserere الهیسنی (۱) ایکی دفعه ایشدکدن صکره حافظه‌سیله
نوطیه آلدیغنی وقت سسلری و بونلرك نسبتلرینی حفظ ایتش ایدی ، صکره
اونلری تکرار ایدیور ، کهمشده طویمش اولدیغنی سسلرك عینی اولدقلرینی تشخیص
ایدیوردی . » ، کذلک اونلری حیات ماضیه‌سك بر آن معینه اسناد ایلوردی .

۱ . افكارك حفظی . نظریه‌لر . — افكارك محافظه‌سی مسئله‌سی مشکل اولدیغنی
قدر قارا کلقدردر . بومسئله‌ی تدقیق ایتش اولان روحیات علماسنك چوغنی اونی
بعض استعارات ایله حل ایتشلردر . اونلردن بعضلرینه کوره ، حافظه برمحفظه ،
بر انبار ، برچکمه اولوب افکار اوراده قیامش ، اویوبورلر و مساعد بر فرصت
کندیلرینی اورادن کوشه نیساندن چیقارمسنی بکلورلر . دیگر بعضلری ده حافظه‌ی
بعضا ، اوزرینه بر طاقم حرفلر آچوق درین بر صورتده چیزلش بر قوم طبقه‌سنه ،
بعضا آشیانك خیالنی الی‌نهایه حفظ ایدن فطوغراف‌بلاقه والحاصل بعضاده اصواتی
قید و عیناً اعاده ایدن فونوغرافه تشبیه ایدرلر . فقط بومقایسه‌لرك هپسی هیچ بر

(۱) میزه‌رده ، زبورک النجی الهییدرکه بولفظ ایله باشلار .

شی ایضاح ایتمز . برده شعور دن بر دفعه یکمیش اولان افکارک غیر مشعور به اوله رق پایداری اولدقلرینی فرض ایتمک متناقض بر فرضیه در ، زیرا غیر مشعور به بر فکر هیچ برشی دکلد .

فیزیولوژی بو مسئله نی براز تنویر ایتمکه چالیشیور . ایلک نظریه یه کوره ، افکارک حفظی برنجی انطباعدن متحصل تکیفک داخل دماغده تثبیدن تعبیر اخرله نهایت الامر بر اهتزاز عصینک استمراندن (تخمیناً بو استمرار بلا مدت اوله بیلیر) عبارتدر .

بو نظریه لر حافظه نی یالکزر عناصر دماغیه نك تکیف منفعلی عد ایتیموب بلکه حجیرات آردسند « اجتماعات قوانیه Associations dynamiques » نك تشکیله ، جوهر عصینک تدریجاً اکتساب ایده جکی « ایشله مکه عائد بعض اطوار » ، بعض اعتیاداتله ایضاح ایدر : **دو قلمت** تذکرک شرطنی دماغک بو کوملرنده فرض ایدیوردی ، حالات شعور نه قدر چوق تکرر ایدر ایسه او حالاتک هر برینه عائد اولان بو کومده او درجه درین اولورمش .

بو نظریه لرده تمنع دینه جک برشی یوقدر . بالعکس ، حافظه نك مبتلا اولدیغی امراض بو قوه نك ، احتمالک ملکات سائر نه عمو مندن زیاده ، بذیه دماغیه مربوط اولدیغی مطلق بر صورتده اثبات ایدر : فی الواقع او خسته لقلرک سبی هروقت مراکز عصیه ده ظهور ایدن بعض بوزوقلردر .

بونکله برابر بو ایضاحات اول امرده یالکزر بر ماهیت موقته نی حائر در : زیرا دماغ حد ذاتنده نه در ، و بحث اولئان انطباعات ویا اعتیادات مطلق اوله رق نهیه توافق ایده بیلیرلر ؟ فضله اوله رق بو ایضاحاتک حادثه نی وجه خارجیسندن نظر دفته آلدقلری ظن اولنیور . حال بوکه او حادثه نك نفسانی اولق اوزره بروجه داخلیمی ده یوقدر ؟ اگر دماغده ایلک انطباعدن هر هانکی بر شکلده برشی قالیورسه ، سبی انطباع اولان برحالت روحیه نك تماماً معدوم اولدینی قبول ایدیله بیلیری ؛ اولجه وارد اولان افکار برطاق عناصر معطله ومیه اولمایوب ، برنوع تخمر داخلیه تابع اولان وشعور منورک ساحه سنده تکرار ظهور ایتمکه ساعی بولئان حقیقی بر طاقم « قوتلر » در . دیگر برجهتدن ، اگر هر هانکی صورتده ایشله مک اعتیادلری ، اجتماعات قوانیه تحصل ایتمشه ، نیچون نفس ناطقه ده افکار

آره‌سنده عینی ماهیتده بر طاقم تتابع و تداعیلر حصوله کلسون؛ نه‌دن نفس ناطقه دخی اوقیلدن اولمق اوزره معین بر صورتده تفکر ایچون بعض عادتلر اکتساب ایتسون . انسان هم بدن وهم روحدر : انطباعک محافظه‌سی فکرک آرزوق ماتحت‌الشعور subconscious بر شکلده محافظه‌سی ایله بالطبع اکال اولنور ، و دیگر طرفدن اعتیادات دماغیه‌نک تشکلی ، بعض اعتیادات عقلیه‌نک تشکلی ایله تضاعف ایدر ، هر نه قدر اونلری واضحاً استحضار و تصور ایتکلکمز بلکه ممکن دکلسه‌ده .

انفک‌ک محافظه‌سی قوانینی . — ذاتاً افکارک محافظه‌سی قوانینی‌ده بر قسمی فیزیولوژی‌یه و قسم دیگر بر روحیه متعلق اولمق اوزره ایکی نوع شرائطک حافظه‌جه نظر اعتباره آلماسی لازم کلدیکنی اثبات ایدر .

عضویتک ایلی مالیده اولماسی . — اول امرده شوراسی بر امر محققدرکه افکاری محافظه ایتک استعدادی عضویتک عموماً و جمله عصبیه‌نک خصوصاً ای حالده اولماسه قویاً مربوطدر ؛ ده صکره بحث ایده‌جکمز ضیاع حافظه‌نک سبی دماغده حصوله کله‌جک بوز و قلقلردر ؛ هر نوع افراطلر ، بعض اجسامک تأثیری ، اختیارلق و الحاصل عضویت آلیه‌مزنک زنده‌لکنی دوچار ضعف ایده‌جک و ایشله‌مسنی اخلاص ایله‌جک هر شئیک حافظه اوزرینه بر تأثیر مشغومی وارددر . حفظ ایتک قابلیتک علی‌الخصوص سن طفولیتده ده بیوک اولماسی اسبابک بری‌ده بودر ؛ فی‌الواقع ، او وقت جسمانی طاقتلر ، جمله عصبیه هنوز پک ترو تازه‌در .

انطباعک سرنی . — شرائط روحیه ده زیاده‌در . اول امرده بر انطباعک شدت و تأثیری نه‌قدر بیوک اولورسه ، او انطباع شعورده او درجه فضله دوام ایده بیایر . هر برمر ایچون او ایله بعض انطباعات وارددر که شدتلری سببیه خاطره‌لری حیاتزدوام ایتدیکی مدتجه شعور مزدن سیلنمز بر صورتده دوام ایلر . بالعکس ، ضعیف اولان هر انطباع قولایجه اونودیور . چو قلعغمزه عائد خاطراتک دوامی ایضاح ایدن اسبابک بری‌ده بودر : فی‌الواقع ، او وقت روح تماماً یکی ایدی . و بوکون بزه عادی کورونن هر شئی اوکا شایان حیرت کورونور و پک زیاده تأثیر ایدردی .

تهییج . — بوندن‌ده خاطراتک محافظه‌سنه تعلق ایدن خصوصاتده تهییجک ایفا ایتدیکی خدمت کوریه بیایر : شدید بر انطباع بزی هر وقت تهییج ایدر .

حساسیت‌مزه طوقیان ، واونی آز چوق قویاً تحریک ایلهین هر شیء مفکرده اوزون مدت باقی قالیر ؛ « بیوک برمرتله ، براضطرابله ، شدید برخلجانله برابر وقوع بولان » بعض وقایع اونوتلار، خوشمزه کیدن، قلمزه تأثیر ایدن، محبت‌مزه اذواقمه ، تمایلاتمه توافق ایدن هرشیئک ده‌ا چابوق و ده‌ا ای حفظ ایدلیکی معلومدر . تربیه‌ده ، « جاذبه‌دار » برتعلیمک الزمیتی بوندن ناشیدر .

رفت . — دقت، ده‌ا آز حائز اهمیت اولمایان باشقه بر شرطدر : شا کرد لایق‌له چالشق شرطیله درسئی، اوندن استکراه ایتسه ویا جانی صیقلسه بیله بحق اوکره‌نور . دقت حقدده ، « حافظه‌نک منقاشی » دنیلمشدر .

فی‌الواقع دقت خاطراتی تمادی ایده‌جک صورتده لوحه شعوره حک ایتکه مستعددر ، صرف اولتان مساعی نه قدر چوق اولورسه بو حک او درجه امنیتله وقوع بولور . بعض کیمسه‌لر چابوق اوکره‌نیر، فقط چابوق اونودی‌رلر؛ بعضیلری ده حفظ ایچون ده‌ا چوق مشکلات چکرلر : فقط بوکا مقابل حافظه‌لری ده‌ا متین، ده‌ا امیندر . مولیرک تصویر ایتدیکی بر شخصک دیدیکی کبی « مرمر اوزرینه ، قوم اوزرندن ده‌ا چوق مشکلاتله حک ایدیایر، فقط حک اولتان شیر مرمرده ده‌ا چوق زمان باقی قالیر . »

افطارک تمایزی. — برده دقت، یالکنز اقتضا ایتدیکی جهد سبیلله دکل ، بلکه افکاره ویردیکی وضوح طولایسیله‌ده حافظه‌نک بر عنصر اصلیسیدر ؛ بناءً علیه خاطراتک محافظه‌سی ایچون یکی بر معاون دیمکدر . عندمزه مبهم ومشوش قالان، معناسی آکلاشلماش اولان شیر ، حفظ ایدلمش دکلدر ویا شاشیله‌جق درجه‌ده برقولایقله اوچار کیدرلر . بالعکس تماماً تمیل ایتدیکمز وقارا کلک برجهتی براقابوب آجیق کوردیکمز هرشی ایچون اوزون بر حیات تأمین ایدلمشدر . بر معلمک کرک کندی وکرک سائرلری ایچون بو قانوندن استخراج ایده‌بیله‌جکی تطبیقات عملیه قولایجه کوریلور : معلم بر درسک ایجه آکلاشلش اولدیفنه‌انیت حاصل ایتدیکه او درسئی ویرمه‌ملی وچوچقارک آکلایه‌جنی واضح وقابل فهم وادراک بر لسانله کندیلرینه خطاب ایتلیدر ؛ بوکا امکان حاصل اولوق ایچون اول معلمک مسئله‌یی کمال وضوحله کورمسی شرطدر . بونک ایچون « اوکره‌نمه‌نک اک اینی واسطه‌سی اوکره‌تمکدر . » سوزی حقلی اوله‌رق سویلنمشدر .

انظارك شكلى. — فقط افكارك عندمزمده تماماً واضح و متمايز اوله بيلمسی ایچون بربرلرینه متصل و متسلسل اولماسی، وآره لرنده برنظام عقلی بولماسی لازمدر: بناءً علیه بعض شیلرك تذکر ایدلمسك اكا ای طریق او شیلر آره سنه منطقی بعض نسبتلر ادخال ایتكدن، اونلره ذهناً نفوذ ایتكدن، والحاصل كندیلرینی تنسيق و تنظیم ایتكدن عبارتدر. نظام، مفكره ایچون برشرط حیاتیدر: نظام سایه سنده، حافظه سوینه سوینه یوكنی طاشیر، مقداری حقیقه اینانماز بر سوری افکاری یکیدن بولور؛ بالعكس، نظامسزلقله، یوکی نه قدر خفیف اولورسه اولورسه بالضروره طایانه ماز. بونك سببی شودرکه، فکرلر بربرینه باغلی و مرتب اولورسه بالطبع یکدیگریسه یارديم ایدرلر، بر طاقم سیستملر، بر طاقم کلیات مرکبه تشکیل ایلرلرکه کلیات مذکورده هربر عنصر دیگرلرینی دعوت ایدر و کندی یکیدن ظهور ایتدیکی وقت دخی اونلری احیا ایلر. شبهه سز، بو خصوصده مناسبات طبیعی، ترتیب منطقی قدر هیچ برشیک دگری یوقدر: بونکه برابر، بونلرك فقدانی حالده، صنعی بعض مناسبتلر، و برنظام ینه ایشه یارار. منه موتکنی Mnémotechnie دینان وحافظه نك بعض تدبیرلرله تقویه سنه چالیشان فن ایشه بو قاعده یه مستنددر. (۱)

تکرار. — تکرارك خدمت مؤثره سنی ده اونو تاملیدر: تکرار اکثراً لازمدر، زیرا بر شیئی یالکزر بر دفعه جق عطف نظر دقت و یا یکانه بر تعقل ایله حفظ ایتك و بيلمك نادراً تحقق ایتش بر مفکوره در. فقط تکرار اکثراً کافی اولوب شرائط سائر نك مقامنه قائم اوله بیلیر: بر شا کرد درسندن هیچ خوشلانمایه بیلیر، اوکا هیچ دقت ایتیه بیلیر، اوکرندیکی شیک ایلک کله سنی بیله آ کلامایه بیلیر. بونکه برابر تکرار سایه سنده نهایت اوکره نیر. حافظه نك اعتیاد ایله مقایسه اولماسی بالخاصه بونقطه نظر دندر؛ حافظه حقه ده او قدر فنا سوزلر سوبلمسی ینه بونك ایچوندر، زیرا بویله بر حافظه نك پاباغان کبی الفاظی. معناسی آ کلامقسزین تکرار ایتكدن همان فرقی یوقدر.

(۱) بعض قاعده لری، وقوعات تاریخیه نك سنه لرینی، و یا بعض حکمدار اسلرینی و صبره لرینی قولایجه ازبرله یوب اونو تمامق ایچون بزده ده برجوق پیتلر، رمز لر، اشارت لر اویدر مشلردی. فقط بو تیره تعلیم شیمدی اعتباردن دوشمشدر. (مترجم)

حافظه خارجه و حافظه داخلیه. — والحاصل ، خاطراتك محافظه‌سی شرائطی ایکی قسمه تهریق ایدیله بیلیر: بر قسمی بزدن مستقل اولوب اشیانك نفس ناطقه اوزرینه حاصل ایتدیگی انطباعدن نشأت ایدر؛ دیگر بر قسمی بالذات بزدن، بزم اشیاء اوزرینه بلا اختیار و یا بالاراده اجرا ایتدیكمز عكس العملدن حصوله كلیر . بو صورتله محافظه‌نك بو ایکی سبب اصلینسه مبنی ایکی درلو حافظه تمیز ایدیله بیلیر ، بری تماماً خارجی وانفعالی ، دیگری داخلی ودها خصوصی بر صورتده فاعلدر . ذاتاً هر ایکی حالدهده افكارك انتظام وتشكلی نه قدر درین اولور ، حادثه‌یی نفس ناطقه نه قدر تام اوله‌رق تمیل ایتش بولنورسه تذکر اوقدر زیاده دائم اولور . **مده دوبرانه بجه :** « بر فکرة نفس ناطقه کندی ذاتندن نه علاوه ایتشمه ایشته یالکیز اوتکرار جانلانه بیلیر » دیدیگی کبی **رو آیه قولارک :** « بز کندیمزدن باشقه بر شیئی تذکر ایدمه‌یز » دیمسنگ سببی ینه بوندن معلوم اولور .

۲. افکارک املاسی. — حافظه یالکیز افکاری حفظ ایتز ، اونلری یکیدن حاصل ایدر ، تکرار جانلاندیرر . بوندهده حادثه‌نك منفعل اولماسی ، کندیلکندن وقوع بولماسی ، و یا دهها خصوصی صورتده جهد مزه تابع بولماسی ممکندر . لسان عوامده بوکا قائلدر ، زیرا بعضاً « خاطر مزه کلیر » دیرزکه بو ، کویا خاطره‌نك کندیلکندن کلدیکنی اشراب ایدر ؛ بعضاً ده « خاطر لایورز » دیرزکه بوده خاطره‌نك بزم کندی واسطه‌مزله حصوله کلدیکنی ایما ایدر .

کندیلکندره حاصل اولورده مظاهره. — بناءً علیه ، خاطره اکثریا کندیلکندن حاصل اولور ؛ بزم هیچ بر دخل وتأثیر مز اولقسزین شعورك یوزینه چیقار : مثلاً بعضاً باشقه شیلرله اوغرا شیرکن ، اولجه ایشیتمش اولدیغمز بر موسیقی هواسی بردنبره نفس ناطقه مزه سنوح ایدر ، یواش سسله اونى تغنی ایتدیکمزی وبونك کونده بر قاچ دفعه تکرار ایلدیکنی کوروروز . حتی بعضاً تذکر او درجه غیر اختیار ایدرکه بزه رغماً حاصل اولور ، ذاتمه مربوط بولنور : آرقامزی بر اهاز ونهایت بزى تعجیز ایدر . بونك سببی ایلک دفعه حاصل اولان انطباعتك پك قوتلی اولماسیدر . مادامکه افکار کندی شدت ابتدائیه لریله متناسباً حفظ ایدیلورلر ، ینه عینی شده کوره یکیدن تولد ایتکه ساعیدرلر : بونلر آرده سنده بر مجادله

حیات موجود اولوب احوال مساعد اولور اولماز اك قوتلی اولان فکری درحال نفس ناطقه‌ی اشغال ایدر . عمومیت اوزده ، انطباعات حاضرده دها قوتلی اولدینی جیتیه خاطر ائک بکیدن تولدینی منع ایدر و اونلری نوعاًما زجرا یلر: فقط بعضاً اولجه حاصل اولان بر انطباق اوقدر شدتلی اولمشدرکه خاطره‌سی احساسات حاضرده غالب کایر؛ دیکر طرفدن ، بزده یشامقده اولان صور محسوسه‌نک یکیدن تولد ایلله ساحه شعوری تصرف امرنده آرده لرنده چکیشمه‌لری ایچون اویقوده ویا حال استغراقده اولدینی کبی ، دنیا ایلله اولان مناسبتک کسلمش ویا کیوشه‌مش اولماسی کافیدر .

باتمراعی تذکر . — فقط اکثر یا خاطره ، نفس ناطقه‌ده حالاً موجود بولنان فکر ویا انطباق ایلله یعنی بالتداعی دعوت ایدلمش بولنور . افکار ، عناصر جامده‌دن عبارت اولماز قدن باشقه یکدیگرندن تجرد ایتمش ده دکلدر : بونلر شعورده ایلک دفعه اوله‌رق مجتمعا حاضر اولمالری سببیه ، بر برلریله اجتماع ایدوب آز ویا چوق منلوط بر طاقم کلیات تشکیل ایدرلر ، بونلره داخل اولان بر عنصر یکیدن منکرده‌ده ظهور ایدنجه منسوب اولدینی هیئت یکی باشند تشکیله سعی ایدر ؛ بر آزدن بحث ایدده جکمز تداعی افکار ایشته بوندن عبارتدر . هرکس کندی نفسنده افکارک بر برلرینی نه صورتله ایقاز و اخطار ایلدیکنی مشاهده ایشدر : مثلاً اوزون مدت غیبوتدن صوکره طوغمش اولدیغ کوی تکرار کوردیکمده درحال ایلک اویونلرمی ، ارقداشلرمی ، خواجه‌می تخطر ایدرم... دها طوغریسی خاطرمه کلن شیلرک هپسنی صایق ممکنمی ؟ یکیدن ظهور ایدن بر فکر برسوری دیکر افکاری تلقین ایتکده ، بونلرده دها باشقه فکرلر الهام ایتکده و بو حرکت ، بو سلسله افکار لاینتقطع دوام ایتکده در .

بالاراده تذکر . — والحاصل ، باشقه دفعه‌لرده ، خاطره بر جهدارادی سایه‌سند کری کلیر . بن بر شخص کوریورم ، اولدن اسمنی بیلور ایدم : شیمدی اسنی اونوتشم ؛ بولمق ایچون دوشونملی و آراشدرملی‌یم . بوندن باشقه ، اراده‌نک بو مسئله‌ده کی خدمتک لایقیله آکلاشلماسی لازمدر . اراده‌نک نفوذ وتأثیری انجق بالواسطه اوله بیلیر . فی الواقع ، طوغریسی انسانک فلان ویا فلان فکری تخطر ایتکی اراده ایلدی قابل دکلدر ، زیرا بو اراده انسانک ، اوفکری

دوشونديکني تضمن ايدر ، واکر فکر دوشونلش اولسه ایدی انسان اوکا مالک دیمک اولوردی، آرامغه حاجت قالمازدی. دیگر طرفدن ، تجربه اراده‌نک اکثریا غیرمقتدر اولدیغنی کوستریور : بوخصوصده بیهوده یره‌سی ایدرز ، خاطره بزدن قاجار ؛ حتی نفس ناطقه‌نک بو باده پک زیاده اشتغال ایتیمی افکارک خاطره کتیرلمسی نقطه نظرندن مضردر؛ دیگر طرفدن خاطره اکثریا اونی دوشونمیکمز وقت کری کلیر . بناءً علیه افکارک یکیدن احیاسنده اراده‌نک دخل وتأثیری نه‌دن عبارتدر؛ بز بر خاطره‌ی آرادیمز وقت اونک عناصرندن بعضری حقده آرز چوق مبهم بر وقومز بولنامسی نادراً وقوع بولور ؛ حتی اوکا احتیاج‌ده واردر ، زیرا نفس ناطقه‌مزده حاضر هیچ بر معطاً بولنمیه‌جق اولسه ایدی هیچ بر شیء پایه‌مازدق : نته‌کیم فلان آدمک اسمنک باشنده شو حرفک بولندیغنی ویا نهایتنده شو هجانک موجود اولدیغنی تحظر ایدرم. اراده بو عناصری نفس ناطقه‌ده تثبیت ایدر: بونلر تداعی قانوننه توفیقاً خاطره‌یه برسوری مختلف فکرلر کتورر. اراده بونلری معاینه ایدر ، آرامقده اولان خاطره‌یه توافقی ایتزسه رد ایلر ، باشقه فکرلرک حصولنه مساعدده ایدر، ونهایت فکر مطلوب یکیدن ظهور ایدنجه‌یه قدر ویا آرتق یوریه‌رق بولمقدن قطع امید ایدینجه‌یه قدر بوسورتبه دوام ایدر . بناءً علیه اراده تداعی‌یه خدمت ایتیش اولور ، مفکره‌ی هر طرفه صالدریور ، کندوسنه نتیجه حاصله‌ی معاینه ایتدیریور ، شو تقدیرده بالاراده تذکر نتیجه اعتباریه بالتداعی تذکرک بر حالتندن باشقه بر شیء دکلدر .

۳. تشخیص : تذکر و تذکر مبهم . — متقدم حالات شعورک استرجاعی حد ذاتنده خاطره دکلدر ، یالکز خاطره‌ی تمیه ایدر . بر شیشی صحیحاً تذکر ایتدیکمزه قائل اولمق ایچون تذکر ایتدیکمزدن خیر اولمالی‌یز ، یعنی حالاً سانخ اولان بر فکری دیگر اصلی original بر فکر عد ایتز، کچمش بروقه‌نک تکرری صایار ایشه‌ک ، تعبیر دیگرله اونی تشخیص ایلر ایشه‌ک بز اونی او وقت تذکر ایتیش صایلیرز . تشخیص ، بعضلرینک ادعا ایتدیکی وجهله یالکز بر وقعه فرعیه ، بلا تشخیص کویا تام اولان تذکره منضم بر حالت اولمایوب : بالعکس بالذات تذکرک باشلوجه عنصردر : فکر تشخیص اولنمادیغنی وقت ، تذکر یوقدر ، بلکه یالکز تذکر مبهم *réminiscence* واردر .

تشخیصك شرائطی؟ زمانه فكری و اُناتك عینیتی. — بو تقدیرده ، تشخیصك شرائطی و میخانیزمه‌سی نه‌دن عبارتدر ؟

حالا شعورده حاضر بر فکری تشخیص ایتک ، او فکرک یکمیش زمانده دوشونلش اولدیغنی بیلمکدر ، یعنی اونی زمانه نسبت ایتمکدر . بوراده ادراک خارجیده کچن شیئه مائل بر شیرل واردر : حقیقت حالده بز یالکز بر طاقم احساسات انفسیه فهم ایدیورز ، ادراک بو حالده او احساسلری مکاندن بر محله ارتسام ایتدیرمکدن عبارتدر : دیمک که مکان تصویرینه مالکز. بو قیلدن اوله‌رق ، بر وقعه خاطر مزه یکیدن کلدیکی وقت ، اوراده ، بر حالت شعوریه حاضردهن باشقه برشی بوله‌مایز ؛ اونده ، بونک ماضیده وقوع بولمش ، یکیدن اکتساب حیات ایلش بر حال اولدیغنه دلالت ایدر هیچ برشی یوقدر . بناء علیه تشخیص دیمک اوکا فکر ماضی یی تشریک ، یعنی اونی زمانه نسبت ایتمکدن عبارتدر . بو تقدیرده تشخیص ابتدای امرده فکر زمانی متضمندر . تشخیص دها باشقه بریشی اقتضا ایدر که اُناتك عینیتی در . فی الواقع ، حالا حاضر بر فکری اولجه دوشوندیکمزی بیان ایده بیلمک ایچون زمان مرور یله و زمانك مصدر اولدیغنی قیلبات ایچنده بحسب الذات هپ عینی « انا » اوله‌رق قالمقغمز ایجاب ایدر : اکر بز بو کون ماضیده اولدیغمز موجوددن تماماً غیری بر موجود اولمش اوله‌یدیق ، بوماضیدن بزم ایچون هیچ برشی قالمازدی . و حال حاضرده حالدن باشقه برشی فهم ایتمک کلکمزم متنع اولور ، و تذکره امکان قالمازدی . یوده بزه کوسترکه تشخیصك ایکی شرطی حقیقت حالده یالکز بر شرط تشکیل ایدر . بز اکر شعورک هر بر حالتی ایه تبدل ایتمش اولسه یدیق بزم ایچون ماضی برشی اولماز ، یالکز حال حاضر موجود اولوردی ، دها طوغریسی آرنق هیچ برشی موجود اولمازدی ؛ زیرا بالذات حال دخی یوقدر : بونک معناسی شودر که زمان حقنده کی فکر مزر آنجق وارلغمزك عینیتی ایه نمکندر ؛ فقط دیگر طرفدن شونك ده کورلمسی قولایدر که : عینتمزده آنجق آره‌سندن دائم اولدیغمز زمان ایه آکلاشایر .

تشخیصك مبنایزماسی ، سئدك وضعی. — کرچك ، نفس ناطقه نك بر تکیف حاضره فکر ماضی یی ، فعلاً ، ناصل تشریک ایده بیایدیکی ایضاح ایتک ، تعبیر آخرله تشخیصك میخانیزماسنی کوسترک جهتی قالدی . برمه اینامق لازم کلیرسه ،

بومسئله وارد اوله ماز : مومی‌ایله نظرآ تشخیص ، دفعی immédiat و تماماً بسیط برفعدر . فقط بونظریه ظاهره قائلشدر : حقیقت حالده تشخیص ادراک کی بر فعل مخلوط و مرکب اولوب تشکل ایتسی ایچون برسوری عملیاته محتاجدر .

فی الواقع تذکر ایکی صنف واقعات ایله قاریشدیریله بیلیر: اولاً رؤیا ایله برسامک اثبات ایتدیکی اوزره برادراک ایله ؛ بعده خیالک بروهمی ایله ؛ زیرا چوق دفعه حالاً بزده موجود اولان بر فکرک بزده اولجه حقیقه حاصل اولوب اولمادیغنی والحاله هذه کوردیکمز برسیایی اولجه کوروب کورمدیکمزی کندی کندیمزه صورارز . بناءً علیه تشخیص مسئله سی مضاعفدر : تذکری حالاً واقع برادراکدن ناصل آیرییورز ؛ کذلک اونی بر ایجاد خیالیدن ناصل تفریق ایده بیلیرورز ؛

تذکرک ادراکمه تفریقی . — برنجی امتیاز، ادراکی تذکردن تفریق ایدن تضاد وادراک اکثریا تذکر اوزرینه اجرا ایتدیکی تنزیل اوزرینه مؤسدر . برشی حقه بزجه حصوله کلن ادراک شدیددر ، ممتازدر ؛ بوادراک سپه نسر Spencer ک دیمش اولدیغی اوزره « برحالت قویه » در : بالعکس اوشیئک خاطره سی ده پک آزار ووضوح و قطعیتدر : بوده « برحالت ضعیفه » در . مثلاً شهسز نوتردام Notre Dame کلیساسنک حالاً خاطرمد اولان خیالی اوبنانک قارشوسنده حقیقه بولندیم وقت ذهنده حاصل اولان صورتدن پک چوق ضعیف ومبهدر .

دیگر طرفدن ، ادراک بزده بالاضطرار حاصل اولور ، شعوره جبراً کیرر : نوتردام Notre Dame کلیساسنک اوکنده بولندیم زمان کوزلرم آچیق قالدقجه اونی کورمه مک امکان حارجندهدر . تذکر ایسه ، بالعکس اراده ده دها زیاده تابعدر ؛ یعنی اونی نفس ناطقه دن دفع ایتکه ، اونی اورایه تکرار کتیرمکه ، یرینه باشقه برخاطره اقامه ایتکه مقتدرم .

شونی ده علاوه ایتک ایجاب ایدرکه بنده برادراک حصول بولدیغی وقت اونکه مناسبده بولنان ادراکات سائرده دخی اونی تصدیق و تأیید ایدر : مثلاً اوزرنده چالشیدیم ماصیهی ادراک ایدرکن عبی زمانده کتبخانه می ، کتابلرمی ، بتون بازیخانه می کورییورم . بالعکس خاطره ی اکثریا ادراکات حالیه تکذیب ایدر ؛

مثلاً شیمدی خاطرمه بر تاج‌درده کورمش اولدیغم بر یازی ماصه‌سنک صورتی کلیر؛ فقط عینی زمانده بئم یازیخانه‌مده بولنان ماصه‌یی‌ده کوریورم: بونک اوزرینه شیدکی احساساتم خاطرمه کلن صورت ایله تعارض ایدر، اونی «تزیل» ایلر، چیکیز، نهایت عادی بر خاطرده قلب ایلر.

صورت محسوسه‌نک ضعیفی، اونی قولایچه دفع ایتمه‌مز، و کندیسنک اذراکات حاضرده مغایرتی حالاً موجود برشیه مشغول اولدیغمیزی بزه تأمین ایدر. بویلاک خطوده‌ر. فقط صورتک بر خاطرده اولوب بخیله‌نک بر قورونتیسی اولمادیغنی ناصل بیله ایدر؛

خاطرده‌نک و هم ضیالیده تفریقی. — بوراده شوایکی نوع حادثاتی یکدیگرندن تفریق ایدن اختلافات ایله کسب امنیت ایده‌بیایرز. بر طرفدن، فعل تخیل شعورمز تحت‌اللق اوزره بعضی اقداماتی مقتضیدر: تذکرده ایسه بالعکس، چوق وقت صور محسوسه تام اوله‌رق ظهور ایدوب بزم مداخله ایتمه‌مز حاجت یوقدر. فضله ایلر، ترکیب ایتش اولدیغم صورت محسوسه ملایم، قابل تصفیج اولدیغدن اونی ایلر، تدبیر کی تبدیل ایده‌بیایرم. فقط خاطرده یکپاره برکل اولوب ناصل کورونور ایله اونی اریله قبول ایتمکله‌م اضطرار ایدر، کیفک ایجاباتنه انقید ایتمز. بالخاصه خاطرده تدبیر ایلر، ایلر، خاطرات سائر ایلر تأید ایده‌بیایر؛ اولری حیاتمیزک وقوعات سائرده سنه ریلر، و موجودیتمیزک هیئت مجموعه‌سنه ادخال ایله بیایرز. بالعکس، تخیل ایله حاصل اولر و هم طریق ماضی اوزرنده بیانی، غیر معین بر حالده یووارلانیر، تاریخ حیاتمیزه‌اند وقوعاتک هیچ برینه مربوط اولماز، اوکا یر بولدرمق بزم ایچون متعذر.

بو مختلف اوصاف، یعنی استحضار ایچون فقدان جهد، بعض طررده استحضارده‌کی ضرورت، صورت محسوسه ایله دیگر اذکار صحیحه آرهنده تأسیس ایده بیلدیگمز نظام، صورت حالیه‌نک، خیالی بر شینک دکل بلکه حقیقی بر شینک صورتی اولدیغنی اثبات ایدر. دیگر طرفدن اونک حال حاضرده موجود شینک صورتی اولمادیغنی بیلورز: بو تقدیرده، یالکیز بر نتیجه ممکندر: صورت محسوسه کیمش بر شینه مقابلدر. نفس ناطقه اونی در حال زمانده ارتسام ایتدیرر یاخود زمانه عطف و ارجاع ایدر.

نظریه نك تأییدی — تشخیص ، بر عمل بسیط اولمادقندن باشقه ، بالعکس بر سوری استدلالانك نتیجه سیدر ، بو استدلالانك نفس ناطقه هان هان فرقدنه اولماز ، فقط بوندن دولای اونلرک الزمیتده خلل کلز . بناءً علیه بو اعمال ذهنیه نك بریسی ویا دیکری نقصان اولنجه تشخیص دخی حصوله کلز . مثلاً بعض احوالده اولدینی کبی ، صورت محسوسه برفوق العاده ک کسب ایدر ، یاخود اراده نك مساعیسنه قارشى کلیر وحتی احساسات حالیه نك مقامنه قائم اوله جق قدر ایلری کیدرسه ، برادرک یرینه کچوب برسامه منقلب اولور . بالعکس اونى ایسته دیکمز کبی تعدیل ایده بیلیرسه ، اگر خاطرات سائر ایله اولان روابطی پک کیوشک اولور و تفکر و تأمل اثناسنده حاصل اولمش بولنورسه کندیسنى قدرت ابداعیه مزک بر محسولی ظن ایدرز ، حال بوکه (بالآخره تشخیص ایده بیله جکمز اوزره) حکمش بر انطباعت انعکاسندن باشقه بر شی دکلدر : ایشته اووقت بو ، بر تذکر مهیدر .

۴ . اصول Localisation و بونک مجانبه زمسى . — فقط اولجه اشارت ایتدک : خاطر ه نك ممکن مرتبه تمام اولماسى واونى تماماً تشخیص ایتکلکمز ایچون بزم اونى غیر معین بر صورتده ماضیده ارتسام ایتدر مکملکمز کافی دکلدر ، اوکا معین بر محل تخصیص ایتمه مز ، تعبیر آخرله کندیسنى احلال ایله مز اقتضا ایدر . بویه بر عملیه ناصل ممکن اوله بیلیر ؟

حافظه تماماً صادق اولمش اوله ایدی واکر حالات شعوریه مز ، تسلسل وارتباطلری فاصله یه اوغرامقسزین ، بر لرینه معین ومرتبط اولسه لردی ، احلال قولای اولوردی : اوتقدیرده حالاً موجود حادثه دن باشلا یوب تکیفات باطنیه مز سلسله سنى کریسنه طوغری تعقیب ایده ایده ایلک انطباعی بولوردق . بعض مؤلفلر بونک صحیحاً بویه اولدیغنى ادعا ایتکده درلر . فقط بوشرطلره کوره « شویه بر عملیه ده کی بطائت سببیه حافظه نك غیر ممکن اوله جننى » کورمک قولایدیر . شویه که بویه بر عملیه نك اجراسى ایچون حالده کی وقع ایله ایلک ادراک اصلی اراسنده کچن مدته مساوی اوزون بر زمان ایجاب ایدر ، یاخود نفس ناطقه بوقدر چوق افکار اده سنده غیر متحرک قالیر ، احلال ایسه هیچ بروقت حصوله کلمه مکمه محکوم اولورایدی . ایشته بونک ایچوندرکه « حافظه نك بر شرطی نسیاندر »

کبی غرب بر نتیجه‌یه ایرشلمشدر . بوندن باشقه ، بو شرط هر وقت تحقیق ایدر ، زیراحیات ماضیه من تمامیت دائره‌سنده موجود اولماقدن باشقه ، بر چوق وقوعات روحانیه و معنویه ضایع اولمش و « آرتق ایچندن بردها چیقامایه جقلری بر بحر عدمده غرق و نابود اولمشدردر ».

بونکله برابر ، تمامنک زائل اولماسی ایجاب ایدر : چونکه مطلق بر بوشلق اولسه‌یدی ، ضدی اولان برملاً مطلقده اوله‌جنی کبی ، احلال ممکن اولمازدی ، بونک نتیجه‌سی حافظه‌نک شرطی ، حافظه‌در دیمکدرکه بو بر نوع « مصادره علی المطلوبدر » فی الواقع ، حیات ماضیه‌مزده بعض احوال طولاییسیله نسیانه مقاومت ایتمش و حقیقه سیلنسی غیر ممکن بولنش اولان بعض خاطرات بارزه‌نی کورمکلکمز ایچون براز تأمل ایتمه‌من کافیدر . اونلر حیات ماضیه‌مزنک بعض « مختصر قائم‌مقاملری » در ، بو خاطرات طریق ماضی اوزرنده علامت نقطه‌لری کبی دیزلمش اولوب بر نوع تقویم شخصی تشکیل ایدرلر ، زیرا تماماً معین بعض ایامه‌منسوبدرلر . خاطره‌نک یرینی تعین ایتک ایچون ، کندیسنی طریق ماضی اوزرنده کیری‌یه طوغری‌قایدیررز ؛ بو خاطره اول امرده متردد ، غیر ثابت ، نروده اخذ موقع ایده‌جکنی بیلیمه‌رک شاشیرر : فقط تداعی افکار سایه‌سنده تدریجاً کسب صحت ایدر ؛ بر شیئی قطارله طار تارکن طوبوزی ایلری کیری سوربولوب نهایت تام یرینی بولدینی زمان موازنه حاصل اولدینی کبی خاطره دخی ماضی ایچنده بو صورته بر چوق دفعه ایلرویه ، کیرویه کیتدکن صکره نهایت معین بر علامت نقطه‌سنه طاقیلور قالیر . ایشته او آن اونک محل صحیحدر . یولدن کچرکن بر آدمه راست کلیرم : اونی اولجه کوردیکمی ایچمدن سوبلرم : بو بر تشخیصدر ؛ در حال صورت محسوسه ماضیه طوغری‌چکیلیر . فقط بن بو چهره‌نی نه وقت کوردم ؟ واسطه‌لریله بر هفته‌نی ، بر آیی ، بر سنی خلاصه ایتدیکمز صور محسوسه ایاه مواجهه ایتدیکم او چهره تدریجاً کیرویه طوغری قایوب کیدر . بو صیره‌ده خاطرمه فضله بر شی ده‌ا کلیر : او سایه‌ده صورت محسوسه کیتدکجه معین بر موقع اشغال ایدر . بن بو آدمی کوردیکم وقت یورغون ایدم ؛ پارسدن کلیوردم . . . صوربونده بر امتحان کچیرمش ایدم . . . ایمدی حیاتمه مقید اولان بو وقعه بر تاریخ مشترکدر ؛ بیک سکز یوز فلان سنی

آغستوس آینده وقوع بولمشد. ایشته بونک اوزرینه خاطره محل معینتی بولمش، احلال ایدلمش دیمکدر.

کوریلدیورکه: احلال حقیقهٔ ماضینک یکیدن انشاسیدر: حیات سالفه مزك انتظامه قونماسیدر. چوجنگ حافظه سنک یاشی کله کلش بر انسانک حافظه سندن فرقی اولماسی بوندن طولاییدر. نفس ناطقه سی دها تازه اولان چوجق دها چوق مقدرده انطباعات و افکاری ادخار و حفظ ایلکه کوزه چارپاجق قدر مستعددر؛ بعضاً فوق العاده بر جوالیت کوسترر. انسان کاملک حافظه سی طولمش، اکثریا یورولمشد، بونک ایچون یکی یکی معلوماتک حفظه قارشی سرکشک کوسترر. فقط بوکا مقابل چوجقده زمان حقنده برحس مبهم بولنوب، خاطراته بر محل معین تخصیص ایتمکی بیلمز: حافظه سی هنوز آشکل ایتمه مشدر، اونک عندنده صور محسوسه بلا رابطه، کلشی کوزل بر افق مظلم و غیر معین ایچده موج ایدر: چوجنگ خاطراته حاکم اوله جق صورت قوه کافیه نی اکتساب ایتمسی نفس ناطقه سنده حکمفرما اولان قاریشقلانی chaos «خوا» نی ازاله ایدوب تاریخ حیاتنک آوان مختلفه سنی تنظیم ایلسی انجق دها صکره وقوع بولور.

هافظه نك امراضی؛ ضیاع هافظه و فرط هافظه. — حافظه پك قاریشقی بر قوه در؛ اونك شرائط کثیره سی واردر. بناءً علیه حافظه ده بر طاقم انتظام سزاقلرک کورلمسی ده نادر دکلدر.

مرض اصلی «ضیاع هافظه l'amnésie»، یعنی خاطره نك غائب ایدلمسی، نسیان مرضینک وقوع بولماسیدر. موسیو ریبو Ribot نك کوسترمش اولدینی اوزره بومرض بر چوق اشکال عرض ایدر. کلی ضیاع حافظه، آز ویاچوق اوزون اولماسی، بر قاچ دقیقه دن بر قاچ سنه یه قدر امتداد ایلمسی قابل اولان بر دورهٔ حیاتیه مزك تامانه عائد خاطره یی الغا ایدر. بو بایده پك زیاده مراق آور بر طاقم وقعه لر ذکر ایدرلر؛ فقط هرکس بیلیرکه بر سقوط، باشه اوریلان بر ضربه، حمای تیفوئیدی کبی بر خسته لک بر آن ایچون اولسون معلومات مکتسبه نك کافه سنی اضاعه ایدر: بومعلوماتک یکیدن حصولی ایچون یکیدن مکمل بر تربیه لازمدرکه بوچابوق اولور. بو حالات مرضیه ده بالخاصه جالب مراق اولان شیء بونلردن استنباط ایدیه بیان

قانوندر . ضیاع حافظه حافظه‌نک اک آز تعضو وتشکل ایتش اشکالنده ، تعبیر آخرله اک مؤخر اولان وقایعده وقوعه کلیر ، بونک سببی آکلامق قولایدر ، زیرا بونلر نفس ناطقه‌نک اعماق جوهرینه هنوز نفوذ ایتماشد .

بعض دفعه کلی ضیاع حافظه آردسند مناوبه اولور ، بونلره « موقوت ضیاع حافظه » دینور : *ماو نیس Mac nich* طرفندن بیان اولنان آمریقالی برقادینک خسته‌لکی بو جمله‌دندر ؛ دوقتور *آزام Azam* طرفندن ذکر اولنوب ده‌ا مراق انکیز بر مثال تشکیل ایدن *فرلیما Félicité* نک حالی‌ده کذلک بویه‌در . آمریقالی قادینده یکدیگرنندن بستیون فرقی اولان ، آردلرنده مناسبت اولمایان وهر برینک کندینه مخصوص خاطره‌سی بولنان ایکی حافظه مناوبه ایدیور . بالعکس ایکنجی شخصده ، وقت وقت یکدیگری مقامنه‌قائم اولان ایکی حافظه ارتق تماماً اغیارینی مانع دکلدر ، یعنی بر حافظه‌یه عائد برطاقم خاطرات دیکرنده بولنیور . *فرلیما Félicité* « ایلک حالنده بولندینی وقت بتون حیاتنک خاطراتی یعنی « ایلک حالی » ایله « ایکنجی حالنک » کافه خاطراتی تذکر ایدیور ، حالبوکه « ایکنجی حالنده » یالکز عینی ماهیتده اولان بر طاقم حالاتی خاطرلایور .

« تدریجی اولان ضیاع حافظه » خسته‌لکلری ده‌ا آز عبرت آمیز دکلدر . فی‌الواقع نسیانک اک مؤخر اولان وقایعندن بدأ ایله تدریجاً ده‌ا اسکی وقایعه ایرشدیکی ، ماضی‌ده یوکسه‌لهرک نفس ناطقه‌نک اک سطحی طبقاتندن اک درین حوالیسنه قدر نفوذ ایتدیکی کوریلور . اک صکره ضایع اولانلر چوجقلق خاطرله‌لیدر : یعنی خاطرله‌لرک اک یکسی اک اول ، اک اسکیسی اک صکره ضایع اولیور . عکس قضیه‌ده صحیح‌در ، یعنی حافظه یکیدن ظهور ایتدیکی وقت فکرلرک اک صوک اک کتاب ایدلش اولانلری اک اول تذکر ایدیلیر .

« قسماً وقوع بولان ضیاع حافظه » خسته‌لکلری یالکز بعض صنوف خاطراته تعلق ایدر ، بونلرک اشکالی متعدد اولدینی قدر غریب‌در . بر آدم معلومات سائرهنه هیچ بر وجهله خلل کله‌مک اوزره معلومات ریاضیه و موسیقیه‌سک تمامی اونوده بیلیر ؛ بر کیمسه آرنق کندی اسمنی بیله خاطرلایه‌ماز ؛ باشقه بری الوان واعدادی تخطر ایده‌مز ، بعضلری دخی لاقیردی ایدرکن حرف عطفلر ویا

فعللر کبی بعض کله‌لری اونودرلر و یا خود یازارکن صورت ذهنیه‌سنی غائب ایتمش اولدقلری بعض حرف‌لری کچرلر . بویه حالر حقیقه صایسزدر .

ضیاع حافظه خسته لکلرینک یانی باشنده « فرط حافظه hypermnésie » و یا حافظه‌نک احتداد مرضیسنی ذکر ایتک ایجاب ایدر . بونلرده عمومی و قسمی اولور . عمومی اولانلرنده بتون حیات خارق‌العاده برسرعله یکیدن ظهور ایه کوز اوکندن کچر؛ بو حال اکثریا بر موت محققدن قورتلمش اولان اشخاصده نمایان اولور . ایکنجی جنسده ، تماماً اونوتلمش اولدیغنی ظن ایدیلن خاطراتک ، کندولرینه هیچ بر وقت عطف دقت ایدلمه‌مش اولان بعض افکارک یکیدن حاصل اولدیغنی کوریلور . Taine طرفندن حکایه اولنان مثال بو زمره‌دندر : بر خاخمک یاننده‌کی بر خدمتچی قادین بر حما نوبتی کچیررکن بر چوق سنه اول افندیسنک تلاوت ایتدیکنی مبهم بر صورتده ایشیتمش اولدیغنی وبر کله‌سنی بیله‌آ کلامدیغنی لسان عبرانیده بر طاقم اوزون عبارده‌لری درحال ازبردن اوقومونه باشلامشدر .

حافظه‌نک انواعی . — حالات مرضیه یالکز حافظه‌نک اک مهم بعض قوانینی کشف ایتدیرمکه یارامقله قالماز ، هر کسده تام معناسیله حافظه واحده اولمادیغنی، ده‌ها زیاده متعدد و مختلف حافظه‌لرک بولدیغنی تشخیص ایتمک‌کمزده مساعده ایدر . شه‌سز بو مختلف حافظه‌لرک یکدیگرندن مطلق صورتده آیرلمش اولماسی اقتضا ایتمز . بونلر آره‌سنده نوعاً متقابل بر نفوذ واردر، اقسام مختلفه‌سنی تشکیل ایتدکلری حافظه واحده‌یه مشترکاً خدمت ایدرلر، اولنر اودرجه مختلفدرلرکه خسته‌لک برینی اضاعه ایتدیکی حالده دیگری خساره اوغرامامش براقیر . بو صورتده بعضلرمزده بر ودیگر بعضلرمزده دیگر بعض شیلری ده‌ها زیاده تخطر ایتک استعدادی واردر . بونک اسبابی چوقدر : بونلر توارث ، بنیه ولادیمز ، حساسیت خصوصیه‌مز ؛ بعض حواسک تفوقی و یا ادمانی ، نهایت نفس ناطقه‌لرک اکتساب ایده‌بیلدیکی اعتیادات مختلفه کبی شیلردر .

بو نقطه نظرندن ، اکثریا اول باول حافظه‌نک ایکی نوعی تعریف اولنور : اشیای مشخصیه متعلق اولان حافظه صور و یا حافظه حسیه ؛ مجرداته متعلق اولان حافظه افکار و یا حافظه ذهنیه؛ فقط بو ایکی حافظه‌نک هر برنده یک مختلف اولان

بر طاقم قابلیت‌لری ده تمیز ایتک ایجاب ایدر . مثلاً حافظه افکار ریاضیوندن اولان بر کیمسه ده ویا بر فیلسوفده باشقه ، طبعیوندن اولان بر کیمسه ده ینه باشقه در . دیگر طرفدن ، حافظه صورده ، حافظه ابزاریه یی ، موسیقیشناس عننده پک زیاده جالب دقت اولان حافظه اصواتی ، حافظه حرکتی ویا حافظه محرک‌یی و برده اکثریا اعماده پک قوتلی اولان کیفیات لمسیه حافظه سنی تفریق ایتک ممکندر . فضله اوله رق ، حافظه ابزاریه ده پک چوق انواعه آریله بیلیر : مثلاً رساملر کبی بعض کیمسه لر بالخاصه حافظه الوانه مالکدرلر ؛ هیکل تراش کبی بعضلرنده حافظه اشکال واردر ؛ ده باشقه لرنده چهره لرند حافظه سی ویا اشیانک فضا ده بولندقلری موقعلرک حافظه سی بولنور .

حافظه نك صفاتی . — حافظه لر مختلف اولدقدن باشقه ، هبسی عینی صفاتی حائر بولنقدن ده پک اوزاقدرلر . ای بر حافظه نك صفتلری ده چوق اول تعیین ایدلمشدی . ای بر حافظه نك برنجی صفتی قولایلدقدر . قولای بر حافظه چابوق ضبط ایدن حافظه در . اولیه بر حافظه ایله متصف اولان بر شا کرد درسی مثلاً بر دفعه او قومقله اوکره نیر ؛ حافظه سی آندن نقصان اولان باشقه بر شا کرد بو باده ده زیاده دقت صرف ایده ر ، بونکله برابر احتمال که ینه کوزلجه تکرار ایده مز . ایکنجی صفت « متانت » درکه بر دفعه اکتساب ایدلمش اولان شیئک طول مدت محافظه ایدلمسی استعدادیدر . حافظه سی « متین » اولان بر شا کرد سنه نهایتده سنه نك ابتداسنده اوکرتمش اولدینی شیئی بیه تخطر ایدر : حافظه سی او درجه متین اولمایان دیگر بری ده دون اوکرندیکی شیئی ایرتسی کونی اونوتور . سهولته متانتک معکوساً متناسب اولدقلرینی عموماً سویلرز . بونکله برابر بوقانون مطلق دکدر . والحاصل سرعت حقیقه حائر قیمت بر صفت اولوب اونک سایه سنده حافظه ماضی یی حفظ ایتدکن باشقه او ماضی یی احتیاجز اولدینی وقت بزه اعاده ایتکه وهر وقت امر مزه آماده بولندیرمغه مهیاد ر . حافظه سی سریع اولان بر کیمسه افکارینی اوزون مدت آرامغه مجبور دکدر : بو فکرلر مناسب وقتده مفکره سنده ظاهر اولوب اونک جواب ویرمسنه ، اعتراض ایلسنه ، خصمنی اسکات ایلسنه مساعدده ایدر : « حاضر جوابلق » دنیلن شیء علی الاکثر حافظه نك بو قابلیتته مستددر .

نظایف عملیه. — حافظه رفوئه ممیزه. — حافظه‌نک تربیه‌ده‌کی اعمقی و بوقوعه‌ی تمیه ایتمه‌نک وسائلی حقنده هرشی (وپک کوزل) سویلنمشدر . قوه حافظه‌نک بر مدتدن بری اعتباردن تماماً سقوط ایتمش اولدینی ظن ایدیلور . اسکی تربیه اطفالک حافظه‌یه چوق امنیت کوستردیکی، دها دوغریسی اونکه منحصرأ استنال ایتدیکی سویلنیور ؛ بوکا مقابل ، قوه ممیزه ایله مشغول اولماقده و بونک تربیه‌سنی بالاخیاردرجه نانیه‌ده برامقده‌ایدی . لکن اصل مهم اولان قوه ممیزه‌نک تربیه‌سیدر . مقصد نفس ناطقه‌ی ممکن اولدینی قدر چوق معلوماته طولدیرمق اولمایوب دها زیاده اونی تربیه ایتک و متحمل اولدینی سلامت و صحتی کندیسنه ویرمکدر : چوق زمان اول مونتانی Montaigne : « حسن حالده بولنان بر قنا ایجه طولمش بر قنادن دکرلیدر » دیمشدی . بناءً علیه یکی تربیه اطفال اسکینسک عکسنه اوله‌رق ، حافظه‌یه قارشو بر درجه استخفاف کوسترمکده اوکا وسط درجه‌ده اعتبار ایتکده‌در .

حافظه‌نک حقیقه اسراف ایدلمش اولماسی واقع اوله‌بیلیر ؛ تربیه ذهنیه ایسه نفس ناطقه‌ی طولدیرمق اولمایوب تشکیل و تربیه‌در ، بو ملاحظه‌لر طوغریدر : منحصرأ حافظه‌نک تمیه‌سنه همت اولناملیدر ؛ یالکز حافظه‌نک تربیه‌سنه اعتنا ایدلمش بر کیسه‌نک ذهناً نه‌قدر سفیل اولدیغنی و کنده‌لکندن دوشونمکه غیر قادر و باشقه‌لرینک افکار و مطالعاتی ایله یشامغه محکوم بولدیغنی ، یاریم اوله‌رق هضم ایتدیکی معلوماته یا بر طغره فروش و یا بر بدلا درجه‌سنه دوشه‌جکینی اثبات ایتک قولایدر .

بو ملاحظه‌لرک هیچ برینه اعتراض اوله‌ماز ؛ مقصد هرشیدن اول طوغری وای دوشونمکه مستعد کیسه‌لر یتشیدیرمکدر . فقط بو نتیجه‌ی الد ایتک ایچون الزم اولان واسطه‌لردن بریسی « حافظه‌ی زنکینلشدیرمک وایشله‌تمک » دکبدر ؛ برکیسه توتلی بر حافظه‌یه مالک اولدینی حالده ذکی اولمایه‌بیلیر ؛ بعض چوجقلرک از برلک خصوصنده پک زیاده بر مهارت ابراز ایتدکلری و تکرار ایتدکلری شیدن هیچ بر شی آکلامدقلری کوریلور . بعض بدلالرکده فوق‌العاده بر قوه حافظه‌یه مالک اولدقلری مثال اوله‌رق ذکر اولنیور . بونک معناسی شودرکه حافظه بتون ذهندن عبارت دکلدرد و مطلقاً قوه ممیزه‌ی حاصل ایتمز . فقط ذهنک واضحاً کورمسی ، قوه ممیزه‌نک امین و مستقیم اولماسی ایچون ، اول امرده واسع

و مجهز بر حافظه‌یه استناد ایتلری لازم کترمی؟ حافظه‌نک نفس ناطقه‌یه عائد عملیه‌لرک کافه‌سی ایچون شرط اولدیغنی بوراده یکیدن اثبات ایده‌میز. فقط شوراسنی ده سویلیدر که چوق وقت حافظه‌یه فارشوقونیلان قوه‌میزه، حافظه اولمازسه هیچ برشیئه مقتدر اوله‌ماز. فی الواقع، اگر تمیز و محاکمه ایتک دیمک اشیاده کی نسب صحیحیه یی مقایسه ایتک، سزمک دکلسه یانه‌در؟ اگر انسانک یاننده بیوک بر مهمات افکار، زنکین براحمال خاطرات اولماسه بونلر ممکن اولور میدی؟ هرشیده، کرک عئیده و کرک حیات عملیه‌ده این حکم ایتک ایچون چوق کورمش، و «چوق حفظ ایتش» اولمالیدر: عقل سلیم، تحت نظر، اصابت رأی و تخمین و الحاصل بلا قال نپک کوزل بحث ایتدیکی «استعداد فراست» که ذهنک بر شکل عالسیدر - بتون بو قیمتدار مزیتلر آنجق تجربه ایله و حقایق اشیا ایاه متبادی بر تماس سایه‌سنده اکتساب ایدیلیر.

حافظه و تربیه اذهوقیه. - تربیه ذهنیه ایچون حافظه لازمدر؛ کذب حافظه تربیه اخلاقیه ایچون لازم غیر مفارق بر واسطه‌در. چوجغه ائک این مؤلفلرک ائک کوزل آثارینی اوکره تمکله، اونی بشریتک ائک نجیب و ائک عالی اولان شیریله مناسبتده بولندیرمقاله، ذهنی بعض امثال حکمیه ایاه تربین ایلکله، اطرافده برنوع نسیم اخلاقی خلق ایدلش اولور و بو اونک ایچنه ایشلر؛ کذلک چوجقده حسیات حسنه‌نک انکشافه، تمایلات سیئه‌نک اطفاسنه خدمت اولنور، و وجدانه بعض محکم مسندلر ویره‌رک اخلاقی تعدیل ایدیلیر.

حافظه‌نک تربیه سی. - حافظه‌نک تنمیه‌سنده مختلف ایکی قسم واردر: مقصد اولا اونده خاطراتک دوام حفظنی تأمین ایتک، ده‌ها صکرده اوکا ائک زیاده قوت و ممکن اولان جوالیتی ویرمکدر.

حافظه‌یه شیرلری نقش ایتک صنعتیه کلنجه بونک قانونلرینی بیلیرز: بونک بتون سری اونلری تطبیق ایتمکدر. ممکن اولدیغنی قدر، چوجنی واضح و متمایز انطباعاته معروض براقلی؛ فرصت دوشدکجه مراقفی و نظر دقتی تحریک ایتلی؛ برشیئ تخطر ایتک ایچون براز غیرت قدر هیچ برشیئک مشعر اولمادیغنی، برمشقی ازاله ایتک ایچون برآزده مشقته قاتلانمق لازم کلدیکنی کندیسنه آکلاملیدر. حافظه‌سی اطاعتسز اولانه نوید اولماق لازم کلدیکی و تکرار صبر سایه‌سنده

مقصده ایریشه جکی سویلنملی ، و مشککه غلبه ده کی لذت حس ایتدیرلملیدر . فقط معلم لایقیله ایضاح ایدلمه مش و تماماً آکلاشلما مش اولان هیچ برشیئی طلبیه ازرلتدیرمه ملیدر . حافظه اکر قوؤ میزه نك اکی برغداسنی تشکیل ایدرسه ، بالمقابله قوؤ میزه دخی حافظه نك اکی معاوونی اولوب هیچ برشی اونك یرینی طوته ماز . شهبه سز ، بعض مؤلفلرک برنیت حسنه ایله اختراع ایتیش اولدینی ازر جیلکه عائد مختلف وتیره لر علیهنده علی الاطلاق بر حکم اتهام و یریمه جکز ؛ بو وتیره لر بعضاً (بالخاصه تاریخ ایله جغرافیاده) فائده لی خدمت لر ایده بیلر لر ، و ایجابنده بونلردن استفاده یه هیچ برشی مانع دکلدر ؛ فقط بونلرک عمومی بر اصول تشکیل ایدمه یه جکی بدیهیدر ؛ ذاتاً بونلرک سبب اتهام لری اکثر بار برلرنده در . استناد ایتدیکی مشابته و مقایسه لر ، چوق وقت پک صنعیدر . ازر جیلکه متعلق وتیره لرک اک مؤثری ترتیب طبعیدر ؛ اشیای تخطر ایتمه نك اکی واسطه سی اونلرک آکلاشلمه سی و روابط عقلیه ایله یکدیگرینه ربط ایدلمه سیدر ؛ بونقطه نظر دن حافظه نك تربیه سی ایله قوؤ میزه نك تربیه سی بر در . حافظه یی ممکن مرتبه تقویه و جوال ایتک خصوصنده کی وسائطه کلنجه بونلرک جمله سی نهایت ممارسده طوپلانیر . شهبه سز ، ازر بر اوقومنی سوء استعمال دکل ، حسن استعمال ایتلیدر ؛ حافظه یی تشییط ایتک واکا ایجه و نسر عتله حفظ ایلسی اعتبار دینی و یرمک باشقه درلو قابلیدر ؛ چوق دفعه بونک یرینه باشقه برشی اقامه ایدلسی تجربه اولنمش ایسه ده ، بوماده ده کاردن زیاده ضرر اولدینی آکلاشله رق متروک اصوله تکرار دونمک اقتضا ایتشدر . بوندن باشقه ازر برله تمکدن صاقمه نك غیر ممکن اولدینی ده علاوه ایدلم ؛ مشخص یا خود مجرد اولسون بالجمله صنوف معلوماده ، بعض شیر واردر که (بو شیر اک مهملریدر) اونلری حافظه یه تودیع ایتک اقتضا ایدر : بویلا مزسه رقیاتک مخاطره یه دوشمسی ملحوظدر . شهبه سز ، حفظ ایدمک اوزره و یرلن درسلرک هروقت چوجنک قواسنه او یغون اولماسی لازمدر : فقط بو حدود ایچنده و بو قیود احترازیه تحتنده اودرسلر قوؤ حافظه یی تجربه وتیمه ایده جک یکانه ادمانلردر . والحاصل ، یالکز حفظ تعلیم ایدیلیرده ، اونو تمامق اوکرده دلمزسه تربیه حافظه تمام صایلاز . نسیان ، اولماسی لازم کلدیکی کبی قالیرسه ، مفکره ایچون الزمدر ، زیرا مفکره نك طراوت و جولانسه خدمت ایدر . ایمدی بونقطه نظر دن ، چوجق پک

زیاده تجربه سزدر : او هر شیئی حتی معناسز ، بپوده شیرلی ده حفظ ایدر .
 بوندن دولاییدرکه آره صره چوجنی کندینه کتورملی ، خاطراتی ایجه هضم
 ایتمهک، اونلرک جوهرینی برقاق فکر اساسیده جمع و خلاصه ایلکه، آرتق لزومسز قالان
 فضلہ سنی آتمه جبر ایتلیدر : بویله یاپیلیرسه نفس ناطقه نك اودرجه مهم اولان ایکی
 قوده سی یعنی حافظه ایله مفکره بر برینه خدمت ایتدیرلش اولور، و بوندن هرایکسی ده
 بک زیاده استفاده ایلر.

خلاصه

۱. — حافظه اولجه اکتساب ایدلش اولان افکارک محافه سی و اونلرک تشخیصی
 ملکه سیدر . حافظه قوای اکتسابیه و (بطریق الاولی) قوای اعمالیه الزمدر .
۲. — حافظه شعورک کافه حالاتی احتوا ایدر ، فقط حدودی شعورک حدودیله
 بردر؛ شه سز، روحیات علماسندن بعضرینه نظراً حافظه ماده عالنه قدراینه بیلیر . فقط
 بونظریه آنجق شعوره ، تشخیصه تذکرک بسیط بر لاحقہ سی نظریله باقلماسیله ممکندر :
 حال بوکه شعور اونک یعنی تذکرک کنه و ذاتی حکمنده در .
۳. — حافظه ده : حفظ ؛ ثانیاً استرجاع ؛ ثالثاً ؛ تشخیص ؛ رابعاً افکاره بر
 محل تعیینی خصوصلری تمیز ایدملیدر .
۴. بعض مؤلفلر بالعموم افکارک هیچ خبرمن اولقسزین حفظ ایدلدکلرینی
 بیان ایتملرسه ده بونظریه ممتنعدر . دها زیاده قابل مدافعه اولان باشقه بر ذهاب
 حفظی بر طاقم اسباب فیزیولوژییه ایله یعنی ایلک انطباع ایله برابر حاصل اولان
 اهتزازات عصبیه نك دوام و بقای ایله ویا دها طوغریسی حجیرات آراسنده بر طاقم
 اجتماعات قوانیه نك تشکلی ایله ایضاح ایدن مسلکدر (ریبو Ribot) . شوقدر
 واره که بومسلک احتمالکه مسئله نك یالکز بروجهنی کوریور، اگر اهتزاز بردوام اولور
 ایسه فکرکده آزچوق مشعوره اولمق شرطیله دوام ایده بیلرسی نه دن قابل اولماسون .
 حجیرات اراسنده اجتماعات وقوع بولیور ایسه افکار آراسنده ده اجتماعاتک وقوعی قابلدرد .
۵. افکارک محافه سی شرائطی یافیزیولوژی در . (عضویتک ایی حالده
 اولماسی) ویا روحیدر « ایلک انطباعک شدتی ، تهیج ، دقت ، افکارک وضوح
 و تمایزی ، ترتیب عقلی ویا غیر طبیعی ، تکرار) .

۶. خاطرات مختلف طرز زرده یکیدن ظهور اید بیلیر: آ- کندیلکندن،
 ب- بالتداعی، ج- اراده نك تأثیری ایله، بالاراده تخطر بالتداعی بر تخطر در.
 ۷. تشخیص حافظه نك باشلوجه عنصریدر. (تذکر و تذکر مهم). بوتشخیص
 تکلیف حاضری زمانه نسبت ایتکدن عبارتدر: تشخیص، زمان فکرینه وقوفی
 وشخصک عینیتی مستلزمدر.

۸. خاطره یی احساسدن تفریق ایدرلر، زیرا برحالت ضعیفه اولان خاطره یی
 انسان ایسترسه دفع اید بیلیر. بو خاطره یی احساسات حالیه چوق وقت
 مخالفدر. خاطره مخیله نك ایجاد ایتدیکی بر خیالندن تفریق ایدیلیر، زیرا او اصلا
 جهد ایدلمکسزین کلیر، تعدیل ایدیه مز، وتشخیص اولنان باشقه خاطراته ده مربوط
 اوله بیلیر.

۹. خاطره نك تمام اولماسی ایچون اوکا بر یر تعیین ایدلمسی «احلالی»
 لازمدر: بونک ایچون، اونک، کندیلریه برلکده معین تاریخلرینی طاشیان
 دیگر اذکاره اشتراک ایتسی لازمدر.

۱۰. حافظه نك امراضی ضیاع حافظه (عمومی، قسمی، موقوت، تدریجی)
 ویا خاطراتک غیر طبیعی بر صورته ضیاعی، - فرط حافظه (عمومی، قسمی)
 ویا حافظه نك احتدادی. بتون بو حالات مرضیه انسانده یکانه بر حافظه بولنمایوب
 مختلف برچوق حافظه نك موجود اولدیغنی اثبات ایدرلر. (افکار وصور محسوسه نك
 حافظه سی، صور محسوسه نك حافظه سنده، حافظه بصریه، حافظه اصوات، حافظه
 لمسیه، وسائرده). حافظه نك ائی اولماسی ایچون اونده بر چوق اوصافک بولنماسی
 لازمدر: سهولت، متانت، سرعت.

۱۱. حافظه یی احتمالکده سوء استعمال ایتمش اولان اسکی علم تربیه اطفالک
 خلاقه اوله رق یکی علم تربیه اطفال حافظه یی وسط درجه ده اعتبار ایدر وبالخاصه
 قوه میزه نك تربیه سنده دقت اولنماسی ایجاب اید بککنی بیان ایدر. بو طوغریدر.
 فقط قوه میزه یی زنکین وقوتلی بر حافظه یی استاد ایتدیر مکسزین یتشدرمک ناصل
 ممکندر؟ حافظه ذهنک تربیه عمومیه سنک بر شرط اصلیسیدر؛ حافظه تربیه
 اخلاقیه نك دخی مهم بر قسمیدر.

۱۲. اشیانک حافظه ده ایجه حک ایدلمسی ایچون علم روحک خبر ویردیکی

قوانینک تطبیق ایدلمسی لازمدر؛ ازبرجیلک وتیره لرنندن ایدیله جک استفاده آزددر؛
 الذایی اصول آکلامقدن عبارت اولان ترتیب عقلی بی قبول ایتدرمکدر. حافظه نك
 توسیع وتقویه سی ایچون یالکمز بر چاره وارددر اوده نمارسه در. ازبر او قومهنک
 یرینه هیچ بر شی قائم اوله ماز. برده ازبرله برابر، اونو تمامنی ده چوجغه اوکرتملیدر.

اوننجی درس

نراعی افکار

تداعی افکار؛ تداعی افکار دائرۀ شمولی و ماهیتی. - تداعی حتمه کی اسقوجیا نظریه سی: نسب اصلیه و نسب عارضیه، نفس لک انواع مختلفه سی. - اسقوجیا نظریه سنک قیمتی. - تداعینک شرط ضروری و کافیتی: قانون اتصال. - تداعی واعنیاد. - قانون مجانست: بونک قانون اتصاله رجوعی. - تداعینک اسباب تالیه سی. - مفکرده تداعینک اهمیتی. - تداعینک حدودی. - تداعی وطنون باطله.

تطبیقات عملیه. - تربیه و تداعی. - تداعی وسعادت. - تداعی و خط حرکت. - تربیه نک فعل مثبتی.

نراعی افکار l'association des idées نراعینک دائرۀ شمولی؛ ماهیتی. - بر قانون اصلی بی، یعنی تداعی افکاری ذکر ایتدیکجه حافظه دن بحث ایده مدک: بوقانون افکارک یکدیگری نی جلب و دعوت ایتک خصوصنده حائر اولدقلری خاصه در. بو خصوصی هرکس بیلیر. مثلا ذهنه یانه نوره Panthéon ک صورتی کلسه؛ بوفکر یکا اوراده مدفون ریفتور هر غریبی خاطر لادر، ریفتور هر غریبه مفیدم Les Misérables اثرینی، بوده نابولنوره ک و اترو محاربه سی فکری او یاندریر؛ بیوک بر فاتح اولان نابولنوره دخی خاطر مه اسکندر کیری کتورر الخ... سلسله افکارم اصلاً منقطع اولمقسزین بو صورته دوام ایده بیلیر.

برده شوراسنی اخطار ایتک لازمدرکه بو یالکز افکاره یعنی حادثات ذهنیه مخصوص دکلدرد، ره Reid ک تنهیه نظراً بو بلا استثنا حادثات روحیه نک کافه سنه مشترک اولان بر خصیصه در: بر فکر یالکز باشقه بر فکر او یاندریر مایوب بر تهیجی، بر آرزوی ده او یاندریر؛ بو قیلدن اوله رق بر احتساس دخی بر صورت محسوسه سی، بر ارتیاد Voilition ی ائاره ایده بیلیر. شیوع بولش اولان «تداعی افکار»

تعمیری محافظه‌ایدیه‌بیلیر، فقط شو شرطله که ده قارت کبی، « فکر » تعیرندن هر هانکی نوعدن اولورسه اولسون، هر حالت شعور آکلاشلملیدر .

ایمدی حیات عقلیه‌نک وقایع کثیره‌سی آراسنده بربرینه کچمش ایتمک‌کردن مرکب بر شبکه تشکل ایتشدرکه اوراده جمله‌سی یکدیگرینه مربوطدر، ویا ده‌ا طوغریسی وقایع مذکوره بینده برنوع قوه جاذبه موجود اولوب بری یکیدن ظهور ایتدیکی وقت درحال دیگر بر چوق وقایعی دعوت ایدر . بو باده بحق : تداعی افکارک عالم شعورده ایفا ایتدیکی خدمت، قوه جاذبه قانوننک کائناتده ایفا ایتدیکی خدمتک عیندر، دنیلمشدر. طبیعتده بتون اجسام بربرلینی جذب ایتدیکی، هرشی هر شیئه بیکلرجه اینجه وکیزی رابطله‌لر ایله مربوط اولدینی کبی بو قیلدن اوله‌رق روحده برشی حال تجروده اولمایوب شعورک هر حالی حالات سائریه مربوطدر .

شونی‌ده علاوه ایتک ایجاب ایدرکه بو خصوص بزدن تماماً مستقل اولان بر قانوندر : فکرلر بزم مداخله ایتکلکمزه حاجت قالمق‌سزین، تماماً بر سائق‌خفی‌ایله عادتاً کندیلک‌کردن اجتماع، یکدیگرینی دعوت ایلرلر : شبه‌سز، حافظه بحثده کورمش اولدیغمز اوزره، افکارک دعوتی تسهیل ویکیدن وارد اولان ترکیباتی انتخاب‌یده‌بیلیرز: فقط اونلری یکیدن تولیدایدن، اراده متأمله‌دکدر؛ افکارک‌کندیلرینه خاص اولان قسریته spontanéité مستنداً اواینر . وهیچ بروقت تصادفاً اواینامازلر . شبهه یوق‌که، اکثریا اونلر آرهنده موجود اولان رابطه‌نظره اولاده کوزدن قاجویورر؛ مفکره‌نک بر فکرندن دیکرینه بلا سبب آتلامش اولدینی ظن ایدیلور، فکرلرک بو تقریبی غرابتدن دولای انسانی حیرته براقیر ویا کولدیورر . بونکله برابر نفس ناطقه‌نک تبعیت ایتدیکی نظام کشف اولنه‌بیلیر . بر فکرندن دیکرینه آرده‌دیکر بعض افکار متوسطه‌ایله انتقال ایتدکسه‌ده بو مرور او درجه سرعتله وقوع بولورکه اونلری کورمه‌یز . هاملتون Hamilton بالواسطه وخفی اولان بو تداعینی شو حادثه فیزیقیه ماهرانه تشبیه ایدیور : بر قاج بیلایا بربرینه تماس ایتدیرلمک اوزره اصلدینی حالده برنجی بیلایه بر حرکت ویرلسه صوکنجی بیلایی صارصار، آرده‌کی بیلایلر ایسه حرکتی نقل ایتدیکلری حالده سکونده قالرلر .

نوعی مفهومی است. تفکر یا نظریه‌ی : افکارک نسب اصلیه و عارضیه‌ی . — نفسک انواع مختلفه‌ی . — تداعی افکار قدر عمومی اولان بر حادّه فیلسوفک نظر دقتی جلب ایتکدن کیری قاله مازدی . افراطونه ایله ارطوبه بونی اولجه اخبار ایتشلدی؛ بونک کبی اونک شرائط عمومیه سنک و علت حقیقه سنک ده آرانیسی ایجاب ایدردی . بو حادثه‌ی تدقیق ایتش اولانلرک کافه‌ی بر فکرک باشقه بر فکری او یاندر ماسی ، آرالرنده بعض نسبتلر بولندیفندن ایلر و کلدیکنی بیان ایتک خصوصنده متفقد رلر .

بالخاصه استقره‌یا مکتبی بونستلرک تام بر جدولنی تنظیم ایتکه غیرت ایتشدر ، بو مکتبک ملاحظه‌سنه کوره بونستلر علی الاکثر ایکی به تقسیم ایدیلیر : بر طرفدن ، نسب عقلیه ، اصلیه و یا منطقیه ؛ دیگر طرفدن ، نسب اختباریه ، تصادفیه و یا صنعیه . برنجی صنفده ، خصوصات آتیه تفریق ایدیلیر : مبدئک نتیجه‌ایله اولان نسبتی ؛ بوجهله بردعوی نظریه فکری بنده اودعوانک اثباته مدار اولدینی باشقه بردعوی فکری او یاندریر ؛ بن ایلمایرینی - déterminisme دوشوندیکم وقت بومسلکک استلزام ایتدیکی هر شی دوشونیرم : یعنی وظیفه‌نک ، مسئولیتک انکاری و سائرده . — علتک نتیجه‌ایله اولان نسبتی : فکر حرارت بکا انبساط اجسام فکری تلقین ایدر ؛ — جوهرک عرض غیر مفارق ایله اولان نسبتی : جناب الله حقنده کی فکر نفس ناطقه‌مده حکمت ربانیه فکری دعوت ایدر ؛ روح l'âme بنی کندوسنه عائد قوای مختلفه حقنده دوشوندیرر ؛ — وسیله‌نک غایه ایله اولان نسبتی : تاخراف تللرینی کوردیکمده تلغرافنامه‌لرک نقل و ایصالنی دوشونیرم ؛ — نوعک جنس ایله اولان نسبتی : بر کوپکی کورمکلکم آکل اللحم حیوانلری خاطرلادر . والح .

ایکنجی صنفده ، خصوصات آتیه تفریق ایدیلیر : — مکان داخلنده نسبت اتصال contigüité مثلاً روم نهری بکا آلساسی دوشوندیرر ؛ — زماناً نسبت معیت simultanéité مثلاً زامه وارو بکا یدنجی شارلی دوشوندیرر ؛ — مشابهت ressemblance نسبتی ؛ بوراده مشابهتک انواع مختلفه‌ی بولندینی جهته تداعیلر متعدد اوله بیلیر ؛ بوتداعیلر یا مفکره‌نک موضوعلری اولان شیلر آراسنده ، ویا بالذات افکار بیننده و یا خود افکارک واسطه بیانی اولان کلمات آره‌سنده موجوددر : مثلاً اسکندرک ، قیصرک ، ویا ناپولئونک بر رسمی کوردیکم وقت بن اورسمک تصویر

ایتدیکی اصل ذاتی دوشونیرم؛ شکمپرورلك فکری بنده آکا قریب اولان آج کوزلیک فکرنی دعوت ایدر. فرانسزجده طاش دیمک اولان pierre ویا بیاض دیمک اولان blanc کله لرینک تلفظ ایدلدیکنی ایشیتدیکم وقت اسمی Pierre اولان بردوستمی ویا معلوم اولان Blanc نام عائله یی دوشونه بیلیرم: افکار مذکوره تماماً مختلف ایسه ده اونلری افاده ایدن کلمات بردر. ایشه جناسلر یالکز مشابته اصواته مستند اولان بولفظی تداعیلردن عبارتدر. - تضاد contraste: قیش موسمی بزه یازی دوشوندریر. طاوشانک سرعتی، قابلومنه نک بطائنی تخطر ایتدیر؛ - اشارت ایله مشار الیه آراسنده کی نسبت: دومانى کوردیکمزمده آتشی دوشونیرز؛ برکیمسه نک کوزیاشری اونک حزتی بزه اخبارایدر. بومبدئه بناء، تداعینک ایکی بیوک نوعی اولدینی کوریلیر: بر طرفدن، اشیانک نسب حقیقه سنه دلالت ایدن اساسی تداعیلردرکه بونلر عقلاً مسلم اولوب مرجعلری تأملدر؛ دیگر طرفدن، هیچ بر قیمت خارجیه سی اولمایان عارضی تداعیلردرکه تجربه نک تصادفلرینه استناد ایدر وبوصورتله یالکز باشلرینه تشکل ایلرلر. بونک ایچوندرکه، بر طاقم حقیق اعتیادات عقلیه تشکیل ایدن بوتداعیلردن برینک ویا دیگرینک تفوقه نظراً، ایکی نوع نفس تمیز ایدلمسنه جواز واردر دنیلمشدر: بونلرک بریسی فکری بعضی نسب عقلیه ایله تداعی ایدن وبوسبله بعضاً آغیر وبطی اولان منطقی، اصولپرور نفسلر، دیگرى فکری تصادفی، عارضی مناسبتلرله تداعی ایدن ده آز جدی، ده خفیف نفسلردرکه، بونلر اشیانک ظواهرنده کنزیرلر، فکری آز چوق اینجه وبارلاق اولقله برابر اکثریا درین ومتین اولمالری شبه لیدر.

امقورمیا نظریه نک قمنی. — شبه یوق که، بونظریه بردرجهیه قدرطوغریدر؛ فقط هر درلو سوء تفهمدن اجتناب ایدلسی لازمدر؛ فی الواقع اکثریا نظریه مذکوره تماماً غیر قابل قبول اوله جق صورته تصویر ویا تفهم ایدیلیور. مثلاً فلان فکر معلوم اولنجه، نفس ناطقه، او فکره نسب مسروده نک بری ویا دیگرى ایله مربوط اولان باشقه بر فکره درحال انتقال ایدر دیمک ایسته نیلیرسه، بوزهاب مدافعه ایدله مز: بردعوی نظریه یی ویا آلساسی بیهوده یره دوشونیرم: بنده

باشقه بر دعوای نظریه فکریخی ویا ره نه‌ری فکریخی اویندیره بیله جک شی' مبداءك نتیجه ایله اولان نسبتی ویا مکاناً اولان نسبت اتصال دکلدر . ایکی فکردن برینك دیکرینی دعوت‌ایده بیلمسی ایچون، اونلرك هر نه سیه‌مینی اولورسه اولسون لااقل بردفعه برابرجه دوشونلش، داخل شعورده برلکده حاضر بولنش اولمالری لازمدر . بونلرك بویه معاً دوشونلشی ایستر تجربه‌نك تصادفلرندن ویا ایستر بعض منطقی مناسبتلردن ایلرو کیش اولسون اهمیت یوقدر : تداعینك حصولی اوندن اعتباراً ممکن اولور، او ایکی فکر بردفعه نفس ناطقه‌ده معاً حاضر اولنجه، یکیدن حاضر اوله‌بیلیر ویا ده‌ها طوغریسی تکرار حاضر اولغه میل ایدرلر، بو تقدیرده اونلردن بری ظاهر اولنجه دیکرینی ائاره ایتمه چالیشیر . بو صورته، نسب اصلیه‌نك کافه‌سنك تلقین suggestion نقطه نظرندن اهمیت ویا ده‌ها طوغریسی قیمتی حائز بولنماسی، آره‌لرنده بولندقلری افکارك معاً شعورده حاضر بولنمالرینی متضمن اولماسدن ایلری کلیر، زیرا بر نسبتی دوشونمك نسبت مذکورده‌ی ممکن قیلان ایکی حدی‌بالضروره دوشونمکدر. بتون تداعیلر، افکارك بردفعه اولجه زمان واحده نفس ناطقه‌ده حاضر بولنش اولماسنه وابسته‌در: شوقدر وارکه بو برآده حاضر بولونش آز چوق تصادفه تابع عادی بر معیت اولمایوب‌ده افکار بیننده موجود اولان بر نسبت منطقیه‌نك ادراکی ایله‌ده نوعاً ماتضعف ایتش بولنورسه تداعی ده‌ها صاغلام ده‌ها دواملی اولور، زیرا بر رابطه عقلیه ایله مرتبط وملتحم اولان ایکی فکر آرتق تماماً معقول intelligible و بر برینه ده‌ها صلابته یاشمش بر فکر مثابه‌سه کیرمش دیمکدر .

تراعینك شرط ضروری و کافی: اتصال contigüité قانونی . —
 بووجهله شو نتیجه ایریشیر: ایکی فکرك یکدیگرینی جلب و دعوت ایتسنك شرط ضروری و کافی، اونلرك داخل شعورده اتصال ایتش اولماسیدر . فی‌الواقع، دوشونمك برلشیدیرمك دیمکدر؛ شعور اساساً بر فعالیت تألیفیه و ترکیه‌درکه تجربه‌نك تهیه ابتدکی عناصر مختلفه‌ی طاقیم طاقیم ترکیب ایلر . بناءً علیه بر طاقك یکیدن اسکی حالنده شکل ایتمه سعی ایده‌بیلمسی اونك اولجه لااقل بر دفعه تشکل ایتش اولماسنه منوط اولدینی بدیهیدر: ایمدی داخل شعورده فکرلرك اتصالی تداعینك

بر شرط ضروریسیدر. کذلک بوبر شرط کافیدر: طاقیم بر دفعه تشکلی ایتدکن صکره، تمامآزائل اولمامشدر: نفس ناطقه بر در، اوهر وقت عینی حالده بولمغه، اولجه اعمال ایتش اولدینی شیئی یکیدن یامغه ساعیدر: بناءً علیه اولجه حاصل اولان طاقیمک یالکز بر عنصری شعورده یکیدن ظهور ایدنجه دیگر ارقداشلیله تمام اولمغه، اولنری چاغیرمغه سعی ایدر، یعنی روح اولکی حالنی بولمغه چالشیر. (۱)

مراعی واعتبار. — ایمدی مسئله خلاصه ایدیاهجک اولورسه تداعی اعتیادک عینیدر: یعنی مفکره‌نک بر اعتیاد دماغی ایله تضاعف ایتدیکی شبهه‌سز بولنان بر اعتیادیدر: استورات میل «ایکی فکر بر ویا بر قاچ دفعه دوشونش اولورسه نفس ناطقه‌ده اولنری برابرجه دوشونمک خصوصتک بر تمایل حاصل اولور» دیمشدر: بوتایل اعتیادک تاکندیسیدر. بناءً علیه تداعی ایله اعتیادک قانونلری بر در: یعنی تداعی دخی تکرار ایله قوتلشیر؛ یالکز تک بر اتصال سببیه یکیدن تحدت ایده‌بیلیر، الویررکه او اتصال نظر مزه شدتله چارپمش اولسون؛ والحاصل فکرلری دائماً عینی صیره داخلنده، طاقیم طاقیم تولید ایلر.

قانونه بجانست *similarité*، بونک اتصال قانونه ارماعی. — شعورده کی اتصال تداعینک قانون اصلیسیدر: فقط او یالکز میدر؟ بویله اولماسه کرک. فی الواقع ایکی فکر اولجه شعورک حالت واحده‌سنه داخل اولمادقلری حالده آده‌لرنده بر مشابته بولمق شرطیله بر برلرینی جلب ودعوت ایده‌بیلیرلر. مثلاً یولده برکشی‌یه راست کلیم: درحال عینی سیمایه ماناک اولان باشقه بر دوستم خاطر مه کلیر: حالبوکه بن بو ایکی شخصی مقدما هیچ بر وقت برابر دوشونمشمش ایدم. بوندن طولاییدرکه بر جوق فیلسوفلر قانون اتصال ایله برلکده باشقه بر قانون اصلینک وجودینی قبول ایدرلرکه اوده بجانست قانونیدر؛ بو فیلسوفلر مشابته حاصل اولان تداعیلرک دیکرلرندن زیاده مهم ودها اصلی *original* اولدقلرینی وتلقین افکار خصوصنده دها یوکسک بر قدرته مالک بولندقلرینی بیان ایتمشلردر: اتصالده یالکز بر فکرک دیگر بر فکر طرفندن دعوتی وارددر؛ مشابته حالنده ایسه، بر فکرک دیگر بر فکر طرفندن حقیقه تذکیر وایقازی وارددر.

(۱) هاملت بوقانونه «loi de réintégration» دیور؛

بونکه برابر قانون مجانستك قانون اتصاله رجوع ایده بیه چکی کوریلور. مثلاً R. S. M N تصور ایدلمش اولسون. بو فکر آنکه اتصال و مناسبته بولنماش اولان P Q M N فکری تلین ایستین دیهلم. فقط شوکا دقت ایتلدرکه بو ایکی فکری مشترک بر جزو وارددرکه M. N در، بو جزو بربری آردنجه R S ایله و PQ ایله متصلاً دوشونلشدر. ایدمى R. S M N حروفندن متشکل طاقمك M N عنصری دوشوندیکم وقت اوتنه کی طاقده عیناً موجود اولان M N عنصری ده دوشونمش اولورم، حال بوکه بو عنصر اولجه وقوع بولان بر تجربه ده P Q یه متصل اولدینی جهته، بوحال بالذات بوفکری دعوت ایتسی، یعنی نفس ناطقه نك RSMN تصورندن P Q M N تصویرینه چمسی ایچون الیرر. مجانست طریقله تداعی، بالاتصال تداعی یه داخلدر: شوقدرکه بو تداعی «تصورك کلیتی» ایله دکل، «اتصال جزئی» ایله، «تصورك بر جزئی» ایله وقوع بولمشدر.

تداعینك اسباب ثانویه سی. — بونکه برابر، تداعینك بوشروط عمومیسى استنباط اولدینی وقت، بالخاصه عمومیتدن ناشی، تداعینك هرجهتی ایضاح ایدلمش دکلدر. بر فکر خصوصی باشقه بر چوق فکرلرله متصلاً دوشونلش اوله بیلر، بناءً علیه بو فکر یکیدن حاضر اولدینی وقت نفس ناطقه حقاً en droit و قبلً à priori اوله رق بر چوق استقامته توجه ایده بیلر: فقط فعلاً en fait نه دن یالکزر فلان بر فکره انتقال ایدیورده، باشقه بر فکره انتقال ایتیمور؟ بو جهته تداعینك قوانین ثانویه سی، فیلسوفلرک نظر دقتی ده آاز جلب ایتمش اولمقله برابر، قانون عمومی قدر مهمدر.

اول امرده اسباب آفاقیه واردر: تجربه بزه ایکی فکرک بر برلریله نه قدر صیق متصل اولدقلمش کوسترسه نفس ناطقه اونلری برلکده اولق اوزره اوقدر صیق دوشنور، اونلرک برندن دیکرینه انتقاله تمایل ده آزاده آرتار: نهایت، تداعی نتیجه ده غیر قابل انحلال اوله بیلر و تفکرک حقیقی بر احتیاجنی تشکیل ایدر. انکلز مکتبنک بوندن استخراج ایتمش اولدینی فولندک کافسنی بالاخره کوره جکزر. فقط بالخاصه اسباب انفسیه یی نظر اعتباره آلق لازمدر. بوراده خاطراتک حفظی قوانینی حقتده سولش اولدیغمز شیلرک کافسنی تکرار ایتک، تهیجک، دقتک، بالاراده تکرارک، و کذآک انطباعات اولیه ده کی شدت و تأثیرک ویا فکرلر آره سنده کی

تلازم عقلینک ایضا ایتدک‌لری خدمت‌لری صایق لازم کلیردی . فی الواقع خاطر اتمک حفظه مدار اولان شرائطک کافه‌سی برابرجه دوشونش اولان افکار بینه‌موجود اولان رابطیه‌ی بالضروره تقویه‌ایدر و اونلرک التصاقی ده‌آرتدیرر؛ حافظه تداعی افکاری، تداعی افکار دخی حافظه‌ی مستزمدر، ده‌ا طوغریسی بو ایکی شی توأمدر : حافظه هر وقت بر تداعی افکاردر ، زیرا هر خاطره عناصر مختلفه‌ک برترکییدر؛ بوکا مقابل تداعی افکار دخی یالکز بر فکره تعلق ایده‌جکی یرده بر قاچ مختلف فکری احتوا ایدن بر حافظه‌در .

بونکله برابر بالخاصه شونی اورتیه‌چیقارمایدرکه تداعی افکار جوق وقت بر سکلکی، برزنکی، تمام‌اشخصی بر استقامتی حائردر . عینی بر انطباع، عینی بر فکر ، مبدأ و سبب اولدینی حالده اشخاص مختلفه آرهنده تماماً مختلف بر طاقم صور محسوسه آثاره ایدر . اسیموزا قوم اوزرنده بولنان آت ایزلری بر عسکرده ، بر چفتجی‌ده ویا بر تاجرده عینی افکاری او یاندیرماز دیر ایدی .

تداعیلر نفس ناطقه‌مرك طور واداسنه ، خویمزك ماهیته ، طبیعی سوکیلر مزه و قلبمرك کیزلی تمایلاته تابمدر . تداعیلر یالکز مزاج معنوی اصلیمرك بر آینه‌سی مقامنده اولمایوب ، اکتساب ایتدیکمز عادتلرده ، اجرا ایتدیکمز صنعت و مسلکه ، مطالعه ایلدیکمز آثاره ، انظار دقمرك توجه ایتدیکی جهته ، بالخاصه حساسیتك كرك مسرتبخش ویا باعث کدر اولسون ، وكرك بی تأثر ویا ملتبه بولنسون استعدادات حاله‌سنه ، یعنی روحمرك بر حال خصوصیده‌کی کیفیتده تابعدر .

تداعیلرک بوتنوعی اثبات ایدرکه اونلری یالکز اشیاك نفسمزده حاصل ایتدیکی انطباعاتك بر طنین منفعلی عد ایتك جائز دکدر ، اونی بویه عد ایتك تداعینك الك مهم عواملندن بری ، یعنی شعور فردی بی بنیه ابتدایه ویا مکتسبه‌سی و عکس‌العمله اولان قابلیت ذاتیه‌سیله برابر افعال ایلکدر . هر شخصك بر سیای جسمانیسی اولدینی‌کی بر سیای معنویسی‌ده واردر ، هر کس اشیا بی‌کندی منشور prisme آرهنندن کوریر ، صکره اونلری تفکیر idéaliser ایدرک کندیلرندن بالطبع بعض خصائص استخراج ایدرکه بونلرده ، بر نوع تجاذب ساقه‌سیله ، عینی جنسندن اولان باشقه بر طاقم فکرلری دعوت ایدر و تداعیلره کندیلرینه خاص اولان طور و عیاری ton و حرکت خصوصیه‌ی ویرلر .

مفکرده مرابعینک الهیبتی. — بو تقدیرده مفکرده تداعینک ایفا ایتدیکی خدمت نه‌دن عبارت‌در؟ بوقانون اولاهافظه‌نک عادی برشرطی صورتنده عدوتدقیق اولمش ایکن، زمانمزده انکلیز مکتبی واسطه‌سیله بستیون یکی براهیت آلمشدر، زیرافنس ناطقه‌نک، ذهنده اولان، بالعموم عملیاتی وبوعملیاتک قواعد مدبره‌سنی یعنی « عقل *raison* » ی بوقانونله ایضاح ایدیورلر، بوجهته بالاده‌کی سؤال ده‌ایزاده حائزاهیتدر. تداعی فکرلری منتظم سلسله‌لر حالنده ترتیب ایتمکه اول امرده شعورایچنه برترکب *organisation* برانتظام تملی آتش اولور، تداعینک ایلک فائده‌سی بودر. صکره حافظه‌یه‌ده، سکونت ویره‌رک یاردم ایدر: تداعی سایه‌سنده نفس ناطقه هرشیئی حفظ ایتمکه مجبور اولمادیغی کبی بارثقیل خواطراچنده بوغولمق ته‌لکه‌سنده اوغراماز: شویله‌که فکرلر برقاچ‌تصوراصلینک اطرافنده طوبلانیر، بونلراف فکرلری ایجابنده تذکیرایچون الویرر، یعنی زده‌یه کیدرلر سه‌آرقه‌لرنده‌کی سوری‌یی کندیلریله کتورن قافله باشلرینه بکزه‌رلر. تداعینک، معرفتک شرط لازمی اولدیغی ده علاوه‌ایده‌لم. طانیق حقیقت حالده فکرلرمر آراسنه بعض نسب کلیه ضروریه ادخال ایتمکدر، فقط بونک ایچون اول امرده فکرلر مرکز معلوم اولمش اولماسی وامرمره مهیا بولماسی اقتضا ایدر. بونلردن « فکرلرک تلازمی »، « فکرلرک تداعیسی » ندن بحق آیرمشلردر، بونلرک بریسی ذهنی، تأمل، منطقی اولوب حقیقتی معرفته ساعیدر، دیکری کندیلکندن حاصل اولان *spontané* ماکنه کبی *machinal*، منساقی *automatique* در. بوایکنجی عملیه سایه‌سنده فکرلر حقایق اشیا ایله مقید اولمقسزین بربرینه تقرب ایده‌بیلیرلر. فقط تلازم افکارک شرطی ینه تداعی افکاردر، واکا مسابقت ایده‌مأمسی بالخاصه تلازمک ماده‌ ابتدائیه‌سنی اوندن تدارک ایتسی سببیلدر: یعنی تلازم افکار « افکار معلومه‌نک وجودینی اقتضا ایتدیردیکی حالده اونلری اعلام واعطا ایده‌میور. » ذاتاً هرشیده کندیلکندن حاصل اولان شیء تأمل ایله وقوعبولان شیئه تقدم ایدر. ایشه بالخاصه بونک ایچوندرکه تداعی اکثریا کشف حقیقتک مبدئدر: تداعینک اناره ایتدیکی مقارنتلر، بزى تنویر ایلدیکی ناکهانی لمعه‌لر سایه‌سنده، نه‌وارسه اونک وجودینی حس ایتدیرر؟ بونقطه نظرندن تداعی ایچون « عقلی

تقلید ایدیور « دیمک طوغریدر، یعنی تداعی بر نوع عقل بنفسه‌در، او حالده کسب یقین ایچون تداعی ایله حاصل سانحانک تأمل و تجربه قابوردنن کچیرلمسی کافیدر .

تداعینک هردوی . — بوتقدیرده ده‌ا ایلرویه کیدیلهرک انکلیز مکتبی منتسبینی ایله برابر، تداعینک یالکزباشنه بتون معرفتی حاصل ایتدیکی، ذهنه عائد، بتون عملیه‌لرک وبالذات نفس ناطقه‌یه مخصوص قانونلرک اوکا رجوع ایلدیکی بیان ایدیله‌بیلیرمی؟ بونی ظن ایتمیز. تماماً ذهنی اولان عملیه‌لرک کافسی بین‌الاشیا موجود اولان مناسباتک تحریرسندن عبارتدر؛ بونلرک غایه‌سی منظومه کائناته تماماً مشابه اولق اوزره افکارمزدن برمنظومه یاقمقدر. آنحق تداعی قانونی بر فکرک عقینده باشقه بر فکری وبعده ده‌ا باشقه برچوق افکاری ظهور ایتدیره‌بیلیر، فقط او فکرلری ربط ایده‌بیلان نسبتلری وبطریق الاولی اونسبتلرک عمومیت ووجوبی بزه ویرمکدن عاجزدر. نفس ناطقه تجربه‌نک کندوسنه عرض ایتش اولدینی بتون سلسله افکاره مالک اولدینی وقت، اوکنده بسبتون بر برینه‌بکزه‌مه‌ین بر چوق حدلر واردرکه هربری دیکردن آیری بر مختلف‌عالم تشکیل ایدر. بناء علیه مفکره، بوکثرته حکم ایتمکه، یالکز بربری اوزرینه ییغلمش شیلری برلشدرمکه، یالکز متصل اولان شیلری توحید ایلکه، اشیانک نسب اصلیه وداائم‌سنی کشف ایدرک چالیشدینی وقت، تداعی کبی نابصیر برعملیه‌یه غیر قابل ارجاع، بسبتون یکی برعملیه ذهنیه‌نک وجودی ناصل تشخیص اولنماز. ده‌ا وار: ذهن اشیا اراسنده کی نسبتلری آرار: فقط تجربه ایله یالکز اشیا معلوم اولور، اونلرک نسبتلری کورولمز، حواس ایله‌ده ادراک اولنماز. ایشته ایکی حادثه: تجربه اونلری بکا کوستریبور. فقط بینلرنده موجود اولماسی ممکن اولان علیت رابطه‌سی حقنده قطعاً برشی خبر ویرمز. ایمدی ذهن اشیایی ادراک ایتمکه اکتفا ایتموب‌ده، اونلرک نسب کلیه وضروریه‌سنی‌ده آریورسه، بونک سبی مناسبات مائله‌نک موجودیتیه، دنیانک قابل فهم وادراک اولدیفنه آشکار بر صورتده اعتقاد ایلسیدر، بواعتماد ایسه بالذات ذهنه منترج اولقله برابر تداعی‌یه غیرقابل ارجاع بر عنصردر.

خلاصه کلام، انکلیز مکتبی، نفس ناطقه‌ینی تماماً تداعی واسطه‌سیله تأویل

ایده بیه چکنی ظن ایتمکده در. بوغلیظ بر وهمدر ، زیرا بالذات نفس ناطقه ایله بونک فعالیت ترکیه سی اولماسه تداعیدن بر معنا چیقمازه. و قتیله ایلکور جزؤ فردلر خلاده بر برلرینی چکرلر دیمشدی ، فقط فکرلر اونلرکی شعورده ، اگر شعور اونلر ایچون یالکیز عادی بر محل جولان اولمش اولسه یدی ، بر برلرینی چکمز لردی؛ فکرلرک قوه الهامیه سی بالذات شعورک اوفکرلردن پایدینی ترکییدن ایلری کلیر . بونده مفکره نک ابتدائی ، بر قانون اصلیی موجود اولوب مشاهده و تبیین ایدلمه سی قابل دکلدر ، زیرا تداعی تماماً اوکا تابعدر : بوصورتله ، نفس ناطقه یی تداعی ایلله تفسیر ایتمک تداعینک منفعتنه اونی خذف ایلک ، بالذات تداعی یی اورته دن قالدیر مقدر .

تداعی وظنونه باطله . — بوندن باشقه تداعی افکارک نفس ناطقه یی تماماً شرح وایضاح ایدمه دیکنک اکی بیوک دلیلی ، ذهنک تام و متین قاله بیلیمسی ایچون قانون تداعینک بزده تأسیس ایتمه کیال بولندینی اعتیادات عقلیه یه قارشو لاینقطع مجادله ایتمک مجبوریتده بولماسیدر . چوق دفعه مشاهده ایدلمشدر : تداعی افکار کندی حالنده ترک ایدلمش اولسه ، عقل ایچون دائمی بر تهله که تشکیل ایدر : خطا لر مرک اکی چوغی ، اکی باطل ظنلر ، اکی بیاغی خرافات تداعیدن نشأت ایدر . فی الواقع اکی حادثه نک مفکره ده هان هان ناقابل تفریق صورتده در حال اجتماع ایدره ک اوزون مدت دوام ایدمه بیلیمسی وحتی نسلدن نسله انتقال ایلله بیلیمسی ایچون صرف تصادفی بر مقارنتک مخیله یه قویاً تأثیر ایتمی کفایت ایدر . انکلیز مکتبی ، بزده بعض اطوار تفکرک تداعی افکار سایه سنده نه قدر قولایقله تحصیل ایتدیکنی مکماً کوسترمشدر ، بو طورلر نه ایة الامر نفس ناطقه مزه حاکم اولورلر و حقیقی بعض مبادی یرینه کچرلر ، حال بوکه بونلرک استاد کاهلری ظواهر اولدیندن کاملاً باطلدرلر . برده هر کون نفس مزده حصولی مشاهده ایتدیکمز بو نا معقول تداعیلرک یانی باشنده محیط مزدن آلدیغمز و آلمش اولدیغمز کی دفع ایتدیکمز بر چوق ظنون باطله دخی واردر . اکثر یا بزده بر فلاکتدن بحث ایتمه مکلمیزی سویلرلر زیرا سوزلریمز اونی کتیره بیلیرمش ؛ یاننده دلیک بر پاره سی اولان بر آدم قار اوینادینی وقت قزاتجه ، دلیک پاره لرک سعادتق تأمین ایتدیکنی تکرار ایدرلر ؛ اوغور سزلق علامتی اولان قوشلره ، نظره ، مصلوبک

ایپنده کی تأثیره ، اون اوچ عددینک شامته، دورلمش بر طوزلغه (بونلرک فهرستنی اوزاتمی ممکندر ، فقط تنقیده تحمللری یوقدر) دأر اولان اعتقادلرک منشائی تداعی افکاردن باشقه برشی* دکلدر . شو جهتک دخی اختطاری الزمدرکه بو ظنلرک مؤثر اولوب اکثریا اونلره قارشو تجربه عاجزدر ؛ یالکز تصادفاً اونلری تأیید ایدن احوالی نظر اعتباره آلوب اونلری نقض وتکذیب ایدن دهاک ظنلرک حق دیکر حاللری کورمیورلر ویا کورمک ایسته میورلر ، بونک ایچوندرکه اخذ ویا احداث ایده بیله جکمز تداعیلر اوزرینه متمادی بر تنقید وتفتیش اجرا ایلک عقله عائددر ؛ عقل یا کلامق ، وغلطات واک مشئوم اعتیادات عقلیه دن متشکل بر بار مشوش آلتنده ازیلوب هلاک اولماق ایسترسه ، تداعیلری دقت واعتنا یاه مراقبه ایللیدر .

تطبیقات عملیه . — تربیه و تداعی . — تداعی افکار حد ذاتنده بر فعل میخانیکیدر ، بناءً علیه چوجقده دهاکوچک یاشده ایکن بولنور . لمینج ذهن حیوانی بی تشکیل ایدن بر طاقم «تعاقب افکار consécutions d'idées» دن بحث ایتشدر . کذلک ایلک حکملر مزک ، ایلک استدلاللر یزک دخی تداعی افکاردن باشقه بر شی* اولمادقلری ده ادعا ایدلشدر . فقط بوقانونک ذهنک ده ازیاده تکمل ایتش ودهاچوق تعلیم و تربیه ایدلمش اولدینی بر زمانده بیله ذهن ایچون نتایج مشئومه سی اوله بیلیرسه ، ذهنک هنوز یکی اولدینی وعقلک هنوز اویودینی وخفی بولندینی بر یاشده بو کیفیتک دهاکوچر و اولماسی اقتضا ایتزمی ؛ انسان هنوز بالذات دوشونمکه اهل اولمادینی بر یاشده ایکن ، شونک بونک رأی ، محیطنک ظنلری بلا معاینه قبول اولنور ، بویله لکله اخذ ایدیلن افکار نفس ناطقه یه قولایجه نفوذ ایده رک الک درین یرلرینه محکوک اولور ؛ بورایلر ، بو ظنلر ذهنه غلبه وتصرف ایده ر ، کنیدیلرینه قارشو حرکت ایچون نه قدر آراهلیت کوستریلرسه اونلر اوقدر قوتلی بر عادت حکمه کبر ، وچوق کچمه دن اونلره کنیدیلرینه طوقونلنسی ممنوع حقایق نظریه باقلیدر .

بو سبیله مریدلر ایچون ایکی مکلفیت وارددر . برنجیسی چوجنی اگری وغیر معقول هر درلو تداعیلردن صاقتمقدر : یعنی اونلری هذیاندن باشقه برشی* اولمایان ، اکنجه لی ویا قورقونج کیجه ماصاللرندن ونفس ناطقه یی خطالره دوشورده جک

اعتقادات باطله‌دن اسیرکه‌یه‌لم . بونکله برابر شاید چوجقده بر اعتقاد باطل برلشمس ایسه، بونی تکذیب ایدن احوالک کافه‌سنی اوکا کوسترملی، اوکا اینانم‌نک نه قدر عبث اولدیغنی کندیسنه احساس ایتلی‌ز، قوؤ میزه‌سنی او یاندیرملی و عقل سلیمنه مراجعت ایللی‌ز .

دیگر طرفدن، چوجنک پایدینی تداعیلره، آلدینی اعتیادات عقلیه‌نک کافه‌سنه بیوک بر اهتمام ایله نظارت ایتک، حقیقته مغایر اولدوقلری تقدیرده هان آرقه‌لرینی کسمک، اونلره مغایر اولوق اوزره، ده‌ا صحیح و ده‌ا سالم دیگر برطاقم اعتیاداتی احداث ایتک لازمدر .

شبهه‌یوق که بو بر امر دشواردر، فقط چوجنک سلامت عقلی اوکا تابعدر . دکل چوجنی یاشلی یاشلی بر آدم بیله سلامت رأی خصوصنده و موافق حق و صواب بر طرزده تفکر امرنده بیکلرجه مشقته دوچار اولدیغندن، چوجنی ده‌ا کوچوک یاشده ایکن مطالعاتی عقلک تنقید و مراقبه‌سنه عرض و تسلیم ایتکه آلدیمرق ایجاب ایدر . ایشه یالکز بو شرط ایله‌درکه چوجق واسع، واضح، تمیز، سرمایه عقلیسنی متادیا تجدیده و جوالیتنی محافظه‌یه مستعد و تداعی افکارله نفسده حصوله کلن کورده‌نکه مغلوبیت کبی بزى ماضینک اسیری‌درکه‌سنه تنزیل ایدن و بزى اکثریا حاله بند و تعصبه مجبور ایله‌ین بر عطالتدن صاقه‌جق درجه قادر بر فکره مالک اولور .

تراعی و سعادت. — بوندن باشقه تداعی افکاره بوضوئله نظارت ایدلسنده، چوجنک یالکز ذهنی علاقه‌دار اولمایوب بتون سعادتی‌ده علاقه‌داردر . نیجه اصلسز قورقورلک، مبهم محزونیتلرک، بلاسبب اندیشه‌لرک، کنج‌لکمزده قالمش اولدیغنز بو اعتقادلردن باشقه مؤثری یوقدر . اکثریا بو اعتقادک عبث اولدیغنی بهوده یره بیان ایدر و کندی کندمز حدتلیرز؛ بوکا رغما‌ینه اونک تأثیرندن قورته‌مایز . جمعه‌کونی یوله چیمغه جسارت ایتمین ویا اوکون بالضروره یوله چیمغه مجبور اولدینی وقت بر فلاکتدن قورقان کیمسه‌لر وارددر . بعضلری‌ده اون اوچ کشیک سفره‌یه اوطورمقدن چکنیلر؛ اونلرک ایچندن بریسی سنه ایچنده بهم‌حال وفات ایتیه‌جکمیدر؟ دیگر بعضلرینک‌ده «صباح اورومجکنی» ویا «فا بررویا» کوردکلری

جهته بتون کون کینلری یرنده اولماز [۱] نهایت بعض کیمسه لرده کندولرینه بر اشقیا حکایه سی ریا بر آدمک بوغولدینی نقل ایدلمش اولمق حسیله هر نه وقت بر اورمانک ایچندن ویا بر حوضک کنارندن کچر لرسه مرد فیه سنده قورقورلندن دتر لرلر . بناء علیه کوچک یاشنده وقوع بولان تداعی افکارک ثقاتنی بتون عمر مزده طاشیه بیلیرز ؛ مزاجزک طورینی تسینه و بزى بختیار ویا بد بخت ایتکه اولنلرک دخل کلیسی واردر ؛ زیرا سعادت تماماً انفسی اولوب اشیانک کندیلرندن زیاده اولنلری صورت تلقیمزه تابمدر و روحک سکون و حنصوری فکرک سکونت وصفوتی فوق العاده بدرجه ده ضامندر .

تداعی و خط حرکت . — تداعینک خط حرکت اوزرنده کی تأثیرینی ده اونو تامملی یز . بعض غیر معقول محبت ویا نفرتلریمز واردرکه ، بونلر باشقه لریله اولان مناسباتمزدده بزى تخلفه ویا حقسنزلفه سوق ایدر . بوحالردن مسئول اولان انجق تداعی افکاردر . شاید بر آدمدن نفرت ایدیور ایسه ک ، باشقه کیمسه نک اوکا طبیعتجه ویا سیماجه بر آرز بکزه می وحتی بعضاً عینی اسم ایله مسمی اولماسی اوکیمسه حقه بلا سبب عینی حسی پرورده ایلک لکمز ایچون کافی در . ده نفرت چوجقلغنده کوزی ناشی اولان بر تیزی سومش ایدی ؛ بالا آخره اوزون مدت ناشی اولانلره قارشو شایان دقت بر میل و محبت محافظه ایتشدی . هر هانکی بر صنعتی اجرا ایدن ویا بر تابعی حائز اولان بر شخصه قارشو شکایتمز اولنجه ده ، نفرت واستکراهمز عینی وطنه منسوب اولان ویا عینی صنعتی اجرا ایله یین اشخاصک کافه سنه بالطبع سرایت ایدر . هیمز بزه ایی بر خبر کتیرن آدمی سوه رز : بزه بر فلاکتی اخبار ایتش اولان آدمه ده بغض ایتمکدن کندیمزی منع ایده بیایرمی یز ؟ معلومدرکه ، بر فلاکتی کلوب اخبار ایدن کیمسه اکثریا اعدام ایدیلیردی . چالشمقدن نفرت ایدن تنبل بر شا کرد بتون نفرت واستکراهنی چوق کچمه دن معلمنه ویا بویینه قارشو توجیه ایدر ؛ ینه بوقیلدن اولمق اوزره موقع اقتدارده بولسان حکومتی سومه یین بر کیمسه وقوع بوله جق قحط و غلادن ویا هر هانکی بر فلاکت عمومیه دن [۱] فرنکار جمعه دن قورقارلر . بزده ایسه بعض کیمسه لر صالی بی اوغورسز صایارلر . فقط تورکلر اپنون صالی پک اوغورلیدر . زیرا استانبول اوکون فتح اولمشدر . بونکله برابر دین اسلام بویله باطل ظنلره اینانغنی منع ایتمشدر .

اونی مسئول طوتار . چوجنی کندی تداعیلرینه نظارت ایتمکه آلتدیرمقدن مقصد اونک اشخاص و اشیا بی محدود و حقیر برنظرله کورمسنه مانع اولمق و اونلری برصورت سالمده تقدیر و نتایجی تخمین ایتمسنه استعدادینی آرتدیرمقدن . روایت اولندیغه نظرآ ده قارم شاشی کوز حقنده سوق طیبی ایله پرورده ایلدیکی میل و محبتک بیعنا اولدیغنی تقدیر ایله اوندن واز کچمشدر . فی الواقع هر شی بوندن عبارتدر : میل و محبتلریمزی معاینه آلتنده بولندیرمق ، بعض شیلر حقنده ناممحل نفرتلردن واز کچمک ایچون ، اونلرک نهیه مستند اولدقلرینی نفسزدن سؤال ایتلیز؛ بو محبت و نفرتلرک هیچ بر شینک حقلی کوسترمدیکی بر تداعیدن ایلری کلدیکلرینه مطلع اولدیغمزکی دوامنه امکان قالماز .

تربیه نك فعل مثبتی . — یوفاریده کچن ملاحظاته نظرآ ، تربیه نك تداعی افکاره نسبتله منفی برخدمتی واردن ظن اولتور . بوعلی الاطلاق طوغری دکلدنر . اول امرده نامعقول اولان تداعی افکارک تصحیحی ایچون ، اونلره تماماً مغایر اولان دیگر بعض تداعیلرک احداث ایدلمسی لازمدر . دیگر طرفدن ، تولید و روحده تقویه ایدلمسی لازم کلن برطاقم تداعیلر دخی واردنر ، بونلر ایلریده اراده ایچون قیمتی و مؤثر سبیلر اوله جق تداعیلردنر . تداعینک ذهنده ناصل برخدمت ایفا ایده بیلدیکنی ایجه آکلامش اولان استوارت میل عمل مسئله سنک حلتی الک زیاده بو قانوندن امید ایدیوردی : میل ک رأینه کوره ، انسانی خود کاملقدن واز کچیرمک و باشقه لرینک منافعی نظر اعتباره آلمغه آلتدیرمق ایچون ، شعورنده سعادت شخصی و سعادت غیر فکرلرینی تداعی ایتدیرمک و بونی تقویه ایتمک لازمدر . بوسامه tentative نك قیمتی نه اولورسه اولسون ، اخلاقی ایچون تداعی افکارک قیمتدار برمعینی اوله بیله جکی بدیهیدر .

وینه Vinet اثرینک بریرنده چوجغه « زعم خیر Le préjugé du bien » ی تلقین ایتمک لازم کلدیکنی بیان ایتمشدر . فی الواقع ، وظیفه اکثریا زحمتیدر ، فضیلت اول امرده ظاهراً شدید و آزار جاذبه لی اوله رق عرض اندام ایدر ، طریق حظوظات ده قولا ی ودها متبسم کوریلور . بناءً علیه چوجفک روحنده بوا یکی فکری یعنی وظیفه و سعادت ؛ فضیلت و میمنت فکرلرینی قویاً جمع ایتلیز . حسن

حرکت ایتدیکی وقت ادراک ایتدیکی شدید و لطیف محظوظیتی اوکا ایجه حس ایتدیرملی‌ز؛ اوکا حیات یومیه نك بیکلرجه مجبوریتلرینه قاتلاندقلری حالده الك زیاده بوندن صفایاب اولان باباسنی، آناسنی کوسترلم و دییه لم که لذت حقیقیه ایشله نیلن خیردن طوییلان لذتدر: بو صورتله اوئی حیات مغنویه به دها ایی حاضرلامش اولورز، بو سایه ده چوجق وظیفه سنی دها آز مشقتله ایفا ایدر، وجداننك کندوسنی آلدایمه جغنی ولایق اولدینی وقت کندوسنی تلطف ایدم جکنی بیله رك، اوئی دها زیاده نشئه ایله قومه دن فعله چیقارر .

بو خاطره لرک هپسی چوجنك اراده سی ایچون برر مسند کبی اولور؛ و بزه یول کوسترر: ایلروده تصادف ایدم جکی محن و مشاقه مقاومت قدرتی کندینه ویرر و فضیلتی اوکا درین و غیر قابل افنار صورنده عادت ایتدیررکه ارسطونك قولنه کوره بو اعتیاد فضیلتی اکمال و آتامم ایدر .

خلاصه

۱. تداعی افکار، افکارک شعورده یکدیگرینی دعوت و احیا ایتمک خصوصنده حائر اولدقلری خاصه در. بوندن باشقه بالعموم واقعات روحیه نك قانونیدر. کذلک تداعی بزه غیر تابع و مستقل بر قانوندر: افکار کندیلرینه مخصوص اولان قسریته بناءً وارد اولورلر سده بونی هیچ بر وقت تصادفه یامایورلر .

۲. تداعی افکاری تفسیر و ایضاح ایتمک ایچون علی الا کثر ایکی نوع نسبتلر درمیان اولنور. نسب عقلیه و یا منطقیه (مبدئک نتیجه ایله، سببک اثر ایله، واسطه نك غایه ایله، نوعک جنس ایله اولان نسبتلری)؛ - نسب عارضیه و یا اختباریه (زمان و مکانده کی اتصال، مشابَهت و تضاد نسبتلری) بوندن ناشی ایکی ایکی نوع نفس واردر. بعض نفسلر فکرلرینی نسب عارضیه به توفیقاً جمع ایدرلر بونلر دها سطحی، دها خفیفدر؛ دیگرلری فکرلرینی نسب منطقیه به توفیقاً جمع ایدن و دها اصولی و فقط بعضا برار بطنی بولان نفسلردر .

۳. لکن درمیان اولتان نسبتلر افکاری شعور داخلده آن واحده معاً حاضر بولنردقلری ایچون افکارک تلقین و الهامیه علاقه دارد. بناءً علیه شعور ایچنده کی

اتصال تداعینک شرط لازمیدر : بوشروط اولنك همده شرط كافیسیدر . تداعی ماهیتی اعتباریه اعتیادك عینیدر : یعنی بو ، اعتیاد ذهنیدر ؛ وبالذات اعتیادك تابع اولدینی قوانینه تابعدر .

۴ . انکلیز مکتبی ، عمومیت اوزده قانون انصالك یاننده قانون مجانستی قبول ایتشددر . بیلرلنده مشابهت اولمن شرطیه شعورده هنوز اتصال ایتهمش اولان ایکی فکر دخی تخطر ایدیله یایلیر . فقط بالمشابه اولان تداعی ایچون ، بر اتصال جزئی حالتندن باشقه بر شی دکلدر دنیله یایلیر . (Rabier)

۵ . بر فکر باشقه بر چوق افکار ایله معاً و متصلاً ادراك ایدلکی حالده بر فکرك فلان فکردن زیاده ، فلان دیگر فکری نه دن جاب ودعوت ایتدیکنی بیلنك مسئله سی وارددر . بونده اولاً اسباب آفاقه (تجربه لرك تکرری) واریسه ده بالخاصه اسباب انفسیه موجوددر (تهیج ، دقت ، اراده) . تداعی ، باشلوجه شخصك طبیعت اصلیه ویا مکتسبه سینه و برده او شخصك معروض قالدیله جکی احوال خصوصیه یه تابعدر .

۶ . تداعی ، شعورده بر نوع نظام وضع وادخال ایدر ، حافظه یی تسکین ایلر ، افکارك ارتباط منطقیسنه لازم اولان بتون مالزمه یی ویرر ، کشفیاتك ایزینی کوسترر .

۷ . فقط نه ادراکی ونه نسبتلرك تحریسنی ایضاح ایتمز ؛ نفس ناطقه نك ماهیتی ایضاح ایده جك یرده ، بالعکس اولنك وجودینی اقتضا ایدر . تداعی ، ذهنك پك آزر بر جزئیدر ، اودرجه ده که کندیسنك متادباً ذهنك نظارتی آلتنده بولماسی لازمدر .

۸ . چوچنی نامعقول هر درلو تداعیدن اوزاق بولن دیرمق ، اونده تشك ایتش اولان وغیر صحیح بولنان تداعیلرك هپسنی ازاله ایتنك ، کندوسنی اشیانك نسب صحیحه سنی کورمکه و جمله سنی عقل ایله تفتیش ایلکه آلیش دیرمق لازمدر . تداعی نفس ناطقه یی یا کلدان وتعصبه سوق ایدن اعتقادات باطله نك منبعیدر . کذلک سعادتق اخلاص ایدن بر طاقم بلا سبب قورقورلرك و بزى کولنج ویا حقسنز قیلان نابعمل میل ومحبترلک ویا نفرتلرك ده مصدریدر .

۹ . تربیه نك ایلریده وظیفه ایفاسنه معاونت ایده جك اولان برطاقم تداعیلری تولید وتقویه ایلسی ده لازمدر .

اول برنجی درس

متخیله

متخیله نك ایکی صورتی . . متخیله مصوره . . صور محسوسه : عالم محسوسك تنزیلی . . عالم معنویك تخیلی . . عالم مجردك تخیلی . . متخیله ده انواع وعدم مساوات . . متخیله مبدعه . . متخیله نك ایکی صورتی بننده کی مناسبات . . متخیله نك اصلیتی . . متخیله ناصل معامله ایدر . . سمی متخیله نك وحدتی . . متخیله سافله . . خولیا ورؤیا . . سیر فی المنام . . جنت . . متخیله سافله وعضویت . . متخیله عالی . . متخیله عالیه نك عناصری . . دهاء علمی و بدیی . . منکوره و خیال . . علمده، صنایع نفیسه ده، مختلف مسلک کرده متخیله نك ایفا ایتدیکی خدمت .

نظریات عمده . — متخیله نك تمیسی لازتیدر ؟ . — متخیله نك فنانقلری . — متخیله نك فائده لری . — متخیله حقیقه تربیه نك ایفا ایتدیکی خدمت .

متخیله نك ایکی صورتی . — متخیله، لغت معنانه کوره ، صور محسوسه نك قوه سیدر . فقط صور محسوسه ایکی بیوک زمهریه آیریلیر: بونلر یا اولجه حاصل اولان انطباعاتک طینی ، عکسیدر ، اوحالده بونلرک تشککنده نفس ناطقه نك حصه سی ضعیفدر ؛ یاخود ذهنک بر عمل اصلیسندن حصوله کلوب هیج برشی خارجی حقیقه توافقی ایتمزلر و بر عالم خیالی تشکیل ایدرلرکه بونک عالم مشهودده نمونه سی یوقدر . بونک ایچوندرکه متخیله یی عموماً ایکیه آیرلر ، بریسی متخیله مصوره (۱)، دیکری متخیله مبدعه در : بونلردن بری ایله برطاقم اشیای حقیقه بالذات بوشیلر اورتاده اولمادینی حالده ظهور ایدر ؛ دیکری ایله طبیعته موجود اولمایان، شوقدرکه ممکن اولان بعض شیلر تصور اولنور . بوندن باشقه ، مادام که نفس ناطقه ده هرشی متصذر ، بوایکی صورت دخی یکدیگرینه مربوط اولوب اکثر یا حس ایدلمکسزین بوندن دیکرینه کچیلویور .

متخیله مصوره L'imagination reproductrice (۱) . — دکر ساحلرلنده بر فورطنه خاطرلارم : صانکه ایچمده برلوحه یه باقیورمشم کی، قاصرغه ایله حصوله کلن متهور طالعقلری منکره واسطه سیله یکیدن کوریرم؛ بونلرک کورولتیسنی، صاغناقلرک

ایکلتیسنی حالاً ایشیدیرم، بو محتمل منظره قارشوسنده حس ایتیش اولدیغ تهیجدن حالاً بعض شیر طویارم. هر بریمز کندیسند بوکی حادثاتی مشاهده ایده بیلمشدر. ادراکات سابقه من تماماً زائل اولماز. او ادراک‌لری اولجه بزه ویرمش اولان شیرک غیوبتی حائده دخی اونلر شعور مزده برنجی دفعه سنده اولدینی کی عینی شدت وعینی قطعیتله یکیدن ظهور ایده بیلیرلر؛ شویله که کچمشده کی منظره یی شیمدی یکیدن ظهور ایتیش کی بروضوح و صراحتله تکرار روحاً کوره بیلیرز. ایشته وقتیه مدرک اشیانک بوصورتله عقلاً تحصلی «متخیله مصوره» نک اثریدر. قارته زییه نلر بوباده غننه یونانیه تبعاً، متخیله نک بوندن باشقه بر صورتی اصلاً قبول ایتیزلر؛ بومسور بر مثلاً تخیل ایدلسی بر تخته اوزرینه ترسیم ایدلش اولان بر مثلاً کوز قبالی اولدینی حالدده مفکره ایله یکیدن کورلمسندن عبارت اولدینی بیان ایتمشدر؛ كذلك اسپینوزا دخی متخیله یی هر وقت خصوصی و ممکن اولان احساسک بسیط بر تمثیل و تکنونندن عبارت عد ایله بونی، واجب و کلی یی ادراک ایدن قوه مدرکه l'entendement نک مقابله وضع ایدر.

اکثریاً بو متخیله یه «حافظه خیالیه» اسمی ده ویرلشدیر. فی الواقع، متخیله اشیای محسوسه و مشخصه نک حافظه سندن باشقه برشی دکدر: بر قیر منظره سنی تخطیر ایتک اونی ذهناً تکرار کورمکدر. مع مافیه آرسطو نک وقتیه اخطار ایتیش اولدینی اوزره، متخیله تماماً حافظه یه راجع دکدر: خاطره اکثریاً یالکز برحاله انحصار ایده رک دهاسونوک دهآز قطعی، دهآز شایان تماشا اولوب، دائماً بوندن دولایی ماضی یه عطف اولنور. بالعکس تخیله استحضار تمام و اودرجه قطعی و صریحدر که برشینک حقیقه حاضر اولدینی توهم ایدرز. بناء علیه، عینی حال آز ویا جوق قطعی اوله رق ماضی یه عطف ایدلش ایسه دهآز زیاده حافظه نک، ویا حاضر برشی اوله رق تلقی ایدلش ایسه دهآز زیاده متخیله نک دائره صلاحیتته داخلدر. بوندن دولاییدر که «تخیلدن» «برسامه» برخطوه واردر: زیرا صورت محسوسه سی، کندیسنک شکل عادسی اولان بر حادثه نک اعظامی برسامدر.

صور محسوسه: عالم محسوسک فنی. — صورت محسوسه احساسک بر استعاده سیدر: بناء علیه احساساتک انواعی قدر صور محسوسه نک ده انواعی واردر.

شبهه‌سز «تخیل» لفظی خاصهٔ حاسهٔ بصره عطف اولنور: بر «صورت محسوسه» هرشیدن اول کوزك كوره بيله چكي برشكل ملون اولوب *رومك* فرض ايتش اولديني اوزره ، يالكز ادراكات ابصارينه ك «تخیلی» اولديني ظن اولنه بيلير . حقيقت ده شودر كه اك زياده سهولتله يكيدين حصوله كلن ادراكات احساسات بصريه در ؛ برده صور محسوسه سي اك چوق اولانلر حاسهٔ بصريه در ؛ فضله اوله رق ، اولنلر بزه ديكرلري ايله برابر وارد اولور . بونك سببي كوزك ، بالمله حواسمزك اك ذهني سي ، اك فعالی اولماسيدر . مع هذا حواس سائره نك ده كنديلرينه مخصوص صور محسوسه سي واردر . بز اولجه استماع ايتش اولديغمز بر موسيقي هواسني ايجمزدن ايشيده بيليرز . معلومدر كه *بهراره* صاغر اولدقدن صكره ، اوپرا پارچه لري بسته لمشدي . تخیل لمسي ده محققدر : كور مداليه لري شكلندن طانير ، تماس ايتش اولديني بروجهي تشخيص ايدر ، براستقامته توجه ايده بيلير . بونك كي ، برمنبك تازه وصفوق صويني ، بريوكك ثقلتي وسائره يي كوز اوكنه كيررز . قوهٔ ذائقه و قوهٔ شامه نك بيله كنديلرينه مخصوص صور محسوسه سي واردر : فلورب Flaubert ، مادام بوواري (۱) Bovary نك تسمني تصوير ايتديكي وقت ، ديلنده « مدهش بريازي مرکبي طعمي » حس ايديور ایدی ؛ كذلك چيچكلرك قوقوسني طانيورز ، قيرلرده بولنان روايح لطيفه نك كافه سني اولدن تخیله طويوب فرحياب اولورز .

عالم مغربنك تخیلی . — متخیله بتون عالم محسوسي حاويدر : انجق عالم معنوي يي ده تعلق ايدر . بز تهيجات جسمانيه ويا احتساساتمزي تخیل ايده بيليرز : برعضوي قطع ايديلن برکيمسه چکمش اولديني آجيني دوشونديكي وقت تيرر ؛ اونوتلش ظن اولنان برکدر اکثريا قلمزده ظهور ايدره ك بزي آغلاتير . شاعرلر چکمش سرور ويا کدرلريني ترنم ايتمزلمي ؛ كذلك بر رومان محرري اثرنده موضوع بحث ايتديكي اشخاصك احتراصات مختلفه سني تصوير ايتديكي وقت بزه کندی احتراصات ذاتيه سني عرض ايدر .

عالم مجردك تخیلی . — متخیله يالكز عالم مشخصه منحصر اولمايوب عالم مجرداته

فلوربك مشهور برحكايسنك اسمي بودر .

قدر شامل اولور . فی الواقع ، بر فکر نه قدر مجرد اولورسه اولسون ، مفکرده خصوصی برصورت محسوسه ایله برلکده بولنور : شویله که نفس ناطقه مدده معین بر آنک صورتی حاصل اولمادیجه ، آت فکر عمومیسنی تصور ایده‌م . صورت محسوسه شبه‌سز فکرین باشقه‌در ، فقط او برکا مسند خدمتی کوریر ، اونک ملون بر سیمه‌سی اولور ، مخیله‌نک بو « سمویه schématisation » سی بتون اعمال ذهنیه رفاقت ایدر .

بو مقامدن مجرداتی بر اشارت خارجیه ایله تصویر یعنی سنبولیسیم Symbolisme . یالکز برخطوه واردر : اک مجرد معانی‌یه ، وطنه ، صنعه ، زمانه ، عدالت بر جسم ، برجانلی شکل ویریورز . بو نقطه نظرین ، تخیل ایچون معقولک محسوس ایله تفسیریدر دنیله بیایر . فقط بو تقدیرده متخیله ارتق صرف استحضاری اوله‌ماز : بلکه اشارتی ، رموز واستعارتیه یکی واصلی original برشی اولور .

متخیله انواع و عدم مساوات . — متخیله مصوره حافظه‌نک بر شکلی اولدینی جهته قوه حافظه مناسبیه اولجه اشارت ایدلمش اولان بتون نوعلر ایله مساواتسزقلره بونده‌ده تصادف اولنمسی طبعیدر . مثلاً برکیسه تخیل بصریه درجه نه‌ایده مالک اولورده تخیل اصواتدن ویا تخیل رواجدن محروم بولنور؛ تخیل حسی بالخاصه صنایع نفیسه اربابنده شایان دقت بر مکملیت عرض ایدر: کوستاودوره‌یه Gustave Doré بر موده‌لی کمال دقتله تماشا ایتک بالاخره حافظه ایله وشایان دقت بر صحتله اونی ترسیم ایتسی ایچون الویرردی «موزار»ک سیکستین‌ده «میزوره‌ره»نی ایکی دفعه ایشتمکه باشند باشه ضبط ایتدیکی معلومدر . شبه یوق که بو قوه تخیله‌ده تعلیم و تربیه‌نک دخل و تأثیری واردر . فقط قوه مذکوره هر شیئن اول بر موهبه طبعیه‌در .

متخیله مبرمه l'ima. créatrice . — بونکله برابر ، شیمیدی‌یه قدر تخیلک یالکز آشاعی شکلدن بحث ایتدک ، بو قوه‌نک اولجه ادراک ایدلمش اولان اشیا‌نک علی‌العاده تکنندن باشقه بر شی اولدیغه لسان عوام‌ده شاهد . برکیسه حقده اونک «پارلاق محصولدار بر متخیله»‌یه مالک اولدینی بیان ایدلیدی وقت ، بو تعیردن بالطبع ایجاد وابداع قدرتی آکلاشیلیر . متخیله هر شیئن اول مقابلیری اولمایان بعض یکی صورتلر

ترکیب ایتمک اقتداریدر؛ متخیله نفس ناطقه‌نک مأمور اولدینی وظائفک «شاعرانه» قسمیدر؛ بو جهتله متخیلهٔ مبدعه‌دن باشقه متخیله اولمادینی ادعا اولنه بيلمشدرد.

متخیله‌نک ایکی صورتی بنده مرمورد اولانه مناسبات. — بدیهیدرکه تخلیک بو ایکی صورتی بنده ناقابل انکار بر فرق واردرد؛ اولجه ایشیدلمش اولان بر موسیقی هواسنک یازلمسی و بر مقام بسته‌لمسی بر برینک تماماً غیری ایکی معامله‌در: بوند بر شینک اصلی ایله قویسه‌سی بنده کی فرق قدر بیوک بر فرق واردرد. مع‌مافیّه بو بایده مبالغه ایدله‌میلیدر. متخیله‌نک بر صورتندن دیکرینه حس ایدلمکسزین کئیلیر. فی‌الواقع صورت محسوسه هیچ بر وقت تام اوله‌رق محفوظ اولماز؛ بعض جهتلری سئلیر، یکی بعض شیلر ظهور ایدر. بناءً علیه او صورت معدل بر حالده یکیدن وجوده‌کلیر. چوجقلغه عائد خاطراتک لطافتنه باشلیجه سبب بو خاطراتک متخیله‌نی ده‌ها زیاده سربست بر اقامسیدر. هیئت اجتماعیه دخی، فردده اولدینی کبی، کچمشی بر «شعر» کبی تخیل ایدر؛ غنعات مایه‌ایسه، منابتده هر شیئه بر یوکسکلک، بر معنویت اسناد ایلر. دیمک که نفسمزده شی حقیقی ایله شی خیالی بر برینه کیرمشدرد؛ اوصورتله که بالذات متخیلهٔ مصوره‌نک ایچنده بر نوع متخیلهٔ مبدعه‌نک وجودی تشخیص اولنه بیلیر.

دیکر طرفدن، بوکا آلدانمایدرد. طوغریسنی سونلک ایجاب ایدرسه، متخیلهٔ مبدعه اصلا بر شیٔ ایجاد ایتمز؛ بر ذره‌نی خلق ایتمکدن نه قدر عاجز ایه که بر تک فکری ده ابدعه قادر دکلز. کندی انشائی میدان کتیرمک ایچون متخیله اولجه بعض امر معلومله عرض احتیاج ایدر. متخیله‌نک آثارینه باقینجه ایچنده اولجه خارجاً موجود بعض مواد و عناصره هر وقت تصادف اولنه بیلیر: شویله که بر صنعتکارک ترکیب ایتدیکی الوان و یا اصوات، بر رومان محررینک تسویر ایلدیکی اوصاف، هپ مستعار شیلر اولوب یوقسه ابداع ایدلمش دکلدر. ایمدی بومالزومه بعض ادرا کلت قدیمه‌نک صورذهنی سندن عبارتدر. بناءً علیه متخیلهٔ مبدعه‌نک شرط اولی تخیلهٔ مصوره اولوب، حافظه‌یه تابعدر. یونانیلر اساطیر قدیمه‌دن اولان جمال پر یلرینی grâces حافظه‌نک Mnémosyne قیزلری صایمقله بو مسئله‌نی چوقدن آکلامشلردی.

متخیله‌نک اصلیتی Originalité. — بونکله برابر متخیله‌نک اثرنده ناقابل تنزیل بر شی قالیور: اوده بومالزومه نفس ناطقه‌نک ویردیکی شکل ایله بونلردن انشا

ایتدیکي کلدز: بر خانه کراسته، طاش، دمیر وسائره کبی بر چوق اشیای مختلفه فی اقتضا ایدر. فقط خانہ نی یالکز عناصر مذکورہ ایله ایضاح ایتک غیر کافیدر؛ اکر اویله یابلسه اگ مهم اولان شیء یعنی اولنرک هیئت تعیراخراخله اولنره بر هیئت ویرمش اولان معمارک فکری نظر اعتباره آلتامش اولوردی. امر تخلیده ده کیفیت بویله در. شعورک اعماقده کوملمش اولان بو بر سوری صورتلرک نه اهمیت اوله بیلیر! اصل حائر اهمیت اولان شیء، نفس ناطقه نك اولنری قویاجنی صیره، اولنردن فشقیرداجنی جانلی برک، اولنره افهام ایتدیره چکی معادر. بونقطه نظرندن، حقیقه ایجاد وارد و متخیله برکت و تولید آثار خصوصنده طبیعته رقابت ایدر.

مقید ناصل معادل ایدر. — بوتقدیرده متخیله نك «اصلی» اولماسی «ماده» سی اعتباریله اولمایوب، بلکه «صورت» نده در. بوسورت نه دن عبارتدر؟ متخیله نه وجهله معامله ایدر؟

اول امرده اشیانک نسبتلرینی دیکشیدیر، کوچلتیرویا (بطریق الاولی) بیولتیر: مثلاً بوسایه ده سرفیت swift کندی اثرنده لیدی بونیه Lilliputien لری تصویر ایدم بیلیر. رابله Rabelais غارغانتوا Gargantua نام شخص موهومک زواره ملجاء اولمه صالح اولان آغزینی تصویر ایدر: **قورنی** Corneille قهرمانلرینی نظر حیرتمزه عرض ایلر؛ روایات قدیمه ماضی یی ده شرفلی ده بویوک کوستر.

متخیله نك علاوه ویا تنقیص ایتسی، تکثیر ایلسی قابلدز: متکبر بر کیمسه کندوسنه حائر اولمادیفی مزبائی عطف ایدر؛ ابون چو جقلرینک بتون قصورلرینی نادراً کوررلر. — بوندن باشقه متخیله تصحیح ویا تعیر ایلر: رسام برسایه براز ده ادا و معنا ویرمک ایچون بعض قصورلرینی خذف ایدر؛ بر حکایه اختراع ایدن یالانچی آدم، سوکیلیسی عشق سبیله بسبتون باشقه برشی کورن عاشق هب متخیله نك نفوذ و تأثیری ایله حرکت ایدرلر.

فقط متخیله نك فعل اصلسی، تجربه محصولی اولان صور محسوسه یی ترکیبات جدیده حالنده جمع و ترتیب ایتمکدن عبارتدر. بوندن باشقه نفس ناطقه مختلف ایکی طرزده معامله ایدر: بعضاً ایکی ویا ده زیاده صور محسوسه یی تام آله رق اولنردن بر نوع خلیطه یا مقبله اکتفا ایدر؛ بعضاً ده اوصورتلرک یالکز بعض اجزاسی

آله‌رق بونلر ایله یکی بر اثر تشکیل ایدر، مثلا آلتوندن بر طاغ ، سوتدن نهرلر، بللوردن سرایلر تصور ایده‌بیلیرز . مولیر کبی بر شاعر هار یاغوره کبی بر خسیس تصویر ایتمک ایچون تجربه ایله معلومی اولان خستک حالات مختلفه‌سنی شورادن بورادن طوبلار ؛ رنگارنگ طاشلردن رسملر نقش ایدن بر صنعتکار فلان ویا فلان معین رنگلری برابرجه ترتیب وتنظیم ایدر: بو طرزده معامله « کلیت‌نصور » له بر تداعیدر . فقط متخیله‌نک عملی ده دقیقه اوله‌بیلیر : مثلا مفکره یاریسی انسان یاریسی آتدن مرکب بر حیوان تصور ایده‌بیلیر ؛ رافائل Raphael عمومی میدانده تصادفاتیش اولدینی قادینلق کوزلکی نمونه‌لرینی تماشالیدکن واونلرک هر برندن برشی آلدقن صکره‌درکه اوپک مشهور ومعنیدار اولان مادونا Madones لرنی [۱] تصویر ایتمشدر ؛ شاعر انسال بشریه‌نی یاپراغه تشبیه ایندیکی و مجاز و استعاره‌لری ایله قلبمزی مفتون ایلدیکی، عالم تنفس ایله احتراقی ویا فیلسوف پیرقوردی ایله منظومه کواکبی بر برینه بکزندیکی وقت متخیله هب عینی طرزده معامله ایتمش دیمکدر : یعنی صور محسوسه‌نک « کلیت مفهومی » ایله دکل بعض اجزاسنی آلوب جمع ومعامله ایتمشدر .

فقط بوکا مقابل، بو ترکیب انجق کندوسنه بر تفریق وتحلیک سبق‌ایتمش اولماسی شرطیله قابل حصولدر . جمع وتداعیدن اول مقدم بر پراکنده‌ت ، بر طاغیتلق لازمدر . فی‌الواقع ، مفکره‌نک او جزؤلرله یکی مجموعه‌لر تشکیل ایده‌بیلیمی اجزای مذکوره‌نک اولجه ایچنده محبوس بولندیی ادراکاتدن چیقارلمش اولمانسه وابسته‌در . مفکره‌نک بر عنصر مشترک سوق والجاسیله صور محسوسه‌نی تقرب ایده‌بیلیمی ایچون عنصر مذکورک شعور داخلنده مهم بر جزؤ متممی تشکیل ایندیکی کلدن ایرلمش اولماسی لازمدر . شبه یوق که ، متخیله هر شیئی حقایق‌اشیادن استعاره ایدر، یونکه برابر حقیقتدن اوزاق قاچار . بو خصوص شوندن طولاییدرکه متخیله تجربه ایله معلوم اولان بیغئلری قیرار ، نفس ناطقه‌یه وارد اولان تداعیلری اریدر ، ادراکک قاریشیق اولان کللرینی طاعیدر وبوصورتله سربست قالمش اولان عناصر مذکوره آراسندن بر قسمنی انتخاب ایده‌رک یکی بر عالم انشا ایدر ، بو عالم کندی

[۱] مریم بتولک تصویرلرینه مادونا دینیلیر (مترجمک)

اثر ایجادى اولديغندن كڭزیده مخصوصدر : هر هانكى بر طرز معماریده انشا ایدلمش اولان بر سرایدن باشقه بر اسلوب معماریده بر بنایى تأسیس ایتك ایستین بر معماریده بویهدر ؛ اول امرده بر برینه باغلى اولان دیوار طاشلرینی بر بزدن آرماسی ویاپشمش اولان عناصری تفریق ایلسی لازمدر . یالکز ایشته آندن صوکره یكى بر بنا انشاسنه تصدی ایده بیلیر . بناء علیه متخيله نك برکتی یالکز افکاری جمع خصوصنده کی قدرتندن ایلری کلیوب بالخاصه طاغیتمق اقتدارندن دخی کلیر : یعنی « کمال مهارتله یتقان وپارچه لایان تحمیل » نه درجه دقیق اولورسه انشا وتقرب ایدن ترکیبده او درجه بریع اولور !

معنی مقید نك و مبرنى . — تخلیك باشلوجه خدمتی و دها طوغریسی خدمت یكانه سی ، حافظه دن مقتبس عناصرك جمع وتفریق دکلیدر ؛ برصورتی ضم وعلاوه واسطه سیله تغشیش ایتك دیمك ، اوکا دیگر صورتلری جمع ایتك دیمكدر ؛ اونى طرح وتزیل واسطه سیله تغشیش ایتك دیمك ، عناصرینه آیره رق ایچندن برقاچنك طی اولماسیدر ؛ تصحیح ایدلمسی ینه عناصرینه آیروپ ایچنه دیگر بعض عنصرلری علاوه ایتكدر . بناء علیه متخيله نك ایثنى بالمناوبه جمع وتفریقله ، تحلیل وترکیب یایمق کبی بر فعل مضاعفدر . قانون تداعی سایه سنده ، صور محسوسه نفس ناطقه مزده عاداتا یالکز بر خطلی بعض سلسله لر تشکیل ایدرکن ، متخيله اونلری تحلیل وبکیدن ترکیب ایلیرك لوحه لر حالنده ترتیب وتنظیم ایدر .

مقید انه . — دیگر طرفدن شوراسی ده نظر اعتباره آئمکیدر : معلومات محسوسه نك ترکیبی ایکی صورته اجرا ایدیه بیلیر : یا کندیلکندن وقوع بولور ویاخود اختیاری اولور . برنجی حالده متخيله بلا تفتیش ومراقبه کندى حاله بر اقلمش دیمكدر ، بو حالده اثرلرینی ظروف واحوالك کیفه کوره ، وبلا مقصد اجرا ایدر . متخيله سافه بودر . بومتخيله نك محصول آتاری عجیب ، تحف ، رابطه سز اولور ؛ بونلر اکثریا قوانین طبیعته مغایر اولان برطاقم اوهام باطله دن عبارتدر . بومتخيله بر جوق حالات روحیه یی توصیف وبعض احوال مرضیه ده احراز تفوق ایدر .

موریا rêverie و رُبا rêve . — متخيله سافه نك ایلک مرحله سی خویلادر :

ایقع ، خولوا حالنده بولندیغمز وقت ، اویانیق اولمغله برابر عالم خارجینی اونودیرز ؛ کوزمنك اوکندن کیمیسی شن وشاطر ، کیمیسی موجب یأس وکدر برطاقم منظره‌لرک متوالیاً کچمکده اولدیغنی کوریرز . « اسپانیا شاتولری » [۱] بزى فرحیاب ایدن لطیف بر خولیادر . شبهه‌سز ، بین‌النوم والیقظه اولان بو حاللرده اکثریاداره حیات داخلیه‌نك اداره‌سنی ترک‌ایدرد ، وصور محسوسه‌نك حرکتی کندیلکنندن وقوع بولور ویالکیز تداعی افکار قانونلرینه تابع اولور : فقط بعض دفعه‌ده خیالی‌قورارکن یاخوشه کیدن خولیانك ادامه ویا تشدید ، ویا مفکرده‌ن جان صیقان هر درلو صورتك دفعی ایچون ، اراده ایشه مداخله ایدر .

رؤیاده احوال عینی صورته جریان ایدر ؛ فقط اویقو سبيله عقل و اراده مسطل اولدقلرندن فانتازیا [۲] یالکیز باشه قالیر . او وقت اعماق روحزده ، اویانه‌رق یکیدن قوه میزمره مالک اولدیغمز وقت رد ایتدیگمز ، غریب و ماسبتسز بعض دراملر ظهور ایدر . مع‌مافیة صور محسوره راست کله کلوب کچمز : بلکه اک عارضی اولان مناسبات ، کلماته عادی برمشاهت ، ویا اشیاده سطحی بر مطابقت مفکره‌ی اک پراکنده خیالات آراسنه آتمغه کافیدر .

مریم مری Maury [۳] رؤیاسنده بر قاچ کیلومترو طولنده اولان بر یول اوزرنده بولندیغنی کورمش : بردن بره بیوک بر ترازو اوزرنده بولنه‌رق بر آدمک کندوسنی طارتمق ایچون ترازویه درهم قویدیغنی ده کورمش ؛ آنسزین ریلولو Gilolo آطه‌سنه نقل ایدلدیکنی مشاهده ایلش ؛ نهایت بیانقو اوینادیغنی lotو کوره‌رك اویانمش . عادی بر مشاهت تلفظه بو مختلف لوحه‌لرک تعاقبی ایچون کافیدر . برده افکارك حرکتته دائماً ایلک بر تحریك سبب اولمشدر : بو تحریکی برکون اول وقوع بولان ، فقط کندوسنه دقت ایدلمه‌مش بولنان بر انطباع ، آز چوق طالعنلنی موجب بر مشغولیت ، جسمک ویا روحک بر حالت عمومیه‌سی یاپار . بو چوق وقت بر احتساس و بالخاصه احساسدر .

رهمرك باشی اغریمش ، رؤیاسنده وحشیلرک قفاسنك دریسنی صویدقلرینی

[۱] اسپانیاده شاتویانیق خولیا قورمغه دیرلر .

[۲] بوده غمیله دیمکدر . علمای اسلام کتابلرینه « بنظاسیا » دییه نقلی ایتملردی .

[۳] ألفره‌دموری ، قرون وسطی تاریخنه دائر برچوق قیمتدار کتابلر بازمش بر متبحردر

کورمش؛ موسیو موری Maury راحت‌سز ایکن تررور Terreur دورینی رؤیاسنده کورمش. روبسیمری Robespierre، مارای کورمش. قضارا یتاغئک دمیری بویته دوشمس: محکمۀ انقلابیه طرفندن اعدامه محکوم ایدلدیکنی کورمش، سیاستگاهه چیقوب باشک وجودندن کسلدیکنی حس ایتیش. بناءً علیه متخیله دراملرینی فوق‌العاده بر سرعتله انشا ایده‌بیلیر. تصورات دلجه بر یاریشده ایمشلر کی بر برینی قووالارلر: او تقدیرده رؤیا کابوس اولور طبیعی رصنعی سیر فی المنام Somnambulisme. —طبیعی سیر فی المنام «حال فعلده بر رؤیا» در. فی الواقع، رؤیای عادی فعالیت محرکه‌ی استعمال ایتکسزین داخل شعورده جریان ایدن صور محسوسه‌دن ترکب ایتدیکی حالده، سیر فی المنامه کی رؤیا بر رؤیای «فعلی» در، سائر فی المنام، نفسنده کلوب‌چکن صورتلرک ایجاب ایتدیکی حرکاتی اجرا ایدر. بونکله برابر بو حالده تعجب ایدیه‌جک بر شی یوقدر: فعلک هر فکری، هر صورت محسوسه‌سی بر قانون طبیعی به توققاء، اونی قوه‌دن فعله چیقاره‌جق حرکتی دعوت ایتکه ساعیدر، او صورتله که حقیقت حالده اونک شاشیله‌جق جهتی حرکتک تصور دن آیری اوله‌بیلمسیدر. رؤیای عادی به کلنجه، بوکا سبب جمله عصیانه‌ک او یوشمه‌سیدر.

نوم مستجلب ویا اینوتیزما دخی بر «رؤیای فعلی» در، فقط شخصک کن‌دیسندن حاصل اوله‌جغه، اوکا بر شخص آخر طرفندن تلقین ایدیلیر. اینوتیزما ایدلش اولان آدمه فلان ویا فلان بر وضعیتده بولدیفنی سولک، متخیله‌سک در حال او وضعیتده موافق بر منظره ابداع ایتسی ایچون الویرر: مثلاً اوکا هوانک چوق حیجاق اولدیفنی تأمین ایدیه‌جک اولسه: در حال تر ایچنده قالیر وهوا آلمق ایستر. براز صوکره اوکا صفوق اولدیفنی بیان ایدلدیکی وقت، تیتره‌مکه باشلار وایصینمق ایستر. یالونله اوچدیفنی خبر ویرلش اولوب برده بعض بعض منظره‌لردن بحث اولنورسه کویا ایاغی آلتندن کچن وتماماً خیالی اولان بو منظره‌لره حیران اولور.

هنت Folie. — کرک ماهیت وکرک درجه اعتباریه بر برندن آز فرقلی اولان وهم و برسامه خادم اولان ینه متخیله‌در. بر ساملر تکثر ایده‌رک حیات نفسیه‌نک مالزومه‌سنی تهیه ایده‌جک اولورسه، جنت حصوله کلیر. جنتک اشکال مختلفه‌سی اوله‌بیلیر. جنت قوای ذهنیه‌نک تماماً عدم انتظامه دوچار اولماسی، نفس ناطقه‌نک

کندیسنی احاطه ایدن بر تصورات قاصیرغه‌سی آراسنده تشوشله کندی کندی طانیه- مامسیدر؛ فکر تمیز و تنقیدک بو عجز مطلق اوکنده متخیله‌الک جزئی انطباعاتک کیفه کوره چیغرنندن چیقه‌رق غیر متصل و غیر ثابت بر طاقم شیلر قورار، نظرنده عالم حقیقی یرینه بر سوری خیالتلر اوچار طورر. بعضاً تک بر فکر، شعوره حاکم اولور و اونده تماماً تصرف ایدر. اوندن صکره نفس ناطقه‌دن کچن صور محسوسه‌نک هپسی هپ اونک رنگیله ملون واکا زبون اولور. بویه بر «فکر شاغل *l'idée fixe*» شکار اولان کیمسه دائم موضوع تفکرینی کورد بکنی و یاسنی ایشندیکنی ظن ایدر؛ کندیسنه اشکنجه ایدلیدیکنی ظن ایدن مجنون بالطبع هر شیئی بر علامت تهدید عد ایدر، بیوکلک جتنه مبتلا اولان باشقه بر کیمسه کندی ایشمیراتور فرض ایدر و کندیسنی طوغرامه‌جی ایسه آلات و ادواتی سرای ایمپراطوریسنگ امراسی و خانملری ظن ایلر. و الحاصل بعضاًده بر تصور بردنبره مجبور «حرکته سائق» اولور، شخصک بتون فعالیتنه یوکلنیر، انسانه حقیقی بر «معنوی باش دونمه‌سی» نک عارض اولماسه سبب اولور، واونی اجرایه مجبور ایتدیکجه انسانی راحت بر اقاماز.

مقبله‌اندر و مضرب. — چوق زمان اول مشاهده ایدلمشدر: بومتخیله ایله عضویت و خاصه جمله عصبیه پندده صیقی بر مربوطیت وارددر. نفس ناطقه‌ده کی جنتک سببی اکثریا دماغک تشوشنده آراملیدر. شبه‌سز شدتلی بر کدر، بر قورقو، پک مفرط بر عشق کی بر طاقم اسباب روحانی‌ده وارددر، فقط بو سبیلره دائماً مراکز عصبیه‌نک بر آفتی‌ده رفاقت ایدر. بوندن دولاییدر که آفیون، خشیش، کتول کی (کندولرینه ذهنک زهرلری دینلن) بعض مواد مسکره‌نک دماغده اجرای عمل ایتیمی متخیله‌نی تحریک ایتک، بر طاقم مناظر موهومه و تصورات مجنونانه‌نی کوستریمک ایچون کافیدر.

مقبله‌عالیه. — فقط شوراسنی‌ده همان سوبایله‌م: متخیله‌یا لکنز بویه مناسب‌سز شیلر قورمق اقتداری دکلدر: متخیله‌ده بویه غیر منتظم صور ذهنیه‌نی و مجنونانه بعض تصورلری ترکیبدن باشقه بر استعداد دخی وارددر: اگر بواولماسه متخیله‌نک نه‌دکری اولور واکا ناصل بر قیمت و یریه‌بیلیدی؟ اکثریا مرضی اولان و قوای ذهنیه‌نک موازنتنی اخلال ایدن، عقل و اراده‌نی سلب ایدن متخیله سافله‌نک یاننده باشقه بر «متخیله» «عالیه» وارددر که متأملدر و کندیسنه بر عقل سلیم ایله بر اراده‌متینه نافذدر. او حالده

مفکره خوی خیالات ایچنده پریشان اولمایه رق اونلری اداره ایدر ، اونلردن منسجم و آهنگدار بعض دستلر ترتیب ایدر و او واسطه ایله تهیجات و تصورات ذاتیه سنی افاده ایلر. تحلیل یالکزر جنتی تقویم ایتمز، صنایع نفیسه اربابنده بولنان شعله الهام کبی ، دهانك ده بر جزؤ حاکمیدر؛ حیرتمزی ایفاظ ایدن و روحمزی حرکت کترین او کوزل آناری هب اوکا مدیونز .

فی الحقیقه ، زمانمزده بو ایکی شیئی یعنی دهأ ایله جنتی تقرب ایدمرك ، نوروز Nevrose دنیلن عصبی بر خسته لغك عادی بر نتیجه سی عدا ایتك ایستمشلردر . فقط ایکیسی آردسنده قومق ایستیلن مشابته تماماً سطحی اولوب اختلاف اساس اعتباریله ینه باقیدر : خسته لقله اك زنده بر صحت آردسنده نه قدر مسافه وارسه جنت ایله دهأ بربرندن او قدر اوزاقدیر . واقعا، كرك جتده و كرك دهأده تحلیل فرط تهیجی ، تقوی واردر ، فقط بری مفکره یی اخلال و عجزه گرفتار ایدن بر حمالولدیغی حالده دیکری زنکین و اوصاف مستثنایله متصف برطیعتك انکشافیدر. مجنون یا کندیسنه مسلط اولان بر فکر محدود ایچنده محصوردر و یا خود کندیسنده ظهور ایدن استحضارات پراکنده نك بازیچه سیدر . دهأ ایسه نفس ناطقه ده بر وسعت ، تصورده نفوذ و قدرتدر ، داهی نفسنده جولان ایدن افکار آردسنده کندیسینی غائب ایتدکدن باشقه اونلری اعمال، ترتیب و تشکیل ایلر و کندی نفحه قادری ایله اونلردن روحلی ، معقول ، طبیعتده موجود اولانلردن دهأ کوزل بر طاقیم اثرلر میدانه کتیرر .

منجید عالمك عناصری . -- شبه سز، صنایع نفیسه آثار و محصولاتنده بیله تصویراتی يك بول دمتلر کبی فوران ایتدیرن سانحه نك یرینی هیچ برشی طوتاماز؛ تصویرات اعماق روحده مکنوندر ؛ شعور اونلرك عمومینی بیلمز ؛ و اونلری ترکیب ایدن عناصری او قدرده بیله سز؛ بناء علیه بیلمدیکی موادی بالاخره ترکیب ایتك اوزره ، تحلیل و تفریق ایده مز . بونکله برابر الزم اولان بو ایشدر ؛ لوحه نك تماماً یالیش بر حالده ظهور ایتمی ، تصوراتك قوانین مخصوصه لرینه توفیقاً تکرار دیرلسی لازمدر . بو خصوصده نه قدر چالیشیق، زحمت چکسه ك اکثریا بوشدر ، مساعیمز عقیم قالیر، شعور برشیك ظهور ایتدیکنی کورمز، سانحات بزدن قاچار. فقط شوده طوغریدرکه ، نفس ناطقه تصویراتی احبایه مقتدر اولماقله برابر

اونلری دیرلده جک ایلک نفحه‌یی کندیلرینه ویرن اودر. اوتصور لرلک مبدأ حرکتی مفکره‌نک بالتصور، تهیج ایتدیکی شعورده تثیت ایلدیکی بر فکر در؛ بوفکر روحی تماماً صارصار، اوکا تطابق ایده بیله جک عناصرک کافه سنی جانلاندیرر، اونی افاده ایده بیلن کافه ترکیاتی تولید ایدر. «سانکه اسکی بر مصالده حکایه اولندیکی کبی، بویه لکله بر سوری امره منقاد مالزمه انشائییه، بر شرقی سسیله کندیلکلرندن کلوب بر جلر وقلمه دیوارلری شکنده دیزیلورلردی.» فقط بالذات کندیسنک ایقاع ایتدیکی بو فوران نفسی ایچنده، نفس ناطقه ینه کندیسنه حاکم قالیر؛ سانحاتی ترجیح واتخاب، رد ویا قبول ایلر، تصور ایتدیکی اثره هانکیسی حقیقه توافق ایدر سه یالکز اونی آلیقور. بو وجهله، مفکوره‌یی برابرنده طاشیان ودها طوغریسی مفکوره‌نک کندیسندن عبارت اولان عقل متخیلیه نفوذ ایله وجهه استقامتی تعین وتنظیم، او واسطه ایله حسیاتی ابلاغ ایلر.

فقط اثر، نفس ناطقه‌یی ممنون ایدنجه‌یه قدر اراده دخی بذل معاونته مجبور اولمشدر؛ اراده مفکوره‌یی وجدانده حفظ ایدیور، دقتک قوتلری اونک اوزرنده تمرکز ایتدیریور، سانکه تکمیل نفس ناطقه‌یی اونک اطرافنده. واونک ایچون حرکت کتیریوردی؛ قوه اراده‌نک بوقیلدن اوله رق طوغمق اوزره بولان اثرک صفحات متعاقبه‌سینه عطف نظر دقه، وتمادیاً تنقید و محاکمه، و بو وجهله چیرکین و بیچمسز بعض شیلرک تشکل ایتسنه و یادوام ایلسنه مانع اولماسی ایجاب ایتمشدر.

بو حیثیته اثر، سانحه ایله تأملک، طبیعت ایله حریتک تشریک مساعیسندن نشأت ایلر. ایدمی متخیله‌نک محصولاتی غیرطبیعی و اسرار انکیز برشی دکدر. واقعا بعض عالمر ناکهان قلبلرینه وارد اولان سانحاتدن اکثریا بحث ایدرلر؛ پائو ذوات بر حقیقت آریور فقط بوله میورلردی؛ آرتق اوندن واز کچمشلردی؛ آنسزین، بر سحر باز دکنکی ایله حاصل اولمش کبی، اوحقیقت کندیلرینه منکشف برترحدس منور ایچنده بیدار اولور. صنعتکارلر، شاعرلر دخی بو صورتله ملهم اولدقلری سویلرلر، طوغری اولان برشی وارسه، دهأ هانکی جهته مصروف اولور سه اولسون، بلا اختیار و دفعاً وقوع بولان بر انشا موهب سیدر؛ بوسایه ده اثر کندیلکلندن فوران ایدیورمش، حمله واحده ده، باشند باشه تصور وابداع

ایدلمش کبی ظن اولتور ، بو تقدیرده داهی اثرینی یایمايور ، نه سانخ اولورسه آنی آلیور دیمکدر ؛ صانکه محصول دها بر عنایت الهیه، مظهر اجابت اولمش دعادر. بونکه برابر متخیله بعض اسباب طبیعیه مربوطدر؛ بوحالده تخیل «قدسی برجت» دن متولد اولمایوب بتون قوای ذهنیه مزك تشريك مساعیسی حاصل اولمقدهدر.

دهای علمی و بریعی . — بوبابده لایقيله حصول معلومات ایچون دهایی علم وصنایع نفیسه اعتباریله چابوجق تدقیق ایدملم. بالذات کشفیات علمیته تاریخچه‌سی بزه بونلرک دفعهٔ وارد الهاماتدن عبارت اولمایوب، مساعی مدیده و تفکرات دقیقه ایله حاضرلنش اولدیغنی اثبات ایدیور. موازنت عمومیة اجسام قانونتی کشفه ناصل موفق اولدیغنی نیورمه صورمشلر: «دائما دوشونهرك» جوابی ویرمشدر. كذلك بوفورمه ك دها حقنده کی تعریف مشهوری معلومدر: «دها اوزون برصبردن باشقه برشی دکلدر». شبه سز بو تعریف علی الاطلاق طوغری دکلدر؛ دها اوزون برصبردن فضله برشیئدر. هرشیئدن اول دها برتفوق طبعییدر؛ هانکی جهته عائد تبعاته معطوف ایسه اونك ایچون ایجاب ایدن قابلیتلك وجودینه وابسته در ؛ بو موهبه‌نك یرینی هیچ برشی طوتاماز، فقط شوراسی ده طوغریدرکه، دهانك حقیقهٔ فیضاك اولماسی ایچون نیورمه ك «صبرلی مفکره» نامی ویرمش اولدیغنی بر دقت ثابته وبر ارادهٔ فعاله مقتضیدر. هرکشف نتیجه اعتباریله بر هویتی تعیندن عبارتدر. فقط بومسئله تام معناسیله ، مشکلددر. اشیانك مابه الاشتراکری یعنی بربرینه بکزه‌ین جهتلی دها زیاده کوزه چاربان بر سوری مابه الامتيازلی یعنی بکزه‌مه‌ین جهتلی آرمسند کیزلیدر. بوندن طولاییدرکه اشیایی یکدیگرینه تقریب ایتک ایچون ، اونلر حقنده اولجه بر علم مکمل اکتساب اولماسی ، وخاصةٔ اونلری لهیب تفکرله اریدوب ، علی الاکثر ذهنه القا ایتدکری فکرلری بر یانه آتهرق اصلی ویکی Original فکرلك ورودینه امکان براغلماسی لازمدر. بوتون بونلر تدقیقات مدیده‌یی ، براجهاد متینی، برسی دائمی تبعی مستلزمدر؛ حقیقت زحمت چکلمکسزین کندیلکندن عرض وجود ایتمز ؛ اوایلکنز کندیسینی اوزون مدت آرامغه قاتلانان جسور کیمسه لره بغتهٔ منکشف اولور .

متخیله نك صنایع نفیسه یه متعلق ابداعاتی ده عینی سبیلرله ایضاح اولنور. ایستر صنعت ترسیم، ایستر موسیقی ویا شعر موضوع بحث اولسون، نفس ناطقه نك متصوری اولان برفکر داخل شعورده مقید و محفوظ اولوب، اراده واسطه سیله ده تنیت ایدلمشدر. فقط بو تصور تأثیرسز قالمایوب حساسیتی قز شیرر و بر شدتلی تهیج اولور. اونك اوزرینه، روحی تاتماندن صارصارق، مفکره نك الكقارا كلق كوشه سنده طارمه طاغنیق بولنان صور محسوسه نك هپسنى طاقیم طاقیم میدانه چیقاریر و کندی اطرافنه طویلار. (رقیق و سریع التأثير حواسه وابسته بولنان) خاطراتك مبدولیتی، شدتلی برقابلیت احتساس، برقوه عظیمه اراده، ایشته بونلر سنوحتك منبع لیدر. بر صنعتکاره، کوزلی تمیز ایدن و «ذوق سلیم» دنیلن غریزه عاله رهبرلك ایتدکدن صکره، یاباجق شی کوردیکی شیرلدن بعضیلرینی سچمک واونلری اویغون برطرزده وجانی بر شکل ایچنده طویلامقدن عبارت قالیر.

مفکوره l'idéal وخیال la fiction. — متخیله مبدعه نك درجات مختلفه سنده کی ایثی بوندن عبارتدر؛ بو ایش هر وقت بر شیردر: یعنی جمع و تفریقدن عبارتدر. شوقدرکه متخیله بعضاً بالکز باشنه قالیرسه: زاده ایجادی انجق خیال اولور؛ بعضاً رهبر حرکاتی عقل اولورسه او حالده مفکوره یی کشف ایدر.

خیال حقایق اشیانك خارجنده، مفکوره فوقندهدر؛ خیالک بر قانونی یوقدر، او تکذیب، تغیر ایتدیکی، شکلنی دکشدریدیکی طبیعتله اکثیر؛ بالعکس مفکوره طبیعته تقرب ایدر، دها طوغریسی تصفییه ایدلمش، تامام اوله رق کندیسنده بولنان هر شیردن تجرید اولنش، کسوه کالنی تلبس ایش طبیعتک کندیسیدر. ذاتاً بونلرک هر ایکیسی ده بزى حقایق اشیانك تجربه ایله معلومز اولان هیئتندن اوزاقلاشدیرر؛ بونلر متقابلاً بر برلرینه تداخل دخی ایدرلر، زیرانفس ناطقه داخنده هرشی غیر محسوس مراحل ایله بر برلرینه مربوطدر: الك غریب خیالاتك ایچنده بیله مفکوره بولندینی کبی مفکوره نك الك عالی ابداعاتنده دخی خیال بولنور.

مقید نك علمده کی همرنی. — متخیله نك ایفاسنه مأمور اولدینی خدمت ارتق کوریه بیلیر: بو قوت هر یرده الزمدر. ایچندن حقیقت چقاجق بتون تشبثاته سبب اولان فرضیه یی ابداع ایچون علمایه تحیل لازمدر؛ قانونلر غیر مرئیدر؛

بونلر نفس ناطقه‌یه او یله حاضر تاس تمام یابلس بر حالده کیرمز لر ، اونلری مفکره قوت یله کشف ایتک ، تخیل ایلک و کندیلر نی اثبات ایده جک اولان تجار بی ده تصار لاق اقتضا ایدر : بو حالده علم دیمک صحتی اثبات اولنش بر سلسله «تخیلات» دیمکدر . حقیقت ، آرا لرنده ظاهرأ هیچ بر مشابته اولمایان شیلری یکدیگرینه تقریب ایتسنی و اونلرده موجود اولان بعید ورقیق مشابتهلری کشف ایتسنی بیلن دهانک تحساتی سایه سنده منکشف اولمشدر . **هارووی** Harvey ک وجود بشرک شرایین و اوزده سی ایله سپا لر له مجهز طلومبه کبی بر ما کنه آرد سنده بر مناسبت بولند یغنی کشف ایتسی ایچون متخیله یه احتیاجی واردی ؛ کذلک فعل تنفسی فعل احتراق دن تفریق ایدن اوزون مسافه یی قطع ایتسی ایچون **لاووازیه** Lavoisier ک بر المانک یره دو شم سندن قوه جاذبه قانونی تفرس ایتسی ایچون **نیوتون** Newton ک تخیل ایتلری لازم ایدی . شهبه سز ، متخیله اکثر یا علم دن تبعید اولنش و بونک نفس ناطقه یی یالکر اخلال ایده بیله جکی ظن اولمشدر . انجق محققدر که متخیله تجربه یی استخفاف و کندی تخیلاتی حقیقت دیه تلقی ایتک ایسته دیکی حالده انجق بعض فرضیات و تخمینات ایلا د ایده بیلر که بونلر پارلاق ده اولسه لر حقیقت حالده به یقن **باکون** Bacon ک بحث ایتدیکی اور و جک آغلرینه مشابیه شیلر در . شو قدر که بتون بوسوز لر هیچ برشی اثبات ایتمز . «پک ضعیف قفالرده» یاپه بیایدیکی ضرری اعظام ایده رک متخیله یی علم دن قوغق ایسته مک «قازانلر بعضاً پاطلا دینی ایچون بخاری قوللا ناماق» قدر حق سز و مضر در . هر کشنک مبدأ و مصدری نفس ناطقه ک بنفسه وارد اولان سانحاتی اولوب ، شاید به یقن ک تکلیف ایتدیکی اوزره مفکره یه بر طاقم «قورشون طبانلر» قونلسه و اشایی تا و بیلدن طبیعتی استجواب دن منع اولنسه ، انسان بهمه حال خوی حادثات ایچنه دوشر : بو تقدیرده **ارکوست قروت** ک تعبیری وجهله «اختباریه صرفه عقیسدر» و **قلود برنار** ک دیدیکی اوزره «جامد حادثه علمی دکندر»

مغیدرک صنایع نفیسه ده کی ضرمنی . — متخیله علمک روحی اولدینی کبی ، صنایع نفیسه نکه ده مبدئیدر . متخیله حق کشف و حسنی ابداع ایدر . شهبه سز ، بعضلری صنایع نفیسه ایچون طبیعتک بسیط بر تقلیددن عبارتدر دیر لر . فقط او یله اولسه ایدی هم فائده سز ، هم امکانسز اولوردی : فائده سز اولوردی ، زیرا

طبیعت حقیقه بزه کفایت ایدردی و بر کوز بویامقدن عبارت اولان هرباشقه شیئی، استخفاف ایدردک؛ امکانسز اولوردی، زیرا صنعتکارلر طبیعتدن کندی حیات وهیجانی آله بیلیرلمی؛ **هفقیقه réalisme** مسلکی یوقدر: طبیعتی حرفیاً استساخت ایلدیکنی ادعا ایدن صنعتکار دائماً خیالی تصویر ایتمکدهدر؛ اونک کوردیکی شی بالذات طبیعت دکلدر، بونک سببی شودرکه طبیعتدن اونی متأثر ایدن شی، حس ایتدیکی تهیجدر، کندی «مزاجی»، کندی روحیدر. صنعتک طبیعتی تقلیددن باشقه بر غایه‌سی اولمادیفی خصوصی موضوع بحث اوله‌مدقدن ماعدا، بالعکس صنعتک تولدینه سبب طبیعتک بزی نمون ایتماسی، خوشمزه کیتاماسی، بزی متأذی ایلمسیدر: طبیعت خیال ایتدیکمز کوزه‌الکی قوه‌دن فعله چیقارمبور، طبیعت بر سوری نواقضه مالیدر. زیرا طبیعتک بکانه غایه‌سی کوزلدن عبارت دکلدر. بونکه برابر اوله‌ده اولمش اولسه‌یدی، بر چوق ایجابات اوکا حیولت ایتدیکی جهته اونی قوه‌دن فعله چیقاره‌مازدی. بو حالده صنایع نفیسه‌نک اصل معناسجه غایه‌سی کوزلی بند طبیعتدن قورتاروب آزاد ایتک، ردای طبیعت آلتنده محتجب قالدینی حالده نفس ناطقه‌نک علاقه انجذاب‌ایه کشف ایتدیکی معنایی ساحه علانیه چیقارمقدرد. **به یقین** نک تعبیرنجه صنعت «السانک طبیعتیه انضمامی»، طبیعتک ده‌ا صاف ودها معقول بر حیات ایله کسب زندگی ایلمسیدر. صنایع نفیسه اربابی‌ده اهل علم کیدر، بونلرکده اشیا حقنده عالی بر عرفان قیلیری واردرد، بونلرده اشیانک‌روخنه قدرنفوذ ایدرک اونی بعض صور جسمیه و محسوسه‌ایه تحلی ایتدیرمکه چالشیرلر. قیود و علائقه قاتلانیدیغمز دنیا حدودینی خیالاً کچمک، طبیعتاً و فعلاً موجود و مشهود اولان نظامک فوقنده کی نظام اکمل و ذهنی‌بی تصور ایتک اقتدارینی انساندن سلب ایدرسه‌کز، صنایع نفیسه‌ده اراق قالماز.

مقدمه‌نک مختلف مسلک‌لرده کی همرمنی. — فقط متخیله یا لکسز عالم و صنعتکارلرد لازم دکلدر: مسلک‌لری نه اولورسه اولسون، هانکی ظروف واحوالده بولئورلرسه بولسون هرکسه لازمدر. **ژانار Jacquard** کبی یکی بر ماکنه اختراع ایدن مخترعه تحیل لازمدر. مسعود بر مضاربه speculation ده بولماسی ایچون تاجرده‌ده

لازمدر. بر محاربه پلانی ترتیب وتنظیم ایتک و غلبه یی تأمین ایده جک حرکتی تام زماننده امر ایلک ایچون قوماندانه ده متخیله لازمدر؛ قوای اجتماعیه نك هیئت مجموعه سنی سوق و اداره ایچون رجال حکومته؛ اصولارینی تنويع ایله امرجه مختلفه یه تطبیق ایتسی ایچون معلمه ده متخیله لازمدر. خلاصه کلام، ایش کورمک ایسته یین، کرك کنیدیسی و کرك همجنسی ایچون بر خط حرکت تصور ایدن هر کس، ایلرینی کورمک، وسائط ایجاد ایلک ایچون، متخیله سنه مراجعت ایتکه محتاجدر.

تطبیقات عملیه. — مقید نك تمه سی لازمیدر؟ مقید نك فنا فیلری. — یوقاریکی ایضاحاته کوره، متخیله دن دهامهم باشقه بر قودنك موجود اولمادیغنی و مریرلرک اونو تمه یه اعتنا ایتلری لازم کلدیکنی سولکه حاجت واریدر؛ انجق، متخیله یی پك چوق ذم ایتشلردر: ماله برانسی متخیله یه «أودلیسی»، یا «غال» غفلت و خطا صاحبه سی «دیور»؛ دیگر بعضیلری ده اونك انتاج ایتدیکی مضرت و تهلكه لری اوزون اوزادییه صایمشلردر. شبهه سز بز بوللری انکار ایده جک دکلز: متخیله نیجه یولسلزاق و نیجه مصیبتلرک منبعی اوله بیلیر. متخیله غمناک اولدیغنی وقت، هر شیئی بزه مغموم کوستلردر، بتون سرور لرمری دفع ایدر، بتون حیاتی صولدیرر. بوبابده بحق: بدینلک اول باول برحالت انفسیه در، مریض بر متخیله نك نتیجه سیدر دینلمشدر. بوندن باشقه، احتراصی بسله یین و آتشله یین متخیله در؛ آرزو ایدیلان حظی کوز قاماشدیر اچق رنكلرله کوستره درك، عقلی ابطال، اراده یی الك تهمتکارانه افعال و حرکاتی ارتکاب ایتکه سوق ایلر. جسمانی باش دونمه سنه، سقوط صورت محسوسه سی سبب اوله رق کوسترلشددر: شویله که سقوط بر صورت شدیدده ذهنده متجلی اولنجه اونو موقع فعله چیقاران حرکتی ایجاب ایدر: بونك کبی صورت محسوسه نك کوز قاماشدیر بمسندن متولد «روحانی بر باش دونمه سی» وارددر. هپسی بوقدر دکل: متخیله سرایت اخلاقیه نك الك قوتلی آلتی دکمیدر؟ بر جنایت، کوزه چاربان ویا موجب وله وحیرت بر طاقم سرگذشتلره زمین تشکیل ایدن، فوق العاده بر اتحارک هروقت مقلد لری بولنور؛ کوتیلکه عائد بر منظره ده، خفیف مشربانه مکالماتده انسان حاضر بولندیغنی وقت جزاسز قالماز، اخلاقی افساد ایدن کتابلرک او قونماسی تهلكه دن سالم دکلدر: نفس ناطقه صیق صیق کلن

خیالات ایله طولار و بونلر چابوق آلفات مضره دوز . ماله برانش « تخیلات قویه نك سرايت » نده کی تهلكه دن شدته بحث ایتشدی . فی الواقع ، امرجه عصیه ده ا زیاده سریع التأثير اولوب ، بربرلینی هیجانه کتورمکده ، افکار مخروفه لرینی ، احتراصلرینی تعاطی ایلکده در ، که بو تعاطی اونلری برقات ده ا تهسیج ایلر : بوندن اك وخیم اجتماعی انتظام سزقلر ظهور ایده بیلیر ؛ بوکوجیلرک ارتکاب ایتدکلری جنایتلرده بوضو رته مفسر در . ینه ماله برانشه کوره عقاید باطله و افکار مجنونانه نك اکیوک عاملی ینه متخیله در : طبعاً جین ویا جاهل بعض کیمسه لر کندولرینه حکایه اولنان صاحبلر ویا کندیلرینه نقل ایدیلن حکایه لر دن همان متأثر اولور ؛ بو کیلر شارلا تانلرک سهل الاغفال قربانلری ، ویا تعصبه هان قاپیله حق کیمسه لر در . دیگر بعض نقاط نظر دنده متخیله مشوم کورینور . متخیله اکثر ا حقیقی نظر اعتباره آلمسزین ، کوزمزك اوکنه غیر قابل حصول بر سعادتک دلربا منظره لرینی کتیر ؛ متخیله برسوری ظنون و اوهام ایچنده یولنی شاشیر ، بو اوهامی چوق کچمه دن حقایق اشیا قیرنجه سبب یأسمز اولور : امید واملریمز بویه سراب آسا بوشه چیقنجه ، مضر بر یأس و نومیدی به دوشه رز . ره لرک و ره لرک بحث ایتدکلری شوخسته لق بو عصرک وائلنده پک مودا ایدی : بوخسته لغه یا قالا نان بر کیمسه ارتق هب جان صیقتیسیله دمکذار اولور وائل امل اولمادیغی ایچون حیاتدن بیقار . بودر که به دوشولمزسه ، طبعی تن پرورلکه خوش کلن بر طاقم قورنتیلره رخاوتکارانه تسلیم نفس ایدیلیر ؛ انسان زماننك اك قیمتدار قسمنی ، فعالیت زنبکرلرینی کیوشه دن ، اراده یی ضعیفلادن بر طاقم بوش وفتور آمیز خیالات ایله غایب ایلر ، بویه بر حال انسانی جمادات در که سنه ایندیرر یا خود انسان صنفندن چیقارر .

منفیه نك فائمه لری . — بوملاحظه لرک هپسی طوغریدر : فقط بو تهلكه لراك بیوك فوائد ایله تلافی ایدلمه مشیدر ؛ متخیله نك صنایع نفیسه ده کی خدمتدن بحث ایتیمه لم ، اونك مصدر حسن اولدیغنی ، بزى ده ا ائی برعالمه ، ایچنده وجدانك تهکم شروالمه رحیمده اولمادیغی « بر لحظه لق جنت » لره ایصال ایتدیکنی و بو واسطه ایله روحه یالکزك ا زیاده نجات ویرن دکل اونى تسکین ایدن تهیجات ایله بزى تهسیج ایتدیکنی اونودالم . متخیله نك خدمتی یالکز بزه کوزلی تقدیر ایتدیرمکه ، انظار مزه

نامت‌هایلی آچهرق بزى بند طبیعتدن آزاد ایتمک منحصراً اولسه‌یدی کندیسنی بلاقید و شرط محکوم ایتمه مکملکمز ایچون الوردی . شبهه یوق که بعض خیالاتی او واسطه ایله قوربیورز ، فقط عجباً بوتخیلات هر وقت فائده‌سز و یاتهلکه لیمدر؛ خایر، بالعکس بونلر بزى اکثریاً تسکین ایدر، برآن ایچون اولسون پک آغر اولان محیط حقیقتدن حقیقه قلمزه خدمت ایلر ، کدرلی ساعتلریمزى برآز اونوتمه مزه ، ده‌ها زیاده فرح قلب ایله نفس آلمه مزه مساعده ایدر؛ وهم و خیالک بزه‌دیکی بوعالم نارین ایچنده برآن ایچون اولسون ، هر بریمزک ضمیرنده موجود اولدیغی حالده حیات روزمره‌ک هدف قهر و تنکیلی اولان مفکوره‌یه توفیقاً یشارز . بزه بوسعادتی بخش ایدن پری متخیله‌یی سومک ایچون بوبرسبب دیکدر؛ دنیاده اوندن باشقه برشی طانیایان نیجه کیسه‌لر واردر . متخیله بزه بعض الدانیشر حاضرلار: فقط بزى الک اول تسلی ایده‌جک ینه او اولدیغی بیلمه‌ین وارمیدر؛ زیرا او یورولمق بیلمز : او کمزده یکی بعض منظره‌لر کوسترر ، کندی پارلاق الوانی ایله باشقه بر مفکوره‌یی تزیین ایلر، ایچمزه آتش امیدى ادامه ایدر . امید! نه فسونکارکله ، عنصر سعادت ، محافظه حیاتک مسندی! هنوز حلول ایتمه‌ین و کیسه‌یه عائد اولمایان آتی‌یی ضبط ایتمک ، یارین حصول بولماسی محتمل اولان ظالم حقیقتلری دوشونمه‌ک ، ایمانمزی محافظه ایتمک ، موانع و مشکلاته و حزن آمیز بیدارلغه رغماًغایه آملمزی تعقیب ایتمک اقتدارینه متخیله سایه‌سده مالک اولماسه‌یدق نه اولوردق ، نه یارایدک ، ده اطوغریسی نه‌یه جسارت ایده‌بیلردک ؟

شبهه یوق که ، متخیله احتراصات سیئه‌یی تحریک و تشویق ایدر : فقط معنوی بیوکلکمزک قیمتی بر حافطی ده اودکلیدر ؛ عقل باردک فعل خیری تمیز ایدرک بزه کوسترمسی کافی دکلدر ؛ متخیله‌نک‌ده اونى بزه - جانی بر صورت کبی تصویر و شوقنی قلبمزه ایقاد ایلمی لازمدر . روحمزی کوزل وانی هرشی ایچون تهیز ایدن ، حقیقی « اسباب حیاتیه » نک تحدسنى بزه حاصل ایدن اودر ؛ محدود و مقید خلقتمز اوکنده حقیقه نامت‌های بر افق آجان ، هیچ بر وقت نومیدی‌یه دوشورمکسزین بزى ابدی ، لاهوتی شیلردن ذوقاب ایله‌ین‌ینه متخیله‌در! کذلک کرک استکمال نفسمز و کرک دنیاده قوه‌دن فعله ایصال ایدیه‌جک برترقی موضوع بحث اولسون ، مساعی صبورانه ، مجادلات ثباتکارانه خصوصنده بزه جسارت

ویره جك ینه اودر ! متخیله ، مستقبله تجاوزله ، غایه‌مستکملی بزه اولدن کوسترر ، بزى بکله ین سعادتی براز طاندیرر ، بزى حسن نتیجه‌یه ایصال ایدر جك الك مؤثر وساطتی بولمق ایچون ابراز مهارت ایتکله برابر ، نکار موفقیتی انظارمز اوکنده بارلادوب عزم واقداغمزی ادامه وبالجمله موانعه غلبه‌یی تسهیل ایلر .

متخیله‌نک هر شیئک شکلنی تغییر و تلوین ایتدیکنی علاوه ایدم ؛ الک شعشعه‌سز وظیفه‌لره ، الک بیاغی اشتغالاته ، الک بسیط اشیا به لطافت بخش ایدر : متخیله حقیقهٔ حیاتک شعریدر . او ، الک طامسز یمکله لذت ویره جك طوز بیر قیلندندر . روحک عیارینی تأمین ایچون ، آچیق بر متخیله‌دن ، انسانک ده‌ها قیمتلی برشیئی یوقدر ، کندیل‌کندن حاصل بونیک‌بینک انسانک وظیفه‌سنی نشئه‌ایله ایفا ایتسنی و حیاتدن لذت بولماسنی تأمین ایلر . الک مقبول فضائل اجتماعیه‌نک مبدئی متخیله‌اولدیغنی ده اونوتما ملیز : دیکر لرینک دوچار اولدقلری فلاکتله قارشى بزى متحسس ایدن ، بتون وجدانلر آراسنده برطاقم نقاط تماس احداث‌ایه‌ین و تجاذب و نعطف احتساسنی اویاندیران اودر . اولجده ذکر ایتمش اولدیغمز اوزره : برچوق اشخاصک طاش یورکلی اولماسی متخیله‌لری فقیر اولماسندندر . اونلرک لاقیدیسنى ازاله ایتک و کندیلرینی خود کاملقدن و از سیرمک ایچون ذهنلرینی توسیع ایتک و متخیله‌لرینی حیرته القا ایتک کفایت ایدر .

مغیره مقننه تربیه‌نک ایفا ایتدیکی خدمت . — تربیه‌نک مکلف اولدیغی بو وظیفه‌نی تقدیر ایتک قولایدز : بوندن مقصد متخیله‌نی سوندرمک دکدر . کندوسنده تخیل بولمايان برخاقت قیمتدار بر عنصردن محروم دیمکدر . اویاه بر طبعیتک صاحبی هیچ برشیئی قوتله تصور ایدمه‌جه‌کندن ، حیسانده شدت اولماز وعزم و همتدن محروم بولنور . شبهه یوق که کندوسنده بوقوت پک آتشین اولان برخاقتک دخی معروض اوله‌جنی هر نوع افراطلر سببیه‌دها زیاده‌دکری یوقدر . بناءً علیه متخیله‌نک تربیه‌سی مضاعفدر . بر کیمسه‌نک طبیعتده متخیله فطرهٔ بارد و بطی ایسه اونى ، طبعیتک ویا صنعتک الک کوزل آناری‌ایله تماسده بولندیره‌رق ، کندوسنه افعال عظیمه‌یی طانیده‌رق ، آثار نفیسهٔ ادبیه‌نک الک مؤثر حائقی‌ایله تمیه‌ایده‌رک تهییج و تسخین ایتک لازمدر . بواعتبارله بالذات متخیله متخیله‌یی تربیه‌ایله مکلفندر . بونک عکسنه ، شاید

برکیمسه‌نك متخيله‌سی طاشقین اولور ، وهر وقت خولیا به قانلغه مهیا بولنورسه ، اونی ضبط وربط ایتمک ، وبر عقل متین وتأمل شدیدہ انقیاد ایتدرمک ایجاب ایدر . والاصل متخيله یالکز باشنه براقیلیرسه ، مخاطره‌لی وتهدید ایله مالیدر ، فقط عقله تابع اولور ودها طوغریسی اونکله اتحاد ایلیرسه ، روحک برکتی آرتدیره‌رق ، وحیاتی اعلا ایله‌رک فائده‌لی خدمت‌لر ایفا ایدر .

خلاصه

۱ . متخيله ، اشیا بی غیبوتلری حالنده ، تصوراتیمکلمز قوه‌سیدر ؛ تخیل کچمیش بر انطباعک یکیدن حصولیدر (متخيله مصوره) . بونقطه نظر دن ، حافظه‌نك بر شکلیدر ، حافظه تخیلیه‌در . بونکله برابر صورت محسوسه خاطره‌دن ممتازدر ، زیرا چوق وقت دها شدتلیدر ، وبوندن دولایی تشخیص اولماز : بو صورتیه صورت محسوسه ، بزه شیئی موجود ایش کچی کوسترر . بوندن ناشیدر که صورت محسوسه بر سامه مشاهددر : بر سام او درجه قوتلی بر صورت محسوسه‌در که حال حاضرده وقوع بولان بر احساس مثابه‌سندہ تلقی ایدیلیر .

۲ . حواسک کافه‌سی (خصوصیه حاسه بصر) بزدہ بر طاقیم صور محسوسه حاصل ایدہ بیلیر (صور سمعیه ، صور لمسیه) ؛ کذلک تریجات و احتراصاتک ده کندیلرینه مخصوص صورتلری واردر ؛ عینی وجهله هر فکر مجرد مفکرده داخلمده بر صورت محسوسه ایله برلکده بولنور که بوسورت او فکرکسمه (۱) sehéma سیدر . ۳ . بوندن باشقه متخيله‌ده (حافظه‌ده اولدینی کچی) اشخاص مختلفه‌یه نظر آ بر چوق انواع وعدم مساوات موجوددر .

۴ . فقط اکثریا متخيله‌دن مقصد طبیعتک بزه نمونه‌سنی کوسترمدیکی بر طاقم آثار اصلیه بی حصوله کتیر مکدر (متخيله مبدعه) . بوندن باشقه متخيله‌نك ایکی شکلی بینه‌ده ، فرقلر حقیقی قالمقله برابر ، بر اتصال وانتقال واردر . بر طرفدن ، هیچ بروقت صورت محسوسه ایلك دفعه ادراک ایدلمش اولدینی هیئتده ، حفظ ایدلمش اولمایوب ، هر وقت متغیردر . دیگر طرفدن متخيله اصلاً ایجاد ایتمز ، بتون مالز مه‌سنی حافظه‌نك صاقلامش اولدینی صور محسوسه‌دن اقتباس ایدر .

[۱] Schéma به سیدک کسره سیله‌سه اطلاق امراه افندی مرحومک یادکار علمیسیدر .

۵. متخیله‌ده‌کننده مخصوص دیگر برشی، او عناصره ویردیکی شکلدر : متخیله بعضاً بیولدر ویا کوچلدیر ؛ علاوه ویا طرح ایلر ؛ تصحیح ویا تغییر ایدر. فقط متخیله‌نك باشلوجه وظیفه‌سی تداعیدر : بعضاً قاریشیق کللری، بعضاً‌ده‌اونلرك یالکزر اجزاسنی جمع ودعوت ایدر. فقط شو صوك اثرك حصولی اولجه برتفریق وتحلیل وقوع بولش اولماسنه وابسته‌در : تداعیده‌کی اصلیت ویکلیك Originalité تحایل وتفریقده‌کی اینجلك ایله متناسبدر .

۶. بوندن باشقه متخیله ترکیباتی ایکی وجهله تنظیم ایده‌بیلیر : یاهیچ برقاعده‌یه توفیق حرکت ایتیه‌رك وبر مقصد اولمایه‌رق کندیلکندن وبلا اراده تنظیم ایدر : خولایده ، رؤیاده ، طبیعی یاخود صنعی سیرفی‌المنامده ، وهمده ، برسامده ، جتده وقوع بولان حالات بو جمله‌دندر . او وقت نفس ناطقه‌یی بر طاقم صور محسوسه استیلا ایدر. و نفس ناطقه‌ اونلرك حرکات منساقیه‌سنه تابع اولور. ویاخود معقول و ارادی بر شکل وصورته تنظیم ایدر : او حالده متخیله بر جزء دهأ ، وشعله سانشاتدر ؛ صنایع نفیسه‌یه عائد آثار بدیمه‌یی حصوله کتیرن بودر : بو تقدیرده نفس ناطقه صور محسوسه‌یه تصرف ایده‌رك مقصدینی اوواسطه ایله افاده ایلر. دهأ‌نك اکلنه‌رك ابداع آثار ایتدیکنی ظن ایتك خطادر : دهأ شبه‌سز هر شیدن اول برموه‌طبیعیه‌در، فقط كرك علمده وكرك صنعتده ثمراتك كافه‌سنی حاصل ایتمی ایچون اوکا بر دقت صبورانه وبر اراده عزمکارانه معین وظهیر اولماسی لازمدر : دهأ‌نك اثرلرنده الهی بر امداد وقوعنی فرض ایتمکده احتیاج یوقدر .

۷. متخیله‌نك وظیفه و خدمتی پك بیوکدر : علومده قانونی کشف ایدر ، کشفیاتنی فرضیه ایله اعداد ایلر . قوه بدیمه‌ده اودر . صنایع نفیسه یالکزر طبیعتک تقلید ایدلمسندن عبارت دکلدر، بالعکس طبیعت بزه کافی کلدیکندن صنعت حصوله کلیور ؛ صنعت طبیعتی نقصانلرندن قورتاریر ، طبیعتده پریشان بر حالده بولنان کوزللك اجزاسنی بر یره جمع ایدر، وبوندن دهأ آهنگدار بر اثرمیدانه چقاریر، بواثر ایسه نفس ناطقه‌یی ارضا ایدرك بتون قوتلرینی حرکتده کتورر . مفکوره‌یی احداث ایدن متخیله‌در . بوندن باشقه ، هر نه حالده اولورسه اولسون انسانك متخیله‌یه احتیاجی اولوب ، او اولمازسه هیچ برشی یاپاماز .

۸ . بدیهیدرکه بودرجه قیمتدار اولان برقوه‌نك تمیه ایدلسی لازمدر . بونکه

برابر متخیله‌ی براز ذم ایتشلردر. فی الواقع متخیله بعضاً مشثومدر: مغموم اولدینی وقت حیاتی تسمیم ایده‌بیلیر؛ احتراصات خسیسه‌ی تمیه ایدن و سقوط اخلاقی‌یه سببیت ویرن اودر؛ سرایت معنویه‌نک اک فعال عاملی، اک غلیظ ظنون باطله‌نک صانعی متخیله‌در. دیگر طرفدن، حیاتی فنا بولمامزه سببیت ویرن، سقوط خیال وانکسار امللرک ویا بزه وظا'فمزى اونوتدیران لاقیدانه خولیاالرک منبى‌ده اودر.

۹. فقط متخیله‌نک فوایدی‌ده واردر: تخیل صنایع نفیسه‌نک، و بو حیثیته، اک لطیف تهیجیاتک مبدئیدر. کرچه بزى خیالاته طالديریورسه‌ده، اکثریا تسکین ایدن و بزه بر لحظه‌جق برسمادت ویرن خولیاذر؛ بر طاقم اوهام تولید ایتسه‌ده، ایتدیکی فالغی ینه کندیسى تعمیر ایدر؛ بتون حیاتک مدار فعالیتى اولان امیدى محافظه ایلر: افعال عالی‌یه تشویق، وچهره' موفقیتی کوسترده‌رک جسارت‌مزی تمیه ایدر؛ حیاتی کوزل، مفید ومهم بولمامزه خدمت ایدر، قلبمزه تجاذب حسلرنی وشفقت فضائلنى القا ایلر.

۱۰. متخیله‌ی قالدیر ماملیدر: متخیله‌سی ضعیف اولانلرده بونی تهیج ایتک، پک آتشین ویولدن چیقماسی ملحوظ اولانلرده ایسه عقلک ایجاباتنه رعایت ایتدیره‌رک انضباط آلتنه آلمق لازمدر.



اون ايكنىچى درس

قراي اعماليه

دقت، تجريد، مقايسه، تعميم

۱. **هواسى زمرى** — دقت — دقتك ماهيت حقيقيه سى — دقت و غنلت — دقتك اشكالى .

نظيقات عمليه — دقت و معرفت — دقت و قواي ذهنيه . دقت منحصره — دقت و حيات معنويه — اعتياد تأمل .

۲. **تجريد** — تجريدك ماهيت حقيقيه سى؛ درجه لرى — تجريدك اهميتى — تجريدك محدود لرى .

نظيقات عمليه — چو جفك تجريددن نقرى — تدرىساته تجريد، تدرىسات تحدىسيه — تدرىسات تحدىسيه نك حدودى؛ تجريدك حصه سى .

۳. مقابسه — مقابسه نك الهيمى

نظيقات عمليه — مقابسه قوده سنك تهذيبى .

۴. **تعميم** — فكر و صورت محسوسه — فكر و لفظ — تضمن و شمول — عمومى فكر لرك نوع لرى — تعميمك اهميتى — عمومى فكر لر مسئله سى : حقيقه، تصويريه، اسميه . بواوج نظريه نك تأليينى .

نظيقات عمليه — چو جفك تعميم خصوصنده تمايلى — تعميم قوده سنك تهذيبى .

هواسى زمرى — بورايه قدر مطالعه ايدلمش اولان باجمله قواي ذهنيه «عمليات حسيه» اسم مشتركى و يرياه بيلير : فى الواقع بونلرك هپسى بزي احساسات عالمنده براقبورلر، ايشلرى ده احساسات ايله در . فقط احساسات، اصل معناسجه معرفتك ايشلنمه مش ماده سى در، بناء عليه بوماده نك ايشلنمى و بوكا بر «صورت» و يرلى لازمدر : بوكيفيت، يكي بر زمرة عملياتك موضوعى در كه بونلره مأمورا اولان قوتلره «قواي اعماليه» [۱] دنيلير، فعاليت ذهنيه نك و كيللرى اولان بوقوتلر

[۱] يوقا ريده بوقوتلره «ترتيبى» ديمشك . فقط اصطلاح انجمننك وضعنه موافق اولق ايچون «اعماليه» ديلمى ترجيح ايدلمشدر .

حواسك فوقنده اولوب نفس ناطقه‌نك « مدركه » دیدیكمز قسم عالیسنی تشكیل ایدرلر

۱

دقت . — قوای اعمالیه چوقدر: فقط جمله‌سی بر امر اصلی‌یه یعنی دقته استناد ایدر . کله‌نك دلالت ایتدیکی معنایه نظراً دقت نفس ناطقه‌نك توتری ، برشی خصوصی اوزرنده تمرکزیدر . بو بر قوه‌خصوصیه اولمایوب قوای حسیه و ذهنیه مزك عمومینی شامل برطوریدر . فی الواقع شوقوتلر ایکی صورتله ایشله‌یه بیلیر : بعضاً کندی حرکت طبعیه و اختیاریه‌لرینه ترك ایدیلیر ، بعضاً ده بالعکس استقامت‌لرینی تنظیم و سمت توجهلرینی تعیین ایچون ایشه نفس ناطقه مدخله ایدر : دقت بالذات بوفعالدن باشقه برشی* دکلدر : یعنی مفکره‌نك فعلی و متأمل بر صورتده استعمالیدر .

دقتك ماهیت مقبیه‌سی . — بونقطه نظرندن، دقت بزه بالذات فاعل اولان بر عملیه کچی کورنیور . بونکله برابر بر جوق یسقولوژی علماسنك اونو تلقی ایتدیکی کچی دکلدر . قوم‌پیاوه نظراً دقت تماماً منفعل ایدی : قوندییاق دقتی « بر احساس منحصر » ، دییه تعریف ایدردی، یعنی داخل شعورده دیگر احساساتی سیله جك قدر غالب اولان بر احساسدر دیردی . موسیو ریبو Ribot ده بالتهایه اویاه آکلاپور : مومی الیه نظراً دقت بر فعل منعکس ، شدید، یکی و یا جالب نظر اهمیت بر انطباع طرفندن نفس ناطقه‌نك بر صورت میخانیکیه و تامه‌ده تصرف و احتکاری ، و بو وجهله داخل شعورده قوه‌دن فعله ایصال ایدلمش بر « وحدت فکر monodéisme » حالتیدر . شبه‌سز « کندیلکندن وقوع بولان » بودقتك یاننده ، باشقه بر شکلده ، یعنی « متأمل » و یا « بالاراده » بردقتك موجودیتی تصدیق ایدیور ؛ فقط شوصوك دقت مؤخر وضعی ، تعبیر آخرله دیگر دقتك عادی بر تقلیدی اولوب جوهرینی اوندن آلیر، ودها آز امین ودها آرز میمیدر. [۱]

فی الحقیقه ، بوتیمز ایله اکتفا ایدم بیلیردك ؛ زیرا یالکزد دقت فاعله یعنی نفس

[۱] ریبو دقتك ایکی شکلنه ، تفکرک تبدلدن عبارت اولان قانونیه متناقض ، « مستثنا

ناطقه‌نك متین بر صورت‌ده استعمالی اعمال معرفت خصوصنده برایشه یارایه بیلیر : بویله بر دقت صنعی اولمش، بآس یوقدر : صحیح‌درکه اشیا یی تعقل ایتکملکمزك مایتوقف علمی بی بودر . مفکره‌مزك حیوانك مفکره‌سی کبی ، کندنده ظهور ایدن هر بر انطباع ایله تماماً اشغال ایدلمش اولدیغنی فرض ایدرسه کز ، معرفتک حصولی غیر ممکندر : علم ، مفکره‌نك استحضارات مختلفه آرمنده شن وشاد حرکت ایده بیلیمسه وحقلرنده بروقوف صحیح استحضال ایتک ایستدیک ی اشیا یه سربست بر اصطفا ایله العطف ایلمسه کافی بر قدرت ذهنیه یی طلب واقضا ایدر .

بوندن باشقه بودقت فاعله بالنهایه دقت حقیقه‌دن عبارت دکلیدر ؟ قوم‌یایك نظریه‌سی طوغری دکلدرد . ضیا ایله کوزمز قماشدینی وقت بزه دقتی دینه بیلیرمی ! فضله اوله‌رق، همان‌هان ادراک ایدیلان برشئی لایقیه سچمک ایچون صیق صیق جهد ایدرز ، بوحالده دقت « احساس منحصر » ک اثری اولدینی قدر علتیدرز . بونک کبی دقدقه موسیو ریبونک تشبیه ایتدیک فعل منعکسدن باشقه برشی واردرد . کندیمزدخی نفس ناطقه‌مزی بر شی اوزرینه توجیه ایده بیلر و اوراده ادامه ایله بیلیرز ، بونی هیچ بر جاذبه‌نك بولنماتمنه، حتی اونک بزده تولید ایده بیله جکی نفرت واستکراهه رغماً یاپارز . لارومگیه Laromiguière دقتک بر فعل اختیار ی اولدیغنی بیان ایتدیک ی وقت قطعاً آلدانماشدی : دقت مفکره‌نك ، تجربه‌نك کندوسنه عرض ایتدیک ی اشیا یه حکم وتصرف ایدن ، اولره بر نوع حدود تعیین ایله ین ، بناء علیه کندیسنی غفلته دوشوره جک بالجمله انطباعاته فارشوشعوری قباه‌رق ، کال سربستی ایله توجه و تمکن ایله ین فعل جسورانه ، وغیرت مؤکده سیدر .

ا اگر دقت باشقه درلو تصور اولنورسه، اوکا اکیوکسک درجه‌سند، یعنی بالعکس پک ضعیف بولندینی وبلکه هیچ بولنادینی رده باقق لازمدر . چوجغه باققز : هراحتساس جدیده تماماً قایلیر : انطباعاتک هر بری اونی حیرتبخشا بر تلونه بورایه شورایه طولاشدیرر . شبه‌یوق که، چاره‌سز قالدجه دنیله بیلیر که، چوجفک برشئی کوروب‌ده اونک لطافتنه حیران قالدینی قصه آن ایچنده دقتکارانه بر حال واردرد : بوشکلده کی دقتکارانه حاللرک دقت حقیقه‌دن عبارت اولمادیغه اینانمایان وارمیدر ؟ ایشه چوجق هرشیه دقت ایتدیک ی ایچون هیچ برشیه دقت ایتمز ، ودقتک بویله پراکنده ومنفصل اولماسی

بالذات دقتك ضدیدر: بوحال غفات مطلقه دن عبارتدر. كذلك بوحسابجه (اكثریا سويلنمش اولدینی اوزره) هرآن سریعأ تبدل ایدن خیالاتك تصرف تامی آلتنده ویا بتون شعوری بر فکر ثابتله مشغول بولونان مجنوندن دقتی باشقه بر مخلوق اوله ماماسی لازم کلیردی. انجق طوغری اولان بونك ضدیدر: دلیلک اصل معناسجه دقت ایتك خصوصنده کی عجز مطلق اولوب نفس ناطقه ده برقرار حصوله موفقیت حاصل اولدینی وقت یاری یاری به شفایاب اولمش دیمکدر. خلاصه کلام، دقت حقیقه بزه خارجدن حمل ایدیلن دقت اولمایوب، بزدن صادر اولان دقتدر؛ دیمک که دقت بر حالت اولمایوب کندی مباشرتمزله وقوعه کلن بر فعلدر؛ جبری، انفعالی و غیر مشعوره اولان بر دقتده نفس ناطقه کندی غائب ایتمش و کندی کندینه مختل اولمش بولندیغندن، بویله بردقتك، دائماً مشعوره، فعلی، و مقصود به اولان دقت صحیحه ایله انجق شکل ظاهریجه بر مناسبت وارددر، ده طوغریسی اوپله بر دقت، بالذات دقتك ضدیدر.

دقت و غفلت. — ینه بوندن دولاییدر که دقت، بر چوق بیوک علمانك بزه مشهور بر طاقم مثالیرینی کویسترمش اولدقلری غفلتك سبیدر. مضکره بر شیء خصوصی اوزرینه تماماً طوبالاندیغنده، بر مدت موقته ایچون دیکرلرینك عمومینی اونودر: طور و حرکت و یاخویجه منبعلری بالذات تأملک شدتندن باشقه برشی اولمایان بعض غرابتلر بوندن ایلری کلیر. بدیهیدر که بوغفلت تماماً اضافی اولوب چوجفك ویا مجنونك غفلتی ایله هیچ بر جهت تعلق یوقدر: بری قوای ذهنیه نك مطلق بر پریشانلی، دیکری بو قوتلرک یالکز بر نقطه یه صرف و توجهیدر.

دقتك اشکال. — دقت، مصروف اولدینی اشیایه و بوانصرافك درجانه کوره مختلف اسملر آلمشدر: نفس ناطقه ایله بونك حالات مختلفه سنه شامل اولدینی وقت « تأمل réflexion » دن عبارتدر. اسمنك ده دلالت ایتدیکی اوزره تأمل نفس ناطقه نك کندی کندینه رجوع ایتسی و کندی درک ایلسیدر. تأمل اوزارسه « تدبر méditation » اولور؛ دقت، بر جهد و غیرته، یورغونلغه دلالت ایتدیکی وقت « امعان contention » دن عبارتدر. خارجه متوجه و عالم جسمانی یه مصروف اولورسه « استبصار observation » اولور. طبیعت متعلق علومك هپسی ایچون الزم اولان

استبصاردر : « زیرا طبیعت اسرارینی کندیلکندن افنا ایتمز ، اونی تتبع ایتمک لازمدر . استبصارده وقوع بوله‌جق هر غلط اشیا حقتدکی علم‌مزه ایراث نقیصه ایدر : بوندن ناشیدرکه استبصارک ممکن مرتبه صحیح و قطعی اولماسی اقتضا ایدر . یالکمز حواسک تمامی حقتده امنیت حاصل اولماسی کافی اولمایوب ، شهادت‌لرنده صحت و امنیتی چوغالتمق ، تناقضی آزالتمق ، و یک محدود اولان منزل‌لرینی ایجاد ایدیله‌جک مختلف آلتلر ایله آرتدیرمق اقتضا ایدر . بونکله برابر اصل استبصار ایدن نفس ناطقه اولدینی کی ، استبصارک صحتی ایچون بعض مزیات ذهنیه و معنویه‌نک وجودی الزمدر : اولاً نفوذ نظر ایسترکه ایشه یارایه‌جق جهتلر ، خرده نقطه‌لر احاطه اوله‌بیل‌سین ؛ ثانیاً صبر ایسترکه حقه محبت میل‌اندن ده استمداد ایدرک ، استبصاراتی تمدید و تکثیرده موفقیت حاصل اولسون ؛ برده بی‌طرفلق ایسترکه ، بر فکر سابق ویا بر غرض مخصوصه قابلقسزین اشیا اولدینی کی کوریله بیل‌سین .

تطبیقات عملیه . — دقت و معرفت . — ایمدی معرفته نسبتله دقتک اهمیت درکاردر . شبه‌سز دقت قوت‌لریمزک منزلتینی توسیع ایتمز ؛ بو منزله‌ینی تشکلات دماغیه‌مز تعیین ایتمشدر ، بو خصوصده نه‌درجه اقدام اولنسه ده‌ا ایلری کیتمکه خدمت ایتمز . مثلاً مفکره‌مزک نسبی و اضافی شیلری ادراک ایله محدود اولدینی ثابت اولنجه ، بزه مطلق افهام ایده‌جک اولان شی دقتدن عبارت دکلدر . صحیح اولان برشی وار ایسه ، دقتک بتون قوای ذهنیه‌ینی بر شی اوزرینه طوبلایه‌رق او شی حقتده انسانک ایسته‌یه‌بیل‌جکی درجه‌ده صحیح و تام بر معرفت حاصل ایتمه‌مزه مساعدده ایتمشدر ؛ دقت شعاعات ضیائی‌ینی طوبلایه‌رق بر نقطه‌یه ایصال ایدن پرتوسوز کیدر . کذلک هر فکر واضح و صریحک شرطیدر . برشی منظورمز اولدینی وقت ، بونک عناصری بالضروره مبهم بر ترکیب ایچنده مخلوطدر . اوشی حقتده بر فکر قطعی استحصال ایتمک‌کمز ایچون ، ذهن‌مزی متعاقباً اونک اجزاسندن هر‌بری اوزرینه تثبیت ایتمک‌کمز ایجاب‌ایدر : دیمک‌که ایچنده هر شیئک قاریشق اوله‌رق بولندینی ایلک ترکیب یرینه ایچنده هر شیئک ده‌ا متایز اوله‌رق بوله‌جینی باشقه بر ترکیب نهائی قائم اولور .

دقت و قوای ذهنیه . — دقت ذهنک منزله‌سنی تزئید ایتمدیکی کی ، نفس

ناطقه نك شدت ونفوذ نظارینه ده خادم اولان اودكدر: بونلر آنجق مواهب فطریه در. بونكله برابر دقت اولمازسه مفكره نك اك كوزل مزایاتی نهیه یاراردی . ؟ بونلر محافظه و تربیه ایدلديكلری حالده ، یالكنز سونمز وعقیم فالمازلر ، نفس ناطقه یی اضلال ده ایده بیلیلر. دقت، انسانی مقصده ایریشدیره جك طریقدر، دقت ده قارته اوقدر الزم كورنمكدده ایدی كه ، مومی الهك رأینه كوره ، عقلار آردسنده کی فرقه سبب دقت در . هر حالده اولجه كوردیكمز. وچیهله دقت دهألك بر عنصر مهستی تشكیل ایدر و كشمیات عظیمه نك روحیدر .

دقت مضمرة . — بتون بوفائدهار دقتك ذاته مخصوصدر . بالعكس ، دقتك محدودرلری اعراضدن عبارتدر . فی الواقع « دقت مضمرة » نك محدودرلری اشارت ایتك معناددر . هر وقت عینی ترتیب اشیا به فارشو متوجه اولان بر کیسه ده وسعت نظر اوله میه جنی وچابوق شاشیره جنی محققدر : بویه بر کیسه مشغول اولدینی شی منفردك اهمیتتی حدندن فضله اعظام ایده جك بر حاله كله جکی جهتهله نتیجه ده كندی كندینی ده اغفال ایتش اولور . بونكله برابر صنعتده تقسیم اعمال ترتیبك شرطی اولدینی کی اختصاص ده ذهن بشر ایچون اویه دكیدر؟ علملرك هپسی ایله برآنده مشغول اولق ادعای خود پسندانده بولنه جق بر کیسه وارمیدر؟ هر كس دنیاك انجق بر كوشه سنه چكیه بیلیلر : عجب اونی باشند باشه آریوب طازامق الدن كله بیلیرمی؟ علم، مفكره لرك وبالضروره بر جهته منحصر و مصروف اولان دقتلرك توحید مساعیلری سایه سنده یواش یواش وجوده كلككده در.

دقت و هیات مغنیه . — دقتك نفوذ و تأثیری یالكنز حیات ذهنیه دكل بتون حیات مغنویه به شاملدر . تأملك فوائد عملیه سی حقنده اوزون بر فصل یازیله بیلیلر . تأمل بزی احتراصات سیئه دن محافظه ایدر، حساسیتمزك كافه حرکاتی تقییش ایتهمزه مساعدده ایلر، نفسمزه حاکمیتی تأمین ایدر. تأملك قلبمزه صوئوق بر احتیاط تلقین ایتكله اتهام ایدله می لازمدر : زیرا عندالحاجه شدیداً حس ایتكلكمزه وعقلك حقلی كوستردیكی مسائله فارشو بر محبت پرورده ایتكلكمزه مانع دكلدر . دقت قلبی قوریتماز ، یالكنز تنویر ایدر . تنویر ایتكلكده حرارت و وسعتی آرتدیرر : دقت اولماسه ، حسیات عمیقده اولماز .

بوندن ده اخلاقیّت خسوسنده دقتک اهمیتّی تماماً کوریله بیلیر . مفراط فضیلتک علم ایلّه، رذیلتک جهالت ایلّه توأم اولدیغنی سویلردی . بودستورده بولنان مبالغه‌ی تصحیح ایده‌رک ، هر حال وکارده حکمتک زاده تأمل وشریرک هر شیئن اول بر غافل اولدیغنی بیان ایدیله مزیمی؟ بز فنا برشیئی ایشلیورسهک بونک سببی «فقدان تیقظ حسیلّه نفس اماره‌نک بزى ضبط ایتسنه مساعده ایتکلکمز» ویا وظیفه‌نک نه طرفده اولدیغنی ملاحظه ایتکسزین «کوزمز قسالی اوله‌رق کندیمزى قابوب صالیورمکلکمز» در. اُیْقَت Épicète «بتون دوشونجه‌لرکده کمال اعتنا ایلّه پارولایی سؤال ایت، هیچ بر وقت یا قالا نمزسک» دیر ایدی . شهسز اعتدال دمله حساب ایدن و فغانی ده‌ا زیاده اعتدال دمله اجرا ایلّه‌ین روشن بر ضلال اخلاقی واردر . فقط ضلال علی‌الخصوص انسانک کندندن غیرى هرشیئه قارشو غافل بولماسنی وکندی کندینی بیلّه اونوتماسنی موجب اولان بر فکر ثابت و شاغلک نتیجه‌سی دکلدر؟

هر حالده هیچ کیمسه انکار ایده‌مز : تأمل حریتک روحیدر؛ مذاکره‌نک صمیمی اولماسنه مساعده ایدن اودر؛ تأمل اسباب موجب‌ی‌چوغلدر، اونلرک قیمت حقیقه‌سنی تقدیر ایتکلکمز باعث و مسئله‌ی لایق‌له آکلایه‌رق برشیئه قرار ویرمکلکمز . مدار اولور . انسانک هویت معنویه‌سی ، وبر سجه‌ی مخصوصه‌یه مالکیتی تأمل سایه‌سنده در .

اعتیاد تأمل . — حال بویله اولنجه ، مربیلرک (برآن اول) چوجغه تأمل اعتیادینی ویرمکه مکلف اولدقلرینی سویلکه لزوم یوقدر . شهسز، بوخصوص ظن ایدلرکندن زیاده مشکلدر . چوجق طبعه‌ی خفیف مشرب و غافلدر؛ دقت ایتک اوکا کوچ کلیر؛ دقت ایتدیکی وقت دخی اوندن چابوق دوزر؛ چوجنی دقت حالنده بولندیرمق ر امر دشواردر . بونکله برابر غیور بر معلم دقتک طبعی منبهرینی، یعنی مراقی و شوقی موجب اوله‌جق جهت‌لری قوللانهرق بوکا موفق اولور . فقط همان سویلیه‌م : بو تدبیردن نه درجه آرزمانده واز کیلیرسه او درجه ای اولور : زیرا مطلب چوجغک ناکهانی بر سبیلّه، وبلا اراده دقت ایتسندن عبارت اولمایوب ، اونی نظر رغبتی جلب ایده‌جک تدبیرلرله دکل بر عزم مردانه ایلّه وبر نوع وظیفه‌ی ذهنیه اوله‌رق دقته آلدیرمقدر .

۲

تجربہ . — دقتدن تجربیده برخطوه واردر: حتی حقیقت حالده بوابکی عملیه بربرلرینه قاریشیر. فی الواقع دقت ایتک، عقلاً تفریق ایتک، تجرید ایتکدر؛ یوندن باشقه، بردرجهیه قدر دقت ایدلدکجه، تجرید ایدلیه مز.

تجرید نفس الامرده نه آیرلمش ونه آیرلماسی ممکن بولنش اولان برشیک نفس ناطقه طرفندن آیری اوله رق ملاحظه ایدلمسی فعلیدر. مثلاً برکاغد طبقه سنک بیاضلغنی بالذات کاغد طبقه سندن مفکره واسطه سیله آیرمق تجرید ایتکدر؛ بو وجهله مستحصل فکر ایسه بر «امر مجرد» دن عبارتدر. تجریدک برکل مشخصدن کذلک مشخص اولان بر جزئی تفریق ایتکدن عبارت و بناءً علیه مستقل بر موجودیتله متصف بولان تحلیلدن غیری اولماسی بوسیله مبنیدر: صویک ایکی عنصرینه یعنی مولدالماء ایله مولدالموضهیه تفریق ایدلمسی برتحلیلدر؛ صویک رنگنی کیفیات سائرهنسندن آیری اوله رق نظر اعتباره آلمق برتجریددر. تجرید برتحلیل ذهنی اولوب اوواسطه ایله مفکره بتون قوتی اظهار ایدر.

تجربیک ماهیت مفهیمی. دربرلری . — شبهه سز، حواس طرفندن بنفسه اجرا ایدیلن برتجرید طبیعی واردر: اونلرک هربری یالکز بعض کیفیاته قارشو حساسدر و منظورلری اولان اشیا دن برقسم ممتازنی صانکه قطع و تفریق ایدرلر. بوسیله لارومکیه Laromiguière حقیقی حواسک بر طاقیم تجرید ماکنه لرندن عبارت اولدیغنی بیان ایدردی. تجریدک دیگر بعض نوعلری ده واردر که ینه غیر اختیاری و انفعالیدرلر، بونلر کرک نفس ناطقه مزک محدودیتی و کرک دیگر عنصرلرینه قارشو غیرحساس بولنملغنمزدن نشأت ایتکده در. فقط تجرید حقیقی، شعور لاحق اولدینی حالده اشیای مشخصه ده عمل ایدن تجریددر، بوتجریده ده نفس ناطقه فعله واقفدر، بو تجرید اشیا و امور مخلوطه یی تفریق ایله صفات و کیفیاتندن بعضلریله واضحاً مشغول و لمق ایچون پارچه لامقدن عبارتدر.

بوندن دولا بیدرکه تجرید قومه سی انسانه مختص کیدر؛ فقط تصورات محسوسه علائقندن آزاد اولماسی ایچون بیوک بر قدرت ذهنیهیه متوقف اولدیغندن بزده ابتدادن موجود دکلددر، بوجهتله چوجق اوکا قارشو بالطبع بر نفرت واستکراه طویاره.

والحاصل تجریدك درجانه تقسیم ایدیله بیله جکی آکلاشیلور: زیرا ذهن کسب قوت ایتدکجه تدریجاً احساس محضدن تباعد ایتمه و کیتدکجه ده‌ا عالی «معانی مجرد» به ایرشمکه مستعد اولور. مثلاً برزنبق چیچککنده یا پراقلرینک شکلندن و رایحه‌سندن آیری اوله‌رق بیاض رنگنی نظر اعتباره آلمق برتجریددر؛ بیاضلق فکرینه قدر یوکسلمک ایسه‌دها مشکل برتجریددر؛ لون فکرینه قدر وارمق تجریدك ده‌ا یوکسک بردرجه‌سیدر؛ فی‌الواقع نفس ناطقه حقایق خارجیّه محسوسه‌نی کیت کیده ترک ایدر. **تجربک اهمیتنی** . — تجریدك بتون اهمیتنی کورمک قولاید؛ بو عملیه، مفکره‌نک حقیقهٔ بر ضرورت مقومه‌سیدر؛ تجرید نفس ناطقه‌نک اوکرتمک ایستدیکی هر شیئه تطبیق ایتدیکی طبعی و عمومی بر اصول کییدر.

واقعا بتون علملر، مختلف درجه‌لرده، معانی مجرددر. بعضلری، صوک درجه‌ده مجرددر، ریاضیات کبی، زیرا اشیانک کیفیته اصلاً باقی‌یوب یالکز کمیتنی تتبع ایدر. دیگر بعضلری سویاً دکلسه‌ده ضروریاً بویه‌در. اولاً بو علملردن هربری، دیگر شیلردن آیری اولمق اوزره، یالکز بر موضوع مخصوص ایله توغل ایدر: دیمک که ده‌ا مبدئی اعتباریه مجرددر. دیگر برجهندن، هر وقت مخلوط اولان، بوشینی طابق ایچون، طبیعتک داخلنده ناقابل تفریق اولان حادثات ایله خواصک آیری آیری مطالعه ایدلمسی لازمدر؛ بناءً علیه حادثات فیزیقیه متعلق خصوصاً ته حرارتی، ضیائی، صوتی و سائره‌نی آیرمق ایجاب ایدر؛ بو وجهه آیرلمش هر عنصر بر مفهوم مجرددر؛ بو، تجریدك برتجریددر و هر علم کندی اصولی اعتباری ایله مجرددر. کذلک نتایجی دولایسیله‌ده برتجریددر. علم یالکز کلی‌یه، قانونه عائددر؛ فقط نفس الامرده هرشی خصوصیدر، یالکز حادثه‌لر و یا فردلر موجوددر: کلی وقانون مفکره‌نک بر نقطه نظریدر، بر مفهوم مجرددر. بو تقدیرده اگر هر قانونک بر سوری حادثاتی و موجودات مختلفه‌نی محیط اولدیغنه، و فضله اوله‌رق، یکی فقط دائماً عینی ماهیتده بر سلسلهٔ عملیات ایله نفس ناطقه‌نک کیتدکجه زیاده قابل تفهم فقط کیتدکجه مقداری ده‌ا آز بعض قانونلره ارتقا ایده بیلدیکنه دقت اولنورسه، ذهنه هرشی بر منظومه داخلنده طوبلامق *systematisation* خصوصنده کی ایشنی کورمکه و بونی طبایع اشیانک مساعده ایده جکی قدر اوزاقلره کوتورمکه مدار اولان انحق تجرید اولدیغنی نمایان اولور.

تجربہ ک مخدور لری . — تجریدک کندینه مخصوص بعض مخدور لری اولدینی طوغری در . بو مخدور لر شبهه سز تجریدک بالذات ماهیتدن نشأت ایتوب بلکه انتاج ایتدیک فکری صورت استعمالدن تولد ایدر . بو مخدور لردن بریسی افکار مجرد مزک بالذات اشیا دن عبارت اولمایوب ال نهایت ینه فکری لردن عبارت اولدیغک اونودماسیدر : بناءً علیه بو فکری تألیف ، وکندیلرندن منظومه لر systèmes انشا ایدمیلیرز ، خاطرہ کتورمه زک بو نظریه لریمز انجق نظریه در ، یعنی آرزوق فرضی و بالنتیجه ناقص و بو حیثیتله یا کیش بعض تلقیلردن عبارتدر . اونلری هنوز مظهر تأیید اولمازدن و یا اوکا نائل اوله مازدن اول حقایق اشیا مقامنده تلقی ایتک افراطه دوشمک اولورکه ، بو بر و همدر .

دها عمومی اولان دیگر بر مخدور دخی ، معانی مجردیه برر حقیقت خارجی عطف ایتکدر . هر بر فکر مجرد کندیسینی نفس ناطقه ده قولایجه تثبیت و محافظه ایدمک برلفظی اقتضا ایدر : فقط بر جوق الفاظ مجرد اشیا حقیقیه اشارت ایتدکری جهتله ، هر لفظک بر مدلول خارجیسی وار ظن ایدرز : بو حالده لسانه آلدائمش اولیورز . بناءً علیه « فضیلت » دن فاضل آدم لک و یا رنکدن ، ملون جسم لک خارجده موجود برشی ایشلر کی بحث ایدرز . قرون وسطانک فیزیق علمی برودتی ، حرارتی ، و جسم لک بر جوق خواصنی موجودات حقیقیه ایش کی تلقی ایدردی : اونلردن هر بری بر ماهیت *entité* ، بر خاصیت خفیه *vertu occulte* ماده نک و یا حیاتک حادثات متنوعه سنی ایضاحه قادر بر « بر صورت » *forme* [۱] اوله رق عدایدلش ایدی . مفهوم مجرد لره بویه خارجی حقیقتلر اسنادیله اکتفا اولمایوب بوندن باشقه جسم اوله رق تصور و بعضاً تألیه دخی ایدمکده ایدی . ینه اواسکی فیزیق حرارتک برودتدن نفرت و طبیعتک خلادن تدش ایلدیکنی بیان ایدردی . فیثاغورثیدر حق جل و علا حضر تلرینی عدد واحد عد ایدر لردی . یونان قدیم مذهب و خرافاتی تألیه ایدلش مفهوم مجرد لردن باشقه برشی دکلدرد . وه نوس تألیه ایدلش کوزلک ، میزوا تألیه ایدلش حکمت ایدی . یونانیلر طالع ، آرزو ، کنجک و الح کی معنالی ده بویه تألیه

[۱] مثلا آفونک اویوتامسی خاصیت تنویمه سندن ، قلبک چارپامسی خاصیت ضربانیه سندن نشأت ایدر دنیلوردی .

ایتمش‌لردی . معنای مجرددن باشقه برشی^۱ اولمایان برشی^۲ ، حقیقی برشی صورتندە تلقی ایدیلەبیلیر . یوقاریده سویله‌دیکمز محذورک عکسنه اوله‌رق ، دیگر برمحذورده حقیقت اولماسی قابل اولان ، نفس حقیقتدن عبارت بولنان شیئی برمعنای مجرد ظن ایتمکن عبارتدر . مفهوم مجرد اصلاً قابل لمس دکلدر ، کورلمز ، ال ایله طوقلماز . بونک ایچوندركه بعض کیمسه‌لر واسطه^۳ حواس ایله مدرک اولمایان هرشیئی هان معانی^۴ مجرده اعتبار ایدرلر . بوجهله برچوق کیمسه‌لر کرک جناب حق وکرک روحی کورمک ممکن اولمادیغندن ، بونلرک موجودیتسه اعتقاد ایتک ایستمزلر . بوکبی کیمسه‌لر ، افمطونه^۵ ک بیان ایتمش اولدینی اوزره یالکز کوره‌ییلدکلی ویاتماس ایلدکلی شیئه صحیح نظریله باقارلر ، عقلاری اوقدر غلیظدر ، بونلرک درین بروهمک مغنویندرلر ، زیرا کوردیکمز وال ایله طوقندیغمز شیلر مجرداتدن وهان هان عدمدن باشقه برشی دکلدر .

تطبیقات عملیه . — هرهمک تجربه‌ده نفرنی. — یوقاریده سولشدک : چوجق بالطبع تجریددن نفرت ایدر . او ، اول امرده اشیای مشخصیه ، قوای ادراکیه‌سنک او شیلری کندوسنه کوسترمش اولدینی هیئت ، «یعنی خواص مجتمعه‌لرندن متولد اولان برکثرت و مخلوطیت داخنده» ، مربوط اولوب اوندن باشقه برشی ایسته‌مز . شه‌سز مجردبسیطدن عبارتدر . برشی^۶ نه‌قدر مجرد اولورسه اوقدر بسیط اولور ، زیرا هربری مظلم برجهت اولان کیفیات مختلفه‌سندن تدریجاً قورتیلیر ؛ فقط طبیعتده هر شی^۷ اصل معنائجه مخلوطدر . بسیط یالکز حقیقی تحلیل ایدرک اونی بولان واونی‌پایان کیمسه‌یه منکشف اولور . ذهنک کفایت درجده تکمل ایتدکجه مجرده‌قارشی برنوع صوئولقلق طوبماسنه سبب بودر .

تدریساته تجربه . تدریسات محمدیه . — اولدن اوزون مدت سورمش بر اصول تدریس واردی‌که بوکا نظراً تتبع ایدیلەجک مسائل نه‌جنسندن اولورسه اولسون ، تدریساته اک مجرد مفهوم‌لرندن ، اک عمومی تعریفات وقواعددن باشلانەرق ترکیب طریقله اک مخلوط اشیایه کیلیردی . یوقاریده ویردیکمز ایضاحاتدن بویولک بتون قتالنی تماماً کوریلور . بسیطدن مرکبه طوغری اولان بومشی تعلیمیده ، حد‌ذاتنده پک منطقی ، رشده واصل اولمش برذهنه پک مونس اولمغه برابر ، چوجنک قوتلرینک فوقنده وبوسبله اکثراً یالکز برطاقم بوش الفاظ ودستورلردن

متشکل عقیم بر علمه خادم اولمق کبی وخیم بر نقصان وارد در . بونک ایچوندرکه روسو و رستاوچی دن اعتباراً حاصل اولان عکس العمل نتیجه سنده او اسکی طریق یرینه ده جاننی بریول قبول ایدلمشدر . بیانمسی مطلوب اولان حقایق اشیا ایله نفس ناطقه یی تماسده بولندیرمق ، واسکی اصلوللرک معانی مجرد حالنده از برلده رک مفکره یه صوقدقلری شیلری حواس واسطه سیله ، وقطعی وصحیح امثله ووقایع شکلنده اوکا صوقدقندن عبارت اولان شیمیدیکی اصول «طریق تحدسی Méthode intuitive در . علم اشیانک ، « مناطر ایله تعلیمک » تکملنی ، چوجنی دنیا ایله طوغربدن طوغری به تماسده بولندیران وتیره لرک انتشارینی اک چوق بوانقلاب مسعوده بورجلی تر .

نبرسات نهمیه نیک هرودی . تجربیرک همیه سی . — بونکله برابر بوراده دخی کوزه ده جک بعض حدود وارد در . تدریسه تجرید ایله باشلامالمیدر ، تجرید ایله اکتفاده اولنمالمیدر : فقط اوکاده حتی همده برآن اول ویرلماالمیدر؟ تحدس ابتدای امرده الزمدر ، نفس ناطقه یی حرکتیه کتیره جک ، اونی اشیا ایله نوعاماً تولدیره جق اودر . بونکله برابر اوراده قالمالمیدر ؟ معرفت حادثه لرله حاصل اولماز ، اونی یاباجق فکرلردر . اگر مفکره یالکز احساساتک کثرتی اوکنده بر اقلمش ، وکندیسنده یالکز بر طاقم صور محسوسه ادخار ایدلمش اولسه بتون جوالیتی ، بتون قدرت فیاضانه سنی ضایع ایتمکله قالماز ، بوانتظامسزلق ، وپریشانلق ایچنده ده محو اولور . بناء علیه ذهنک اشیا به حاکم اولماسی ، اونلری تصوراته قلب ایلمسی ، محسوسدن معقولی چیقارماسی ، مشخصدن مجرد کچمسی لازمدر . افموطوره ک قول لطیفنجه ، حواسک تحدسی ، نفس ناطقه ایچون ده یوکسکه ، تا فکرک ، مستمر وابدی اولان قانونک تحدسندن عبارت بولان دیگر بر جنس عرفان عقلیه قدر ارتقایه خادم بر مسند اولمالمیدر ، ذهنی ارضا وعقلی تطمین ایده جک عرفان ایسه ایشته بویه بر عرفاندر .

بناء علیه چوجنک حواسنه مراجعت اولندیعی قدر مفکره سنده مراجعت ایتمک ، حتی تجریده موفق اولماسی ایچون عقلنک برآن اول پیشکین اولماسنی تعجیل ایلک لازم کلیر . اگر حذاقله وصیقمایه رق قدمه قدمه حرکت ایدیه جک اولورسه ، آز زمانده چوجنک ذهنی ده قوتلی اوله رق ، تجریده آلیشیر وبوکا تدریجاً ده

زیاده الفت پیدا ایدر ، حتی بوندن کیتدکجه ده‌ا بیوک بر حظ طویار. عینی زمانده تجریدک حیات عملیه مزده ، دیگرلرینه قارشو حقیقشناس و مساعد اولمقلغمزه ، نقایص ایچندن مزیتلری تشخیص ایتکلکمز ، واشخاص واشیای ده‌ا واضح وده‌ا منور برطرزده محاکمه ایتکلکمز خدمتی واردر .

۳

مقابله . — دقتک حائر اولدینی فائده‌لر ، مفکره‌نک دیگر بر عملیه فاعله‌سی ، یعنی مقایسه ایله برلکده اولماسی سایه‌سنده در : بونی کورمک قولاید . ذهن هر شیدن اول اشیای ترتیب ایتک ، آره‌سنده کی نسبتلری ، اولنری بربرلرینه باغلایان قرابت رابطه‌لریتی بولمق قوه‌سندن عبارتدر ؛ فقط بونک ایچون ذهنک اولنری یگدیگرینه تقرب ایتسی ، کندی حضورینه چیقارتمه‌سی اقتضا ایدر : ایشته مقایسه بوندن عبارتدر .

مقایسه‌نک شرطی دقت و تجریددر : دقتدر ، زیرا جوق وقت اشیانک بکزه‌ین جهتلری ده‌ا زیاده کوزه چاربان بر جوق بکزه‌مه‌ین جهتلری آلتنده کیزلیدر ، بونلری بولمق ایچون ، مفکره‌نک یتون دقتی ، یتون قوتی تجریده صرف و توجیه ایتسی مقتضیدر ؛ زیرا نفس‌الامرده اشیانک کافه‌سی مختلفدر و له‌بنیمک ملاحظه‌سنه کوره دنیا‌ده یگدیگریته تماماً مشابه ایکی شیئی بولمق عذیم‌الامکاندر . بوکا بناءً اکر تجربه‌نک معطیاتی حل ایتک ، یالکیز بکزه‌ین جهتلره قارشو حساس اولمقلغمز ایچون بکزه‌مه‌ین جهتلری بر طرفه براقق قوتنه نفس‌مزده مالک اولماسه‌یدق ، اشیای رابط ایدن نسبتلری ادراک ایتکلکمز ممتنع اولوردی .

قورمیاوه مقایسه‌ینی « بردقت مضاعفه‌در » دییه تعریف ایدر . بو طوغری دکلدور :

اولا بر شیشه ، صکره دیگر بر شیشه مکمللاً دقت ایدلمسی ، بونکله برابر اوایکی شینک بر بریله مقایسه اولماسی قابلدره شبهه یوق که ، ایکی شیئی بر برینه مقایسه ایتک ایچون ، اول امرده اوایکی شیدن هر برینی دقتله تدقیق ایتک اقتضا ایدر ؛ فقط مقایسه حد‌آندمه بسیط بر عملیه‌در : بو عملیه ، اول امرده آری آری نظر اعتباره آلتش ایکی شیئی احاطه ایدن وبالخاصه اولنرک آره‌سنده کی نسبتلری

آراشدیران بردقت منفرده‌در؛ بناءً علیه مقایسه باشلی باشنه و یکی بر فعل‌در که نفس ناطقه او واسطه ایله اشیانک خواص مجرده سنی تقرب و مابه‌الاشتراک‌لرینی کشف ایلر.

مقایسه نك الهيى . — بویه بر عملیه نك اهمیتى ظاهر در . مقایسه اول امرده عمومیت اوزره هر معرفتک شرطیدر . طابق اولاً فرق و تمیز ایتک، صکره توحید ایتک، مابه‌الامتیاز لره مابه‌الاشتراک‌لری تفرس ایتکدر . ائمدی مقایسه ضروریدر . مقایسه علمک‌ده شرطیدر ، زیرا علمک اصل معانسنجه غایه‌سی اشیانک نسب عمومیه و نابت‌سنی کشف ایتکدر : اگر مفکره معلوماتی بر منظومه حائله قویمق خصوصنده کی ایشنه دوام و بونی ده‌ایلری به ایصال ایده بیلورسه ، بوکا مقایسه سایه‌سنده موفق اولمق‌ده در . والحاصل مقایسه دخی تجرید کجی مفکره نك عمومی بر اصولیدر . ریاضیاتده بر کمیتک مقدارینی الده ایتک ایچون اونى واحد قیاسی اتخاذا ایدلش اولان باشقه بر کمیتله کرک طوغریدن طوغری به و کرک بالواسطه مقایسه ایتایدر . حادثاتک اسبابی کشف ایتکله اشتغال ایدن علوم فیزیقه‌ده دخی مقایسه لازمدر ، و بو کشفک حصولی ایچون بر حادثه واحده نك حالات مختلفه تحصیلنی مقایسه ایتک اقتضا ایدر : بو تقدیرده ایکی حادثه دن ایکنجیسی بر تخیسنگ ظهوریه همه حال تحدرت ایدر و غیبوت یا تخلفیه غیبوت و یا تخلف ایلرسه برنجی حادثه او ایکنجی حادثه نك علتی دیمکدر . مقایسه علوم طبعیه‌ده‌ده الزمدر . علمی و «طبیعی» اولماسی مقتضی اولان هر تصنیفک ذی حیات مخلوقاتک مابه‌الاشتراک‌لرینی ادراک اوزرینه استناد ایتمی ایجاب ایدر . علوم اخلاقیه‌ده‌ده یو باشقه درلودک‌لدر : مقایسه اولمادقچه علم روح ممکن اوله‌ماز؛ بر لغوینک لسانک قوانین عمومیه سنی تفریق و یا بر مابعد‌الطبیعه عالمک پرده شون آرقه‌سنده مستور اولوب اعیان موجوداتک مابه‌القوامی اولان حقیقت مطلقه دن اشتباه ایده بیلیمسی انجیق مقایسه سایه‌سنده در . بوندن باشقه مقایسه یالکز فکره علمیه نك آلتی اولمایوب ادبا و شعراده اونى قوللانمق‌ده در . مقایسه فکره ده‌ا بر یوکسکلک ورنک ویرر ، فکرک لطافت و معناسنی آرتدیرر . مقایسه نه قدر اوزاقدن اجرا ایدیلرسه اودرجه کوزل اولور . زیرا اوتقدیرده متخایه مزک بیوک بر حرکتنی دعوت ، و قابلیت حسیه مزى تزئید ایلر . مقایسه دوشونجه نك ده‌ا آچیق و ده‌ا قابل تفهم اولماسنده خدمت ایدر :

شویله که شاید بر شیئی آکلا یا مازسه ق ، اکثریا بر مقایسه مسئله‌یی تنویره کفایت ایدر . انجق اوتقدیرده مشکل اولان شی بر مقایسه صحیحه‌یی بولمقدرد .

نظایقات عملیه . — مقایسه قومه‌نک نه‌نبی — مقایسه معرفته متعلق خصوصاً صائده پک اهمیتلی اولدیغندن مر بیلرک بوکا صوگ درجه اعتنا ایللری لازمدر . تربیه ذهنیه‌نک غایه‌سی مفکره‌یه سلامت وصحت ممکنه‌نک تمامی ویرمکدن ، تعبیر آخرله اونو اشیائی بیلنلرده موجود اولان نسب حقیقه‌یه کوره بر برلرینه تقریب ایتمهک آلدیرمقدن عبارت دکلدر ؟ انجق مقایسه‌نک چوجنه تجریددن دهاقولای کلدیکی واونده بوملکه‌نک دها کوچک یاشده ظهور ایلدیکی کوریلور . فقط اووقت مقایسه تصادفاً حرکت ، وراست کله اجرای فعل ایدر ؛ چوجق هنوز محدود بر تجرید اقدارینه مالک اولدینی جهته ، ظواهرک ایلروسنه نفوذ ایتمهک وایچ یوزده کی مشابهتلی کشف ایتمهک مقتدر دکلدر . اک سطحی واک خیالی مشابهتلی اشیائی بر برینه تشبیه ایتسی ایچون اوکا کفایت ایدر ، کویا اونده اک خفیف بر فرصته حرکت ککن هر وقت قورولمش بر زربک واردرد .

بناءً علیه مقایسه ملکه‌سنه حائل اولمقدن ، واونی کندی حقه‌دها احتیاطلی ، دها مشکلسند قیلقدن ایسه ، دها آز ایفاظ ایتک مناسبدر . چوجقه ظواهره آلداناماسنی ، نسب ذاتیه‌یی صرف عرضی اولان نسبتلردن تفریق ایتسنی ، مشابهتلیک کمیتدن زیاده کیفیتنی نظر اعتباره آلماسنی اوکرتک ، خلاصه کلام اوکا حکم ایتزدن اول تأمل ایتک اعتیادینی ویرمک اقتضا ایدر . خفیفلک معرفته ایراث ضرر ایتدکن باشقه نا قابل تعمیر بر طاقیم خطالری ده دعوت ایده‌بیله‌جکی جهته حیاتک جهت عملیه‌سی ایچون دخی تهلهک لیدر . بصورتله ، شرائط حکمتدن بری حقیقه مقایسه‌در . حریتک ده روحی کبی دکلدر ؟ حر اولق نیتک مسئله‌یه وقوف ایلر بر شیئه قرار ویرمکدر ؛ فقط بویله بر قرار اسباب متعدده‌نک موجود اولماسنه وبونلرک مدققانه تفتیش وهر برینک قیمتلی مقایسه ایدلمش بولماسنه وابسته‌در .

۴

تعمیم . — یوقاریده سویلدیکنم عملیه لرسایه‌سند ، نفس ناطقه بعض اشیاء بینده موجود اولان مشابهتلی استنباطه مقتدر اولورکه بونلر یکی بر فکرک موضوعی ، معین بر « تصور » ک ماده‌سیدر . بناءً علیه تصور le concept حد ذاتلرنده تماماً ممتاز اولان بعض اشیاءه بر و متحد اوله‌رق بولان شیئه دلالت ایدر .

تعمیم امر تفکری اتمام ایدر. بویکی عملیه، تصورک دالالت ایستدیکي مشابهتله ذاتی و کلی نظریه باقمندن، یعنی اونلری حالده، ماضیده، استقبالده موجود اولان بر سوری اشای متشابهیه عائدو بوسیله طبیعتده اشیا ناک نامحدود بر عددینی احتوا ایده بیلجهك بر نوع espèce تشکیل ایستیورمش کبی کورمکدن عبارتدر. بوجهته، مفکره ناک افراددن استنباط ایستدیکي تصور اونلره مقصور قالمایوب، صحیحاً صایبسی توکنمز بر سوری موجوداته شامل اولور: ایشته فکر عمومی یاخود تصور کلی بودر. بناءً علیه «انسان» تصویری کیم اولورسه اولسونلر، آرملرنده نه کبی فرقلر بولورسه بولسون بتون انسانلری، یعنی زمان حاضرک کورمدی کمز انسانلری، ماضیده یشامش اولوب کندیلرینی کورماش اولدیغمز بتون انسانلری، کذلک مستقبلده کلهك اولوب کندیلرینی کورمیه جکمز دیگر بتون انسانلری ده احتوا ایدر. افمروطومه تصور کلییه، مثال idée، اشخاصک فوقنده، اونلرک تقلباتنه غیر تابع، دائمی بر جوهر نظریه باقار و افرادک کندی موجودیت و سجه لری، اونی اصلاً توکتمکسزین، اوندن آلدق لری سوبلردی. بونده طوغری اولان جهت، تصور کلی ناک بالمله افرادی، زمان و مکان نامتناهی ایچنده نه قدر متعدد اولورسه اولسونلر احتوا ایتمسیدر، تصور کلی ده درین بر حقیقته ماناک کورینور، زیرا افراد همان معدوم اولق اوزره بر لحظه حق ظاهر اولدق لری حالده، تصورک ماهیته داخل اولان مابه الاشتراک پایداری اولور و صانکه اوزر لرینه ایدیت نشانی اورولش طور یور.

فکر l'idée و صورت l'image. — فکر ایله صورتک بر برندن فرقلری وارد. شبهه یوق که، فکر صورته وابسته در، زیرا مثلاً انسانک نفسنده انسان ویا کل چیچکی حقنده بر فکر پیدا ایده بیلک ایچون اولجه انسانک نفسنده بعض انسانلر وکلرک صورت محسوسه سنی ادراک ایتش اولماسی لازمدر. بوندن باشقه، بر فکر عمومی، تعبیر دیگرله تصور کلی بی دوشونه بیلک ایچون نفسمزده بونکله برابر بر صورت محسوسه ناک بولماسی الزمدر، بوصورت محسوسه اونک برمسند محسوسی متابه سنده در: ارمطو «بلا صورت دوشونمک قابل دکلدر» دیر ایدی. فکرک صورت ایله امتزاجی غیر ممکن اولماسی ده طوغری در: زیرا صورت محسوسه احساسک

طورطوسی اولوب بالذات احساس کبی هروقت انفعالی و خصوصیدر . فکر ایسه ، نفس ناطقه نك محصول فعالیتدر ؛ نفس ناطقه بر سوری متفرق موجوداته عائد نسب ذاتیه یی او واسطه ایله ادراک ایدر ؛ افمطوره نك دیمش اولدینی اوزره « واحدی کثرته نقل ایدر » ؛ کذلک هروقت عمومی اولدیغندن ، یالکز برشیئ خصوصی به دلالت ایتیموب لایعد بر طاقم اشای متشابهه نك اوصاف مشترک سنه دلالت ایدر .

فکر ولفظ . — بوتقدیرده آرتق عمومی فکر لری الده ایتک ناصل ممکن اولدینی بیلیمک جهتی قالیور . فکر بر چوق اشای مختلفه پیننده کی نسبتله دلالت ایدر . فقط بر نسبی اونستک آرا لرنده بولندینی حدلردن مجرد اوله رق دوشونمک ممکن دکلددر . بناء علیه نفس ناطقه مابه الاشترا کلرینی افاده ایتدیکی صور محسوسه یی کندی عننده بولندردقجه تصور کلی بلا شبه وجود پذیر امکان اولور ، فقط نظر دقت دیگر بر جهته منعطف اولونجه ، صانکه بر قیویلجمک پارلایوب سونمی کی ، او تصور در حال منطقی اولور . بوالده تصور کلی کندیسنه قطعاً لازم بولنان نفس ناطقه هیچ طور مقسزین ایشنه یکیدن باشلامغه مجبور اوله جق و بوندن هیچ بروقت زیاده بر فائده کورمیه جکدر .

بونکه برابر فعلیائده بو بویه دکلددر . چونکه مفکره ماهرانه بر تدبیر ایله ، یعنی لفظک ایجاد ی سایه سنده تصویر بر موجودیت ثابته تأمین ایتشددر . فی الواقع ، مفکره اشیا ده کی مشابهلری بردفعه استنباط ایدنجه ، اونلره بر اسم ویرر . بولفظ ، اونلره رابطه خدمتی کوریر ، یافته لق ایدر ؛ بولفظک حفظی قولای اولدیغندن ، بونی عندالاقضا یالکز خاطر لامقله اولجه بولفظی کندیلرینه اشارت عد ایتمش اولدیغمن اوصاف ، تداعی سایه سنده ، در حال ظهور ایدر لر . بو طریقه ، نفس ناطقه نتیجه مساعیسی تأمین ایده بیلیر ، اولجه کثرتدن چیقارمش اولدینی اوصاف متشابهه نك تکرار او کثرت ایچنده نابدید اوله جفندن قورقماز ؛ فضله اوله رق الفاظ نفس ناطقه نك تفحصاتی ده ایلرویه کتور مسنه مدار اولور . هاملتن دیمشدر ، « براردو بر مملکتی آنجق اوراده قلعه لر انشا ایدرک فتح ایدر : الفاظ مفکره نك قلعه لریدر . »

نظمی و شمزل . — هر فکر عمومیده ایکی خاصیت وارددر : تضمن و شمول .

برفكر ك تضمینی، دلالت ابتدیی مابه‌الاستراكلرك هیئت مجموعه‌سیدر كه بونلر اوفكر ك مضمونیدر: بناءً علیه انسان تصورینك تضمینی، بتون انسانلره شامل اولان « حیوان، ذوالفقره، ذوالندیه، ذوالیدین، ناطق » و سائره كبی وصفلردر. برفكر ك شمولی بواوصاف مشتركه‌یه مالك اولان افراد مشخصه‌نك هیئت مجموعه‌سیدر؛ بناءً علیه برتصورك ساحه تطبیقی شمولیدر: مثلاً انسان تصورینك شمولی، كندیلرینه حیوان دكل انسان اطلاق اوله‌یلان موجوداتك جمله‌سیدر. [۱] بر فكر ك تضمن و شمولی بر برلریه، معكوساً متناسبیدر؛ بر فكر ك تضمینی چونانجه شمولی آزالیر، مقابلی ده بویله: مثلاً انسان تصورینك مضمونه « بیاض » صفتی علاوه ایدرسه‌ك، شمولی قصر ایتش اولورز، زیرا بو واسطه ایله بیاض اولمایانلری انسان تصورندن طی ایتش اولورز. بر تصویر ده متنوع یكی صفتلر علاوه اولنه‌رق قیمتی تزید ایدلجكه، او تصورك دائره‌سی او درجه دارالتلش اولور، بو سببله او صفتلره مالك اولان موجودلرك مقداری كیت كیده ده‌آزالیر. بالعكس، بر تصورندن بعض صفتلر طی ایدیله‌رك قیمتی نه قدر تنزیل اولنورسه او نسبتده چوق افراده شامل اولور.

تصوراتی بر برلریه مقایسه ایدرك و كیزله‌یه‌یلدكلری مشابهلردن یكی بعض تصورلر تشكيل ایلهرك، تضمینلری تناقص ایتدیكی حالده شموللری متدایاً تزاید ایدن یكدیكربنه تابع بر سلسله افكار تشكيلی ممكندر: بو سلسله‌نك مبدئنده شمولی هان هیچ مثابه‌سنده و بالعكس تضمینی پك زنكین اولان افكار بولنور، زیرا لریموك ملاحظه‌سنه نظراً فرد حقیقه‌ك اك موشكافانه بر تحلیله بیله میدان اوقویان بر نامتاهیدر؛ سلسله‌نك ذروه‌سنده‌ده وجود حقیقه‌كی فكر كی هر درلو مضموندن خالی، و بالعكس بتون كلیت وجودی محیط فكرلر بولنور.

عمومی فكرلرك انواعی. — اكثریا، عمومی فكرلری بر قاچ نوعه آیرلر. اولاً « جوهر » افاده ایدن عمومی فكرلر: مثلاً انسان، آت و حیوانك جوهرلرینه متعلق تصورلرك خارجده فعلاً موجود مدلول مشخصلری واردر: بو سببله

[۱] استوائ میل، كه اوكا كوره فكر بر لفظدن، بر حددن عبارتدر، دیپوركه هرحد بعض صفاتی اعلام Connote، (تضمن)، بعض موجوداتی اشارت denote (شمول) ایدر.

بونلره «متخصص عمومی فکرلر» دئیلمشدور. بوندن صکرده مثلاً لون، سخونت، محبت، فضیات و سائر حقیقه کی مفهوملر کی «اعراض modes» عائد عمومی فکرلر کلیر. بو عرضلرک لون، ویا سخونت کی بر قسمی بسیطدر؛ فضیات، عدالت کی بر قسمی ده مخلوط اولوب ده ابتدائی بر طاقم اعراضدن مترکبدر، بونلره ده بسیط دیگر بعضی اعراضلر ترکیدن نشأت ایدیبایر. بناءً علیه اعراض مرکبه حقیقه کی فکرلر السنه مختلفه، اقوام متنوعه نك تربیه ذهنیه و اخلاقیه سنه کوره درجه نهاده تحلیف ایدر، حالبوکه اعراض بسیطه ویا جوهرلره عائد افکار همان عینی شیلردر. بعضی کله لری بر لساندن دیگر بر لسانه نقل ایدلمه سنک پک مشکل اولماسی، بر لسان نه درجه زنکین اولورسه اولسانک تفکرک فروق دقیقه سنی اراءه ایدیبیلجهک تمییراته اودرجه مالک بولماسی بوکامیندور. نهایت، «نسبت» لره عائد عمومی فکرلر وارددر: بونلر مساوات، مشابهت، فائیت واضح کی مفهوملردر. اعراض ونسبتلر حقیقه کی فکرلرک خارجه مدلول مشخصلری یوقدر، بونلر حد ذاتنده هیچ بر موجودیتی حائر اولمایان بسیط بعضی معانی تجریددن عبارتدر: بونک اینیون بونلره «تجرد عمومی فکرلر» دئیلمشدور.

تعمیمک الهیمی. — مسرودات آنفندن تعمیمک بتون فائده سی آکلاشیله بیایر. اول امرده تعمیم تفکرک عمومیت اوزره شرطیدر. اگر نفس ناطقه ده الطاعات محسوسیه تصرف ایتمک و بیلرنده اولان نسبتلری درک ایددرک اولنری تشکیل ایتمک اقتداری اولمامش اولسه، بوقاریشقاق اینجده غالب اولوردی. بوحالده تعمیم بالذات تفکردر دئیلبیایر، زیرا دوشونمک، کلمه نك تام معناسی ایله، یالکز بر طاقم احساساتی اخذ ویا صور محسوسیه ادرک ایلمکدن عبارت اولمایوب، بلکه افکاری تشکیل ایتمک یعنی کائی، واجبی استنباط ایلمکدر: بو اعتبارایله **آرسطونک حق وارددر:** «انسانک دوشونمی حقیقه بلا صورت وقوع بولور.» تعمیم تفکرک شرطی اولدینی کی معرفتکده شرطیدر. هر معرفت تعریف ایله استحصال اولنور؛ فقط هر تعریف منطقیونک، تعیرانه کوره «جنس قریب» و «فصل قریب» ایله یعنی تمیل و تفریق ایله وقوع بولور؛ امید بر شیئی بیلسک اوشیئی عمومی بر مقوله ده ادخال ایتمک تعیر آخرله اونی تصنیف ایلمک، «تامامیسی بولمق

intéger « دیتکدر . علم جهنده تعمیم اهمیت دها آزدکدر : تعمیم علمک کنسیدر . جزئینک علمی اصلاً اوله میه جنی چوق اول مفراط و آرسطو طرفدن سرد ایدمش بر حقیقتدر . فی الواقع ، دنیایی ترکیب و تشکیل ایدن موجودات و حادثات غیرمتناهی بی تمامیه ادراک اینکلیکمز فابل اولمایوب حواسمک بزه ویردکلی شیلر ویرمدکلی و ویره مدکلی سیلره نسبتله هیچ منابه سنده در . بوندن ماعدا ، هر فرد ، هر حادثه بذاته تحلیلک هیچ بروقت اکمال ایده مدیکی برنامتا هیدر . ذاتاً ، بو معرفتک حصولی ممکن ده فرض اولسه ، ینه بر شیئه یارامازدی ، زیرا حادثه نك ، فردک فانی بر حقیقتی اولدیغندن اود کیشدکجه اوکا متعلق علمه زدخی یکیدن دیکشش ، آنجق ماضینک بر خیالندن عبارت قالش ، واولمقله مکلف اولدیغنی شیء یعنی آیینک قبل الوقوع کشنی اوله مامش اولوردی .

تعمیم اولمادکجه علم اوله ماز . فی الواقع تعمیم ساییدسده ، نفس ناطقه هر وقت متحول اولان و متماذیاً تجدد ایدن افراد آراسندن اساسلی منابه الاشتراکلی ، دائمی نسبتلری ، ابدی قانونلری کشف ایدر ، و بو عناصرک استحضار و تصویری عموم افرادک ویا بالجمله وقایع خصوصیه نك غیر قابل حصول اولان تصویرینه مبادلدر . بو صورته هر وقت یکدیگری نك عینی اولان ، بو عناصر عمومیه نفس ناطقه نك تماماً دائره ادراک کیره بیلیمک ایچون اولدکجه بسیط برکل تشکیل ایدرلر . برده شونی ده علاوه کلام ایدلم که بزجه اهمیت اولان او عنصرلردر ؛ زیرا اونلر ذاتی اولوب قسم متبایسی عارضیدر ؛ او عنصرلر ایسه زمان و مکانه تابع اولمایوب ثابت و دائمی در : اونلرک اغانه سیله مفکره آرتق بی حد بر منزلته مالک اولور ، و مستقبله تجاوزله اشیانک نه اوله جقلری اولدن بیلیر ، بناءً علیه اشیانک نه اوله جفنی کورمک ایچون بکلیمکه مجبور دکدر ، حتی اونلرک تسکاملنه بیله حکم و تصرف ایتدیکی ظن اولمقده در !

نهایت تعمیمک نطقک شرطی اولدیغنی ده بیان ایدلم . شبه یوق که ، نطقک معاوتی بولمادکجه عمومی فکر امین بر حیایتنه مالک اوله مازسده ، بوکا قارشی بزده تعمیم ملکسی اولماسه نطقده امکان قالمازدی . فی الواقع طبیعتده ، فردیت ، اختلاف هر طرفنده بولندینی جهته تعمیم اولمازسه ، هر انطباع مختلف ایچون ،

مثلاً بر قوم یغیتیک هردانه‌سی ویا بانسمزده کی صاحب‌لرک بهری ایچون بر تعبیر مخصوصه بر « اسم خاص » د احتیاج‌جز اولوردی : مفکره بار کلمات آئنده ازیلوب کیده‌جئ ، ایش باشنده محو اوله‌جقدی . برده فردلر بذاتهم بر مقدار خواجس مجرددنك ، کیفیات عمومیه‌نك زمان و مکانك بر نقطه‌سندنه تجمعی ، اختلاطی طرزنده حادث اولمش خصوصی بمض منظومه‌لر systèmes دن باشقه برشی دکلدر ، ایشه بونك ایچوندرکه اولر حقتده برشی^۱ دییه‌بیلیمك انجق بعض کلمات مجردده واسامی عامه استعمالنه متوققدر . اسم خاصلر ییله اکثریا صورت خصوصیه‌ده مأخوذعمومی اسملردر . [۱] بوکیفیت خصوصیه لقبورده طوغریدر ، فرده اکثریا ، بر درجه مشابه اولدینی بر شیئی [۲] ویا کندیسندنه غالب اولان صفتی [۳] افاده ایدن بر اسمی ویرلر .

عمومی فکرلر سنسری : حقیقه ، نصوبه ، اسمیه . — بناء علیه تعمیدن دهامهم برشی یوقدر : انجق حل خلی مشکل بر مسئله‌نك حدوثه طبعاً ساقدر ، بوکلا اثر هیچ برشی سویلامك المزدن کلز . عمومی فکرلرک ماهیتی و قیمت حقیقه‌سی ، نودن عبارتدر ؟ اول امرده بز بوقیل فکرلری دوشوندیکمز وقت نفس ناطقه‌مزد نه‌لر واردر . ؟ حتی بر شی^۲ وارمیدر؛ دییه‌لم که عمومی فکر رنکدر : بوفکر نه صاری ، نه قرمزی یعنی معین هرهانکی بر رنکده اولمایان بر لون فکریدر : فقط دوشوندیکمز هرلون بالضروره معین اولوب بناء علیه عموماً لون دکلدر . بوندن باشقه ، حقایق خارجیه‌ده عمومی فکرلرک ماصدقلری نه‌در ؛ نفسمزك خارجنده هرشی فردی ، خصوصی اولوب ، « عمومی Le général » غیرمعیندن عبارتدر ، فقط غیرمعین برشیئک وجودی یوقدر : بناء علیه تصوراتمز بوش وعلممز تماماً واهیمیدر ؟ ازمنه قدیمه‌ده قاریشدرلمش اولان بو مسئله بالخاصه قرون وسطاده مناقشه ایدلمشدر . کیوم **رومانیو Guillaume de Champeaux** طرفندن مدافعه ایدیلن حقیقه réalisme یه نظراً عمومی فکرلر دائمی صورتده محل حوادث

[۱] مثلاً اسکندرک آتنه « اوکوز قفاسی » معنانه بوسه‌فال دنیلش ؛ ده موسئن « اهالینک قوتی » دیمک ؛ موللر دکرمنچی دیمک ، فابر عماله معنانه کلپور .

[۲] مثلاً روز ، مارکریب چیچک اسملریدر . مشهور رومانی خطیب چیچرون^۳ نخود « دیمکدر .

[۳] افلاطونك یونانجه معناسی « اوموزلری کنیش » دیمک .

اولان عالم محسوس و فانیات فوق‌قدّمه معقول ، غیر متحول ، زایدی بر عالم تشکیل
ایله‌ین بر طاقم ذوات معقوله essences intelligibles و قوالب حقیقیه دلالت
ایدرلر. بناءً علیه انسان تصویری « بذاته انسان » ، و قالب انساندر ، بونلر انسانلرک
اوصاف ذاتیه‌لرندن مرکب اولمقه برابر افراد انسانیه‌دن آیریدر ، او افراد ایسه
وجود خارجی و طبیعتلری بو مثاللردن ، بوقالبلردن استعاره ایدرلر .

بالمکس روسلین Roscelin و عرفانم Okham ک Nominalisme یعنی
اسمیه‌سنه نظراً ، افراددن وازلره توافق ایدن احساساتدن باشقه حقیق برشی یوقدر:
تصور بر لفظدن ، بر « صغیر » دن باشقه برشی دکلدر : لفظ هیچ بروقت بر فرد
خصوصیدن باشقه بر سیئی اسارت ایتمز ، سو قدرکه بر برلرینه مشابه بعض افراد
شامل اولدوق ، طبیعتده تماماً صغیر بر قاندر تشکیل ایدر . بتون انکلیز مکتبی
بومسلکی بالتحویل قبول ایدیور : عمومی فکر بر صورت خصوصیه‌در ؛ سو قدرکه
بوصورت محسوسه تداعی قانونیه توفیقاً بر برینه مشابه عددی غیر معین بر چوق صور
محسوسه‌نی تذکیر ایدر ، اول صورتده که ممنوع اولان عمومی فکرک قائمقامی و معادلی
او صور محسوسه‌ده کی کثرتدر .

آبیلارد Abailard ک تصویری Conceptualisme سنه کلنجه ، بو مسلک
حقیقیه ایله اسمیه‌نی تألیف ایتمهک ساعیدر : افکار ذوات عمومیه‌یه اصلاً نطابق
ایتمز ، فقط عادی بعض الفاظدن ده عبارت دکلدر : عمومی فکرلر نفس ناطقه‌نک
نعمیات انفسیه‌سیدر ، انجق بوتعمیات متخیله‌مزنک [۸] بر انهو محضی اولمایوب ، بالکیز
کندیلری حقیق اولان افرادک مالک اولدقلری خصائص مشترکده دلالت ایدرلر.
اوج نظریه‌نک تألیفی . — بو مسلکک حقیق بری ، بذاته مأخوذ اولدیغی
حالده ، صورت قطعی‌ده قبول ایدیله‌من : اولاً حقیقیه قبول ایدیله‌من ، زیرا بو
[۸] اسکي زمانده حقیقیه‌نک محلی افلاطون ایدی . اسمیه‌نی رواقیون و کلیون
ترویخ ایدرلردی .

آنسیسنه افلاطونه شوبله اعتراض ایدردی : « آتی پاک اینی کوریورم ، فقط آتیلنی
chevaléité کوریورم . » : تصویری کلنجه بو ده‌ها زیاده آرسطونک ذهابدیر ، ارسطو
استادی اولان افلاطونه معانی مجرده‌یه بر وجود فعلی اسناد ایتدی انجون هروقت اعتراض
ایدردی . رابوسسونه Essai sur la métaphysique d'Aristote کتابنه باقلاماسی .

مسئلات کنیدیلرینه بر حقیقت فعلیه اسناد ایدلمش بعض معانی مجرددن عبارتدر ، عمومی ، وغیر مبین ذواتک وجودی ایسه متمنعدر ؛ ثانیاً اسمیه قبول اولنه‌ماز ، زیرا لفظک لهنه فکری حذف ایتجهک، بالذات لفظی النایه ، مفکرینی قوشلرک سلسله‌سی درک‌سنه ایندیرر ، بوایه قابل مدافعه دکلدر ؛ ثالثاً تصویریه شایان قبول دکلدر ، زیرا بو ذهابک تلقی‌سنه کوره ، کلی غیر معیندر ، غیر معین ایسه حقایق خارجیّه عالمده ناصل موجود اوله‌مازسه مفکرده‌دهه اویله‌جه موجود اوله‌ماز . بونجه برابردها زیاده‌قابل تفهم ، و آنفالیان ادرچ مسلیکی تألیف ایتجهک الویریش بر نظریه‌نک بولماسی محال دکلدر .

اول امرده بویله بر نظریه‌نک اسمیه توفیق لازم‌کلیر : مجرد و عمومی اولان هر فکر ایچون مرئی ویا متصوت بر صورت محسوسیه ، بر منند جسمانییه ، بر رمز محسوسه ، بر علامت محسوسیه احتیاجز اولوب بونلرک فقدانی حالده نفس ناطقه‌نک او فکری قبضه تسخیرد کچیرمک ایچون یاقه‌لایاجق هیچ بر سئیی بولماز : مثلاً عمومیت اوزره «لونی» ، مفکرده‌مزی بعض صور محسوسه‌دن عبارت اولان الوان خصوصیه‌ویه‌ویاینه بر صورت محسوسه اولان «لون» لفظه تطبیق ایتجهکه تصور و تفهیم‌ایده‌میز . فقط بو خصوص مفکرده‌نک صور محسوسه یعنی استحضارات خصوصیه ایچنده یتوب توکندیکنی سونلک ایچون بر سبب اشکیل ایدرمی؟ ایشته بوراده‌توریه مسلیکی کندینه عائد حقوق یکی باشند اکتساب ایدر . نفس ناطقه مالک اولدینی اقتدار تجرید سایه‌سنده ، استحضارات مذکوره آراسندن بعض عناصر متشابهی استنباط ایتجهک و بعض نسبتلری تطفن ایتجهک مقتدردر . بو نسبتلر ایسه منحصرأ معقول اولدقلری ، تعبیر آخرله (دائماً زمانک بر آن معینده ویا مکانک بر محل خصوصیسینده وقوع بولان) استحضار محسوسک شرائطه تابع اولماقلری جهته ، مفکرده اولره در حال ابدیت وکلیت ، تعبیر آخرله عمومیت صورتی بخش ایلر . بناء علیه عمومیت تفکرک ماده‌سنده مستکن دکلدر ، زیرا بو ماده هر وقت بالضروره استحضارات معینه‌دن متشکلدر ، او حالده عمومیت بو صور محسوسه‌دن مستنبط بعض عناصره ذهنک ویردیکی صورته ، اولرده کشف ایتدیکی حیثیه عائددر ؛ یعنی عمومیت آکلاشلش اولان شیلرده بولمایوب ، فقط اولنری آکلامق فلانده کائندر . بو تقدیرده نفس ناطقه دهه اوزاقلره کیدر .

بر دفعه کشف اولسان و عینی زمانده « امینوزا » نك تعبیری تعدیل ایدلمش اولمق ایچون « عمومیت منظره سی آئنده » دوشونیلان او نسبتلری نفس ناطقه الفاظه تودیع ایلر : بوندن بویله الفاظ او نسبتلرک اشارتی ، عادتاً رابطه قویه سی اولوب ، اولملری تداعی واسطه سیله تذکیر و شعورک ایلک صفه وضع ایلر ، نظر دقتیزی خصوصیه اولر اوزرینه جلب ایدر ؛ بو وجهله الفاظ فکرک تشکله خدمت ایدن بتون ایشک تتمه سیدر . اسمیه انجق تصویریه ایله آکلاشلدی بی کبی ، بوکا قارشى تصویریه نك نقصانی دخی بالضروره اسمیه اکال ایدر .

بز عمومی نی دوشوندی کمز وقت ، مفکرده ایله مستنبط ، الفاظ اغانه سیله محفوظ اولان بعض نسب معقوله اشیا دن باشقه بر شی دوشونمه یز ؛ کذلک عمومی فکرلری مزه مطابق اولان شی بوندن عبارتدر ؛ عمومی فکرلرک خارجده وجود فعلیلری یوقدر ، بونلرک مدلوللری انجق افرادک اوصاف ذاتیه سندن عبارتدر ، وبوعتبار ایله اولنرک حقایق اشیا نك بالذات ماهیتده مندج بر اساسلری وار دیمکدر . اگر کیفیت بویله ایسه حقیقه یه کندی حصه سی ویریه بیله جکنی کیم اکلاماز ؛ اول امرده بر اعتباره کوره ، بو نسب معقوله ، تعلق ایتدی کلری افراددن زیاده حقیق دکیدر ؛ زیرا افراد زوال بولدی نی حالده نسبتلر پایداردر . دیگر طرفدن ، اشیا ده نسب دائمه ، طبیعتده بر نظام ثابت ، افراد وسطنده قوانین مستمره منظومه لری نیچون وارددر ؛ بونلرده بر شارع اعظم واقدسک ، بر فکر خالقک نشانه وحتی کورمه مک ناصل نمکندر ؛ بوصورتله عمومی فکرلری مز (هیچ اولمازه طبیعتده انواع واجناسی تمیل ایدن افکار عمومی مشخصه مز) شبهه سز بر طاقم حقایق جوهریه دکله لرده وقیله افراطوره نك ده تفرس ایتش اولدی نی اوزره ، حق تعالی حضرتلرینک علم ازلیسنه تطابق ایدر لر ، وبونلر واسطه سیله خالق کائنات حضرتلرینک لوح ازلی صنعی تماشا ایتش اولورز . حقیقه ، لایق وجهله آکلاشلمش اولورسه ، تصویریه نی تجاوز ایدر واونی محق کوستر .

تطبیقات عملیه — اطفالک تعمیم فصر منده کی نمایی — تعمیم ده مقایسه کیدر : چوجق پک چابوق تعمیم ایدر واونی تصادفاً ، وملاحظه سز اجرا ایلر ، چوجق جمله سی شخصی ، انفسی ، بالضروره صنعی اولان بر طاقم جنسلر تشکیل ایتک ،

الك بعيد والک آز حائر اهمیت اولان مائلته بالاستناد اشیای مختلفه‌ی او جنس‌لر ، قادرولره ادخال ایلمک خصوصنده استعجال ایدر. *نه* Taine بزه بوغریزه تعیمه دائر اهمیتلی ومراقلی مثاللر ویریور . مومی الیهک بیاننه نظرأ کوچک بر چوجق دهاک اوفاق ایکن شمندوفرلرله بر یره کیمش ، لوقوموتیفک دومانی ، کورلتیسی چوجقده بیوک بر تأثیر براقشدر : کندوسنه بونک بر شمندوفر اولدینی سویلنمش چوجق بو لفظی « فافر » دییه تکراره باشلامش : اوندن اعتبارأ ایصلق چالان ، کوراتی ایدن ، دومان سالان هر شیء ومثلاً اسپرتو ایله پیشن بر قهوه جزوده‌سی ، برواپور اونک نظرند بر « فافر » ایدی. *نه* بوینده مقدس بر مدالیه اصلی بولنان بر قیزجغزی حکایه ایدر . قیزه او مدالیه‌نک بون دیو le bon Dieu [۱] اولدینی سویلنمش . قیزده بو لفظی بودو « bo du » دیه تکرارلامنه باشلامش : برکون عموجه‌نک دیزلری اوستنده اوطوریرکن کوزلکنی آله‌رق « ایشه عموجه‌مک bo du سی دیمشدر . بدیدرکه او تیز بغیر اختیار وضعأ ، کندولرینه بر اسم ویرمدیکمز افراد ایچون یووارلاق ، اورتلری ، دلیکلی ، قوردونه بویونده اصلی اولان کوچک شیلر ایچون بر صنف افراد تشکیل ایشدر . باشقه بر چوجقده حوضده بولنان بعض اوردکلر انکلیز لساننده اوردک دیمک اولان quak کله‌سیله کندوسنه کوسترلمش اولدینندن ایکی پنجه‌لی هر حیوانه ، اوزرنده بر قوش رسمی بولنان نقوده ، اوردکلرک ایچنده یوزدکلرینی کوردیکی حوضه ، کوردیکی مختلف مایعانه quak دیمکه باشلامشدر . هر کس بیلیرکه چوجقه کوره بابا لفظی بتون ارککلره ، قوقو « Koco » لفظی ده بتون قوشلره اشارتدر . بدیدرکه بو تعیملر بزی کولدریر : بونکه برابر ، بونلر ساده لکلریله برابر ، نفس ناطقه‌ده‌کی فعالیت ماهرانه ، قدرت ایجادیه اشارت باهره دکلدر ؛ عجباً باشقه‌ک مکمل حیوان ، ساده لکلریله برابر حتی خطالری داخل اولدینی حالده حقیقه عالی اولان بتون بو عملی‌لری اجرایه مستعدیدر ؟

تعیم قوه‌نک نه‌نچی — هر نه اولورسه اولسون ، مقایسه‌ده اولدینی کبی ، بونده دخی غریزه تعیمی ، تمیجدن زیاده ، دها متبصر ، دها غیر شخصی ، اشیانک [۱] (بون دیو) اه دیمکدر . فقط خرستیانلر تشبیه قائل اولدقنندن بومدالیه‌نک تصویر یسوع اولدینی آکلاشیلور .

نسب حقیقه‌سند دعا اهتمامکار ایتمه‌گه غیرت اولمالیدر . **ده‌نارت** : نظرآ خطالرك الك برکتلی منبجی اولان عجله اعتیادینک چوجقدن ازاله، واکا تأمل و احتیاط اعتیادینک تلقین اولماسی اقتضا ایدر . تعمیمی لطق ایله ربط و تومید ایدن صیق تساندی‌ده اونوتاملیدر : چوجق صواب اولان بر فکر جدیدبولدینی وقت ، مفهومه مطلوب اولان قطعیت و صحتک تمامی ویرمک ایچون یکی برلفظه مائت اولماسی‌ده لازمدر : بعضاً اونک تأملسز ویولسز اوله‌رق یایدینی تعمیلده سبب آز لغت بیلمسیدر : « چوجق بر جوق سفره طامی اولمادینی جهته، یمکارینک جمله‌سنی عینی قاب ایچندن ییه‌ن بر آدم کیدر، بر قاچ احساسات و معانی بر تک ویاعینی لفظه جبراً صوقار » . [۸]

فقط چوجغه صحیح تعمیلده بولنق اعتیادینی تلقین ایتک ایچون ، اهل اولدینی آدن اعتباراً علوم طبیعت ایله پیدای الفت ایتسه چالشمق و علامه‌لرك صبر و تحمل و مساعیسی ثمره‌لری اولان عمومی فکرلری کوسترمک قدر هیچ برشی حائر قیمت دکلدیر : ایشته چوجق بوسایده اشیایه غافلانه ادخال ایتدیکی نظام‌جعی ایله نظام حقیقی آردسندگی فرق تیقن ایدر ، بونظام حقیقی‌یه نصب‌نظر دقت ایتک لازمدر، فقط بونک تیسر حصولی آنجوق عظیم بردقت وجدی بر تأمله وابسته‌در .

خلاصه

- ۱ : قوای اعمالیه‌نک مأموریتی اشیاییننده موجود اولان نسبتلری بوله‌رق معرفتی اعمال و تنظیم ایتکدر . بوقوتلر «مدرکه» یی تشکیل ایدر .
- ۲ : بونلرك جمله‌سی بر فعل مقدمه مستنددرکه دقتدر . دقت نفس ناطقه‌نک بر تئیی خصوصی اوزرنده تمرکزندن ، توترندن عبارتدر . روحیات علماسنک بر قسمی دقتک شدید ویاجالب مراق بر انطباعت نتیجه میخانیکه‌سی اولدینی (کندیلکندن وقوع بولان دقت) ، دیگر بر قسمی ایسه نفس ناطقه‌نک سرایسته وقوع بولان مساعیسندن نشئت ایلدیکنی بیان ایدرلر « بالاراده دقت » .
- ۳ : یالکز دقت بالاراده قوای اعمالیه‌نک شرطی اوله‌بیلیر . برده حقیق دقت

[۸] نویسنده نك Pédagogie théorique et pratique کتابندن .

یالکیز اودر ، زیرا عکس تقدیرده ال از بولندینی وبلکه هیچ بولندایی یرده درجه نه‌ایده بولندیغنی قبول ایتک اقتضا ایدردی . (چوجق ایله مجنونده اولدیغی کبی) .

۴ : دقت مصروف اولدینی اشیایه کوره مختلف اسلر آلیر (تأمل ، تدبر ، استبصار) . شه‌سز ، دقت قوای ذهنیه‌مزه منزله‌سنی آرتدرماز ، فقط اولنری جمع ایدرک اوشی حقده ممکن مرتبه آچیق بر معرفت پیدا ایتمه‌مزه خدمت ایدر . کذلک دقت اولماسه ، نفس ناطقه‌نک ال کوزل موهبه‌لری عقیم قالیردی . دقتک تأییری بتون حیات معنویه‌مز اوزرینه جاریدر ؛ دقت احتیاساتیزی تفتیش و مراقبه ایتک‌لک‌مزه یاردم ایدر ؛ حریتک و اخلاقیته روحی دقتدر ؛ خطانک جهالت اولماسه بیله (سقراطک ذهانی) هر حالده غفلتدن عبارت اوله‌جنی ادعا ایدیله‌بیایر . بونک ایچون چوجقده تأمل اعتیادینک تمیه ایدنسی اثرمدر .

۵ : تجرید نفس‌الامرده نه متفرق ونه قابل تفریق اولان شیئی یالکیز اوله‌رق نظر اعتبارده آلمقدردر : قوه مذکوره خارجه وجود فعلیسی اولان اشیایه شامل اولمایوب معانی ذهنیه‌یه متوجه اولان برتحلیلدر . حواسمز تجریداته مخصوص طبعی ماکنه‌لردر ؛ کذلک بعض انطباعات ، شعور لاحق اولمق‌سزین نسیان اولنورکه بوبنفسه واقع برتجریددن عبارتدر . فقط تجرید حقیقی ، برکندن بالاراده برعنصر تفریق ایدوب اونی یالکیز اوله‌رق نظر اعتبارده آلمقدردر . بوندن باشقه تجریدک برقاچ درجه‌سی وارددر .

۶ : تجرید مفکرده بیوک خدمت‌لر ایفا ایدر . هر هانکیسی اولورسه اولسون هر علم مجرددر ، زیرا کائناتک ماباقی‌سندن مشرر برشی خصوصی به مصروف ومتوجهدر . دیگر طرفدن ، بوجمله تجرید ایدلمش اولان اوشیئی بیلیمک ایچونده کندیسنگ صفات مخلوطه‌سنی تفریق ایدرک برطاقم تجریداته احتیاج وارددر . والحاصل ، هر علم مجرددر ، زیرا علم یالکیز کلّیه تعلق ایدر ، کلّی ایسه آنحق برمعنای مجرددر .

۷ . بونکله برابر تجریدک مجذورلری ده وارددر . افکار مجرد ایله آزچوق فرضی برطاقم منظومه‌لر تأسیس ایدیله‌بیایر . دیگر بر محذورده معانی مجردیه بروجود خارجی اسناد ایتمکدن (سقولاستیق) ، آنلری تجسم ایتدیرمکدن (اسکی فیزیق) ، حتی تألیه ایتمکدن (مذهب یونانی) دن عبارتدر ؛ کذلک حقیقت

فعلیه‌سی اولان و فقط حقیقت غیبیه‌دن عبارت بولنان شیئ‌ده معنای مجرد نظریه باقیله‌بایر .

۸ . — شه‌سز ، تجرید چوجغاك قواسمك فوقنده اولدینی جهته چوجنی تعلیم و تربیه‌یه تجرید ایله باشلامایوب ، بلکه اولای مشخص شیلر قارشیسنده بولندیرمالیدر « روس ، سنالوجی » : تدریسات تحدسیه‌نك لزومی بوندن منبعدر . بونکه برابر چوجنی تجریده و محسوس ایله مرکبدن مجردی ، و بسطی استبطه بران اول آلدیرمیدر .

۹ . مقایسه اشیاده موجود اولان مشابهت‌لره نسبت‌لری کشف ایتك مقصدیه او اشیای یکدیگرینه تقریب ایتك فعلیدر . مقایسه دقت و تجریدی مستلزم ایسه‌ده حد‌اتنده بسط و اصلی اولان بر فعلدر . مقایسه علمك شرطیدر ، زیرا علمدن مقصد اشیانك عمومی و ضروری اولان نسبت‌لرینی تجریدر : مقایسه مجرد و مشخص بتون علم‌لره مشترك بر طریقدر : بوندن باشقه فکرت شاعرانه‌نك ده آلتی مقایسه‌در .

۱۰ . چوجق پك ایرکن مقایسه‌یه باشلار ، فقط اشیای تصادفاً واک سطحی مشابهت‌لره ابتداء بر برلرینه تقریب ایدر . چوجغاك مقایسه استعدادینی تهییج ایتمکدن ایسه‌بونی احتیاط و تأمل ایله قولانماسنه آلدیرمقی ده‌مانسیدر . بوندن باشقه ، مقایسه حریت‌کده و صیسیدر ، زیرا انسان بر ایشك نه‌قدر چوج اسباب موجه‌سنه واقف اولور و بونلرک قیمتی تقدیره نه‌قدر مقتدر اولورسه اوقدر زیاده حر اولور .

۱۱ . دقت ، تجرید ، مقایسه عملیه‌لرینك نتیجه‌سی « فکر » در . نفس ناطقه اشیانك بر قسم کثیرنده کی نسبت‌لری او فکر سایه‌سنده تصور ایدر . مفکره ، یکی بر عملیه واسطه‌سیله ، او فکری ، بونی کندیسندن استبط ایتدیکم افراده دکل ، موجوداتك بر کثرت غیر محصوره‌سنه تشمیل ایدر : تعمیم دیدکلری بودر .

۱۲ . فکر صورت محسوسه‌دن باشقه‌در . و هر صورت محسوسه بر احساسک طینی اولدینی جهته خصوصیدر ؛ فکر ایسه بالعکس عمومیدر ؛ فکر صور محسوسه‌نك بر کثرت غیر محصوره‌سنه مشترك اوصاف ذاتیه‌یی خلاصه ایدر . بونکه برابر عمومی هر فکر مفکره داخلنده بر صورت محسوسه ایله برلکده بولنور .

۱۳ . عمومی فکرک مفکره داخلنده ناصل موجود اوله‌بیله‌جکی وارد خاطر اولور : عمومی فکر بعضی اشیای بیننده بر نسبته دلالت ایتدیکندن و نسبت ایسه حدلرک خارجنده مستقلاً موجود اوله‌میه‌جفندن مفکره دقتی باشقه‌یره توجه

ایتدیکي آندن اعتباراً زائل اولمازمی ؟ بو مشكلك اقتحام ایدلمسی ایچون نفس ناطقه اوصاف مشترکینی بر لفظده جمع ایدر ، بو تقدیرده لفظ تصورك کفیل حیات وبقاسی اولور .

۱۴ . هر فکر مفکرهیه بر مقدار صفات ایله (بونلر او فکرك تضمنی تشکیل ایدر) ، بر مقدار افرادی عرض ایدر (بوافراد ایسه اوفکرك شمولیدر) . تضمن ایله شمول بر بریله معکوساً متناسبدر .

۱۵ . عمومی فکرلرک بر قاج نوعی وارددر (جواهره ، عرضیاته ، نسبتلره عائد فکرلر) . تعمیم علی العموم تفکرک ، معرفتک ، علمک ، والحاصل نطقک شرطیدر .

۱۶ . عمومی فکرلرک قیمتی حقنیده اوچ ذهاب حاصل اولمشدر . حقیقه اونلرک نفس ناطقه‌دن واشیادن آری اولمق اوزره قالبیری اولدقلیری قبول ایدر . اسمیه ایسه اونلری الفاظ عادیه‌دن عبارت صایار . نصورییه کئنجه ، عمومی فکرلری مفکره‌نک انفسی قادرولری عدایلر . بو اوچ ذهابی دها زیاده سهل التفهم بر مسلکده تألیف ایتک قولایدرد . اسمیه مفکره‌نک هر وقت وبالضروره استحضارات خصوصیه مواجهه‌سنده بولندیغنی بیان ایتدیکي وقت حقلیدر : بالکز نصورییه ایله برلکده ، مفکره‌نک بو صور محسوسه‌نک نسب معقوله‌سنی کشف وادراک ایده‌بیله‌جکی تصدیق اوله‌بیلیر : بو نسبتلر عینی زمانده عمومیت سکلنی آلیرلر . بوندن باشقه نفس ناطقه ، اونلری لفظده جمع ایدر و بو وجهله تصورك دوام وبقاسنی تأمین ایلر . فکرلریمز بر نظامه ، اشیانک قانونلرینه توافق ایدر ؛ فقط شو نظام و قانون بر مؤثر علمک وجودینی ایجاب ایدر : بناءً علیه تصورلریمز (هیچ اولمازسه الک چوق حائز اهمیت اولانلری) خالق تعالانک علمنی تجلی ایتدیرلر .

۱۷ . چوقق ایرکندن تعمیم ایدر ، فقط اوئی مناسبلی مناسبتسر یاپار ؛ تأسیس وانشا ایتدیکي طاقیملر تماماً شخصی وانفسی در : اوکا دها احتیاطی ، دها مشکلبسند اولغی ، لسانی تفکرانه بحق اویدرمنی ، وباخصوص علمک انشا ایتمش اولدیغنی منظومه تصوراتی اوکرتمک لازمدر .

اون اوچنچى درس

تصدیق و استدلال

پورروآيال Port royal نظریه سی . — ۱ . تصدیق : ماهیتی ؛ تحسینی تصدیقار ایله قیاسی تصدیقار . تصدیق هر وقت قیاسیدر . — معنای عامیانه سیله ، تصدیق ، روحيات اعتباریله تصدیق . تصدیق ارکانی . — حقیقت و حایل مرکب . — تصدیق اقسامی . — اعتقاد : متضاد نظریه لر . — اعتقادك بتون روحه و قوعی .

نظریات عمیل . — تربیه ذهنیه نك اهمیت . — قوّه حاکمه نك برتر بیاسی وارمیدر ؛ قوّه حاکمه تربیه سنك لزومی . — قوّه حاکمه نك تهذیبی : استعداد تنقید . — قوّه حاکمه یی تربیه ایتمه نك طریق .

۲ . استدلال : ماهیتی ، خدمتاری . — معرفت نظریه و معرفت تحسینیه . — استدلالك سور و اشکالی . — جزئی دن جزئی به انتقال . — تعلیل : میخانیزم سی . — تعلیلك ارکانی ؛ حدلر و قضیه لر . قیاس . — قیاسك مبدئی . — تعلیلك وظیفه سی . — تعلیلك قیدی . — استقراء : ماهیتی . — استقراء عامیانه و استقراء علمی . — استقراء علمینك مقدملری . — استقراءك مبدئی . — استقراءك وظیفه سی . — استقراءك قیمتی .

نظریات عمیل . — چوچقه استدلالی انکشاف ایتدیرملمیدر ؛ استدلالك تربیه سی : روح هندسی و کیاست . — استدلالك حدودی : یقین علمی و یقین معنوی .

پوررو آيال Port-Royal نظریه سی . — پوررو آيال منطقوننه اینانمق لازم کلیرسه ، اعمال معرفتده بربرینی ولی ایدن اوچ مرحله واردر . اول امرده براز اول تحلیل ایتمش اولدیغمز عملیه لرك معاوتی ایله نفس ناطقه تصوراتی تشکیل ایدر ؛ فقط فکرلر ذاتلرنجه تماماً مجرددر : انجق مفکره اونلرك نسبتلرنی کشف ایدر لرك بعضیلرنی دیگر بعضیلره برلشدیرر و بو صورتله تصدیقاتی « jugements » ترکیب ایدر ؛ صکرده بو تصدیقات واسطه سیله بر طاقم یکی حقیقترلر استنباط ایلر : ایشته « استدلال » « raisonnement » دیدیکمز بودر . بو تقدیرده تصور صور محسوسه نك نسب احصیه سنی ؛ تصدیق تصورلر آردسندده کی نسبتلری

افاده ایدر ؛ استدلاله کلنجه بوده تصدیقات آردننده کی نسبتلری استنباط ایلر . بو ، ذهنک کیتدکجه قاریشق و بوسبيله کیت کیده‌دها مشکل بر ایشیدر .

نصیریج judgement : ماهیتی . ندرسی نصیریجدر رقیاسی نصیریجدر . — بو نقطه نظرندن تصدیق ایکی فکرندن برینی دیکریله تأیید ایتمکدر . بدایه تماماً ذهنی اولان بو تأیید باطبع خارجه الفاظ ایله افاده اولنور ، قضیه دیدیکمز ایشته بودر . مثلاً بربرینک تماماً غیری ایکی تصور آلهلم . « انسان » ایله « فانی » : یونلرک بربریله اولان نسبت موافقتلرینی ادراک ایتدکدن صکره « انسان فانیدر » دیرسه هم بر تصدیق یامش اولوردم . « لور » لنده نظریه‌سی بویله‌در ، لور ه کورده هم تصدیق قیاسیدر ، یعنی هر تصدیق اولجه بعضی تصوراتک تشکله و آردننده کی نسبتلری ادراک ایتدیردک بر مقایسه‌نک وتوعنه وابسته‌در . فقط بو بایده قوروزه Cousin ک شهرت قارامش بر تنقیدی وارددر . قوروزه نظراً تصدیقات یالکزی قیاسی ویا متأمل اولاندردن عبارت دکادر ؛ اولاندردن باشقه تحدرسی intuitifs قسری spontanés دیکر بعضی تصدیقات وارددر که فعل ادراکدن دفعاً انشأت ، وبالذات اشیای کیفیات مختلفه‌سی ایله برابر تیقن ایلر و یونک حصولی ایچون هیچ بر عمومی فکره ، هیچ بر مقایسه‌یه احتیاج مس ایتمز . فضله اوله‌رق بو قیل تصدیقلر مفکره داخنده بعضی تصوراتی متضمن و مستلزم اولمادقدن باشقه ، کندیلری او تصوراتک تشکلی ایچون شرطدر : فی الواقع عمومی فکر اولاشیای فرداً فرداً ادراک ایتمکه ، صکره‌ده اولنرک آردننده کی نسبتلره متعلق تصدیقاتی یامش اولمغه متوقفدر . اولجه تصورات تشکلی ایش اولمالیدر که نفس ناطقه بالاخره ده‌ها بر ترقیه مظهرینه ، اولنری بر برینه تقریب ویا بر برندن تجرید ، و بو صورتله مجرد ویا قیاسی تصدیقلر تشکیل ایدمیلرین . مثلاً بر قاچ متنوع تصدیقلر آلهلم : « انسان ذوالفقرددر » ، « بن موجودم » « قار بیاضدر » . برنجی تصدیق اصلاً دفعی دکدر ، اولجه « انسان » و « ذوالفقره » کی ایکی تصوراتک تشکلی ، حقیقت حالده « ذوالفقره » تصوراتک دلالت ایتدکی اوصافک بر حقوق انواع مختلفه‌ده بالفعل موجود وعینی زمانده « انسان » نامی آلتنده مذکور اولان نوع موجوداته‌ده شامل اولدیغنی کورمکه مساعد بر مقایسه‌ینی مقتضیدر . فقط دیکر ایکی تصدیق حقه‌ده عینی حال ادعا ایدیه‌بیلیرمی ؟ « بن موجودم » تصدیق

نفس ناطقه داخلنده « بن » و « وجود » کی ایکی فکر مجردك حضورنی ، و بونلرك بر برینه مطابقتنی مقایسه و ادراك ایلكی استلزام ایدرمی ؛ شبهه یوق که ، مفكره نك افعال غیر ارادی سینه انعطاف ایدن تأمل ، بر تحلیل اعانه سیله ، او تصدیقندن بو ایکی تصویری استنباط ایده بیایر ؛ فقط بذاته تصدیق ، تحصیل ایتدیکی آنده ، اونلرك وجودینه وابسته دكلدر ، زیرا بو تصدیق ، موضوعی و محمولی بر آنده مدرك بر حقیقت فعلیه نك باز واسطه تحدسی یعنی وجداناً بیانمیسدر . بو قیلدن ، « قار بیاضدر » تصدیقی هیچ بر مقایسه یه محتاج دكلدر ، بو تصدیق بر شیئی مشخصك اوشیئه مخصوص صفتلردن بری ایله دفعا تصرفیدر ، دیمك که بالاخره تحلیل اعانه سیله تجرید ولعت واسطه سیله کندیسنه بر اسم وضع اولنان شیلری ، نفس ناطقه طوبدن و بلا زحمت قاورییور . بو نظریه یی بعض فیلسوفلر صوك نتیجه لرینه قدر ایلتهرك ادعا ایدرلركه تصدیق ذهنك بر عملیه خصوصیه سی دكل ، فقط بر فعل اصلیسدر : یعنی هر فعل تفكر هر نه اولورسه اولسون ضمناً وهرشیدن اول کندینك تصدیقیدر دیمك ایستلرلر : کورمك کوردنکی تصدیق ایتمكدر ؛ تخطر ایتك خاطر لادیغنی تصدیق ایتمكدر ؛ تجرید ایتك تجرید ایتدینکی تصدیق ایتمكدر ، الی آخره .

نصربی هر وقت قیاسدر . — هر تصدیق مجرد و عمومی فکرلرك بر مقایسه سی اولمادیغنی **قرزده** تبعاً تسلیم اولنه بیلیرسده ، هیچ بر نوع مقایسه اولمق سزین تصدیق اوله بیله جکنی سولك طوغریمیدر ؛ شبهه سز ، تصوراتی تشکیل ایتزدن اول بوکا موفق اولمق ایچون مفكره نك اول امرده بالذات اشایی عناصر مختلفه لری ایله برابر ادراك ایتسی ایجاب ایدر . الفاظك تعریف لری سربست اولدیغندن بوفله « تصدیق » نامی ویریه بیلیرسده ، بونك بالذات بر مقایسه اولدیغنی قبول ایتلیدر . « بن موجودم » تصدیقه باقالم : فی الواقع بو تصدیق یا **قرزده** Cousin ك طلب ایتدیکی وجهله ، بر تحدسدن باشقه برشی دكلدر ، آنجق هر حیوان حتی اك حقیر حیوانلر بیله کندی وارلغنه آز چوق مهم بر صورتده عارف اولدیغندن هر حیوانك ، حتی اك حقیر بر حیوانك تصدیقه مقتدر اولدیغنی بیان ایتك ایجاب ایدر : بدیمیدر که بو افراطدر . [۸]

[۸] Janet نك ناسفه کتایبنده کی تنقیداته باقکیز . رایسده عینی فکرده در .

ویا خود بو بر فعل تأملدر که او واسطه ایله نفس ناطقه کندی ادرک ایدر، تجرید طریقیه بو « وارق » شمولی استنباط ایلر، نفس ناطقه کندیسده بولدی و دیگر موجوداتده بولدیغی ده کشف ایتدیکی بو « وارق » صفی دیمک که « موجود existants » مقوله سینه شاملدر : ائمدی بو حقیقی بر تصدیق دیمکدر : فقط شو تصدیق « وارق » فکر عمومیسنت وجودینه وابسته و بر مقایسه اوزرینه مستددر . « قار بیاضدر » تصدیقه کلنجه بو تصدیق بر تحس اولمادقن باشقه ایکی تصدیق قیاسیدن مؤلفدر . سوله که اول « قار » ک قار اولوب « اوت و یا باشقه بر شی اولمادیغی تصدیق ایتک ایجاب ایدر : بونک ایچون نفس ناطقه ک قاری اولجه ادرک ایتش و « قار » لغوی آئنده طائیش اولدیغی مشابهلریه مقایسه ایلش اولماسی اقتضا ایدر . بوندن باشقه نفس ناطقه ک ، رنکی قارک کیفیات سائر سندن تفریق ایتسی و اونی « بیاض » لغوی ایله منارالیه اولان نوع الوانه تشبیه ایلشی اقتضا ایدر؛ بوده یکی بر فعل مقایسه یه متوقفدر . بناءً علیه « قار بیاضدر » تصدیق ایکی تصدیق قیاسینک نتیجه سیدر . بو حال بزه دفعا حاصل بر تحس کجی کیورسه ، بونک سببی بو عملیه لرك قسمزده کندیلرینی حس ایتیه ک درجه ده سرعتاه وقوع بولماسیدر . [۱]

والحاصل تصدیقده بر قاچ صفحه قبول ایدیله بیلیر . اول امرده ذهنک ادرک ، حافظه ، تجرید کجی مختلف عملیه لرنده آز چوق داخلدر : او حالده بلا تصورات وقوع بولور ، زیر تفکر اوله جزئیدن باشلار ، بوجهله تصدیق ، شکل تصوراتک آلتی کیدر . فقط نفس ناطقه بر دفعه تصوراته وضع دایدنجه اولری تقریب و یا تفریق ایدر ، بعضلرینی بعضلرینه ادخال و یا بعضلرینی بعضلرندن اخراج ایدر ، کذاک تجربه ک کوسترمتش اولدیغی افراد متنوعه یی او تصورلر آئنه « ادخال subsume » [۲] ایدر . اصل معناسنجه « تصدیق قیاسی » بوندن عبارتدر : او تقدیرده تصدیق کندی نه مخصوص بر حیاتی وارددر ،

[۱] آلمان فیلسوفی ووند Wundt بو نقطه نظری قبول ایله تصدیق تمارک غیر مشعور به مقدمه لرك نتیجه سی اولدیغی ادعا ایدیور .

[۲] بو تعبیر « فالت » کدر : تصور بر انمودجدر ، اوک اشتراک ایدن افراد ، او مفهوم ، و یا مقوله آئنه ادخال اولنور .

فقط تصدیق حقیقه موجود اولدینگی شیریده ، مختلای درجه لوده اولمقده برابر ، اساساً قیاسی اولدینگی ، و آخ چوق مشکل بر مقایسهیه متوقف و کندیسنت بالذات بر مقایسه اولدینگی اعتراف ایتمیدر . الکی بیانی ، الکی سریع تصدیق بیلد ، نفس ناطقه نیک هر وقت بر قوه تمییزیه سنی متفهمدر : **آرسطو** : « تصدیق ایتک بر شینی بر شی ایله تأیید ایتمکدر » دیردی : ایتدی تصدیق اولنان صفت هر وقت عمومی بر صفتدر .

معنای عامیانه سید تصدیق ، روحیات اعتباریه تصدیق . — تصدیق بر نسبت حکمیدر : بناء علیه او نسبت ادراکده دلالت ایدر . تصدیق فرانسیزجه مقابلی اولان jugement کله سی حس سلیم معناسنده کلیر . بو معنا لفظ مذکورده معنای عامیانه سیدر . بو اعتبارده کوره « ژورژمان » ، حتی باطلدن تمیز ، انسانلری و اشیا یی ایجه تقدیر ایتمکدر . بناء علیه مقابلنده « قوه حاکمه » دییه جکمز بوکمه ، نسبتلرینک کشفی بیوک بر فراسته دیک چوق نفوذ نظره متوقف اولان تصدیقانه تخصیص اولنور : بو تقدیرده قارک بیاض اولدینگی ویا برانجایک یوکسک اولدینگی تصدیق ایتدیکندن دولای بر انسانه قوه حاکمهیه ماسکدر دینلمز . فقط روحیاتده کی معناسه کوره هر تصدیق نه قدر ابتدائی ، نه درجه قولای اولورسه اولسون ، حتی یا کلش بیلد اولسه بر حکم تشکیل ایدر ، بو اعتبارله کندیرنده « قوه حاکمه » اولمایان اشخاص بو قیمتی ملکیه قسماً مالک بولنلر مثللو حکم ایدرلر .

تصدیق اولمق ارطائی . — دیمش ایدککه ، تصدیق بالطبع « قضیه proposition » ایله افاده اولنور . هر قضیه اساساً اوج جزئدن مرکبدر : کندیسنت بر شینی تصدیق اولنان بر موضوع sujet « محکوم علیه » ؛ موضوعک مقصدق اولان شئییه بوکا محمول attribut « محکوم به » دینیر ؛ تصدیقه دلالت ایدن فعل verbe ویا « رابطه copule » . منطقاً بتون فعللر « اولمق être » فعلنه منجر اولور ، زیرا بونلر بر فعل ویا بر حال افاده ایدن بر فکر ایله تصدیق افاده ایدن « اولمق » فعلندن مرکبدر : بو وجهله « انسان ترنم ایدر » دیمک انسان « مترنمدر » دیمکدر . بوندن استنتاج اولنورکه هر تصدیقده بر ماده ایله بر صورتک تفریق قابلدیر ؛ بونلرک بری حقلرنده

تصدیقك وقوع بولدیښی اشیا دن عبارتدر، دیگرى بالذات فعل تصدیقدر. بو خصوص
 دخى تصدیقك یكى واصلی برشى اولماسنه باعث اولان حالى بزه دهایی آكلا تديرر .
 اول امرده ، بديهدركه تصدیقك مادهسى ، حدلری بعض حالات شعوردن،
 احساسات ویا افكاردن باشقه برشى اوله مازلر ؛ هیچ بر وقت بالذات اشیا ايله
 طوغريدن طوغرى یه مناسبتمز یوقدر . بناءً عليه ، استورات میل نه دیرسه دیسون،
 بز هیچ بر وقت انفسى بعض نسبتلردن باشقه برشى فهم وادراك ایده میز. فی الواقع،
 بز دهها اوزاغه کیتیه بیلردك : بر مسبانی sceptique اوندن باشقه برشى
 یایمبور: یعنی مسبانی احساساتی و بونلرك نسبتلری تبیین ایتکله اکتفا ایدیور .
 فقط شوراسنی ده اخطار ایده لم که : مسبانی تصدیق ایتز ، « تصدیق تعلیق
 ایتکی » اصول اتخاذ ایدر . فی الواقع بن کندمدن خارجه چیقما دقه
 احساس موجود اوله بیلیر ایسه ده ، تصدیق یوقدر : تصدیق ایتك ديمك ، انفسیت
 ساحه سنی، شأن شعوری ، ظاهری آشمقدن، موجودی ، مطلقى آفاده تجلی
 ایتدرمکدن، کندی حاله براققدن عبارتدر. البسيط بر تصدیق اولان : « قاریاضدر »
 قضیه سنی مثال اوله رق آله لم . بونك ایکی حدی اولان « قار » و « بیاض » بکا
 کورم برر تکیف انفسیدر. فقط تصدیق افاده ایتدیکم وقت ، ارتق یالکز ممکن
 Contingent وشخصی individuel ، احساسات بسیطه ايله مشغول اولما دیغی
 بیلدرمش اولما یورم ، برده قارشیمده « قار » دیدیکم برشیى حقیقی ايله کندیسنه « بیاضلق »
 کیفیت حقیقه سنی اسناد ایلدیکم حقیقی برشیىك موجود اولدیغی ادعا ایدیورم، ووشیى
 کندی صقیله برابر بدن خارجه کائن وحاسیتم اوزرینه حاصل ایده بیلدیکی انطباع
 موقوته غیر تابع و مستقل اولمق اوزره ، بتون اذهانك تصدیقه مکلف اولدقلری،
 مطلق برشى ایش کبی اقامه ایلش اولیورم . هر تصدیقه بو بویه در : هر تصدیق
 بر حقیقت کلیه وواجبه وضع ایتدیکنی ادعا ایدر ، اشیا یی « ابدیت منظره سی آلنده »
 کوریر . وایچه دقت اولنسون که ، بتون بو کیفیت محمولی موضوعه ربط ایدن « در »
 ادات خبری کبی بسیط بر لفظ ایچنده مند مجدر ؛ انجق بولفظ حسابیلرک لغتلرنده
 یوقدر. حسابیلر اونك یرینه « کورونمك » لفظی قوللانیلرلر . روسر فاعل و عاقل
 مخلوقك یعنی انسانك علامت میزه سی شو کوچوک « در » لفظنه بر معنا ویرمکدر

دیدیکی وقت ، فعلاً اهمیتنی تماماً آکلامش دیمکدی . بو طوغرودر : فقط خاصهٔ
 دنیلملی ایدی که « در » کلمه‌سی استعمال ایتک ، بیه‌رک بیلیمه‌رک ، ذهنه ایمان ایتش
 اولان کیمسه‌نک علامتیدر . هر حکم افاده ایدلزدن اول ، تصدیق ایدن موضوع
 ایله تصدیق اولنان محمولک مغایرتی ، مفکره ایله اشیانک میانینی مستلزمدر :
 بوتقدیرده اصل معناسجه تصدیق یوقاریده بیان ایتش اولدیغمز اوزره ، مفکرده
 اولان شی ایله اشیاده بولنان شیئی توحید identifier ایتمکدن ، برنصور انفسی‌یه
 بر قیمت آفاقه ، کلیه و مطلقه ویرمکدن ، واسطه‌اصل موجودی وضع ایتمکدن عبارتدر .
 فقط بوخصوص نه صورتله ممکن و مشرع اوله‌بیلیر ؟ تفکراتمزی نه حقله اشیاء
 ایچون مقیاس اتحاد ایدیورز ؛ ایمدی نه قدر ابتدائی اولورسه اولسون ، بر تصدیقه
 بولمق ایچون نفس ناطقه ایله عالمک متمتع‌الاشترک ایکی حقیقت اولمایوب ، بونلرک
 بر برلریله مناسبده بولمق و بر برلرینه نفوذ ایتک ایچون پائلس اولدقارینه اینانمق
 اقتضایدیر . ایشته حسابیلر تفکرک قیمت آفاقه‌سه بویامانی بسله مدیکلرندن دولاییدرکه
 بر شیئی تصدیق ایتزلر ایدمه‌مزلر .

حقیقت la vérité و **مهرل مرکب** l'erreur . — چوقدن بری سویانمشدر :
 حقیقت ایله جهل مرکب تصدیق ایله نمایان اولور . شبهه‌سز حسابیلر لایخطیدرلر :
 یالکز حالات شعوری و بو حالات آره‌سنده‌کی نسبتلری تصدیق ایتدکلری جهته
 اولنلرک آلدانملری ممکن اولورمی ؟ فقط نه نظر اعتباره آمالیدرکه بونلر حقیقتی بولمق
 امیدننده‌کندیلرینی محروم ایدیورلر ، زیرا حقیقت انحق افکارمزلرک اشیاءله مطابقتنه
 وابسته‌در : بومطابقت حقنده بیان مطالعه ایتمکدن امتناع ایلدیکم آندن اعتباراً خطا
 ایتک احتمالی ایله برابر حقیقتی کشف ایتک امکاتی‌ده سلب ایتش اولیورم . « حسابیلرک
 بو طور احتیاطکارانه‌سی نافله‌در : زیرا مفکره بوندن خوش‌انماز : ذهن اشیائی
 فهم و ادراک ایده‌جکندن امین اوله‌رق ، اراده‌مزی اولقمسزین کندیلکندن
 اولنره طوغری آتیلیر ؛ ذهنک حرکت اولیه‌سی تصدیقندن عبارتدر ؛ حتی ذهن
 نه قدر یکی ، نه درجه تجربه‌سز اولورسه حکملرنده اودرجه مطلق و قطعی‌در . بوندن
 باشقه ، طوغری‌سنی سویلک لازم‌کلیرسه ، احساسات کندیلکلرندن اصلاً حائر اهمیت
 دکلردر ، بونلر یالکز کندی توسطلری سایه‌سنده حقایق خارجه حقنده برشی
 استتباطنه موفق اولدیغمزی ظن ایتدیکمز ایچون حائر اهمیتدرلر ، شبهه‌سز نفس

ناطقه‌نك آلدانديني ده اولور : فقط بونك نه اهميتي اوله بيلير ؛ حقيقت اكر هر كسك معلومي اولسه يدي ، اودرجه قيمتلي اولور مي ایدی ؛ اونی كشف ايتك ايچون حقيقت مجاهده لرده بولنق لازمدر ؛ اونكه، مزيتز دها زياده آرتار . والخاصل حقيقت صبر وجهد وغيرت سايه سنده منكشفت ، وعلم وجود پذير امكان اولور ؛ حتى تفكر ك ايلروليه بيله چكي اك صوك حدودك تعين ايدلسي محال واوكا : « ارتق دها ايلري يه كیده مزسك » دنيلمسي ممنوعدر . بوندن زياده نه ايسترز ؟

تصديقانك اقامي . — تصديقات ، يا محكوم عليه (موضوع) ، يا فعله ، يا محكوم به (محمول) نسبتله تصنيف ايديله بيلير .
موضوع برنوعه داخل اولان افرادك كافه سني ويا افراد مذكوره نك برقسمي ويا خود يالكز بر فردی ازانۀ ايديله بيلير : بوسيله (هر انسان فانيدر) قضيه سي كلي ، (بعض انسانلر يالانچيدر) قضيه سي جزئي ، (احمداييدر) قضيه سي شخصيه در .
قضيه نك بوبرنجي تقسيمي « كيت » ه كوره ياليشدر . بوندن باشقه فعل دخی موضوعك محمولني يا ايجاباً ويا سلباً تصديق ايدر : بوسيله مثلاً (انسانلر فانيدر) قضيه سي مريميه و (انسانلر مكمل دكلدر) قضيه سي مالمه در . بونكه برابر تصديقانك بوايكي صورتی آره سنده بر فرق مطلق يوقدر . بر موضوعك محمولني انكار ايتك موضوع ايله محمول بيننده بر عدم مطابقتك وجوديني تصديق ايتكدر : بناءً عليه حكم ايتك هروقت تصديق ايتكدر . — بو تقسيم ده « كيفيت » ه كوره ياليشدر . — بوندن ماعدا ، فعلك موضوع ايله محمول بيننده تأسيس ايتديكي موافقت *convenance* ويا عدم موافقت *disconvenance* يا ضروري *nécessaire* ويا ممكن *contingent* در .
بوجهتله بر خط مستقيمك بر طرفده تشكّل ايدن زاويه لرك مجموعي ايكي زاويه قائمه مه مساويدر كي قضيه لره ضروريه و اسپينوزا *Spinoza* لاهيده وفات ايتشدر ؛ بو يابراق يشيلدر كي قضيه لره ممكنه دينور . بو تقسيم ده « مبرهت *modalité* » ه كوره در .

محموله كانجه بعضاً بسيط بر تحليل ايله بالذات موضوعدن استنباط اولنه بيلير ؛ اوتقديرده تصديق تحليليدر . *analytique* (جناب الله اكملدر . اجسام متحيزدر) كي .
ويا خود او صورتله استخراج ايديله مز و تركيب *synthèses* طريقيله موضوعه علاوه ايديلير ؛ او حالده تصديق تركييدر . (بو جسم صيحا قدر) قضيه سنده اولدني كي .

فی الواقع ، الله تعالی مفهومی تحلیل ایتک اوندن تضمینده بالضروره داخل اولان « اکمل » مفهومی استنباط ایچون کافیدر: زیرا جناب حق آنجق اکمل اوله رق فهم وادراک ایده بیلیرز . بالعکس « جسم » مفهومی نه قدر تحلیل ایتسه ک نافله در، زیرا بومفهومدن حرارت فکرینی استنباط ایده میز؛ زیرا صیجاق اولمایان برجسمی یک اعلا تصور ایده بیلیرز و « حرارت » کله سی جسم تصورنده بالضروره داخل اولمایوب اوکا منضم بولنان بر « کیفیت » . اشارت ایدر . بو تصنیف ایسه « اضافت relation » نقطه نظرندن یاپلشدیر .

تصدیقات تحلیلیه کله سی قبلی *à priori* در یعنی تجربه یه تابع دکلدر . فی الواقع ، مادامکه محمول موضوعه ضمناً داخلدر ، بونک موضوعه عائد اولوب اولمادیغنی آکلامق ایچون تجربه یه مراجعت ایتک فائده سزدر ؛ تصدیقات تحلیلیه تصوراتمیزک مضمونی توسیع و اولری ترکیب ایدن عناصری انتزاع ایلر . بالعکس تصدیقات ترکیبیه بعضی *à posteriori* یعنی تجربه یه تابعدر . مادامکه بسیط بر تحلیل ایه محمولک موضوعدن استخراجی قابل دکلدر ، محمولک موضوعی ایه حقیقه برلشمش اولدیغنی آکلامق ایچون تجربه یه مراجعت ضروریدر . تصدیقات ترکیبیه بزی یالکیز تصورات ذهنیه مزک قارشینسند براقایوب ، خارجده وجود فعلیسی اولان اشیا ایه ده مناسبده بولندیرر .

مع هذا فانت Kant بعض تصدیقاتک هم « ترکیبی » وهم « قبلی » اولدیغنی بیان ایتشدیر : مثلاً « هر حادثه ک بر سببی واردر » قضیه سی بوجه دندر . بوقضیه ده تصدیق ترکیبیدر ، زیرا « حادثه » تصویری نه قدر تحلیل ایتسه ک ایچندن « سبب » تصویری بوله میز . فقط دیگر طرفدن ، بوتصدیق انجق قبلی یعنی بذاته کلی ، و واجب اوله بیلیر ، دائماً جزئی و ممکن اولان تجربه دن نشئت ایده مز . فانتک رأینه کوره بوقیل تصدیقاتک بولماسی ایجاب ایدیور ، زیرا علم هم اشیانک ترتیب فعلیسه متوجه وشامل وهم تجربه یه حاکم بولنان بعض مبادی بی مستلزمدر . بومثالو تصدیقات نه صورته ممکندر ؛ فانتک « تنقید عقل محض Critique de la raison pure » کتابی بوندن باحدر: فانت اومبادینک فکرت انسانیه نک قوانین اصلیه سنه دلالت ایتدیکنی تأیید ایدیور .

اعتقاد la croyance : نظریات متضاده . — حکم ایتک تصدیق ایلکدر ،

فقط تصدیق ایتک اعتقاد ایلکدر . بز برشیئه اعتقاد ایتدیکمز دن دولای تصدیق ایدیور . بناء علیه اعتقاد حقیقه تصدیق رکن اصلیدر . فقط اعتقادک سبی نه دن عبارتدر ؟ بونقطه اوزرنده فکرلر هر وقت اتفاق ایتمه مشدر . ده قارت نه نظراً ذهنک ایشی یالکز فهمدر؛ تصدیق ایسه منحصرأ اراده یه عائددر ؛ ایمی اعتقاد بالذات افکارک تفهمندن حقیقه فرقلی بر فعلدر و طوغریدن طوغری یه اراده یه تابعدر : یعنی تصدیق ایتک اراده ایلکدر؛ اسپینوزا بوکا تماماً مخالف بر نظریه یی ترویج ایله اراده ایله مدرکه آرسنده کی ایکلیکی dualisme الغا ایدیور : یعنی بزم برشیئه تصدیق ایتکلکمز انحق تصورآتمزه کورده اولور ، و بونک ایچون بر فکرک هان قبوله سائق اولماسی ایچون صراحت و قوت لازمه یه مالک اولماسی الویرر دیور . یامغال متوسط بر نظریه تکلیف ایدیور : برشیئه تصدیق ایتکلکمز انحق تصورآتمزه کوره واقع اولمقده ایسه ده ، اراده نکده تصورآتمز اوزرینه بر نفوذ عظیمی اوله بیلیر ، زیرا اراده نظر دقتزی اشیانک فلان ویا فلان نقطه سی ، اسبابک فلان ویا فلان قسمی اوزرینه اماله ایدر ، و بزه باشقه درلو حکم ایتدیره جک اسباب و اوصاف سائر یی اهل ایتدیرر .

نفس الامرده ، یالکز ده قارتک ویا اسپینوزانک ذهابلرندن برینی ترجیح ایتک لازمدر : فکرلریمز نه ایسه لر اوندن عبارتدر ، بوده اراده نک نفوذ و تأثیری ایله ویا هر هانکی باشقه برسبله در ، بوحالده اعتقاده سبب آرامق ایچون بو فکرلردن باشقه برشی آرامغه احتیاج وارمیدر ؟ ایشته اصل مسئله بوندن عبارتدر . عجباً ده قارتک دعوا ایتدیکی کبی ، اعتقاد منحصرأ اراده دن حصوله کله بیلیرمی ، بونی مدافعه ممکن دکدر . بر حقیقی ، اونی آکلامق سزین و تماماً عندی بر صورتده ، وضع ایدن بر اراده ناصل آکلاشیلیر ؟ بر عالم چیقوبده فلان شی وارددر ، و بونک ایچونده منحصرأ بن اونی او یله اراده ایدیورم دیسهیدی ، اونک بوسوزینه اعتماد ایده بیلیرمی ایدک ؟ برشیئه اعتقاد ایتدیکمز وقت ، کوریلورکه ، بودائما اسباب ذهنیه منیدر ، شاید اسباب ذهنیه اولمق سزین ویا بوسبیلر وارده . قیمتلری آزا اولماسنه رغماً برشیئه اعتماد ایتکی نه قدر زیاده ایسته سه ک اودرجه آزا موفق اولمقده یز ؛ « اعتقاد خصوصنده کی هر اراده شبه نک غیر قابل اجتناب برسبیدر . »

عجبا بوندن دولای امینوزا نك نظریه سی ایچون قطعیدر دینه بیلیری ؛ اویله کورنمور. حسابانی نك استحضاراتی بزمکینک عینیدر : بونك. برابر تصدیق ایتیمور، حتی اعتقاددن امتناع ایدیور . بونك کبی هرکون بعض کیمسه لره تصادف ایتیمورمی یز ؛ که کندیلرینه حقیر اولدقلری اثبات ایدلمکه برابر اوکا رغماً اسکی اعتقادلرنده اصرار ایتمکده درلر. والحاصل ، بعض کیمسه لرده کورلیورمی ؛ که عقلک بعض عقائد دینییه ایریشه میه جکنه قائلدر ، اویله ایکن اوعقیده لره صورت مطلقه ده ایمان ایدرلر. بناءً علیه اعتقاده یالکز بعض عناصر ذهنیه نك سبب وعامل اولدینی نه صورتله ادعا ایدیله بیلیر .

اعتقادک بتونه روحیه رفوعی . — احتمالکه ده فارته ی امینوزا ایله معارضه ایتدرمکن زیاده بونلرک تألیف بینته چالش اساسی الزمدر. شبهه سز، بز تصادفه تبعاً تصدیق ایده میز، اول امرده وبالطبع افکار مزه توفیقاً اعتقاد ایدرز، ده طوغریسی اصلنده فکر ، بذاته اعتقاددر : دوشوندی کمز شیئک حقیقته اینامادبیه دوشونه میز. فقط بردفعه ایناندقندن صکره ، اعتقاد مزی محافظه ایتمکه چالشیرز ، افکار سابقه نفس ناطقه مزه نوعاً متصرف ایدر ، ذاتنرک الک درین نقطه لره قدر نفوذ ایلر ، وبعدما اشیا ی نه طورده تفکر وحکم ایده جکمز ی تعیین ایدر. شاید بوفکرلره مناقض بر فکر ظهور ایدر واسکی قناعتلر مزه چارپارسه : بوقناعتلر اونلره قارشی قویار ورد فعل ایدر، خصم فکره قارشو مجادله ایلر، ونهایت غلبه ایده بیلیر، احتمالکه حقیققتدن اویکی فکره نسبتله ده آرز نصیه دار ودها آرز مدلل ایدی. بناءً علیه امر اعتقادده حقیقی برارادمنک دخلی اولدینی ادعا ایدیله بیلیر : بوده اراده نك اعتقادی کیف مایشا حتموله کتیردیکندن طولای اولمایوب بلکه اعتقادی داخل شعورده محافظه واونی برنوع تأیید ایتک ایچون بالذات اعتقادده مربوط اولماسنددر : بردفعه ایناندقندن صکره ، اینانمقده دوام ایتک ایسته نیر، انسان حقیقه کند ی اعتقادنی ایستر. بویله اعتقادده برامر حسینک داخل اولدینی بزه کوسترتر: انسان کند ی اعتقادنی ایستر، یعنی اونی سور ، اوندن خوشالانیلر ، اوندن تشوق اولنور ، اعتقاد قلب مزده عادتاً بریر طوتار . بوندن دولاییدر که ایناندیغمز وقت « بتون روحمز » له ، ناقابل انقسام بر صورتده متحد اولان قوای مغنویه مزک بتون فعالیت ایله اعتقاد ایتدی کمز ی بیان ایتک نمیحددر : اعتقادتمز کندمز قدر بزدن عبارتدر ، اونلره

نفسمزه مربوط اولدیغیز قدر مربوطز : بن نه دییورم : اکثریا اولری نفسمزدن زیاده سورز و کندیلرینی انکار ایتکدن ایسه اولمکی ترجیح ایدرز !

تطبیقات عملیه . — تربیه ذهنیه نك الصغیر . — « ای یاپلش بر قفا ایجه طولدرلمش بر قفادن اولادر » . **مورنی ك بوسوزی بتون** فرانسز علم تربیه اطفالیجه رهبر حرکت اتخاذ ایدلمش کیدر : زیرا بو علم قوه حاکمه نك تربیه سنی ، تربیه ذهنیه نك اک مهم غایه سی عد ایتمکده در . بردهنده هر نوع معلومات چوق اولمش اوقدر اهمیتی یوقدر ؛ خاصه قیمتی اولان شی ، عقلک طوغری ، متین ، اشایی ایجه کورمکه و بونلرک نسبت حقیقه لرینی ادراکه مستعد اولماسیدر ، حتی علمای تربیه قوه حاکمه نك تربیه سنی بو وجهله پک مدح ایدرک کندیلری ده بر حقسمزلقدن قورتیه مامشدر ، یعنی فائده سی آشکار اولان قوه حافظه یه قارشى نانکوراک کوسترمشدر .

فقط اعتراض ایتکه محل یوقدر : کندى باشنه دوشونه بیلیمک و طوغری دوشونمک قدر دکرلی برشی یوقدر . « **پروروآبال** » علماسی حیاتک تشبثات مختلفه سنی حسن نتیجه یه ایصال ایتنه ک ، موفقیته و بالتیجه سعادته مظهریتک اک امین واسطه سی بو اولدیغنی بحق سويلشدر . نفسک جودتنده غیر قابل حساب بر قیمت واردر : وولتره نظر آهر درلو امور دنیویه و عملیه ده مفتاح موفقیت بودر ؛ امین و آجیق بر قوه حاکمه عال العال بر قدرتدر ؛ بخصوص شو زمانده که قوه جسمانیه یرینه قوه ذهنیه قائم اولمشدر ، والحاصل باشقه لرینی قوللانمه نك و خاصه کندى نفسنی اداره نك ای واسطه سی بوقوتدر .

فی الواقع قوه حاکمه ادب و اخلاقیات ایچون قیمتی بر معاوندر . شه سز هر کس بورایده دکلدر . **لوم دییورک** ذهنگ تربیه سی کندى نظرند « **تربیه نك اک جزئی بر قسمیدر .** » ده صولک زمانده **میر** علومک کندوسنه احضار ایده بیلدیکی معلومات مختلفه دن بالاستفاده ، **معارفک instruction** اخلاق نقطه نظرندن فائده سز لکنی اثبات ایتکه چالشه مشدر . **مقراط** عقلی تربیه ایتک قوه اراده یی ده تربیه ایتکدر ، و بر شینصده تربیه ذهنیه بالضروره تهذیب اخلاق ایله مشترک ایلرولر دییه ادعا ایلدیکی و نت پک زیاده آلدانمش ایدی : هر کون پک معلوماتی بعض کورتو کیسه لره و قوه حاکمه لر یرنده اولان بر طاقم جانیره تصادف ایدیلور ؛ تمیز چاسیر و تازه صو نفس ناطقه نك تربیه سندن زیاده ادب

واخلاقیته خدمت ایدر ، حبس-خانه لری طولدیرانلر عمومیتله جاهل لردن زیاده پیسلردر [۱].

سقر اٹک مدعایی مبالغه لی اوله بیلیر : میسر ک کی ده غریب بر دعوا دکلیدر؟ ذهن فضیلتی تولید ایتکه کافی دکلدر؛ بوخصوص ، ذهن هیچ بر شیئه یرامیورمی دیمکدر؟ تربیه ذهنی بالضروره اخلاقی تربیه ایتمز: بوتربیه تهذیب اخلاق ایچون تماماً فائده سزمیدر؟ انسانک وظیفه سنی اجرا ایچون برنجی شرط اوئی طانیقندن واونک نه طرفده بولندیغنی بیلمکدن عبارت دکلیدر؛ شوراسنی اونوتاملیدر: نفس ناطقه بر برینه نظراً یبانهجی بعض بولمه لره آیرلمش اولمایوب قوای نفسیه بر برینه قویاً مربوط وضامندر، بونلردن برینه پاییلان شیئک دیکرلری اوزرینه برانعکاس طبعیسی وارددر. بناء علیه «تدریسک» «تربیه» اوزرینه اجرا ایتدیکی تأثیر عظیمی اثبات ایتک قولایدر. ذهن ، وجدانی اینجه لشدیرر ، بصیرتی آرتدیرر ، اوکا خیرک اشکال جدیده سنی ادراک ایتدیرر ، کندیسنی یکی وظیفه لردن خبردار ایدر. افراد حقنده صحیح اولان بو حال اقوام حقنده ده عیجدر؛ امور اخلاقیه ومعنویه ده حصوله کلن تریات هروقت ذهنک تمیه سندن ناشیدر. وقته باشقه برنسلک خاطرندن کچیره مش اولدیغنی فضائل شیمدی بر نسله انوار تأمل سایه سنده سانکه منکشف اولشددر. بوندن باشقه ذهن توسع ایتدکجه قلبی توسیع ایدر ، مالک اولدیغمز احتیاساتی تصفیه ایلر ، قلبمزه یکی محبتلر اوایندیرر ، عرفان و معلوماًمز آرتدکجه نوع بنی بشرله اولان روابطمزی ده ازیاده حس ایدرز، سانکه قلبمز بتون جهانی احاطه ایده جک صورتده ده ازیاده وسعت کسب ایلر.

بو حیثیتله ذهن تعطف وعدالتک آلت طبعیه سی مقامنده در: مرحمته ملک ایچون دیکر لرینک فلاکتی آکلامق لازمدر: اونلرک حقوقه رعایت ایتک ایچون حقوق حقنده بر فکر ایدنک اقتضا ایدر. تربیه علمیه بزده کلی l'universel حسنی تمیه ایده رک، و بزده حق کندی ذاتی ایچون سودیره رک، حسیلکی ده تعلیم ایدر، بزده اوصاف بر حیات فکریه یه نفوذ ایتدیرر، بزده نظام وقانوندن خیر ایده رک، خالق تعالی حضر تلرینه طوغریدن طوغری یه ربط ایلر. تربیه ادبیه ایسه بزده انسانلرک نفوس عالیه سیله

[۱] بتون عادات اسلامیه نک باشلانغی طهارت اولدیغنی دوشونه لم ... (مترجم)

مناسبتند بولندیرر . مخلص آثار ایله تماس ایتدیرر ، حسیات عظیمه ، افعال نجیه ایله اختلاط ایتدیرر ، سجه‌نک تشکلی و روحک تعالیسی ایچون برکتلی تخملر آتمش اولور . والحاصل هر ایکسی‌ده فسحت آباد کائناتده انسانک حائر اولدینی موقع حقیقی، مکلف اولدینی وظیفه‌ی اوکره‌درلر ، بوجله مکلفیتیزی نه صورتله ایفا ایتدیکمیزی تقدیر ایلمکلمزه مدار اولورلر ، یعنی تربیه علمی و تربیه ادبیه بزی نفسزدن خیر ایدر و کندی حقیقی اولچومزه کندیمیزی تقدیر ایتکی بزه اوکره‌دیر .

ایمدی برصورت عمومیه‌ده ، معارفک تربیه اوزرنده کی نفوذی ناقابل انکاردر . فضله اوله‌رق ، ذهنک تمیه‌سی حقیقهٴ تربیهٴ اخلاقیه‌نک بر قسیدر دنیه‌مزمی ؟

یا فقال شو کوزل سوزلرینی تخطر ایدم : انسان برقامشدن باشقه برشی دکلدر ، دیمک طبیعتک الضعیف برشیئی ، فقط دوشوئیجی بر قامشدر . . . بزم بتون وقع و حیثیتیز تفکردن عبارتدر ، او یله ایسه کوزل دوشونمکه چالیشم : فی الواقع بزی مخلوقات سائرته‌نک کافه‌سی اوزرینه فوق‌الحد اعلایدن تفکردر ، تفوقیزک نشانه‌سی اودر . بناءً علیه ذهنیز نه قدر زیاده واسع و نه درجه کوتلی اولورسه ، اودرجه زیاده انسانز ، او قدر ده فضله قانونمزه توفیق حرکت ایدررز .

قوهٴ هاکمه‌نک بررپرسی وارمیدر ؟ . — مر بیلرک بتون اهتمامی قوهٴ حاکمه‌ی تمیه‌یه مصروف اولمالیدر . فقط اونلرک مداخله ایتسنه حقیقهٴ حاجت وارمیدر ؟

ده‌فارت « عقل سلیم دنیاده الک ای تقسیم ایدلش اولان برشیدر » دیمه‌شمیدر ؛ مومی‌ایله ، بونی اثبات ایدن شی ، هر کسک کندی عتائی بکنوب اوندن فضله‌سنی تمنی ایتماسیدر دیمشدر . لار و مفوقو دخی بوقیلدن اوللق اوزره ، هرکس حافظه‌سندن شکایت ایدرسده هیچ بر کیسه قوهٴ حاکمه‌سندن شکایت ایتیز دیور . فقط هیچ بر کیسه‌نک کندی قوهٴ حاکمه‌سندن شکایت ایتماسی بلکه‌ده عزت نفسندن ویا غرورندن ناشی اولدینی کبی هیچ کیسه‌نک مالک اولدینی قوهٴ حاکمه‌نک فضله‌سنی تمنی ایتماسی‌ده احتمالکه قوهٴ حاکمه‌سنده کی نقصاندن دولاییدر . بر کیسه‌نک قوهٴ حاکمه‌سنده نقصان اولدینی آکلاماسی ایچون اوکا مالک اولماسی لازمدر . « پروردآبال » هیدر ده‌فارت مخالف

اوله‌رق، قوهٔ حاکمه‌نک، یعنی ذهنک بومزیت مستحسنة سنک، نادر برصفت اولدیغنی تصدیق ایده بیله جک‌لرینی ظن ایدیورلر : « هر یرده یالکز بعض باطل فکرلره تصادف اولوزور ؛ هروقت ناقابل تحمل بر مناسبتسزلک یوقدرکه اونو قبول و تصدیق ایده جک آدم‌لر بولماسون ». مع مافیه ده قارت ایله بورورآبال آرده‌سنده کی اختلاف ظاهریدر. اولردن بری عقلک حد ذاتنده هرکسده متحدوهرکسده متساویاً اینی اولدیغنی بحق بیان ایدیور ؛ دیکرلری ده انسانلرک اکثریا عقلی پک فنا قوللاندقلرینی بیان ایتکده حقسز دکلردر : بالذات ده قارت دخی « اینی بر عقله مالک اولمانک کافی اولمایوب اقدم اولان اولنک حسن تطیق ایدلمسندن عبارت بولندیغنی » تسلیم ایدیور .

قوهٔ حاکمه‌نک تربیه‌سی لزومی . — اویایه‌ایسه مر بیلرک مداخله ایتیمی لازمدر . بونک ایچون اولا چوجقده قوهٔ حاکمه‌نی اویاندرمق وتنبیه ایتک لازمدر . چوجق اکثریا امنیت وصفوت قلبی سبیلله آناو باباسنک ویامعلملرینک سویلدکاری هرشیء قبول ایدر . صافدلانه اولان بو حسن ظنک شه‌سز بعض فائده‌لری واردر ، زیرا بو حسن ظن اولماسه هیچ برتربیه ممکن اولمازدی ؛ دیکر طرفدن عجله مناقشه‌یه آماده بر چوجق چکلمز . بونکله برابر چوجقنک هروقت غیرک رایلریله اکتفا ایتهمسیده اقتضایدیر . نیجه خرافات واردرکه چوجقنلرک عننده بریدیه ایش کی معتبر وسندصایایر ، حال بوکه بونلرک اسکیلکلرندن باشقه هیچ برمزیتلری یوقدر . بناءً علیه چوجقنک دها کوچک یاشنده کندیلکندن دوشونمکه ، اشیا حقنده بعدالتأمل بر فکر حاصل ایتمکه آلدیرلمسی مناسبدر . شه‌سز بوقولای دکلدر . چوجق ، عمومیت اوزره طبعاً چکینکن اولور : کندیسندن برشیء صورولدیغنی وقت جواب ویرمکه جسارت ایتز ؛ ندوشوندیکی سؤال ایدلسه صقیایر وایشک ایچندن صیرلوق ایچون بیلیم‌ورم‌دیه جواب ویرر . بوسبیلله کندیسنک میل وتوجهنی قزانغنی ، کندیسنی راحت براقبتی ، قونوشد برغنی بیلیمک ایجاب ایدر . بالخاصه جوابنده برخطا ایتش ایسه طارلمالی ، کندیسيله اکنمکدن قطعاً صاقمالیدر . بالعکس الک مناسبتسز جوابلرنده بیله برشیء بولمالی ، بر اینجه‌لک کورملی ، اوکا بروضوح افاضه ایتلیدر : بتدبیرله محقق غیرته‌کلیر وشخصی تبعاعنه باشلار : آرتق کندنی برآز عالم ظن ایدرک دها زیاده اولمغه چالشیر .

قوهٔ هاکمک نك تربیعی : استعداد تقصیر — فقط ، چوجقده قوهٔ حاکمه‌ی تنیه ایتمکه برابر ، کندیسینی جدیدته مألوف ایتلیدر . چوجق طبیعهٔ قورقاق ایسه ، دها زیاده شاشقین اولور . یاشی کماله کلمش برکیمسه ده ، فکر ایله حکم بپننده آزچوق اوزون بر فاصله بولنه بیلیر ، زیر اکندینه متصرف اولان مفکره ، الزم اولان مدتیجه تصوری نظر امعان اوکنده بولندرمغه ، وبوجله بیلهرک تصدیق ایتمکه مقتدردر . چوجقده بو « نهی ذهنی » ملکه‌سی یوقدر ، حکم دها ایلاک کورینشک الجاسیله صادر اولور . اکثریا چوجق لک محبتنی قازاندقدن ، وکندیله خورشاندقلری حال ابکمیتدن چیقاردقدن صکره ، آرتق نه قدر سؤال سورلسه بیتلمز وهپسی اونلره جواب ویرمک ایستر . اونلری تأمله ، تبعه ، بیلدکلری شیلری استقامتله قوللانمغه آلدیرملی یز .

دوقارت ک اصولنده کی برنجی قاعده‌ی اونلره تطبیق ایتدیرملی دکلیدر : « حق اولدینگی بداههٔ معلوم اولمایان هیچ بر شینی حق اولدرف اصلا قبول ایتمه‌ملیدر . چوجنی حکمنی تعلیقّه یعنی حکمنی تأمل ایتمکه آلدیرملی یز ؛ اونی شبهه‌یه مألوف ایده‌لم ، فقط سویلکه لزوم یوق که حسابیه‌نک شبهه‌سنه دکل ، زیرا حسابیه‌نک شبهه‌سی اونلرک مساکی ایجابندن برشبه‌درکه هر حقیقی انکارندن عبارتدر ، بزم توصیه ایتدیکنز شبهه ایسه موقت بر آن ایچون اولوب مقصدی همان زائل اولمقدر ، بویله برشبهه حقیقتک وجودینه اعتقاددن و اوکا مالکیت امل سدیدن منبئدر . چوجق هر شیده حق بولق مشکل اولدینگی ، علمده ظواهر ایله حقایقک اکثریا متباین بولندینگی ، ایشیدیلن سوزلره ویا کتابلرده اوقونان شیلره هر وقت علی‌العمیا اینانلامسی ایجاب ایتدیکنی وعلی‌الاکثر نیت حقیقه‌ی ویا حریت عیجیه‌ی تمیز ایچون اوزون اوزادی‌یه استبصار و تفکرده بولنقی ایجاب ایلدیکنی اوکره نیرسه بونده نه‌فالتی اوله بیلیر ؟ بوتدیرله اونی قولایجه آلدانمقدن منع ایتش ، وبرچوق اوهامدن محافظه ایتش اولمازمی یز ؟

قوهٔ هاکمک نك تربیعی : — برده شوکا دقت ایدلملیدرکه : قوهٔ حاکمه ایچون آری تربیه یوقدر : بتون تعلیملر ، بتون مطالعات ، نه‌درجه مختلف اولورسه اولسون ، اوکا خدمت ایده بیلرلر . بتون تدریسات قوهٔ حاکمه ایچون اونی یموشادان ، اونی آلدیران برژیمناستیق واونی تقویه وتشکیل ایدن برغدا مثابه‌سند اولمالیدر :

هیچ بر تدریسات یوقدر که عینی زمانده مفکره نك تربیه سنده خادم اولماسون . ذاتاً تدریساتك هر قسمی ذهنه معین بر مرزی دیها خصوصی بر صورتده افاضه ایده بیلیر: علوم ریاضیه ذهنه قطعیت، وضوح و صراحت اعتیادلرینی ویرر؛ علوم طبیعت ذهنی تهذیب ایلله احتیاطه و اعتداله سوق ایدر؛ علوم ادبیه ذهنی تأمل و مناقشه امله ایلله نفوذ نظر و اینجه لکنی آرتدیرر. بو صورتله چوجق مکتبدن چیقیدینی وقت معارفك ابتدائی تملی مثابه سنده اولان معلوماتی حائر اولدقن باشقه، متادیاً تکمل ایتك وقوای نفسیه سنی هر وقت حسن صورتله استعمال ایلک ایچون الزم اولان آله دخی مالک اولمش اولور.

۲

استدلال: ماهیتی، فهمندی. — تصدیقاتدن بالطبع استدلاله کچوروز. نفس الامرده، بو ایکی فعل یکدیگرندن آیرلماز. بر حکم منفردده بولنماز نادرده؛ تصدیقمز هر وقت کندیسندن اقدم اولان باشقه حکملره مربوط اولدینی کبی کندیسندن صکره کله جک تصدیقاتی دخی تهیه ایدر: تکلمده اودرجه کثیرالاستعمال اولان «ایمدی»، «بناء علیه»، «فی الواقع» کبی اداتلر بونی کوستریور: بوسور دیور، بو اداتلر استدلالک حقیقی نشانه سیدر.

استدلال دیمک، انتقال ایتك، باشقه برشیدن دیکر برشیئ استنتاج، اقدجه ایدیلن حقایقک یاردیمی ایلکی بر حقیقت استخراج ایلکدن عبارتدر. معلوماتز ایکی مقوله یه آیریلیر: بر قسمی «فهمی intuitives» در یعنی بلا واسطه ایدیلیر: بونلر نفس ناطقه نك طوغربدن طوغری یه مکاشفاتی کیدر؛ دیکر لری «نظری discursives» در [۱] یعنی مفکره نك آز چوق اوزون بر همته واستحصالی بعض واسطه لره وابسته در. احوالده ذهن پك کنیش اولان بر ایرمانی بر صیچرایشده کچه مدیکندن بر چوق آتلایشلره قارشی یاقایه کچه بیلیمک ایچون بعض طاشلر قویغمه مجبور اولان بر آدمه بکزر. ایشه استدلال اصل معنا سنجه معلومات نظریه نك connaissances

[۱] اصطلاح انجمنده بوکا معنی دینلمشدر. فقط استعمال سلفه کوره نظری دیمک مر جعدر. تحدسی معلوماته ینه استعمال سلفه کوره «حضور» دیمکی نعیم بک افندی ترجیح ایدیور.

discursives هیئت مجموعه سیدر . فی الواقع استدلال سایه سنده نفس ناطقه بر حقیقتدن هنوز مجهول اولان باشقه بر حقیقه انتقال ایده بیلیر ، حائر اولدیغی معلوماتک معاونتله یکی بر چوق معلومات استحصال ، وبصورتله حدود علمی الی ما یتهی توسیع ایله بیلیر . بوندن باشقه استدلال یالکز بعض حقایق جدیدنک کشفنه مدار اولقله قالمایوب ، متصرف اولدیغیزی ظن ایتدیکمز حقیقتلری ده اثبات ایدر ؛ هنوز مبهم اولان حقیقتلری ایضاح ایلر ؛ فی الواقع اثبات وایضاح ایتک دیمک ، حقیقتلرک بر برلرله اولان نسب معقوله سنی کوسترمک ، بونلرک بعضیلرینی دیگر بعضیلرینه تابعیت منطقیه لرنده کی صیره یه کوره ربط ایتک ، بعضلرنده کی آیدینقله دیگرلرینی آیدینلا تمقدن عبارتدر : ایشه استدلال بودر .

معرفت نظریه و معرفت تحدسیه . — بونکله برابر معرفت نظریه ایله معرفت تحدسیه آره سنده کی اختلافی اعظام ایتمه ملیدر . نفس ناطقه نک معرفت اشیا خصوصنده ، یالنهاییه او شیلری کورمکدن باشقه بر یولی یوقدر . استدلال بر سلسله تحدساتدن باشقه برشی اوله ماز ؛ بر حقیقتی باشقه بر حقیقه ربط ایتک ایچون ایکسی آره سنده بعض حد اوسطلر قومق ضرورتی واردر که بوحد اوسطلر یالکز ذاتلری اعتباریه دکل نسب متقابله لرنده دخی تحدسله بیله جک شیلردر : یعنی بو اومقسنزین تفکر یا بالضروره سکتیه توقفه دوشر ، غیر ثابت بر نتیجه منجر اولور : اوله ایسه استدلال ایتک هر وقت کورمک و کورمش اولدیغنی تذکر ایتدکر .

استدلالک صور واسطی . — استدلال ایکی مختلفه شکلده عرض وجود ایدر . فی الواقع ، بعضاً ، اول امرده بزجه معلوم اولان شی بر حقیقت عمومیه دن عبارت اولوب نفس ناطقه اوندن ده خصوصی اولان بر حقیقتی استخراج ایلر : ایشه تعلیل déduction بوندن عبارتدر . مثلاً « هر جسم حرارتله انبساط ایدر » قضیه سندن ، المده طو تدیغم باقردن یووارلاغک قیز دیر رسم انبساط ایده جکنی استنباط ایده بیلیرم . بعضاً اولدن بیلدیکمز شی بر حقیقت کلیه قدر صعود ایدر : استقراء induction دیدیکمز بودر . مثلاً کندی حالده ترک ایدیلن بر طاشک ، بر آغاچ پارچه سنک ، بر کتابک یره دوشدیکنی مشاهده ایدرم . بوندن شو قضیه عمومیه یی استخراج ایدرم : « علی حاله بر اقیلان هر جسم سقوط ایدر . »

مزید به جزئی به انتقال . — بونکله برابر ، انگلیز مکتبته نظراً ، ده‌ها ابتدائی ، ده‌ها بسیط و تحلیل ایله استقرا کندیسنه راجع اوچنچی بر شکل استدلالی قبول ایتک لازم کلیور که بوشکل « جزئیدن جزئی به انتقال » در . مثلاً پارمنی بر مومک آلوده بردفعه یا نمش اولان چو جوق بعدما الی آتسه یا فلاشدر مقدر چکنیر : بوده استدلال ایتدیکندن ناشیدر ؛ فقط یالکز بر حال جزئیدن دیگر بر حال جزئی بی استنتاج ایدیور . استدلالک بوشکلی حیوانده دخی کورینیور : مثلاً کوپک بردفعه دوکلدکن صکره صاحبک دکنکی اوزرینه قالدیردیغنی کورونجه قاچار .

فقط استوارت میل ک « استدلال » نامنی ویردیکی شی نهایت الامر ، بر تدائی افکاردر ، که بونلردخی اکثریا الی منطق استدلالک ویردیکی نتایج عملیه ک عینی ویردیلیلر . بو وسیله ایله رینج ایله برابر « صور محسوسه ک تعاقب بسیطی اکثریا عقلی تقلید ایدر » سوزنی تکرار ایده یلیلر . فقط انتقال حقیقی انجق مفکره ک تعاقب سابق ایلرکی بر تعاقب ایچون دلیل اتخاذ ایتدیکی ، یعنی بوکا بر تصادف دکل بلکه بر قانون دائمی و عمومینک بینه سی نظریه باقدیغنی وقت واردر .

نفس الامرده « جزئیدن جزئی به استدلال » استوارت میل ک ظن و تخمین ایلدیکندن ده‌ها آز بسیطدر . بو ، کندیسنی بر تعلیل تعقیب ایدن بر استقراءدر . مثلاً بر آلوده بر یرم یاندی : بن در حال کندی حسابمه هر آلوک یاقیغی اولدیغنی استقرا ایدرم ؛ صکره برنجی آلودن تماماً فرقلی اولان دیگر خصوصی بر آلو کوررسم : بونکده بنی یاقه جغنی بالطبع اوندن تعلیل ایدرم . خلاصه استدلالک ایکی صورتی واردر : تعلیل و استقراء .

تعلیل : ممانیزم سی . — تعلیل اولیه بر عملیه در که نفس ناطقه اونکله بر قضیه عمومیه دن بر قضیه خصوصیه ویا ده‌ها آز عمومی اولان باشقه بر قضیه به انتقال ایدر . تعلیلک غایه سی هر وقت بر سواله جواب ویرمکدر . مدعایر قضیه آتیه اولسون : « تاریخ فائده لی میدر ؟ » اول امرده ایکی حده مطابقت ویا عدم مطابقت بولندیغنی کورمیورم ، ایشته منحصرأ بونسبتی ادراک ایتک ایچون بر تعلیله مراجعت ایدرم . بو مقصده وصول ایچون بنده یالکز برواسطه واردر : اولکی ایکی حده توافق ایدن و بونلرک بر برینه توافق ایتدیکنی تصدیقه مساعد اولان اوچنچی بر حد بولمقلم

ایجاب ایدر . تعلیلک بتون مهارتی ، واعتراف ایتملی ، بتون مشکلاتی ، و بونک کی برکتی بوحد اوسطک کشفندن عبارتدر . [۱] ایدمی سؤالمزده کی « تاریخ » کلمه‌سی بنده بر جوق افکار مختلفه اویاندریر ؛ علی‌الخصوص « علم » فکرینی اویاندره بیلیر : فی‌الواقع تاریخک بر « علم » اولدیغنی بیله بیلیرم : ایشه حد اوسطی بولدق . هانکیسی اولورسه اولسون هر علمک انسان ایچون بعض فواید ماده ومعنویه‌سی اولدیغنی یا بیلیرم و یا بیلیمورسه‌م بیلیمکه موفق اوله بیلیرم . بونک اوزرینه شواکی قضیه‌یی وضع ایده بیلیرم :

هر علم فایده بیلیر

تاریخ بر علمدر

فقط اوراده توقف ایدلمسی کافی دکلدرد : بو ایکی حقیقتی اونلردن بزم ایچون یکی بر حقیقت چقمق‌مق‌سزین الی‌الابد تکرار ایده بیلیرز . بو ایکی قضیه‌ده ، دعوانک حدلرینی حد اوسطه ، ربط ایدن نسبت مضاعفه آراسندن نفس ناطقه‌ک بالذات دعوانک حدلری آره‌سنده یکی بر نسبت استنباط ایلمسی اقتضا ایدر : ایشه یالکز اووقت دعوانی حل ایدن شوقضیه‌یی وضع ایده بیلیر :

تاریخ فایده بیلیر .

بناءً علیه نتیجه اولجه وضع واثبات ایدلمش اولان قضیه‌لرک ترکیب عقلی‌سندن حاصل اولور : شبهه‌سز شو قضیه‌لر اوترکیبک شرائط ضروریه‌سیدر ، فقط بو ترکیبی بزم ایچون یا بمقوله مکلف دکلدردلر ؛ بو باده مفکره‌ک بتون هنر و مهارتی مقتضیدر .

تعلیلک ارفائی : هر لـ les termes ، قضیه‌لـ les propositions ، قیاسـ le syl-logisme — بو صورتله ، تعلیل لاقلاً ایکیشر ایکیشر مرتب اوچ حددن ترکیب ایدر . « حد اکبر le grand terme » اک زیاده شمولی اولان حددر ؛ حد

[۱] قیاس ، برقیق و ده‌فارت ک ظن‌ایتدیکاری کی عقیم دکلدرد : زیرا حد اوسطک کشفی اکثریا اوزون و مشکل تبعاته وابسته‌در . تعلیلک ثمراتی انکار ایچون ، ریاضیاده ایفا ایتدیکی خدمت‌لری طایمقی لازم کلیردی .

اکبر هر وقت نتیجه‌نک محمولدر . « حد اصغر le petit terme » علی‌الاکثر اک از شمولی حائزدر . بوحد دخی هر وقت نتیجه‌نک موضوعیدر . بونلرک ایکسی بردن نظر اعتباره آندقدہ ، « طرفین les extrêmes » ی تشکیل ایدرلر . « حد اوسط le moyen terme » حدا کبردن دها کوچک ، حد اصغردن دها بیوک « متوسط » بر شمولی حائزدر ؛ بوحد هر وقت برحددن دیکرینه کچمک ایچون الزم بر متوسطدر . بناءً علیه تعلیل حد اوسطک حدا کبره داخل اولدیغی ، تعبیر آخرله اوکا توافق ایلدیکنی کوسترر .

شواوچ حد ایکشیرایکیشر ترتیب ایدیلنجه اوچ قضیه تولید ایدرلر : بوقضیه لرک ایلک ایکسینه « مقدمه prémisses » ، اوچنجیسنه « نتیجه conclusion » دینور . مقدمه لرک بری « کبری majeur » در ، زیرا حدا اکبری محتویدر ، دیکری « صغری mineur » در . زیرا حد اصغر اوکا داخلدر : صغرا و کبرانک هر برنده ایسه حد اوسط بولنور . نتیجه دخی ، طرفینک تقریندن متشکلدر . تعلیلک بو شکل بسیطی « قیاس syllogisme » نامنی آلیر . قیاسک قاعده سنی برنجی اوله رق تمهید ایتش اولان آرسطو اونی شویله تعریف ایتشددر : « قیاس قضیه لردن مرکب بر دلیلدرکه هر نه وقت او قضیه لر تسلیم اولنورسه آندن بالذات دیکر بر قضیه لازم کایر . » تعبیر آخرله قیاس اویله اوچ قضیه نک ترکیبندن عبارتدرکه اوچنجی قضیه اولکی ایکی قضیه نک نتیجه ضروریه سیدر .


قیاسک مبدئی . — قیاس ، یعنی نتیجه‌نک مشروعیتی هانکی مبدئه مستنددر ؟

قرنیه **تعلیلک** $a = b$ ؛ $b = c$ ؛ او حالده $a = c$ افاده جبریسه منجر اولماسنی ایسته یور . او تقدیرده قیاسک مبدئی شو اولق لازم کلیردی : « اوچنجی برکیمه مساوی اولان ایکی کیمت بربرینه مساوی اولور . » ، بوقاعده ایسه مبدأ اتحادک بر نتیجه سندن باشقه برشی دکلددر [۱] . شهسز ، مختلف حدلری یکدیکرینه تماماً مساوی اولان ، بناءً علیه بربرلرینک مقامنه قائم اوله بیلن ، علوم ریاضیه مختص ، کیمته عائد قیاسلرده بو طوغریدر . فقط حدلری شمول واحدی حائز اولماقدن باشقه ، بربرلرینه تابع اولان کیفیته عائد قیاسات عادیده آرتق بو ممکن دکلددر ، [۱] چونکه مساوات کیمت نقطه نظرندن عینیتدر .

او تقدیرده قیاسك مبدئی *اقولوسیتك* علماسنك *ارسطو* دن بالاستعاره بیان ایتمش اولدقلری شوقاعدهدر: «جنس ایچون صحیح اولان شی بوجنسك محویسی اولان هر نوع ایچون صحیحدر» بوقاعده دخی مبدأ *عینیتك* بر نتیجه سیدر، چونکه جنسه کندی انوانك مجموعیه متحد نظریله باقیله بیلیر. «تاریخ» «علم» جنسنده بر نوعدر، فقط «فائده لی» تعیری علی الخصوص بوجنس حقدده طوغریدر، بناء علیه نفس ناطقه «فائده لی» تعیرینك «تاریخ» حقدده ده طوغری اولدیغنی تصدیق ایدیه بیلیر: حتی کندی کندی نی نفی ایتدیکجه باشقه بر شی تصدیق ایدیه مز. ایسترسه کز، «علم» «فائده لی» جنسنه داخل بر نوعدر، فقط بالمقابل «تاریخ» «علم» نوعی ایچنده بر نوعدر؛ ایدی «تاریخ» «فائده لی» جنسی ایچنده بر نوعدر: بر جنسك نوئنك نوعی او جنسك نوعدر [۱]. یاخود «فائده لی» «علم» ك بر محمولیدر، دیگر طرفدن «علم» «تاریخ» ك بر محمولیدر: اویله ایسه «فائده لی» صفتی «تاریخ» كده بر محمولیدر، زیرا محمولك محمول برنجیسی کندیسنك محمولی اولانك محمولیدر.

تعلیلک وظیفه سی. — تعلیل بالجمله علومده بیوک بر خدمت ایفا ایتمکدهدر. علوم ریاضیه کبی، اولردن بعضری شیمدی تماماً تعلیلیدر: ریاضیاتده، نفس ناطقه بعض قبل *à priori* مبدألری، متعارفه لری، تعریفلری اثبات ایتمکه اکتفا ایدر، بوندن ده بر انکشاف متادی ایله بتون علم چقار. «برهانه» تعلیلک بر شکل خصوصیسیدر؛ اورتایه چقان هر یکی دعوا حقایق معلومه ارجاع ایدلک، تعیر آخرله بو حقایقندن تعلیل اولنه بیلیمک شرطی ایله انجق اثبات ایدیله بیلیر. ده قارت اویله ظن ایتمش اولغله برابر، شبهه سز کائنات مادیه یالکز استدلال

[۱] أولر Euler مسئله ده زیاده شمول نقطه نظرندن باقارق قیاسك ضروب مختلفه سی



خط ایله ترسیم ایتشد. مثلاً مثلث شکل آتی ایله تصویر اولنه بیلیر بونده اوچ حد مختلف جسامتده برر دائره ایله کوسه ترلشد؛ بوحالده قیاسك مبدئی شوبله افاده اولنه بیلیر: محوینك محویسی حاوینك ایچنده مویدر. ره نوویه Renouvier نك منطقنه باقکیز.

قوتی ایله فیهی اوله رق انشا ایدیله مز؛ بونکله برابر طبیعتدن باحث علمله دخی تعلیل بر صورت مؤثره و نافعده مداخله ایدر . تعلیل ، نتایجی بالتجربه استخراج و تحقیق ایدلمش اولان فرضیهی اثبات ایدر ، استقراً ایله کشف ایدلمش اولان قانونلری ده ا عمومی قانونلرک حالات خصوصیه سندن عبارت اولدقلرینی اثبات ایدرک ، ایضاح ایلر ؛ قانوندن متحمل و مساعد اولدینی تطبیقاتک کافه سنی چیقاریر ، بالقوه احتوا ایندیکی مضمونی استنباط ایلر ؛ و بزه برطاقم یکی قانونلرک ایزینی بولدریر ، و الحاصل بر جوق حقیقتلری تجربه ایله تفتیش و معاینه ایدلمه دن اول حساباته و استدالات ریاضیه مدیوز . [۱] علوم طبیعت نه درجه ترقی ایدر لرسه ، تعلیله اودرجه بر اهمیت ویرلر : فیزیکک بعض اقسامی تماماً ریاضی اولمشدر : نفس ناطقه نک تجربه کرهاً مراجعت ایندیکی وعادتا اوندن برآن اول واز کچمک ایستدیکی کورلمکده در . علوم اخلاقیه بیله دائماً تعلیلی استقرا ایله برلشدر مکده در : مبادی دهنیهی اعداد ایله اونلرک حقایق خارجه ساحه سنده تطبیق ایدلمک اوزره نتیجه لرینی استنباط ایدن تعلیلدر . نهایت شوراسنی ده علاوه ایتلیدر که ذهنلری یتشمش کیمسه لر ایله اشتغال اولندینی وقت تعلیل طریق تدریسک اک مکملیدر ، زیرا حقیقتلرک تسلسلی اثبات و هر علمی منطقی و طوبلی برکل حالنده تشکیل اونک شانیدر .

تعلیلک فیهی . — تعلیلک قیعتی نه دن عبارتدر ؟ بوسؤال ایکی صورته تلقی ایدیله بیلیر : اولاً تعلیل بزه حقیقتی ویره بیلیرمی ؟ ایکنجیسی تعلیل طوغری بر عملیه میدر ؟ بدیهیدر که واسطه تعلیل ایله یالکز بر حقیقت مشروطه الده ایده بیلیرز : نتیجه نک صادق اولماسی ایچون اونی تولید ایدن مقدمه لک صادق اولماسی ایجاب ایدر : بوشروط اولمازسه نتیجه منطقاً استخراج اولنه بیلیر ، فقط ماده باطل اولور . ایشته اسقولاستیکجیلرک خطاسی بوایدی ، زیرا اونلر قیاسک باشلی باشنه حقیقتی انتاج ایده جکنی ظن ایدر لر دی ، بوقیاسه اساس اولان مقدمه لک قیمتی اولجه تقدیره لزوم کورمز لر دی : حال بوکه حقه انحق حقدن باشلا یه رق ایریشیله بیلیر [۲] بناء علیه

[۱] تفصیلات ایچون رایینک منطقنه باقکز .

[۲] اسقولاستیک علماسی وقتیه ارسطونک عباره لرینی وضع ایندیکی مبادی بی ، بونلرک قیعتلری نه اولدینی آراشدرمقیزین ، مقدمه قیاس اتخاذ ایدر لر دی .

ریاضیه قضیه لرینی ترکیب ایدن ، وصحتلری طوغریدن طوغری به ضروری اولان تصدیقات قیلندن اوله رق ، بومبادی ، نفس ناطقه جانبدن قبی بر صوته مسلم اولمادجه ، تعلیل حقایق عمومیه بی تبه ایدن دیگر برطریقہ معلق اولور ، اوحقایقندن دخی بالاخره نفس ناطقه ، دها خصوصی یکی برطاقم حقیقتلری استنباط ایلر .

کری به دها مهم دیگر سوال قالیور : تعلیل طوغری بر عملیه میدر ؟ استوارت میل ک اعتراض ایتدیکی بودر . مشاهیر منطقیندن اولان میل نظر آ قیاس اکثریا اوندن قصد اولنان معنا اعتباریله ، برتکراردن ویا برمصادره علی المطلبودن باشقه برشی دکلدرد. اثبات ایدیله جک قضیه شوا ولسون : « دوق عوولینفتون wellington فانیدر » ؟ بونی اثبات ایتک ایچون « اولا هر انسان فانیدر » مقدمه سی ایراد اولتور . فقط بونده ایکی شق واردر . یا انسان اولان عوولینفتورمه ک فانی اولدینی شهبه لیدر ؛ اوحالده نه حق ایله « هر انسان فانیدر » کبراسنی تسلیم ایتلی و بونک سختی ادعا و مدافعه ایلیدر ؟ ادعا اولنان نتیجه به متجاوز اولان شک بالضروره بالذات بومقدمه یه ده شاملدر ، قضیه خصوصیه نک صحتی ایسه قضیه عمومیه نک صحتی ایچون الزمدر : بوصورتله کبری نتیجه بی اثبات ایده مدکدن باشقه ، بالعکس نتیجه کبرانی اثبات ایلور . بوتقدیرده قیاس بر مصادره علی المطلبودر . زیرا اصل اثبات ایدلمسی لازم کلن شیدن باشلا یور . ویا خود انسان اولان عوولینفتورمه ک فانی اولدینی معلومدر و بوقضیه خصوصیه « هر انسان فانیدر » قضیه عمومیه سندن محقق اوله رق معلومدر : فقط او یله ایسه استدلال ایتک زحمتی نه به یارار ؟ ذاتاً معلوم اولان بر شیئی تکرار بولمقدن باشقه برشی یاپیلیورمی ، استدلال فائده سز بر تکراردن عبارت اولمازمی ؟

شوراسی اعتراف ایدمیلیدر که : انکلیز منطقچیسنک مطلقاً حق اولوردی ، اکر ادعا ایتدیکی کی کبری تجربه نک کوستردیکی حالات خصوصیه نک هیئت مجموعه سندن واولجه مدرک واقعات مختلفه نک عادی بر « مسجل garde-notes » ندن عبارت اولسه یدی ؛ فی الواقع اوحالده بدیهیدر که کبرانی بتون حالات خصوصیه بی بتردکدن صکره ، تسلیم ایتک جائز اولوردی ، و نتیجه بالذات کبرانک صحتی ایچون الزم اولان اوحالات خصوصیه دن بری اولوردی . فقط ایشته بو حال واقع اولما یور ، بویسه قیاسی قورتارییور .

«هر انسان فانیدر» قضیه سنی تصدیق ایتک ایچون صورت خصوصیه ده هر شخصک فانی اولدیغنی تحقیق و مشاهدیه حاجت اولمایوب بر قاچ آدمک اولدیکنی کورمک کافیدر. مقدار اعتباری ایله محدود اولان بو حادثه لردن، نفس ناطقه بر قانون عمومی کشف ایدر، «انسان» و «فانی» کی ایکی صفتی دائمی بر نسبت ایله بر برینه ربطایلر و اوآندن اعتباراً، تماماً یکی اولان باشقه بر موجودده برنجی صفتک وارلغنی مشاهده ایتک درحال ایکنجی صفتک وارلغنه انتقال ایتک ایچون اوکا کافی کلیر. بناءً علیه تعلیل بر قانونک اولجه مجهول اولان برحال خصوصییه تطبیق ایدلمسندن عبارتدر؛ بو بر مصادره علی المطلوب اولمایوب، بوده یکی بر حقیقت تولید ایدر. شبهه سز، بو تقدیردهده عجبا نفس ناطقه بعض حالات خصوصیه مناسبتیه بر قانون عمومی تصدیق ایتک حقنی حازمیدر؛ سوآلی وارد خاطر اولور. بوسوأل مسئله نك وجهنی دکشدیریور، بوندن صکره استقراءدن بحث ایتک لازم کلیر.

استقراء: ماهیتی. — استقراء اولیه بر عملیه درکه او واسطه ایله نفس ناطقه خصوصیدن عمومییه، جزئیدن کلییه، حادثاتی معرفتدن اونلری اداره ایدن قوانینه کچر. [۱] ایشه بر منبع حرارتک تأثیرینه عرض ایدلمش بزد میر چوبوغنی. بو چوبوغنک انبساط ایتدیکنی مشاهده ایدرم؛ باقردن معمول بر کرده ویا بردوکه پارچه سندهده عینی حادثه یی کوریرم؛ حرارتک معدنلری انبساط ایتدیردیکنی نفس ناطقه نك درحال تصدیق ایتسنه بوقدری کافیدر: بو صورتله بر قانون وضع اولور. بوعملیه سایه سنده نفس ناطقه نك، تجربه ایله مستحصل علمنی نه درجه توسیع ایتدیکنی کورمک قولاید. حادثه انبساطی اوزرلرنده تحقیق و تجربه ایده بیلدیکمز اشیانک عددی، موجود اولان وهیسنی کورمک کلیمز غیر قابل بولنان اشیایه نسبتله لاشی مثابه سندهدر؛ برده حادثه مذکوریه بز شوراده شوآنده، یعنی مکانک بر محل خصوصیسنده، زمانک برآن معینده ادراک ایتمشدک، حال بو که بونک عکسنه نتیجه مز هر هانکی معدن اولورسه اولسون بتون معادنه شاملدر، بعد نامتاهیسی ایله برابر بتون مکانی، اول و آخری اولیان بتون زمانی محتویدر. تجربه نك هر وقت محدود اولان شهادتی ایله نفس ناطقه نك اوندن استحصال ایتدیکی نتایج آره سنده نه قدر نسبتسزک واردر!

[۱] Lachelier نك اساس استقرا Le fondement ed l'induction سنه باقکز.

استقراء عامیانه و استقراء علمی . — بونکه برابر شو عملیه وهله اولاده نه درجه جرأتکارانه کوریلورسه کورلسون، ینه نفس ناطقه ایچون پک زیاده طبعیدر . اکثریا ایکی حادثه‌نک منحصرأ تصادف سائقه‌سیله بربرلیله تقارن ایتملی و بو تقارنک نظر دقتیزی جلب ایتمسی بزم او حادثه‌لری هان بر قانون ایله ربط ایتمکلمز ایچون کافیدر . حال بوکه او قانونک خارجده وجودی یوقدر . شویله‌که بر دفعه بر قویروقلی ییلدیزک سماءه ظهور ایتمسی ایله بر محاربه‌نک وقوع بولماسی ویا اوزوم محصولاتنک مبذول اولماسی تصادفاً عینی زمانده وقوعه کلکسندن ویا یکدیگرینی متعاقب ظهور ایتمش اولماسندن بر چوق کیمسه‌لر بر قویروقلی ییلدیزک ظهورینی محاربه‌یه ویا برکته دلیل عد ایدرلر . «استقراء عامیانه» بوندن عبارتدر . شبه‌سز، بو استقراء چوق ویا کلکشدرد؛ فقط بوندن دولایی بو استقراء دخی تجربه‌نک فوق‌الحد خارجنه تجاوز ایتمش دکلدرد؛ ایکی حادثه‌نک بر برینی تعقیب ایتمسی مشاهده و تحقیق ایتمک باشقه اونی بغیر حق بر قانون عمومی و ضروری اوله‌رق دوشونمک ینه باشقه‌در : بهیمه اوقدرینی یامغه مستعد دکلدرد . دیگر طرفدن شوراسی‌ده ذکر ایدملیدرکه، بو استقراء دخی «استقراء علمی» دن تماماً آیری بر شی دکلدرد . هر ایکی حالده‌ده تعمیم واردرد، یالکنز تعمیم ایدیلن ماده تخلف ایتمکده‌در . استقراء عامیانه صرف تصادفاً وقوع بولان مقارنتله اکتفا ایدر و بر بعضی‌ک بیان ایتمش اولدینی اوزره «علی‌العاده تعداد» ایله معامله ایدر . استقراء علمی ایسه ده‌ا احتیاطی، ده‌ا اصولی اولوب، ممکن مرتبه تصادفی بر طرف ایتمکه چالیشیر، «اغیاری منع exclusion» قاعده‌سنه توفیقاً حرکت ایدر ویا لکنز، اصولی دائره‌سنده مثبت بر مقارنت علیتدن باشقه برشی تعمیم ایتمز .

استقراء علمینک مقدرری . — بناءً علیه استقراء علمی غایه‌سی حادثات اره‌سنده علیت نسبتلرینی کشف ایتمک اولان بر سلسله عملیاتک صوگ مرحله‌سیدر: بونلری توصیف وقاعده‌لرینی دستور شکنده وضع ایتمک خاصه منطقه عائددر . بونلری اجمالاً بیان ایدمیلیرز . قانونلر حادثات و وقایعه‌ده فعلاً تجلی ایدیور: بناءً علیه بونلری کشف ایتمک ایچون بالذات حادثاتی استبصار ایتمک لازمدر . فقط مطلق صورتده ضروری اولان بو شرط کافی دکلدرد: علیت نسبتلری تجربه ایله مرئی دکلدرد

و بر تعاقب علی‌بی بر تعاقب تصادفیدن هیچ بر شیء تفریق ایتمور. هرشیدن اول علتك مفكره طرفدن كشف ایدلمش اولماسی، اولدن حس اولنمش بولنماسی لازمدر؛ علت، اول باول استبصارك خاطرهلقا ایستدیكى بر فرضیه‌در، فقط بوفرضیه‌ده نفس ناطقه‌ك دخی اثرسانحه‌سی تماماً ظاهردر. دیمك بوفرضیه‌هنوز بر حس قبل الوقوع اولوب تحقیق واثبات ایدلمسی لازمدر. بونك ایچون عالم تجریب طریقه مراجعت ایدر: شویله‌كه وضوح وصراحتله تعین ایتمش اولان بر مجموعه حادثانده مقدم صاییلان حادثه‌بی خذف ایدر، بونك اوزرینه علتنی آزادینی حادثه در حال زائل اولیورمی اولمایورمی باقار، مقدمی تکرار ایقاع ایدر، بونك اوزرینه اولجه زائل اولان حادثه تکرار ظاهر اولیورمی اولمایورمی دقت ایدر؛ مقدمی تحویل ایدرك عینی نتیجه‌ك عینی نسبت دائره‌سنده تحول ایستدیكنه اطمینان حاصل ایدر؛ نهایت تدقیقات عمیقه وמושكافانه‌دن صكره، وایكى حادثه یینده بالذات كندیسی دخی معیندار بر طاقم مقارنتر ایقاع ایدرك بر نسبت علت بولندیغنی تصدیقه حقی اولدیغنه قناعت ایدر.

استقرانك مبدئی. — فقط عالم تجریبه‌بی تأویل خصوصنده نه قدر اهتمامكار طاورانمش ایسه، كشف اولنان علیتی قانون حاله افراغ ایتمك خصوصنده اودرجه عجله ایدر: طوغریسنی سویتك ایجاب ایدرسه، عالمك نظرنده بو عملیه برنجیسی‌ایله مخلوطدر، شویله‌كه نسبت اثبات ایدلدكدن صكره استقرایی یایمق بر ملعبه‌دن عبارت قالیر: عالم راز اول حقلرنده استدلالانده بولندیغنی تالی جزئی‌ایله مقدم جزئی آره‌سندن بر تلازم کلی و ضروری‌بی باطناً کورر کی اولور. بونكه برابر فعلیانه بربرندن آیرلمایان بو ایکی عملیه منطق نقطه نظرندن آیریدر. عالم علیه‌عائد برنسبت جزئی بولمش ایکن بونی برنسبت کلیه عدایدیور. عدد اعتباریله بالضروره محدود اولان بعض حالاتدن اول و آخری اولمان مکان وزمان ایچون معتبر بر قانون عمومی به انتقال ایلور: بو قبا بر سفسطه دکلیدر؛ احق اولان، استقرانك كندیسنی محق کویستره‌جك بر مبدئه مستند اولماسی لزومیدر. بو مبدأ استوارت میل ك آئیرینه کوره علت کلیه متعارفه‌سندن l'universelle causalité ویا قلور برنار قولنه کوره حادثانده کی «ایجابیه» به le déterminisme اعتقاددن عبارتدر. طبیعت تجریبه‌ایله مطلع

اولورز : عقل طبیعتک منسق و مرتب اولدیفنه ، اونده ثابت و دائمی بر منطق بولندیفنه ، تعیر آخرله هر حادثه‌نک بر سببی اولدیفنه و عینی شرائط واحوال داخلنده عینی اسبابک عینی نتایجی حصوله کتیردیکنه معتقددر. ایشه امور و اشیانک بو انسجام و آهنگ کلیسه اولان شو اعتقاد، بو « احتساس قوانین » استقرانک کیزی داماری و کندیسنه حق و یرن مبدادر .

استقرانک وظیفه سی . — بو تقدیرده استقرانک علمده کی وظیفه‌سنی اثباته احتیاج وارمیدر ؟ یالکز فکره محضه آثاری اولان معانی مجرده دکل ، اشیا مشخصه و حقیقه مدار بحث اولان هر یرده ، استقرأ علومک طریق الزمیدر ، ده‌ها طوغریبی علم بونک کندیسیدر . فی الواقع علم ، حادثانک علی‌العاده استبصاری و یا اونلرک مفکرده ادخاری دکلدر ؛ بلکه هرشیدن اول قانونلرک کشف ایدلمسیدر : یالکز کلی‌نک علمی اوله بیلیر . کذلک یالکز حال حاضرک ادراکی و یا ماضینک فائده‌سز تخطری دخی اولمایوب بالخاصه استقباله تخطیدر : یعنی بیلیمک آتی‌نی کورمکدر . بونلرک کافه‌سی بزه قانونی الده ایتدیرن استقرایه تابعدر . ایشه بوندن دولای، استقراء مفکره‌نک ایچنده بالضروره محبوس بولندینی طار حدوددن چیمه‌سنه و بوتون مکان و زمانلرده حاضر بولماسنه مدار اولور . بوندن ماعدا، نفس ناطقه‌نی صانکه دنیانک صاحبی ایدر . فی الواقع ، کشف ایتدیکمز قانونلر اشیانک حصول و صیورتنه مؤثر اولان قواعد مثابه‌سنده اولدقدن باشقه، اسبابی اوکرندیکمز آدن اعتباراً یا بو سبیلره توسل ایله کندی نتایج طبیعه‌لرینی ایقاع ایده‌بیلیرز ، یاخود بونلرک حصوله حائل اولورز : آرقق اشیا آرزو و اراده‌لرمنه مطیع اولان بر طاقم مأمورلر مثابه‌سنده در ؛ علم ، قدرت دیمکدر ، انسان نه‌قدر بیلیرسه او درجه مقتدردر . شه‌سز اولجه سویلش ایدک : علمک مفکوره‌سی تجربه‌دن قورتیله‌بیلهرک بعدما یالکز تعلیله مراجعت ایتکدن عبارتدر؛ فقط بونک ایچونده استقراء مقتضیدر و هرشیئی تجربه‌دن اقتباس ایتدکدن صوکره تجربه‌دن واز کچیه‌بیانه جکدر .

استقرانک قیمنی . — احوالده استقرانک قیمنی نه‌دن عبارتدر؟ بوراده ایکی سؤال واردر . فعلاً، استقراء آنده بولونیورز : فقط بونلرک محقق اولماسی، هردرلو خطا احتمالندن بری بولماسی قابلیدر ؟ برده بونلر صواب légitime میدر؛ استقراء آنده

بولنق صلاحیتینی حائز می‌یز؟ بونک ایچون، طبیعتده هر شئک اسباب موجبہ سی اولدیغه معطوف اولان اعتقاد مزه استناد ایدیورزه، اوحالده استقرا آتمک قیمتی آنجق بو اعتقادک قیمته مساویدر. آنجق بوعتقاد مزک انفسی برمدن، نفس ناطقه مزک حقایق خارجه یه شمولی اولمایان عادی برقانوسندن باشقه برشی اولمادیغنی بزه کیم سوبلیه بیلیر؟ برنجی سؤاله جواب ویرمک ایچون، استقراده ایکی شئک تفریق ایدلسی لازمدر : ماده سی ایله شکلی؛ استقرانک ماده سی نفس ناطقه نک تعمیم ایتدیکی نسبت علتیدر؛ شکل ایسه فعل تعمیمدر . استقراء دهاقوقدن، ماده سی نقطه نظرندن مشکلات عظیمه عرضندن خالی دکلدر . عالم ایکی حادثه بیننده بر نسبت علتی تصدیق ایتمک ایچون بو درجه اعتنا ایدیورسه ، استبصاراتی او قدر چوغالدیورسه ، تجربه لری او قدر چوق تکرار ایدیور ایسه بونک سببی دیگر بر چوق مقدمات تصادفیه آراسنده کیزلی اولان مقدم عالی یی کشف ایتدیکندن تماماً امین اولمامسیدر . فی الواقع ، انتقال استقرائی ایچون باشلوجه حائل و مشکل بوندن عبارتدر . بریمک و قتيله کورمش اولدیغی اوزره علت طوغریدن طوغری یه کشف ایدیله میوب بالواسطه ، « اغیاری منع » طریق ایله ، تعیر آخرله علت اولمایان بتون مقدماتی بربری آردنجه افنا ایدرک کشف اولنور : آنجق بو افنا معامله سنک اتمام ایدلدیکنه قناعت ویره جک دلیلی نه صورتله الده ایتلی ؟ حادثه نک غیر مرئی ، فقط علت حقیقه سی اولماسی ممکن بولنان بر مقدمی کوزدن قاچیرمش اولمادیغمزی کیم بیلیر؟ والحاصل استقراده پک بویوک براحتمال اوله بیلیر : فقط هیچ بر وقت بریقین مطلق بولنماز . [۱]

ایکجی سؤاله کلنجه ، بونک روحیات ایله ، تعیر صحیحله علاقه سی اولمایوب مابعدالطبیعیات ایله مناسبتی وارددر . فی الواقع ، بوسؤال قوانین تفکرک « قیمت آفایه » سی نهدن عبارت اولدیغنی بیلیمکه متعلق و بونک حلی مابعدالطبیعیاته عائددر . بر روحیات عالمی ، استقرانک روحی « ایجابیه » یه اعتقاد اولدیغنی استبصار ایله اکتفا ایده بیلیر و اکتفا ایتلیدر : علوم مثبتہ بومبدئی موضوعه postulat اوله رق قبول ایدر ، و اونک ایلروسنه تجاوز ایتمز و تجاوز ایده مز .

تطبیقات عملیه . — هر موعده استدلالی تنمیه اینتر لیبر . — شوراسی طوغری اوله رق مشاهده ایدلشدركه : چوجق پك ایركن استدلاله باشلار . تجربه نك كندیسنه بعض افكار ویرمسيله برابر درحال اونلری كندی نقطه نظرندن باغلامغه ، اونلردن دیگر فكرلر چقارمغه ، سبیلر صورمغه و تخيله باشلار ، كندیسنه سویله ن سبیلری بعضاً سنی ایله متناسب اولمایان شایان حیرت بر ذكایله مناقشه ایلر . علم تربیه اطفال اربابی چوجقك بو حالتی هر وقت ایی كورمزلر ، روسویه تبعاً بو باده چوجقك تشویق ایدلمه سی ایجاب ایتدیكنی درمیان ایدیورلر . بر طاقلری چوجقك بولندینی سنده مناقشه و مباحثه ایتمك نابوسم و ناقابل تحمل بر شیء اولدینی بیان ایدرلر : چوجق بر امر تلقی ایتدیكى وقت بلا تملل اوكا اطاعت ایتسی لازمدر . بعضلری ده چوجقلر ده استدلال مراقی تنیه ایدیلرسه كندیلر نی آغیر لاشدیره جقلرندن ، متخيله نك سانخانه حائل اوله جقلرندن حذر ایدرلر ، و دیرلر كه متخيله مشقتلی تعلیلدن سرعیدر ، اكثر یا متخيله ده اشیا حقنده بعض تحدسی بیلکیلر ، بعض انوار معرفت واردر ، متخيله نك بوامدادی یالكر علم ایچون دكل ، حیات روزمره مز ایچون ده قیمتداردر ، چونكه احتیاجات عاجله و مبرمه مز هر وقت استدلالا تده بولمقلغمزه مساعد دكلدر . بونلر ، عجیبا هر شیئی استدلال ایتك اعتیادی چوجقده حسیات مفظوره قلییه یی ، احتراصك طبیعی و حار صولتنی تعطیل ایتزمی ، و چوجقك روحنه آرزمانده خودكاملغه تحول ایده جك نابوسم بر احتیاط القا ایتزمی دییه دوشورلر .

بوملاحظه لك هپسی طوغریدر . فقط چوجق ایله اصلا حکیانه قونوشماق ، اونی ایضاحات طلبندن منع ایتك ، اوكا قصداً ایضاحات ویرمه مك ، بو صورته كندیسنك شوق تفحصنی قیرمق جائزیدر ؟ بو تقدیرده ، اونك تربیه ذهنیه سنی اضرار ایتدكدن ماعدا (زیرا بيلمك احتیاجی علمك اصل منبعی ، عینی زمانده ذهنك ایلک نشانه انكشافیدر) ، موسیو ماریوره ك یازمش اولدینی وجهله « یاماسی لازم كلن شیئی چوجغه یادیمرقدن زیاده اوشئی یاماسی ایجاب ایتدیكنی آكلا تقی و اونی قاعده و اساساً یامغه سوق ایلک ایجاب ایتدیكندن » بتون تربیه اخلاقیه سی دخی مخاطره یه دوشورلمش اولور . شبهه سز چوجقك اكثر یا بومراقی كوه زه جه اولوب

بزی شاشیردر : بونکه برابر نفس ناطقه نك عطالتندن و او یوشقاندن قات قات ایدر . و قیله فزله ك كورمش اولدینی وجهله ، بو مراقك ایلک فائده سی « معارفی قارشولامغه کیمه سی » و حقیقی نوعاً طلب واستعدا الیسیدر .

چو چنك مراق خصوصنده کی شوقی قیرمق جائز اولمادینی کبی ذهنی آغیر چو چقلرده بونی او یاندرمق و خاصهٔ ادامه و اتفاق ایلک لازمدر . تدریساتی روحلاندردقندن باشقه نفس ناطقه یی اینجه لشدیرن ، انجق دلائل صحیحیه تسلیم اولمغه آالشدیران بوملکهٔ تنقیدی چو چقلده ایقاظه و (بدیهی اولدینی اوزره) حدود مناسبه داخلنده اجرای عمل ایلمسینه مساعدله ایلکده نه قنالق اوله بیلیر ؟ طبعییدر که صفوت قلب ، - اده دلك چو چقلره لطافت بخش اولور ، فقط اونو تمامیدر که اشیانك حسن تمیزی ، صورت سالمه و مستقیمده استدلال یاشنی آلمش کیمسه لرك الكوزل صفات و مزایانندن بریدر . شهبه سز استدلالك تربیه سی ، متخیله نك دهاسر بست حرکتی دهاسر یق انتقالاتی اطفالیمه سی لازمدر . فقط یالکز تداعی افکار ایله وقوع بولان مقایساته اکثریا امنیت ایدله سی ، بومقایسه لرك حادهٔ تدقیقندن کچیرلسی ، و تعلیل و قیاسك احتمالک دهابطی فقط دهامین اولان معاملاتنه حواله ایله تحقیق ایدلسی لازم کلیر . قلمزك حرکات و الجا آتی ، حساسیتمزك انفعالاتی دخی بو حالده دکلیدر ؟ « هوای عشق ایستدیکی یرده اسر » و احتساس هر وقت امین بر رهبر دکلدر : بناءً علیه کندی تفتیش و مراقبه سنی استعمال ایتك ، لائق و مشروع اولمایان میل و توجهلری طور دیرمق ، سالم شوق و غیلانلری و نجیب احتراصاتی تقویه ایلک استدلاله عائددر .

استدلالك تربیه سی : روح هندسی [۱] و کیاست . — ایشته بونك ایچون استدلالی تمیه ایتك و متحمل اولدینی بتون قوتی کندیسنه و یرمك اقتضا ایدر : زیرا عملیه استدلال نه درجه مخلوط اولورسه ایچنه خطا او قدر چابوق کیرر . بوباده ، تعلیلک صحیح اولماسی ایچون کندیلرینه مطابقته مکلف اولدینی باشلوجه قواعدك واستقرايه ممکن مرتبه تأمین صحت ایچون الزم اولان معاملاتك بیلنمسی قدر فائده لی احتمالک باشقه هیچ برشی یوقدر . طوغری دوشونمکی او کرتمك ایچون منطق قدر هیچ برشیك دکری یوقدر ؛ منطقك ایفا ایتدیکی خدمتلك اهمیتتی اسقاط

[۱] نغم بک افندی l'esprit géométrique ك عقل نظری ایله ترجمه سنی دهاسر مناسب بولیور .

ایتمک و یا بونلره اعتراض ایتمک ایچون نه که سویلنمش ایسه هبسی استورات میلک اوکا بحق ایتیش اولدینی حرمت و تعظیم اوکنده زائل اولور . بلکه ذهن بشرک معروض اولدینی الک معتاد سفسطه‌لری بیله چوجغه آکلاتمق صدودن خارج بر شی دکلدر : زیرا اونلری صایان ینه منطقدرد . چوجق بوسفسطه‌لری بیلیمکه ، اونلردن ده‌ها قولای صاقیر ، هم کندینه وهم باشقه‌لرینه قارشیدا مشکلبسنداولور ؛ هر صورتله روحنک اویوشمقدن قورتلماسنه وعقلنک سربست قالماسنه یاردیم اولنور . «آمیر دیبور ، بعض کسه‌لرک بک زیاده مدار امتیازی اولان شو « حقیقی کشف » مزیتی آنجق تحلیل ایتک سایه‌سنده اکتساب اولنور » .

بوندن ماعدا شونی‌ده سویلیدر : نه‌قوه حاکمه ونه استدلال ایچون خصوصی برتربیه یوقدر . « حقنده بیان مطالعه ایدیله جک هیچ بر موضوع یوقدرکه ذکی وفعال بر معلمک آئنده بوملکه‌نک تربیه‌سنه یاردم ایده‌مسون . مثلاً جغرافیا درسی چوجنی حادثات طبعیه‌نک اسبابی حقنده استدلال‌آئنده بولمغه آلدردمق ایچون وسیله اولمالیدر ، تاریخ انی اوقودلدینی وقت چوجنی ممانتلری کشف ایتکه ، وقایعک اسبابی مثلاً بو ویا شوفعلک سائقلرینی بولمغه ، والحاصل احوال معلومه داخلنده محتمل ، محق یاخود حکیمان‌ه اولانه قرار ویرمک ایچون له وعلیده‌کی دلیللری طارئغه آلدیر بیلیر . » فقط استدلالک عال‌العال مکسبی اصل علملردرد . علوم ریاضیه بر مبدئن حاوی اولدینی بتون ثمراتی صحت ایله استخراج ، تمامی تمامنه تعلیل ایلمکی ، مبرهنی غیر مبرهندن تمیز ایتکی اوکره‌در . علوم فیزیقیه و طبعیه‌یه کلنجه بونلر دخی حادثاتک اسبابی آراشدیرمغه ، تجربه‌یی بیوک بردقت و اعتسایله تأویل ایلمکه ، « کولکه ایچون شکاری » ترک ایدرک ، حقایق خارجه‌دن اوزاقلاشامغه چوجنی آلدیرر .

حتی دینه بیلیرکه استدلال ملکه‌سنک تماماً تربیه‌سی شرطه متوقفدر ، بوشرط د'الامبر d'Alambert ک دیدیکی کبی ، ایکی نوع اصولک « مساوی خطوه‌لرله یوریدلمسی » ، یا مقال ک « روح هندسی » اسمنی ویردیکی قابلیتک « کیاست l'esprit de finesse » ایله برلشدرلمسیدر . فی الواقع علوم ریاضیه‌نک منحصراً تعلیمی نتایج مشومه تولید ایده‌بیلیر ، صورت مطلقه‌ده اثبات ایدلمه‌ین شیئه قارشو براستخفافه سبب اولدقدن باشقه ذهنی تغلیط ایده‌بیلیر ، چوجنی قاتیلغه آلدیرر ، چوجق بونی هر شیئه

تطبیقه باشلار، قلور برنارک تعیر نیجه اویله بر تحصیل چوجنی «اشیائی باطل صورتده سادهلشدیرمه» سوقایلر، کندیسنی جازم، مستبد قیلار، مسائلی کسدیروب آتمغه ومطلق حکملر ویرمه، خطایه دوشورمه ویا «نورونی» یه [۱] میل ایتدرمه سبب اولور. مفکره نك ملایم وقابل انحناء اولماسی، حادثه به رعایت، واحتمالی در پیش ملاحظه ایتمی، وبالخاصه تصورات محدوده مزك طوگدردینی وایوشدیروب بر اقدینی او درجه قاریشیق، اوقدر کریزان، او قدر صبرسز اولان معنای حقایق اشیائی غائب ایتمه سی اقتضا ایدر. «دایمیه» دیورکه انسان یالکز مطلق وتمام حقیقه اینانمغه لزومندن فضله آلشیرسه بواعتیادك اویله مطلق اولماین حقایق تفرس قابلیتی سکتهدار ایتسندن قورقیلر؛ شدتلی برضیایه يك معروض اولان کوزلرخفیف برضیانك درجانی ارتق تفریق ایتزلر، وباشقه لیرینك هنوز براز آیدینلق کوردکلری رده ظلمتدن غیری برشی کورمز لر...؛ آیدینلقدن آلاجه قراکلغه زحمتسزجه کچمکه آشمیلیدر.

استدلالت همدردی. یقین علمی و یقین اضمحونی. — بوندن باشقه، استدلالی سوء استعمال ایتمه مکی بیلیملی یز. شبهه سز، شاید بدایه حقیقت عرض وجود ایتمز واکا ناثلیت آرزوی صمیمیسی بولنور ایسه استدلالدن استفاده ایتملیدر: فقط حقیقت بزه بسیط و واضح بر حالده عرض وجود ایتدکی وقت، اشیائی قاریشدیران و بزی حقدن اوزقلاشدیران ادله باطله یی دور و دراز تدقیق ایدرک وقت غائب ایتمکسزین، اونی خلوص قلب ایله قبول ایتلی یز: «آرسطو و قتیله شویله دیمشدر: یالکز کورمك لازم اولان یرده علل و اسباب تحریسی نفس ناطقه نك ضعفنه دلیلدر، مولیر کاك مشهور مضحکه سی اولان Femmes savantes عنوانی اثرنده تصویر اولان اودن استدالات منطقیه نك عقل سلیمی قوغدینی کبی بزمده وهم استدلال ایله بویله بر کریویه دوشمامککلکمز لازمدر. بو مبشده مهم اولان بر نقطه دخی چوجغه استدلال محض ایله، مناظره صرفه ایله ایریشلمه سی غیر قابل نیجه حقیقتلر اولدیفنی، بونکله برابر اونلری تسلیم ایتمك لازم کلدیکنی، زیرا اونلر اولماسه حیاتك معناسی قالمایه جفنی وقبله توجهمزك غایب اوله جفنی

خبر ویرمکدر . بعضاً تحصیل پک اوزون ، پک آغیر اولان یقین علمی وذهنینک یاننده « باشقه صنفدن » بر یقین ، یعنی بر « یقین معنوی » واردر ، بویقین دها چابوق ، دها تیز ، بونکله برابر دها جانلیدر ، زیرا طوغریدن طوغری به شعورک تحدسانندن وقلبک سانحاتندن صادر اولور . بویقینی چوجفه بیلدیرملی ، روحنه تلقین ایتلی یز ، شیئی مبرهنک ایلروسنده ، « علم » ک یاننده اراده نک اعتقادآی وعشقک امیدلری ایچون واسع ، جسم و سربست برطریق اولدیغنی سوتلی یز . یا مقال ایله قانت شیان حیرت صورتده بونی آکلامشلدی ، اولردن بری : « علقک بیلمدیکی بعض علل و اسباب موجود اولدیغنی » و « وقلبک حس ایتدیکی برچوق حقایق ومبادی بولندیغنی بیان ایتمشدر ؛ دیکری عقل عملینک موضوعه لرینی وایمان معنوی نک تحدسات ومکاشفاتنی عاجز برهانلرک و « عقل مستدل » *raison raisonne* ک آوازه یأسیه مالی فن مناظره نک فوقده طوتمشدر . افروطوره دخی وقیله « انسان حقه بتون روحیه کیتملیدر » دیمشدی .

خلاصه

۱ . اکثریا نفس ناطقه نک تمیه سنده اوچ مرحله تفریق اولنور . ذهن تصوراتی تشکیل ایدر ، بعضلریله دیکر بعضلرینی تصدیق ایدر وبو صورتله حکملر ویرر . نهایت کندیلردن نتایجی استخراج ایچون تصدیقاتی یکدیگرینه ربط ایدر **مورر و آیال**

۱ . بونقطه نظر دن حکم : ایکی فکر بیتنده مطابقت ویا عدم مطابقت نسبتنک تصدیقی در ، دییه تعریف اولنمشدر . بوسایله ایکی فکرک وجودینی و بونلرک مقایسه سنی مستلزمدر « لور » . - فقط بویله اعتراض اولنیور : بوقیاسی ویا متأمل حکملر یاننده ودها طوغریسی او حکملردن اقدام بتون بر صنف تصدیقات تحدسیه وغیر ارادیه واردر ، که مفکره اونلر ایچنده موضوعی کندی محموللریله برلکده طوپدن فهم وادراک ایدر « فوزه »

۳ . فقط هر حکم ایکی فکر عمومینک مقایسه سی نتیجه سندن بالضروره حصوله کلامش اولسه دخی ، حکمک یالکزم مقایسه بولنان یرده موجود اولدیغنی اعتراف ایتلیدر .

فرانسز جه ده حکم و تصدیق معناسنه کلن ژوژمان Jugement کله‌سی بعض ایجه نسبت‌ری تفرس قابلیت‌ده دلاله ایدرسه ده علم روح‌ده کی معناسی نه درجه ابتدائی اولورسه اولسون هر تصدیق متضمندر .

۴ . هر حکم بالضروره قضیه‌ایله افاده اولنور. قضیه اوچ حددن ترکیب ایدر : موضوع، محمول، فعل یا خود رابطه : منطق اعتباریله هر فعل « اولق » مصدرینه رجوع ایدر . حکمک ماده‌سی افکاردن یعنی عناصر انفسیه دن عبارتدر ، فقط تصدیق ایله بز انفسیت صرفدن چیقمقده و موجودی ، مطلق دوشونمکده یز . مسبانی حکم ایتمکدن امتناع ایدر ؛ فی الواقع هر حکم ذهنک قیمت آفاقه‌سنه بر فعل ایمانی متضمندر . خطا و حقیقتک نمایان اولماسی آنجق حکم و تصدیق ایله در .

۵ . موضوع نقطه نظرندن تصدیقات ، کلی ، جزئی ، شخصی اولق اوزره اوچه آریلیر ؛ فعل نقطه نظرندن موجه ، سالبه ، ضروریه و یا ممکنه قسملرینه آریلیر ؛ محمول نقطه نظرندن تحلیلی و یا ترکیبی آریلیر . تحلیلی حکملر قبلی در ترکیبی حکملر بعدی در ، مع هذا قانت بعض ترکیبی حکملرک قبلی اولدینغی قبول ایدر .

۶ . تصدیق ایتک اعتقاد ایتکدر . اعتقادک سببی نه در ؟ ده قارت ده نظراً اراده در ؛ اسپینوزا به نظراً مدرکه‌نک افکاریدر ؛ یا عقل ده نظراً اراده‌نک مداخله . سیله تعدل ایتش فکرلردر ؛ بومسئله ده حقیقی مناقشه ده قارت ایله اسپینوزا آراسنده در : نه برینک نه ده دیکرینک حق اولمادیغی آکلاشیلیور . بز اولا وبالطبع افکارمزه کوره اعتقاد ایدرز ، فقط اعتقاد ایتدکن صکره دها زیاده اعتقاد ایتک ایسترز : بناءً علیه اراده افکارمزک لازم غیر مفارقیدر ؛ احتساس حقنده ده بویه اولوب بتون روحزله اعتقاد ایتکده یز .

۷ . قوه حاکمه‌نک تعلیم و تربیه‌سی فرانسز علم تربیه اطفالنجه دیکر مقاصده مرجع برغایه کیدر . فی الواقع بو تربیه تشبثات مختلفه ده حصول موفقیت ایچون بک مهم اولدقدن باشقه اخلاقیات ایچون دخی بک مهمدر : اسپنر تربیه ذهنیه‌نک تربیه اخلاقیه به هیچ فائده‌سی اولمادیغی بیان ایدیور ، بو بر بر غریبه در خیری کورمک هیچ دکله اونو یا به بیلمه‌نک شرط لازمیدر ؛ نفس ناطقه ایچون یا پیلان

هرشیء بالطبع قلب و اراده اوزرینه افاضه انوار ایدر. حتی قوه حاکمه نك تربیه سی تربیه اخلاقیه نك بر قسمی کیدر، زیرا حیثیت ذاتیه من تفکر دن عبارتدر «**یافال**» ۸. شبهه سز، عقل ایله مبادیسی بتون انسانلرده متحددر، فقط بو آلتلری قوللانغنی بیلملیدر. تربیه نك اول امرده قوه حاکمه یی ایفاظ و تحریک ایتیمی لازمدر، زیرا چوق دفعه چوجق ککندوسنی احاطه ایدنلردن تلقی ایندیکی حاضر یا پلش بعض اعتقادات ایله اکتفا ایدر، چوجقک موفق اولماسنه همت ایتک مقتضیدر، زیرا چوجق اساساً غافل اولوب ایلك کورینش اوزرینه حکم ایدر. بوندن باشقه قوه حاکمه ایچون تربیه خصوصیه یوقدر، بتون تدریسات اوکا خدمت ایده ییلرلر.

۹. استدلال اولیه بر فعلدر که نفس ناطقه معلومدن مجهوله انتقال ایدر و اقدجه متصرف اولدیغنی حقیقتلرک یاردیمی ایله یکی بعض حقایق طبعیه کشف ایلر بناءً علیه استدلال معرفت ساحه سنی نامتناهی صورته توسیع ایدر، هنوز قارشیق اولان حقیقتلری ایضاح ایلر، مظلم قالان حقیقتلری آکلادر.

۱۰. استدلالک ایکی شکلی وارد: کلیدن جزئی یه اینن فعلیل و جزئیدن کلی یه یوکسله استقراء. استقراء میل اوچنجه بر شکل استدلال قبول و تعلیل ایله استقرایده اوکا رجاع ایدیور که جزئیدن جزئی یه انتقالدن عبارتدر: فقط حقیقی انتقال آنجق مفکره نك، بر تعاقبی بر قانون عمومی و ضرورینک دلیلی مقامنده تفسیر ایلدیکی وقت بولنور: عکس تقدیرده، بسیط بر تداعی افکاردن باشقه برشی یوقدر.

۱۱. تعلیل، کلیدن جزئی یه انتقال ایتکدن عبارتدر. آره لرنده کی مطابقت طوغریدن طوغری یه ادراک ایدلمه یین ایکی فکر معلوم اولسه، بو نسبی کشف ایچون اوایکی فکرک هر بریسنه او یغون کله جک اوچنجه بر فکر آرانیر، بو اوچنجه فکر بدایه بر برینه اوزاق کورینن اوایکی فکرک بر برلرینه موافق اولدیغنی اثبات ایدر. تعلیل لاقلا اوچ قضیه یی مستلزمدر: کبری، صغری: (مقدمات)، نتیجه؛ قضیه لرك هر بری ایکیشر ایکیشر مرتب ایکی حددن ترکب ایدر: حد اکبر، حد اصغر، حد اوسط.

۱۲. برهان شکنده، تعلیل، علوم ریاضیه نك طریقیدر. فقط مشخصه متعلق علومه ده مداخله ایده رک فرضیه لری تحقیقه خدمت ایدر. استقراء ایله کشف

اولان قوانینی ایضاح، واکثریا یکی قانونلر کشف ایلر. علمک مفکوره‌سی صوکه بر قانونه وصول ایله اوقانوندن نفس ناطقه‌نک بتون دیگر قانونلری تعلیل ایله استخراج ایتمیدر.

۱۳. تعلیل حقیقی‌انحقی حقیقی مقدمه اتخاذا یتمک شرطیله‌ویرر: تعلیل، مبداء حرکتی اولان مبادی‌یی اعطا ایدن دیگر بر اصوله معلقدر. استورات میل کبری نتیجه‌یی اثبات ایده‌میوب بالعکس نتیجه کبرانی اثبات ایتدیکندن تعلیلک بر مصادره علی‌المطلوب اولدیغنی بیان ایدر. کبرانی وضع ایتمک ایچون نفس ناطقه‌نک بتون حالات خصوصیه‌یی ادراک ایتسنه احتیاج اولسه ایدی، شو اعتراض ناقابل رد اولوردی. فقط اوایله اولمایوب نفس ناطقه‌نک بر قانون عمومی استتباط ایتسی ایچون بعض حالات کافیدر: یالکیز بو بایده صلاحیتی اولوب اولمادیغنک بیلنمسی جهتی قالیر. ایشته مسئله استقرا بودر.

۱۴. استقراء اوایله بر فعلدرکه اونکله نفس ناطقه‌جزئیدن کلی‌یه، عمومی‌یه، معرفت قوانینه انتقال ایدر. ایکی حادثه آره‌سنده عارضی بر مقارنتک وجودی اکثریا نفس ناطقه‌نک شو مشاهده اولان نسبتی تعمیم ایتسنه کافیدر (استقراء عامیانه): عالم دها احتیاطی اولوب یالکیز تصادفات علی‌یه تعمیم ایدر. (استقراء علمی). ایمدی استقراء علمی غایه‌سی علیت نسبتک کشفندن عبارت اولان بر مجموعه عملیاتک صوکه مرحله‌سیدر. استقراء علمی نسبت مذکوره‌یی تعمیم ایتمکدن عبارتدر.

۱۵. استقراء علمی تعمیمی نه حق ایله اجرا ایدر؟ بو تعمیم هر حادثه‌نک بر علتی وارددر؛ «عینی حالانده عینی علل واسباب عینی نتایجی حصوله کتیرر.» متعارفهنه مستندآ پایلیر.

۱۶. مفکره هر نه زمان اشیا مشخصه ایله مشغول اولورسه اونلری طانیق ایچون توسل ایده‌لرک طریق استقراءدر. بو حیثیله استقراء علم ایله قاریشیر و علم قوانینی تحری ایدر، وقایعی اولدن کشف و تخمین، واشیایی بزه مسخر ایلر.

۱۷. استقرانک تعمیم ایتدیکی علیت نسبتی حقیقه نسبت علیت اولمق شرطیله استقراء امیندر. فقط بو بایده امنیت حصولی مشکلدرد؛ بوندن دولاییدرکه استقراءده هر وقت بر شک بولنور. — استقرانک مستند اولدیغی مبدئک قیمتی نهدن عبارتدر. دییه بر سوال دها خاطره کله بیلیرسه‌ده بو سوال روحیاته عائد دکلدرد.

۱۸. علم تربیه اربابی دیرلرکه چوجق ایله اوطوروب استدلالانده بولنق جائز دکلدر: بویله بر مطالعه پک مطلقدر؛ شهسز، اونک تلقی ایتدیکی اوامری صوک درجه مناقشه ایتسنه مساعده ایدلسی جائز دکل ایسه‌ده چوجق سؤال ایتدیکی وقت کندیسنه سبیلرک کوسترلسی، و علی‌الخصوص علل و اسبابی صورتسدرمغه و بونلری کشف ایلکه تشویق اولماسی اقتضا ایدر. خاصه اوکا صحت ایله استدلالی اوکرتمک ایجاب ایدر، اوکا بعض قواعد منطقیه ایله هرکسجه معلوم اولان سفسطه‌لری اوکرتمک‌ده فائده‌دن خالی دکلدر. استدلاله مخصوص بر تربیه یوقدر: بالخاصه علملر اوکا خدمت ایدر. مجردک تدقیق و مطالعه‌سنی مادی‌نک تدقیق و مطالعه‌سی ایله توحید ایتک لازمدر، زیرا علوم ریاضیه‌نک منحصراً تربیه‌سی نفس ناطقه‌یی یا کله‌ده بیلیر.

۱۹. دیگر طرفدن، حقیقت معلوم اولمادیغی مدتیجه، استدلال ضروری‌ایسه‌ده، حقیقت همان وقیاسه مراجعت حاجت قالمقسزین کورندیکی وقت نطیقنه محل یوقدر. والحاصل یقین علمینک یاننده باشقه دیگر بر یقین معنوی موجود اولوب بویقین قلبک تحساستنه مستند اوله‌رق صرف استدلال ایله اله ایدلمه‌ین حقیقتلری احاطه ایده‌بیلیر.

اون دردنجی درس

معرفتک مبادی مدبره سی

la raison عقل

عقل : معرفتک مبادی مدبره سی. — مبدأ عینیت و مبدأ سببیت. — بوا یکی مبدأ بننده کی نسبت : مایعقلیت احتیاجی. — مبادی مشتقه. — مبدأ تناقض. — مبدأ تناوب. — مبدأ علیت. — مبدأ جوهر. — مبدأ قوانین. — مبدأ غایت. — مبادی ترکیبیه نك سبب مصحح متعارفه سی ایله نسبتی. — مبادینك اوصافی. — مبادینك عمومیتله تفکرجه اولان خدمتی. — مبادینك تفکراتمزدہ کی خدمتی. — برنجی حقیقت و بیلکیلر. — مکان و زمان. — ابدی، کبیر، واجب، غیر متناهی، اکمل، مطلق: الله مفهومی. — عقلک مأمور اولدینی خدمتله. — عقلک منشی: ایکی مدعا. — اختیار یونك مدعای. — اختباریه صرفه: یونك قیمتی. — تداعیه: یونك قیمتی. — تکاملیه: قیمتی. — اختباریه نك خطای. — وهیبه مسلکی. — ده قارت ک وهیبه سی. — Kant ک قبیله سی. — وهیبه نك معنای حقیقیسی: عقل ایله شعورک مناسبانی. — عقلک منشی حقیقده نتیجه استدلال.

نطبقات علمیه. — عقل تربیه ایدیله بیلیری؟ — عقل وطنون باطله. — عقلک تهذیبی.

عقل : معرفتک مبادی مدبره سی. — کچن درس لک برنده ذهن حقیقده سولیش اولدیغمز شینک شیمدی تحقیق ایدلسی قابلدر: ذهن وظائفی ک زیاده متنوع اولان فقط جمله سی یکدیگرینه مربوط و بر غایه یه: یعنی معرفته ساعی بولنان مرکب بر آلت عضویه در. بونکله برابر بوتون مساعی سابقه هنوز اونی توکتمش اولمایوب، طوغریسنی سولیک لازم کلیرسه بورایه قدر اوسبیله باشلوجه نقطه یی و صانکه بالذات روحی اهامال ایتدک. فی الواقع ده اچوقدن کوزه چاریمشدرکه: تفکرک بوتون حرکاتنک، بوتون تشبثاتنک مصدر الهامی، ناظمی، قاعده سی، اونی هم تشویق و هم اداره ایدن بعض قانونلدر. عقل نامی ایشته بوسرمایه ذهنیه و یریلیر. بناء علیه عقل ذهنک بر ملکه خصوصیه سی اولمایوب کندی قوانین مقومه، وهیئت اصلیه سیله برلکده ذهنک کنديسیدر.

بو قانونر نفس ناطقه‌یه اوقدر طبعی، اودرجه نافذدرکه اونلره نه اولدقلرینی بیلیمکسزین توفیق حرکت ایدر: بدایتده عقل حقیقی برغریزه instinct در، اول امرده مجهولز اولان بر طاقم احتیاجلرک هیئت مجتمعه‌سی کیدر، فقط بو احتیاجلر اوندن طولای تفکرک باجمله وسائطنی ایقاپدن کیری قالماز، بونکه برابر اونلرک ایشله‌مسنه عائد قاعده‌لری ده تنظیم ایدرلر. برده بز تجربه‌نک بزه کوستردیکی اشیانک قارشیسندن بهایم کبی مفتعلانه قالمقه اکتفا ایتیموب، اونلری تنسیق واونلر حقنده تعقل ایلک ارزوسنی حس ایتدیکمز جهته او احتیاجلرک صحیحاً ذهن بشرک مخصوصانندن اولماسی اقتضا ایدر.

بوندن باشقه انسان بوقانونلردن خیر، ویا هیچ اولمازسه حضور و فعللری حقنده بر حس مبهمه ویا بر لمعه‌بی قراره مالک اولمازجه کندیلرینه اطاعت ایتمه‌کله خشنود اولمايور. انسان تأمل ایله کندیسنه صاحب اولمه، بلا اراده وقوعه کلن فعللرینی دوشونمکه، تمایلات طبعیه‌سک اسبابی آراشدرمغه، وتفکرات خصوصیه غورندن، اونده حاکم اولان قوانین عمومیه‌بی تحلیل همتی ایله استنباط ایلکه مقتدردر: بو وجهله او قوانین عمومیه‌بی ده بر فکر مخصوصک موضوعی اتحاد ایدرک بعض عبارات منطقیه شکنده افاده ایدرکه ایشته بو دستورلر « معرفتک مبادی مدبره‌سی » در. بوندن باشقه بویه بر قوه تأمله پک آز کیمسه‌لرک مستعد اولدیغی ده سویلک لازمدر: بونک ایچون بر چوغمزه عقل اولدن نه ایسه اویه قالیر یعنی برغریزه مقامنده بولنور: « عقل سلیم » تعیر اولنان بودرکه نفس ناطقه‌نک برنوع کیاستله حقیقی تفریق و تمیز ایتسنی وخطادن کند. یلکندن قورتیله‌رق بطلاندن نفرت ایتسنی موجب اولان استقامت فطریه‌سندن عبارتدر.

مبدأ عینیت Principe d'identité مبدأ سبیت principe de raison —

له‌ینبیجه Leibniz: اینانمق اقتضا ایدرسه، مبادی عقلیه‌نک کافه‌سی ایکی قاعده اساسیه منتهی اولور: مبدأ عینیت ومبدأ سبب مصحح. مبدأ عینیت اکثریا شودستورلردن بریله افاده اولنور: « واقع واقعدر » « برشی نه ایسه اودر » « ا، ادر ». بونلر بوش تکرارلردن ویا بعض « مظنن واهی شیلردن » عبارت دکلدرد؛ بوقضیه‌لر ذهن ایچون برقانون، برلرزم اصلی یعنی ذهنک کندی کندیسيله

مطابقتی وجوبی افاده ایدر. نفس ناطقه نك تسلیم ایتدیكى هر تصدیق، اونك ایچون بونصدیق محافظه ایتمی وینه اوآنده، واولسبت آلتنده متناقض اولان هر تصدیق دفع ایلمی مجبوریّت مطلقه سنی مستلزمدر: بویکیفیت اونك موجودیتنه متعاقدر. اکر نفس ناطقه بوقانونی نقض ایدر سه کندی دوشونجه سنی محو ایتش تعیر اخرله بطلان ایله کندی تخریب ایتش اولور. بو مبدئه اکثریا «مبدأ تحلیلی» نامی ویرلمکدهدر، زیرا بو مبدأ موضوع ایله محمولی یکدیگرینك تماماً عینی اولان برحکمده بولنور.

سبب مصحح *raison suffisante* مبدائی: «هر واقعک سببی واردر» دییه افاده اولنور. بر شئیك سببی اونك موجودیتی و ماهیتی ایضاح ایدن، اونی بزه معقول *intelligible* ایدن شیدر. بناءً علیه هر شئیك علتی واردر دیمك «هرشی معقولدر»، مفکره طرفندن قابل تفهمدر دیمکدر. بونك ایچوندر که بو مبداء «ما عقلیت کلیه *intelligibilité universelle* مبدئی» نامی دخی ویریلیر. شبهه سز برچوق شیلر حالا بزم ایچون قابل تعقل دکلدر؛ فقط بزینه اونلرک قابل تعقل اولدیغنی ظن ایدرز، هنوز درجه کفایه ده عالم اولمایان اصل بزلرز. بوحالده مبدأ علیت تحلیلی اولمایوب ترکیبدر. فی الواقع وجود مفهومی تحلیل نه قدر چالشله عبدر، بوتحلیل واسطه سیله او مفهومندن تماماً غیری اولان سبب مفهومی چقارمق قابل دکلدر: ایمدی سبب مفهومی وجود مفهومی منضمدر، بوده بر تجربه نتیجه سی اوله رق دکل، فقط بالذات مفکره نك دخل وتأثیریه وقوع بولمشدر.

بویکی مبدئک مناسبتی: *ما عقلیه احتیاج*. — مبدأ علیت ایله سبب مصحح مبدئی بدیدر که بر بندن آیری سیلردر: بونکله برابر اونلرینه یکدیگرینه قویاً مربوطدر. متقابلاً بر برلینی مستلزمدر. بر تصدیقه بولدیغمز وقت نیچون اونصدیقک ضدی دیگر بر تصدیقه بولنه مایورز؛ شوندن دولانی که موضوع عینی شی قالدیغندن تصدیقه بو صورته وقوع بوله حق تبدلک سبب و حکمتی اوله ماز، ده طوعریسی مخالف عقلادر. مبدأ علیت مبدأ سببیه مستددر. دیگر طرفندن، یالکز تجربهیه مراجعت اولندینی حالده ده زیاده عکسنی سولمککمز لازم کلیر ایکن هر شئیك بر سببی اولدیغنی نیچون تصدیق ایدیورز، زیرا بونصدیق

ذهنم‌زك خوشنه كیتكده ، مقتضیانه ، طبیعتنه موافق دوشم‌كده‌در ، حال بو‌كه تصدیق متضاد ذهنم‌زه خوش كمز واونی جداًتخریب ایدر : زیرا اشیانك سبیلری اولماسه‌یدی منحصرأتحریء اسبابدن عبارت اولان ذهن برامر غریبیدن باشقه برشی اولمازدی . بناءً علیه مبدأ سبیت مبدأ عینیتی مستلزمدر . ده‌ا طوغریسی مبدأ عینیت ایله مبدأ سبیتك هرایکیسی ذهنك ماهیت ذاتیه‌سیله ایجابات مخصوصه‌سك افاده‌سیدر . فی‌الواقع بالذات ذهنی تشکیل ایدن ، اونك حواس درجه‌سنة تنزله مانع اولان کیفیت مایعقلیت احتیاجی ، آرزوسیدر . انجق مایعقلیتی الدہ ایتك اول امرده تناقضی دفع ایلکدر ؛ اونی قبول ایتكده مایعقلیتك اك اساسی شرائطی نظر اعتباره آلامق ونفس ناطقه ایچون کندیسندن واز كچك دیمکدر . اوندن صکرده‌ده دنیانك تصادفه تابع اولسادیغنی و بالعکس هرشیك برسبی ، وامور واشیا آردسند بر طاقم مناسبات موجود وبونلرك ثابت بولندیغنی طلب وادعا ایتك ایجاب ایدر !

مبادی مشتقه . — سبیک‌ایکی مبدأ اصلیسنه‌علی‌الا کثر دیگر بعض مبادی‌ده‌علاوه اولنقده‌درکه بونلر اوایکی مبدئ خصوصی بر صورتده افاده اولنلرلندن باشقه برشی دکلدر . عینیتك مبدأ تحلیل‌یسندن بروجه‌آتی مبادی اشتقاق ایدر .

مبدأ تناقضه Principe de contradiction . — مبدأ تناقضك دستوری شودر : «شیء واحد زمان واحده نسبت واحده آلتندہ هم موجود وهم ناموجود اوله‌ماز» ، «الف زمان واحده هم الف وهم لا الف اوله‌ماز» مبدأ تناقضی مبدأ عینیتہ ربط‌ایدن قرابت صحیحہ بدیهیدر : تعبیر اتحله ، بو مبدئلر «عینیت» ده بر شکل ایجابی ، و تناقضنده بر شکل سلبی آلتندہ افاده ایدلمش عینی قانوندن عبارتدر : بناءً علیه چوق وقت بونلر بربرلرندن تفریق ایدلمز . **قانوندن** طرفندن اخطار اولندیغنه نظراً ، بومبدئ ده‌ا زیاده «لا تناقض مبدائی» principe de non contradiction نامی ویرلسی ایجاب ایدردی : فی‌الواقع بو مبدأ مفکره ایچون تناقضده بولنماسی لزومی افاده ایدر .

مبدأ تنارب Principe d'alternative . — «مبدأ تنارب» ویا «تمانع محیط exclusion du milieu ویاخود «ثالث خارج tiers exclu» تعییرات آتیہ

ایہ افادہ اولتور : بر شی یاواردر یا یوقدر : بونک وسطی ، اوچنچی شقی یوقدر : « متناقض ایکی قضیہ دن ، یعنی بری دیکرینک صرف وعادی برسلندن عبارت اولان قضیہ لردن برینک صحیح دیکرینک یا کش اولماسی اقتضا ایدر » بومبدأ آلف الیان ایکی مبدئک بر نتیجہ ضروریہ سیدر : فرض ایدہ لم کہ « الف ولا الف » شقلرندن ہر ایکسی صحیح ویا ہر ایکسی یا کلشدر ؛ اوحالده « شیئی واحد ہم اہمده لا الف » « شیء واحد ہم لا الف و ہم الف » الملق لازم کلیرکہ بو خصوص مبدأ تناقضک خلافتہ در .

— شیمدی ده مبدأ سبیتہ مربوط اولان حقائقہ کچہ لم .

مبدأ علیت . principe de causalité — بو حقیقتلردن برنجیسی « مبدأ علیت » در . بونک دستوری شودر : « ہر ائزک برعلتی واردر . » فقط بوحشو محضدر ، زیرا « اثر » دینجہ « بر مؤثرک محمولی » اولدیغی بالضرورہ سوبلنمش اولور . مبدأ علیتک تعبیر صحیحی شو افادہ لردن بری اولہ بیلیر : « ہر شئک برعلتی واردر » ، « ہر واقعہ اثر در ، وجود بولمہ باشلایان ہر شی اولجہ موجود بر شیتہ مضافدر . » مبدأ علیتک مبدأ سبیت ایہہ فارشمش اولدیغنی کورمک نادر دکلدر : بونکہ برابر ایکسی آردہ سندہ برفرق واردر . سبب متصحح متعارفہ سی دہا کلیدر ، ہر شیتہ قابل تطبیق در ؛ یعنی ہم عالم مجردہ و ہم مشخصہ ، ہم وقایعہ و ہم اعیان موجوداتہ ، ہم مابعد الطبیعی حقایقہ ، ہم حادثات محسوسہ یہ حکمی شاملدر . مثلاً بر حقیقت ایچون سببی دیگر بر حقیقتدر ، بر حادثہ نک سببی دیگر بر حادثہ در ، اللہک سببی کمال مطلق در دینیر ؛ فقط بر حقیقتک علی cause دیگر بر حقیقتدر ، اللہک کالی موجودیتک علی در دینہ مز . علت سبب ایہہ انجق شئون و حوادث اقطار ندہ متحد المالد .

مبدأ جوہر . Principe de substance — ایکنجی حقیقت « مبدأ جوہر » در . بومبدئی ده اکثریا ناقص بعض تعیرات ایہہ افادہ ایتشلردی : « جوہر سز عرض یوقدر » ، « محل حوادث اولہ جق برشی دائم بولنما دجہ تغیر و تحول یوقدر » کہی . بونلردہ حشودن عبارتدر . فی الحقیقہ بر عرض un mode ، یعنی بر کیفیت ہوادہ معلق طورہ ماز ، بالضرورہ بر « جوہر » ، بر « ذات » متعلقدر .

ننه کیم، تحولک ده وقوعنی تفهم ایچون محل حوادث اوله جق برشی ایستر. اگر برطرز وجوددن دیکرینه کچرکن هرشی نابدید اولمشه، بونده تحول دکل، اهلاک وخلق مطلق واردر: تحول ایده بیلجک شی آتجق شیئ داتمدر. مبدأ جوهرک اک شایان قبول شکلی شو عبارده اوله جنی ظن اولنور: «بتون شئون وحادثات، تحولاتدر»، یعنی شئون وحادثات باشقه باشقه عالملا اولمایوب، بلکه «ایلکندن صوکنه قدر تحوله دائم اولان» بر حقیقت خارجیه نک موقوت ومتوالی صفحات، واشکالندن باشقه شیرلر دکلدر. [۱] بو، اسکیلرک شو قول مشهور ایله افاده ایتدکری فکدر: هیچ برشی خلق اولنماز، هیچ برشی ضایع اولماز؛ هرشی صیورت وتحول اوزره در. «علوم مثبتده» حفظ قوت مبدئی Principe de la conservation de la force «اسمی آلتنده تصادف ایتدیکنز حقیقتده شو بحث ایتدیکنز مبدأ جوهر حقیقتندن عبارتدر.

مبدأ قوانین Principe des lois. — مبدأ قوانین، «کائناتده هرشیئک بعض قانونلره تابع اولماسنی»، «عالمده برنظام بولنماسنی» ایجاب ایدر.

قلود برنارک «مبدأ ایجابیه Principe du déterminisme» اسمی آلتنده آکلاتمق ایسته دیکی حقیقت بودر، قلود برنار بو حقیقی شو عبارده ایله سویلیوردی: «عینی ظروف واحوال داخلنده، عینی علتلر عینی سبیلری احداث ایدر» یاخود: «عینی مقدملرک آرقه سندن عینی تایلر کلیر». «تعبیر دیکرله، هرشان شرائط معینه داخلنده واقع اولور که بو شرائط ثابت ومستمردر. — بو مبدئه اکثریا مبدأ استقراً Principe d'induction دخی دیرلر، زیرا استقرانک مبناسی بودر.

مبدأ غایت Principe de finalité. — یوقاریکی ایکی مبدئن صکره مبدأ غایت کلیر. بو مبدئک ده مختلف دستورلری واردر، فقط بونلرک هپسنگ قیمتی بر دکلدر. بو مبدئی اول امرده یا کلش آکلایوب یا کلش تطبیق ایتمشلردر. عالمده غایتک وجودینه چوق وقت شویله معنا ویرمشلردر، انسان غایه خلقتدر، هرشی اونک منفعت خصوصیه سنه خادم ومنحصرأ اونک استراحتی ایچون مخلوقدر.

بویاه بر تلقینك واهیلکنی کوسترتمك فائده سزدر : بویاه بر تلقی بعضلرینك محق اولان قولنجه ، « محدود بر فکرده درجه نهاییه ده نخوته » دالدر . هرشی منحصرأ انسانلرك دینه جکنه ، « هر مخلوق کندی کندسی ایچون یرادلشدر ، هر مخلوق کندی بقای ذاتی ایچون الزم اولان وسائطله مجهزدر » دیمایدر . [۱]

بر جسم نامی بی نظر اعتباره آله لم : بو بر منظومه در ، که هر جزئی انحق بتونی ایچون یرادلشدر ، انحق بر غایه ، یعنی بالذات او جسم نامینك حیاتی ایچون موجوددر . بر موجودك بتون اقسامنك بر غایه مشترکیه متوجه ومنطبق اولماسنی قانت « غایت باطنه finalité interne » نامیله یاد ایدردی .

انحق بو قانون ارتباط وانسجامك یالکیز اجسام نامیه حیطه سنه شامل اولدیغنی ظن ایتمك طوغری دکدر : اکر بر یرده نظام وارسه بونك هر یرده اولماسی ایجاب ایدر . بو اعتبار ایله ، عالم طبیعت يك جسم منظومه در که بونك هر قسمی وبالذات بتونی متقابلاً هم وسائط هم غایه در . او یاه ایسه « غایت باطنه » نك یوزی « غایت خارجی در » . هر مخلوق اولاکندی نفسی ، فقط دیگر اقسام عالم ایچون دخی مرتب ومتشکلدر : یعنی باشلی باشنه مطلق بر منظومه اولمق شویله طورسون ، دها عمومی بر منظومه یه داخلدر ، بو جزئی منظومه لر دخی نوبتلری کنجه ، باطنی بر اتساق ایله اونلرك جمله سنی محیط ، وسیع بر منظومه کلیه تشکیل وعالی بر نظام وآهنك ایچنده بر بر یاه امتزاج ایدر لركه بو نظام وآهنك اونلرك مشترك غایه سی اولدیغنی کی اونلرك هر بری ده بو غایه نك وسائط مختلفه سیدر .

والحاصل ، مبدأ غایت ، شو حیجاً اصلی شکلنی اعتباریله ، کائناتك ، هر بری دیگر جزئی منظومه لر دن ، اونلرده الی نه یاه دیگر لر دن متشکل بر منظومه واحده اولماسنی ؛ هر حادثه نك ، هر موجودك ، بر کل معین داخلنده و هر کل معینك اشیانك کلیتده بر غایه سی بولماسنی ؛ طبیعتك باجلمه اقسامی کله نسبتله تابعیت متقابله ده اولماسنی ، یعنی « کل ، ك اجزانك موجودیتدن اقدام او موجودیتك مایتوقف علیهی بولماسنی » اقتضا ایدر [۲] .

[۱] زانك علل غایه Causés finales سندن . — بو ملاحظه نك بعض جهتلری بزم اعتقادیمزده مغایردر . (مترجم)

[۲] لاسلمه نك Fondement de l'induction نندن صحیفه ۸۸

وقتیله آرسطو شویله دیشدی ، عالم آرهلرنده بر رابطه اولمایان مناقبدن متشکل بر هائله tragédie دکدر ، بلکه بتون الفاظی بر برینه باغلی وهربری بدیع برطرزده مرتب برقصیده غرادر ! بناءً علیه طبیعتده باطل هیچ برشی یوقدر : هرحادئه‌نک هر موجودک بر غایه‌سی ، بر قانون طبیعیسی واردرکه ، نظام عالمشمولی موقع فعله چیقارمقدن عبارتدر . شهسز ، علل غائیئه‌نک بر قیمت آفاقیه‌سی اولدیغنه هر وقت برسوری اعتراض ایتشلردر . فقط بوراده اونلری مناقشه‌ایتمک صدیمز خارچنده‌در ، بو مسئله مابعدالطبیعه ره راجعدر . روحیات یالکز « مبادی مدبره معرفت » ی تبع ایله اکتفایدر ، اونلر آرهنده برده علل غائیئه مبدئی بولدیغنی خبرویرمک روحیات ایچون الویرر : بو مبدئی انفسی وتماماً بشری بر اعتقاد اوله‌رق کورمک ایسته‌ینلر بیه اولی اعتراف ایتشلردر .

مبادی تحلیل‌نک سبب مصحح معارف سید نهی . — بتون بومبادی متنوعه تحلیل‌نک جمله سبب مصحح مبدئیدن ناصل مشتق اولدیغنی کورمک قولایدر . اولاً ، بیلورز ، علت la cause دیمک ، سلسله شئون ایچنده بالذات « سبب raison » دیمکدر . بو تقدیرده « مبدأ علیت » مبدأ سببیتک بر تعیندن عبارتدر . دیگر جهندن جوهر substance دخی « سبب » قدر شأنک سببدر : زیرا شأن ، نه قدر فانی وموقوتده اولسه ، انجق ثابت بر شی حقیقی سایه‌سنده وجودینه بر امکان اوله‌بیلیر . جهت آخرله‌ده ، جوهریت ، سبب‌علیتدر . مثلاً کرب ظاهر اولدینی آنده ، « ا » دن هیچ بر شی اورتاده بولمازسه ، اونه کنک یعنی « ب » نک سببدر دییه ناصل دینه‌بیلیر؟ ایکی حاده آرهنده برنسبت علیتک موجودیتنی تصور ایده‌بیلیمک ایچون ، بونلرک بر برلرندن علی‌الاطلاق آیری اولمالری ، وایکیسی آرهنده رابطه خدمتی کوره‌جک بر شینک پایدار اولماسی مقتضیدر .

مادام که علت وجوهر حادثاتک سبب وجودیدر ، اونلرک بر برینی تعقیب ایتسی‌ده قانوندر : یعنی بوتعاقبی حادثاتک ظهورلرنده مدبر اولان برقاعده‌مثابه‌سنده تصور وتلقی ایلرز . بوندن ماعدا ، « مبدأ قوانین » مبدأ سببیتک مبدأ علیته تطبیقندن باشقه برشی دکدر : ظروف وشرائط متساویه داخنده ، عینی علتلرک عینی اثرلری ایقاع ایتسینی نیچون ایسته‌یورز ، چونکه علتلر دکشمه‌دیکندن ، اثرده تحول وقوعنک سبی اولماز . والحاصل مبدأ غایت مبدأ سببیتک بر شکل خصوصیسندن عبارتدر ،

زیرا «علت غائیة» و بونک کبی «عات فاعله cause efficiente»، سبب حادثه دیمکدر :
 « بر حادثه ، کندیسنه زماناً متقدم بر علتة تابع » ، یعنی معلول اولدجقه موجوددر
 دینه بیلیرسه ، « اوحادثه ایچون واسطه اولدینی مدتجه ، یعنی هنوز ذهناً موجود
 اولان بر غایه‌نک تحققنه امداد ایتدجقه موجوددر دخی دینه بیلیر : زیرا بوغایه
 عینی شأنک تحدثنی ایجاب ایدن یکی بر سیدر . [۱] »

مبادینک اوصافی . — بو تقدیرده شو مبادینک اوصافی نه کبی شیلردر ؟
 اولاً بونلر کلیدر ، هم بوایکی اعتبار ایله ، یعنی هم انفسی و هم آفاقی اوله رق فی الواقع
 من جهة ، بو مبدئل هر کسک ذهنده حاضردر ؛ بو حقیقتلر شخصی عائد شیلر
 دکدر ، حاکم اولدقلری بتون نفوس ناطقه ایچون هب بر درلر ، اولره هر کس ،
 اک حقیرندن اک عالیه قدر ، اشتراک ایدر ، و بو اعتبار ایله آرملرنده بر نوع
 رابطه تجاذب ، بر اخوت حقیقه تشکیل ایدرلر . [۲] عقل نه بنده سزدن نه
 سزده بندن فضلهدر ، بو بتون مخلوقات متفکره عائددر ، عقل اولنرک غیر
 مساوات ولادیله لرینی ازاله ایدر : بو « عالمه کله‌رک هر بر ذهنی تنویر ایدن
 نوردر » .

شبه یوق که ، لومه که شویله دیمکده حق واردر : مبادی بالجمله اذهانه مودوع
 اولمقه برابر ، بتون ذهنلر اونلره واقف دکدر ؛ بعضلری اونلری چوق وقت
 بیلمدیکی حالده ، بعضلری ده هیچ بر زمان بیلما مشلردر . فقط ، لوقک شوملاحظه‌سنه
 لرینج که ویردیکی جواب وجهله اونلره وقوف کیکمش اولسه‌ده ، تطبیقاتی تأخر
 ایتز ، ذهن او یانمغه باشلادینی دقیقه‌دن اعتباراً دفعاً واقع اولور : « بومبدئل
 بالجمله تفکراتمزه کیرر ، تفکراتمزه روحی و رابطه‌سی اونلردر ، یوریمک
 ایچون عضلات و اوتار ناصل الزم ایسه ، تفکرات ایچونده اونلر او یله
 لازمدر ، هر نه قدر بو خصوص هیچ خاطره کتیرلیورسه‌ده نفس ناطقه هر آن
 بومبادی‌یه استناد ایدیور ، فقط اونلری آیرمغه و هر برینی باشقه باشقه وانحاً

لاستنبه‌نک Fondement de l'induction ندن

[۲] فرانسه مکتب فلسفیی « عقل غیرشخصی » مدعاسنی these مدافعه ایچون ایشته
 بو وصفه استناد ایدردی .

کورمکه قولایجه موفق اوله ماز، زیرا بو، نفس ناطقه‌نک یابدینی شیئه بیوک بردقه متوققدر، حال بوکه تدبیر و تأمل ایله آز مألوف اولان پک چوق کیسه‌لرده اوله بر دقت همان یوقدر. «محقق، چوجق مبدأ علیتی شکل فلسفیی، شکل مجردی ایله بیلمز؛ وحشی مبدأ عینیتدن دهافضله خبردار دکلدر: بونکله برابر چوجق هر کوردیکی شیئک علتی هیچ طور مقسزین صورمایورمی، وحشی ده بر تناقضه قارشی باغیروب چاغرمیورمی؟ بناءً علیه بالجله اذهان شومبادی بی طبعاً تطبیق ایدر، اونلره مراجعت، و اونلری اخلاص ایستدکلری وقت اعتراض ایلرلر: بوحال اومبدئلرک دهنلرده موجود وعامل اولدیغه دلیل دکلدر، ذهنلر اونلری ایستر بیلمه‌سین ایستر مهم صورتده وجودلرینی حس ایتیش اولسون؟

انفسی اوله رق کلی اولان، مبادی آفاقی اوله رقده کلیدرلر، یعنی بالجله اشیا به بلا استثنا قابل تطبیقدر، یا خودکه بز او صورتله یا پلنترکه او مبادی به اشیا نک یالکز بر قسمی ایچون دکل بتون کلیتی ایچون صحیح نظریه باقارز. او مبادی تفکرک قوانین کلیه سی اولغله برابر، نظر مزه، اعیان موجوداتک قوانین کلیه سی مقامده دخی کورنمکده در. [۱] مثلاً مبدأ علیت، بزجه هانکی صنفه منسوب اولورسه اولسون، مکانک نره‌سنده، زمانک هانکی آننده تحدث ایدر سه ایتسون، بالجله حادثاته شامل اولمق اوزره متصوردر. شبه یوقکه، قوانین فیزیقه، اجسام مادی به تعلق ایتدکجه عمومیدر؛ فقط بالخاصه اجسام مادیه وار اولان شیلرک انجق پک مقصور بر جزئیدر، کثرتی محیر عقول نیجه اشیا اونلرک قضا jurisdiction سی خارجنده قالیر. بالعکس، هر نه که وارسه جمله سی مبادی عقاله تابع اولوب عقلک دائره قضایی ایسه عالمک لاتناهیسه مساوق و مطابق adequate در.

جهت آخرله، مبادی ضروریدر، بوده ایکی اعتبار ایله، یعنی هم نفسی وهم آفاقی اوله رق. مبادی اوله انفسی اوله رق ضروریدر، بواعتبار ایله او مبادی بزم ایچون تقيضلری غیر قابل تفهم اولان حقیقتلر حکمنده در. مثلاً بزم ایچون برشی هم وار هم یوق فرض ایتک، بر حادثه بی بلا علت حادث تصور ایتک منتهدر. عالم واونده کشف ایده بیلدی کمز قانونلر، نظر مزده فعلاً de fait ثابت حقایقدر: اونلرک موجود اوله ماملری، یا خود بسبتون باشقه درلو شیلر اوله بیلملری ده

[۱] اونلره بونظرله باقیه حصص اولوب اولادینی مناقشه مابعدالطبیعه به راجعدر.

مکنذر . آنحق مبادی ایچون بویله برملاحظه اصلا وارد دکلدر ، زیرا بونلر حقاً de droit ثابت حقایقدر ، که بونلرک ماهیت وموجودیتلری نفسمره صورت مطلقده آمردر . ینه بوندن دولایی اشایی ، اومبادینک بزه کوسترمدیکی دیکرشیلر اولدیغنی تسلیم ایدهمیز ، برده اشایی تفکر وتفهیم ایچون ذهن اوشیا ایچنه بر نسبت علیت وجوهریت ادخالنه مجبوردر دیشدک ، اشیا نك کندی آرهلرند بونستلری محافظه ایتمکلرینی ده ینه اوسبیله قبول ایلیمیز . بونک بالخاصه سببی اومبادینک تفکر مزك شرائط واجبه سی اولماسیدر ، اوکا تابع اولمایه جق ویا اوکا مطابق کلیه جك برعالم نفس ناطقه مزه صورت مطلقده مبین اوله جق وبزم ایچون صورت مطلقده هیچ برشی اولمایه جقدی .

بناءً علیه اونلری طانیماق بیهوده در ؛ اونلری درحال تسلیم ایتمکلکمز ایچون قارشیمزده کندیلرینی دستور سکلنده افاده ایتمک کافیدر ؛ اونلرک بداهتی او درجه ده در که ، تجربه نك کندیلرینی تأییده حاجت قالمق سزین ، درحال رهین تصدیق اولورلر . اونلرک اثبات اولمغه احتیاجلری یوقدر ، دها طوغریسی اثباتلری ممکن دکلدر . بونلر حقایق اصلیه در ؛ اونلری دها اصلی دیکر حقایقندن چقارتیق متعذر ؛ اونلر یالکز کندی ذاتلری اوزرینه مبتنی اولوب حقایق سائر ایه اونه اونلره مستنددر : هرشیک اثباتی ممکنذر ، بوندن یالکز مبادی مستنادر که اونلر سایه سنده هرشی اثبات اولنور . بناءً علیه اونلره برنجی حقیقتلر verités premières نامی ویریلیر ، فقط بردفعه دها تکرار ایدلم ، اونلر دیکر حقایقندن اول نمایان اولمش ویا طانیماق «حقایقک سنه اعتباریه» صیره سی اکثریا اونلرک تابعیت منطقیه سنك عکسنه در » ، اولماسی ایچون بونامی آلمش دکلدر ، بلکه دیکر بتون حقایقک قواعد عالییه سی وتأمینات نهاییه سی اولدقلرندن اوغوانه لایق کورلمشلدرد . ایشته بونک ایچوندر که ، امداد تحدسه ادراک اولنان ، مبادی هردرلو مناقشه نك خارجنده در : اونلره اعتراض ایتمک جنه مخصوص غرائب وهذیانلره مبتلا اولمق ، صاحب الامقدر .

مبادینک عمومیت اعتباریه تفکریم اولاره ضرمنی . — تفصیلات مسبقویه کوره مبادینک عمومیتله تفکرجه ، بالجمله تفکرات خصوصیه مزجه معرفت علمیه جه ایفا ایتدیکی خدمت ارتق حساب اولنه بیلیر . مبدأ عینیت هر تفکر ممکنک اک عمومی

شرائطی تعیین ایدر؛ ذهنك تعلق ایتدیكى موضوع هر نه اولورسه اولسون، کندی کندیسيله مطابق قالماسی مقتضیدر؛ بوقانون خارجنده، ذهنك شایان اعتبار هیچ بر عملی یوقدر؛ تناقض تفكر ابطالیدر. بناءً علیه، حتی تصورات مجرددن مرکب تماماً خیالی بر عالمده مشغول بولمش اولسه ق، وکائنات حقیقه ایله هیچ بر مناسبتمز اولماسه، نفس ناطقه، بطلان ایچنده مستغرق اولماق ایچون، تناقضدن مطلقاً قاچمه هر وقت مجبور اولوردی.

فقط بونك اوله اولمادیغنی بزه کیم دیر؟ مفكرنك حقایق اشایی ید تصرفه آله بيله چکنی و کندی منظومه افکاری ایله بالذات منظومه اشایی اظهار ایده بيله. چکنی بزه کیم تأمین ایدر؛ هیچ برشی اونی اثبات ایتیمور، مگرکه ذهنك، عالمك قابل تعقل اولدیغنه بر اعتقاد غیر ارادیسى، یعنی اشایی ده طایمزدن اول اولنری طایق ممکن اولدیغنی تصدیق ایدن ذهنك کندی ذاته ایمانی اوله: مبدأ عینیت تفكر کندی کندیسيله مطابقتی تأمین و یا ده طوغریسی اقتضا ایتدیكى و نفس ناطقه نك انجق عمل منطقیسنه توافق ایلدیكى حالده، مبدأ سببیت ده ایلری به کیدیور؛ تفكر اشیا ایله مطابقتی تکفل و طلب ایدر، حقایق اشیا نك قابل تعقل اولدیغنی intelligible تسلیم ایله تفکری حقیقی یاپیور.

مبارنك تفكر اتمزده کی هرمنی. — بونك ایچون، نه اولورسه اولسون، هر تصدیق، ذهنك ایکی مبدأ اصلیسى اوزرینه ابتدا ایدر. تصدیق ایتك دیمك، حکم ایتك، یالکز مفكره داخلنده موجود اوله بیلن بر شیئی حقیقی عد ایتك، ذهنك اشیا ایچون و اشیا نك ذهن ایچون یا بلمش اولدیغنه ایناق، مبدأ سببیت اعتقاد ایتك دیمکدر. فقط، دیگر بر جهتن، تصدیق آره لرنده کی نسبتی افاده ایتدیكى اشیا اصلاً متناقض اولماق، یعنی فكر کندی ذاتیه مطابق قالمق شرطی بولمادیغنی حالده، تصدیق ناصل ممکن اولور؛ برده بونلر نفس ناطقه نك باجمله اعمالنك شرائط عمومیه سیدر: او عملیه لردن هیچ بری یوقدرکه ذهنك قیمتیه اعتقادی اقتضا ایتش و مبدأ عینیتیه مطابقتیه مکلف بولمش اولماسون. بوندن ماعدا بو خصوصك دیگر باجمله عناصر عقلیه ایچون صحیح اولدیغنی اخطار ایدم. و قتیله له بنجك سویلش اولدیغنی اوزره، مبادی باجمله تفكر اتمزده مرهون اولوب، هر بری برر قالب شکنددر. تفكر اتمز طبعاً او قابلره کلوب

کیر ، دیمک که مبادی تصدیق کوالب ذاتیه سی ، الواح عمومیه سیدر . [۱] مثلاً یک بسیط بر قضیه اولان شو « یازمق ایچون لانبه یی یاقدم . » جمله سنی آله لم . بو قضیه یالکز خصوصی ، زمان حاله منسوب و عارضی بر حقیقت افاده ایتوب ، فقط بعض عمومی ، ابدی ، ذاتی حقیقتلری ده حاویدر ، کرچه بونلر ده آاز ظاهر ، آنحق ده فعلی و حقیقیدرلر ، چونکه اونلر بالجمله تصدیقاتمز آره سنده بولنیورلر : بو حقیقتلر تام معناسیجه حقایق عقلدر : بو ، مثلاً مبدأ جوهر ، مبدأ علیت ، مبدأ غایتدر . هر قضیه نك اساسنده ، عقلك عناصر متنوعه مقومه سی مستور و مخفی اولوب صانکه قماش افکار مرکز آرایش و ارغاجنی « نارویمور » تشکیل ایدرلر ، بونلر ، اوزرینه جمله تفکراتك استناد ایتدیکی درین و نارین طبقه مقامنده در ؛ او تفکراتدن هر بری عقل مزملایم کلیور ، عقل طرفندن قبول اولنیور زیرا عقل او فکر ك متشکل اولدینی عناصر خصوصیه و محسوسه دن هر بری آلتنده ، مقتضیات کلیه سیله برلکده کندیسنی ، وینه کندیسنی تقویم ایدن سرمایه معقول le fonds intilligible ی بولیور .

مباریک علمده کی فهمنی . — حال بویه اولنجه ، نفس ناطقه نك علمی انشا ایچون مصروف اولان مساعی و تشبئات مختلفه سی آره سنده ، مبادی نظریه عقلیه یه تصادف اولنماسنده بادی تعجب هیچ بر شی یوقدر .

مبدأ یمینیت علوم مجرد نك عال العال روحی کیدر . فی الحقیقه ، علوم مجردده مفکره حقایق خارجی ایله اوغراشاز ، یالکز کندی تصوراتیله توغل ایدر : هر شی عناصر اولسون ، مرکبات اولسون هپاوندن یعنی مفکره دن وارد اولور . بونك ایچوندرکه ، قبلی *a priori* اوله رق موضوع بعض حقایق بسیطه دن ، ریاضیاتده اولدینی کبی ، او حقیقتلر ك متحمل اولدقلری بتون نتیجه لری استخراج و حقایقندن حقایقه انتقال ایده بیلور ، یالکز تناقضه دوشماك شرطیله .

مبدأ سببیت دخی بالجمله لواحقیه برلکده ، علوم مشخصه نك مابه الحرکتیدر . اول امرده او علملر ك بالذات موجودیتلری بو مبدأك وجودینی مقتضیدر . علمی یاپمازدن اول ، **فلویدرنار** دیور ، علمك امکانه معتقد ، یعنی نفس *l'esprit* اولمایان اشیا نك اویله اولغله برابر نفس ناطقه طرفندن معلوم اوله بیله جکنه ؛ تعییردیگرله

[۱] **فانت** بونك ایچون اونلره **فانه غوری** Catégories یعنی مقولات دیور .

اشیانك معقول intelligibles اولدقلرینه قائل اولمق لازمدر. بيلمك، آرسطو دیور اشیانك سببی، علتی طایمقدرد؛ فقط علتلر کوزله کورلمز، قانونلر تجربه ایله ظاهر اولماز؛ اکر قانونلری آریورسوق، بونك سببی ده اول اولنلرک وجودینه اینانیورز. [۱] اولنلری کندیلکمزدن spontanément تصدیق ایدیورز دیمکدر. اکر ذهندن مبدأ سببی قالدیرسه کز، علم هیچ بر زمان وجودپذیر امکان اوله‌ماز؛ انسان دخی بهایم کبی، یالکز شو تماشا خانه شئونه باققله قناعت ایدرک، اولنلرک اسبابی آرامنی حاطرینه بیله کتیرمز. بوندن باشقه شونی‌ده بیلیورز؛ نفس ناطقه برنسبت علیتی بولمامشدرکه تعمیم ایتمش اولماسون، بویله بر عملیه‌ی حقی کوستره بیله‌جک برشی وارسه اوده مبدأ سبیتدر.

اصل معناسجه علم، یعنی مثبت positif اسمیله معنون اولان علم هر نه قدر کندی تأویلاتنده منحصرأ «علیت فاعلیه»، یعنی میخانیکی صرف ایله اکتفا ایتکده ایسه‌ده، مبدأ غایت دخی بر صورت مؤثرده حکمی اجرا ایتکده‌در. اجسام متعضوه ونامیه وشون حیاتیه موضوع بحث اولدینی وقت غایت فکری علمایه رهبر ارشاد واولنره کندیلرینی کشفیات مهمیه موفق ایده‌بیله‌جک فرضیاتی ملهم اولمقدرد. [۲] هروجهله، سبب raison نظرمره بالذات تفکرک عنصر مقومی کبی کورنمکده‌در: دوشونمک، کله‌نک معنای محدودنجه، فی‌الحقیقه یالکز بعض احساسات ویا صور محسوسه‌ی ادراک ایتک اولمایوب، نسب کلیه ضروریه‌ی کشف و معقولی l'intelligible استبطا ایتکدر، حال بوکه تجربه‌نک صامت وناکافی حدودینی تجاوزله، اوقیل نسبتلرک موجود اولدقلرینی، وعوالمک مطلق بر پراکنده‌لک وذی حیات برتمثال بطلان اولمادیغنی بزه خبر ویرن یالکز عقلدر.

[۱] فوریه Fouillée نك افلاطونك فلسفه‌سنه باقکز.

[۲] طیمیون هر نه‌زمان بر عضو کورلرسه، بر وظیفه fonction نك بر مأموریتک موجود اولدیغنه قائل اولورلر، حال بوکه اونك نه اولدیغنی ده بيلمزلر. **هاروهی** دوران دی‌کشفه دامارلرک دسامه valvules لرینه باقارق، اعضاده‌کی بوترتیدن مقصد نه‌اوله‌بیله‌جکنی آراشدیرمق سایه‌سنده موفق اولمشدر. **کوریه** ده بعض مستحاثات انواعی، اعضای بدن آره‌سنده‌کی مناسبت وموافقت correlation مبدئه استناد ایدرک یکیدن انشا اولمشدر.

برنجی **صفت دبلکیر** . — تدقیق ایتک اوزره اولدیغز مبادی مختلفه دن هریری ایکی بیلکیدن ترکب ایدرکه نفس ناطقه اونلر آره‌سنده برنسبت تصدیق ایدیور : شویاه که مبدأ عینیت «*l'être*» تصوریه «*عینیت* *identité*» تصورندن مرکدر ؛ مبدأ سببیت «*وهور*» و «*سبب*» «*raison*» تصورلرندن مرکدر . بو بیلکیلره برنجی بیلکیلر ، معلومات اول «*notions premières*» دیرلر ؛ اونلری حقایق اول ویا مبادی دن تفریق ایدرلر . بوتیمیزک تههمی قولایدز : زیرا برنجی بیلکی بسیط برفکردر ، کندی ذاتی اعتباریه هیچ برتصدیقی قبول ایتمز ؛ برنجی حقیقت ایسه حقیق بر حکمدر ، و بو حیثیه یالکز بر علم شعورده متحقق برامر «*une donnée de la conscience*» ویا مفکره‌نک بر قانون انقیسی کی دکل ، فقط اعیان موجوداتک بر قانون آفاقیسی مقامنده موضوع و مسامدر .

برده شوکا دقت اولمالیدر : مبادینک ترکینه داخل اولان بیلکیلرک یاننده ، تحلیل واسطه‌سیله دیکر بعض بیلکیلرده بولتورکه نفس ناطقه اونلری قضیه شکلنده تعیر وادادن صانکه فراغت ایتش اولدیغندن افکار صرفه شکلنده قالمشلدردر ، حال بوکه اونلر دخی بالذات مبادی کی ذهنک بنیه‌سه کیرمشدر .

اونلردن بعضلری تجربه ایله نمایان اولان اشیا *objets* یه ده‌اخصوصی برصورتده منطبق و موافق کورنمکده ؛ بعضلری ده ، بالعکس ، تجربه حدودینی الی مانیتهی کج‌دیکلرندن تجربه و محسوسات داخلنده ماصدق و متعلقلری بولنما مقده‌در : بولنر ، *transcendental* تعیرینه کوره ، *متعال* افکار اولوب مفکره‌نک امر توحید و تنسیقی امکانک صوکه درجه‌سه قدر توسیعه مدار اولمقده‌در .

مطالع *l'espace* و *زمانه* *le temps* . — برنجی فکرلر مکان و زمان تصورلریدر . اگر شئون و حادثاتی نفس‌مزدن خارجه‌ده ، معین بر محله‌اسناد ، کندیلرینه بر موقع ثابت . تخصیص و آره‌لرنده بعض وضعیت *juxtaposition* نسبتلری اثبات ایتوبده ، جمله‌سی نظریمزده ، معاً موجود متمایز حدلردن *termes distincts* ، همزمان *simultanés* بعض عناصردن مترکب بر کثرت کی نمایان اولورسه ادراک ایده‌میز . ادراک ایتک *percevoir* دیمک ، احساساته خارجیت *extériorité* مفهومی علاوه ایتک ، مکان تصویریه اونلری تحویل ایتک دیمکدر : منفرداً طات ، مقاومت ، سسلر کی انطباعات ایله عالم خارجیتک وجودی اولماز ، زیرا اونلرده تحیز دن *étendue*

اثر یوقدر . برده مکان ایچون نخیح اولان زمان ایچون ده نخیحدر . بالجمله حالات شعورمزه قانونی، بعض حالاتی دیگر بعضلرندن بالضروره متعاقباً عرض وجود ایتمی، برتعاقب succession شکلی آلماسی، برسلسله خطیهی تعقیباً طبعاً صورت پذیر انتظام اولماسی در : تفکراتمزه، متعلق اولدقلری اشیانک هر برینی آیری آیری ذهناً استحضار ایتک اوزره، سوق طبیعی ایله ادخال ایتدکمز شواضاف تماقب، زماندن باشقه برشی دکلدر . شبهه سز، قانت ک اخطار ایتدیکی وجهله، بعض نفوس وارواحک مکان وزمان قانونه بزم کی تابع اولماسی واقع اوله بیلیر؛ فقط بزم ایچون، مکان وزمان، بالذات مفکره مز دیمکدر، نفس ناطقه مز اشیایی، بالجمله امور معلومی، بالعموم امور ممکنه یی او ترکیب مضاعف ایله احاطه ایدر، زیرا مکان وزمان شئون جدیدیه هر وقت آچقدر، بواکی مفهوم بزه نامتناهی، والی مایتهی انبساط و امتداده مستعد کورنمکده در، مکان وزمان، ایچنه تجربه حسیه ایله ثابت اولان بالجمله اشیایی objets صوقدیغمز پک کدیش، غیر محدود ایکی پرواز cadre حکمنده، واستحضارات ذهنیه مزک هر برندن غیر قابل انفکاک ایکی قانون مثابه سنده در. قانت ک اولنره « صور حساسیت formes de la sensibilité » اسمنی ویرمسی بونک ایچوندر [۱].

ابری، کبیر، واجب، غیرمتناهی، اکل، مطامیر : الله فکری — عقلک دیگر برنجی بیلیکلرنی تعیین ایتک ایچون، تجربه ایله ثابت و معلوم اشیایه عطف ایتدکمز ماهیتی نظر اعتباره المق کافیدر . بونک نه اولدیغنی براز اول کوردک : اوشیلر بزه مکان داخنده طاعنیک، متفرق، تقلبات دائمییه معروض، وجهله سنی یوتان زمانک پنجه تهریله پارچه لانونب محو اولمش کورنمکده در . بوندن باشقه اولنر ممکن contingents در، یعنی وجودلری مستعاردر، حقیقت فعلیه لرینی ایضاح ایدرجک کندیلرنده هیچ برشیته مالک دکلدر، وبو اعتبار ایله، اضافی relatif یعنی مشروط conditionné، بالذات دیگر برشیته تابع؛ متناهی، یعنی موجودیتلرنجه، صفترلرنجه، فعللرنجه، والحاصل جمیع جهاتدن محدود؛ ناقص imparfaits، یعنی تناقضات، شر، عدم ایله آلوده درلر .

فقط تجربه ایله اساساً معلومز اولان اشیا ده بوکامثال اوصافی، عجباً اونلرک طوغریدن طوغری یه ضدی دیگر اشیانک فکر لرینی نفس مزده حامل اولماش اولسه ییق، ناصل تشخیص ایده بیلیردک؛ قوت و یا فضیلتی ضعف و یا رزیات ایله دکل، بلکه ضعف ورزیلتی قوت و فضیلت ایله تفهم ایده بیلورز: منفی négatif نك وجودی آنجق مثبت positif ایله معلوم اولور. کیر، ابدی، واجب، مطلق، نامتناهی، اکمل کچی مفهومات عالیله نك نفس ناطقه ده حضور لرینی تسلیم ایتک لازم کیر، بونی تسلیم ایتک محسوساته فی الحقیقه عطف ایتدیکمز نعوت و صفاتی یا بالمقایسه و یا ضدیله ناصل اسناد ایده بیلدیکمز ایضاح ایچون لازمدر. کیر l'immense دیمک، مکان آره سنده متفرق دکل تجزی و انقسامی غیر قابل، احدیت مطلقه سیله قائم وارلق دیمکدر. ابدی l'éternel دیمک زمان ایله زائل، وینه زمانک تأثیر یله صیرورت و تحوله تابع دکل، بلکه من الازل الی الابد حاضر اولوب تغیر و تحول شانی اولمایان وارلقدر. واجب le nécessaire دیمک بتون اشیا کندی ذاتنه مقتدر اولدینی حالده کندیسی اونلرک هیچ برینه محتاج اولمایان وارلقدر؛ بناءً علیه بو وارلق مطلق l'absolu در، یعنی هیچ بر شرط ایله غیر مقید délié بذاته ولذاته قائم، وغنی عن العالمین sufficient pleinement à lui même در. بونکه برابر «ذات مطلقه» آنجق غیر متناهی و اکمل اوله بیلیر، غیر متناهی، دیمک «غیر معین indéterminé» دیمک دکل، کذلک کمیت ریاضیه کچی، هر وقت انقسامه قابل ده دکل، فقط هر تحدیددن بری dégagé دیمکدر، و او درجه حقیقی réel درکه مفکره اونک ماوراسنه کچه مز؛ اکمل در، یعنی هر شائبه قصر و تقیددن منزّه، و هر جهته تامدر. ایشه بو ذات مطلقه الله اسم جلالی ویرمکده؛ و مضاف relatif و ناقص imparfait اولان بزلرک وار اولدیغمزه، و ذات اجل و اعلانک موجود اولمادیغنه و یا یالکز مفکره مزده موجود اولدیغنه اعتقادی رد ایدرز.

عقلک مأمر اولدیغی فهمندر les fonction de la raison. — عقل بزه یالکز علی طانتماور، اونک حدودینی کچمکده یاریم ایدیور. شوبله که عقل اولا جهان شئونی، یعنی اضافی و مقید حادثاتی تنسیق و تنظیم ایدر، بونی ده حادثاتی حادثاته نسب واجبه توفیقاً ربط ایدرک، و کیت کیده دها عمومی قانونلر

یوکسه‌رک یاپار؛ فقط دها اوزاغه کیده‌رک امور اضافیه‌نک هیئت مجموعه‌سی ذات مطلقه‌یه نسبت ایلر. بونک سبی شودرکه ذهن بر مایعیت کامله‌یه طالبدر: انجق اضافات دائره‌سند قالدجه، تأویل حادثات قطعیت کسب ایدمز. مفکره الی ما یتمی ترجیع *régression* مجلوبدر. اونک واصل اولدینی صوک حد دیکرلری ایله عینی ماهیتده اولوب اونلر کبی اوده تأویله محتاجدر. بونکله برابر، آرسطو نک تعیرنجه: «بر یرده توقف لازمدر»، بو حالده ایستر ایسته‌مز دائره‌ اضافاتی، وعلمک تبعیله قناعت ایتدیکی «اسباب تالیه *causes secondes* نی» براقغه وهر شیء ذات مطلقه‌یه تعلقه، وهیچ بر شیئه تابع اولمادینی حالده، بالعکس بتون ماسوی *tout le reste* کندیسنه مفقر اولان مسبب الاسبابه *cause première* اسناده مجبورز.

بناءً علیه عقل یالکز قره علمیم اولمایوب، کذلک مابعد الیعی بر قوه‌در. [۱] ذات مطلقه، ذهنک الک عالی مفهومیدر؛ ذهنه طالب اولدینی سکون وراحتی ویرده. بیله‌جک یالکز اودر. عقل همده «اخلاقی» بر قوه‌در. بزه وظیفه‌یی ویرن‌واونی اراده‌مزده تحمیل ایدن اودر: «عقل عملی»، «عقل نظری» دن مستقل بر عقل خصوصی دکلدر. عقل عملی عقلک مأمور اولدینی بر خدمت مخصوصه‌دن، و اعمال انسانی‌یه تطبیقندن عبارتدر. بونلردن باشقه، عقل همده «بدیعی» و «دینی» قوه‌در، زیر اصنعت *l'art* و دین، انسانک ذات مطلقه‌یه توجه و اقبالندن بنفسه طوغار، وذات اقدس واکملی تحدس اوزرینه استناد ایدر. ایسته بونک ایچون علم، مابعد الطبیعه، اخلاق، صنعت، دین، بتون بونلر انساندن باشقه هیچ بر یرده اجتماع ایتمز؛ زیرا عقله مالک اولان یالکز انساندر.

عقلک منشئ: ایکی مدعا. — هیئت مجموعه‌سی عقلی تقویم ایدن حقیقت و بیلکیلری بر از اول صایق. انجق کیری‌یه مهم بر سؤال قالیور: بتون بو عناصرک منشئ نهدر؟ بو نقطه حقنده، فیلسوفلر آره‌سند فکدرلر متفق دکلدر. بونکله برابر بتون نظریه‌ر ایکی صنفه آریله‌بیلیر. بر جهندن اختباره *l'empirisme* که بوکا احساسیه *sensationnisme* دخی دینه‌بیلیردی؛ دیکر جهندن، وهیه *innéisme* که بوکاده اکثریا عقلیه *rationalisme* اسمی ویرلمکده‌در.

امتیازیه‌یونک مدعاسی . — امتیازیون، عمومی مدعا these اوله‌رق، دیرلرکه عقل‌انجیق بر محصولِ «تجربه» در. بدایتده، نفس ناطقه تماماً خالیدر، بر « لوح امس table rase » در : احساسات کلوب اونو تولیدیر، مبادی، دیگر حقایق مثلوه، انجیق‌اشیانک انطباعاتندن متولددر. بو ذهاب فلسفینک دستوری، شودرکه اول امرده‌جسده اولمایان هیچ بر شی مدرکه داخلنده یوقدر .»

امتیازیه‌ی صرفه : قیمتی . — بوندن ماعدا امتیازیه‌ی کیت کیده دها ایجه، دها ماهرانه، اوچ شکله کیرمشدر. امتیازیه‌ی کندیسندن تحیحاً خیر اولماسی ویر ذهاب حقیق شکله کیرمی لوقه ایله باشلار [۱] امتیازیه‌ی نک‌خام شکلی بودر. امتیازیه‌ی نک بو برنجی شکله کوره، مبادی، احساساتک یوشاق بر بال مومی کبی منفعل بر قابلیت اولان نفس ناطقه اوزرینه ترا کمندن حاصلدر .

فقط بویله بر ذهابک عدم کفایتی آشکاردر. زیرا مبادی‌ی بز هم کلیت و هم وجوب کبی بر وصف مضاعفه کوریورز : او حالده اونلری هر وقت جزئی و ممکن اولان تجربه‌دن ناصل اشتقاق ایتدیره‌ییلیرز ؛ احساس بز بر شینک بوراده بویله ویا شو هیئتده اولدیغنی کوستریور، اونک هر یرده، فضاک هر جهتده اویله اولدیغنی خبر ویره‌ییلیری ؛ احساس بو شینک باشقه درلو دکل، بویله اولدیغنی تبیین ایدر : فقط اونک اویله اولماسی ایجاب ایتدیکنی، وباشقه درلو اوله‌مایه‌جغنی سوبلری ؛ حقایق نظریه‌ی عقایه‌ی نک ماهیتی ایله بالتجربه ثابت حقایقک ماهیتی آره-سنده کی مغایرتی کوسترمک لازمکله‌یدی بو پک قولای اولوردی .

مراعیه l'associationnisme : قیمتی . — بناءً علیه امتیازیه‌ی نک اوخام شکلی چوق کچمه‌دن دکشمش ودها صاغلام برشکل آلمشدر : تداعیه دنیلن ذهاب بودر.

[۱] لوق، دور تقیدی‌یه باشلانج اولان : « Essai sur l'entendement humain » مدرکه انسانیه اوزرینه تجربه‌ی قلم « عنوانی کتابنده **دوقارمک** وهیه‌سنه مخالفت ایدیور : کتابنک برنجی باینده افکار موهوبه اولمادیغنی واوله‌مایه‌جغنی کوستریور ؛ ایکنجی باینده معلو ماترک هپسی تجربه ایله حاصل اولدیغنی اثبات ایدیور. **آرسطو** امتیازیه‌ی نک پیری کبی صایله‌تدهدر : فقط بو بر خط درکه **لریغینج** بیله اوندن قورولماشدر. **آرسطو** نک عندنده، حقایق داخل‌ذهنده بالقوه موجود اولوب بونلرک فعله چیقماسی دیگر بر عقلک، عقل فعال بویا اقدسک امدادیه وقوعه کلیر .

بو ذهابی چیقاران هیوم Hume ایسه ده اک پارلاق ممثلی استورات میل در. لوقه بر واقعه مهمه بی اونوتمش یا دها طوغریسی تقدیر ایتامشدی : او واقعه شودرکه احساسات بر دفعه نفس ناطقه یه مال اولدقدن صکره بوش ومتجرد طورمایور ؛ بالعکس آره لرنده اجتماع ، بر برلرینه کیت کیده دها قوتلیجه التحام ایدیورلر ، وبر مقدار مساعد تجربه لرك صوکنده پک قوتلی ونهایت غیر قابل افنا اعتیادات ذهنیه وبر طرز معلومه تفکرک ایجابات حقیقه سی شکلنه کیریورلر : ایسته مبادی بونلردن باشقه بر شی دکلدر .

مثال اوله رق علت متعارفه سی آله م ، معلوم اولدیغی اوزره بومتعارفه نك دستوری « هر حادثه نك بر سببی واردر » عباره سیدر : بونك ، قانون تداعینك یاردیمیه ، تجربه دن متحصل اولدیغی اثبات ایتك قولایدرد . حواسمز بزه ایلک دفعه اوله رق ایلک ب حادثه لرینك بربری آردنجه ظهور ایتدکلرینی کوستردر : بو تعاقبك طرز واحده متدایاً تکرر ایتدیکنی مشاهده ایدرز : اوحالده ا و ب فکرلری نفس ناطقه مزده طبعاً ارتباط ایدر ، مساعد تجربه لرك مقداری چوغالدقجه تداعی ده کیتدکجه قوتلشیر : بونك اوزرینه نفسمزده چوق کچمه دن ، نا قابل افنا ، نا قابل انحلال بر اعتیاد تحصل ایدر ، او صورتده که مقدم اولان « ا » ی در حال تالی اولان « ب » ی دوشونمکسزین واونی بکله مکسزین ارتق کوره میز . بناءً علیه « علت » دیدیکلری شی ، ایسته بو مقدم مستمردر . شوکا دقت اولمالیدر : بوتداعینك نفسمزده حصولیه برابر ، دها نیجه نیجه تداعیلر تشکل ایتشدرد ؛ بونلرك هپسی لایتغیر بر نظام داخلنده تعاقب ایدن ایکی حادثه بی ذهنأ استحضار ایتکلکمزه مدار اولور ، هپسی هر وقت عینی تالی یه تقدم ایدن عینی مقدمی بزه کوستردر . بناءً علیه شؤنده کلیت بولندیغنه و بونك بویله جه منتظماً دوام ایده جکنه بزه برظن غالب حاصل اولور ؛ بوظن ، کندی لهنه شهادت ایدن حالاتك عددی چوغالدقجه ، کیت کیده قوتلشیر ، هیچ بر حادثه ده اونی تکذیب ایتدیکندن ، نفس ناطقه اک صکره شو قبا طاسلاق وموقوت قانونلری بردستور عمومی شکلنده جمعه طبعاً میل ایدر ، طبیعتك بکنسقلنی حقنده کی اعتقاد لهنده کی شهادتلك متحداولماسندن وعلیه ده هیچ بر شهادتک بولنماسندن اویله بر قدرت وسلطه autorité یه منتهی اولور که نفس ناطقه مزك اک قوتلی اعتیادانه قارشى ناصواب بر تجاوزده بولنقسزین ،

اونك حكمندن قاجامیزه [۱] مبدأ غایت حقنده صحیح اولان، دیگر مبادی حقنده طوغریدر: اونلری خصوصی بر «قوه» یه اسناد وارچاهه هیچ لزوم یوقدر: اونلر دخی «ناقابل انحلال بعض احساسدن»، تجربه یه تماس ایله تدریجاً اکتساب ایدلمش اولمغله برابر بالآخره صحیحاً تفکرک قانونلری شکله کیرمش، بعض اعتیاددن عبارتدر. بوزهاب شبهه سز اوخام اختباریه نك فوقنده در؛ زیرا بعض احساسات خصوصیه و ممکنه دن، نفس ناطقه ده بعض حقایق کلیه و واجبه نك ناصل ظهور و تحصیل ایده بیلدیکنی تأویل ایدیور. فقط بالذات ستوارت میل بوزهابه نه قیمت بخش ایدلمسی موافق اوله جغنی کوسترمکی اوزرینه آلمشدر. اثر تألیفی اولان منطق نك مشهور بر فصلنده، بیان ایدر که کرچه فعلاً en fait هنوز غیر محلول بعض تداعیلر وارسه ده، حقاً en droit ناقابل انحلال تداعیلر یوقدر. بک اوزون بر مدت، متکرر بر تجربه اعتماداً، اینانلشدی که هپ قوغوقوشلری بیاضدر، بونکله برابر، آسترالیانک کشفندن صکره بو اعتقاد بر ظن باطل منابه سنده ترك ایدلمشدر، زیرا قاره قوغوقوشلر دخی کورلمشدر. بناء علیه مبادی ایچون دخی بویه برشی اولمایه جغنی کیم بیلیر؛ شبهه سز، بونلر تجربه سابقه یی، بتون تجربه ماضیه یی تمثیل ایدیور؛ فقط حالات مساعده نك عددی نه قدر بیوک اولورسه اولسون، مستقبل احتیاط اوله رق حفظ ایندیکی حالاتک عدد نامتناهیسی یاننده نه در؛ طبیعت بی بعض طرزده تفکره مألوف ایتشدر؛ فقط بوکون یادیغنی یارین بوزابیلیر: امور معلومه ده کی روشک یارین بقته دکشمیه جکنی و نظام حادثاتک تماماً آلت اوست اولمایه جغنی بکا کیم تأمین ایده بیلیر؛ اونلرک مستقبلده دخی حالده و ماضیده اولدیغنی کبی اولماماسی ایچون هیچ بر سبب یوقدر دیمک، بر ابهامی سؤ استعمال ایتک، تجربه دائره سنندن چیقماق و اوکا فائق بر مبدئی اقامه ایلک دیمکدر! بوندن باشقه استوارت میل شونی ده دیور که، شو اوجی بو جانگی بولنمیان کاشاتک بر کوشه سی ده اوله بیلیر که اوراده مبدأ علیت جاری دکلدر، یاخود بوکونکی عوالم ایچون جاری و معتبر اولان برشی یارینکی عوالم ایچون اویله اولمایه بیلیر. فقط بویه بر ملاحظه تأویل و ایضاحی قصد اولنان، مبادینک کلیت و وجوبی وصفلری افنا ایله مساوی دکلدر؟

[۱] لیارک علم مثبت و مابعدالطبیعه سته؛ لاشلیه نك اساس استقراسنه باقلماسی

بوندن ماعدا تجربه‌دخی بوزهابك ساخته اولدیغنی اثبات ایدیور. اکر مبادی، تجربه‌نك تحت تأثیرنده، یواش یواش متشکل تداعیلردن عبارت اولسه‌یدی، بزم کبی عینی عالمی ادراك ایدن بهیمه‌ده دخی بولناملیمی‌ایدی؟ هم‌ده بهیمه‌نك ذهنده تداعی محقق بزم ذهمنزده‌کندن زیاده یر طوتمقده‌در. برده، چوجغك هنوز تازه اولان نفس ناطقه‌سنده اونلر موجود اوله‌بیلیرمیدی؟ بونکه برابر، چوجق، دها ذهنی اویانمغه باشلار باشلاماز، محقق مبدأ علیه مالک اولدیغنی کوستریور. والاصل اکر مبادی محصول تجربه اولسه‌یدی، قوت وسلطه‌لری‌باش ایاه متزاید، وتجارب واقع‌نك عددیه متناسب اولاملیمی‌ایدی؟ بونکه برابر علیه اعتقادك درجه‌سی اول و آخر هپ اودر، اونك مالک اولدیغنی قیمت مطلقه‌نی تجارب متراکمه‌نه تنزیل ونه تزید ایده‌بیلیر.

تظامیه l'évolutionisme: قیمتی. — اشته بونك ایچوندركه، اختباریه سینه‌رایله، دها عالمانه ودهادرین برشکل آلمشدر. بوفلسوف، استوارت میل ك فرضیه‌سنی صورت قطعه‌ده ردایدیور: «اكر، دیور، انسانی ولادنده، بالکز انطباعاتی اخذدن عبارت بر قابلیت انفعالیه‌موجود اولسه‌یدی، نیچون بر آت دخی انسان کبی عینی تربیه‌نی قبول ایده‌مسیندی؟» نفس ناطقه بر لوح املس table rase دکلدر، تجربه شخصیه وفردیه‌نك بر محصول عادیه‌ده دکلدر؛ بالعکس بالذات تجربه‌نك برشی اوکرده‌بیلیمی‌انحق بو «تجربه‌لری تنسیق قوه» سنك اقدمجه موجود اولماسی سایه‌سنده‌در. بناء علیه میسر ك رائج، مبادی عقلیه بوکون فردده ولادیدر، فطردر؛ بناء علیه ذکاسنك دها ایلک ایشلدامسیله برابر، چوجغك‌کننده اومادینك موجودیتته شهادت ایلسی شاشاجق برشی دکلدر. بونکه برابر اختباریه‌قدر: شویله‌که فردده فطری، ولادی اولان مبادی عرق race طرفندن مکتسبدر. یعنی بومبادی نیجه نیجه عصرلر بتون عالم انسانیت ودها طوغریسی انسانلرکده ایچندن نشأت ایتدیکی بتون اجناس طرفندن یاپلش، مقداری عقللره حیرت ویره‌جك قدر تجربه‌لرک وهرنوع تداعیلرک ثمره‌سیدر. بوکته انطباعات، تکرر ایده ایده، آلت تفکر اولان دماغی، یواش یواش اشیانك نظام حقیقیسینه اویدرمش یاقتدرمش، داخل‌ذهنده

کیت کیده دهادرین بعض تمایلات عقلیه تثبیت ایشدر : بونلر حیات ایله برابر بزه ، هیچ طور مقسزین آرتان ، تشدد ایدن ذهنی بر سرمایه ماثبه سنده ، اراثاً انتقال ایش اولدیغندن ، شیمدی مفکره مرک قواعد اصلیه سی حکمنده در . بو تقدیرده مبادینک کلیت ووجوبلرندن شبهه ایتک خاطرده کلیرمی ؟ بر جهندن ، اونلر ، یر یوزنده کلوب کچن بالجه صنوف خلائک هپسی جانبندن پاپلش صایسز تجربه لک ثمره سیدر . دیگر جهندن ، مادام که اونلری بز یامادق ، ارتق بوزمق المزدن کلز : او مبادینک کوککری ماضی ایچنده نه قدر زیاده درینه کیتمش ایسه سلطه سی اوقدر زیاده امین ، متاتی اوقدر زیاده شیددر .

بویله بر نظریه نه قدر « جاذب وجسور » اولورسه اولسون ، قطعی اولدیغنی ظن ایتیه یز . اولا بونظریه مشکلی براز دها کیری چکه کدن باشقه برشی یاپیورمی ؟ بوکون فرد ایچون ممنوع اولان شی نوع ایچونده سوياً ممنوع دکلیدی ؟ سیرسه بیان ایدیورکه ، بر لوح املس اولان نفس ناطقه ده « تنظیم تجارب قوه » سی ظاهر اوله ماز : فقط بدایتده ، نوع l'espèce دخی بحصر المعنی لوح املس دکلیدی ؟ تجربه لر تجربه لر اوزرینه ، عصرلر عصرلر اوزرینه نه قدر ییغله بوشدی . زمان کندنن هیچ برشی تولید ایده مز ، انحق تنسیق وتنظیم ایدیله جک تجربه لر کتیر ، فقط « تجربه لری تنظیم قابلیتنی » هیچ بر وقت حاصل ایلز . واقعا سیرسه بعض قانونلر ، بعض نسبتلرله منظم بر طبیعت خارجیه فرض ایدیور ، و اوطبیعتک امداد تجربه ایله ، مفکره داخلنده بتمامها انعکاس ایتدیکنی تصور ایلور ، او صورته که اشیاده کی قوانین الک صکره بالذات نفس ناطقه نکده قانونلری مقامنه سکور . مادام که اوله ایش مبادینک ذهنده ظهوری نیچون اوله بطی اولور ؟ نیچون بهیمه دهده بونلرک ایزلری کورلیور ؟ بوندن باشقه سیرسه بزه بذاته منظم و مرتب بر طبیعتدن نه حقله بحث ایدیور ؟ سیرسه ایچون ممکن اولان یکانه حال که تجربه نقطه نظریدر ، او اعتبار ایله ، عالم انحق بر هیئت مجموعه حادثاتدر ، نه نسبتی نهده تلازمی اولمایان برسلسله احساساتدر . تجربه نک بزی بالذات اشیا و بونلرک نسب صحیحله لری ایله طوغریدن طوغری به اختلاط و مناسبتده بوندردیغنی ظن ایتک بر وهم غلیظدر ؛ تجربه بزه انحق ظواهری ، بذاته غیر مرتبط و محروم انتظام ، شئون ادراک ایتدیرر ، بونکله

برابر شاید بو عالمک معقول intelligible اولدیغی ، اوندۀ قانونلر ، برانسجام‌نابت وکلّی بولندیغی فرض ایدیورسۀ ، شاید بوکا اینانیورسۀ ق ، بوفرضیۀ ، بواعقاد تجربۀ دن وارد اولۀ مایوب نفسمزک الکدرین یردن صدور ایتسی ایجاب ایلر . [۱]

اٰنٔباربۀ نك ٰطاسی . — والحاصل ، اختباریۀ ، هانکی شکلی اکتساب ایدرسۀ ایتسون برخطای اصلی اوزرینۀ استناد ایدیور؛ اینانیورکۀ عقل تجربۀ صرفۀ دن [۱] تولدایدۀ بایر: فقط معنای اصلینجۀ تجربۀ صرفۀ یوقدر؛ تجربۀ ، بذاتۀ ، هیچ برشی دکلدۀ ، بومبهم ، معاسزۀ ، قیمتسر بعض حادثاتک ترا کندن عبارتدر؛ تجربۀ انحق کنینی تأویل ایدن ، تنظیم ایله‌ین مفکرۀ سایه‌سندۀ بر معنایۀ دلالت ایدر ، قابل تعقل اولور : عقل بو تنظیمک organisation محصولی عد اولنۀ ماز ، زیرا اوتظیمک مستند علیی وجانی عقلدر . « تجربۀ قلودبرنار دییور ، عقلک امتیازیدر » : ذهن تجربۀ دن حاصل اولماز ، ذهنک وجودی اوندن اقدمدر . بهایم احساساتی بزم کبی اخذ ایدرر ، اونلرک حواسی بزمکیلردن نازکدر ، بلکه عددجۀ ده‌ها چوقدر : اویلۀ ایسۀ علمی انشا وتدوین ایتدکری نیچون کورلمیور ؟ زیرا احساسک قیمتی انحق ذهنک اوکا ویردیکی قیمتدر ، احساسک حائر اهمیت اولماسی نفس ناطقۀ نك اونی تحویل ایلسی ، فکر حالنۀ قویماسی ، اونک ایلروسنۀ کچمسی ، اوکا بالذات عقل علاوۀ ایلسی سایه‌سندۀ در ! بووجهلۀ ، عقلی احساس واسطۀ سیلۀ تأویلۀ اوغراشمق ، مصادره علی‌المطلوبلرک اک بیاغیسیدر .

وهییه‌ذهابی doctrine de l'innéité . — وهییه‌ذهابی عبادۀ هازیادۀ موجب قناعتیدر؛ بوذهابک عمومی دعواسی ، شودرکۀ ذهن محصول تجربۀ دکلدۀ . نفس ناطقۀ ده بعض عناصر واردرکۀ تجربۀ دن مستقلدر وبالذات تجربۀ نك قواعدینی تقویم ایتمکدۀ در . بونکۀ برابر بو نظریۀ دخی مختاف شکلرۀ کیرمشدر : تجربۀ نك فوقدۀ واوندن اقدم اولان بو عناصرک کیفیت موجودیتنی ، مقدارینی وبالخاصۀ قیمت آفاقه‌سنی فیلسوفلر باشقۀ باشقۀ تلقی ایتمشلردر .

[۱] عجا سبۀ نسر فوانین تفکری قوانین اشیاایله تأویل ایدۀ جک یردۀ ، بالذات تفکرک قانونلرینی اولامرده اشیاادۀ ارتسام ایتدیرمدنی وبونلری نفس ناطقۀ داخندۀ کی موجودیتلرینی اکلاطفۀ مأمور الیمدنی دیبۀ وارد خاطر اولیور: اویلۀ یایسۀ یدی قوانین تفکری قوانین تفکرلۀ ایضاح ایتش اولوردی .

ده قارتك ره بیسی. — ده قارت اوچ نوع افکار تمیز ایدیور. خارجدن کلن افکار *idees adventices* بونلری بزه حواس تیه ایدیور؛ افکار مصنوعه *idees factices* که متخیله مزك معمولاتیدر. والحاصل افکار فطریه *idees innées*، که بونلر نه خارجدن وارد ونه متخیله مزك ثمره ایجادی اوله بیلیر؛ افکار فطریه نفسمزده بلا سبب خارجی طوغان، مدرکه مزدن اراده مز متعلق اولمق سزین سنوحت قیلندن چیقار، مدرکه نك لازم غیر مفارقی اولان قانونلرندن نشأت ایلر: غیر متناهی، اکمل فکر لری او قیلندنر. بوفکر لر، اکثر یا ظن اولدینی کبی، نفس ناطقه ده سلفاً متشکل، طوغدیغمز آندن اعتباراً منطبع، لوحه ادراک مزه صریحاً مکتوب، بزم ایچون دفعاً *immédiatement* تحدسه صالح فکر لر دکدر. بوقیلدن بر نظریه نك مدافعه سی پک بللی که ممکن اولمش اولمازدی. فی الواقع «افکار فطریه» نك کله نك معنای مطلقنجه، بالذات مفکره مزدن زماناً اقدم اولمالری ایجاب ایدر. مفکره اولنلری اعمال ایتیش اولمق سزین کندنده بولور، اولنرک نره دن ونه صورتله کلدیکی ده بیلنمز: یعنی اولنرک بالذات مفکره دن اول برنوع مفکره تشکیل ایتیش اولمالری اقتضا ایدر. نفس ناطقه داخلنده نفس ناطقه نك معلومی اولمق سزین بعض فکر لرک موجود اولدینی ناصل تصور اولنور؛ برفکر ذهنک بر فعلیدر، واحالده افکارک، ذهنک کندی ذاتندن مالک اولدینی شعور دن قاجابیله جکی ناصل تسلیم اولنور؟

ذاتاً ده قارت کندی نظریه سنه ویریله جک معنای تعیین وتصریحه اعتنا ایتشدی. اونک عندنده، فطری اولان شی تمام یاپیش حاضر، واسقولاستیک فلسفه-سنده کی «اجناس *espèces*» ه پک مشابه، بر مجموعه افکار اولمایوب، فقط اولنلری تفهم وتلقیه اولان قابلیتدر: نفس ناطقه ده بالجمله افکارینک قاشی واردر، افکار فطریه به متعلق خصوصاتده ایسه، نفس ناطقه کندی قدرتنه، کندی طبیعتنه مستنداً، هیچ بر احساسک اعانه سنه محتاج اولمق سزین، اوفکر لری تشکیل ایتک قابلیتنی حائر در. — بوکا شبهه یوق؛ فقط بو استعدادی، بو کنهی *essence* مدرکه نره دن اخذ ایدیور؟ بو کندی اوزرینه بالفعل تأملیمیدر؟ بو اونک کندی اثری، محصول ابداعیمیدر؛ ده طوغریسی، طبیعت مخلوقه دن کلش دکل، بلکه هر وارلق وهر حقیقتک مصدرندن احسان اولنش برنوع هدیه و عنایت دکیدر؟

بوصوك فرضیه‌ك صحیح اولماسی پك ممكندر : افكار فطریه بر تحدس عالیدن ، بالذات الله تعالى حضرتلرینی عرفاندن نشأت ایدر ، اوفكرلر نورالهیك طوغریدن طوغری یه قلبه انعكاسندن عبارتدر . نظریه آرتق متعال براختباریه un empirisme transcendant ، افتراضی و متناقض بر تلقیدر .

فانت ك قبلیه سی l'à priorisme . — فانت شوبالضروره مبهم اولان « فكر فطری » تعیری یرینه « قانون قبلی loi à priori » تعیری قویبور . اختباریونك نظرنده نفس ناطقه اشیا اطرافنده دور ایتدیكى حالده ، فانت ك عندنده ، اشیا نفس ناطقه اطرافنده دور ایدیور . [۱] تفكرك قانونلری قوانین عالمك مستسخ صور عادیه سی اولق شویله طورسون ، بالعكس قوانین عالم نفس ناطقه قانونلرینك تیانی و صانكه بر ارتسامیدر . ذهن انسانینك بر قانون معینی واردر ، ذهن بر مقدار صورتلره ، چرچیوله آیرلشدر ، بناءً علیه ذهن بالجله تفكراتی او چرچیوله ایچنه بالطبع وبالضروره كچیر ، بوجهته اولنرك خارجنده ، « ذهن ایچون نه تجربه ، نه اشیا یوقدر » [۲] . بو عناصر قبلیه à priori اوچ زمره یه آیریلیر : « صور حساسیت formes de la sensibilité » ، یعنی مكان وزمان ؛ مقولات مدركه catégories de l'entendement بومقوله لك باشلیجه سی « علت » ایله « جوهر » در ؛ « افكار عقل idées de la raison » كه بوفكرلرك هپسی « مطلق » مفهومه راجعدر . تجربه‌ك قواعد کلیه و ضروریه سنی تشکیل ایدن بو عناصر تجربه‌ك فوقنده ، هیچ اولمازسه منطقاً دخی اوندن اقدم اولوب ، وجود l'être . دكل آنجق تجربه یه ، شئونه ، یاقیشق آیلرلر . بو حالده انجق اضافی ، بشری بر قیمتی حائر دلر .

بوذهاب فلسفی بدیهیدر كه ده فانت ك كندن دها واضح ، دها قطعیدر . نفس ناطقه‌ك تابع اوله جنی و نفس ناطقه اولنردن خیبر اولمادینی حالده اولنرك اوكتصرف ایده‌جكي قانونلری تصور ایلك قولایدردر . بونكه برابر بونظریه ده مشكلاتدن عاری

[۱] فانت فلسفه ده یابدینی انقلابی قوم‌نیوم ك علم هیئتده یابدینی انقلابه تشبیه ایدیور .

[۲] لا مثله نك اساس استقرارسندن

دکدر. اومشکلردن یالکز روحیاته تعلق ایدنلرنی معاینه ایدلم . [۱] بوقبلی
 à priori صورتلر تجربه‌دن نشأت ایتیمور ، و تجربه اونلر سز ممنوع بولنیور : بکی اما
 اوصورتلرک منشئی نه در ؟ عجبا بالذات مفکرده‌نمی نشأت ایدیورلر و اوتقدیرده
 مفکره‌نک صحیحاً ماهیتی ، افاده ایلرلرمی ، یوقسه بالعکس خارجدن نفس ناطقه
 اوزرینه امر ایدیورمش کی کورنمورلرمی ، و بوتقدیرده عجبا نفس ناطقه‌نک
 بنیه اصلینسی بوزمورلرمی ؟ هر حالده اونلر ییچون اویله‌درلر . ییچون عقلمزه
 بودرجه ملایم کیلورلر ، و حققرنده هیچ شبهه‌ایده میورز ، اونلرک خارجده استدلال و حکم
 ایتک المزدن کیلور . نفس ناطقه‌مزک بویولده متقوم constitué اولدیغنی سولیک ،
 هیچ برشئی ایضاح ایتز . بونکله برابر بزم ایچون مایعقلیت intelligibilité
 شرائط‌عالیه‌سنی تشکیل ایدن شئیک بذاته غیرمعقول inintelligible ، کذلک تماماً اضافی
 relatif ، بلکه‌ده عرضی accidentel اولماسی ، وحق دیکر نفس ناطقه‌لرک بزمکندن باشقه
 برهیئته متقوم constitué و عالم واحدحقنده بزم علممزه تماماً مغایر باشقه برعلم
 انشا ایده‌بیله جکلری تصور اولنه‌بیلرمی ؟ اکر عناصر عقلیه‌نک مبدأ اولی اختیار بونک
 فرضیه‌سنده اولدیغنی کی ، طبیعت خارجیه عد اولنمایوبده ، باشقه برعلت عالیه‌فرض
 ایدیلیر ، مثلاً ددقارتک نظریه‌سنده اولدیغنی کی بومبدئک اه اولدیغنی قبول اولنورسه
 نفس ناطقه آرتق یموشاق برخیر ، برلوح املس مثابه‌سنده قالیر ، آنجق برلوح
 املس نفس ناطقه یوقدر [۲] .

وهیبه‌نک معنای حقیقیسی : عقل دشعورک مناسبانی . — بوزکله برابر تنقیدلرک
 هپسینه رغماً، ظن ایدیورزکه ، قانتسم Kantisme یعنی قانتک ذهانی صادقدر ،

[۱] مابعدالطبیعه نقطه نظرندن دهانچه‌لری وارددر .

[۲] بو مهم نقطه‌لرک هپسی ایچون موسیو دونانم Dunan ک : حساسیتک صورقبلیه‌سی
 Le formes à priori de la sensibilité عنوانیه یازدیغنی « تهز » ه باقلماسی . بو اثرده مسئله‌ی
 فصل ایدن تنقیدلر وارددر . برده شونی اعتراف ایدلم . قانت علمی ، علپنده هیچ برذلک حکمی
 اولمایان ، مباحثه‌دن مستغنی برواقه‌کی قبول ایدیور : یالکز قانتی کندیسنه عائد اولمایان ، بر مسئله‌ی
 حل ایتدیکندن دولانی مؤاخذه ایتامیلدر : اونک عنددنه ، مسئله (فعلاً موجود اولان)
 علمک ناصل ممکن اولدیغنی ایضاح ایتمکدن یعنی هانکی مبادی‌یه ابتنا ایتدیکنی کوسترمکدن
 عبارتدر . بونک ایچوندکره قانت نفس ناطقه‌ی تحلیل ، و علمک بنیه‌سنه داخل وبالذات بوبنیه
 واسطه‌سیله ، کندیلرنک آفاقیت اختباریه objectivité empirique لرینه شاهد اولان عناصر
 قبلیه‌نک هانکیلری اولدقلرنی تعیین ایدیور .

فقط شوشرطله که مومالیهک نفس ناطقه‌یه ادخال ایتدیکی صنعی فورمالیسم تجاوز ایدلمش اولسون ، چونکه بو فورمالیسم آئنده مفکره نك فعالیت عمیقہ سی ضایع اولیور . قانت تام یاپلمش ذهنی تتبع ایدرکن ، اونی بنایت متناظر بولمه لره آیرمغه طالیدیغن، اینجه اولدیغی قدر ماهر اولان باطنده کی ایشجی، صنعتکاری لزومندن فضله اهل ایتش ، حال بوکه بو صنعتکارک ، بو چرچیوهری اعمال ایچون اولجه موجود بر ماده دن باشقه هیچ بر شیئه احتیاجی یوقدر [۱] . بناءً علیه قانتک نظریه سی له یینیج ک کیسه ا کمال اولمالیدر . یالکز بوشرط ایله وهییه l'innéité صحیحاً شایان قبول ، و بوکا علاوه دینه بیلیر ، جازم ونهائی définif در .

« اول امرده حواسده اولمایان برشی ذهنده یوقدر » مطالعه سنده بولنان لور وک اختباریه سنه لر بینیج شومهم قید احترازی بی علاوه ایدیور : « هیچ برشی یوقدر . اکر بو بالذات ذهنک کنیدیسی دکلسه . » ذهنده مفطور اولان شی ، تمام حاضر لانتش بر منظومه افکار یاخود تام یاپلمش چرچیوهر cadres دکلدر ، بو بالذات ذهندر . دیمک که ذهن احساسک آستاری کی اولمایوب ، باشلی باشنه بر قدرت ، باشقه بر شیئه تنزیل وار جاعی غیر قابل و ذی حیات برشی حقیقیدر . بو تقدیرده ، مادام که حواسدن آیری اوله رق موجوددر ، یالکز برشیئن ، یعنی مایعقلیت intelligibilité احتیاجندن ، شوقندن عبارت اوله بیلیر . ایشه ذهنده اولی primitif ، بنیوی constitutif اوله رق موجود اولان ، و اوکا هویت معلومه سی بخش ایدن بو حالدر . بوشوق و تمایل ذهنده برمایه مقامنه کچهرک بوندنه درجه درجه عقل چیقار . اولجه کوردک : مبدأینیت ایله سبب مصحح مبدئی عقلک تعبیرات منطقیه سندن ، بر دستور مجردندن باشقه برشی اولمایوب ، ذهنک حقیقت فعلیه و خارجیه سنه باعث اولان اعتقاد قسرییه ، موضوعه postulat یه دلالت ایدر ؛ بو مبدئلر بالذات ذهندر . عجباً دیگر عناصر عقلیه نه وجهله ظهور ایدیور ؟ مفکره اول امرده بر ییغین اشای متوعه ، متضاد ، متقاض احساسات قارشیسنده بولنور ؛ اونلری آیدینلا تمسی ؛ آیرماسی ، تمیز ایتسی لازمدر ؛ بونک ایچون اونلردن هر برینک اوکنده طور مامسی و آیری آیری دوشونمه سی لازمدر : ایشه زمان بواحتیاجک تیانیدر . فقط ، عینی حرکته ، اونلری بربرندن

[۱] أ . وهلله E. Vellin ک Infini et quantité عنوانی تهزی .

آیـرارق ، تمیز ایدـرك ، نفس ناطقه اونلردن بعضلرینی بعضلری خارجه قویمه ، مختلف محالره نسبت ایلکه مجبوردر : مكان l'espace' اده بودر . بونكه برابر ، بوجهله آیـرلمش اشیاینه بر کثرت ذاتیه اراؤه ایدر ، حال بـوكه ذهن بر در . بناءً علیه اگر ذهن یشامق ایسترسه بو کثرتی وحدته ارجاع ایتک مجبوریتدهدر ؛ یعنی سوزك قیصهسی اوشیلری ، اوکاتزیله تمثیله محتاجدر ؛ فقط اشیایی تمثیل ایچون ، اونلری کندینه تمثیل ایلسی یعنی کندینه مشابه قیلماسی لازمدر : شویله که دنیا انحق معقول اولق ، وماهیت ذهنیهیی آلق ایچون طبیعت مخصوصه سنی غایب ایتک شرطیله ذهناً ادراك اولنه بیلیر . ذهن ، کندی وارلفنی طویان ، کندی عارف اولان موجوددر ؛ فقط وارلفلرک آیـرلقلری غیر یلقلری آلتنده ، موجودک دائماً ذاتجه کندینک عینی اولماسی ایجاب ایدر : ذهن طبیعت خارجهیی انحق وجود ذاتینسک تعینات خاصه سنی اوکا عطف ایدرک ، کندینسک اونكه قرابتی تشخیص ایلهرک تفهم ایده بیلیر .

او تقدیرده ذهن هانکی اوصاف ایله کندی ادراك ایدر ؟ تأمل اعانه سیله ، صورت کذران حیاتی ، ترقیاتی تماشا ایدرک ، ذهن کندی شونک کثرت غیر متناهیـه سی آرهنده کندی باقی ومستمـر کورور ؛ بونک کبی کندی فعالیت ، یعنی علیتـه شعوری لاحقـدر ؛ کندندن صادر اولان افعالی کورر ، اونلرک نه مقصده ، نه غایبه متوجه اولدقلرینی بیلیر ؛ اوفـلرک تصادفه وقوع بولمادیغه ، فقط ، هر برینک تماماً معین شرائط داخلنده وقوع بولدیغه دقت ایدر . بونک اوزرینه عقلی تنظیم organiser ایچون ماده لازمهیی تهیه واستعمال ایدر . فی الحقیقه ، شعور تـکون ایدرکن ، تأمل اعانه سیله ادراك اولتان ، بومعلومات notions جزئییهیی ، نوعاً ما یاشانمش وحس اولمش بومعلوماتی ، ذهن ، تجرید سایه سنده ، مضمون تجربیلرندن قورتاراق ، بالاخره اشیای خارجهیه تشمیل ایتدیکی افکار صرفیه ، بعض صور خالییه قلب ایدر ، ایشته بونلر ذهن ایچون بریشی تعقل ایتسک intellection شرائط عمومیه سی اولور . بو وجهله عقل تدریجاً تأملدن طوغار ؛ بو تماماً یاپلش حاضر بر قوه دکلدر ؛ عقل اولدن موجود دکلدر ، صکره دن متکون اولور ، ذهنی ایشله یین فیصلندیرن شوقک تضییقه ؛ مایعقلته اولان تمایک تاثیری آلتنده یواش یواش وجود بولور ؛ عقل کندی معطیات اصایه سیله برلکده ، عالمه شامل شعوردر ، هر تجربه نک قانونی .

مقامه کچمش اولان تجربه باطنیه‌در، کندیسنی تفکر اولنش اشیانک شاعری مقامه قویمش مفکره‌در، کندی طبیعت خاصه‌سنی کندینی محیط اولان باجمله اشیایه وضع وتحمیل ایدن، اشیایی صورت ذهنیه قلب *idéaliser* ایله‌ین اونلری کندی انموذجه کوره آکلایان ذهن‌در. شئون وموجوداتی جوهر، علت، غایه شکلی آلتنده کورمک، کندیسنی جوهر، علت، غایه کبی ادراک ایدن ذهن ایچون کندینی اوشئون وخلائق مرآتنده طانیق، تشخیص ایلک، اونلری اوکا ایندرمک، ذهنک یعنی مایعقلیتک اوصافی، صورتی اونلره اسناد ایتکدر. بناء علیه بتون عناصر عقلیه مفکره‌دن نشأت ایدر، بونلر مفکره‌نک آثار ایجادیدر، صانکه مایعقلیت احتیاجندن، آکلامق ایچون مصروف جهدن فشقیر، ده‌ا طوغریسی ذهنک جانی کبی اولان شوقی موقع فعله چیقاره‌جق عمومی، انموذجی *typiques* وسائلی عرض ایدرلر. فی الواقع، مطلق *l'absolu* ذهن انسانینک ال یوکسک فکری اولوب، ذهن بوفکر ایچنده نوعاًما بتمامها مستهلکدر: مفکره مزایچون ال‌عالی معقول *le suprême intelligible* ی کوسترن، وجودینی وجداناً حس ایتدیکمز وکندیسنی آرادینمز مایعقلیت تامه‌یی بزه بخش ایده‌یلن «مطلق» دکلیدر؛

عقلک منشی مقننه نیمی استدلال. — مطالعاتی تلخیص ایده‌لم: عقل تجربه‌نک برمحصول انفعالیسی دکلدر، کذلک بعض افکار مخصوصه قطعیه‌دن، قابلیت مکمون‌دن، تاس‌تمام یاپلش حاضر صورتلردن اقدجه متشکل برمنظومه‌دن عبارت دکلدر. شبهه‌سزکه، ماهیت ذهنیه مز قبل *à priori* در، فقط اوبزه ویرلش اوله‌ماز، نه‌سبيله اولورسه اولسون، بو طیشاردن آلتش برلباس دکلدر، عقل بزم اثریمزد، فعالیت بشریه‌مزک زاده ابداعیدر [۱]. مبادی، اشیادن طوغماز: بزمه برابر دخی طوغمازلر: بونلر بزدن طوغارلر، کندیمزی طویلامغه وتأمله استعدادیمز زیاده‌لشدکجه، بو حال تدریجیه واقع اولور. عقل حاضر معمول دکلدر، عقل یاییلر، عقلک تکاملی واردر؛ فقط بو تکاملک صانعی، ذهنک کندیدر، ذهنه‌کی اشیایی آکلامق، واونلری کندینه مشابه قیلمق خصوصنده‌کی شوق واقدامدر. اگر، ده‌ا وارلنک ایلک کونی، نفس ناطقه کندینی تتبع ایده‌جک، هنوز طوغمش بر شعوره مخصوص مهیمیدن،

مشوشیدن چیتاجق قدر قوته مالك اولسهیدی ؛ اکر ، اکثر ارواحده ، کنندی
 قارشینه کچوب کندینه باقابلیسه ، و کندنده اولان سرسریسته بی‌الده ایده بیلیمش
 اولسهیدی ، کندیسیله مزوج اولان مبدأ سبیتک اجباریله و کنندی خبری اولمادیغی حالده
 کندیسنی تحریک و تهییج ایدن تمایک فیضیه ، یاواش یاواش وبالذات کندیسنک ، بوندن
 بویه بالجه تفکر اتنک ایچلرینه دوکوله جکی برطاقم قابلمری cadre مقوله لر catégories ی
 غیر ارادی اوله رق نه انجبه صنعت و نه مهارتله خالق ایتدیکنی کوردی [۱] :
 بونک معناسی سودیمکدر که هر شیک سبب نهاییسنی بالکیز نفس ناطقه ده آرامق لازمدر .

تطبیقات عملیه . — عقل ایچونه بر تریبه وارمیدر ؟ . — فرانسه زجه علق
 مقابلی اولان raison کله سنک لسان ناسده کنیش بر معناسی وارد که « عقل سلیم »
 و « قوه حاکمه » مراد فیدر ؛ بونکله برابر بو معنا بسبتون حقسر دکلدرد ،
 زیرا عقل سلیم و قوه حاکمه ، حال فعلده اولان ، و حیاتک احتیاجات وامورینه
 مصروف بولنان عقلدن باشقه بر شی دکلدرد . بو نقطه نظر دن ، بدیهیدر که عقل
 قابل تربیه در ؛ فضله اوله رق ، علقک تربیه سی ، تشکیلی تربیه ذهنیه ناک مقصد
 اعلا سندن عبارتدر . فقط بیلپورز : روحیاتده کی معناسه کوره ، عقل خصوصی
 بر شیدر . بو کنندی قوانین اولیه و ذاتیه سی ایچنده نفس ناطقه ناک کندیسیدر :
 عقل بو معناسه کوره عجباً تربیه ناک تأثیرینه تابع اوله بیلیرمی ؟ ظن ایدر که بونک
 جوابی مبادیه دایر بر از اول ویرمش اولدیغمز معلوماتدن ظاهر در . شبهه سر ،
 « تربیه » ذهنی خلق ایتمز ، کندیسندن ، ینه کندیله کندن بر صنعتله علقک عناصر مختلفه
 مقومه سی چقان ، ذهنی تقویم ایدن مایعقلیت حتمده کی اعتقاد قسری بی بز دویرن « تربیه »
 دکلدرد . فقط اونو تمامیلدر که : بدایتده ، له بیجک تعبیری وجهله ، یوریش ایچون عضلات
 نه ایسه مبادیه ده تفکر ایچون اویه در ، اونلری قوللانیلر ، فقط بیلملر : بونلر
 اویقوده اولان تخمیلر ، شبهه سر قوتلی ، فقط غیر مرئی ، بلیر سر غریزه instincts لردرد .
 بو مرحله ابتدایی بی تام معناسجه تحطی ایتلیدر ، نیجه کیمسه لردرد بو مرحله بر
 حال دائمی ونهائی اوله رق قایلر : زیرا « اکثریا بزده الک چوق بولنان شیدن الک آز

شبه‌لنیرز» [۱] چو جنی متصرف اولدینی و بیلیم‌کسزین تطبیق‌ایتدیکی شیلردن واضحاً خبردار ایتک، کندیسسی ایچون مبهم برحس قبل‌الوقوع مقامنده اولان شیلری پک آجیق برصورتده کورمکه موفق ایتک، عقلنه بحق تصرف ایتدیرمک، و بر سعی شخصی ایله، بعدما اونی کندی محاکات و تفکراتی ایچون بیلهرک قاعده و رهبر انخاضینه آلدیمرق لازمدر.

بونکله برابر، بونک ایچون خصوصی بر تربیه حاجت یوقدر؛ هر بر ممارسه بو غایه خدمت ایده بیلیر؛ ذهنک هیچ بر طوغری استعمالی یوقدرکه عقلی او یاندیرمه یاردیم ایتمه سین، اونی کندنن خبردار ایله مسین. بر سؤال وسیله سیله، الک بسط بر حکمدن، چو جنی دوشوندیره رک، کندیسنه راهبر اولان مبدئی و یا بغير اختیار استاد ایتدیکی قاعده‌نی ینه چو جغه بولدرمق قولایدیر. بو یول وقیله مقرط لک وضع و تطبیق ایتدیکی طریقدرکه یونانجه تعیری «مایوتیک maïeutique» یعنی تولیددر، حکیم قدیم یونانی بو واسطه ایله، کندی تعیری وجهله «نفس ناطقه‌لری طوغر تدریر جغنی» و ماهرانه موضوع سؤاللرله اونلرک قاتلری آلتند کیزلی او یومقده اولان باجمله حقایق اورنایه چیقارتدیره جغنی ظن ایدردی. بونکله برابر، هیچ بر شی علومک تطبیق کبی قیمتدار دکلدیر، علملر نفس ناطقه‌نک ما یعتلیت احتیاجنی تطمین ایچون مصروف اولان جهد تمادیسنک، ترقیاتنک بالذات سببدر. علوم مجرد مفکره‌نک قورقوانی مقامنده اولان شو بیوک قانونی یعنی مبدأ تناقضی تبیین و اوکا صورت مطلقه ده رعایتی او کره تمکه پک زیاده خادمدر. فیزیق علملری شبهه سز علیه اعتقاد حسنی او یاندیرماز، بو حس هنوز نایموسم صاییلر، فقط او اعتقادی ده قوتلندیرر، و تجربه‌نک تکذیبات ظاهره سنه آلداناسنه مانع اولور. بوندن باشقه چو جنی قانون فکرندن خیر ایدر، بو فکر ده کچ ظاهر اولور، زیرا چو جغک طبع هوسناکی بوکا حائلدر. والحاصل علوم طبیعی، اجسام نامیه‌نک بنیه لرنده کی عجایب و بدایبی اورنایه چیقاره رق، حقلرنده او قدر اعتراض وقوعه کلن علل غایبه‌نک موجودیتنی ده زیاده تنویر ایدر، و اونلری تصدیق ایدن عقلک کندی ذاتی حقلده کی امنیتی آرتدیرر. عینی حرکتله نامتاهیلک، مطلق، اکمل و صفلیاره

[۱] راسموره لک «فرانسه ده فلسفه» کتابندن صحیفه ۳۱۹

حصه‌مند امتیاز اولان شو بیلکیرلر حقنده مفکرده دهآ آچیق بر عرفان حصوله خدمت ودها طوغدینی آندن اعتباراً مستعداولدیی الهاماته مظهریتی تعجیل ایدلمش اولور که بومظهریت اونک فطرتنده کی علویتک نشانه‌سیدر . برده شوکا ایجه‌دقت اولسون : عقلی لایشعریتمدن inconscience بو وجهه چقارمق و اوکا کندی حقوقی بیلدیرمکده ، یالکز بر منفعت نظریه دکل ، بر اهمیت عملیه ، بر منفعت اخلاقیه‌ده واردر . بوسایه‌ده چوجق چوجقلقدن قورتارتلمش و « تعقل یاشی l'âge de raison ده اول کیرلمش اولور ، بو یاش چوجق ایچون پک قیمتلدر ، زیرا چوجق او یاشده یایدینی شیء دوشونمکه ، وراست کله و مزاجنک هوسلرینه کوره دکل قیمتی بیلدیکی وخیر اولدینی مبادی‌یه توفیقاً حرکتیه باشلار . ایکی شی بر برینه صیقیجه‌متکفلدر : فکرلری دوزکون ، آهنگدار اولان کیمسه‌نک عملی‌ده درزکون ومنسجم اولور ؛ هر شیک بر قانونی اولدینی دوشونمک ، کندیسنگده بر قانونه تابع اولدینی آکلامقدر ؛ ذهنده کی انضباطی ، تهذیبی بر لباسه بکزرده‌رسک ، بونک استاری بالطبع بر تهذیب اخلاق اولدینی سویله‌یه‌بیلر ، ومعنوی ضابطه نفس ناطقه ایچون راهبر حرکت اولدجه ، عقلده اراده‌نک دستور افعالی اولور .

عقل وظنونه باطله . — او یله ایسه عقل ، تحدسی بر وصفی حائر اولماسنه رغماً ، قابل تربیه‌در . دیگر قوای نفسیه ایچون ناصلسه عقل ایچونده او یله‌در : یعنی طبیعتک فعلی تربیه اکال ایتلدر . بو ضرورت ، عقلک صانکه او یومش اولدینی وقت کندی حقوقی نه قدر چابوق اونوتدیغه ، قاراردیغه و دوچار غلط اولدیغه دقت اولنورسه دها زیاده بارز اولور . شبهه‌سز ، هر حادثه‌نک بر سببی اولدیغه آز چوق قطعیتله اینانمایان یا خود بوقاعده بردفعه قوندقدن صکره اوکا اعتراض . عقانه کتیره‌جک هیچ بر کیمسه یوقدر . هر کس کائتاده بر نظام حکمفرما، علل و آثارک تلازمی ثابت ومستمع اولدینی نفسنده حس ایدر . بونکله برابر بو حالینه « تصادف » دن، صانکه بونک بر معنای مثبتی وارمش کی، بحث ایتمکدن بزی منع ایدیورمی؟ بیکلرجه کیمسه لر اوکا اینانمایورمی؟ نیجه کیمسه لرده کیف وهوا capriceنک عالمده کاملاً مفقود اولمادیغنی ، و بعض حادثاتک بر کیزی قوتک طوغریدن طوغری‌یه نمره‌سی اولدیغنی ، و او کیزی قوتک بزم ایچون یا خیر خواه و یا بدخواه اولدیغنی

ظن ایدرلر . نیجه غیر متأمل قورقورلر ، اصلسز امیدلر ، مبادی عقله دهانور بر وقوف ایله زائل اولوردی !

بونک ایچوندركه اونلری یالكز كندی مشوشیت ابتدایه لرندن قورتارمغه باقمايوب، بوندن باشقه صورت قطعيه ده تمكين ايلك ، اونلری نه اولمالری ایجاب ایدیورسه احواله كتورمك ، یعنی تفكر واعتقادك قواعد مطلقه سی درجه سنه چیقارمق دخی اهم والزمدر . شبهه سز ، عقل ، اكر نظرند برشی ممكن اولدیجه جهته ، اونى تصدیقه ، امكانك صحیحاً حقیقت اولدیغه كسب امنیت ایتمكسزین ، كندیسنی حقلی ظن ایتسهیدی ، فنا یامش اولوردی : *دوقارت كبی* ، علمی قبل *a priori* اوله رق ، یالكز مدركه نك مبادی وقواعدینه استناداً ، انشایی ایسته مش اولانلر بيله ، تجربه به مراجعت لزومنی اعتراف ایتشلردر . فقط ، هر حالده ، عقل ایچون صحیحاً متمنع ، بناءً علیه آچیقندن آچیغه باطل اولان شیلرك رد اولماسی ایجاب ایتدیكنی چوجنك ذهته يرلشدرمیلدر : عقل ، حق *vrai* ك محك طاشی كیدر . ینه بونك ایچون بوقوه نك سلامت وصحتنی كوزه تمك ، صفوتی قورومق ، واونی اضلال وظلامنی انجاج ایده بيله جك ، مع التأسف صایسی پك چوق ، علل ذهنيه واخلاقیه قارشى وقایه ايلك الزمدر .

عقلك نرمنی . — هپسی بوقدر دكل : عقلك یالكز قوت وصلابتنی آرتیرمق الویرمز ، اونى تهذیب ایتك ، وبصیرت واحتیاطنی چوغالتمق دخی الزمدر : اونك حقوقی محترز اولماسنی منع ایتمز . عجله شونیده سویله یه لمكه : بز بوراده عجا عقل انسانینك حدودی وارمی یوقی مسئله مابعد الطبیعیسنی مناقشه ایده جك دكلز ؛ فانتك التزام ومدافعه ایلدیكى وجهله ، عقل یالكز اضافی اولان شیلری تحقیق ایده بیلیر ، اوحوددی كچنجه ، وكندیسنده كی غیر قابل افنا احتیاج عمیق معرفت سائقه سیله ، ذات مطلق حقلده سرد نظریاته هر قالشیدینی دفعه یولنی شاشیرمغه محكومدر كبی مسئله صد-مزدن خارجدر . بونك كبی عجا عقل كندیسنی هر شیده صلاحیتدار اعلان ایتلمیلدر ، ایتمایلدر ، برده بالخاصه «ایمان *la foi*» دأره سنه داخل بعض حقیقتلر بعض عقیده لر یوقیدركه عقل اونلرده «صنف طبیعی *ordre naturel*» یه منسوب اشیاده كی عینی آیدینلغی كوره مامكه برابر ، كندیلرینی تسلیم دكلسه بيله ، هیچ اولمازسه

تکریم ایلمکه مکلف دگیدر مسئله‌لرینی دخی قورجالامیه جفز: زیرابومسئله بستیون الهیاته عائد. مثبت و روحیاته عائد بر زمینده طورالم. او یله ایسه شونی کورمک قولایدر: بزه محقق و صحیح کلن، بر سلطه مطلقه صاحبی کورینن بعض مبادی عقیده وارد رکه دیگر بعض حقایقه طوغریدن طوغریه مقابل و معارضدر، برنجی قسم مبادی تفکرات نظریه ایچون نه قدر الزمه ایکنجی قسم حقایق دخی اعمال ایچون او قدر الزمدر. قانت ده‌ها چوق اول ذهن intelligence ایله وجدان conscience آردسندگی «تضاد l'antinomie» ی اخبار ایتشدی، بونلرک بریسی علیت و جوهر مبدألرینه مستدأ کائناتك بالجمله عناصری آردسندگی تسلسل و ارتباطی، یعنی «ایجابیه déterminisme» ی طلب ایتدیگی حالده، دیگری یعنی وجدان، وظیفه، یعنی «امر مبرم l'impératif catégorique» نامنه حریتك یعنی عقل نظریك ایجابات و مقتضیاتنه تماماً معاند و معاكس بر قدرتك موجودیتنی مصرانه ادعا ایلر. ایلریده سویلیه جکمز وجهه، علمك حقوقی ایله علم اخلاقك حقوقنی تألیفه بر چوق طرز لرله چالشمش لر ایسه ده، موفق اوله مامش لر در. اصل مسئله صحیحه عجباً جوهر و علیت مبدألرینك خارجده آفاقد بر قیمت مطلقه لری، و بزم اونلری مستغنی بحث و مناقشه، قطعی بعض حقیقتلر کی تصویره حقمز اولوب اولمادیغنی بیلمکدر. احتمال که قوه مدرکهك بوایکی بیوک مبدئی شئون و حوادث عالمی تأویل ایتمککمز ایچون ضروری، موافق، و فقط نهایت الامرینه مفروض، اضافی، و بناء علیه طبیعت اشیا حقنده هیچ بر جهتجه حکم و تقدیر مدار اولمقسزین آنجق نفس ناطقهك طبیعتی مبین بعض چرچیوهر، بعض رموز مجرده مقامنده کورمک ده‌ها مناسب اولوردی [۱]

او یله ایسه! بونلرک هپسنی چوجفه اشراب ایتکده، بونی اوکا احتیاطکارانه، مناسبی و جهله، اعلام ایلمکده نه ضرر اوله بیلیر؟ شبهه سز؟ ذهك قیمتی حقنده چوجنی شبهه یه دوشورمک جائز دکلدرد؛ بالعکس طبیعت مادیه ایله فکرک، هر خطوه ده، برریله اختلاط و مناسبده بولدیغنی، برینك دیگرینك اعتقادلرینی ناصل اثبات ایلدیکنی اوکا کوسترمک مناسبدر. فقط بونی ده چوجفه سویلیه لم که، کرچه طبیعت کیف و تصادف

ایچون هیچ بریر، براقایورسده، بعضلرینک اونده وجودینی فرض ایتدکیری و نفس ناطقه‌نک کندی جوهر ذاتیسندن اعمال ایتدیکی مجبوریّت مقدریه دخی تابع دکلدر، بوجبوریّت برکولکه کیدرکه نفس ناطقه اونی خارجه ارتسام و هرطرفه بسط ایتکده در. عجا چوجغه پک مطلق و قطعی بعض صور تفکره، کائنات حقنده کی پک فقیر، پک صنعی تلقیره، عقلک «هرشیی» بترمک، «هرشیی» طوگدرمق، هرشیی کندیسنک پک طار، پک بشری چرچیوه لری ایچنه صیقشدرمق خصوصنده کی تمایله، وبالخاصه یالکز مکان، زمان وعلیت میخانیکیه قانونلرینه تابع اولان شیلری حقیقی عد ایتکه بزی سوق ایدن میلانه فارشی احتیاطلی طاورانمی تعلیم اولنورسه، بیوک برحقسزلقمی ایدلمش اولور؛ هر حالده، اوکا دیهلم که عقل حریته معارضه ایده مز، بونک سببی حریت حقیقه‌نک یالکز عقلک مقتضاسنه کوره یشامقدن عبارت اولماسی دکلدر، برسببده شودرکه عقل وحریت اصلنده حقیقت واحده در، یعنی نفس ناطقه‌نک کندی فعالیت ذاتیه‌سی و استقلالیت عالیه‌سیله تجلیسیدر.

خلاصه

۱ — ذهن انسانینک اصلنده، بعض قانونلر واردر که اونک بتون اطوار وحرکاتی تولید و تنظیم ایدرلر، بوقانونلر ذهنک مالکانه‌سی مثابه‌سنددر. عقل دینیلن بودر. بوقانونلر منشده غریزه‌لر کیدر؛ فقط انسان اولنره کسب و قوف ایده‌بیلیر؛ و بونک اوزرینه قضیه‌لر شکلنده افاده ایدر؛ ایشه بواعتبار ایاه، عقل معرفتک مبادی مدبره‌سنگ هیئت مجموعه‌سیدر.

۲ — له‌بینجه کوره، مبادینک هپسی ایکی قاعده‌اصلیه رجوع ایدر: برنجیسی مبدأ عینیت (بونک منطقجه تعریفی واقع واقعدن عبارتدر)؛ ایکنجی مبدأ سبب مصحح یاخود مایعقلیت کلیه‌مبدئی (هرحادثک بر سببی واردر، هرشی قابل تعقلدر). بونکله برابر شو ایکی مبدأ متقابلاً بربرینک وجودینی مستلزمدر، وهرایکیسی ذهنک مدار قوامی اولان، مایعقلیت اختیاجک بر افاده مجرده‌سندن عبارتدر.

۳ — مبدأ عینیته شونلر لاحقدر: برنجیسی مبدأ تناقض (غیر واقع غیر واقعدر)؛

ایکنجی مبدأ ثالث خارج (برشی یا واقعدر یا واقع دکلدلر) — مبدأ سببیه شونلر
 لاحقدر : برنجیسی مبدأ علیت (هر حادثه نك برعلتی واردلر) ؛ ایکنجیسی مبدأ جوهر
 (هر حادثه بر تغیردر) ؛ اوچنجیسی مبدأ قوانین (ظروف و شرائط واحده داخلنده ،
 عینی علتلر عینی اثرلری حصوله کتیرر) ؛ دردننجیسی مبدأ غایت (کائناتک بتون
 موجودات و واقعاتی بر برینه یا قصدیرلش ، هپسی بر غایه کلییه توجیه و تطبیق
 ایدلشدر) .

۴ — بومبدألر : ۱ ننجیسی انفسی اوله رق کیدرلر ؛ یعنی بالمله اذهانده حاضر درلر
 و انسان اولرلی بغیر اختیار تطبیق ایدر — آفاقی اوله رق کیدرلر ؛ یعنی بلا استثنا
 کلیت اشیایه تطابق ایدرلر ؛ ۲ ننجیسی انفسی اوله رق ضروریدرلر ؛ یعنی بونلر بزم
 ایچون اویله حقایقه در که ضدلرینی تصور ایتمکلکمز ممتنعدر ؛ آفاقی اوله رق ضروریدرلر ؛
 یعنی اکوان اوقانونلره اطاعته مجبور کورینیور — ۳ ننجیسی بدیهیدرلر ؛ هر مناقشه نك
 خارجنده ، اهمیتلری جهتیه برنجی درلر .

۵ — مبدأ عینیت تفکرک کندی کندیسییه مطابقتنه متکفلدر (هر تفکرک
 شرطی) ؛ مبدأ سببیت تفکرک اشیایله مطابقتنی متکفلدر (بوده هر حقیقتک
 شرطیدر) . هر فکر خصوصیتک اساسنده ، علقک عناصر کلیه سنه تصادف اولته بیلیر .
 مبدأ عینیت علوم مجرد نك قانونیدر ، مبدأ سببیت علوم مشخصه نك قانونیدر . بو
 علملر کرک کندی موجودیتلری ، کرک استنتاجی اعتباریله بوقانونک وجودینی مستلزمدر .

۶ — مبائلر تصدیقاتدر : اولنره برنجی حقیقتلر دینیور ، و برنجی بیلکیلردن
 ترکیب ایدر . بو برنجی بیلکیلرک یاننده ، دیگر بعض بیلکیلر واردر که افکار صرفه
 حالنده قالمشدر : (بتون کائناتی محیط) مکان و زمان ، — کیر ، ابدی ،
 واجب ، غیر متاهی ، مطلق مفهوملری کبی ، (بومفهوملرک هپسی اه مفهومنده
 طوبولانیر و بزی دائرة کائناتک خارجیه ایله تیر) .

۷ — عقل علمی ، مابعدالطبیعی ، اخلاقی ، بدیی ، دینی قوه در .

۸ — مبادی عقلیه نك منشئی ایضاحه چالیشان ایکی نر واردر : ۱ ننجیسی
 اختبایه ؛ ۲ ننجیسی وهیه .

۹ — اختباربون عقلک بر محصول تجربه اولدیغنی ادعا و مدافعه ایدرلر .

اختباریه اوچ شکه کیرمشدر : ۱ نجیسی خام اختباره (لوه) که مبادی بی تخر- به لرك نکرر و تراکندن حاصل بر نتیجه عد ایدیور : بو ذهابك مدافعه سی قابل دکدر ، زیرا جزئی و ممکن اولان احساس حقایق کله و ضروری بی تأویدن عاجزدر .

۲ نجیسی تداعیه (هیرم، سنوارت میل) مسلکته ذاهب اولانلر مبادی بی تداعی افکاردن ، یعنی بعض اعتیادات دماغیه دن متولد عد ایدیورلر . فقط استوارت میل اعتیادات دماغیه ده کی ضرورتك مطلق بر شی اولمادیغنی سویلیدیکی ایچون کندی ذهابنی ینه کنیدیسی ییقمش دیمکدر . دیگر جهندن ، بو ذهاب واقعاته مغایردر (مثلا حیوانلر مبادی یه مالک دکدر ، چوجقلر اومبدألری بغير اختیار تطیق ایدیورلر .

۳ نجیسی تکاملیه (اسپنسر) سالتکری دخی مبادینک فردده موهوب و فطری ، فقط عرق race طرفدن مکتسب اولدیغنی بیان ایدیورلر . بویه بر ذهاب مشکلی براز کیری چکمکدن باشقه برشی یاماز ، زیرا ، اسپنسرک اعترافه کوره ، بوکون فرد ایچون تمتع اولان حال ، و قتله عرق ایچون ده تمتع ایدی .

۱۰ — وهیه ذهابی ، بو ذهابه کوره مبادی تجربه یه تابع دکدر ، بو ذهابك دخی صور مختلفه سی وارددر — ۱ نجیسی ده قارت بزده عقل محضدن متحصصل ، حواسك مداخله سنه غیر مفتقر « افکار موهوبه » اولدیغنی تسلیم ایدیور : ده قارت بوفکرلری نفس ناطقه نك کنهنی تشکیل ایدن قابیلتر عد ایدیور . فقط بونظریه دخی براختباریه دن باشقه بر شی دکدر ، زیرا ده قارت بوقابیلترک بالذات اللهی تحدس وعرفاندن نشأت ایتدیکنی ظن ایدیور — ۲ نجیسی قانت ده کوره ، نفس ناطقه انسانینک منشائندن اعتباراً معین بر فطرت و جبلتی ، « قبلی قانوه » لری واردر که هر دوشندیکی شیئه اولنری طبعاً وبالضروره وضع و حمل ایدر . فقط بوصورت formes لرك منشی کورلیور ، اولنرك تفکر ایله محافظه وادامه ایتدکری نسبت وعلاقه دخی اوقدر کورلیور .


۱۱ — وهیه ذهابی طوغریدر ، فقط ایجه آکلاشلما سی لازمدر . انسانده فطری ، وهی اولان ذهندر (لهینچ) ، ذهنک اشیای تعقل ایتمه اولان احتیاجیدر .

مبدأ عینیت، مبدأ سببیت ایشته بوتایل و احتیاجک ترجانندن باشقه شیلر دکدر . قانون لا — مناقصه قانون زمان و قانون مکان لاحقدر . دیگر جهندن اشیایی آکلامق ایچون، ذهن اونلری آنجق کندی قالنه، نمودجه تطبیق ایله تفهیم ایده بیلیر، ذهن شعورک ذی حیات تجربه سندن علت، غایه، قانون، جوهر و الح مفهوم لری اقتباس، و بونلری اشیایه تطبیق ایده رک تعقل intellection نک مبادی* مدبره سی اتخاذ ایلر .

۱۲ — عقل تعیرندن کله نک روحیاتجه و طار معناسی ده آکلاشله، ینه عقل ایچون برتربیه واردر. اول امرده مبادی انسانک ضمیرنده نوعاً ما غیر مشعوره اوله رق نأمدر؛ بونک ایچون اونلری اورادن قورتارمق لازمدر . عقل بدایتده کندندن خیر دکدر، بوجهتله اونی کندندن خبردار ایتملیدر . ممارسه لرک هپسی بو خصوصده نافعدر؛ فقط هپسندن ایسی علوم متنوعه نک تطبیقیدر .

۱۳ — دیگر جهندن، مبادی کندی باشلرینه براقیلرسه، قاراروب بوزیله بیلیرلر؛ مثلاً بونک ایچوندرکه مبدأ علیت و مبدأ «ایجابیه» عالمده تصادفک یا خود کیف مستبدانه نک جریاننه اینانمقدن بزی هر وقت منع ایتیمور . مبادی بی دستور حق یا ملیدر؛ ذهن ایچون آچقندن آچیه مناقض اولان هر شی حقایق فعلیه جه متمعدر .

۱۴ — فقط مبادی بی یا خود هیچ اولمازسه بعض مبدئلری اعتدال و احتیاطله تطبیق ایتمکی بیلملیدر؛ علیت و جوهر مبدئلری حریتیه مغایردر، حال بوکه حریتک وجودی اخلاقی ایچون الزمدر . بناء علیه اونلری اشیایی تعقلمز ایچون شهسز الویرشلی، فقط بسبتون اضافی بریمتی حائر، بعض رموزات عد ایلک بلکه دهه مناسبدر .



اون بشنجی درس

نطقك تفكره مناسبندری

نطق . — كلام ، اك مكمّل نطق . — نطق ، تبليغ افكارك وترقيسات علميه نك شريطدر . — نطق ، تصوراتك استقراری ایچون شرطدر . — نطق ونفس ناطقه نك عملیه لری . — نطق وعلم . — نطق وعموماً تفكر . — نطق ایله تفكرك تلازمی . — تفكرك نطقدن اقدمیتی .

تطبیقات عملیه . — جوجفك نطقنه نظارت . — نطقك محذورلری .

نظم . — عقل بالمله اعمال ذهنيه نك جانیدر ، فقط او عملیه لك شرط ضروریسی یالكز عقل دكلدر . ذهنك بتون سعی ، اكر امری آلتنده قیمتدار بر معاوانی یعنی نطق اولماسه یدی ، ممتنع دكلسه بیله ، هیچ اولمازسه بك مشكل و بك زیاده غیر مستقر اولوردی . سلسله حیوانات ایچنده اك یوكسکی بیله اولسه ، هیمه ده عقل ایله برابر نطقك سویاً مفقود اولدیغنی كوردكدن ، وبالعكس انسانی ، بی نوعنك اك آشاغی دركه سنده بیله اولسه سچدكدن صكره كلام ایله عقلك قرابتی تسلیم ایتمامك ناصل ممكن اولور ؟

كلام اك مكمل نطقدر . — نطق بكجنس بعض دال signes لردن مؤلف بر منظومه در . داله كلنجه ، كله نك اك كینش مغاسیله ، حالاً محسوس اولمایان یاخود هیچ بروقت محسوس اولماسی ممكن بولنمایان دیگر برشتائی اظهار ایله مكلف برشأن محسوسدر . نطقه عائد داللك دیگر اشارت لردن فرقی بالخاصه حالات شعوری افاده یه مأمور اولمالرنده در ، زیرا حالات مذكوره بحسب الذاة كوزه كورنمزلر [۱] . نطقك مختلف نوعلری اوله بیلیر . طبیعی naturel ویا عهدی conventionel

[۱] كتابمذك حدودی دالار حقنده دهامكمل ایضاحات اعطاسنه ، دوال « طبیعی »

و « صنعیه » نك فرقی نه اولدیغنی كوسترمكه ، وبالخاصه بل Darwin وسمیه نرك داللك نه بولده تحدت ایتمش ونه صورتله آكلاشلمش اولدیغنه دائر سردایتش اولدقلری جالب مراق نظریه لری تفصیل ایتمكه مساعد دكلدر .

اولان ، داللرك ماهيته ، و بونلرك يا طبيعت طرفندن ملهم ويا انسانلر طرفندن موضوع بولمالرينه كوره ، طبيعى نطق ايله صنعى نطقلر بربرندن تفريق اولنورلر . داللرك خطاب ايتدكلرى حواسه ، يعنى او داللرى بزه بيلديره جك اولان كوز ، قولاق ، ولامسه يه نظراً نطقلر يا بصرى ، يا سمعى ، يا خود لمسى اولور [۱] . كلام ، اك مكمل نطقدر : ديكر نطقلرك چوغى او كا منسوبدر ، كلام اونلرك مسند مشتركى كيدير ؛ انسانك طبعاً اونى ترجيح ايتمش اولماسى مالاك اولديغى فائده لره مبنيدر : بز بوراده كلامك منشئى نه در ، ناصل اولوب ده كيت كیده ده ا بر مرکيت و مكمليت پيدا ايتمش و نهايت تفكرك بالجمله اينجه فرقلرينى كوسترمه كه موفق اولمشدر ، بومسئله لرى آراشديره جق دكلز ؛ يالكز نطقك تفكره ايفا ايتديكى خدمتلك هپسنى و ذهنه اشيائى تعقل و تفهم ايتمى ايجون عرض ايلديكى معاوتى كوسترمه مجبورز .

نظر ، تبليغ افكارك و زقيات علميكك شرطيدر . — اول باول معلومدر : نطق تبليغ افكاره خادمدر ، بربرينه قارشى قابالى اولان شعورلى بربرلريله اختلاط ايتدين نطقدر . بوخصوص ، علمك تشكىل و ترقيسى ايجون نطقك نه بيوك بر خدمت ايفا ايتديكى كوسترر . دنيانك درت بوجانده چالیشان اينجه اينجه كيسه لرك كندى مشاهدات و تجارب واقعهلرينك ثمراتى بربرلرينه بيلديره بيلملىرى ، كندى كشفلرندن خبردار اولمالرى و بربرلرينه معاونت متقابله ده بولنه بيلملىرى هپ نطق سايه سنده در : علم آنحق يواش يواش ، آغير آغير ، بالجمله عقولك اشتراك مساعيسيله تشكىل ايدىيور ، بواشتراك مساعينك آلتى ايسه نطق ، وبالحاصله نطقك ثابت برنقل و تسجيلندن باشقه برشى اولمايان يازيدر . ينه نطق سايه سنده در كه هپمز ديكر لرلرينك سعيندن استفاده ايدىيورز ، ثمرات عرفانلرينى طويللايورز ، اونلرك يقين و صحتلرينى اوكره نيورز : حقيقت بر دفعه كشف اولنجه هر كسك غداسى اولور ، طى مكان ايدر ، فسحت آباد عالمك هر نقطه سنى دور ايلر . ديكر جهتدن ، حقيقت زمانه ده تصرف ايدوب « دائمى بر مال » اولور . فى الحقيقه ، لسان

[۱] مثلاً افادات جبريه برنطق صنعيدر ؛ بر آدمه برشى انچر كى اشارت ايتك نطقى طبيعى ؛ ديلسز لرك اشارتلى نطق بصرى ؛ كلام برنطق سمعيدر ؛ نطق لمسى تضيقندن ، تماس دن عبارتدر . لور ا بر نغمه ي تربه ايتك ايجون بويله برنطق قولالانشدر .

سایه‌سندہ بزدن اول کچن انسالک بالجله تبعاتندن استفادہ، تجربہ وحکمتلرینک ثمراتی اقطاع ایدہ بیلیر، ینہ او واسطه ایله اونلری کچمکه، وزه منتقل رأس‌المال حقایقه یکی بولدیغمز حقایقی ضم ایتمکه ده مقتدر اولورز: بونلرک هپسنی ده اخلافره میراث براقیرز، اونلرده بونلری آراشدر، بویله لکله خزانه علوم کیندجه زنکینلشیر، نفس ناطقه انسانی ظفردن ظفره یوکسه لیر، ذهن انسانی کندی فعل تنسیق وتنظیمی دائماً ایلری یه ایلتهرک، عالم بی پایانه دها زیاده تطابق ایدر! نطق ترقیات ذهنیه نکه نه قدر مؤثر برعضوی ایسه، مدنیت ایچون ده اویله در: ذاتاً بو ایکی شی بر برندن یک مشکل اوله رق آیریلیر. انسانلرک سعادت حالی آرتدرمغه مستعد صاییمز ایجادات صناعیه یی، اختراعات معینه یی طانتدیران نطقدر. دیگر جهتدن، افکار علمیه یه اطلاع حصولی، وافعال جوانمردانه نکه استماعیه روحز یوکسه لیر، و وجدان اخلاقی تشکل ایدر. بناء علیه، نطق انسال متعدده آره‌سندہ بر رابطه تساندوتکافدر، صانکه نوعک برقوة حافظه سی ویا دهاطوغریسی نوعک ینہ نوع طرفندن بر تربیه سیدر.

نظمه تصوراتک استقراری ایچونه شرطدر. — فقط نطق بالکز تبلیغ افکاره خادم دکلدر؛ بوندن باشقه، ودها بر چوق جهتلردن، افکارک تشکلی ایچون ده قیمتدار یاردیجیدر.

عجبا بر اعتبار ایله، بلا نطق تفکر ممکن اوله مازدی، دینه مزیمی؛ فی الحقیقه دوشونمک، اگر انطباعات محسوسه نکه، صور محسوسه خصوصیه نکه فوقه یوکسلمک، تصور کلی یی، معقولی، فکری استنباط ایتمک دکلسه، نه در؛ فقط اولجه کوردک: شاید مفکره انعطاف ایتدیکی اشیان استنباط ایدہ جکی معنای برلفظک حمایه‌سنه تودیع ایتیه جک اولسه‌یدی او معنا، او فکر اوچار کیدردی. دیمک که نطق سایه‌سندہ افکار ومعانی نفس ناطقه نکه هر وقت امرینه آماده بولنیور. ینہ بوسایه‌ده، ذهن ده هر وقت عینی ایشه، عینی مشقتله وهیچ بر وقت فضله بر موفقیت امید یی اولمقسزین باشلامغه مجبور اولمایور؛ زیرا الفاظ معنائک مضبوط قالماسنی تأمین ایدر: ذهنک بر دفعه تمیز، تحدید ایتدیکی هر معنا اوسایه‌ده آرتق کندیسندہ قالیر، اوراده بر نوع موجودیت خاصه اکتساب ایلر، واضح وقطعی

طورر، حتی یکی بر حاضر لئه کسب اهلیت ایدر که بوده فکره صحت و قطعیتجه دهه؛ بر زیاد دلاک بخش ایلر. بوندن باشقه، بالذات اشیایه دائر اولان تصورات کلیه خصوصنده الفاظ بوقدر الزم اولورسه، حقایق خارجیده مدلوللری اولمایان مثلاً اعداد و اشکال ریاضیه کی دهه مجرد تصورات ایچون اهمیتلری نه قدر بیک اولماز؟

آرسطو « بلاصور sans images تفکر اولنه‌ماز دیردی »، هر فکره بر مسند محسوس، بر صورت محسوسه لازمدر: فقط بوراده هر استحضار خیالی ممکن دکلدر، صورت محسوسه‌نک مقامنه یالکز لفظ قائم اوله‌بیلیر، و فکری دوشونمک، یعنی شیئی تفهم ایچون نفس ناطقه‌یه برطوتامق اولور.

نظره و نفس ناطقه‌نک عملیلری. — بوندن باشقه ذهن یالکز تشکیل تصورات ایله اکثفا ایتمز. تصورات، فکرت دکل تفکرک مالزمه‌سیدر. نفس ناطقه بر جوق طرز لرله اونلری ربط، و ترکیب ایله کندیلرندن تصدیقاتی استنباط ایلر. بونکله برابر هبسی بوندن عبارت دکل: دهه مرکب بعض عملیه‌له مراجعتله بو برنجی حقایق مکتسبه‌یی مقایسه ایدر، و بونلردن دیگر حقیقتلری اثبات، و یکیلرینی کشف ایلر. فقط بونلرک هبسی نطقک امدادی اولقسزین ممکن اوله‌بیلیرمیدی؟

تفکر اساساً بذاته غیر ثابت، کریزان، بوالهوسدر: او حالده هیچ بر شیئی اونوتامق، هیچ بر شیئی قارشدرماق، اشیاده‌کی کثرت و تنوعی، کندی نیستلری، ترکیبات متعدده و متنوعه‌سی، تحولات کثیره‌سی ایله برلکده کندی نظری آلتنده بولندرمق، مفاصل سابقه‌نک سلسله‌سندن واضحاً خیر اولمق اوزره، حقایقندن حقیقه، دائماً ایلری‌یه طوغری کیتمک ناصل ممکن اولور! زمان ایچنده دوشونمکه محکوم اولان ذهن هر دفعه‌سند حقیقهٔ اولانجه قوتی صرفه مجبور اولوردی.

یالکز، نطقه عائد داللر کندی اوصاف ذاتیه‌سنی، یعنی استقرار و اتقان خاصه‌سنی تفکره بخش ایتدکلرندن، اوکا کندی ایشنی قولایلق و امنیتله کورمسنی تأمین ایدرلر، حال بوکه بوداللر اولماسه‌یدی مفکره بوقولایلق و امنیتندن صورت قطعیه‌ده محروم اولوردی؛ دوال نطقیه مفکره‌نک دیکلنمسنه مدار اولور، ترقیاتی تأیید ایدر، ایلری‌یه سورر، بونکله برابر، حرکت تدریجیه‌سنی تثبیت ایدرک، نتیجهٔ مساعیسنک صحتندن امین اولماسی و هر درلو خطا احتمالنندن توقی ایتمش بولماسی ایچون کیری‌یه ارجاع نظر ایتسنده خدمت ایلر.

شونی ده علاوه ایدم که، دالیر سایه سنده، تفکرک سیر و رفتاری پک زیاده سرعت کسب ایدر. بیلورز: هر فکر بر سوری احساسات خصوصیه ایله مترافق اولوب اونلرک نسبتی افاده ایلر. فقط اکر نفس ناطقه، کندی تصوراتی قوللانیق ایچون، بوضور محسوسه نك هپسنه قایلش اولسهیدی، اوناری کندیسیله برلکده نوعاًما سوروكله مکه مجبور قالمش بولنسهیدی یا بطائنه قلمدایه بیلیر یا خود دهاطوغریسی پک انکلی اولان شو یوک سیبیه صحیحاً قیردامغه بحالی قالمش اولوردی. ایشه الفاظ نفس ناطقهیه حریت حرکتی اعاده ایدیور. الفاظ واسطه سیله، مفکره هر لحظه بار کران استحضاراتی بر اقیار، هر وقت مخلوط اولان معنا ایله دائماً ساده اولان لفظی استبدال ایدر، و بعدما اونك اوزرنده معامله یاپار، شوشرطه که بومعامله نك سوکنده اوکا کنديسندن برآن ایچون تجرید ایتدیکی قیمت ذهینی اعاده ایدر: صانکه معاملاتی تسریع ایچون آغیر نقد پاره یرینه استعمالی پک قولای اولان اوراق نقدیهی قوللانان و فقط بالاخره بو اوراق قیمت حقیقه سنی کچر آچخه ایله تسویه ایدن بانکر کبی حرکت ایلر.

ایشته بونك ایچوندرکه نفس ناطقه، اوقدر چاپوق، اودرجه قولایلقه فکردن فکره، نتیجه دن نتیجه کیده بیلیر، کویا اوچه بیلیر. استدالاتده بولندیغمز، بر مسئله یی مناقشه ایتدی کمز وقت، اوکمزه چیقان الفاظدر: هر کله نك آلتنده کیزی اولان معنای «دوشونمک»ه، قطعاً بونی موقع فعله چیقارمغه، بالجله افکاریمزک قیمتی تفتیشه، اونلری انتخابه عجله ایتمه یز، بونکه برابر ینه الفاظک واعتیادک اونلر آره سنده تأسیس ایتدیکی علاقه لره قایلوب، فوق الحد بر قولایلقه ایلری کیدرز.

نظم و علم. — کورلمسی قولایدر: اکر نطقک فکرت علمیه ایفا ایتدیکی بتون خدمت لر نظر اعتباره آلیر، و ذهنک یالکز اوکا استناداً حق کشف و تیقن ایچون الزم بالجله تشبثاتی اجرا ایدم بیله جکی ملاحظه ایدیلیرسه؛ ذهنک بتون نتایج مساعیسی اوکا تودیع واو واسطه ایله بالجله ترقیاتی تأمین ایتدیکی؛ فضله اوله رق، یاییلان هر کشفی دنیانك هر طرفه نشر و بتون ازمنه آتیه یه اونك نقل ایلدیکی و حقایق انسانیه نك رأس المالنی هیچ طور مقسزین آرتدردیغی دوشیلیرسه، نطق اولقسزین علمک، ذهنک قوتلری فوقنده، بر امر محال اولدیغی تسلیم ایدیه مزمی؟

نظراً و عموماً تفکر . — علاوه کلام ایدم که نطق علمی تفکر ایچون نه قدر الزم ایسه، عموماً تفکر ایچون ده اوندن آز قیمتدار دکلدر . فی الواقع ، نطقك خصوصی بر میخانیزماسی، صور مخصوصه سی واردر ؛ تفکری افادهیه مأمور اولدیغندن ، اونك اوزرینه بر درجه نفوذ اجرا سندن خالی اوله ماز . بوكاده سبب مفكره نك نطقی استعمالیدر . کندی خاصیت ذاتیه سی ، تحلیلی اولمقدر ، یعنی تفکری عناصرینه آیرلمغه مجبور ایتمکدر . محصول تفکر ظاهر اولدینی وقت ، صانکه طویدن همزمان بر ترکیب ایچنده کورینورکه ، بو ترکیب بالجله عناصر متنوعه و متعدده سی بر برینه صیمی بر صورتده کیرمش قارشمشدر . اگر او فکری افاده ایتمک ایسته یور ایسهك ، طویدن تفهم ایتدیکمز شیئی بر بری آرنجه افادهیه ، متحد اولان شیئی تفریده ، قارشمش اولان شیلری آیرمغه مجبورز . شبهه سز فکری تحلیل ایدن نطق دکلدر ، کندی عناصرینه آیریلان شیلر فکدر ؛ فقط ، بونی یاپورسه ، سبی نطق ایله افاده مرامه مجبور اولماسی ، وبناء علیه بالذات نطقك قالب تحلیل یسنه کندی اویدرماسی لازم کلش بولماسیدر . بوتفریق و تحلیلک فائده لری ایسه مهمدر . [۱]

انسان کندی فکرنك مضموتی ده ائی کورر ؛ انسان اونی کندی ایچون . صاقلادینی حالده بیله ، نطق اونی چوزر واکا آرزو اولنان بتون صراحت و قطعیتی .

[۱] شبهه سز ، عجبا فکرنك بوتفریق و تحلیلنده جدی بعض محدودرلر یوقیدر دیبه چوق دفعه دوشونلشدر : فکرنك حرکتی ، حیاتی بوندن دولایی لك زیاده تهلکهیه دوشمش کورونمورمی ؟ نفس الامرده ، کیفیت بویه دکلدر ، اسلوب افاده مفكره نك بتون قوت و بتون شدتی محافظه ایده بیلیر . اولا الفاظك ، مجازاتك انتخابی ، كذاك اولنرك ترتیبی ، جله لك یرلی یرنده استعمالی واسطه سیلایه یاپیلیر ؛ نطقده برنوع مناظر Perspective واردر ، اك آزمونیدار اولان طرفلرك معنیدار اولان طرفلره اك مهم عد اولنان نقطه یی تماماً ظاهره چیقارده رق حد اعظمیده ایقاع تأثیر ایدهك صورتده ، تابعدر . ایشته اسلوبك هم شخصی وهم غیر شخصی اولماسنه سبب اولان بودر . نطق ملفوظك نطق مکتوبدن زیاده دیگر بر فائده سی واردر .

افموظومرك محاوره شفاهیه ایچون نطق سمعینك صولوق صورت مستسخه سی اولدینی بیان ایتسی حق سز دکلدی . فی الحقیقه ، لسان ملفوظ دها صیجاك ، دها تترهك ، دها مقنع ، دها سوتیلیدر ، زیرا انسان قونوشورکن الی ایله ودها دیگر اعضاسیله ده بعض اشارت و حرکتلرده بولور .

ویرر. دوشونجه انجیق الفاظ ایله افاده ایتدیکمز زمان بزم ایچون صورت قطعی ده کسب وضوح ایتمش صاییلیر : اوندن اول فعلی اولمقدن زیاده مکمون ایدی، آرزوق مبهم، غیر ثابت صور محسوسه دن معمول اولدیغندن قارا کلک طور یوردی؛ فقط قوالب الفاظه کیرنجه هر درلو مبهمیتدن قور تیلوب معین و مرئی بر شیئی خارجی اولور؛ اجزای کلامه مخصوص امتیاز و صراحتی اکتساب ایدر.

بناءً علیه اونک قیمت حقیقه سنی تقدیره دها زیاده موفق اولورز. تصور اتمزدن مغرور، و لهلر نده متمایل اوله بیلیردک: او تصور اتی بزه ابلاغ ایدن الفاظ اونلرک بیایغلیغنی و یاضعفی مرحمت سزجه بزه خبر ویرر : مفکره مزک نه قدر دیبسنز، بلکه ده بوش اولدیغنی کوره رک پک زیاده شاشارز. بوندن باشقه تصور مزده احتمالک ستره التباس آلتیده کزلی بر تناقض ده واردر : بودها آغزیمیزی آچار آچار یاخود افاده مرام ایتدیکمز کی اورتایه چیقار. والحاصل بر شیئی مکملاً تیقن ایتد. یکمزی تحیل ایده بیلیردک؛ حتی اونی کندیمز ایچون پک اعلا تفهم ایده بیلیردک زیرا انسان کندی دوشونجه سنی هر وقت آکلار. فقط بونی ادا ایتمکی، توسیع ایلمکی، باشقه لرینه آکلا تمغی ده ده نه یلم : احتمال که تصادف ایده جکمز مشکل، و عجز مز بزه اودوشونجه ده بر تصور تام دکل فقط بر تخم تصور، بر شبه تصور اولدیغنه دلالت ایدر. زیرا بوا لو نک بحق دیدیکی کی :

(ای آکلاشیلان برشی واضحاً افاده اولنور و اونی سونیک ایچون کله لر قولایجه کلیر .)

نظره ابد تفکرک نموزمی . — نطقک تفکر اوزرینه نفوذی یوقیلدندر: بونک نه قدر بیوک اولدیغنی آکلاشیله بیلیر. بوکون تفکرله کلامک ارتباطی او قدر صمیمیدر که برنجیسی دیگرندن آرتق وازکچه مز؛ هیچ بر لسانله افاده اولنه مایه حق بر فکری تصورده دوچار صعوبت اولورز. بزه، کلام طبعاً تفکرک رفیقدر : بعض کیمسه لر، دوداقلرینک حرکتی فکرلرینک جریاتی افاده ایتمکسزین، دوشونه مز لر. دیگر جهتدن، بزکندیمز ایچون دوشوندیکمز وقت دائماً بر طاقم صور متصوته ویا بصریه، و خارجاً ملفوظ اولمایان، فقط ایچمزدن ایشتدیکمز حتی اعضای صوتیه اوزرینه بر تهیج محسوس حصوله کترین بعض کله لر بر برینه تسلسل ایدر.

یعنی کلام ملفوظدن اقدم نفسی، باطنی بر کلام وارددر که بالذات تفکرله ممزوجدر. بوباده، دربونال de Bonald ایله برلکده دینه‌بیلیر: «انسان فکرنی سولیزدن اول کلامنی دوشونور»، یاخود افراطونه تبعاً شویله دینه‌بیلیر: «تفکر روحک کندی کندیسيله قونوشمه‌سیدر».

تفکرک نظمره افریتی. — بونکله برابر اونوتاملیدر: نطق ایله تفکرک مناسباتی نه قدر صمیمی بالخاصه برینک دیکرینه ایتدیکی خدمت نه اولورسه اولسون، کلامی احداث ایدن تفکردر، وعلت اثردن نه قدر آیری ایسه اوده‌کلامدن اویله آیریدر. شبهه‌سز، لسان بر آینه‌در، فکر کندیسینک نه اولدیغنی اونده تماشا ایدر، و بو آینه اولماسه فکر کندی ایچون صانکه وجودی اولمامش کبی اولوردی، بونکله برابر «بوندن دولای آینه نه نورددر، نه سبب نورددر»، [۱] بهیمه، چوجق، تفکر ایدرلر؛ آنجق اولکیسی هیچ قونوشمایه‌جق، ایکنجیسی هنوز قونوشمور؛ شبهه یوقدرکه، بوتفکر پک مهیم، مشوشدر: آنجق نه بأس وار؛ ینه واریا. اکثریا بر فکر خاطریمزه کلیر، بونی افاده ایتک ایچون بر تعیر آراز؛ بولدیغمز کله‌نک او معنای مکملأ افاده ایتدیکنی حس ایدرز، اونی بتون دقایقه آکلاده‌جق دیکر بر کله آراز. حتی لسان افکاریمزه هیچ بر وقت تماماً ترجمان اوله‌میور دنیلسه طوغریدر؛ الفاظ تصورآتمزی، ثروت و مرکیت باطنیه‌لری اعتباریله تماماً افاده‌ده عاجز بعض اشاراتدر؛ سوبلدیکمز شیلرک آلتنده هر وقت بر سوری ایمالر «تختنده مستور معالر» واردر.

بوندن باشقه تفکرک لساندن مقدم، وبر درجه‌یه قدر اوندن مستقل اولدیغنی کوسترن دلیل نطقک بالذات طبعیتندن تولد ایتیمورمی؟ نطق دیدیکمز بر منظومه دوالدن باشقه برشیمیدر؛ فقط بردال، بر اشارت ذاتی اعتباریله هیچ برشی دکلددر. شبهه‌سز، دوبونال لفظ فکری یاپار ظن ایدیوردی: بو برخطادر. فقط معنای تثبیت، یشاماسنی تأمین، واکا وضوح مطلوبی بخش ایلر، فقط تفکر ایدن لفظ

[۱]. la Parole intérieure. Eger. عنوانلی ته‌زینه باقلماسی. اوقیانوسیا‌ده برقیبیه وارمش. بونلرک لغتلرنده دوشونمک معناسنه کلن کله‌لر «قارندن قونوشمق» دیمک ایش.

دکدر؛ بالعکس لفظ تفکرک وجودینه متوقفدر، کندسی اوکا دالدر، واونک وجودیه قائمدر؛ باشلی باشنه قالینجه معناسز بر یصلق « صفر » دن باشقه بر شی دکدر. تفکری نطقک منفعتنه الفا ایتک، بالذات نطقی الفا دیمکدر [۱]. بناءً علیه، هیچ برشی ذهنک ساختی، مباشرت ذاتیه سی یرینه قائم اوله ماز. شبهه سز، ذهن کرسی لسانه، صاعلام بر زمینه طایانمادجه، کندی امر تنسیق وتنظیمنه چالیشه ماز، و بونی ایلریله ده مز، بونکله برابر نطق ذهن ایچون عادی بر معاوندر: نطقک یا پاچنی ایش ذهنک کشفیاتنی تسجیلدن عبارتدر، یوقسه بو کشفلر نطقدن انشأت ایتمز؛ بونلرک منبعی نفس ناطقه ده کی قوتدر.

بناءً علیه قورمیاوه تبعاً « علملرانی یاپلش لسانلردر » دیمه ملیدر: علملر هرشیدن اول بعض قانونلردر، یعنی فکرلردن مؤلف منظومه systèmes لردر، لسانده وقوعه کله جک ترقیانک سبی فکرلرده وقوع بولان ترقیدر: معلومات مکتسه نك بر نظامه قونما سنده، و بونلرک الی الابد تمکین و تقریر اولنماسنده کی ضرورت تصنیفات ویا اصطلاحاتی تولید ایتمشدر [۲] و الحاصل نطق رموز ایله ادای معانیدن عبارت اولوب، بو رموز ایسه انجق بزم ایچون الزمدر. بناءً علیه معقول صرفی l'intelligible pur هر اشارت حسیه نك، و هر لفظ و مبنای جسمانینک خارجنده اولمق اوزره تصور ایده بیه جک و قوانین و انواعک منظومه طبعیه سنی، نهایت الامر ناقص و قایا بر صنیه دن باشقه برشی اولمایان، برواسطه یه مراجعه محتاج اولمق سزین، نفسنده استحضار se représenter ه مقتدر اوله جق، بزمکنندن ده ها مکمل بر مفکره نك وار اولدیغنی تصور و تفهم ایده بیلیرز.

تطبیقات مهمیه — هر جفک لفظه نظارت — چو جنی استبصار ایدنلرک هپی قولایجه شوکا دقت ایده بیلیرلر: چو جق لاقیردی سولمکده و مقصدینی آکلا تمقده سرعت کوستر؛ ده ها بشیکده ایکن بعض احتیاجاتک تأثیریه بغیر اختیار قوباردینی فریادلره ناصل عجله قوشدقلرینه دقت ایدرک، کندی آرزولرینی افاده ایچون

[۱] بوا سمیم نك بر خطاسیدر (تعمیم حقنده کی درسه باقکز).

[۲] لسانک دخی علومه متقابلاً نشر فیوض ایله یکی یکی ترقیاته مظهریتنه خادم اولدیغنی علاوه مقال ایتملیدر. بوبالخاصه علم کییاده وقوع بولشدر.

تصحیح: یکریمی اوچنجی فورمه نك صحیفه رفی (۳۵۳) دن ابتدا ایده جک ایکن سهواً (۳۳۵) یازلش و اوصورتله طبع ایدلش اولفله تصحیحاً بیان کیفیت اولور.

ارتق بالاراده او یولده باغرمغه ، سسلر چقارمغه باشلار : ایشه بو حقیق برنطقدر .
 دها صکره ، سنی هالمکی او کرئمکه ، ابلک کله لرینی ککله مکه باشلار باشلاماز ،
 عادتا کندی ایچون حقیق بر « لغات » تشکیل ایتدیکی ، مثلاً اشیایی کندیسنده
 طبعاً ایقاع ایتدیکی تهیجات ایله ، چقاردقلرینی طویدیغی سسلرله یاخود مخلوقات
 بونلرک نعمر لرینی تقلید ایله افهام ایلدیکی کوریلیر ، فضله اوله رق ، چوجق برلفظی
 وجوده کتیر کتیر من ، کندی غریزه تعمیمی سوقبله ، او کله نک متعلق اولان
 شیله هر هانکی برنسبتی ، الک اوزاق برمانلتی اولان اشیای مختلفه نک هپسنده تشمیل
 ایدر [۱] . چوجق برشئی اونک کندن باشقه برلفظ ایله افاده ایتدیکمزک سبینی
 آکلاماز ، کندی ایچون یاپدینی وکندیسنک اوقدر آچیق بولدیغی لسانی نیچون
 آکلامدیغمزه عقلی ایرمز ؛ کندی اویدردیغی الفاظی بزه قبول ایتدیرمکه چالیشیر ،
 کندیسنه برشی سویله مهین ، برشی کوستر مهین ، بزم لغت لریمزی قبول ایتک ایسته مز .
 بونکله برابر خبر ویره لم که ، بوباده نایمحل برمروت و مسامحه چوجفک
 انکشاف ذهنیسی اخلال ایتسه بیله ، تعویق ایده بیلیر . بدیدیرکه بزم
 نطقمز ، دها آز جانی ، دها آز دلفریب اولسه بیله چوجفک لسانندن
 دها طوغریدر ، بزم لسانمز اشیانک نسب حقیقه سنه دها زیاده دالدر ،
 زیرا ثمرات تعمیم اولان ، معلومات ، افکار ، الفاظ آلتنده مخفیدر ، حال بوکه
 چوجفک تصنیفانی نه قدر صنعی ، کینی اولدیغی معلومدر . بونک ایچون چوجفک
 نطقنه تمادیا نظارت ایتک ، دها طوغریسی اوکا کندی لغت لرینی براقدیروب بزمکنی
 قبول ایتدیرمک ایجاب ایلر .

فقط یکی برایش ترتب ایدیور : عجباً چوجق بزم لغت لریمزی ایی آکلامشی
 او لغت لره بزم ویردیکمز معنایی ویریورمی ، اونلری بربرندن وطبعاً منسوب
 اولدقلری آز چوق مخلوط زمهر لردن درجه کفایه ده تفریق وتمیز ایده بیلورمی ،
 یعنی مناسبی وجهله ویرنده اونلری قوللانه بیله جکمی ، ایشه بونلری تحقیق ایتک ایستر .
 ایشه انحق بو شرط له درکه چوجق قونوشمغه موفق اولور . ایی قونوشمق اعتیادی
 ایسه ظن اولندیغندن زیاده حائر قیمتدر . بر قومک لسانی ، او قومک ترقیات

[۱] تعمیم خنده کی درسه باقداسی .

ذهنیه‌سنه ، ماهیت تفکرینه اڭ امین بر قرینه‌در ؛ نته‌کیم بر فردده ، طوغری ، تام بر نطق آچیق و طوغری بر فکره دلالت ایدر . الفاظی و تعبیر آتی ایشله‌مک و بربرینه ربط ایتمک ، افکاری ایشله‌مک و بربرینه باغلامق دیمکدر ؛ سویلکی اوکره‌نمک ، دوشونمکی اوکره‌نمک دیمکدر ، فکرک صورت پذیر تشکل و انتظام اولماسی استعمال کلام ایله‌در .

نطقک محذره‌ری . — شونی‌ده خبرویره‌لم‌که : نطق اوزرینه یاپیله‌جق نظارت متمادی اولمالیدر : یاشی‌کاله‌گلش برکیمسه بیله بوندن بر لحظه فارغ اولمالیدر . بونک سببی شودرکه نطقک فوائد و خدماتی‌نا قابل انکار اولغله برابر ، محاذیر و مهالکی‌ده اویله‌در . اونلری بیلیمک کندیلردن صاقمق ایچون لازمدر . اول‌باول ، یوقاریده بیان ایتدیکمز وجهله ، نطق نفس ناطقه‌ده‌کی تصورات صرفیه بر جسم ویردیکلردن بزى « معانی » مجردیه‌بر وجود فعال اسنادینه ، اماله ایدرلر ، و بصورتله اشیا‌یه دائرئاً دها صحیح بر علم کسب ایتمک‌کمز ایچون بزه یاردیم ایده‌جکمه ، بزى خطایه‌دوشور و حقایق اشیا‌دن اوزاقلاشدیرر . دیگر جهتدن ، ینه اخطار ایده‌لم‌که لفظک کندی باشنه هیچ بر قیمتی یوقدر ؛ لفظ حقایق‌دن اولان نصیبی دلالت ایتدیکی معنادن اقتباس ایتشدردر . فقط بالذات الفاظ ایله قناعت و اونلری صحیح العیار اچمه‌رینه قبول ایتمک‌کمز ، ویا عطالت و یا خود نقصان ذهن سببیه اونلری قیمت حقیقیه‌سنه ، یعنی تصور concept . قلب ایتما‌مک‌کمز واقع اوله‌بیلیر . بونک اوزرینه ، او قودیمز بعض عبارتله‌ری یا خود ایشندیکمز بعض سوزلری ، معانی حقیقیه‌سنی ملاحظه ایتمک‌سزین و یا خود عجباً بر معناسی واری می‌یوقی دیه آراشدر مقسزین تکرار ایدر طوررز . الفاظ ایله قانارز ، « psittacisme » ، دیدیکی باباغان کبی تکلم ورطه‌سنه ، گیاه الفاظ یرینه اثمار اشیا‌ی آتارق ، دوشمش اولورز .

بو ته‌لکه‌یه اڭ چوق معروض اولان چوجقدر ؛ زیرا کریوه الفاظه دوشه‌رک اوکر ندیکی درس‌لردن ویا کندی‌نه ویریلن ایضا حاتدن اکثریا انجق بعض کله‌ری حفظ ایدر . بناءً علیه او قودینی ویا ایشندیکی شیء ای اکلادیغنی و الفاظ و عبارتدن سسلردن باشقه بر شیء یعنی کیزله‌دیکلری معناری ادراک ایلدیکنی آراشدر مق الزمدر .

[۸] لا‌ینجه psittacus باباغان دیمکدر .

چو جفی بو وجهله هم کندیزی وهم باشقهری ایچون کیت کیده مشکلیسند اولمغه آلدیرمه لم: بویه لکله کندی کندی آدامق خطرینه ده آرمعروض اولور، فکرلرینک واهیلکنی کورمکدن عاجز اولدقلری حالدراست کلنه «بیلدکری شیلردن ودها باشقه مسئله لردن» بحث ایدن، کندیلرنده «هرزه» دن باشقه برشی اولمادیغی حالد کویا قویاً محاکات عقیده بولندقلرینی توهم ایله این شو سبکمغزانک عددینی آرتدرماش بولور. ینه بو واسطه ایله دیگرلرینه چوق آلدانماش، جمهور ناسک صفوتندن استفاده چالیشان بعض کسانک ولوله لی سوزلرینه، صافدان خلقی تهییج مطلوب اولمایه رق یالکز او یومتق ایسته ندیکی وقت بو پک یوکسکدن چینلادیلان بعض معظم الفاظه ده قولایجه قاپلماش اولور. مربیلرک همتی، سوزی طوغری، شارلاناغله دشمن، انسانلری بحق تقدیر و ظواهر صوریه آراسندن اساسده کی حقیقتی تمیزه قادر عقول سلیمه یتشدرمکه معطوف اولمالیدر.

والحاصل، اونوتمایه لم که نطق سفسطه نک دائمی بر سبیدر، بر چوق ظنون باطله یی، اعتقادات سخیفه یی ادامه ایدن اودر، چوجنک بولره قارشی مجهز بولماسی و یا یاقاسنی قورتارمسی لازمدر. نیجه واهی مناقشات و باش دوندیریجی استدالات واردر که الفاظک ایکی معنالی یا خود عبارده لرك ملتبس اولماسندن باشقه استادکاهی یوقدر! منطقچیلردن بریسی مابعدالطبیعه علماسنک مناقشه لرینه سرمایه اولان بالمله تعییرانک بر فهرستنی تنظیم کبی بر عزیزلکده بولنشدرد. صانکه مغبون لسان اولان یالکز فیلسوفلر ایمش کبی! شو محذور هر کس ایچون موجوددر. عالم «قوت force» کله سنی سؤ استعمال ایتمیورمی؟ کندی عننده «علت cause» ک هیچ بروقت شرط condition دن باشقه برشی اولمادیغی عجباً دائماً نظر اعتباره آلیورمی؟ سیاستله توغل ایدن ذوات «حق» یا خود «حریت» کله لرینک نه معنایه کلدکلرینه بحق واقفیدر؟ عوام ناس ایچون ندیملی؟ فلان کیمسه دن قورقالیدر زیرا بر پلان projet قوریور، پلان قورانلر ایسه شایان امنیت دکلدرد، یوله کیدرکن بر طوشانه تصادف ایتمش قورقارلی لازم کلیور، زیرا طاوشان قورقاق بر حیواندر، سرت مشروبات ایچه بیلیرلر، زیرا بویه مشروبات انسانه قوت ویرر (نته کیم قرون وسطاده، معدنلرک اک قیمتلیسی اولان آلتونک، نعمتلرک اک قیمتلیسی اولان صحتی محافظه ایده جکنه اعتقاد اولتوردی) کبی سوزلرک هر کون ایشیدلیدی، خلقک بیکلرجه بی معنا صاچه لر قاعده حکمت کبی

قبول ایتدکلی و کلامه اعتمادآه پا بر جای استقرار اوله میان بعض استدلالانده بولندقلری کورلدیکی وقت، چوجنی تماماً لفظی، اعتباری مشابهلره امنیت ایتامکه، هم کندندن وهم باشقه لرندن مشابعت الفاظه دکل اشیا به مستند دلائل جدیه ایسته مکه آشدیرمق نه قدر مهم بر شی اولدینی مستبان اولور. محقق، نطق تفکره مفید خدمت لر ایفا ایدر، فقط استعمالی تهلکه لی، غیر مکمل بر آلتدر، انسانی حقیقه اولدینی کی خطایه ده ایله بیلیر؛ آلت نطق الکی صورتده استعمال یولنی اوکره تمک، بونک ایچون نفس ناطقه نی الفاظی دوشونمکه، یعنی او لفظلرک قطعی، تمام وطوغری معنارینی ویرمکه ویا بولمغه آشدیرمق مر بیلره عانددر.

خلاصه

۱. نطق ذهنک بتون سعی ایچون قیمتدار بر معاونت ایفا ایدر. کلام الکی مکمل بر نطقدر.
۲. نطق فکرک تبلیغه مدار اولدیغندن، عقولک تشریک مساعیسه، وبوسیله علمک ترقیسنده خدمت ایدر. نطق حقیقی بتون اقطار جهانه نشر ایلر، بوندن. باشقه اوئی انسال آتیه ایچونده حفظ ایدوب میراث براقیر.
۳. دیگر بر نقطه نظر دن، نطق علمک شرطیدر، زیرا تصورات کلیه، نفس ناطقه نی عینی ایشه، فضله بر استفاده اولمق سزین هیچ طور مایه تکرار باشلامق دن قورتاران بر استقرار تأمین ایلر. ذهنک قاریشیق عملیه لرینی دائرة امکانه صوقان، اونلری تقویه ایتک وایلری به کتورمکه برابر تسریع ایدن اودر.
۴. نطق تفکری تحلل ایتکه اجبار ایلر، اوکا وضوح مطلوبی بخش ایدر. فکرلریمز قیمت حقیقه سیله تقدیر ایتکلکمزه خدمت، ای آکلادیغمزیمز بزه تأمین ایلر.
۵. بوتقدیرده کلام نفسمزده تفکرله آرقداشلق ایدر؛ حتی باطنمزده تفکرله مزوج بر کلام واردر. بونکه برابر تفکری یاپان نطق دکدر، نفس ناطقه نک سانحائی وسیعی یرینی دخی طوتاماز، «علملر دخی ایی یاپلش لسانلر دکدر».
 ۶. چوجق پک چابوق قونوشمغه باشلار؛ بغیر اختیار کندیسنه بر لسان یاپار

اونی بزده قبول ایتدیرمک ایستر؛ فقط کندیسنک انکشاف ذهنیسی تعویق ایتامک ایچون اونک یرینه ، دها صحیح اولان بزم لسانمزی اوکا قبول ایتدیرملی یز .
 بونک اوزرینه کندیسنه اوکرتدیکمز کله‌لری ایجه آکلایوب آکلادیغنه ویرنده قوللانون قوللانمادیغنه باقلی یز ! چوجنی اصح بر نطقله یتشدرمک اونی طوغری دوشونمکه آلشدرمقدر .

۷ . دیگر جهتن ، نطق محذورسزده دکلدر؛ بزی معانی مجرده‌یه بر وجود خارجی ویرمکه اماله ایدر ؛ یالکز الفاظه اعتبار ایدوب ، کیزله‌دیگلری معالره قدر تعمیق ایتیه یز : بوجله کندی کندیمزی آداتمش اولورز ، باشقه‌لری آداتمش و باشقه‌لرینه آداتمش بولورز . والحاصل بعض سفسطه‌لر ، بعض ظنون باطله واردرکه منحصرأ لسانده کی نقایصدن ایلری کلیر . بونک ایچون چوجنی الفاظه آدانمایوب ، هر وقت الفاظ التنده کی معنای آرامغه ، یعنی دلائل صحیحه‌دن باشقه بر شینه اصلا قانماغه آلشدرملیدر .

اون آلتنجی درس

فعالیت

غریزه

فعالیت .. فعالیتك اشکالی .. حرکتلری .. افعال منعکسه ، افعال منساقیه ، غریزی افعال .. غریزه : ماهیتی .. غریزهك اوصافی .. غریزه حقنده تکاملیهك نظریه سی .. تکاملیه نظریه سنک قیمتی .. غریزه ، حیات ، ذهن .

نطبقات عملیه .. حیات انسانیه : غریزه شخصیت .. ای و کوتی غریزه لر: تربیهك ابشی .. انسانك کندی نفسنی کندی تربیه ایتمی : ترقی فردی ایله تکافل اخلاق : **اسیرسرك** غریب دعواسی

فعالیت .. — عمومی بر اعتبار ایله ، فعالیت بر قوه خصوصیه اولمایوب دها زیاده بالمله قوای نفیسه مزك اصل مشترکی ، ودها طوغریسی نفس ناطقهك بالذات جوهریدر . ذهن ، فعالیتك بر شکندن باشقه بر شی اولمادینی کبی ، حساسیت دخی ، تقلبات متوالیه سی اعتباریله فعالیتدن عبارتدر : والحاصل روح هیچ بروقت انفعالی passif دکلدر .

دها خصوصی بر اعتباره کوره ، فعالیت نفس ناطقهك دیکر ایکی قدرت اصلیه سندن آیریلیر: بو، ایقاع افعال اقتدارندن عبارتدرکه او فعللر یاخود حرکتلر واسطه سیله جسم آلیمزی ، وبونک توسطیله ده ، چوره مزده بولنان اشیایی تعدیل وتطویر ایدرز . ذهن، تأملات و تفکرات باطنیه سنه ممنونیتله طالش اولوب ؛ حساسیت دخی فعالیت اولمقدن زیاده بالذات فعالیتك بر زنبرکی منابه سنده در : بو تقدیرده اصل فعالیت ، شخصك متصرف اولدینی طاقات قوآنییه یی خارجه بسط و اظهار ایتمسندن واعیان موجودات اوزرینه کندی مهرینی باصماسندن عبارتدر .

فعالیتك اشکالی . — فعالیت بزه کورندیکی وجهله ، باشلیجه اوج شکل اکتسا ایدر . برنجی شکنده ، حاصل بالذات spontané ، غیرمتأمل ، متوجه وساعی اولدینی غایه دن یخبر اولوب بویه بر فعالیتده شخص مؤثر دکل دها زیاده او

فعالیتك جولانكاهیدر : بو تقدیرده فعالیتك بو شكلی غریزه‌در. بو فعالیت، صكره درجه درجه، ایچنده محبوس بولندینی میخانیزمه ایچندن چیقوب، كندینی طوبیلامغه، كندینه متصرف اولمغه، كندی ایچون بر مطلب اعلا، بر مفكوره تصور ایله بونی ترجیحه، و بونی بالاخیار متثبت اوله‌جنی بر جهد و اقدام ایله موقع فعله‌چقارمغه باشلار: ایسته اراده volunté بودر. نهایت فعالیت منساقی automatique اولور؛ كیت كیده ساحه تأمل و اخیاردن چیقوب تكرار جبر fatalité و لا یشریت l'inconscience ساحه‌سنه كیرر: بوده‌اعتیاد l'habitude «ملكه» در. ایسته فعالیت بشریه‌نك ایچنده دوران ایتدیكى دائرة le cycle بویله‌در؛ یعنی طبیعتدن باشلایور؛ دائرة شعور ایچنده انكشاف ایتدكدن صكره، ینه طبیعته دونیور.

مرکزله : افعال منعكسه Actes réflexes **افعال منساقیه** Actes automatiques ، افعال غریزیه . actes instinctifs . — فعالیت موجودك بالنفس كنی و ذاتیدر : بو اوقدر طوغریدر كه حیاتك برنجی نشانه‌سی حركتدر. یكى طوغمسه باقكز : هرشی اونك ایچون قارا كلك و اویقوده‌در؛ بونكه برابر، همان قیلدار، اعضای آلیه‌سنی تحریك ایدر، هیچ طور مقسزین قیلدار. بونكه برابر، بو مختلف حركتلری، منشألری اعتباریله بر بزدن آیرمق الزمدر. بونلك هپسی شبهه‌سز غیر ارادی، غیر متأملدر؛ فقط بعضلری اعضای آلیه‌یه خارجدن كلن بر تخریشه قارشى طوغریدن طوغری‌یه و در حال ویریلن جوابلردن عبارتدر: «افعال منعكسه» بونلردر: چوجفك دنیا‌یه كلیركن، جكرلرینه كیرن هوانك تأثیریه، چیقاردینی آواز، بك شدتلی برضیانك تأثیریه كوز قاپاقلرینك آچلوب قاپانماسی، بر توك پارچه‌سی بورنه صوقلدینی وقت حصوله كلن آقصریق هب بوقیلدندراخ.

دیكر بعضلری خارجی بر تخریشدن حاصل اولماز، داخلی بر دفعدن، فطری بر حیاتیتنن نشأت ایدر: بونلر «بلا سبب خارجی حاصل spontané» حركتلردر. بونكه برابر اونلركده بعضلری غیر منظم، غیر ملاصق اولوب، انسانك ایچنده‌كى قدرت حیاتیه‌نك فضله‌لغندن ایلری كلیركه بوقدرت بر طرفه صرف اولنق ایچون صبر سزدر؛ بونلره حرکات «منساقیه automatique» اسمی ویرلشدر، چوجفك بشیکده ایكن هیچ بر انطباع اولمادینی حالده، بسبتون باطنی بر احتیاجك سوقیه اجرا ایتدیكى حركتلر بوقیلدندر.

اونلردن بعضی‌ده، ینه دائماً بلا سبب خاجی متحدث اولقله برابر، منتظم و مرتب و اشکار بر صورتده معین بر غایه‌یه متوجه‌درلر، بو حال اونلرک وصف مخصوصیدر: یعنی بوفعللر بر مقصد تعقیب ایدن بر موجود عاقلک بالتأمل ایقاع ایتدیکی فعللره ممانلدر. اونلری بالخاصه بهایمه مشاهده ایتک قولایدر: حیوانلرک بعضی نوعلرنده، بو فعللر صحیحاً شایان تعجب بعضی اعمال و حرکات تشکیل ایدرلر. فقط، ظواهره رغماً، اونلری تأمل و ذهنک ثمراتی عد ایتک محالدر؛ اولاً اونلر اوقدر سریعدرکه هر درلو تصویره تقدم ایدر؛ دیگر طرفدن، اونلر اوقدر قاریشق شیلردرکه اونلری یایمق ایچون حیوانک بردهایه مالک اولدیغنی فرض ایتک لازم کلیر، حال بوکه حیوانک اوایله برشیئ اولمادیغنی محققدر. بونک ایچون اوفعللری بر مبدأ خصوصی‌یه، غریزه l'instinct یه اسناد ایدرلر. غریزه بر مبنه طبعی‌درکه حیوانی، یا کندی ذاتی و یا منسوب اولدیغنی نوعی حفظ ایچون الزم، بعضی حرکات معینه‌یی، بلا تأمل دفعاً یا یمنه سوق ایلر.

غریزه: ماهیتی. — بناءً علیه غریزه‌یی تقویم ایدن شی، بر میلان عمل، بر نوع «شهوت» اولوب مخلوق اوندن تماماً خبرداردر، بوشهوت، تطمین ایدلدیکی مدتیجه بر صقیدی ایله، بر راحتسزقله، تطمین ایدلدیکجه بر لذتله مترافقدرد. بوشهوتک مبدئیه کلنجه، بو قلب مخلوقک اک درین یرنده مکمون بر فکرکردرکه اوکا حاکمدر، خبری اولمقسزین مسلطدر، و بعضی ظروف و احوالک، بعضی احساسات مختصه‌نک تأثیریه قوه‌دن فعله چیقار. قوش یوواسنی انشا ایدرکن یا خود سنجاب یا وروسی فندقدن عبارت زخیره‌سنی طوبلارکن، هرایکیسی‌ده، کندی شعورلرنده بردن بره و کندیلکنندن نمایان اولان بر تصورک الجاسیله حرکت ایدرلر، بو تصور اونلره درحال موقع فعله چیقاردقلری برسوری افعال امر و حمل ایدر.

بو حال کوریه Cuvier بحق سیر فی المنامه تشبیه ایتشدی؛ یوقاریده کورمشدککه سیر فی المنام حال فعلده اولان بر رؤیادر؛ ینه او وجهله، بعضی آنلرده، حیوانک متخیله‌سنی بعضی صور محسوسه، بر نوع رؤیاکی، قاپلار، آرتق اونک بتون روحی صانکه بو صور ذهنیه‌دن متشکل اولدیغندن، برسوری افعال معینه‌ایله اونلری موقع فعله چیقارمغه کندیسنی اجبار ایدر. بونکله برابر احتمالکه یاییله جق اثرک فکری

ایلك دفعه ده تماماً ، وبتون تفرعاتیله ظاهر اولمامشدر؛ دها زیاده بهیمه نك روحنده یاواش یاواش حاضر لائمشدر؛ یعنی بوفکر قابا بر تخمه ، « رشیمی برکولکه » یه مشابه اولوب ، صکره یاواش یاواش اولمش ، تعین ایتمش ، وجود بولمشدر؛ ایشده باشلانجه ، هنوز شبهه لی ایکن ، بالذات فکرک کسب مکملیت ایتمسی و صیرورتی تأثیر یله تمی و تکمل ایلر . بو وجه ملاحظه یه کوره ، غریزه صنعتکارلرده کی سnochاه بکزر : شو قدر که غریزه بر شکل خصوصی ایچنده طوکدیرلش ، منجمد بر سانحه در ، بهیمه نك بوسانحه ده هیچ بر تأثیری یوقدر ، حال بوکه انسانده کی سانحه سربستدر ، یوموشا قدر ، یعنی تمرینلری صوکی کلیه جک قدر چوغالتمه صاحدر .

غریزه نك اوصافی . — او حالده غریزه نك اوصافی نه لردر ؟ اول امرده غریزه فطریدر ؛ مخلوق اونی دها طوغارکن برابرنده کتیر ، بو اونک اجدا دندن قالمش بر میرانی کیدر ، کندسی ده اونی اخلافه براقه جقدر . غریزه یی قورمیا ده تبعاً ، فرد طرفدن قازانلش بر اعتیاد عدایمک محالدر : غریزه هر تجربه یه متقدم اولوب هر تربیه دن مستقدر .

اوندن صکره غریزه نك دها ایلکندن بر کمالی واردر . غریزه یی بر « مهارت طبعیه » دیه بحق تعریف ایتمشدر .

فی الحقیقه ، حیوان دها ایلك دقیقه دن اعتباراً یا باجانی ایشی خطاسز یا پیغه باشلار . طوقومه جی ، بزنی طوقومق ایچون ، اکثریا پک اوزون بر مدت چراقلق ایتمکه مجبور قالمش ایکن ، اکثریا یا کلش ، وینه چوق وقت یا کلنده بولنشددر . اورومجکده ایسه بوکا بکزر هیچ بر شی یوقدر . دها ایلك کوندن ، اولجه هیچ بر تربیه و تعلیم کورمکسزین ، اصلا شاشیر مقسزین ایشه باشلار ، وکالته در حال ایریشر . ایشه بو اعتباره مبنیدر که افکار غریبه سردینه خواهشکر بعض ذوات بهایمک انسانه فائق اولدیغنی اعلان ایده بیلمشلردر .

فضله اوله رق ، غریزه کورددر ، یعنی بهیمه غریزه ایله نه غایه تعقیب ایتدیکندن خبردار دکلدر ، حال بوکه بتون افعالنک سائق اودر . ایشه بونک ایچوندر که ، بزه او قدر عجیب کورون افعال غریزه ، و صنایع بشریه یی تاس تمام تقلید و بزنی حیوانک بر علمی و یاخود پک بیوک بر متخیله سی اولدیغنه دائر شبهه یه القایه مستعد

اولغله برابر ، تماماً غیر عالم intelligent در . بونک دلیلی شودرکه ، بهیسه او فعلی کندیسنه فائده‌سز یا خودضررلی اولدینی زمان بيله اجرايه باشلار و یا باشلامشه دوام ایدر . حیوان عمل ایدر ، فقط هر وقت ایشک شمول ومنزلتی ، غایه‌سنی بيلمز، اوکا نهایت ویرن اثری، حصوله کتیره‌جکی نتیجه‌یی کورمز .

فعل غریزی هر تأملدن بری اولوب ، جبری fatal اولدینی ده علاوه ایتلیدر . حیوان او فعلی اختیار ایتمز ، بلکه اوکا مطاوعت ایدر . نه اوکا مباشرت ، ونه اوئی اداره الله دکلدر ؛ اوئی تعدیل ایده‌یه‌جکی کبی ، مخالفت ایتکده مقتدر دکلدر . یعنی افعال غریزه ، حیوانک اوزرنده جریان ایدن بر درام مثابه‌سنددرکه حیوان اونک مطاوعتکار بر آتیدر . ماله برانسه ک تعبیری استعاره ایتش اولمق ایچون دینه‌بیلیرکه غریزه‌ده ، مخلوق محروک دکل « متحرک » در : یعنی هر شی ، حیوان کوزه کورنمز بر قوه خارجی‌یه تسلیم غنان ایتش کبی جریان ایدر .

ینه بو سبيله غریزه خصوصیدر ، یعنی عینی دائره افعال ایچنده محصوردر . ده ایلک کوندن اعتباراً ، هپ بر خط حرکت اوزرنده عادتاً غیر متحرک کبی طوروب اوندن انحراف ایتمز . اوروجک هیچ بروقت آغدن، قوش یووادن باشقه بر شی انشا ایده‌مز . حیوان کندیسنه غریزه‌ک امر ایتدیکی ایشی کوررکن نه قدر مهارت کوسترسه کوسترسون ، بو ایشک خارچنده سرسمله‌شوب ، هیچ بر اهلیت کوستره‌مز : یعنی کوره‌نکدن قطعاً ایريله‌ماز . ده قارت « حیوان-ماکنه » نظریه‌سنی ایشته بو سببه بنا ایتشدی . هر حالده ، بو وجه ملاحظه‌یه کوره ، انسان بهایمه فایقدر ، زیرا انسانک فعالیتی صحیحاً کلی اولوب ، اک متنوع غایاته مصروف و بالجله جهاته منتشر اوله بیلیر .

دیگر بر نتیجه طبعیه ، غریزه‌ک یکنسق اولماسیدر ، یعنی غریزه نوع واحدک بتون افرادنده متحددر : بتون آریلر پتکلرینی عینی طرزده انشا ایدرلر : فلوریه قوشنک یوواسی کندینه مخصوصدر ، نه بلبلک نه سقا قوشنک یوواسنه بکزه‌مز . غریزه نوعه مربوطدر ، اونک اوصاف ممیزه‌سندندر ؛ مخلوق منسوب اولدینی نوعک حیاتیله نه قدر زیاده یشایورسه غریزه‌ده اوقدر مبهم وقطعیدر ؛ بالعکس ، حیوانیتک یوکسک درجه‌لریله حیات فردیه شخصییه ده زیاده نمایان اولدجه ،

و غریزه ده ها یموشاق ، و کوشک بولندچه ، ذهنه او قدر زیاده یر بر اقیه -
فلورنس Flourens شویله بر قانون قویا بیله جکنی ظن ایتشدی : « غریزه ذهن
ایله معکوساً متناسبدر » .

سوزی بیترمش اولق ایچون دیه لم که غریزه متوققدر : یعنی اصلاً مستعد ترقی
دکدر . بو حال اونک دها ظهور یله برابر حال مکملیتده اولماسنک نتیجه طبعیه سیدر .
بوندن باشقه غریزه ، یالکز افرادده هپ بر حالده قالمقده اولمایوب ، نوده ده ،
متعدد نسللر کچدیکی حالده ، هپ اولکی حالده قالیر . « یاسقال دییور ، آرلر
بتکلرینی شیمدی ناصل یاپیور لر سه ایکی بیک سنه اولده او یله یاپیور لردی » ، اونلر
هیچ برشی اونو تماغلری کبی ، هیچ برشی ده او کره نماغلردر . فعالیت بشریه
ایسه یالکز افرادده دکل ، بالخاصه ، مرور اعصار ایله ، هیچ طور مقسزین
تکمل ایدوب طور مقدمدر : بهیمه ایچون بوکا بکزر برشی یوقدر ؛ بناءً علیه
بوسوء نک ملاحظه سنده کی طوغریلق آکلاشیلیر : « منشأ عالمدن بری حیوانلرک
هیچ برشی ایجاد ایتدیکنی کوره جک ، وطیعت بشریه نک نیجه اختراعات ، نیجه
صنایع وآلات ایله یر یوزینی دکشدیردیکنی ملاحظه ایده جک اولان کیمسه ، بر
طرفده نه قدر غلظت ، دیگر طرفده ایسه نه درجه دها اولدیغنی قولایجه
کورمش اولور . »

غریزه مقننه نظامیه نک نظریه سی . — براز اول سرد ایتش اولدیغمز نظریه
قلاسیک نظریه در : یعنی غریزه حقننه ، هیچ اولماز سه بوکون بزه کورندیکی وجه
اوزره ، اک اساسلی جهتلری جامعدر . فقط بیوک بر مکتب فلسفی ، یعنی تکاملیه ،
بوذهایی یکیشدردیکنی ادعا ، و غریزه نک اولجده شیمدیکی اوصافی حائر اولدیغنه
اعتراض ایدیور .

اول امرده ، دییور ، اگر غریزه بوکون فردده فطری ایسه ، نوع طرفندن
مکتسبدر ؛ بو بالتدریج متشکل وارثاً منتقل بر اعتیاددر : اونک مفطوری اضافیدر ،
مطلق دکدر . شویله که انسانلردن قورقو بوکونکی کونده حیوانلرده حقیقی بر
غریزه در : فقط بدایتده بویه دکلدی ؛ یالکز انسانلری طانیدقندن صکره انسانلرک
القا ایتدیکی قورقو ارثی و غریزه وی اولمشدر . بو قیلدن اوله رق آت طبعاً لینک

یوریمز ، کوبك آو اوڭنده اوکا الی سورمیوب طورماز: بونلر اصلی ، ابتدائی دکل بالآخره مشتق غریزه لردر. حیوانلری استخدام اولنره نیجه عادتلر قازاندرمشدرکه ، بوعادتلر اولنلرک انسالنده غریزه ده دوئمیشدر ؛ نته کیم نسل حیواناتک اصلاحی ایله ، اصطفای ایله هیچ طور مقسزین یکی یکی نوعلریشدیر مکده درکه ، بونلرکده ذریتلرینه میراث بر اقدقلری یکی یکی غریزه لری واردر . انسانک صنعی اوله رق یابدینی شیئ^۱ ایسه ، طبیعت ، مخلوقانده بعض تعدیلات اجرا ، یعنی خصوصی غریزه لرله متصف یکی بعض عرفلر تشکیل ایدرک ، بر اصطفای طبیعی ایله یابایلیر .

غریزه ، فطری اولمادیغندن ، بوکون کندیسنک وصفی اولان فی الحال مکملیتی ده حائز اولغه مجبور دکلدر . بومکملیت صایسز حسابسز آراشدرمه لرک ، دهنه مه لرک ثمره سندن باشقه برشی اولوب ، اولنلرک چونغی ده بالضروره بيسود قالمشدر : یالکزر منتج موفقیت اولانلر دائم و تکملات متوالیه مظهر اولمشدر . بووجهله ، دهها قاریشیق غریزه لرک دهها بسیط غریزه لردن چیقمش^۲ اولماسی ایجاب ایدر : بو حال اوقدر طوغریدرکه اکثریا متوسط اولان غریزه لرک سلسله سنی بولمق ممکندر . بو طریقه ، کوریلیرکه غریزه فی الحال جبری fatal و میخانیکی اولماشدر : یعنی مؤخرآ ، و برسوری انتخابدن صکره ، محکمیت کسب ایتیش و بوکون حائز اولدینی اتقانی قازانمشدر . بونک ایچون غریزه نک هر وقت کور برشی اولمادیغنی ده اعتراف ایتیلیر ؛ اوللری بر نوع بصیرتله ده مترافق اولمش اولماسی ایجاب ایدر . حتی بوکون بيله هر درلو درایتدن صورت مطلقه ده محروم دکلدر : تعقیب ایتدیکی غایه بی اجرا ایچون ، حیوان بعض وسائلی تعدیل ایدمیلیر ، اولنلری احوال و ایجاباته کوره دیکشدریر ، بعض حائللری دفع ایدر ، محیطه اوپار ، خلاصه بر درجه تمیزه و بر درجه انتخابه مقتدر اولدیغنی اثبات ایدر . [۱] فقط ، بویه اولنجه ، غریزه اصلا متوقف و یکنسق دکلدر : یعنی دیکشه بیلیر ، ترقیه مساعددر ؛ انسانک

[۱] شوله که ، قوراقلی زماننده ، چامور بولمیان قرلانفج یوواسنی دیگر مالزمه دن انشا ایدر ؛ باشقه طرفلرده یا ییجی اولان قوندوز طونه ساحلر نده قازیجی اولمشدر « ابوالهول پروانه » سی چوق اولان یرلرده ، آرپلر قووانلرنیک قابوسنی دارالتیرلر الخ ...

[۲] بوخصوصه فلوریه قوشنی مثال اوله رق اکثریا ذکر ایدرلر ، بوقوش ، حکسقیایه آت ادخالنه باشلانیدینی کوندن بری ، یوواسنی یایقی ایچون سامان چوپلری یرینه آت قیللری قوللانمغه باشلامشدر .

بهمه‌ده‌کی غریزه‌لری پک درین بر صورتده ناصل دیکش‌دیره‌بیلدیکی ویرلرینه بستیون ضد دیگر غریزه‌لر قویدینی معلومدر ؛ احوالده طبیعت دخی شرائط موجودتی و محیط خارجی‌بی تبدیل ایدرک اونی یاپایلیر . سوزک قیصه‌سی ، غریزه نوع کیدر : هیچ طور مقسزین دیکشیر ، اشیانک قانون کلیسی اولان صیورت le devenir د اوده تابعدر ، غریزه اوللری شیمدی نه‌ایسه اولیه اولمادینی کی ، همه حال ثابت‌ده دکلدر .

نظامیه نظریه‌سک قیمی . — هر نوع استبصارات و تجارب ایله زنکین اولان بونظریه‌ده اقتطاف ایدیه‌جک حقایق مهمه اولدینی اعتراض قبول ایتمز . محققدرکه برچوق غریزه‌لر اعتیادات موروثه اوله‌بیلیر . فی‌الحقیقه ، هپسی عینی وسعته مالک دکلدر : اکر بعضلری تکمیل جنسه شامل اولوب افرادینک هر برنده موجود ایسه ، دیگرلری ده‌ا خصوصی اولوب ، عینی قرابته مالک اولان برکوچک مقدار مخلوقاته مختصدر . [۱] بتون بوحالدرده ، ارثیتک مهم برایش کوردیکی اعتراف ایتلیر .

دیگر طرفدن ، اعترافی بحادریه غریزه هر یرده عینی موفقیت و میحانیکی کوسترمیور : حیوانلرک مرتبه‌سی یوکسلدجکه ، غریزه باصمه قالبقدن چیقوب ، اویناقلاشیور ؛ صانکه غریزه‌یه بعض بوشلقلر کیرمش اولیور ، ذکانک غریزه‌نک یرینه کچمی و او بوشلقلری طولدرماسی لازم کلیور ، بونک ایچون آرتق اولیه غیر متحرک ، اولیه ثابت دکلدر ؛ بعض تحولاته ، و تفرع‌انده بردرجه ترقیه کسب استعداد ایتشددر . حتی انسانده بیله ، عمله خواهشکر اولان میلانه مخصوص قسریت طبیعه ایله یاواش یاواش امتزاج ایدر ، فقط وسائطک انتخابی همتی ذهته و او واسطه‌لری اجرا همتی‌ده اراده‌یه براقیر .

بونکه برابر ، بونلرک هپسی اعتراف اولنسه‌ده ، انکلیز نظریه‌سنه قطعی نظریه باقیله‌می‌جغنی بیانه ضرورت وارددر . خصوصیه عزیزمنک منشأی

[۱] مثلاً ، بعض افرادک طوغدقلری وقت طوبراق یومتی و یاخود صرف اکلمک ایچون اولدرمک خصوصنده کوستردکلری حرصلرکی ، هپمز دنیا‌یه اینی و یا فنا بعض غریزه‌لرله کلریز ، بونلر میلانلردن ده‌ا قوتلیر ، یعنی بعض افعال معینه‌بی اجرایه فطری قابلیتدن عبارتدر .

وترقیسی حقیقه کی تلقیسی غیر قابل قبول کورینور . بعض غریزه‌لر اعتیادات موروثیه در : فقط غریزه‌نک کنیدیسه اولیه اوله بیلیرمی ؟ بو نقطه ده داروین Darwin اسم‌نسر دن آیرلمقه تردد ایتیمور : غریزه‌لری پک عجیب اولان ، بعض حشراتک عاقر neutres اولدقلری، یعنی نوعلرینی اوره‌تمک استعدادندن محروم بولندقلری حالده، غریزه ناصل براعتیاد منتقل اوله بیلیردی؟ تحاولیه transformisme مسلکله ذاهب اولانلر ایچون ، نوعه مربوط اولان غریزه نوعی ایضاح ایدن اسباب ایله مفسر اولمق ایجاب ایدر . طبیعتک بول بول صاحبینی مخلوقات، کنیدی آره‌لرنده یری، هوایی، بیه‌جکلری چکیشوب طورلر؛ یشامق ایچون بوغوشورلر . بویاریش افراد آره‌سنده بر «اصطفای طبیعی» اجرا ایدر ؛ اولردن آنجق بر «تصادف مسعود» ایله ، قوت ویا جوالیت کبی ، بعض اوصاف فائده بخشا ایله مجهز اولانلری پایداری اولور . ارثیت قانونی سایه‌سنده ، سجه ضایع اولماز، بالعکس اختلافده دها زیاده کوله‌شیر، محکمه‌له‌شیر؛ چوق کچمه‌دن کنیدیلرینه خاص وفارق غریزه‌لرله متصف یکی برنوع تشکلی ایتیش اولور . والحاصل غریزه‌نحوق عارضی برتکیف، تصادفه مدیون وارثیت ایله مشدد برحادثه‌در .

بونظریه‌نک بعض مشکلاتی ازاله ایتیش اوله بیلیمسی ممکندر : فقط هر درلو اعتراضدن مصونمیدر؛ بر «تصادف مسعود» ک اختلافه انتقال ایتیمی احتمالی اولیه چوقمی ، عجبا اونی حائز اولان مخلوق ایله برابر محو اونغه محکوم دکلکی ؟ [۱]
دیگرطرفدن، بعض غریزه‌لر واردرکه دها نوع موجود اولدینی دقیقه‌دن اعتباراً موجود وواآنده حال مکملیتده اولملری مقتضیدر، زیرا اولنر اولماسه‌یدی نوع لاجرم هلاک محکوم اولوردی . حتی، تحاولیه فیلسوفلرینک دیگر بالجمله انواعک آناسی کبی فرض ایتدیکلری، ایلک ویکانه نوعک مثللری بیله، مخلوق بیه‌جکلی آریاره‌رق، ایجابات موجودیته اویارق ذاتی حفظه سوق ایدن ، شو میل فطری وباطنی‌یه تبعاً عمل ایتیمک مجبور دکلیدرلر ؟ عجبا مخلوقاتده یشامق ایچون اولان بوجه‌د اصلی، غریزه دکلسه یانه‌در ؟ بوجهله ، تحاولیونک تأویلاتی بعض غریزه‌لر ایچون معتبر اولسه بیله ، غریزه‌نک «تکون genèse» نی ایضاحدن عاجزدر : بالعکس شونظریه

[۱] نهایت‌الامر ، داروین غریزه‌ی تصادفه ایضاح ایدیور ؛ فقط ایشه تصادفی قاریشدرمق، ایضاح ایدیه‌مدیکنی اعتراف ایتک دکلیدر ؟

مردرلوا کتسابدن اقدم، ابتدائی بر تخمک وجودنده کی ضرورتی اور تابه چیقار مقدمه در.

غریزه ، هیات ، ذهن . — بو تقدیرده غریزه نك مبدأ اولی عجبا نه ایدی دیسه خاطره کلیر ؟ سوزك طوغریسی ، بومسئله روحیاته داخل دکلدر ؛ غریزه مسئله سی حیات مسئله سی درجه سنده مابعد الطبیعی بر مسئله در . بونك سببی شودر که غریزه حیاتدن تفریق قبول ایتمز ، دها طوغریسی بو حیاتك کندیدر .

حیاتی موقع بنجه قویکمز، عینی حرکتله اونك ایچون کندینی حفظ ایتمك، تنی ایلك یعنی کندی بقای ذاتنه و تموینه یارایه بیله جك شیلری سچمك ضرورتی تسلیم ایتمش اولورسکز . ایشته غریزه بو انتخابدن باشقه برشی دکلدر ، بو انتخاب شهسز غیر مشعور بهدر ، انجق بعض طار حدود ایچنده ایشله مکه محکومدر، کرچه جبری و صانکه غیر متحرک بر انتخابدر . فقط مخلوقك پایدار اولماسی ایچون الزم ، مبهم بر انتخابدر . بو وجهله ، غریزه بزه بر نوع ذهن کی کورینور ، آنجق اشاغی، مبهم و مشوش ، او یوشمش و نائم بر ذکا ، بونکله برابر بو ذکا مشعور به ، متأمل و سربست ذهنك مخبر حدودی اولوب صانکه اوکامتوجه و اونك خدماتی، مقدرات عالیه سنی تهیه ایتمکده در .

تطبیقات عملیه . — **هیات انسانیه ؛ غریزه شخصیت .** — غریزه حیات حیوانیه نك وصف ممیزیدر . فقط انسان موجودیتك مبادیسنده، بر چوق جهندن حیوانیتله علاقه دارد، حتی یکی طوغان بر چوق ایچون کوچك بر مخلوق شوکی «un être spinal» دینه بیلمشدر ، یعنی نوزاد کوچك بر حیواندن چوق فرقلی دکلدر . بدایتده ، بزده غیر متأمل ، غیر شخصی ، تماماً نوعدن مستعار بر حیات ایله متعیش ایدك . آدمك عھیحاً انسانی یعنی تأمل و حریتله متصف بر حیاته ایریشه بیلرسی ایچون بو برنجی مرحله یی کچمسی ایجاب ایتمدیکنی سویلک بر حقیقت خاییده در ؛ غیر اختیاری اولان فعالیت ، بو عالی و بحسب الذات شخصی فعالیتك مائزمه ابتدایی سی اولمالیدر .

بوندن باشقه بالذات طبیعت، غریزه دن قور تیلیمق ایچون بزه غریزه ایله یاردیم ایدیور ظن اولتور . فی الحقیقه ، متعدد غریزه لر مرز آره سنده ، برده فردیت individualité یاخود دها طوغریسی شخصیت personnalité غریزه سی ده بولتور . واقعا حیوان نوعك حیاتیله متعیش ، واونك ایچنده مستغرق کورندیکی حالده ، بالعکس انسان،

کندینه مخصوص بر حیات ایله متعیش و بر شخص ، بر «أنا moi» اوله رق قائم اولمق احتیاجنی حس ایتمکده در . حتی بو احتیاج ، اقدحه هیچ برشی کندیسندن شبهه ایتدیرمدیکی حالده ، بردن بره فوران ایدوب مخلوقه کندیسنی بردن بره تحویل ایده جک بر نوع تفیض بخش ایدر . بدیهیدرکه مریسلر بویه برغریزه دن پک زیاده استفاده ایده بیلرلر ؛ اراده یی وسجیه یی تربیه ایچون بو بر مقدمه در . بونکله برابر مریسلرک غریزه یی تنظیم و اصلاح ایتسی مقتضیدر : زیرا غریزه کندی باشنه بر اقلرسه ، قلبه غالب اوله رق ، قولایجه خودکاملغه ، هر قاعده و انضباطدن تحسلسزلکه سائق اولور . غریزه نك ایلک بولندیغی حال اوزرنده ، یعنی غیر عقلی ، کور ، احتراصی قلماسی جائز دکلدر : چونکه مقصد اونی منحصرأ وظیفه وخیرک خدمته مأمور ایدرک ، شخصیتک ترقی و ترفیغه خدمت ایتدیرمکدر .

ابی و فنا غریزه لر : تربیه نك ایشی . — هپسی بوقدر دکل : مربی چوجنی تربیه مأمور اولدینی وقت ، قیمتلی مختلف بعض استعدادلرک هیئت مجموعه سندن متشکل ، معین بر طبیعت تصادف ایدر : بر چوجق و یا بر کیمسه ایچون خلق ایی و یا فنادر دیدیکی وقت یا ککش اولماز . بو موقع نيك بینک optimismism و یا بدبینک pessimism دن بری ایچون رأی ویره جک مقام دکلدر : دست قدر تدن چیقان هر شیئک ایی اولدیغنی بیان ایدن روسو نك نظریه سیله ، چوجنک بحسب الذاة فنا ، و « شرد میال » اولدیغنی ادعا ایدن ژانسنسم jansénisme نظریه سنه مساوی مسافه ده طورالم ؛ انسانک مطلق معصوم و یا اصلاً فاسد اولدیغنی ادعا ایدن ایکی نظریه ده مبالغه لیدر . انسانده غالب اولان محاسنمیدر ، نقایصمیدر بونی ده آراشدرمایه لم : هر چوجنک آیرجه بر طبیعتی و خصوصی بر بنیه اخلاقیسی اولورسه ، محاسنک ده نقایصک ده طوغری بر فهرستی تنظیم ناصل ممکن اولور ؛ حقیقت شودرکه ، هر بریمز ، احوال و ظروف متنوعه نك نتیجه سی اوله رق ، دنیایه کلیرکن مسعود بعض استعدادلری و یا ترس بعض غریزه لری ده برابر کتیرمکده یز .

بناءً علیه ، تربیه ایشی بالطبع مضاعفدر : اولاً تمایلات ردیئی زجر ایله رزائیه دونمسنه مانع اولمق اوکا عائددر ؛ دیگر جهتدن ، سالم و نافع اولان تمایلاتک تقویه اولماسی ایجاب ایدر . واقعا بز فائتک فکرنده دکلز . زیرا اونک عننده

مزایات طبیعی هان هان بر ضرر معنویدر : حال بوکه بومزایات مستحسنه فضیات مدخرده دلالت ایتمزی ؛ بوندن باشقه ، اونلر اخلاق فکرینه معاونت ، اراددی تأکید ، وظیفه نك اجراسنه دهها زیاده بر سهولت ولطافت بخش ایدرلر . فقط مربیلر چوجفه کندیسنی تفتیش ایتمسی ، حریتك وجودینه اعتقادی نعلیم ، حیثیت ذاتیه حسنی تلقین ایتمی ، وغیر ذلک القآآتئ تأمل واسطه سیله معاینه ایدوب یالکز عقلك تجویز ایتمدیکی شیلره متابعت ایلمکه آلدردماید .

انسانك كندريك كندرسنی تربیه ایتمسی : ترقئ شخصی ، وظائف انهنوقی : امیه نمرک

غریب دعواسی . — ایچریدن تربیه اولماز ، انسانك كندريك كندیسنی تربیه ایلمسه اعتنا ایدلرسه ، طیشاریدن تربیه هیچدر ؛ دیمك كه طیشاریدن تربیه ایچریدن تربیه چالیشمالیدر ، شاید بو طیشاریدن تربیه انسانده شخصاً تکمل شوقنی او یاندردسه وظیفه سنی هان هان بیتیرمش صاییلر . هپسی بوندن عبارتدر : طبیعتنر انحق کندی واسطه مزله صلاح کسب ایدوبیلر ، بزده معناً اخلاقاً بر ترقی حصولی انحق حسن نیت سایه سنده نمکندر . برده شوکا دقت اوانسون كه بزم شخصی ترقیمز انسانیتك وبوتون دنیاك ترقیسندن آیرلماز . بو حال قانون ارثیتك ، وبونك کبی باجلمله انسانی بر برینه باغلایان تکافل وتساندك بر نتیجه سیدر . هر نه زمان ، کندی تشبمله ، طبیعتی اصلاح ایدرسم ، مستقبل ایچون ، اخلاقیات ایچون ، بدن صکره کله جکلرک سعادت ایچون چالشمش اولورم ؛ ترقئ شخصی بتون نوع بشرک شرط تکمیلیدر . شبهه سز ، امیه نمر بیان ایدر كه ترقئ اخلاقی امور واشیانك تأثیریه مجبوراً وقوعه کلیر : طبیعت ، کندی قانونلریه ، مؤسسات اجتماعیه نك میخانیزم سیله ، نوعك کندی محیطه اویماسنی تهلمکیه دوشوره جک ویا تعویق ایده جک فنا غریزه نری ، خودکامانه تمایلاتی ازاله ، وبال نتیجه جوانمردانه قابیلنری ، عدالت ومحبت طویلغولرینی تمیه ایلمکی اوزرینه آلیر . بوبابده ، انکلیز فیلسوفی بزده نظر فریب مناظر کوستریور ، ایلریده بتون انسانلرک طائلی بر اخوت روابطیله برلشوب ، ارتق بر برلری ایچون یشایه جقلری بر زمانك کله جکنی (واقعا دهها اوزاق ایسه ده) اشراب ایدیور . بونلرک هپسی بك کوزلدردر : فقط عجباً طبیعت کندی کندیته براقلیرسه ، شو مکمل ، خیالی انسانیت عجباً سرنمای ظهور

اوله بیایرچی ؛ انسانیتک یالکیز ضرورت اشیا دن تولد ایدیه یلمسی ممکنیدر ؛ خایر، ترقی یالکیز باشنه وقوعه کلیور ؛ ترقینک قوه محرکه سی ، جانی ارادتدر ؛ طبیعتی یوقاری قالدیر مق ، کندیسنی لاقیدلغندن ، خودکامانندن چکوب چیقار مق ، ودائما دها یوقاری یوکسلیتمک ایچون بر قوت لازمدر . بو قوت ایسه جهد شخصی ، خیر ایچون شجیمانه ، مردانه جدالدر ؛ « نوعمر نه خیره ، نه شره بر صورت واجبه ده موقوف دکلدر [۱] هانکی جهته میل ایدر ایسه او اولور ، انسان کندیسینک نه اولماسنی ایسترسه اوله اولور ؛ طبیعتک قیمتی اولجه تعیین ایدنش دکلدر ، اوکا ویره جکمز قیمت نه ایسه اوکا تابع اولور ، دها طوغریسی هر بریمزک کندیمزه ویره جکمز قیمتی اکتساب ایلر . بونک ایچون بردفعه دها سویایه لم ، مادام که طبیعتدن کلشدر ، نداولمالری مقتضی ایسه بالضروره اوله درلر وینه بالضروره تحول ایدرلر دیبهرک تمایلات فطریه مزه تسلیم عنان ایتکلکمز جائز دکلدر : اونلرک « اصطفای سنی بز یاغلی یز ؛ اونلرک بعضلرینی محافظه ایتک ، دها تمیز ودها امین بر صورتده اخلافه میراث بر اقمقنمز ایچون تقویه ایتک ، و بر صورتده دیگرلرینی یه نمک ، « محالک و مصیبتدر » سبب اولان شوتخملری بوغمق ، و بویله لیکه متحکم ذمتنر اولان و جیه مأموریتی ادا ایتک یعنی ریوزنده شری ازالتمق ، مسالمت و شفقتک حکمفرما اولماسنی تسریع ایتک نزد عائددر .

خلاصه

- ۱ — معنای عمومیسنبجه ، فعالیت بر قوه خصوصیه اولمایوب ، فقط روحک مابه التوامیدر ، دها خصوصی بر معنایه کوره ، فعالیت بوض افعال و حرکاتی احداث ایتک قدرتیدر که او واسطه ایله جسدیمیزی و اشیا ی خارجییه ی تعدیل ایدرز .
- ۲ — فعالیت اوج صورت اکتسا ایدر . اولای غیر ارادی ، غیر متأملدر : فعالیتک بوشکلی غریزه در ؛ ایکنجیسی ، فعالیت انسانده مشعوره و حرا اولور : بوده اراده *volonté* در ؛ اوچنجیسی فعالیت یت کیده غیر متأمل و غیر ارادی برحاله دوزر : بوده اعتیاد در .

۳ — حرکات، حیانت، برنجی تجلیسیدر . حرکات مختلف ماهیتده اولور : بعضلری بونک خارجدن کلن تخریشاته طوغریدن طوغریه ویردیکی جوابدر (افعال منعکسه) ؛ دیکرلری داخلی، باطنی برسوق ودفعلک نتیجهسیدر . (حرکات قسریه) بوحركات قسریه‌نک بعضلری غیر منتظمدر (منساقیه) ؛ دیکرلری برغایه‌یه متوجه اولمق اوزره مرتبدر . بوحركاتلری غریزه‌یه نسبت ایدرلر . بناءً علیه غریزه باطنی برمنهدر که مخلوق یا کندی ذاتنک ویا منسوب اولدینی نوعک بقاسنه واقع بعض حرکاتی یاپمغه سوق ایلر .

۴ — غریزه باطنی بر حاجتدن عبارتدر که استیفا اولنمازسه مخلوق بحصور ایدر، استیفاءیه باشلانیرسه اوکا لذت ویرر . بوحاجتک مبدئی ینه بر فکردر که ، علی الاکثر غیر مشعوره ایکن ، بعض ظروف واحوالک عقبنده، حیوانک شعورنده ظاهر اولمش، وکندینسک موقع فعله چیقارلمسی ایچون انزم سلسله حرکاتی اوکا امرایتشددر . کوریم غریزه حادثاتی سیرفی المنام حادثاته تشبیه ایدیور : بو ده‌ها زیاده ، لایتغیر بر تمرین اوزرنده ثابت ، بر نوع سانجه‌در .

۵ . غریزه‌نک بعض اوصاف میزه‌سی واردر : فطریدر، بلامباشرة مکمیدر ، کوردر (یعنی معطوف اولدینی غایه‌یی بیلمز)، اضطراریدر ، خصوصیدر (یعنی هپ بر جنس سلسله افعاله منحصردر) ، یکنسقدردر ، متوققدردر (یعنی ترقی قاپوسی اوکا قاپالیدر)

۶ — بونکه برابر تعاریم مکتبی بو اوصافک چوغنه اعتراض ایدیور . از مکتبه کوره ، غریزه بر اعتیاد ارثیدر ؛ بوکون فردده فطری ایسه‌ده ، عرق طرفندن مکتسبدر ؛ بوندن باشقه غریزه شیمدی وصف میزی اولان مکملیه دخی بدایتده مالک دکلدی ؛ نیجه آراشدر مقلدن صکره او درجه‌یه تدریجاً واصل اولمشدر ؛ بوده غریزه‌نک هر وقت اضطراری وکذلک کور اولدیغنه دلیلدر . بوکون بیله ، حیوان وسائط خصوصنده بر درجه بر بیلکیسی اولدیغنی اشراب ایدیور : بوده غریزه‌نک علی اطلاق متوقف و غیر متحرک اولمادیغنی اثبات ایدر .

۷ — متعدد واقعاته مستند اولان ، بو نظریه‌نک بر حصه حقیقه مالک

اولدییی اعتراف ایدیه بیلیر . بعض غریزه لر ارثاً منتقل عادتلدن باشقه برشی دکلدرد؛ دیگر جهتدن ، غریزه لر عمومیت ودرجه اعتباریاه دکی شیرلر ؛ بالخاصه یوکسک نوعلرده بر درجه تنوع و بر درجه ترقیه مستعد و متحملدرلر .

۸. — فقط تحاولیه نظریه سی ، طویدن قبول ایدیه من . غریزه ارت طریقیه یرلشمش مسعود بر نصادف اوله ماز؛ غریزه دهائیلک مخلوق ایچون الزم ایدی، و او مخلوق ایچون ده اعتیادک ثمره سی اوله مازی . غریزه حیاتدن آریله ماز . غریزه، حیاتی تقویم ایدن اختیار و انتخاب choix ایله برلکده حیاتک کندیسیدر .

۹. — غریزه بالخاصه حیات حیوانیه نک وصف تمیزیدر؛ فردده، نوعک حیاته وکالت ایدر .

بدیهیدر که انسان بوایلک مرحله یی کچمکه تأمل وحریت حیاته یوکسکله مکلفدر . بوندن باشقه، غریزه لر میانده، طبیعت بزه برده شخصیت individualité غریزه سنی بخش ایتشدرد : سجه یی تربیه ایتک ایچون بوندن استفاده ایتک مربیلرد عائددر .

۱۰. — دیگر طرفدن، تربیه ، چوجقد مختلف قیمتده استعدادلدن مرکب بر طبیعت تصادف ایدر . نیکینلک و بدینلک مساوی درجه ده یا کلشدر؛ هر بریمز ای ویا کوتی غریزه لرله طوغارز . مربیلرک وظیفه سی بوندلرک اییلرخی تقویه ، فالرینی قلع ایتکدر، فقط بالخاصه چوجغه اونک اییلرینی فسالرندن ایرماسنی وبالذات نفسنی کندی تربیه ایتسنی اوکره تمک تربیه نک وظیفه سیدر ، زیرا طبیعت مزی انجق ینه بر اصلاح ایده بیلیرز . بوندن باشقه ، نفسمزى استکماله چالیشه رق انسانیت مستقبه نکده تکمالاتنه چالشمش اولورز . بو حال ارثیتک وهیمزى بر بریمزده باغلایان قانون تکافل و تساندک نتیجه سیدر . سیرلرک نوعک ترقیسی بالاظرار ضرورت اشیا ایله وقوعه کله جکئی ظن ایتسنی بوشدر: انسانیت بزکندیسنی نه یاپارسه ق انجق او اولور.

اولی یدنبی درس

اراده

اراده — اراده‌نك ايكي وجهی . — فعل ارادينك تحلیلی : ممکنات تصویری . — مشورت : دوعی عقیله ، سوائق حسیه . — قرار . — اجرا : بونك فعل ارادی ایله مناسبتری . — فعل ارادی آرمه‌سنده اراده . — فعالیت غریزه ایله فعالیت ارادیه . — اراده و ذهن . — اراده وشوق . — اراده‌نك درجائی . — اراده‌نك خسته‌نلری . — اراده‌نك نقصانلری . — اراده ، شخصیتك اساسی در . — سبیه : سبیه صاحبی آدم نه دیمکدر .

تطبیقات عملیه . — تربیه اخلاقیه : اهمیتی . — اراده‌نك طوغریدن طوغریه تربیه‌سی . — بالواسطه تربیه ؛ احرارانه انضباط . — تربیه اراده‌نك معناسی . — تربیه « سبیه » لر خلق ایده‌بیلیری ؛ تشکل مسلك . — شجاعت .

اراده . — فعالیت غریزه حیوانك خاصه‌سیدر : حیوان اوندن باشقه‌سنی بیلمز وهیچ بروقت اوننی کچه‌میه‌جک. انسانده فعالیت بویه دکدر: انسانده باشقه درلو وخیلی یوکسک بر حیات ایچون امکان واردر ، بوامکان اراده سایه‌سنده حاصلدر . غریزه غیر مشعوره ، اضطرابی فعالیت ایدی : اراده ایسه اراده متأملدر ، مصاحتی بیلهرک عمل اقتدایدر ، انسانك کندی افعالنك بالذات فاعلی ، محدثی اولماسیدر .

اراده‌نك ايكي وجهی . — کورمشدك : مخلوقك لوحه شعورنده غریزی صورت محسوسه ظاهر اولور اولماز ، مخلوق اوکا مقاومت اقتدارندن محروم اولدیغندن ، درحال اوننی اجرایه تشبث ایدر . فقط انسان نفسنده حاصل اولان استیجاناتی ، غیر ارادی برصورتده نمایان اولان شوق وارزولرینی تأمل اقتدارینه مالکدر ؛ بوتأمل سایه‌سنده ، اونلری طبعاً سوقه مقدم اولدقاری حرکتلردن آیرر . زاونلرک قدرت تحریکیه‌لرینه مخالفت ایدوب ، کندیلرینی داخل شعورده افکار صرفه حائله حفظ ایلر . [۱] بوتقدیرده شو سوال وارد اولورکه بهیسه

[۱] افکارک قدرت ذاتیه تحریکیه‌سی خفنده رنوریه نك پسیقولویسنه باغلامسی .

ایچون صورت مطلقهده مجهولدر: «عمل ایدیممی ایتیممی؟» بووجهله اراده اول باول نظر مزه بر «قدرت توقینه»، بر «قابلیت منعی» کی کورینور، بوقدرت، هر فکرک، بر قانون طبعی اوله رق، سائق اولدینی حرکتی تعطیل، و تصوری بر معاینه عرض ایدر، بومعاینه اونک صولتی ازاله یا خود هیچ اولمازسه علممز آلتنده اولق شرطیه سربستهجه اشله مسنه مساعده ایلر: ایشی بیتن شو صوگ بحران ایچنده، مخلوق حی بر قوت حکمنده قائم اولوب بوندن بویه اشواق و تمایلاتنک صاحبی، حاکمی اولدینی کوسترر.

فقط بو حال اراده‌نک منفی وجهیدر: اراده برده قدرت تشبیه‌در، بوده اونک وجه مثبتدر. بونکله برابر بویکی وجه بربرلینه صقیجه مربوطدر. نفسمزدن صادر اولان بعض شیلری ایقاع ایتک ایچون، اوزرمزه اجرای تأثیر ایدیه بیکه جک بالمله قوتلره قارشی مخالفت ایتک لازمدر؛ دیگر جهندن، خارجی بر قوتک حرکتی توقینه مخصوص قدرت نه درجه وارسه اوقدرده کندی جانمزدن بر حرکتی ائاره ایدیه جک قدرت وارددر. او یله ایسه بوقدرت تشبیه‌نک ماهیتی نه در؛ بونک ایچون، اوکا ایش اوزرنده ایکن بائق، افسالندن برینی آلق، و بوفعلی کندی تکاملنک وجوه مختلفه‌سند تحلیلی ایتک لازمدر.

فعل ارادینک تملیلی؛ ممکنات نصوری. — کندیلیکندن spontanément تداعی قانونه مستنداً یا خود بر انطباعک تأثیریه نفسمزد بر فکر حادث اوله رق کندیسنی موقع فعله چیقاره جق عملی ایقاعه جهد ایدر. اراده واسطه‌سیله، بوفعل فائده‌لیمدر، الویشلیمیدر، نافعیمدر، عجبیا یا یمامق یا خود باشقه درلو یا یمق دهایی اولماز می دییه دوشنورز. بووجهله، داخل شهمورده اول امرده منفرد اولان فکرک یانه، دیگر فکرلری کتوردز، ممکن اولان متعدد شقلری تصور ایدرز، بونک اوزرینه بتون بوتصورات اوکمزده طویلانیر، بعضیمی بعضیسنی طور دیرر، صانکه ایشه قاریشه‌لمده شو موازنه‌نی بوزالم دییه بکلرلر.

مشورت: دراعی عقیله دسوالیه صیه. — بونک ایچون، ملاحظه ایتککمز لازم کلیر. فی الواقع، او وقت صانکه بر مجلسده وقوعه کلن مشورته مشابه اولق اوزره نفسمزد بر مشورت باشالار. بر تدبیر تکلیف اولنور: اونی کور کورینه

اجرا ایدجک یرده، قیمتی، نتیجه‌لری معاینه و مناقشه اولئور. ناطقه پردازلر اونک لهنده بیان افکار و سرد مدافعات ایدرلر؛ دیگر بعضلری، بالعکس، اوکا هیوم و باسقه تدییرلر تکلیف ایدرلر، بونلرک هپسی ده حرارتله سوبلرلر، و کندی دعوالری ایچون قیزیشیرلر. ایشته نفس‌مزدده بوحال وقوعه کلیر، شو فرق ایله که محکمه و جدائمزده دیکله ین مجلس ایله بربرلیله مجادله ایدن مخاصملر هپسی عینی نفس ناطقه‌در. فی‌الحقیقه هر شق محتملک معیتنده بر قافله اسباب واردرکه کندی لهنده صاواشیر یا خود غایبده اقامه دلائل ایدر، بز دخی بواسابی مقایسه، اهمیتله تفکر، و بزه نظراً مستحق اولدقلری قیمتی کندیلرینه اعطا ایدر. بواسابی علی‌الاکثر ایکی صنفه آیررلر: بونلرک بعضلری امور ذهنیه‌دندر؛ بونلره دواعی motif دینیر؛ بووجهله فلان ایشک بنم منافع ذاتیه‌مه و یا بنمکیلرک منافعنه ده موافق، دیگر ایشدن ده قولای، و وظیفه جانبدن مطلوب اولدیغنه حکم ایدرم اس. . . دیگرلری امور محسوسه‌دندر: بونلره ده سوانق mobiles اسمی ویریرلر: شویله که فلان ایش کوزیمزه باتار، بز ی اکرندیرر، دیگر بر فعل ایسه بالعکس خوشمزه کیدر، علوجنا بزمی اوقشار، کیزلی و قللی میلانلیمزه موافق کلیر. بوتیمیز طوغریدر، فقط بونی مبالغه ایتملک لازم ایدی. اولاه سائق، مشورت دأثره‌سنه کیرمسی سبیلله، آرتق عیما بر قوه دفعیه سکندن چیقار، متأمل اولور و دواعی عقلیه صیره‌سنه کچر. دیگر جهندن، داعی motif دخی بستیون ذهنی، مجرد و بارد بر فکر دکلدر، کسوه وجوده کیرمک ایسته‌ین بر شومه désir اوکا ریفقدر، و الحاصل حرارت و احتراض ایله مشوعدر: بوحیثنه دواعی عقلیه دخی طبعاً سوانق محسوسه صیره‌سنه کچر.

پایله جق فعلک اهمیتته کوره، باطنی مشورت آرز و یا چوق اوزون سورر. اکثریا اسباب او قدر متعدد و مختلف اوله‌رق ازدحام ایدرکه، بو باطنی توران اورتاسنده، «حججه crane من آلتنده» وقوعه کلن شو فورطنه ایچنده بوکلیر، چیرینیر قایلیر. بعض دفعه‌لر، له وعلیده کی اسبابی ایجه طارتدقن صکره، برشیته قرار ویرمکدن عاجز قاله‌رق، مشورتی دیگر بروقته تعلیق ایدرز. بناءً علیه مشورت قاریشیق و نازک بر ایشدر: بر دقت اکیده‌یه، پک بیوک بر اعتدال دمه متوقفدر. احتراضه قایلش بر آدمک تلونی ایله دواعی عقلیه‌ی موازنه

ایدرکن هیجانه دوشن و بونلری دعا ای محاکمه ایتک ایچون بالدفعات بو موازنه‌یه رجوع ایدن کیسه‌نک مردانه ترددی آره‌سنده هیچ بوجه مشابهت یوقدر .

قرار la détermination . — مشورتک نهایتی قراردر . بو صوک فعل متعدد شقلردن برینی ترجیحیدن ، اولردن بری ایچون رأی ویرمکدن عبارتدر . اراده هم « لا veto هم نعم fiat » دیه‌بیلیر ؛ لا دیمکه بتون نمکناتی دائره‌ عده صوفار ، موقع فعله چیقمازینه مخالفت ایدر ؛ نعم دیرسه ممکن مرجحک، کندی معرفت واختیاریه موقع فعله چیقماسنی تصدیق ایلر . اراده کندیسنی الک یوکسک درحه‌ده ایشته بو عزمنده کوسترر ، دها طوغریسی عزم ایچون اراده‌نک فعل خاصیدر ، عزم یالکز اراده‌یه تابعدر دینه‌بیلیر .

ایصرا : بونک فعل ارادی ایله مناسبلری . — اجرا فعل ارادینک صوک آئیدر . فی‌الحقیقه ، قرار ویرمک دیمک ، فلان ممکنک دیکر ممکنلره مرجح اولدیغنی اعلان ایله قناعت ایتک ، یالکز ذهنی ، معنوی بر ترجیح ایله اکتفا ایتک اولمایوب ، ترجیح اولنان شق اجرا یاخود هیچ اولمازسه اجرایه جهد ایتکدر . بو شرط اولمازسه ، اصل معناسیجه « اراده volition » یعنی بر فعل ارادی یوق دیمکدر ، بلکه بر « اراده ضعیفه velléité » بریت وارددر . شبهه‌سز هبسی نظر اعتباره آئیرسه ، اجرا دائره‌ اراده خارجنده‌در، وفعل ارادی ایچون لازم دکدر ؛ اراده ایتدیکم فعلی اجرایه باشلارکن ، بر سبب خارجی ایله بوندن منع اولنه‌بیلیرم . مثلاً مفلوجاً دوشه‌بیلیرم . بونکله برابر ، اگر قرار ایجه ویرلمشه ، اونی موقع فعله چیقارمق ایچون جهد اولنمشه ، فعل ارادی مکمل، مسئولیت تمامدر . بو بیله اثبات ایدرکه ، شرائط مطرده داخلنده، اراده، اکمال فعلدن قطع علاقه ایده‌مز ، فقط بالعکس بوکا موفق اولمق ایچون هرشی یاپار : کیم که یایمق ایسته‌مکسزین اراده ایدر، ویایمق ایچون جهد ایتزسه ، حقیقت حالده ایسته‌مامش، اراده ایتمامش دیمکدر .

فعل ارادینک متنوع آنلری ایشته بویه‌در . سوییکه حاجت یوقدرکه ، بو وجوه مختلفه یاپدیغمز تحلیلده اولدینی کبی بربرندن آیرلمش دکدر : اکثریا

یابری یا اوته کی بلیرسز وقوعه کلیر . بعضاً مشورت برخطه ده اولوب بتر، چابوق قرار ویریلیر، فقط اجرا آتییه تعلیق اولنور؛ بعضاً بالعکس مشورت اوزون سورد، ترك اولنور، تکرار باشلانیر، قرار کچ ویریلیر، فقط فعله همان باشلانوب بیتیریلیر: خلاصه بر سوری ترتیباته محل واردر .

فعل ارادی آره منره اراده . — بوندن باشقه ایجه دقت ابدجک واحتمالکه یوقازیده کهن تحلیل اوزرینه انکار ایدیلجک جهت، بتون بو متعاقب آنلر آره منده اراده نك توتر متعادیسیدر. شبهه سز اراده بالخاصه قرار ویریرکن ظاهر در، فقط فعل ارادینك دیگر صفحاتنك هر برنده اونو بولق ممکنیدر . اولاً ممکناتك تصورنده داخلدر: شویله که ممکنلری ایجاد ایتك، چوغالتمق ایچون تأمل ایتك، جهد ایتك، خلاصه اراده لازمدر . فضله اوله رق، بعض فکرلری دها کورینور کورینمز، شعورمز دائره سندن طیشاری آتارز . ایکنجیسی مشورته باشلانجه، ینه انسانك کندینه صاحب اولماسی لازمدر: دیگر جهندن، دواعی عقلییه ای ائاره ایدن، اونلری ایسته دیکی کبی موازنه ایتسی ایچون نفس ناطقیه مساعدله ایدین اراده در. برده بو دواعی اولیه جامد، بارد بعض ماده لر دکل، برطایقیم اشواق، وجانی قوتلردر که اونلری ضبط ایتك لازمدر. والحاصل مشورتی تمديد، تعطیل، تجدید ایدم بیلورسه ق، بوده ینه اراده سایه سنده در. قرار ایله اجرا آره منده کی رابطه اتصالی یابانده عینی قدرتدر؛ اگر یارین عزیمته بوکون قرار ویرمش ایسه م کرکدر که اراده م بتون بو مدت ظرفنده دوام ایتش اولسون، اگر بو اولمازسه فعله هیچ بروقت باشلانمش اولماز. والحاصل بالذات اجرا م لحظه اراده نك مداخله سنی اقتضا ایدر؛ ایش اوزون اوله بیلیر، چوق مشقته متوقفدر: بناء علیه اتمام ایدلمش اولماسی ایچون اراده نك مستمر اولماسی ائرمدر. کذلک بر سوری وسائطه ده عرض احتیاج ایدم بیلیر؛ وسائطک هر بری ارتیاد خصوصی ایله مؤید اولمالیدر. بناء علیه فعل ارادی بسیط دکل قاریشیقدر: یعنی هپسی بررینه باغلی برطایم ارتیادات خصوصیه دن مرکبدر، زیرا اولاً اونلرک هپسی مبدأ واحددن صدور ایدیور، ثانیاً هپسی ده مقصد واحدك حصوله خادمدر .

فعالت غریزیه ایدم فعالیت ارادیه . — بو تقدیرده فعالیت ارادیه یی فعالیت غریزه دن آیران فرقلرک هپسی کوریه بیلیر. غریزه کور ایدی، اراده ایسه

هر وقت کندی ایچون منوردر : برشی اراده اولندیی وقت ، نه ایسته نیلدیکی ونه ایچون ایسته نیلدیکی هر زمان معلومدر ؛ غایه بالذات تعیین اولمش ، ایجه دوشنلوب ترجیح قلنمش ، مصلحته تماماً واقف اوله رق حرکت ایدلمشدر . غریزه اضطراری اولدیگی ، میخانیکی بر ضرورت ایله کنیدیسی قبول ایتدیردیکی حالده ، اراده سربست ، مختاردر : اونکله ، فعلمز تماماً بزدن ، مباشرت ذاتیه مزدن صادر اولور . شهه سز ، عجباً بوده ظاهری بر حالمیدر دیسه خاطره کلیر : فقط هر حالده غریزه عائد خصوصاً صاده ، بوظاهری حال بیله یوقدر . بونک ایچوندرکه ، غریزه هپ برفعله محصور و بستون غیر شخصی بر فعالیت ابراز ایتدیکی حالده ، نور تأمل ایله روشن اولان ، اراده هر جهته اشراق ، اصلی و فردی بر فعالیت ابراز ایدر ، اوسایه ده هر فرد دیکر لرندن تمایز ایدر و خط حرکتی بر علامت فارقه ویرمش اولور .

اراده و ذهن . — فعل ارادینک بالذات طبعیتندن ، استتاج اولنورکه فعل ارادی بالجله قوای معنویه مزك اتحاد مساعیسندن حاصل اولمقده در .

اول امرده اراده ذهندن آیرلماز . غایات مشوعه ممکنه یی تصور ایتمکلکمزه مدار اولان ، واونلرک قیمت متقابله لرینی بزه کوسرن ذهندر : هر نه زمان اراده ایدرسه ک ، ترجیح میز دائماً ایضاح ایده بیلیرز . شهه سز ، بونی دیمکله اراده نك ذهنه راجع اولدیگی ادعا ایده بیلست آره سنده خیلی مسافه واردر : ذهن اراده یی تنویر ایدر ، فقط تقویم و تشکیل ایتز . اولجه سولیشدک : اراده ایتک ، یالکز فلان فعل دیکر فلان فعلدن دهادر ک لیدر دیسه حکم ایلک دکلدر ، بواونی یامقی ایچون بتون قوتی صرف ایلکدر : او حالده بستون یکی بر عنصر واردرکه حکمه انصام ایدر و اوکا تنزل و رجوع ایتز . بونک دلیل شودرکه انسان وظیفه سنی مکماً بیلیرده یینه اجراسنه هیچ یناشماز .

اراده و مشوره . — اراده ذهنک وجودینی استلزام ایدر : بونک کبی حساسیتده محتاجدر . مشورت مشورتله باشلایماز : اقدمجه بر ماده نك ، بر جوق افکار ، وصور ذهنیه نك وجودینی اقتضا ایدر : فقط بونلر اولیه صوتوق شیلر دکلدر ؛ مفکره اونلردن هر بری اوزرینه توجه ایتدکجه ، هر بریسی موقع فعله چیقمغه تشنه برشوق اولور . حتی دیکر لرندن زیاده فلان جهته قرار ویردیکمز وقت ،

بونك سببی شودرکه بوقرار حساسیت مزه دها خوش کلیر یاخود بالاراده اونك ایچون تشوق ایلرز . بوندن باشقه اراده هیچ بر وقت عشق ایله مؤید اولدینی زمان قدر شدتلی وجسور اولماز . بونكه برابر بوراده اراده نی شوق درجه سنه تنزیل ایتك قابل دکلدر . هر نه قدر لسان عوامده هر ایکسی بر برینه قاریشدر لمقده ایسه ده ، اونلری آیران فرقلر چوقدن بری اخبار اولمشدر .

شوق اضطرا ایدر ، زیرا کندینی بکه مدیکمز حالده ، اکثریا استیای خارجه نك تأثیر یله یاخود متخیله نك استحضارات عشوه بازانه سیله کندینی کوستر : حتی الك عقیف بیله اولسه ، کیمدر او کیسه که کندینه بوکون دکلسه یارین فنا برشوق مسلط اولمش اولماسون ویا بویله بر تسلطه اوغرامایه جفندن امین اولسون ؛ بالعکس ، اراده نك عزمی بزى هیچ بر وقت غافل اولماز ، زیرا بزدن طوغان ، تأمل ایله حاصل اولور ، سربستدر . دیگر جهندن ، شوق ، نه قدر آزشدید اولورسه اولسون ، انساندن نفسنه تصرف اقتدارینی سلب ایدر ؛ شوق اکثریا مبهم ، متلوندر ؛ حتی صاحبه برشی ده اوله بیلیر ، خیال ایچنده ده یولنی صاپیده بیلیر ، بسبتون لافده قاله بیلیر ، یعنی اوکا مبتلا اولان کیسه هیچ بر وقت یانمغه قالقشماز : والحاصل شوقك نامتناهی درجاتی وارددر .

اراده بسبتون باشقه در : اراده ایله انسان دائماً کندینه مالکدر ، فضله اوله درق ، اراده نه قدر زیاده قوتلی اولورسه ، انسان کندینه اوقدر مالک اولور . کذلک اراده هر وقت تماماً معیندر : انسان نه اراده ایتدیکنی بیلیمه دیکی زمان ، اراده ایتیمور دیمکدر . بونك ایچوندرکه یالکمز المزدده اولان شیلره تعلق ایدر وبزم طرفزدن موقع فعله قونور ؛ اوجق ایچون قنادلرمنز اولماسنی آرزو ایدرز ، فقط اونی « اراده » ایدمیز .

دیگر جهندن ، اراده هر وقت محرکدر ، برشی اراده ایتك ، بویانمی ایسته یش ، دها طوغریسی دها چوقدن ایشه باشلامقدر ، زیرا اراده ، جهدا ایتکدر . والحاصل اراده نك درجاتی یوقدر : برشی آزاچوق اراده ایدلز ، برشی یا اراده ایدیلیر یا ایدلز . بوندن ماعدا ، اگر اراده وشوق عینی شیلر اولسه لردی ، محبا بزد اکثریا اوقدر بهالی یه مال اولان شو عزملره ، احتراض ایله وظیفه آده سنده کی اکثریا فاجع مجادلاته امکان قالیر میدی ؛ خایر ، قرار برشوقك دیگر لرینه غلبه سندن متولد بر نتیجه

اضطرابیه دکلدر. بویه ظن اولنسهیدی، نفس ناطقه حقنه بسبتون یا کش برزها به دوشولش اولوردی. انسانک وجدانی یالکز بربرینه ضد ومقابل تمایلاتک صحئه مجادله‌سی دکلدر، وجدان کندسی اولمق‌سزین آردی آرقاسی کسلما مک اوزره اوینا ناجق برهائیک نتیجه‌سنی متوکلا نه بکله مک محکوم دکلدر: وجدان ده مناقشه‌یه قاریشیر، شوق و آرزولر آره‌سده حکم اولور، اونلری موازنه ایدر، فعله چیقاجق اولانی انتخاب ایلر، ایشه وجدان بو هیئنده ایکن، بالذات اراده در. شبهه‌سز، اراده، اشواقه، طاقات روحیه‌مزه انضمام یا خود مخالفت ایدن کیزلی بر «ماهیت entité» دکلدر؛ اراده کیمک اوزرنده حادث اولمشه اونک طرفدن انضباط تحت‌آلان، تنسیق اولنان، مغلوب ایدیلن اشواقک هیئت متحده‌سیدر؛ اراده طاقات روحانیه‌مزک مجموعیدر، فقط بو طاقات صانکه کندیلرینه مالک اولمشلر وجوهر اُنا به تمثیل ایتشلردر، دها طوغریسی اراده، کندینه مالک، کندی خط حرکتک ناطقی، و بر حیات حره ایله حی اولان «أنا» نک کندیسیدر.

اراده‌نک درم‌لری . — اراده یوقاریده سولیشدک، درجانه مستعد دکلدر: یعنی اراده بر و غیر قابل انقسامدر. بونکله برابر، بوحال قوه اراده‌دن زیاده فعل اراده، یعنی اریاد حقنه طوغریدر. هر نه قدر فعل اراده بالجمله انسانلرده متحد اولمق اعتباریله، بدرجه مطلق برشی ایسه‌ده، اراده‌نک کندسی ایچون حال بویه دکلدر: اراده هر یرده برسیاقده اولمق شویه طورسون، بر جوق درجه‌لر، فرق‌لر عرض ایتکده در، ایشه، حساسیت و ذهنندن زیاده، بالخاصه اراده سایه‌سنده درکه بر برمزدن تمیز ایدرز.

اراده چوجقده ایرکندن کورینور، فقط او وقت بونک شوقدن فرقی همان یوق کیدر؛ بواراده خرچلغه مخصوص تلونه، عقله عدم موافقتله متصفدر. اراده اشواقه نه قدر زیاده غلبه ایدر، اونلری دهای تریب ایلرسه، بیور و تأکد ایدر؛ برکیمسه‌ده بوتنظیم نه قدر اساسلی، نه قدر محکم اولورسه، اونک اراده‌سی اوقدر قادر وقوی اولور.

بعض کیمسه‌لر بر تنسیق مکمله‌تمونه کیدرلر؛ اونلرک قوای مغویه‌لری هپ بر غایه‌یه معطوفدر، صانکه بر فکر اطرافه قویاً طویلانمشدر، او صورتله‌که

کندیلرینک خط حرکتی هیچ شامهاز : « *caractère* » [۱] صاحبی دیدکلی آدملر بونلردر . اولنرک دوننده ودها زیاده مقدارده ، حتی الک شامل بر نمونه اولوق اوزده ، بعض کیمسه لر کلیرکه بونلرک حیاتی اولیه ملتصق *cohérent* تنسیقه مظهر دکدر ، دها زیاده تلون وتردده موقوفدر ، بربرینه ضد میلانلری اولان مسالکدن حصه دادر [۲] اولیه ایسه ، انسانک ایچنده کویا متعدد « آدملر » متعدد « انا » لر واردرکه بربرلینه ثمانعت و بربریه نزاع ایدرلر ؛ بو مسالک نه قدر تعدد ایدرسه ، مخلوقک مرکز ثقلی اوقدر زیاده یرینی دکشدریر ، اراده دخی اوقدر ضعیف اولور . نفس الامرده ، درجالتک هپسی ایچون یروادر .

اراده نك فستة فقلری . — « دها بر خطوه آتارسهق ، مبحث امراضه کیرمش اوله جغز » [۳] . اراده یه عارض اولان خسته لقلرک ایلک برنجی شکلی آدمک ایچندن قویوب کلن بر فکره مقاومت خصوصنده کی عجزدر ، « قوه توقیفیه » نك آز حوق مفلوج اولماسیدر . بعض احوالده ، انسان ایچندن کلن شو شوقه خبری اولقسزین تبعیته در حال ایجابی اجرا ایدر ؛ دیگر بعض احوالده ، خسته کنندی موقعی نظره آلیر ؛ کندیسه واهی ، باطل ، جایستکارانه بر فکر مسلط اولدیغی حس ایدر ؛ اولا اوکا قارشی مجادله ایدر ، فقط فکر تکرار ضمیرینه کیری کله رک بعض وسائل جعلییه مراجعت ایتدیکنندن او تصورک ویردیکی « باش دونمه » سنه کندینی قایدیر [۴] . امراض اراده نك دیگر شکلی ، بر فعله قرار ویرمک خصوصنده کی عدم اهلیت مطلقه در : شویله که ذهن مکمل ، مقصد عیانتاً مدرک ، وسائطده اولیه اولادینی حالده ، فعله کیش محال اولور . زیرا اراده کوشک ، جهد مفلوجدر [۵] . **نفسانه اراده** *l'aboulie* دیدیکلی بودر .

[۱] *مسجیه نك* معناسی ایلریده کله جکدر .

[۲] بالجه اخلاقیون آدمده وقوعه کلن « جسد » و « روح » غوغاسندن بحث ایشلردر .

[۳] *ریپونک* *Les Maladies de la volonté* کتابی .

[۴] ایچنده آدم اولدرمک هوسی قاپاران بر خانم اوقه سته بر دلی کوملکی کچیریلدرک ضبط اولئاسنی ایستردی : بر اجزاجی ایکی باش پرمغنی بر شریده ایله باغلانیدیردی ؛ بعضلری سودیکلری بر شخصی اولدیرمک فکرنندن یحضور اولدقلری ایچون بعض مناسترله قاجوب کندیلرینی حبس ایتدرمشلردی .

[۵] *موسبو ریپون* بزه بر شخصی مثال اوله رق روایت ایدیور بو آدم روماده پاپانک

اراده‌نك نقصاندری . — بوحالات مرضیه‌خارجنده ، اراده دها بعض نقایص دخی عرض ایده‌بیلیر: بو، قرارداد، تأملده، متاننده ، غیرت و طاقتده‌کی نقصاندر. بونلردن فقدان قرار شودرکه ، بوحاله مبتلا اولان کیمسه ، بر شیئه قرار ویرمکی اوزرینه آلمغه جسارت ایده‌مز ، فعل ایچون هیچ بر وقت اسباب کافیه بولماز . بعض کرده ، بالعکس ، بو اسباب پک فضله ، پک متباین اولور . انسان قراردن قراره سَر ، تردد ایدر ، هیچ برینی اتخاذ ایده‌مز. فقدان تأمل شودرکه، بونده انسان دوشنوب طاشماز ، یاخود جدیتله دوشونمز، بر فعلک قیمتی حقنده‌معومات استحصاله اقدام اولنمایوب ، یالکمز نظر‌مژده اوفعلی حقلی کوسترده‌جک اسباب و دلائلک تحریسیله اوزغراسیلور . فقدان .تانتہ کنجه ، بو ویریلن قراردہ ثبات اولنماسی ، اونودماسی ، رد اولنماسی ، واکا بستون مخالف بر قرار اتخاذ قلمسی: یعنی افعالمره تناقضک کیرمسیدر. والحاصل جهد و غیرتدن محروم اولان بواراده‌نك تصمیم اولنان عملی صوکنه قدر اجرایه جساتی اولماز ؛ اک کوچک بر حائل ایاه طورر ، اک کوچک بر مشکلات سبيله قوتدن دوشر : والحاصل موفقیت ایچون اولان ثباته مالک دکدر .

اراده ، اساس شخصیتدر . — اراده‌نك انسانه مخصوص اولماسی ، سلسلهٔ مخلوقات ایچنده اوکابر موقع مستلما بخش‌ایتمش : یعنی اوکا بر «شخصیت» ویرمشدر . بر شخص ، باشقه‌سنه دکل کندیسنه منسوب اولان ، کندینه مخصوص بر خدمت rôle اداره ایده‌بیلان ، آتیسنی کئدی حاضرلایان ، وطوتاجنی یواک متنوع مناقب و وقوعاتی کندی ایجاد و تنظیم ایاهین مخلوق دیمکدر . ماده عالمده یالکمز «اشیا» یعنی عاقل و روحسز ، منفعل اعیان *réalité* موجوددرکه ، بونلرک فردیتلری رهیمی ، موقوت ، سطحی اولوب ، قوای خارجیه‌نك بی امان بر صورتده تحت تأثیرنده بولنورلر ؛ او قوتلر بو شیلری ایسته‌دیکی کبی قیرار ، ایسته‌دیکی اشکاله و مرکباته صوقابیلر ؛ بوشیلر ضرورت محضیه تابع اولدیغندن ، اخذ ایتدکلری حرکتی ، نه توقیف ونه استقامت‌لرینی تبدیه موفق اولمق‌سزین ، انجق نقل ایدرلر . شبهه‌سز ، حیات عالمده ، مخلوق یکی بعض اوصاف ایله نمایان اولور . حیوانده ، وحدت دها ذاتی ؛ فردیت دها دریندر ؛ شعور دخی مبهم برحس حالنده‌وایاتمغه باشلامشدر . والحاصل بهیمه قیامدار ، عالم آرسنده حیاتی اداره و بر درجه بر

مختاریت spontanéité صاحبی اولدیغنی کوستر : بونکله برابر هنوز شخصی تصادف ایتیش دکلز . فی الحقیقه حیوان کندینه منسوب دکلدر ، اونک حیاتی منسوب اولدینی نوع ایچوندر ؛ اونی سوق ایدن طبیعتدر ؛ او کندیسنده ظهور ایدن انطباعاته حاکم اولمقدن و بو انطباعات کندیسنه امرایتدیگی حرکاتی طور درمقدن عاجزدر . یالکز انسان کندیسنی طویلايه بیایر ؛ خارجک انطباعات و تأثیراتندن تأمل واسطه سیاه یاقاسنی قورتارایلر ، طبیعت طرفندن تعیین اولنماش دواعی و اسباب عملی کندی نفسندن بولوب چیقاراجق یالکز اودر ، مبدئی انجق و تماماً کندنده اولان بر سلسله افعالی دنیا به ادخال ایده جک ینه اودر : یعنی اونک طبیعتی اولدن قرارلاشماش ، تقدیر ایدلماش ؛ انسان اراده متأمله سی سایه سنده هیچ طور مقسزین تهذیب نفس ایتک ، عقل کندیسنه کوستردیکی مفکوره به دها زیاده یاقلاشق اقتدارینه مالکدر ، برده انسان نه قدر یوکسه لیرسه ، هوسات و تمایلات سفلیه سندن او قدر قورتلش و احتیاجات خارجیه سنک روابطنی چوزدجکه او قدر زیاده کندیسنه صاحب اوله رق وجیه « ذمت » فی دها لایقوله ایفا ایش اولور ، ایشته انسان بوکا نه قدر موفق اولورسه او قدر « شخصی personne » نامه لایق اولور .

سجیه : سجیه صاحبی آدم نه دیکلدر . — اراده انسانه بر « شخصیت » ویردیگی کبی اوکا بر « سجیه » ده بخش ایدر . سجیه صاحبی اولق ، فانت دیور ، شخصک عقل طرفندن لایتغیر بر صورتده موضوع اولان قواعد عمومی معنی به مربوطیتنی تأمین ایدن بر اراده به مالک اولماسیدر ؛ ایمدی سجیه صاحبی اولان بر کیمسه طوتاجنی بولی کندی تعیین ایدر ، باشقه لرینک سوقله کیمز ، بر طاقم امثال و قواعد محکمه و معنی به نفسنده صاحبدر ، هیچ صاپتامق واکریلامک اوزره مسلکنه صادق قالمق جسارته مالکدر . سجیه نک ایکی رکن مقومی قوی قساعته ، محکم اراده در . فلان کیمسه جسور ، شجیع ، مستقل الافکار اوله بیلر ، فقط مسلک principes صاحبی اولمازسه اک متناقض افعالی عینی شدته ایفا ایلر ، سبجایی عالیله نک مدار امتیازی اولان شو انتظام مکمل اونک حیاتنده بولماز .

رواقیوره : نظراً حکمتی تشکیل ایدن شو « انسانک کندی نفسه مطابقتی » خصلتی ، که سلوک خصوصنده اکیلیمک بیلمز بر منطقدر ، اونک افعالنده هیچ بر

وقت کورنمز. دیگر برکیمسه‌ده، بالعکس، امور مختلفه حقنده قطعی فکرلره، پک ثابت قناعتلره مالک اوله بیلیر: فقط اونلری ایچنده صاقلار، افعالی اونلره توقیفه جسارت ایتمز، اونلری اورتایه چیقارهرق مسئولیت آلتنه کیرمکدن قورقار، بالرضا اونلرله اوزلاشیر، ایشته بویه بر آدمده «سمیه» صاحبی دکلدیر. بناءً علیه او ایکی رکندن هر بری دیگر ایچون الزمدر، وحقیقت حالده اونلرک بربرندن آیرماسی مستثنا برحالدیر، زیرا انسانک برشیته قویاً قانع اولدینی حالده، اونی اظهار ومدافعه یه جسارت کوستره مامسی ممکنیدر؟

تطبیقات عملیه . — تربیه اخلاقیه: اهمیتی . — تربیه عقلیه تربیه ذهنیه‌نک موضوعی ایدی، «تربیه اخلاقیه» ده اراده‌نک و قلبک تربیه سیله مکلفدر. بونک اهمیتی نه اولدینی کومک قولایدیر؛ طوغریسی بتون تربیه بوندن عبارت دکلیدر؟ بونی اولدن سولیشدک، یندهده سولیک لازمدر. انسانی انسان ایدن، ذکا دکل، علمده دکل؛ علم ایکی طرفی کسکین برسلاحدن باشقه برشی اولمایوب اکر کندیسنه حسن اخلاق ظهیر اولمازسه یر یوزنده پک چوق قالقلر یاپه بیلیر. انسانی انسان یاپان قلیدر، احتیساسات عالیجانبانه، وبالخاصه حسن نیت، امور خیریه‌ده شجاعت، اجرای وظیفه‌ده محویتدر. ایشته بونک ایچوندیرکه تربیه‌نک غایه‌سی: اراده‌نک تشکیلی، تمیه‌سی اولمالیدیر.

برده شوکا ایجه دقت اولنمالیدیر: بوصورتله تهلکه‌یه معروض اولان یالکزر شخصک بخت وقسمتی دکل، بلکه ملتیک وبالخاصه ده موقرات اقوامک بختیدر. فی الحقیقه، اوقوملر کندی کندیلرینی اداره ایتدکرنندن، برکزیده سنجاییه، چلیک کبی اراده‌لره محتاجدر؛ اونلر یالکزر بومزیتله، کسب سعادت ومحافظه قوت ایده بیلیرلر؛ بوندن باشقه اوقوملرک اوزرنده خارجی بر باصتی اولمایوب بر اداره حریتکارانه یه مالک اولدقلرندن عاقل، منصف، وجدانلی، انتظامه‌محب، قانونه رعایتکار ذواته احتیاجلری واردیر: بوشروط اولمازسه، بالضروره بحر نفاق وفساد ایچنده باتارلر.

اراده‌نک بالواسطه تربیه‌سی . — اراده اول امرده بالواسطه تربیه ایدیله بیلیر. فی الواقع اراده، تقویم ایتک ایچون، ذهنک وحساسیتک معاوتنی طلب ایدر. بناءً علیه بونلر ایچون هر نه یاییلیرسه اراده اوزرینه طبعاً فیض بخش اولور.

اولا تفکر نه قدر صریح و سریع اولورسه عزم‌ده اویله اولور؛ كذلك روحده نه قدر وسعت و کشایش اولورسه، احتمالی نه قدر زیاده تفهم ایله بونلرک قیمتی دهایی تمیز ایدرسه، اراده اوقدر زیاده متأمل اولور. بو کیفیت اوکا دهها زیاده متانت و شجاعت بخش ایدر، زیرا انتخاب اولنان یولده ثبات ایده‌بیلیمک ایچون، وجدانک شهادتی و عقلک موافقتی قدر قیمتدار هیج برشی یوقدر. دیگر برجهتدن، شوقده کی شدت اراده‌یه پک بیوک بر قدرت بخش ایلر: سون برکیمسه ایچون محال هیج برشی یوقدر، بوجهته قلمزک حسیات مودتکارانه‌سنی سوندرمک اراده ایچون مضر برشیدر؛ بالعکس، اراده‌یه مایه بخش جسارت اوله‌جق واونی اک کوزل اعماله تشویق ایده‌جک یکانه بر قوت وارسه اوده شو محبت‌لردر.

والحاصل، اراده‌نک تربیه‌سنه تربیه جسمانیه بیله خادمدر. طاقت حیویه طاقت معنویه‌نک عادتاً مایه‌القیامیدر؛ بعض مستننا حاللرک تجربه ایله ثابت بو حقیقه قارشی حکمی یوقدر؛ ناسک بوبابده کی طویغوسی‌ده یا ککش دکلدرد، شویله‌که خلق نظرنده اراده صاحبی اولدیغنی اثبات ایدن برکیمسه «مینیر» لرینک‌ده صاعلام اولدیغنی کوسترمشدر.

بوندن باشقه مختلف جسمانی ادمانلر پک خصوصی بر صورتده اراده‌نک تربیه‌سنه خدمت ایدرلر: بعض ادمانلر اعتدال دمه، جسارته، شجاعته متوقف اولدیغنی کبی انسانده انضباط فکری‌نی تقویه ایدر؛ دیگر بعضلری ایچون قوه تشبیه لازمدر، بونلرده انسانی قاعده پرورلکه، تکافل و تعاونه آلدیرر، و انسانی رزیتلندن قورویان و یکتیلکه دونن شو نشئی‌نی اتفاق وادامه ایدر.

طوغری‌یه‌یه تربیه: انضباط امرارانه — فقط اراده‌نک طوغری‌دن طوغری‌یه‌ده بر تربیه‌سی واردرد. ذاتاً بو تربیه یالکزمکتبده وقوع بولماز؛ دهها چوجق عائله‌سی ایچنده ایکن باشلاملیدر. بعض آنا بابا، یا کیوشکلک ویا نابمحل بر محبت سیبله، چوجغک بتون هوسلرینه مماشاة، هر ارزولرینی تطمین مسارعت ایدرلر. بو برخطادرد؛ بویله «شیاردلمش» چوجق بالاخره کندینی اداره ایده‌مز؛ اراده‌دن محروم اولور؛ زیرا اراده خوشه کیدن شیئی یالکزم خوشه کیتدیکی ایچون یایمقدن عبارت دکلدرد؛ اراده هوا وهوسدن بستیون باشقه ر شیدر؛ اراده حساسیتی انضباط آلتنه‌المق، وکندینه ایجابات عقل دائره‌سنده

تماماً مالک اولمقدر . بالعکس ، انسانک هوا وهوسنه قاپئالسی ، نفسنه اسیر اولماسی دیمکدر . حقیقت حالده ، هر دلولو تربیه‌نک فقدانی دیمک اولان ، بویله بر طریقک چوجنگک استقبال اخلاقیسنی ناصل وخیم بر صورتده تهلکبه دوشوره بیله‌جکی ، اونی الک غدارانه آلدانیشرله اوغراته‌جنی درحال کوریلور .

بعض انا وبابار دخی چوجقلربنک آرزولربنه بالالزام مقاومت ، وهیچ بر شی صایمقسنین اوکا کندی اراده‌لربنی قبول ایتدرمکه اوغراشیرلر وکندیسنن بر اطاعت غیر متعدیه ایسترلر . فقط « هیچ بر زمان تلطف ایتامک ، هیچ اویماق ، تحکم دکل تجبردر » . انجق تجبرله نه‌یایله‌بیلیر ؛ اراده‌ی ایتک ، اوکا متانت ویرمک دکلدر ؛ غریزه‌لری تضییق ایتک ، اونلری تصحیح ایتک دکلدر . انضباطک افراطی کندیلکنندن بر شی یایمق اقتدارینی انساندن سلب ایدر : انسانلری انسان دکل . اسیر یاپار : اراده‌ی قیرمق ، واونی قیرداتمایان وضعفلادان بر شبکه روابط ایله صارمق شویله طورسون ، اونی تشویق ایتک ، یالکزجه یورومسنی تسهیل ایتک و بالتدریج کندیسنی اداره ایتکه آلدیرمق لازمدر .

بحق شویله دیمشلدرد : « تربیه‌نک بتون قوتی محانه مصروف بر انضباطه مدیوندر » . شه‌سز چوجنگک عقلی پک ایرمز ، بو جهته نفسنه سوزینی کچیره مز ؛ بناءً علیه دیگر برینک اوکا یاردم ایتمی لازمدر ؛ اوکا حس ایتدرملیدرکه کندیسنک هوا وهوسلری فوقده بر یول ، بر ضابطه ، بعض قاعده‌لر وارددرکه اونلره اطاعت ایتک کرکدر . بونکله برابر ، اونی ذلیلانه ، ماکنه کبی ، روحسز بر اطاعته اجبار ایتمکدن حذر ایتلیدر ! بویله بر اطاعتک نه‌قیمت مغنویه‌سی اولور ؟ واقعا بوسایه‌ده ظاهری خارجی بر انتظام تحقق‌ایدردی ؛ فقط بالذات اراده اصلاح‌ایدلماش ، چوجنگک استعدادات نفسیه‌سی اسکی حالده قالمش اولورسه بونک نه‌اهمیتی اولور ؟ لازم اولان ، قورقویه مستند ، بناءً علیه بسبتون سطحی ، بر اطاعت مجبوریه دکل ، ایجریسنندن کلن ، عمق وجداندن صادر اولان بر اطاعتدر : هر شینک نظام داخلمده اولماسی کافی دکلدر ، لازم اولان عمومک کندیسنی نظام داخلمده اولدیغنی حس ایتمی ، واوندن چیقماق الدن کلسه‌ده ، اونده مسرتله قائم اولماسیدر : والحاصل ، چوجنگک قانونی قبول ایتمی ، ویالکز اوکا فعلاً اطاعت

ایلسی شویاه طورسون، روحاً دخی مطیع اولماسی، یعنی اوکا انقیادی اراده ایلسی الزمدر. او حالده، کندی قرارلرینک اسبابنی بالذات نفسنده بوله جفندن، چوجق قانونه اطاعت ایدنجه حریت صحیحه ایله حر اولمش اولور، زیرا، بر دفعه دها سویاه یلم، اطاعت ایتدیکی وقت هوا وهوسی اوکا غلبه ایتش و اوندن، نفسنه مالکیتی سلب ایتش دیمکدر.

احتمالکه بو مشکل بر ایشدر دینه جک. بوکرچکدر: اراده یه، و اراده نك آکسزین وقوعه کلن بعض حرکتلرینه، رجوعلرینه عطف اهمیت لازمدر. فقط «مشکل» دیمک «محال» دیمک دکلدر. خواجه چوجفه کندیسنه امر ایتدیکی قاعده نی تفهیمه، و بو قاعده نك هرکسه حتی اونی وضع ایدن کیمسه یه بیله حاکم اولدیغنی آکلاتمه اهتام ایتلیدر.

دیگر جهندن، خواجه اونی اوکا کمال کرمی ایله کوسترمکدن، اوندن هیجانله بحث ایتکدن، نفسه غلبه وعقلک امر ایتدیکی شیلره متابعتده کی عظمت اوزرینه نظر دقتی جلب ایتکدن قورقاملیدر: والحاصل چوجفک اعماق قلبنه قدر کیروب، یاناشمی الک قولای کورینن جهتلردن اونی تهسیج واهدا ایتک لازمدر. برده چوجفه حسن نیتی حقنده امنیت اولندیغنی کوستره رک، والزم اولان اعتباری بخش ایدرک، قانونی اوکا سودرمک و خط حرکتی ایچون سربسته رهبر اتخاذ ایتدرمک امکانشز دکلدر.

تریمه اراده نك معناسی. — ایشه چوجق حقنده استعمالی انسب اولان یکانه انضباط بودر، بو سربست انضباطدر، بوانضباط اطاعتی استحصال ایدرک حریتی اعداد ایدر. بوانضباط تحکمی، حتی سرتلکی یابانه آتماز؛ فقط اوکا لازم اولان، مقنع برتحکم ایله کندیسنی سودیرمکی بیلن برسرتلکدر. یالکز، «صنی، واهی برتعلیم dressage دکلدر؛ اراده نی تربیه، تقویه مستعد اولان یالکز اودر، چوجنی کندینه مالک ایدن، کندیسنی عزمه و برشیثی عقله توفیقاً عزم و اراده یه آلدیران اودر: بویکی شی توأمدر. زیرا اراده نك اراده اولماسی انحق موافق عقل و حکمت اولماسیله ممکندر، اراده عقله تابع و خادم اولدیجه وجودپذیر انتظام اولور. بونک ایچوندرکه تربیه اراده نك انحق برغایه سی اوله بیلیر، بوغایه چوجقده «مسی نیت» ی،

ادب و خیری قصد ایلمکی، و اراده‌یه استقامت حقیقیه و مطرده‌سنی کوسته‌رک، و اونی غایبه صحیح‌ه‌سنه منافی اولان بالجمله دواعی سفیله‌دن قور تارده‌رق استخلاصنی آتام‌ایدن « وظیفه » دیدیکمز شو قانون کلی و فوق‌الطبیعی‌یه موافقتی ائاره‌دن عبارت‌در . بحق شویله دیمش‌لردر : « راستادک اندیشه‌سی طلبه‌سنی کندیسندن بر آن اول مستغنی ایتک اولمالیدر » : فی‌الحقیقه شاگردک قلبه نظامه ، انتظامه محبت القا ایدلدکدن صکره ، آرتق خارجدن قواعد انضباطیه قویمغه حاجت قالماز ؛ زیرا قلبنده مالک اوله‌جفی دیگر باطنی بر انضباط بوندن بویله اونی طریق خیر و سلامتمده بولندیرمق ایچون کافیدر .

نریه « سحیه » صاحبی آردملر بنشربره بیلیرمی . — تربیه‌نک اراده‌نی خلق و تشکیل ایتک خستوصنده تأثیری اوله‌بیله‌جکنی سویلک « سحیه » خلقنده معاونت ایده‌بیله‌جکنی اعتراف ایتک دکلیدر ؟ شه‌سز ، چوجق ، مکتبده ایکن ، کله‌نک تام معناسجه ، بر سحیه صاحبی اوله‌ماز . « بر فیلسوفک دیدیکی کبی ، اکر بر سحیه‌نک اساسی بر طاقم مزنیاتک هیئت مجموعه‌سندن عبارت اولمایوب ، خط حرکتک راهبری اولان مبدأ باطنینک وحدت مطلقه‌سندن عبارت ایسه ، بوفیلسوفه تبعاً بعض نادر کهللرک (پک‌نادر ، هم‌ده‌هیچ بروقت تام یاشلرینی آمازدن اول) فوراً یعنی بردنبره نفس‌لرنده بر انقلاب میدانک کتیردکلرینه ، بوندن بویله یالکیز بر قاعده‌یه کوره حرکت ایده‌جکلرینی و دیگر تمایلات نفسانیه‌لرینه اویمایه جقلرینی نفس‌لرینه فارشی علماً عزم و تمهد ایتدکلرینه اعتماد اولنه‌بیلیر . فقط ، بوتلقیده نه قدر حقیقت بولنورسه بولنسون ، حیات اخلاقیده وقوعه کلن بوصوک و قطعی بحرانلرده بر اساس طبعی ، بناء علیه بر درجه حاضرلق مسبوق اولدینی اعتراف اولنور « فی‌الواقع ، تربیه بو آکسزین واقع استحالیه‌نی تعجیل ، اراده‌نک بوجه‌دینه ، استحالده‌کی عظمت و اجری تفهیم‌ایدرک بیله اولسه ، امداد ایده‌مز می ؟ بوندن باشقه ، سحیه‌نک ظهوری احتمال که بویله فوراً واقع اولماز ، ده‌ا زیاده درجه درجه ، پارچه پارچه وقوع بولور ، آز چوق اوزون بر حاضرلقدن صکره صورت قطیه‌ده احراز غالیت ایدر . فقط اکر بو خصوص طوغر ، ایسه ، نه درجه‌یه قدر تربیه‌یه تعلق اولدینی کورلزمی ؟

مسئله‌نک تشکیلی . — نه‌دن ترکیب ایتدیکنی ، سویلشدک : مسلك ، قوی قاعتلرله

بر اراده شجیعہ نك اتحادیدر. شہسز، مکتب چوجفہ بالجملہ امور ایچون قواعد مقررہ و قطعیه تعلیم ایدہ من: ذاتاً، الگمہی اولان، و خاطره سی هیچ بروقت ضایع اولمایہ جق صورتدہ اونک کورپہ روحہ یرلشہ بیلن دساتیر اخلاقیہ ایچون بلکہ استثنایاییلہ بیلیر. فقط، ہر حالہ، تربیہ نك یاہ بیلہ جکی شی، چوجقدہ امین و مستقیم بر قوۂ حاکمہ حاضر لامقدّر، او صورتدہ کہ، ایلریدہ، انسان صیرہ سنہ کچینجہ، کند ی باشنہ دوشنہ بیلسین، اشیای اولدقلری کبی کورسون، انسانلر و عالم حقندہ مدلل و موافق عقل و حکمت رأیلر ایدینہ بیلسین. بو اعتبار ایلہ، نفس ناطقہ نك تربیہ سی «سجیہ صاحبی» آدم یتشدیرمک ایچون اتخاذا ایدیلہ جک تداییرہ صحیحاً داخلدر.

شجاعت. — فقط تربیہ ایلہ انسانک قوۂ مغنویہ سی آرتار، ارادہ سی قوتلہ شیر، جسارت کسب ایدرمی؟ بوسؤالہ اوت دیمکدہ تردد ایدیوروز، حسن تنظیم ایدلمش ادمانلر، صحتی تمیہ، طاقات حیویہ یی تزید ایدر، بدنک قوتی آرتدیرر: جسد ایچون طوغری اولان برشی روح ایچون نہدن طوغری اولماسون؟ بر قوۂ ادمان سایہ سندہ تقویہ اولئور، تجربہ لردن کچہرک صولانور [۱]: فقط عجبا مکتبدہ ہم قوۂ بدنیہ و ہم طاقت ارادہ نك ایکسینہ بردن مراجعت ایچون وسیلہ لر ظہور ایتمزی؟ جسمانی ادمانلری، او یونلری یکتیکلک و صوئوق قائلین ی آرتدیرمق خصوصندہ کی اہمیتلرینہ رغماً، بریانیہ براقلم. ینہ بویلہ سلامت بخشا دیگر چارہ لردہ وارددر. عجبا مکتبک تکمیلی ایچون بر مربی شجاعت اطلاق اولنہ مازمی؟ فی الحقیقہ، مکتبک امر ایتدیکی بتون مساعی جہدہ وابستہ در، موانعی اقتحامہ، مشکلاتہ غلبہ یہ متوقعدر، بناء علیہ چوجفک مستقبلہ کی مجادلاتہ فارشی دہا ایی حاضر لائمش و دہا قوتلنمش اولہرق مکتبدن چیقماسنہ مدار اولور. دیگر جہندن، مکتب اساساً حیات، و ہیئت اجتماعیہ دیمکدر: شجاعت اورادہ برسوری اشکال آلتندہ کندینی کویسترہ بیلیر: آرقداشلرینک حضورندہ خواجہ نك قارشینہ چیقماق جسارتدر، ایشلہ نن قباحتی اعتراف ایتک و بو صورتلہ وجدانہ حرمتہ باشقلرینک استہزارندن قورقماق جسارتدر؛ بر مناقشہ دہ حق بیلین شی مدافعہ ایتک و اک قوتلی اولدینی حالہ حقسز اولان طرفہ قارشی ضعیف اولدینی حالہ حقلی اولان طرفی

[۱] صولامق، دمیرہ صو و یروب چلیک یاقیق معناسنہ در.

التزام ایلک جسارتدر ؛ وظیفه‌سنی ایفا ایچون طاتلی براویونک اغوا آتنه قابلامق جسارتدر؛ وجودی اخبار و اخطار اولنان برعیب اخلاقی‌نی یه‌نمک ایچون چالیشمق و بوندن دولای‌ی تریب اولنان مجازاته محوینله تحمل ایتمک ده جسارتدر .

محقق ، بومزیات مسموده‌نک ، قسم اعظمی اعتباریه، وجدانک رقت اصلیه ومفطورده‌سنه یاخود اراده‌نک قوه طبعیه‌سنه تابع اولمادیغنه اعتراض ایتیه‌جکزر . فقط اومزیتلری دائماً متیقظ برحاله بولندرمق ، ماهرانه تجربه‌لرله بسله‌مک استاده عائددر ؛ مثلاً چوجغه یالکزر باشنه کورمسی ایجاب ایدن بعض کوچک ایشلر تودیع ایده‌بیلیر ، اونی کندی باشنه قرار ویره‌جک ، و سربسته‌جه کندی رأینی بیان ایده‌جک بعض حاللرده بولندیره‌بیلیر ؛ بعضاًده اوکا باشقه‌لرینه امرلر ویرمک حقنی بخش ایلر ، وبعض مسئولیتلری دهاقولایجه یوکلنمکه اونی آلیشدریر . بخصوص بوجوانمردانه خصلتلری ، او خصلتلرله متصف اولانلری اوقشایه‌رق ، یعنی خط حرکتلرینک مستحق اولدینی مدایحی ایفا ایدرک ، تشویق ایلک قولایدیر . برده ، اولنره مالک اولمایانلرده ، اولنره مالکیت سؤقی تحریک ایتمکدن معلم عاجز میدر ؛ معلمک چوجنی سجه صاحبی بر آدم اوله‌رق یتشدریمکه اقتداری اولدینی انکار اولنسه‌ده ، کرک مقنع و دلفریب سوزلریله ، کرک بعض امثال علویه ارانه‌سیله ، چوجنک قلبنده بر « سجه » صاحبی اولمق فکری ایواندیره‌بیله‌جکنی انکار ایتک قابلمیدر ؛ بوفکر ایسه عقیم قالماز ، زیرا هر فکر بر قوتدر : اراده‌نی تحریک ایدر ، روحده‌کی طاققلری کرر ، یواش یواش « سجه » نک انکشافه مدار اولور ؛ ده‌ا طوغریسی بر فکر صاحبی اولمق بر « سجه » صاحبی اولغله مساویدر دیمک عجباً مالغه عد اولتورمیدی ، زیرا اولیه اولمق فکری، وبالخاصه اراده‌سی انسانک صحیحاً بر « سجه » سی اولماسی دکیدر؟

خلاصه

۱ . غریزی فعالیت بهیمه‌نک اوصافندن اولدینی حالده ، فعالیت اراده‌انسانک خاصه‌سیدر . اراده اولاً شکل منفیسنده ظاهر اولور ، یعنی بر قوه توقیفه‌شکلنده اولوب فکرلرک بحسب الطبعیه ایجاب ایتدکلری حرکاتی منع وتوقیف ایدرلر .

فقط شکل مثبتی اعتباریله، بوفعالیت برقابلیت تشبیه‌در. اون‌ی ای طایبق ایچون، افعالندن بریسنی تحلیل ایتلیدر.

۲. فعل ارادیده درت مرحله تفریق اوله بیلیر. برنجی مرحله‌ده بربرینه مابین شقلر تصور اولنور. ایکنجی مرحله‌ده مشورت باشلار، بومشورت معلوم برطرز حرکتک له وعلینده کی اسبابی تفتیشدن عبارتدر. بواسبابی علی‌الاکثر دواعی عقلیه و سوانق محسوسه تفریق ایدرلر، بونلرک اولکیلری ذهنندن، ایکنجیلری حساسیتدن صادر اولور؛ فقط بوتیمیز مطلق دکلدر، زیرا مشورت نتیجه‌سنده هر داعی طبعاً سائق، هر سائق داعی اولور. مشورت ایچون اعتدال دم، تأمل مقتضی اولوب بونک احتراصاتدن متولد تلون ایله هیچ بروجه مشابہتی یوقدر.

۳. تعیین، اراده‌یه خاص بر فعلدر؛ بوفعل اولور: «نعم» ویا اولماز: «لا» دیمکدن عبارتدر. معلوم اولان شقلردن برینک یا بلایی، دیکر لرینک آتلماسی قرارلشدیریلر: بناءً علیه تعیین بر انتخابدن عبارتدر. — بوندن صکره اجرا کلیر؛ طوغریسی، اجرا فعل ارادینک اجزای اصلیه‌سندن دکلدر؛ دلیلی شودرکه فعل ارادی کسب تمامیت ایتمکسزین مفقود اوله بیلیر؛ فقط تعیینک آرقه‌سندن هر وقت بر جهد و اقدامه مباشرت لازمدر؛ اراده ایتمک دیمک، هر وقت یا بئنی ایسته‌مک دیمکدر. ۴. فعل ارادینک مزاحلندن هر بری آز جوق اوزون مدت دوام‌ایده بیلیر. اراده، هر نه قدر خاصه بر شینه قرار ویرمکه ظاهر اولورسه‌ده، دیکر تصور، مشورت، اجرا آنلرنده دخی حاضر در. بوجهتله فعل اراده، هبسی عینی غایه‌یه معطوف ومبدأ واحددن مشتق برسورنی مختلف ارتیادلردن متشکل اولمق اوزره، یک قاریشیق اوله بیلیر.

۵. غریزه کور، اراده متأملدر؛ غریزه اضطراریدر، اراده‌ده ایسه ظاهر آحریت واختیار واردر؛ غریزه افعال واحده ایچنده الی‌الابد موقوف وغیر متحرکدر، اراده مختلف غایه‌لره متوجه اوله بیلیر، و فردی، نوعک حیانتندن آزاد ادر.

۶. اراده ذهن وحساسیتک معاونتنی مقتضیدر: بونک ایچون اون‌ی یا بریسی ویا دیکریله اکثریا قاریشیدر مشلردر. — اول امرده اراده‌ی حکم judgement

ارجاع ایتک ممکن دکلدر، اراده‌ده عادی بر تصدیقندن فضله برشی وارد، یعنی بر ممکنی موقع فعله چیقارمق ایچون بر جهد مند مجدر .

۷. اراده شوق‌ده دکلدر؛ شوق اضطراریدر، فعل ارادی ایسه بزه تابعدر؛ شوق نه‌قدر زیاده قوی ایسه، انساندن نفسی اداره اقتدارینی اودرجه زیاده سلب ایدر؛ اراده ایسه نه‌قدر زیاده قوی اولورسه انسان نفسنه او قدر زیاده صاحب اولور. شوق باطل برشی اوله‌بیلیر، غیر ممکنه تعلق ایده‌بیلیر، قولده قالدیه‌بیلیر، شوق درجاتی‌ده وارد؛ اراده‌یه کلنجه انجق موقع فعله چیقه‌جق شیلره تعلق ایده‌بیلیر، و هر زمان عامل و محرکدر، فی حد ذاته بو بر امر مطلقدر. اراده اشواقندن او قدر آیریدر که اکثریا اولنره مخالفت ایدر و یا خود اشواق اوکا معارض اولور . اراده‌نک شوق اولدیغنی تصدیق ایتک، «أنا» نک فعل ارادیده‌کی حصه فعاله‌سنی انکار ایلکدر. اراده شوق دکلدر، فقط دها زیاده، تنسیق و ضبط اولنش شوقلرک هیئت متحده‌سیدر؛ بوکندی طاقات روحانی‌سنه تصرف حالده بولنان «أنا» در. ۸. هر نه‌قدر اراده، بر شیئه قرار ویردیکی آنده، بر امر غیر مقید ایسه‌ده، ینه مختلف کیمسه‌لرده و یا یاشلرده، اشواقک امر تنسیقنده‌کی درجه مکملیه کوره، متعدد درجه‌لرده بولنه‌بیلیر. كذلك مختلف اشکال مرضیه‌سی اوله‌بیلیر. (بعضاً انسان ایچندن کلن آنی و دفعی بعض حرکاته قارشی مقاومتدن عاجز اولور، بعضاً بر شیئه قرار ویرمکدن تماماً نا اهل اولور)؛ بو قیلدن اوله‌رق بعض نقایص دخی عرض ایده‌بیلیر. (قراسزلق، تأملسزلک ... الخ) .


۹. اراده شخصیتک و کلمه‌نک معنای قطعیه‌سنه کوره «سجیه» نک اساسیدر. ۱۰. سجیه صاحبی آدم یتشدرمک تربیه اخلاقیه‌نک غایه‌سیدر، تکمیل تربیه‌نک غایه‌سی بودر دینه‌بیلیر. بوایش بالخاصه حریمت ایچون پک مهمدر، زیرا او ملنلرده وجدانلرک ینه کندیلرندن باشقه مراقب و آمری یوقدر.

۱۱. تربیه اراده اول امرده ذهن و قلبک تربیه‌سنه چالیشیرکن بالواسطه وقوع بولور: تربیه جسمانی‌ده کندی حصه‌سنه کوره ایقای معاونت ایدر .

۱۲. فقط اراده‌نک برده طوغریدن طوغریه بر تربیه‌سی وارد. چوجنک بتون آرزو و هوسلرینی یرینه کتیرمک ناقص برطریقدر؛ اراده‌ی قیره‌جق قابا بر طریق زجری دخی اوله‌در. شبهه یوق که چوجنک اطاعتی لازمدر؛ فقط قاعده

وانضباطی، بونلره بالاراده توفیق حرکت ایدمک صورتده، آکلاتمق وسودرمک لازمدیر. اراده‌ی یتشدریمک، اونی ایملک یامغه حاضرلامق دیمکدر.

۱۳. تربیه‌نک اراده‌ی یتشدریمک خصوصنده تأثیری اولدیغنی سویلک، بونک سجه صاحبی آدم یتشدریمکده مدار اوله‌جغنی سویلک دیمکدر. هر نه قدر تربیه هرشی حقنده قواعد مقرر و قطعیه اعطا ایدم مرسده، هیچ اولمازسه قوه حاکمه‌ی بالتشکیل، چوجغه بالاخره آرای مدله پیدا ایتسنه مدار اولور. دیگر طرفدن، مکتب بر جوق نقطه نظر دن، جسارتک، ثبات و متانت ملکه‌لرینک حصوله دخی خدمت ایدم بیلیر.



اون سكزنجی درس

اختیار

اختیار مسئله سی . — اختیار واراده . — اختیارک موجودیتنه اعتقاد . — اختیاره اعتقاد فعلی تجاوز ضرورتی . — اختیار علیهنده اعتراضلر، جبریہ . — ایجابیه : ایجابیه نك ایکی صورتی . — علمی ایجابیه : استناد ایتدیکی مبادی . — ایجابیه ایله اختیارک آره سنی تألیف خصوصنده کی دهنه پیشلر . — آله حق یکی وضعیت . — مبدأ علیت اوزرینه مستند ایجابیه نك تنقیدی . — حفظ قوت مبدئی اوزرینه مستند ایجابیه نك تنقیدی . — روحیاته کوره ایجابیه : بونک دلائلی . — « اسبابدن عدم تأثر » اختیاری حقنده کی نظریه . — روحیاته کوره ایجابیه نك مناقشه سی . — اختیار قابل اثباتمیدر ؟ اختیار حقنده نتیجه استدلال .

تطبیقات عملیه . — اختیارک حدود و شرائطی . — انسانک کندی نفسی حقنده تیقظی . — اختیارک کرچکلکی . — جوجفک بونده شبهه ایتسنده کی محذورلر . — اختیارک کمال مرتبه سی و فعلاً موجود اختیار . — شخص انسانک تشککنده طبیعتک واراده نك حصه سی .

اختیار مسئلہ سی . — فعالیت ارادیه ، یوقاریده سولیشدک ، متأمل فعالیت اولوب بونک بر فعالیت حره اولدیغی ده علاوه ایتشدک . بو اوصافدن برنجیسنه هیچ برکیمسه طرفدن اعتراض ایدلماشدر: بالعکس، دیکروصفی، بالخاصه معاصر فلسفه ده ، متعدد وجدی مناقشاته زمین اولمشدر . ایشه ، اولا اختیار مسئله سنی لایق وجهله وضع ایتمکه باشلايه لم ، بونک ایچون ده فعل اراده حقنده یاپدیغمز تحلیللاتی تخطر ایدله لم . کورمشدک که ، ممکن اولان شقلری موازنه ایتدکدن صکره ، برتعیین وترجیح ایله اونلردن برینه قرار ویررز. فقط بو حال جداً واقعمیدر؟ عرض چهره وجود ایدن اضداددن برینی ترجیح ایتک اقتداری صحیحاً المزده میدر ، یعنی اونلردن برینه قرار ویرمک ، یابانجی ، خارجی ویا باطنی هیچ برنفوذه تابع اولمقسزین تماماً کندی اراده مزه تابعمیدر؟ اگر بوکا اوهت دنیسه ، حرز؛ اگر خایر دنیسه حریت بر خیالدر .

اختیار واراده . — بناء علیه اختیار «أنا» ایچون کندی افعالک بالذات فاعلی اولمق اقتداریدر . بوندن اکلاشیلیرکه اختیار یالکز اراده نك بر صفقی

دکدر ؛ تعمیر صحیحله اراده‌نک کندیسیدر. انسان حرمیدر دکلیدر دیه صورمق، حقیقهٔ برشدنی اراده ایدیورمی ایتیورمی دیه صورمقله برابرر ، زیرا ، اگر ، اراده واسطه‌سیله برشیه قرار ویردیکمز زمان ، انتخابمز اولجه بزم ایچون محفوظ اولوب دیگر درلو اوله مزایسه، یعنی اگر مختار دکل ایسه، بالذات اراده بروهمدن باشقه برشی دکدر. بوجله، اختیار مسئله‌سی اراده مسئله‌سندن آیری برشی دکدر. بناءً علیه آئیده‌کله‌جک مناقشه فعل‌ارادی حقنده‌کی تحایلاتمزه هیچ برشی ضم‌ایتمز، یاخود دها طوغریسی آنجق اونک صحتنی اثباته خدمت ایدر .

اُمْتِبَارِک مَرْمُودِ بِنَةِ اعْتِقَاد . — شهبه‌سز، اگر رأی‌عامه مراجعت‌اولنسه‌یدی، اختیار مسئله‌سی وارد اولمزدی. هر برانسان کندیسنی مختار اعتقاد ایدر، بعض افعاله بالذات قرار ویرمک اقتدارینی کندی نفسنه اسناد ایدر، صانکه بوقدرت کندیلرینه فعلاً و حقیقهٔ عائد ایش کجی بریوله سالک اولوب هم‌کندی خط حرکتلرینی و هم باشقه‌لرینک کنی محاکمه ایدرلر. بوزمان و مکان تفریق ایدلمکسزین هرکسه شامل بر اعتقاددر ، هم بو اعتقاد اوقدر غریزی درکه اختیارک موجودیتی ایچون صوک و قطعی برحجت اولق اوزره سرد اولنوردی . بونک سببی شودرکه انسان کندی نفسنی نه‌قدر آز تأمل ایدر ، و کندی فاعل کوررسه، اختیاری ظواهر ایچنده‌ک محققن ظن ایدر . بر قرار اتخاذهدن اول ، هنوز محتمل اولان شقلردن بریسنی ترجیحده متردد اولدیغمز وقت، اولنلردن برینی اولدینی قدر دیکرینی‌ده قرارلاشدرمق المزد اولدیغنی ظن ایتیورمی‌یز ؟ صکره، ترجیح معامله‌سی بیتنجه ، فعل مرجعی اجرایه باشلا دیغمز ائاده ، توقف ایده‌بیله‌جکمز ، کبری دونه‌بیله‌جکمز ، مابین بر ترجیحده بولنه‌جکمز ظن ایدیورز . الحاصل ، فعل یا بلدقن صکره، بونک بزدن صادر اولدیغنه ، وبوخصوصده اصلاً موجب اولمادیغمزه وایسته‌مش اولسه‌یدق اوکا بسبتون مابین بر فعلی اجرا ایده‌بیله‌جکمز مطمئن . ایسته مسئولیت مفهومی، تحسین و تقیحه عائد حکملر، وعذاب وجدان یاخود خشنودیٔ قلب‌کجی بعض احتساسات هپ بو اعتقاده مستنددر .

اُمْتِبَارِه اعتقاد فعلنی بمارز ضرورتی . — طوغریسی آرانیلرسه ، بعض کیمسه‌لر بونکه قناعت ایدیورلر . روحیات ایسه بر علم حادثاتدر : بناءً علیه غیر قابل انکار اولان بو واقعہ‌ی ، یعنی هرکسک اختیارک موجودیتنه اعتقادی اولدیغنی و کذاذک اختیارک

ظاهراً ناقابل اعتراض بولدیغنی ظاهره چیقارمقدن باشقه یاپه‌جق ایشی یوقدر. بونک کبی ینه برواقعه اولان شونی‌ده ، یعنی بواعتقادک ، بوفکرک تأثیر عملیسنی‌ده اظهار و اخطار ایده‌بیلیر ، فی‌الحقیقه بواعتقاده مالک اولان برکیمسه هیچ اولمازسه نسبی براستقلاله مظهر اولور ، بواستقلال برمقدمه حریت ، برتخم کیدرکه ، کیت کیده بیومکه ، قوتلنمکه ، ونهایتده برمختاریت صحیحینی احداثه مستعددر . عجبا بواعتقاد صادقیدر دکیدر ؟ عجبا بو حال یالکمز ظاهری برحالمیدر ، بو اختیار انفسینک یاننده یراختیار آفاقی یوقیدر ؟ بونلری بیلیمک مسئله‌سنه کلنجه ، بونلری مناقشه ایتمک ، و ممکنسه حل ایتمک مابعدالطبیعه‌یه عائددر .

فقط شو قدری طوغری اوله‌بیلیر : اختیار مسئله‌سی تربیه‌یه تطبیق اولتان روحیاتله او قدر علاقه‌داردرکه اوندن بحث ایتمککمز لازمدر . بوندن باشقه ، طوغریسی. آرانیلرسه ، بزم ایسته‌دیکمز بر حریت حقیقه‌یه در . اوندن صکره ، اختیار مفهومک طالعی ایله‌بالذات اختیارک طالعی بربرینه باغلی دکیدر؟ شبهه یوقکه، هر فکر موقع فعل وتحققه چیقمغه ساعیدر ؟ فقط عجبا بوفکرک متناقض اولماسون، یعنی بزم فطرتمزله طبیعت اشیا او صورتله متقوم اوله‌بیلیرکه بوفکرک موقع فعله چیقماسی الی‌الابد مستحیل اولور : حال بوکه ، مختاریت فکر واملنک البته بویله اولمادیغنی کیم دیه‌بیلیر ؟

اقتیبار علی‌بنده اعتراضله، جبریه Le fatalisme . — اختیارک موجود اولمادیغنی ادعا ایدنلره ، کندی دلیللرینی سرد ایتملری بالبداهه واجددر. جبریه‌نک دینی اولان اعتراضلرینی بر یانه براقلم : بونلرک ارتق یالکمز بر قیمت تاریخیه‌سی وارددر. شاید جبریه سالکلی کرک حیامتزده‌کی هر فعلک و کرک بالجمله حادثات عالمک اولجه قلم‌قضا ایله تعین ایدلمش اولدیغنی اوکه سوردرلرسه ، بالذات مبادی علم ایله تناقضده بولتمش اولورلر. یوق « علم ازلی الهی » یی دلیل اتخاذایدرلرسه بوکا حواله سمع اعتبار اولته‌من ، زیرا بو علم ازلی بزم ایچون بر سردر ، کیفیتی عندمزده مجهول بر دلیلله استناداً اختیارک موجودیتنی انکار ایتمک عبثدر . [۱]

[۱] بو اختیار واراده مسئله‌سی علمای اسلامی و مذاهب مختلفه آره‌سینده پک چوق مناقشه ایدلشددر. بزم سالک اولدیغمز اهل سنت مذهبجه هر کس فعلنده مختارددر ؟ آنجق کسب قولدن ، خلق الیه‌نددر . (مترجم)

ایجابیه : ایجابیه نك ایکی شكلی . — حقیق مناقشه باشقه یرده در ؛ ده اجدی اعتراضلر وارد در : بونلر « ایجابیه » نك اعتراضلریدر . بونلری علوم مثبته و روحیات ایراد ایتدیکندن ایجابیه یی ، بالطبع « ایجابیه علمیه le déterminisme scientifique » « ایجابیه روحیه le déter. psychologique » ناملریله ایکی یه آیرمق لازمدر .

علمی ایجابیه : استناد اینتریکل مبادی . — علمی استجواب ایده لم : کائنات بزه نه اوکره دیور ؟ هیچ برشی تصادفه واقع اولماز ؛ دیور . طبیعه نفس ناطقه « هر حادثه نك بر سببی اولدیغنه » معتقددر ، حتی علم بومبدك صورت دائمده تحقق و اثبات اولماسندن عبارتدر دینه بیلیر . یکی برشان مصادف انظار من اولدیغی وقت ، عدمدن اسرار انکیز بر صورتده چیقمايور ، بوشان « بر ابتداء مطلق » وکندیسندن اقدام موجود بر حادثه یه ارتباطدن بری بر حادثه دکلدرد . بالعکس دائما « علت » ی واردرکه بوعلت تماماً معین بر حادثه متقدمه در ؛ اکر بو حادثه متقدمه اولماسه ایدی ، اوده وجود پذیر امکان اولمازدی ؛ بو حادثه تالیه نك ظهوره کلسی ایچون علتی اولان حادثه نك موجود اولماسی کافیدر . بو حوالده مقدم Antécédent و تالی conséquent بر برینه بر نسبت ثابته ، بر قانون loi ایله مربوطدر . بو وجهله ، « هر حادثه نك بر علتی واردر ، شرائط متساویه داخلنده ، عینی علتلر عینی اثرلری احداث ایدرلر . » مثلاً ایشته انبساط ایدن بر دیر چوبوق ؛ فقط بوشان یعنی دیر چوبوغك انبساطی « کندی باشنه حادث اولمايوب ؛ چوبوغك حرارتك تأثیرینه عرض ایدلش اولماسندن نشأت ایتشدرد . بو حال اوشان انبساطك « علت » ی ، « مقدم علی » سی در ، بو مقدم مستمردر ، اونسز انبساطه امکان یوقدر ، انبساطك وقوعی ایچون بو مقدمك ایقاع ایدلش اولماسی الیرر . بوتون طبیعتده هر شی بویله در : یعنی باجمله شئون صیم صیقی بر ایجابیه آغیله بر برینه باغلیدر ، بونلر منتظم سلسله لر تشکیل ایدرلر ، بو سلسله لر ایچنده اوشانلردن هر برینی کندیسندن اولکی حادثه لر ایجاب ایتدیکی کی بونلرده کندیسندن صکره کلنلری انتاج ایدرلر [۱] . فقط انسان بو کائناتك بر جزئی دکلی وشو علت قانونی اولنكده قانونی

اولماسی ممکنیدر؟ انسانک لهنده بو استثنایه ناصل عقل ایردیرملی؟ عجبا «سلطنت ایچنده باشقه بر سلطنت» می واردر؟ بزم مقرراتمز، افعالمز حادثاتمز، واقعاتمز؛ بناءً علیه بونلرکده علتلی اولماسی، و مقدم علیرلی ایله اسبابی ایضاح ایدلمش بولماسی مقتضیدر. اختیار فائده سز ودها طوغریسی مستحیلدر: اختیاری قبول ایتک، بعض حادثاتک کندی سبب طبعیلری اولمق سزین یا خود کندی سبب طبعیلرینه رغماً واقع اوله بیه جکنی تسلیم ایتک دیمکدر. بویه بر قدرت اولسه یدی، حقیقی بر رزالت اولور، و باشند باشه علمی تخریب ایتمش بولنوردی [۱].

بوندن باشقه کائناتده کی حادثاتک نیچون بویه بر برلریله متسلسل اولدقلری آکلامق قولاید: بونک سبی اونلرک بعضلریک بعضلریه تحول و انقلابندن عبارت اولماسیدر. تجربه نقطه نظرندن بونلر بزم بر لرندن نه قدر فرقلی کورینورلر سه کورینسونلر، اساسده یه هپسی متجددر. اونلرک هپسی، اک متنوع صفحه لر دن سچن، صایسز بر درجه ده استحاله ایدن بونکله برابر بو تکامل دائمیسی ایچنده، کیمتجه تاس تمام لایتغیر قالان، عینی بر قدرتدن *énergie* نشأت ایدرلر. قوای فیزیقه آنجق ظاهراً متعدددر؛ نفس الامرده اونلر بردر، بونک دلیلی اونلرک بر برلریه منقلب اولماسیدر، بوده آره لرنده کی مناسبت و مربوطیتلی قطعی و مطلق اولان قانونلره توفیقاً وقوع بولور، زیرا کائناتده هیچ برشی ضایع اولماز، هیچ برشی ده کندیلکدن خلق اولماز. والحاصل، بالجمله شون فیزیقه میاننده، تک بر قوت واردر، بو قوت شکل و منظره جه دائماً دکشمکده ایسه ده کیمتجه دائماً نه ایسه اودر [۲].

فقط حال بویه ایسه، اگر قوای مختلفه فیزیقه آره سنده درین بر اتصال وارسه، نیچون بو قوتلر ایله طاقات حیویه آره سنده بویه بر اتصال اولماسون؟ حیاته عائد قوت و خدمت لرکده حکمی و کیمیوی قوتلرکدها قارشیق و نازک بعض تحولاتندن باشقه برشی اولمالری ده ممکندر: جسم متعضو بر دارالاستحضار *laboratoire* دن باشقه برشی دکلددر. بوکیماخانه ده نیجه فعل ورد فعللر، غایت قطعی

[۱] کوریلپورکه جبرییه رده احتیاجز یوقدر، زیرا ایجابیه اونک انکارندن عبارتدر. هرابیکیسه اختیاری منکر اولان بویکی مسلک فلسفینک بر برلری ده ناصل انکار ایتدکلریی اورنایه چیقارمق تحف بر شیدر.

[۲] بو، قوای فیزیقه تک وحدتی نظریه سیدر.

و معین قانونلره توفیقاً، وقوعه کلیر. ینه بوسبیدن دولای «حیات» ایله «تفکر» آره سنده هر درلومنا فرت و فرجه hiatus مستحیلدر؛ روحده اولوب بیتن شیلرک هپسی قدرت عصیه نك آرزوق مرکب بر صورتده تحولندن ایلری کلیر. شعورکده خدمتی بنیه وماغیده وقوعه کلن فیزیولوژیق سعی، بزه بیلدرمکدن عبارتدر. والحاصل، بالجمله شئون هانکی صنفه منسوب اولورسه اولسونلر، توکنمز، هر وقت مستمر بر قدرتک حالدن کیرمسندن عبارتدر.

حفظ قوت مبدئی بوندن عبارتدر. بناءً علیه بونده آرتق اختیاردن بحثه مساغ یوقدر؛ اختیارک موجودیتی مستحیلدر. عجباً اختیار اولسه بوعالمده نه ایشله مکلف اوله بیلیردی؟ اوله، کندیسندن اقدام موجود اولان روحی psychiques طاقتلری، طاقت دماغیه نك تحولاتندن و بوسبیله کائناتی تشکیل ایدن حرکاتدن باشقه برشی اولمایان اشواق و تمایلاتی محو ایدردی. دیگر جهندن، آرتق حرکات مقدمه نك تحولاتی اولمایه جق اولان بعض حرکاتلر احداث و او نسبتده بعض مخلوقات مطلقه تشکیل ایتش اولوردی. بو ایکی شینگ ایکیسی ده مساوی درجهده غیر قابل تسلیه در. بتون افعالنر دیگر حادثات کی، برآن معلومه حیات دنیایی تشکیل ایدن حرکاتک دیگر بر صورتندن، نتیجه سندن باشقه برشی اوله ماز، واکر دماغمزک اهترازاتی بر دستور ریاضی شککنده افاده ایده جک و فعل ایده جکمز بر صیرهده اولنرک محصله سنی حساب ایلجه جک قدر صاحب علم بر کیمسه اولسه یدی، بر کسوفک وقوعنی اولجه حساب و اخبار ایدن بر هیئتشناس قدر صحتله خط حرکتمزک نه اوله جغنی خبر ویره بیلیردی!

ایجابیه ایلر اغنیبارک تألیفی *مضمومنده کی ده نیریشلر*. — کوریلور، بودلیلر یک جدیدر: هپسی علمی سند اتخاذا یدیورلر، علمک بو قدرتی ده شبهه کتوررمی یا؟ اوله ایسه اختیارک موجودیتدن آرتق بستیون واز یکمک لازم کیلور کی ظن اولنور، زیرا بویه بر قدرت، اگر موجود اولسه یدی، علومک استاد ایتدیکی مبادی و منجر اولدینی نتایجله طبان طبانله ضد اوله جقدی.

بونکله برابر بعض متفکرلر بوا یکی خصم آره سنده بر چاره ائتلاف بولمغه چالیشملردر. فانت کندیسنگ علم Connaissance حقنده کی نظریه سندن استفاده،

وضوف شئون و ظواهری، صنوف حقائق *réalité* تمیز و تفریق ایدرک، هم مبدأ علیتی یعنی علومک طلب ایتدیکی ایجابیه‌ی محافظه و هم وجدانک اخلاقیّت ایچون ادعا ایلدیکی اختیاری وقایه ایلله بیلجکنی ظن ایتشدی. اونک قولنه کوره انسان شائی، حسی، جسمانی عالمک اجزاسندن اولمق حیثیتله ایجابیه قانوننه تابع ایسه‌ده، کنهی جهندن *نومره noumène* یعنی معقولات، ازل عالمه منسوب اولمق حیثیتلهده مختاردر، برده مادام که شأن نه‌ایه الامر صورت ظاهره‌در، *نومره* ایسه حقیقت اصلیه‌در، او حالده اختیار اساس فطرت‌مزددر [۱].

بو ذهاب پک دریندر، غیر صحیح اولمقدن زیاده غیر کافیدر؛ زیرا طوغریسی آرانلیرسه *نومره* منسوب اختیارک بزه تعلقی وفائده‌سی یوقدر؛ زیرا بز شئون و حوادث عالمده یشایورز، فعل ایدیورز، وظیفه‌ک، مکلفیتک بر معنایی حائز اولماسی آنجق بودنیایه نسبتله‌در؛ بناءً علیه بزه الزم اولان بودنیاده ایش کوره بیلجک براختیاردر: حال بوکه فانت ک بزه نهی ایتدیکی تام بودکلیدر؟ احتمال که فیلسوفک صوک فکری علمک، کندیسنی تأسیس ایدن مبدأ علیت و کندیسنی نسج ایدن ایجابیه ایلله، رمزی *symbolique* و بسبتون اضافی بر قیمتی اولدینی و بناءً علیه ماهیت اشیا حقنده هیچ برجهتله حکم و یرمدیکنی سولیکدر؛ فقط اوتقدیرده ایجابیه ایلله اختیاری تألیفه محل اولمایوب، آنجق اوکا مالک اولمادیقی قیمتی اعطادن واز کچمک لازمدر [۲].

دها صکره‌لری، بعض متفکرلرده اختیاری بقای قوت مبدئیه توفیقه چالیشمشلردر. اولردن بعضلری، *ده قارت* ه تبعاً، هر نه قدر اختیارک یکی قدرت و طاقتلر خلق ایتکدن عبارت اوله مازسه‌ده، هر حالده اقدبجه موجود قوتلرک استقامتی تعیین خصوصنده مؤثر اوله بیلجکنی بیان ایتمشلردر. دیگر بعضلری اختیاری بالذات فن میخانیک ایلله اثباته اوغراشمشلردر.

بعض احوالده، بر سائق، «آریلیق نقطه‌لری *points de bifurcations* دینلن بعض نقاطه کلنجه شرائط موضوعه و مسلمیه تمامی تمامنه رعایت ایتمکه برابر،

[۱] فانت ک لسانده نومنه معناسی شأنه مقابل اولمق اوزره بذاته‌شی، حقیقت مطلقه‌در.

[۲] ایلریده کوره جکمز کبی، مسئله‌ک حل یودر.

فلان ویا فلان استقامتی بلا قید و تأثر ترجیح و اتخاذ ایده بیلیر: نیچون بونک کبی روح ایچنده دخی، اختیارک وجودینی افشا ایتک دکل، ایشک حله یکانه چاره اوله جنی ایچون، اونک توسطنی اقتضا ایدن بعض «قرارسزلقی حاللر» ی اولماسون؟ بوقیلدن اوله رق میخانیک عالنده، بربرینه رقیب قوتلرک تأثیری نتیجه سی اوله رق، بعض «موازن» حاللر واقع اوله بیلیر، اوصورتله که «موازنه یی بوزمق rupture» ایچون غایت الغایه کوچک برکیت الیرر. بویله برشی روحده ده نیچون اولماسون، نیچون اراده نك حد اصغری مداخله سی اشواق ویا افکار آره سنده کی موازنه یی بوزوب اولردن برینک ترجیحه سبب اولماسون؟ اگر بقای قوت مبدئک قیمت مطلقه سی تسلیم ایدیلر سه بوده نه یشلر یک ماهرانه، فقط ناکافیدر. بر قوتک استقامتی تبدیل ایچون، بر سائک بر استقامت خصوصیه توجه ایتیمسی انتاج ایتک ایچون، ذاتاً بستیون نظری، مجرد برشی اولان موازنه یی بوزمق ایچون، بر قوه منضمه علاوه ایتک اثر مدر، انجق بوکسر منضم نه قدر کوچک اولور سه اولسون ینه آرزوق فعلی و حقیقی بر شیدر. فضله اوله رق، بتون بونظریه لر، تماماً پسقو لوزریق بر نقطه نظر دن نظر ملاحظه یه آلتدینی حالده، اسباب و سوائق دن غیر متأثر اختیار *liberté d'indifférence* دینلن ذهابه راجع مدر که بونک طایانه مادینگی ایلریده کوره جکزر [۱].

انهمی یکی وضعیت. — والحاصل، بقای قوت وعلیت مبدئلری ایله اختیارک تألیفی، اگر بوا یکی متعارفه ایچون بر قیمت مطلقه تصدیق اولیور سه، قاله آلاملیدر: اک اینجه فن مناظره علی الاطلاق غیر قابل تألیف اولان شیلری تألیفدن عاجزدر. فقط استعانه اولنان مبادینک قیمتی تام معناسیله مطلقمیدر؟ اولنره ویریه جک معنی، منزلت نه اولمالیدر؟ عجا علم، اومادی نامنه، اختیاری محکوم ایدر وبروهم وخیال صیره سنه آتار سه، حدیخی کچمش اولمازمی؟ ایشته اصل مسئله بوندن عبارت اولوب اختیارک طالعی بوکا ویریه جک جوابه متوققدر.

مبدأ علیت از رویه مستند ایمایه نك تقبیری. — اول امرده عجا مبدأ علیت اختیاره مانعمیدر؟ بومبدأ کندی باشنه وبالذات مأخوذ اولتجه، «هر حادثه نك

[۱] اختیار ایله بقای قوت مبدئک تألیفی بالحاصله **دوسو ده نانه، ده لیرف،**

قورنو، ده نورویه دهنه مشاردر. **فریه نك** (اختیار و ایمایه) سنه باقلماسی.

برعلتی اولماسنی « موج‌بدر. فقط « علت » نه دیمکدر؛ طوغریسی آرانیلیرسه ، بز طوغربدن طوغری‌یه وامین برصورتده آنجیق‌بکانه برعلت طانیرز، بوعلت اراده ذاتیه-مزدرد، چونکه نفس‌مزدده بکن حالادن استنباط‌ایله علیت مفهومنه مطلع اولمقدہ بز[۱]. حال بوکه، بووجه ملاحظه‌یه کوره، « علت » ذی حیات برحقیقت آفاقیه، برطاقت قوآنیه une énergie dynamique اولوب، « اثر و یا معلول effet » تسمیه اولان، کندیسندن آیری دیگر برحادثه‌یی ایقاعه مستعددر. مثلاً قولمی قالدردمق ایسته‌یورم، قولم قالدقیور : ارادم بوحرکتک علئیدر. عجبا نفس‌مزدده کی حالاتی بالتجربه حاصل اولان شونتیجه اوزرینه مبدأ علیتی تعمیم ایتک جائزیدر، وهرحادثه‌نک برعلتی اولدینی تصدیق اولدینی وقت، بوندن مقصد شونک ماوراسنده، آرزوق بزم نفس‌مزدده کی قوتلره مشابه، وواحده‌لری ایقاعه مقتدر قوتلر موجود اولدینی سولک‌مکیدر؟ فقط بوتقدیرده افعال مختاره‌نک، بلا « علت » اوله‌جقلری بهانه‌سیله ، باطل اولدینی اعلان ایتک مستحیل اولدینی آشکاردر، زیرا اوفعللرک « علت » ی ، علئتک بالذات انخودجی اولان شوذی حیات حقیقت réalité ، یعنی اراده volunté دخی پک اعلا اوله‌بیلیر .

بو موقعده علمک بزى طوردیره جنی صحیحدر. زیرا علم بزه دییه‌جک که ، کندی نظرندہ ، علت ایقاع‌ایتدیکی حادثات صنفندن خارج، بر قدرت مولده دکلدر : بویه بر استطلاعک کندیسنه هیچ بر فائده‌سی یوقدر . علم شئون وحادثاتک ماوراسنده موجود اوله‌بیله‌جک شیلرله اوغراشمايور، یالکز حادثاتله علاقه‌دار بولئیور، اونلرک هانکی ظروف واحوال داخلنده تحدت ایتدکلرینی ، هانکی ترتیب ونظام داخلنده لایتغیر برصورتده بربرینی ولی ایلدکلرینی آرامقله اکتفا ایدیور، علمک نظرندہ برحادثه‌نک « علت » ی دیگر برحادثه‌دن عبارتدر، یالکز برنجی حادثه‌نک وقوعی ایچون ایکنجی حادثه‌نک اقدججه حاضر اولماسی الزم وکافیدر: یعنی بوعلت اختباری empirique وشائی phénoménal « شرط » در .

تعریفات سربست اولدیغندن ، علمک بووجهله اداره مقال ایتسنه هیچ برشی مانع دکلدر . بناء علیه علم « هر حادثه‌نک بر علتی اولدینی » بیان ایتدیکی وقت ، بوندن مقصدی بالتجربه معلوم ومتحقق اولان هر حادثه‌نک ماقبلنده دیگر برحادثه‌نک

بولنديغنی و بو مقدمك باشلیجه مستمر اولديغنی آكلا تمقدر . فقط بو حالدۀ اختیار علیهنده کی اعتراض نه اولیور؟ علم علل و اسباب حقیقه‌ی کشف و ادراك ایده مدیكنی بالذات تصدیق ، و عالمده وجودینی قبول ایتدیکی میخانیکیتك تماماً سطحی ، اضافی ، رمزی اولدیغنی ، و بونلرك ماوراسنده درین بر منبع قوانیت ، بر منظومه قوای حقیقه موجود بولنديغنی اعتراف ایلدیکی کبی اختیاری او قوتلر میاننه قویمنه بزی دعوت و اوکا او قوتلرك عالی و دها مکمل برشکلی نظریه با قلعغمزی تجویز ایدیور . [۱]

هر حالده ، دها خالص و مثبت بروجہ ملاحظه ده توقف ایتمش اولق اوزره ، اگر علم کائنات فیزیقه ده منتظم تعاقبلر کشف ایدیورسه ، اولری ظاهره اخراج ایتدیکی مواضعده ، یعنی ینه کائنات فیزیقه ایچون تصدیق ایتلدر . علمك کندی استنتاجاتی عالم معنویاته ، اخلاقیاته قدر تشمیله قالمشاسی ، یالکز جراتکارلق دکل ، غیر مشروعدر . فی الحقیقه ، داخل وجدانده ، اولان بیتن شیرك بر برینی تعقیب ایلمی ، ماده عالمده اولان تعاقبلر کی منتظم دکلدر ، اموروشون نفسیه نك تمامی تمامنه بر برینه بکزه مک اوزره تکرر ایتدیکی کشف اولنه مایور ؛ ثابت ، لایتغیر قانون کیت کیده قاحقده ، و هر حال بر حال مستثنایه بکزه مکده اولدیغندن بر حادثه

[۱] انسانك طبیعت حقنده ایدن دیکی ایلک فکر بودکلدر ؟ انسان تجربه نك کندیسنه کوستردیکی هر حادثه نك آوقه سننده ، او حادثه بی تأویل ایچون کندی نفسنده ادراك ایتدیکی قوته مشابه بر قوتك موجود و مؤثر اولدیغنه حکم ایدر ، بوضورتله طبیعت ده کندیسنه بویه بر جوق جانلی قوتلر ایله مالا مال کورینور . شو تصور قوانیه نك بر اثر توهم اولدیغنی کیم اثبات ایده بیایر ؟ علمك ، عالم خارجینك هر طرفنده حکمی جاری اولدیغنه قائل اولدینی ایجابیه ، او تصور سایه سننده حاصل اولمشدر ، زیرا او تقدیرده بوجانلی قوتلرك اراده به مخصوص مختاریته مالک اولمایوب برطاقم موجب و معین افعال ایچنده منجمد و غیر متحرک برهیئنده بولنامی اقتضا ایدردی؟ ایسته شتون و حادثاتك بر برینی تعقیب خصوصنده کی انتظامك سببی بو وجهه آكلا شلمش اولوردی . بوفرضیه ده ایسه انجاییه کلیه به اعتقاد ابتدائی دکل مستأخر اولق لازم کلیور ، زیرا انسان کندینی نمونه اتخاذ ایله کائناتی تصور ایتدکن صکره ، بالاخره تجربه نك و عقل مجردك اجباریله کندی نفسی ، طبیعت خارجی حقنده تجربه نك کندیسنه کوسترمش اولدینی مثاله ویا دها طوغریسی عقلك اونی تصور ایچون راغب اولدینی صورته کوره تصور ایتمش اولیور : یعنی عالم خارجی و محسوساتده کی ظاهری میخانیکیت تجربه بطن ایله مستحصل و حقیقی و داخلی قوانیت یرینه قائم اولمش بولنیور . بناءً علیه «**اختیار**» ك حقوقی محافظه ایتك ایچون بو استبدالی نظر اعتباره آلتی الویرردی : بو حالدۀ علمك تلقیسی رموزدن ، ایچون سویلاملی ، و همدن باشقه برشی اولمادینی دها ای کوریه بیلردی .

نفسیه‌نك قبل‌الوقع محقق اوله‌رق كشیف مستحیلدر . بر طاشی بر اقدیف‌کز وقت نه اوله‌جغنی امین بر صورتده سویله بیلیرسکز ؛ فقط بر کیسه‌نك، فلان حال ووضعیته ، بهمه‌حال فلان طرزده حرکت ایده‌جکشی او درجه قطعیتله سویله- بیلیرمیسکز؟ انسان‌کته‌لری و«بیوکرقلر» اوزرینه اجرای تبعات ایدن ایستاتستیکجی بیله بوندن عاجزدر !

بناءً علیه خالصاً علمی شکلی آئنده ملاحظه اولمق اوزره مبدأ علیته نه قدرزیاده قیمت ویریلیر، امورنفسانیه وروحانیه‌یی حوادث فیزیقه سلسله‌لرندن، عالم روحانی‌یی عالم مادیدن آیران فرقلر نه قدر تشدید اولنورسه، حریت بشریه ایچون قابو اوقدر زیاده آچلمش اولور .

بقای قوت اوزرینه مستند ایمایه‌نك تقیری . — بو تقدیرده بقای قوت مبدئی حقنده نه دیلمیدر ؛ فن میخانیکک تدقیق ایتدیکی بوجرد وذهنی سیستملر ایچون هایدی طوغرو اولسون ، بومکندر : فقط بو ذی حیات ، مشخص سیستمه ، یعنی بتون محتویاتیه برابر طبیعت اونی تطبیق وتشمیل ایلمکه حقمز وارمیدر؟ بوقانونه کوره بالجله امور وحوادثك اساسده متحد اولماسی ، ویالکز درجه حرکته‌لری اعتباریه متخالف بولماسی اقتضا ایدر . بونکه برابر « ماده » دن « هیات » م کیلنجه بونده ببتون یکی ، حقیقی برتکون وجود اولدیغنی تصدیق ایتک لازم کلزمی؟ شبه‌سز ، ذی حیات بر مخلوقده حیات ، وتعضودن ماعدا جسم جامدده‌کی فیزیقی کیموی خواصک هپسنی بوله‌بیلیرسکز : تعضو ایسه دیکر بر اصله ارجاع وتزیلی غیر ممکن، اصلی original ، تعضوله وجه مشابهتی اولمایان برشیدن نشأت ایتسی غیر قابل بررکندر . حیات ایله شعور دخی مقایسه اولدینی وقت حال ینه بویله‌در : یعنی مفکره طبقه حیات اوزرینه قونار ، شجره حیات اوزرینه آشیلانور ؛ فقط اوندن حاصل اولماز ؛ « ارمطر » نك ملاحظه عمیق‌ه‌سنه کوره ، مفکره طبیعتک کلاه‌طوغری اولان سیرنده یکی برترقیه دلالت ایدر، اصلی، نوعی موجودك بر شکلی تشکیل ایلر، بودخی کندی باشنه مستقل بر بدیعه خلقتدر [۱] .

[۱] حیات شعوریه *la vie consciente* ، حیات عضویه‌نك بر فوسفورلاشمه‌سندن phosphorescence باشنه برشی اولمادیغنی سویلک بیهوده‌در: مرحله شعور ، شعور اولق حیثیتیه ، ببتون یکی برشیدر .

حقایق‌اشیانك شوصنوف عظیمه‌سندن هر برنده دخی، بقای قوت مبدئی مطلق صورت‌ده‌اجرای حکم ونفوذدن محرومدر. «ماده» ده بیله بوقاعده‌نك برصورت قطعیه‌ده تحقیقی میسر اولمایور؛ بونك ایچون بعض وسائط تخمینیه ایجاب ایدیورکه بونلردن محروم بولنیورز. شبه‌سز، حوادث فیزیقیه‌یی بو مبدأ صانکه طوغری ایتمش کبی تتبع ایدیورز؛ بوحرکت علم ایچون مفید، قوه مدرکه ایچون قیمتلی، او یغون یرفرضیه‌در: فقط بویله بسیط بر موضوعه‌یی بر قانون نهائی وقطعی عدا تمکه نه‌حقمن وارددر؟ هایدی بوقانونی کائنات ماده ایچون اثبات ایدلش فرض ایده‌لم؛ او یله‌ده اولسه حیات وشعور ایچون معتبر اولوب اولمادیغنی بيلمك لازم کلیر. فقط مخلوق ذی حیات هیچ بروقت کندینه بکزه‌مامکدر؛ بعضاً اولجه ماناك اولمادیغنی برشیئی اکتساب ایدیور، بعضاً متصرف اولدیغنی برشیئی ضایع ایلور: قازانجلریله غائب ایتدیکی شیلرک بربرلرینی بحق تضمین ایدوب ایتدیکنی تحقیقه کلنجه، بونی کیم یاپاجق؟ بوندن ماعدا بو طوغری برشی کورنمیور: زیرا حیات هرشیدن اول برترقیدر، یعنی اقدجه موجود اولان شئك تحولی ده‌ها طوغریسی تکرری دکل، فقط اقدجه اولان شئه هنوز اولمایان شئك علاوه‌سی، سوزك قیصه‌سی «خلق وجوددر». شعوره دائر اولان خصوصاتده ایسه، قانون بقانك طوغری اولمادیغنی آشکاردر. اولاً حالات روحیه‌ده کیفیته عائد اویله فرقلر وارددرکه بونلرک بعضلرینی دیگر بعضلرینك تحولاتی عد ایلک مستحیلدر. اولردن هر برنی یکی برشیدر: مثلاً احساس‌عادی اوزرینه «تصریر»، یاخود حافظه‌اوزرینه متخیله انضمام ایتدیکی وقت، بونلر اویله یکی اصلی بعض شیلردرکه کندیلرینی اقدجه موجود عناصر تمامیه ایضاح ایده‌من. بوندن باشقه، شعور دخی، حیات مثللو، متمادی تغیراته معروضدر: دون مالک اولدیغیم بر ملاحظه‌نك یرینه بوکون اوکا ضد بر اعتقاد کلیر؛ حالاً محروم اولدیغیم بر اعتیاد یارین نفسه آیاق آتار؛ برلذقی اولجه پك شدتله طاتمشم، شیمدی ایسه بکا تأثیری اولماز وبرآز اول، بنی پك زیاده متحسس ایدن خزنه ارتق دوچار اولمایورم!

والحاصل بقای قوت قانونی ادا اولدیغنی کبی اصح اولمقدن اوزاقدردر: بلکه‌ده باطلدر، زیرا تطبیق اولنق ایچون تغیرات وتبدلات وقوعنی طالب اولدیغندن،

هرتغیری تام معناسیله مستحیل [۱] قیلمش و صانکه بوزلر ایچنده اولدیغی کبی ،
 باشند باشه طبیعتی عاقل براقش اولوردی . هر حالده بومبدأ خالص بر فرضیه دن
 باشقه برشی اولمایوب اختیاری انکار ایتک ایچون اوکا استناد ایلک پک قبا بر صورتده
 یا کلفدر .

ایچاپیر رومیه : دلیللری . — علمی ایجابیه نك دلیللری قطعی ونهائی دکلدر :
 یعنی اراده جزئی نك ایشه قاریشماسی ایچون بریر براقیورلر ؛ فقط بونتیجه بیله
 فائده سز دکلدر ؛ فی الحقیقه ، اختیارك بر اثر تومهدن باشقه برشی اولمادیغه
 امین اولمق ایچون انسانك نفسنه باقماسی الویرمزمی ؟ ایشه ایجابیه روحیه
déterminisme psychologique ته زی بوندن عبارتدر . فقط تحف شی ،
 روحیات علماسنك چوغی ، بوسسوتهیه تبعاً ، اختیاری اثبات ایچون ، مناقشه
 قبول ایتدیکنی اعلان ایلدیکلری شهادت وجدانه استناد ایلدیکلری حالده ، انکار
 ایدنلر دخی ینه وجدانك شهادتنه مراجعت ایدیورلر .

فی الحقیقه ایجابیه روحیه تجربه باطن ایله حاصل وثابت واقعاتك تیان صحیحی
 اولدیغنی بیان ایتمکدهدر . وجدانی استجواب ایده لم : افعالزك ، نه قدر اهمیتسز
 اولورسه اولسون ، بزم او فعللری ایجاب ایتدیرن بعض اسبابی اولدیغنی خبر
 ویرمزمی ؟ مسئلهیه وقوف ایله حرکت ایتك ، انسانك خاصه سی دکلدر ، برده اکر
 بوافعالیزی تدقیق ایده بیلیمك ، بو فعلی نیچون ترجیح ایدوب دیکرینی ایتدیکمزی
 بیلیمك دكلسه نه دیمکدر ؟ اکر مشورت ، اك ای سبب ، اك مصیب وکندیسنه
 مطاوعت لازم کلن جهت هانکیسی اولدیغنی صورت صحیحده تخمین ایتمکن
 عبارت دكلسه نهیه یارار ؟ والحاصل هر اراده ایتدیکمز زمان ، بهمه حال
 او یولده ، فعل ایچون بر سبب ، سائق واردر . او حالده اراده یی ایجاب
 ایدن سائقدر : سائق ایسه هر نه ایسه اوندن عبارت اولدیندن ، فعل باشقه بر یولده
 اوله ماز ؛ باشقه درلو اولماسی ایچوق باشقه بر سائقك اولماسی لازمدر . بناء علیه
 اختیار ، بلا سبب فعل ایتمکن باشقه برشی اوله ماز ؛ كذلك طبیعتده تصادف نه
 ایسه اوکا مشابه ، مستبد ، هوسنه تابع بر قوت اولماسی لازم کلیردی . بویه برخالی
 اورتادن قالدیرلم و حقیقته رجوع ایده لم : اراده بر میزاندرد ، سائقلر ایسه درهملردر ؛

[۱] بوترو Boutroux نك قوانین طبیعتك امکانی عنوانلی اثرینه باقماسی .

ترازی ناصل هر وقت الك آغیر در هملر جهته اكيليرسه، اراده دخى الك قوتلى سائق جهته بالضروره ميل ايدر. والحاصل، سائقسز ارتياد يوقدر، ارتياد هر وقت غالب اولان سائقك محصله سيدر.

ايجابيه نك شويكى وضعيتى نهدن عبارت اولدينى كوريليور. علمك دلائلى، وبالخاصه مبدأ عليتى مناقشه ايدرک، اراده ي برعليت حقيقه، قدرت قوانيهمقامنده مدافعه امكانتى تصديق ايتمشدک. فقط بوقدرت افعاله عالمدر، وبرطرزفعلى اختيار ايتمى مطلقا برسببه منيدر: بناءً عليه اونك فعلى ايجاب ايتدين بوسيدرد: يوقسه بوسيددن دولايى موجب اولان اراده دكلدر؛ خير، بوسيبك برقيمت ذاتيه سى وارايدي واراده يه قرار ويرن اودر. بوبى فائده بر هويتدن entité باشقه برشى دكلدر، هيچ برشيتك سببى دكلدر، ايجاب وتعيين بالذات سيددن نشأت ايتكمده در. اختيار علمينده كى اعتراضك هپسى ايجابيه نك بوشكلنرجوع ايدىيور: ادا اولنان علمى ايجابيه اساسنده ايجابيه روحيه يه اينيور: بر فعل ارتيادينك «مقدم على» سى آنجق ذهنده حاصل بر فكر ويا حساسيت مزده متحصل بر شوق اوله بيلير؛ بومقدم على كذلك بعض قوتلرك «تحول» ي، محصله سى دخى دكل آنجق بعض دواعى عقليه وسوائق حسيه اوله بيلير.

«اسبابيه غير متأثر» اختيار نظريه سى — La liberté d'indifférence بو يكي دليللر حقتنده نه دوشونمليدرد؟ اختيارك بعض طرفدارلرى، كندى نظريه لرنى صوك نتيجه لرينه قدر ايصال ايدرک، اراده نك هيچ برسبب وسائقه محتاج اولمقسزين، كندى كندينه برشيتنه قرار ويرمكه مقتدر اولدينى اعا ايتمشلردر: بونلرك قولنجه دواعى عقليه خارجه فعلاً وجودى اولان حقايق دكل، بلکه بعض عادى صور ذهنيه دن عبارت اولديندن، بواعباراياله اراده اوزرينه هيچ بر تأثير اجرا ايده مزلر. ايشته «اسبابدن غير متأثر» اختيارى نظريه سى بوندن عبارتدر. بوريرامه ه [۱] اسناد اولنان مثال مشهوردر: قازنى آجقمش بر اشكى ايكي اوت دمتى آرمسنه قويمشلر،

[۱] اون دردنجى عصرده كى اسقولاستيك حكما ساندرد (وفاتى ۱۳۵۸ سنه سندن صكره در). قازنى آجقمش وصوصامش بر اشكك بر طرفنه بر قووا صو ديكر ياننه و مساوى مسافيه بر دمت اوت قويمشلر. اشك هانكيسندن باشلايه جفى بيله ماش، اوله صوى انچوب صوسزلغنى مى كيدرسين، يوقسه اوتى ييوب قازنى مى طوپورسون؟ بونكله برابر بوريدانك اثر لرنده بو مثاله تصادف اولنمامشدر.

بو دمتلرک هر ایکسی اشکدن مساوی مسافده بو انورمش، وینه هر ایکسینک منظره سی بر برینک عینی و مساوی درجه جالب اشتا ایش؛ ایجابیه طرفدارلری دیورلرکه، بواشک ایچون او دمتلردن برینی دیکرینه ترجیحاً یمکه باشلامق اوزره بر سبب اولمادیغندن آچلقدن اولمک مقرردر؛ اختیار طرفدارلری ده دیرلرکه سبب اولمق سزین ویا اسباب متضاده مساوی قیمتده اولدینی وقت، اراده بر شئی ترجیحه مقتدر اولدیغندن، اشک او دمتلردن برینه هیچ بر فرق آلامق سزین صالدروب، صکره دیکرینی ییر. بوسور بوجه ملاحظه یی قبول ایدیور: بوسور شویله دیور: «صاغ آغامدن زیاده صول آغامله یوریمک ایچون بر سبب و مجبوریم یوقدر: بونکله برابر قالقار ویوریرم؛ یعنی بو فعلمده مختارم.» رومر کده مثالی معلومدر: اوده یه جک بر بورجکز وار، کینه لرده «کینه، انکلز لیراسی دیمکدر» ماصه کز اوزرینه دیزلمش؛ اونلردن بر دانه سنی آلیرسکز، فقط اونلردن برینی دیکرینه ترجیحاً آلامسکز، زیرا هبسی عینی قیمتده در: بو حالده فعلکیزک هیچ بر سائق یوقدر، بو فعل منحصرأ اراده کزدن نشأت ایدر، بو جهته تماماً سربستدر.

مع التأسف بتون بونظریه غیر قابل قبولدر و ناقص بر تحلیل اوزرینه مؤسسددر. رومر ک ایراد ایتدیکی مثالی آله م: اول امرده برانکلز لیراسی آلمنی اراده ایتدم، فقط بونک مکمل بر سائق واردی؛ بو سائق بورجی اوده مک و بوندن چکندیکم حالده تولید ایده جکی ناخوش نتیجه لردن عبارت ایدی: بناء علیه ارتیاد اولدینی کبی، سائق اراده دخی واردی. بالکس، اولیرالردن بر معینی دیکرینه ترجیحاً المقلغم ایچون هیچ بر سبب یوقدی، زیرا اونلرک هبسی بر قیمتده درلر؛ بناء علیه حقیقت حالده اونی آلمنی اصلا اراده ایتامشم دیمکدر؛ بونک دلیلی شودرکه، اگر اولیرا قلب چیقسه یدی، مسئولیتیه دوچار اولمایه جقدهم. قرار سزلق ایچنده بر ایش اولدیغم شینک تعینی همتنی ظروف واحوال خارجیه، مثلاً اعتیادات آله عضویه مه تودیع ایشم اولیورم: یعنی فعل، «أنا» اولمایان اسباب تأثیریه وقوعه کلش بولور. رومر ک مثالی ایجابیه علیهنه بر دلیل اولمق شویله طورسون، اوکا تماماً حق و بریویور: هر زده اراده وارسه سائقده واردر؛ هر زده سائق یوقسه، اراده ده یوقدر.

والحاصل، بذهاب بربرلینه تماماً مخالف ومقابل ایکی شیئی مزج ایدیور. اختیار هوا وهوس دکلدر؛ اختیار، متأمل وعلم برقدردن باشقه برشی اوله ماز: هر نه زمان برشی اراده ایدرسه که هردفعه سنده، برسائق واردر، وبویه برسائق اولق مقتضیدر: حتی اراده ایتمک، یعنی ارادتمزی تسخیر ایتمک، اوئی باشقه لرینه ویاخود بالذات کندیمزه اظهار ایتمک ایچون اراده ایلدیکمز وقت ینه المزد بر سبب واردر: یالکمز، دلی، حیوان نه یابدقلرینی واونی نیچون یابدقلرینی بیلمکمزین فعل ایدرلر؛ بناء علیه اراده ایتمزلر. اختیار، کندیسنه طرفدارلق ایدنلردن بعضلرینک اوئی قویدقلری یرده قائم اوله ماز، فقط بوندن اختیارک موجود اولمادینی نتیجه سی چیقارمی؟

ایجابیه رومینک مناقشی. — اراده یی هایدی برهویت خصوصیه عدا یتکی انکار ایتسونلر، بونی قبول ایدرز: کچن درسده سولشده، اراده بزم کندیمزدن، بئلکمزدن عبارتدر: او حالده انا ایله بالذات دواعی عقلیه آده سنده کی مناسبات نه دن عبارتدر؟ ایشته بتون مسئله بوندن عبارتدر. فعلی تعیین وایجاب ایدن شی، اک قوتلی سائقدر دینور: شبه یوق، فقط اک قوتلی اولان سائق هانکیسیدر؟ سائقلر ذاتمزدن خارج، وایچمزه خارجدن داخل بعض شیلر میدر، اونلرک حصوله وموجودیتنه بزم هیچ بردخلمز اولمایورمی، صانکه ایچنه درهملر آیلان برترازی کچی بوایشده برعلاقه وتأثیرمز یوقیدر؟ برده بوسائقلر ثابت ومستمز بعض کیاندن می عبارتدر؟ اصول اعشاریه مزه منسوب درهملر کچی، تماماً غیر شخصی، وبردفعه یه مخصوص اولق اوزره تماماً تعیین اولنش بر قیمت مطلقه یه مالکمیدرلر؟ حقیقت، اگر ایجابیه، حیات انسانیه ده، افعال مختاره نك ظن اولندیغندن زیاده نادر اولدیغنی، وافعاللرک اکثریسه تعلق ایدن خصوصصانده، تماماً سطحی، نفسمزه همان همان ییانبی، وآنامزک کندیلرینه علاقه دار اولمادینی، بعض قوری سائقلره، افکاره، احتیسانه مطاوعت ایله اکتفا ایتدیکمزی سولش اولسه یدی، حتی اولوردی: هر بریمز ایچون، اعتیادآمزه، مسلکمه کوره، کونک هر ساعتی داخل شعوره تداعی قانونی واسطه سیله بربرینه باغلی برسوری صور محسوسه یی نقل وایصال ایدر، که بونلر بالطبع اونلری موقع فعله چیقاره جق حرکتلره بادی اولور. هر حالده، بزدهخی، کندیسنده تحدت وظهور ایدن استحضاراته مطاوعتکارانه

تبعیت ایدن حیواندن باشقه درلو حرکت ایتیمورز، بزده میخانیکی، غریزی بر حیات ایله یشایورز، بز بعض یاپدیغندن خیر مذ-ساقی ماکنه لرز. ایشته، ایجابیه پک متعدد ایلان بوافعاله اوینون کلیر. اعتراف ایده لمکه، دها آغیر وجدی ظروف واحوالده، رخاوت تأثیریه اختیارمزدن فراغت ایتکلکمز و ذاتمزد، ذاتمک دخل و تأثیری اولمقسزین بعض افعال وقوعی تجویز ایلکلکمز. جوق دفعه واقع اولور.

بونکله برابر بعضاً اوپله مهم، اوپله جازم حالدرده اولورکه کندیمزی طوبلایه رق، اعتیادلرمزی قیرار، شو صنعی و کوره نکه مغلوب بئلکمزدن یاقایی صیروب بزی بزدن صاقلایان و کندیمزی ینه کندیمزه قارشی اورتن شو کثیف برده یی پارچه لارز: بوتقدیرده ذاتم کندی ذاتی قارشوسنده ایرکیلوب حال و وضعیتی ملاحظه ونه یاپمقله مکلف اولدیغنی تأمل ایلر. آرز جوق نازک بویله آنلرده انسانی عادی، عاطل، مطاوعتکار، ونه طرف آغیر باصارسه اوطرفه اکیلکمه محکوم بر ترازیه بکزتمک باطلدر. فی الحقیقه اوتقدیرده تأمل ایلرز، دواعی و سوانق آرتق بزدن خارج ومستقل شیرلر اولمایوب، کندی اثر اختراعمزد، اونلری آراز، و ممکن اولدیغنی قدر مقدارلرینی چوغالتمه جهد ایدرز. بوجمله، بوراده سائق کندی ذهن ذاتیمز، کندی طرز محاکمه مز، کندی وسعت و صمیمیت فکریمز، کندی خاطراتمز، وتجربه مزله برلکده، بالذات کندیمز اولدیغنی کیم کشف ایتمز؟

بونکله برابر هبسی بوندن عبارت دکل: بوسائقلرک بر قیمت مطلقه وثابته سی یوقدر؛ بونلر «اشیا» دکل «ترقیات» در: مشورتک هر آننده تحولاته معروضدرلر، بعضاً ضعیفلرلر یا خود قوتلنلرلر، حقیقی بر تکامله تابع اولورلر، اوصورتله که ایچلرندن بری، اول امرده اک ضعیف کورندیکی حالده، اوکا عطف ایتدیگمز تأمل ودقت سایه سنده، نهایت دیکرلرینه تفوق ایدر. بناء علیه سوائیک قیمتی اولجه معین دکلدر، اوقیمتی یاپان بز، اوقیمته بحسب الذات شخصی بر امثال coefficient واردر، بونک ایچون هر بریمزه کوره دکشیر: ایکی شخصی عینی ظروف واحوال ایچنه قویکمز، اونلره عینی سائقلری ویریکمز؛ هر ایکیمی باشقه درلو عمل ایدر، چونکه اوایکی کشی آری آری بر شخصدر: اونلرک بریسی بعض سبیلری قبول ایدر، اونلره دیکرلرندن زیاده قوت ویرر، حالبوکه

دیگری اوسیلری رد ایدر، حتی اونلرده توقف بيله ایتمز، زیرا طبیعتنه موافق و خیالنه ملایم گلز.

حال بویه اولنجه، بالذات ایجابیه‌نک دستوری قبول ایده بیلیرز، چونکه، بودستور اختیاری ایحا ایتمک شویه طورسون وضع و اثبات ایتمکده در. اوت، عمل ایتدی کمز وقت، دائماً بر سائق واردر: فقط بوسائق شخصیت کندینه قلب ایتشدر، شخصیتک علامت فارقه‌سی، لون مخصوصی اونده متجلی اولمقده در، اودرجه‌ده که اوسائق ایله شخصیت بربرینه تماماً قاینامش و حقیقه هرایکیسی برشی اولمشدر! پک اعلا، او حالده، ایجابیه‌نک سرد ایتدیکی اودلائل نره یه منجر اولور؟ فعلی الک قوتلی سائق تعین و ایجاب ایتش اولماسی، اونی کندیمزک تعین و ایجاب ایتش اولمقلغمز، یعنی موجب اولمق، مختار اولمق دکلیدر؟ بناءً علیه ایجابیه، حقایق انبیای تحلیل ایتش اولمق ایچون اجزاسنه تفریق ایدن تجریده، وبونک کبی عقل مجردک و هرشیئی بولندیفی حال اوزره براقان نطقک مقتضیات و ایجاباتنه آلدانمش اولور. اولاً اراده ایله سائق، یعنی اونی تصور و تشکیل ایدن ذهنی بربرینه مبین عد ایلمسی حقسزدر: ایجابیه اونلری صانکه بربرندن آری، بربرینه دشمن ایکی قوت کبی صایور، حال بوکه اونلر، دوشونن، حکم ایدن، وبالا آخره تفکر و حکم ایتدیکی وجهله عمل ایله‌ین، غیر قابل انقسام شایع indivis عینی بر موجودر. فقط ایجابیه‌نک الک آغیر خطاسی، بر حرکت متماذیه ایله مشورتدن فعله کچن آنانک فعالیت عظیمه سنی کور مامسی ویا انکار ایلمسی، واقعاتی میخانیکی برشکلده ایضاح ایتسی، و بو تاویلی وجودمزک حیاتی، ترقی قوانینسی یرینه قویماسیدر. ایجابیه بر فعل واقعی کندینسه تقدم ایدن سائقه حمل ایدیور: بومشکل دکلدر؛ اگر تأثیر باشقه درلو اولسه‌یدی، ینه اوکا حمل ایتمکدن کیری قالمایه جقدی: بو تاویل کینی، سطحیدر، زیرا سائق، فعل، بونلرک هپسی لسانک سهولتی ایچون طوندیرلمش، جامد بعض معانی مجرده‌دن باشقه شیر دکلدر، بونلرک هپسی، آنانک، غیر قابل تفریق فعلی، توتری، و ترقیسیله برلکده، کندیسیدر!

ایجابیه‌نک کیف وهوسدن عبارت براختیاری رد و انکار ایتمکده حتی واردر، فقط ذهنک نفعنه اختیاری خذف و الغا ایتسی حقسزدر: درینجیک تمیزی وجهله، ذهن «اختیارک روحیدر»: مختار اولمق دیمک، بیلهرک، تأمل ایله، انسانک کندینسک

کندی ایچون احدات ایتدیکی سوانق اوزرینه فعل ایلسیدر، بوسوانق فطرت ذاتیه مزک سلامت فارقه‌سنی حامل اولدینی کبی اونک قیمته‌ده واقفز. افعالمزی ایجاب وتعین ایدن سوانق اولمایوب، فقط کندی ساقلمیزه کوره افعالمزی بزتعین ایتکده‌یز. ایشته حیوان ایله انسانک خط حرکتلرینی هر وقت آیران شی بودر: حیوان نفسنده طوغان صورت محسوسیه درحال تبعیت ایدر؛ انسان تأمل ایده‌بیایر، کندی طوبلایه‌بیایر، استحضارات ذهنیه‌سنی معاینه واونلری اضطراریت میخانیکیه‌دن تخلص ایده‌بیایر. ده‌ها زیاده‌سنی‌ده یابابیلیر؛ حیوانک طبیعت طرفدن مستحضر بر فکر یکانه‌سی اولدینی حالده، انسان، کندیسنه خارجدن وارد اولان افکارک یاننده، تأمل سایه‌سنده، بالذات دیگر فکرلر خالق وایجاد وبونلری تکثیر ایده‌بیایر، بالخاصه ده‌ها یوکسکلرینی، وکیت کیده ده‌ها صاف، و محسوساتدن قورتلش، کیت کیده ده‌ها عمومی، وکیت کیده ده‌ها جوانمردانه، ده‌ها بیغرضانه، یعنی اخلاقی اولانلرینی تصور ایله‌بیایر؛ انسان کندی ابداعات ذاتیه‌سنه توفیقاً، و کندی عقل ذاتیسیله کندی ایچون خلق ایتدیکی مفکوره‌یه امثالاً حرکت ایتدیکی وقت، آرتق افعالی خارجی بعض سوانقک تحت اجارنده وقوعه کلپوب، آنجق اونک نفسندن صادر اولمقده، اوکا مختص، وخلاصه مختار بولمقده‌در [۱].

اثنیاء قابل اثباتمیر؟ — بودرسک باشنده، عجا اختیار حقنده کی اعتقادمن اساسی برشیمیدر دکلیدر دییه صورمشدق: بوعتقادک وهمی اولدینی هیچ برشی اثبات ایتیور، بالعکس هرشی اوکا پک اساسی برشی نظریله باقتلغمزی تجویز ایتکده‌در. شه‌سز، ده‌ها مشکاپسند واقاعی ده‌ها مشکل کیسه‌لر اختیار حقیقه قابل اثباتمیر؟ وبوباید اقامه اولنه‌بیلدیکی ظن اولتان دلائل عجا علیمده ایراد اولتان دلائلدن ده‌ها جازم و قطعیمیدر دییه صوراجقلردر.

اولا، ویریلن نصیحتلردن، وعدلردن وایدیلن رجا لردن مستنبط شو اسکی ومشهور دلیلک بریانه بر اقلماسی لازم کلدیکی، یاخود ده‌ها طوغریسی، بونک اختیاری اثبات

[۱] بوفکر ده‌قارتک تلقیسه مطابقدر، ده‌قارته کوره ادب و اخلاقیات ایله متحد وتوام اولان اختیارک معنایی احتراصه دکل عقله کوره حرکتدن عبارتدر. فی الحقیقه هیئت عمومیه‌سی عقلی تویم ایدن فکرلر وبالخاصه افکار اخلاقیه حادثات میخانیکیه‌ده مدبر اولدینی ظن اولتان ضرورته منقاد دکلدر.

ایتمک شویله طورسون ایجابیه‌نک تماماً لهنده اولدیغنی مقام اعتراضده سرد ایله جکلردر . [۱]

فی‌الحقیقه ، اختیار فرضیه‌سنده ، رجالر ، تهدیدلر ، نصیحتلر ، بونلرک هپسی باطل وفائده‌سزدر : سزه یالوارمق ، اراده مختاره‌کز سایه‌سنده بئم شو یالواریشمه اصلاً اهمیت ویرمامک اقتدارکز داخلنده اولدیغنی بیلدیکم‌حالده ، نه یارار؟ بالعکس ایجابیه فرضیه‌سنده ، اونلرک اسبابی تماماً اکلاشیلیر وهپسنک بر حکمت وجودی وارددر : یعنی بونلر ترازینک برکوزینی اکدیرن وتأثیر مطلوبک حصوله بادی‌اولان درهملر مثابه‌سنده در .

اختیارک موجودیتنی اثبات ایچون هان عموماً قبول ایدلش دیگر مشهور بر دلیل وارددرکه « وجدانک طوغریدن طوغری‌یه شهادتندن » عبارتدر ، بودلیله‌ده اونظرله باقق لازم کلدیکنی سویله جکلردر . شویله‌که اختیار اول امرده ملموس ، مرئی برواقعه دکلدر : حالبوکه بوشروط اولمازسه اختیار حقیقه مناقشه ایتکم ممکنیدر؟ دیگر طرفدن او وجدان اختیار ایچون اولدیغنی قدر ایجابیه ایچون‌ده شهادت‌ایلر : یعنی وجدان کندیسنه سوبلتدیریلن شیئی سوبلر . هپسی بوقدر دکل . اختیارمزک وجودندن صورت مطلقه‌ده امین ، تأثیرک بزدن صادر اولدیغنه ، اونلره یالکز بزم ادعای ابوت ایده‌بیله‌جکمز . واقف اوله‌بیلیمک ایچون ، بر آن معینه اوزرمزه اجرای عمل ایدن اسبابک هپسنی بیلیمکه واونلردن هیچ بریسنک حصول فعله مدخلی اولمادیغنی کشفه احتیاجز وارددر ؛ فقط بومستحیلدر . برجهتدن ، وجدان روحک هرطرفنی احاطه ایتبور ، اونک بعض قراقلق کوشه‌لری وارکه وجدان اورالرینی تنویر ایلور؛ حالبوکه بیکلرجه کیزی نفوذ وتأثیرلر هیچ خبرمز اولمادیغنی حالده حصول فعله بزمه برابر مداخله ومعاونت ایده‌بیلرلر . فی‌الحقیقه بوسبیلرزه ممانعت ایتدیکه ویا ده‌ها طوغریسی بز اونلره مخالفت ایلدیکه معلومز اوله‌ماز . فقط شاید اراده ایله برلکه عینی استقامته کوره اجرای تأثیر ایدرلرسه بووقوفی ناصل کسب ایتلی؟ بناءً علیه ، افمازلرک علل موجب‌ه‌سی اولدیغنی حس‌ایتمه مکملکمزدن ،

[۱] اختیاری اثبات ایچون دلیل اولوق اوزره اکثریاً امضا اولسان عقدلری ، ایدیلن وعدلری ، عرض اولسان نیاز ورجالری ذکر ایدولر : اکر انسان مستقبلاً مختار اولماسه بوفعللرده بولنه‌مازدی دیرلر .

اونلرك علل موجبہ سی اولمادیغنی حس ایتدیكمزی سویلہ میز: «افعالزده کی استقلال و مختاریت حقیقه کی شعور مفروض احتمال کہ تابعیت می عدم شعور دن باشقه برشی دکلدر. [۱] وقتیلہ امینوزانک کورمش اولدینی شی ده بود کیدی؟ «امینوزا دیورکه، اراده جزئیہ قائل اولمقلغمز، بزی تحریک ایدن اسبابہ جهلمزدن نشأت ایدر» بریل ده دیورکه، بزی روزکار فرلداغنه بکزه تمک قابلدی، بوفرلداق، مثلاً شمالہ دونمک ایستہ دیکی وقت، اونی بر روزکار ضربہ سی او مقصدینہ نائل ایدر، فقط فرلداغک بوروزکاردن خبری یوقدر؟ بوجہتلہ موجب اولان بر حرکتی مختار ظن ایدر.

شہسز، بونلرك ہبسی طوغری اولہ بیلیر؛ فقط ہیچ اولمازسہ روحیانک وجہ ملاحظہ سہ کورہ، اختیارک ایجابیہ قدر حقوقی واردی. اولا بتون ظواہر اختیارک لہندہ در؛ ثانیاً اگر افعالزک موجب اولدقلرینی حس ایتہ مکملکمزدن، اونلرك اصلاً موجب اولمادقلرینی حس ایتدیكمزی سویلہ مزسہ، ادعا اولنان شوعلل موجبہی حس ایتما مکملکمزہ ابتداء، بوعلتلك ینہ موجود اولدقلرینی بیانہ مأذون اولہ بیلیرمی ز؟ والحاصل، ارادہ مزک ایشہ فعالانہ مداخلہ ایتدیکنی، انا مزک علی۔ الدوام ترقی وانکشاف ایلدیکنی قلبمزدن واسطہ سز اولہرق حس ایدیورز، بوجہتلہ بواحتساسہ قارشہ ہیچ بردلیک فائیتی اولہماز. ارادہ نک شو مداخلہ سی ذی حیات، مشخص بر فعل دیمکدر، انا اوفعلدہ کنیدیسنی حر حس ایدر وکندی ذاتی زمانہ غیر تابع، تحلیلی ناقابل، بسیط برامر اولمق اوزرہ اعلان ایلر. یالکوز، اوکا رجوع ایدنجہ ووقوع بولمق اوزرہ اولان فعلک یرینہ، فعل واقعی اقامہ ایلہ نیجہ، اونی اجزاسنہ تفریق ایدرز، قیراز، یرینہ مجرد ومیخانیکی بر علامت قویارز، بونک اوزرینہ درحال فعالیت عطالت، اختیار ایجاب اولور. بونک ایچوندرکہ انسان کندی اختیارینی کنیدینہ ایضاحہ یاخود آکلاتدرمغہ قالقیشنجہ، لاجرم ایجابیہ وارش اولور. [۲]

اھنبار مقدرہ تعیم استدرول. — فضلہ اولہرق، کافی درجہ ده کوسترمشدک: باشقہ ہر درلو دلیل مفقود دخی اولسہ، بعض دلائل معنویہ اختیارک وجودینہ

[۱] فریم نک La liberté et le déterminisme کتابنہ باقلماسی.

[۲] برغسورہ نک Les données immédiates de la conscience کتابنہ باقلماسی.

شهادت ایتکدن خالی قالماز . اولاً وظیفه انسانک ذمت مکلفیتنه ترتب ایتکده وکنیدسنه مطاوعتی اقتضا ایتکده در : وظیفه اینانمقده بر وظیفه در ، اختیارک موجودیتنه اینانمقده اولیه بر وظیفه در ، زیرا بو اعتقاد اولمازسه ، قانت ک اثبات ایتش اولدینی وجهله ، وظیفه نك وبونک نتیجه سی اوله رق اخلاقیته دائر اولان بتون مفهومات اساسیه نك معناسی قالماز . اختیارک وجودینی تسلیم ایتک ، یالکز بر فعل اعتقاد دکل ، بر مکلفیت حقیقه در ؛ بو اولمازسه ، حیات انسانیه معناسی ضاح ایدر ، استقامتی شایرر ، احتراصاتک هبسی مشروع اولور . ایجابیه مدعاسی هروقت مغلوبیته اوغراده جق ، بعض عقولک ، نتایج ومحازی رینی دوشونمکسزین ، نظریاً قبول ایتدیکلری اومدعای اونلردن بالعمیل طیشاری به آتدیره جق اولان کیفیت بوندن عبارتدر . [۱]

ایجابیه انسانک وجدانی یارالار ، عصیان مجبور ایدر ، ایجابیه علیهنده اوند غریزی وفوری برصدای اعتراض یوکسلیر . ایشته بحق بو سبیلهدرکه ، ایجابیه نك ظواهری علماً نه قدر اصح اولورسه اولسون ، بوذهاب عین حقیقت دکلدر : « نفسمزده بو ویا شو مسلکدن système دهاقوی برشی واردر ، بومالک اولدینی ذاتی واساسی شیلرله برابر حیات انسانیه در ، بر مسلک ایسه انجق اوکا استاد ایدرسه قویدر . » [۲]

غیر اخلاقی بر ذهاب باطلدر : رابله Rablais نك تصویر ایتدیکی پانتاغروئلک تعمیری وجهله « وجدانسز علم اوله ماز » .

تطبیقات عملیه . — اختیارک هرود وشرائطی . — بونکه برابر ایجابیه ده شایان قیدوتذکار برحقیقت مهمه واردر . اختیارمز یالکز کسک کسک intermittent اولمایوب ، حیاته ظن اولندیغدن پک آز مداخله ایتکده وبعض حدود ایله مقید بولنمقده درکه بونک انکاری غیر قابلدر . اختیاره اکثریا مطلق ، غیر مشروط ، هیچ برشی صایمیان ، هرزمان بتون تمامیتله برابر ، عینی قوتی محافظه یه مستعد بر قوت نظریه باقیورلر . بویه بر تلقی طوغری دکلدر : اختیار ، هر نه اولورسه

[۱] بورژه Le Disciple نك Bourget کتابندن .

[۲] ربقاردو Ricardou نك De l'idéale کتابندن .

وهره‌انکی حال و وضعیتده بولنورسه بولنسون هر شیئی یا بئغه مستعد، هیچ بر رابطه ایله غیر مقید کرامت آسا بر قدرت دکلدر .

اولا اختیار ایله بعض شرائط میاننده نمایان اولیورکه اونلری کنیدی وضع ایتماش، ایله بر ساحده متجلی اولیورکه اونی کنیدی خلق ایتماشدر؛ یعنی دها چوقدن ایجاب ایله مقید دیمکدر . دها طوغارکن خصوصی بر فطرتمز، ذاتی بر مزاجز واردر؛ بابامزدن میراث اوله رق بر سوری خصوصی قابلیت واستعداده صاحب بولنیورز . ثانیاً اختیار آلمش اولدیغمز تربیه، بزی ایچنده بیوتدکلری محیط اخلاقیه تابعدر . بوندن باشقه هر قرارک داعی و سائقلری واردر، بونلرده، هیچ اولمازسه قسماً، دکشدرمی المزدن کلکین علل و اسبابه باغلیدر . تجربه مزنه قدر زنکین، ذهنمز نه قدر کنیش، محاکمه مزنه قدر طوغری، کذلک قوه تأملیه مزنه قدر درین، حساسیتمز نه قدر شدید و مهذب و مضبوط اولورسه اختیارمزده اوقدر بیوک اولور .

شونی‌ده اخطار ایدم که اراده دخی کنیدی تعینات مسبوقة‌سه، اولجه کنیدی ایچون احداث ایتمش اولدیغی وضعیاته، اخذ ایتدیکی و یا نفس‌مزه دخولنی تجویز ایتدیکی اعتیاداته تابعدر . آشکاردرکه بوراده، اراده مزله تشریک مساعی ایدن و «تعاون و تناسر اخلاقی Solidarité morale» تسمیه ایتدکلری قوتی احداث ایله بن بو متعدد نفوذلرک هپسی حقنده مکمل بر تحلیل یا پامایز؛ یالکز شو قدرینی سویله یه لم که اختیارمز «محدود اولوب هیچ بروقت مطلق، و غیر محدود بر استقلالیت دکلدر» [۱]؛ بو هر جنسندن بیکلرجه ایجابات ایله مقید، محصور، هر درلو دشمنلرک تهدیداته متبادلاً معروض، نارین، آزالغه، و عاقبت تسلیم اولغه مستعد بر قوتدر . ایشته اختیارک یالکز مختلف اشخاصده باشقه باشقه اولماسنک دکل، شخص واحده دخی نظر اعتباره آلدینی آنه کوره متبدل اولماسنک سببی بودر .

انسانک کنیدی نفسی مقننه کی یقظی . — شو حالده بو حقیقتی اعتراف ایتکده هیچ بر محذور یوقدر : بالعکس، انکارنده تهلکه واردر . اولا باشقه برینه قارشی حقسز اولوق، کنیدیلرینی، نه بیلدکلرینی و نه یه مقتدر اولدقلرینی اقدمجه آراشدر مقسزین،

[۱] ماریون ک Solidarité morale (کتابندن) .

پك عجله محكوم ايتمك خطرینه پك زیاده معروض بولنورز . فقط ، اراده مزی .
كلوب بالتدریج باغلايان بندلرك هپسنى ، بردن بره ، و بر دفعه ده قیره بيله جكمزده
قانع اولورسه ق نفسمزه قارشى تيقظى براقمش و بعض اعتیادات سيئه نك روحزه
كیرمش اولماسنه مساعده ايلمش اولور و نهایت اختیار مزی الده ایدمه جك برحاله
دوشمش بولنورز . قوتلریمزه كوو نه مه لم ، خیالاتدن صاقه لم ، نفسمزه قارشى ،
هر وقت كوزیمزى آچم لم . بر طرفدن ، نه قدر ممكنسه ، كیزلى سبیلره كسب و قوف
ایده لم ، بونلری طایبق ، كندیلرندن خلاص اولمق ایچون اك ای چاره در . دیگر
طرفدن اراده نى تقویه و تنیه ایدمه جك شیلره چالیشه لم ، حقیق بر ذهن ایشیغه
وسكونت معنوی به مخصوص دملری چوغالتمه باقالم .

اختیار كرمكلى : هو جفك بونزه سهر ایتسنده كى محذور . — بوندن باشقه
هیچ بریشنى مبالغه ایتامیلدر : شبه یوق كه غیر محدود ، تام براختیاره مالك دكلز :
فقط هیچ اولمازسه اونك حداقلنه ، بر تخمه مالكز ، بوقدری ایسه بزه الویرر ،
زیرا اقدامزله ، ثباتزله اونى هر وقت دهها زیاده بیولدر و دهها زیاده قوتلدر بیلیرز .
ایشته بوده دیگر بر حقیقتدر كه كندیسه بتون قوتمزله باغلا نملغمز ایجاب ایدر ،
بوقاعده نى چوجفك قلبه حك ایتیلدر . اوت ، اختیار جزئیدر ضعیفدر ، بونكه
برابر موجوددر . بعض قیود ایله مقیددر ، ایله اولسون ! فقط تماماً اسیر دكلدر ؛
بالخاصه ، اكر قصد ایدرسه او قیوددن قور تلمه ده چالیشر ، و كیت كیده دها كیش
و تام بر موجودت قازانه بیلیر . چوجفه اختیارندن شبه ایتسنه مساعده ایتاملی یز ،
اونى بویه بر شبهه اصلا دوشور ماملی یز ؛ علمك قدرت و تفوذندن استعانه ایدرك ،
اراده انسانیه نك ایچندن چیقلماز بر شبکه مقدرات ایچنده محبوس ، مقاومتی
غیر قابل تأثیراته معروض ، و ایجابات و ضرورات خارجیه نك قوت و حقوقی
او كنده ناتوان اولدیغنى بیان ایدن معهود نظریه لری چوجقدن اوزا قلاشدره لم ؛
اكر بویه یا پنازسه اوكا تلافیسی غیر ممكن بر فالح ایدلمش اولوردی : دها چوقدن
صولمش و وهم و خیال اولدیغنه حكم ایدلمش بر مفكوره ایچون قلبك ضربانلری
بوغلمش ، و همت و غیرتى قیرلمش ، و وجدانك امرلری اوكا تحقیر ایتدیرلمش ،
والخاص بتون احتیاضات سیئه به اسیر ایدلمش اولوردی . اوكا عدم اعتمادی اوكرده ده لم ،

فقط ایمانی ده تلقین ایدم، قلبنده مسئولیت و مکلفیت حس قیمتدارینی ده ادامه و تقویه ایله یه لم.

اختیارک کمال مرتبه سی ایله فاعلاً موجود اختیار . — اگر قصد اولورسه، اختیاری ایکیه آیره بیلرز: بریسی تام و مکمل اولان اختیار درکه بوکاه تعالی حضرتلری مالکدر، بو اختیار حق تعالانک ذاتنه و جمیع اشیا به متصرف، فعال لما یزید اولماسی و افعال الهمیه سنک حکمتله تماماً متحد بولماسیدر؛ دیگر اختیار غیر تام، هر جهتن محدود، بیک درلو حائلله معروض، کندی علمنده برلشمش بیکلرجه دشمنلرک سهام هجومه هدف اولان اختیاردر. ایشه انسانده کی حریت بوایکنجی اختیاردر، فقط بو اختیار، غایه اولان برنجی اختیاره ایریشمک ایچون واسطه در: کال مرتبه سنده کی اختیاره مالک دکلز، فقط المزده کی اختیار سایه سنده اوکا کیت کیده یا قلاشه بیلرز: یعنی چالیشیرسه ق شجره اختیارمزی خلق وتیه ایله انکشاف ایتدیره بیلرز: دیمک که «فعلی» اولان اختیار کیت کیده «کالی» اولان اختیار ایله قاریشه بیلیر. بونک ایچون اونی قصد ایتک، علائق حسیه و شهوانیه یی کسمک، هر وقت ده ا زیاده عقل و حکمت حیانیله یشامق الویرر: زیرا عقل، ذاتمزلک یوکسک جزئیدر، ده ا طوغریسی انسانک کال مرتبه سنده کی حال عقلدن عبارتدر: ده ا ای اولق، کیت کیده ده ا موافق عقل و حکمت بر مرتبه یه ایریشمک، کیتدکه ده ا زیاده مختار اولق دیمکدر؛ اختیار ایله عقلک ایکیسی برشیدر: رواقون وقیله بونی آکله مشلردی، بونک ایچون اختیارک یالکزر حکیمه، عاقله عائد اولدیفنی بیان ایتشلردی.

شخصک نسلکنده طبیعت و اراده نک مه سی .. — ایشه چوجفک اقناع ایدلمسی لازم کلن مسئله: انسان کندی طبیعتنک تحکم مطلق آلتنده دکلدر، اونی تعدیل ایده بیلیر، وهر شیئه رغماً، کندی مقدر اخلاقیسنی انتخاب ایله بیلیر. ماده اوزرینه آشیلامش بولنان، حیات، نسج عال و معلولاتک الاستیقیتدن استفاده ایدرک، هیچ طور مقسزین یکی یکی شکللر احداث و عناصر معلومه نک سینه سندن بساتون اصلی و بدیع بعض ترتیلر اظهار ایتیورمی؟ اراده ایچون ده بوحال واقعدر: اوده، نه قدر محدود اولورسه اولسون، تصادف ایتدیکی و کندیسنه ماده ابتدائییه مقامنه

بکچن شرائطله ترکب ایده بیلیر؛ تیقظ و انتباهی، شجاعتی سایه‌سنده، کندیسندن اقدم موجود قوتلری کندی استفاده‌سنة تحویل، واونلری کندیسنة تمثیل، وتعیب ایتدیکی مفکوره‌یه سوق ایده بیلیر، بو واسطه ایله ده‌دها زیاده کسب اقتدار ایدرک، طبیعت اولایی اصلاح و منظره‌سنی بالکلیه تبدیل ایله بیلیر. بریفی هنر و صنعت l'art حقنده «طبیعتہ منضم انسان» دیردی: ادب و اخلاقیات ایچون‌ده بویله دینه مزمنی؛ ده‌ها طوغریسی ادب و اخلاقیات، حقیقه‌ک کوزل، وهپسنگ‌ک مهمی بر هنر و صنعت دکلدر؛ انسان کندی نفسک صنعتکاریدر، حیات سایه‌سنده آلدیغی شو ماده‌نی ایشله‌یه بیلیر، اراده تیغیله‌ده [۱] اوندن بارلاق، چرکین یاخود پایاغی بر اثر میدان‌ه چقارمغه مستعددر؛ بو حال‌ده قیمت ذاتیه‌سی‌النده‌در؛ ایسترسه استکمال نفس ایدرک بو قیمتی دائماً آر‌تدیره بیلیر. برده شونی اونوتماسون: بویله دائماً استکمال نفس ایدرک، یالکز کندییی ایچون چالیشمش اولماز؛ کندی طبیعتی تهذیب سایه‌سنده، هم نوع بشرک وهم بتون دنیانک ترقیسنه خدمت ایتش اولور، انسانک حیاتی هرشیدن آیری بر منقبه دکلدر، صرف ایده‌جکی مساعی هیچ بروقت ضایع اولماز، اثری غیر قابل فنادر، زیرا خیر مستحصل «الی‌الابد بر دوامدر».

خلاصه

۱. فعالیت اراده متأملدر؛ بونک مختار اولدیغی، یعنی انسانک تثبیت و مباشرت‌نه تابع اولدیغی‌ده سوبلرلر. فقط بوصف حقنده اعتراض اولمشدر. طوغریسی آرانیرسه، انسان فعلنده مختار میدر دکلدر دیه صور مق، اونک حقیقه «اراده» ایدوب ایتدیکنی صور مقدر: زیرا بر ترجیح اقدمجه بزم ایچون معین وخصص اولسه‌یدی بو ترجیحک معناسی اولور می ایدی؟

۲. هر کسک ظنی، رأی مشترکی انسانده اختیارک بولندیغی تسلیمه فطرتاً میالدر؛ بوندن باشقه فعله کرک اولدن کرک صکره‌دن و کرک انشای وقوعنده باقلسون، انسانک ظاهر آختار اولدیغی انکار قابل دکلدر. بعض روحیات علماسی، مختاریت فکر‌کنده کی مؤثریت عملیه‌نی بحق اوکه سورهرک، اونی التزام ایدیورلر.

[۱] تیغ، زبازدی‌طبع؛ اکری وکسکین آل‌لردن یامی‌ایکنه ویزکی دیکچی و سراج‌الترلی.

فقط ایشك دها ایلرینه کیدرک، حقیق بر اختیارک موجودیتنی اثبات ایتک ممکن اولوب اولمادیغنی آراشدرمیلدر .

۳. اراده مختاره نك كرجكلكى حقنده برچوق اعتراضلر سرد ایدلمشدر : جبریه fatalisme ذهانی بریانه براقه جغز ، زیرا بوشیمدی تحف تاریخیه صیره سته کیرمشدر ، ایجابیه کذجه بونك ایکی شکلی واردر : علمی ایجابیه ، روحی ایجابیه .

۴. علمی ایجابیه علمی دلیل کتریور : علم کوستریورکه کائناتده کی واقعات وحدانك هبسی معین سبیلر مالکدر وبونلر قوانین ثابته ومستمیره کوره بر برلرینه باغلیدر . افعال بشریه بو قانون کلیدن مستثنا اوله ماز ؛ برفلک مختار اولماسی دیمك اونك بلا علت اولماسی وهیچ برشیته مربوط بولنماسی دیمکدر : آنحق بویله اولمق ایچون فلک معجزه اولماسی لازمدی . بوندن باشقه ، اگر کائناتده کی حادثاتک بوصورتیه بربرینه باغلی ومتسلسل اولماسی ، اونلرک هپسنگ قوت واحده نك تحولاتندن باشقه برشی اولمادقلرندن ایلری کلپور ، اوقوت واحده ایسه مستمراً کیتجه تماماً عینی درجه ده بردوام اولوب کیتمکده در . بو حالده اختیار مستحیلدر ، زیرا ممکن اولسه یدی قوتلری احسا ایدردی ، یاخود بکی قوتلر خلق ایلردی . (مبدأ علیت — مبدأ بقای قوت) .

۵. اختیار ایله علیت وبقای قوت مبدئلرینی تألیف ایتمکی دهنه مشلدر .

فائده کوره ، انسان کائنات محسوسه نك اعضاسندن اولمق حیثیتیه موجددر ؛ عالم معقوله نسبتی جهتندن دخی مختارددر ؛ بو نظریه غیرکافیدر ، زیرا بزم ایسته دیکمز مختاریت ، ایچنده بولم یغمز عالم حادثات ومحسوسات ایچنده حکمنی اجرا ایده بیله جک برحریتدر . — بوقیلدن اوله رق دینیورکه اختیار اقدجه موجود قوتلرک استقامت لری تعیندن عبارت اوله بیلیر ، یاخود روح عالمده بعض عدم تعین یاخود موازنه حاللری تجلی ایده بیلیر . — بوجوابلرده ناکافیدر ، زیرا قوتلرک استقامتی توجیه ایچون ، قرارسزلنی حل یاخود موازنه نی اخلاص ایچون ، برقوه منضمه نك مداخله سی هر وقت لازمدر .

۶. اصل مسئله علمك اختیار علیهنده اقامه ایتدیکی مبادینك قیمتی نه اولدیغنی بيلمکدر . مبدأ علیتی نه صورته آکلامق ایجاب ایدر ؛ اگر بوندن مقصد نفسمزده

بالتجربه کشف ایتدی کمزوجهله، هر حادثه نك بر علتك اثری اولدیغنی بیانندن عبارت ایسه « مختار » عدولنان فعل « بلا علت » اوله ماز، زیرا بونك علتی بزم اراده مزدر. یوق بومبدادن مقصد هر شأنك شرط وقوعی اولق اوزره ماقبلنده کی دیگر بر شأنه مربوط اولدیغنی بیانندن عبارت ایسه، سلسله حادثاتك آرقه سنده « علل » حقیقه نك موجودیتنه قائل اولیور دیمکدر، او تقدیرده اختیار بوعلتلردن بری اوله بیلیر. هر حالده، شو صورت تلقیسه کوره مبدأ، استنباط اولندیغنی عالم، یعنی عالم فیزیقی ایچون معتبر اولوب، بونی عالم روحانی یه تشمیل ایتك، بر سفسطه در.

۷. بقای قوت مبدئه کلنجه، فن میخانیکك مسالك مجرد سی حقنده طوغری اوله بیلیر، فقط مسئله اونك حقایق مشخصیه ده قابل تطبیق اولوب اولمادیغنی بیلیمکدر. — اولاً وجودك بر صورتندن دیکرینه، یعنی ماده دن حیاته، حیاتدن تفکره، اتصال صحیحاً سکتهدار اولمشدر، شو وجهله که قانون بقا بو موقعه موافق کیلور. فضله اوله رق، وارلنك هر شکلنده قاعده نك اثباتی امکالسنزدر؛ اولاً صرف ماده عالمنده بیه بوامکانسنزلق کورینیور؛ حیات عالمنده ایسه اولی بالطریق اویله در؛ والحاصل وجدانه کلنجه، بوده بزی متبادیاً حقیقی بعض مبادی مطلقه قارشیسنده بولندیوریور. بوندن باشقه، وجدانده دائمی بعض تبدلر واردر، وجدان ترقی یاخود انحطاطه مستعددر. بر صورت عمومیه ده، مبدأ بقا تحقیق واثباتی غیر ممکن، بلکه ده متناقض بر فرضیه در.

۸. علمی ایجابیه نك اعتراضلری قطعی ونهائی دکدر. ایجابیه روحیه نك اعتراضلری ایسه نه دکرده در؛ بوايجابیه یالکز وجدانك شهادتنه استناد ایتدیکنی دعوا ایلور. هر نه زمان بر فعلده بولئورساق، هر دفعه سنده بونك برسبی واردر؛ ایشته بزه فعلی ایجاب ایتدیرن بوسبیدر؛ یوسبب ایسه هر نه ایسه اونندن عبارت اولدیغندن، فعلك واقع اولدیغنی شکدن باشقه یولده اولماسی ممکن دکدر. اراده بر ترازیدر؛ دواعی عقلیه ایسه درهملر کیدر؛ بوحالده اراده الك قوتلی باعث جهته بالضروره میل ایدر.

۹. بعض فیلسوفلر اراده نك هیچ رباعث وسائق اولمقسزین، تماماً لاقید

قالق اوزره ایسته‌دیکي شیئه برقرار ویره‌بیله‌جکنه اعتراض ایتشلردر: «اسباب و سواقتدن عدم تأثر» اختیاری نظریه‌سی بودر. (بوبرامه ك اشكي؛ بوسوره؛ رومی) — فقط بوجواب ناکافیدر، بوجواب ناقص برتحلیل اوزرینه مبتیدر و ایجابیه حق ویرمکده‌در. ایجابیه قارشی شونی اعتراف ایتلیدرکه، هر نه زمان برشی اراده ایدیورسه‌ق، بونک بر بائی واردر.

۱۰. فقط بوندن اراده‌نك هر وقت اك قوتلی باعث وسأقه كوره موجب اوله‌جفی استنتاج اولنورمی؛ اراده، بزم کندیمزدر؛ او یله ایسه أنانك دواعی عقلیه ایله مناسبی نهدر؛ بو عقلی داعی و باعثلر عجباً موجودیتلری اعتباریله بزدن مستقیمیدرلر؛ كذلك بونلر بعض ثابت و معین کیتلمیدر؛ شبه‌سز، اکثریا بستیون سطحی، همان همان بزه یا بانجی بعض دواعی عقلیه اطاعتله اکتفا یلرز. افعالزك بر جوئی ایچون ایجابیه عیج‌حدر؛ فقط هپسی حقنسه او یله دکلدر. حتی بعضاً ده‌ها جدی و مهم احوالده، باعث وسأقلری احداث و خلق ایدن بزلرز. بوندن باشقه بوباعث وسأقلرك بر قیمت ذاتیه مطلقه‌سی یوقدر، مشورت ائناسنده اونلره ویره‌جکمز دفته كوره هیچ طور مقسزین دیکشیرلر، اونلرك قیمتلی حاصل ایدن بزز، بوجهتله بوقیمت هر بریمزه كوره دیکشر. بناءً علیه، افعالزك اك قوتلی سآقه كوره تعین ایلسی، حقیقت حالده افعالزى بالذات تعین ایتمککمز دیمکدر. احوالده ایجابیه أنانك یا کنش بر یولده تلقی اولماسندن ایلری کلیور. انسان کنديسینه طیشاریدن کلن افکار اوزرینه، تأمل ایده‌بیلیر، بالخاصه عقل اعانه‌سیله، دیگر فکرلر، دیگر انموذج فعللر احداث ایلیه‌بیلیر، و اونلره كوره فعل ایتدیکی وقت مختاردر.

۱۱. بوتقدیرده اختیار علینده‌کی هیچ بر اعتراض قطعی دکلدر. شبه‌سز، لهنده علی الاکثر سرد اولنان دلائلك ده‌ها مقنع اولوب اولمادیفی سؤال اولنه‌بیلیر. مثلاً، دینیرکه، وجدان افعالزده مختار اولدیغمزى بزه طویورمقدن عاجزدر، زیرا اوزریمزه تأثیر ایدن علل واسبابك هپسنى کشف و ادراك ایتیمور؛ کندیمزى مستقل الافعال ظن ایتمککمز تابعیمزى عدم شعوردن نشأت ایده‌بیلیر. — فقط افعالزى تعین و ایجاب ایدن علتلر موجود اولدیغنى حس ایتما مککمزدن، نیچون

اویله علتلرک وار اولدیفنی استدلال ایتک ایسته‌نیلیور ؟ هیچ برشی اُنانک فعالیتنی احتساس علیهنده حائر قیمت دکدر ؛ یالکز اختیارمزی هر نه زمان ، ضرورات وایجابات و تفکر مجرد نتیجه‌سی اوله رق ایضاح ایتک ایستره‌ک ، هر دفعه‌سنده ایجابیه پیوسته اولورز .

۱۲ . فقط دلائل نظریه‌نک فقدانیه مقابل دلائل عملیه وارددر : فانت ک اثبات ایتش اولدیفنی وجهله ، اخلاقی‌اختیاری اقتضا ایدر : اختیار اولمازسه وظیفه باطل ، وجدان اخلاقی بیعنا اولور .

۱۳ . ایجابیه‌ده بیوک بر حقیقت وارددر که حفظی الزمدر ، شویله‌که اختیار مطلق ، مستقل بر قدرت اولق شویله طورسون ، بالعکس محدود و برسوری شرائطه تابعدر . (طبیعت فیزیقیه ، تربیه ، ذهن واصلح) .

بوجهتله نفسمزی کمال اهتمامله مراقبه ایتک ، اوزریمزه آغیر باصان ضروراتدن خیر اولق ، اختیاری تقویه ایده‌جک هر شیئه جالیشمق لازمدر .

۱۴ . شبه‌سز ، بزلرده ، اختیار ، مقطع و نارین در ، فقط هر حالده بزه الویرر ، زیرا اقداماتمزله اونی تقویه ایده‌بیلیرز . بوقوتدن شبه ایتک حقیق برتهلکه‌در ، زیرا بویله بر شبه حس مسئولیت و وظیفه‌نی ازاله ایدر . چوجنی بوکا اقشاع ایتلیدر ، یعنی اینانسین که انسان تأثیرات خارجیه‌نک علی‌الاطلاق زبونی دکدر ، ومالک اولدیفنی اختیار ایله کندیسیمچون دها بیوک و دها قوتلی بر مختاریت پیدا ایده‌بیلیر . انسان کندی نفسنک صنعتکاریدر ، یعنی ایلک طبیعتنی اصلاح ایددرک ، بوندن پارلاق بر اثر میدانیه چیقاره‌بیلیر .



اون طقوزنجی درس

اعتیاد

اعتیاد : ماهیتی . — اعتیادك شرطلری : مثبت شرطلر . — اعتیادك منی شرطلری . — اعتیاد فعلی و اعتیاد انفعالی . — اعتیادك ماهیت و آثاری اعتباریله وحدتی . — اعتیادك ساحه سی . — زمره نباتات و حیواناتده اعتیاد . — انسانده اعتیاد . — اعتیادات جسمانیه . — اعتیاد نفسیه : ذهنك ، حساسیتك ، ارادهك اعتیادلری . — اعتیادك فعالیت اوزرنده کی اثرلری . — اعتیاد و غریزه . — اعتیادك حساسیت اوزرنده کی اثرلری . — تهیجات . — استثنائات ظاهریه : بونلرك تأویل . — احساسك احتیاجه تحولی . — میلانلر . — اعتیادك محذور و تهلكه لری . — اعتیادك خدمت و فائده لری .

نتیجیات عملیه . — تربیه ایله اعتیادلر . — تربیهك اثر خاصی . — اعتیادلرك شخصی تشكلی و بونلره نظارت .

اعتیاد : ماهیتی . — اعتیادك معناسی ، « عمومی و دائمی برحالده بولمقدن ، كرك عناصرینك هیئت عمومیه سی ، كرك ادوارینك تعاقب و توالیسی اعتباریله بر موجودیتك حالتدن عبارتدر » تعیر آخرله اعتیاد ، تشكلی و قوانینی اعتباریله موجودك كندیدر .

روحیات نقطه نظرندن اعتیاد باشقه شیدر : یعنی موجودك مكاتب برحالی ، مخلوقك اولجه مالك اولمایوب بالاخره اكتساب ایتمدیکی حالت و استعداددر . اعتیادك بویکی تلقیسنده بر دیمومیت و ثبوت فکری مندجدر . اعتیاد بر تحولدن تولد ایدر ، فقط تحول حد ذاتنده موقت و کیمیجی ایکن ، اعتیاد ثابتدر و زائل اولمش بر تحول نتیجه سنده باقی اولدیجی کبی هنوز واقع اولمایان بر تحولی دخی احضار ایدر : « بناءً علیه اعتیاد یالکزر برحالتدن عبارت اولمایوب متقدم برحالتی ویا برسلسه » احوالی تکرار حصوله کتیرمك استعدادیدر .

اعتیادك شرطلری : مثبت شرطلر . — اعتیاد مكاتبك منبی تحولدر : بناءً علیه بونحول نه قدر تکرار ایدرسه اعتیاد دخی او نسبتده قوتلشیر . ایشته بونك ایچوندركه اکثریا اعتیادك منبی تکراردن عبارتدر دیرلر . بوشرطه روقت ضروری

دکدر: تمادی دخی تکرار قدر مساعددر؛ حتی اگر تحول اوزون فاصله‌لرله واقع اولمده ایسه اوندن ده‌ها زیاده مساعد اولور. ذاتاً تمادی و تکرارک عین نتیجه‌لری انتاج ایتکده اولدقلرینی آکلامق کوچ بر مسئله دکدر، چونکه «بر فعل یا خود تمادی بر حالت» آره‌سنده یکانه فرق، بوفعل و یا حالتک زمان اعتباریله تمادیسنه حائل اولان فاصله‌لردن عبارتدر [۱]. فضله اوله‌رق، صیق صیق بر تکرارک و یا خود اهیتملی بر تمادینک وقوعی بیه اقتضا ایتز. تحولک شدت و یا قوتی و بونک استلزام ایتدیکی سیک فعالیتی تکرار و تمادینک یرینه قائم اوله‌بیلیر: ایشته بر جوق اعتیادلر بوضوئیه دفعهٔ حصوله کلیر و انسانک بتون عمرنجه تمادی ایدرلر. بناءً علیه، اعتیاد تکراردن نشأت ایدر دینه‌جک یرده، تکراری اعتیادک نتیجه‌سی اوله‌رق تلقی ایتک ده‌ها طوغری اولور. صیق صیق یا بمقله، اعتیاد ده‌ها زیاده کسب قوت ایدم بیلیر، فقط هر حالده بالذات ایلمک تحول ایله باشلامیدر. فی‌الحقیقه بوتحول کندیسندن صکره اونی تکرار حصوله کتیرمک ایچون بر ایز، ولوکه کوچک اولسون بر استعداد بر اقامزسه، ایکنجی تحولک دخی ایلمک تحولدن فرقی اولماز؛ حتی بوتحوللر بیک دفعه تکرر ایتسه دائماً بیک اولور و بو «افعال و حرکاتک بو اوزون تکرری هیچ بر زمان بر اعتیادی حاصل ایتمه‌دن ضایع اولوب کیدر». [۲] بو حالده یالکز ایلمک تحول، اعتیاده برشی مدیون دکدر؛ بالعکس اعتیاد هر شیئی اوکا بورجلی و اونده عادتاً جرئومه حالده موجوددر.

اعتیادک منفی شرطلری. — یوقاریده بیان ایدیلن شرائط اعتیادک مثبت شرطلریدر؛ بونلردن باشقه اعتیادک شرائط منفیه‌سی‌ده واردر: اول امرده تکیفک بر اعتیادی تولید ایتسی ایچون مخلوقک طبیعتنه قطعاً مخالف اولماسی لازمدر: بر فعل و یا بر حال اولیه بر ماهیتده اوله‌بیلیرکه قبول اولنه‌جق یرده بالعکس مخلوقک اولومنه باعث اوله‌بیلیر: «طبیعت انقیاد ایدم‌مز، قیریلیر». [۳]

دیگر طرفدن، تکیفک بعض حدودی تجاوز ایتماسی‌ده الزمدر؛ بو اولمازسه، اونک باعث اوله‌جفی تشوش غایت مؤثر و حتی مخلوقک افانسه‌ده بادی اوله‌بیلور. نته‌کیم صیجاق اقلیم‌لرده یتیشمش، بیومش بر نبات و یا بر حیوانک بک صفوق بر

[۱] لومرآمه ک اعتیاد و غریزه l'Habitude et l'instinct کتابتدن

[۲] ینه اوندن .

[۳] ینه اوندن .

اقلیمه نقل‌لرنده ضعیف‌لاملری ، محو اولمالری کچیکمز ؛ بونک کبی آرسنیک چوقجه ایچلدیکی وقت انسانی اولدیرر ، فقط مقداری تدریجی آرتیریلهرقی ایچلدیکی تقدیرده ، چوق مقدارده ایچه بیله‌جک قدر بوسم قانله آلیشمق ممکندر . حکمادن مرنه‌نی لک دیدیکی کبی ، اعتیادک قوتی فوق‌العاده اولدینی شبه‌سزدر ؛ او ، طبیعتک حدودینی پک چوق اوزاغه نقل و تحویل ، فعالیتیزی کندی استقامت ابتدائیه‌سنه هان مخالف بر استقامته سوق و بدایت امرده قوتیمزک فوقنده کورنمش اولان بعض‌افعالک اجراسنه وبرطاقم احوالک اتخاذینه بزی مقتدر قیله‌بیلیر ، الویررکه بر حالدن دیگر حاله کیشیلر حسن اداره ایدلش ، ملایمتله ، کوکل آله‌رق حرکت اولنمش اولسون : طبیعتک حدودینی کچمک ایچون ، اول امرده اوکارایت ایتلیدر . [۱] وبوشرط او درجه مهمدرکه تحول ولوکه پک مهم اولماسه بیله شاید آنسزین واقع اولورسه ینه مهلمک اوله‌بیلیر . بوحقیقت بر چوق دلیلرله ثابتدر . مثلاً بر قوشک برمدتن بری ایچنده محبوس یشامقده اولدینی جامدن بر فافنوسه آزا اول سربست اوچمقده اولان دیگر بر قوشی صوقارسق ، بوقوش چوق کچمکسزین تلف اولور ، حالبوکه اولکیسی ده‌ها چوق زمان یشایه‌بیلیر . بر کیمسه بر قاق تضییق نسیمینک تحت تأثیرنده بولنمقده ایکن بوحالندن حال طبیعی‌یه بردن بره کچه‌جک اولورسه ینه پک مهم بعض‌آقترله اوغرارو بونلرک آرقه‌سندن اولوم بیله کله‌بیلیر . بونلر ، امور معنویه‌ده عیناً واقعدر : آنسزین بیلدیریان بر خبر بادی موت اوله‌بیلیر . حالبوکه او خبره حاضر لائش ایسه تحمل اولنه‌بیلیر .

اعتیاد فعلی و اعتیاد انفعالی . — اعتیادک ایلمک شرطی بر تحوّلدن عبارتدر ، بوتحول دخی ایکی منبعدن ترشح و انبعاث ایده‌بیلیر ؛ یا بالذات مخلوقدن یعنی بونک اختیاری و یا غیر اختیاری اوله‌رق اجرا ایشم اولدینی بر فعلدن ، و یا خود مخلوقه یانجی و اوکا اجرای تأثیر ایدن برسیدن منبعث اوله‌بیلیر .

[۱] مرنه‌نی نقل ایدیورکه بر قادین یکی طوغمش بر بوزاغینی هرکون قالدیررمنش ، بوسبیلله « قوجه براوکوز » ایکن بیلله قالدیرمغه موفق اولمش ، شبه‌سزدرکه اعتیادکده حدودی واردر ؛ اونک تحکم ایدمه‌جکی بعض احوال ، غالب کله‌مه‌جکی برطاقم افعال وارذر ، بناءً علیه ریمناستیک معلمی بعض هنلرک فوقنده آرتق مهارت کسب ایدهمز ، بونکله برابر اعتیادک فوق‌العاده حائر اقتدار اولدینی ناقابل انکار اولوب اعتیاد بمقتده « زمان بیوک بر استاددر » .

برنجی شقده اعتیاده « فعلی » وایکنجی تقدیرده « انفعالی » نامی ویریلیر .
نته کیم برآت موسیقیه یی ایلک مشق ایدرکن ، باشلانغجده مشکل وبطی اولان
برمقلرک حرکتی بعده مرور زمانله بعضاً خارق‌العاده برسرعت وامنیت اکتساب
ایدر واوندن صکره زحمتسزجه وبعضاً بلا تأمل ایشلر : ایشته بوعتیاد فعلیدر .
ایلکدن معجز بر شمانه یه آلیشمق ، کریمه بر رایحه دن مضطرب اولماق دخی اعتیاد
انفعالی یی تشکیل ایدر .

اعتیادک بویکی شکلی ده ا بسیط برحاله افراغ اولنه مدینف کبی هر برینک دخی
کندینه مخصوص قانونی ، کندینه مخصوص نتایجی وارددر . اعتیاد فعلی سایه سنده درکه ،
اکتساب ایتدی کمز طور کیت کیده بزه خاص اولور ؛ آرتق اوئی ده ا قولای
احداث واونی ده ا فضله تکراره میل ایدرز : اعتیاد فعلی اولجه یادیغمز شیئی تکرار
یایمق استعدادیدر . اعتیاد انفعالی دولایسیله تکیف کیده یابانجی اولور ، اوئی
کیتدجه ده ا آرحس واونی آرتق طویماغه دائماً ده ا فضله میل ایدرز . بناءً علیه
اعتیاد انفعالی اولجه اوغرا دیغمز برشیته تکرار اوغراماق وکیتدجه ده ا آزمضطرب
اولق استعدادیدر . تعمیر آخرله ، اعتیاد فعلی برشیئی بلا اختیار یایمق قابلیتینی spontanéité
آرتیریر ، فعالیت تهیج ایدر ؛ حال بوکه اعتیاد انفعالی قابلیت آزالثیر وانفعالیتی
تنقیص ایدر . [۱]

اعتیادک ماهیت و آناری اعتبارله وهرتی . — فقط اعتیادک طبیعت و اثرلرنده کی
بومغایرت ظاهری برشیدر . نتیجه اعتیاد اوله رق ، فعالیتک آرتماسی ، انفعالیته
تناقصندن منبعث دکلیدر ؛ کذلک انفعالیته آزالسی ، فعالیتک آرتماسندن ایلو
کلپورمی ؛ فعالیتمز اصلا صافی دکلدر ، بونده دائماً بعض انفعالیته عنصرلری دخی
وارددر ، چونکه مقاومت و مانعه لر ایله مبارزه یی ، بوباده صرف مساعی یی استلزام
ایتمکده در . بنابرین اعتیادک فعالیت تقویه ایتسی ، اوئی انفعالیته قورتارماسندن ،
مانعه لری ازاله ویاخود اونلرک تأثیرینی تنقیص ایلسندن ، طاققلرک ده ا سربست وده ا
قولای اوله رق انکشافه مساعد اولماسندن نشأت ایتکده در . بونک عکسی ده صحیحدر .
انفعالیتمز دخی صورت مطلقه ده بستیون صاف دکلدر ؛ ظاهرأ ک مطلق

[۱] راده سوره ک (اعتیاد) اسمنده کی اثرندن .

کورین انفعالتك اعماقده بيله، بعض فعالیت‌عنصرلری واردر. شویله‌که یالکز انطباعاتی تلقی ايله اکتفا ایتمه‌یز؛ بوکا قارشى عکس عملده یعنی حرکتده بولورز، وبوصورتله نه قدر زیاده حرکت ایدرسه‌ک، اعتیاد نتیجه‌سی اوله‌رق اوقدر زیاده حرکت ایتکه میل ایدر، وتهیجک مرتبه‌سنه، سویه‌سنه اوقدر زیاده ایرشمش اولورز، و انطباعات وتهیجاندن ده‌آز متأثر اولغه باشلارز. بناءً علیه اعتیاد انفعالی اصلاً موجود اولمایوب اعتیاد حد‌ذاتنده دائماً فعلیدر.

دیگر جهندن، اعتیادك تأثیری ثابت و یکنسقدر: شویله‌که تحولی ثابت ایدرك مخلوقك حیات معتاده وطبیعی‌سنه‌ادخال، واونی کیت کیده مخلوقك جوهریته قلب وتمثیل ایدر. ایشه بوکا بناءً درکه اوتکیف مخلوق ایچون کیت کیده برمیلان، یراحتیاج حالنی اکتساب ایدر، وبوندن دولاییدرکه شاید یالمازسه راحتسزلفه، اضطرابه سبب اولور. فقط دیگر طرفدن، شعورك حیاتی اعداد وفروق ايله ممکن اولدیغندن، یکی حال مطرد ومعتاد اولان حالک اجزاسنه داخل اولدجه اوقدر ده‌آز حس اولور. بوسیدن اعتیادك اثری دیکشمز، دائماً بردر؛ تکیف ایستر فعلی ایستر انفعالی اولسون، اعتیاد اونى مخلوقك بنیه‌سنه ادخال ایدرك، میل وهوا penchant حائه تحویل وکندجه ده‌آز مشعوره ایلر. بوقضیه‌نی موسیو راده‌سوره بروضوح تامله اثبات ایتشدرد. «هر یرده، وهر حالده، تمادیت ویا تکرار انفعالتك ضعف وتناقضنه، فعالیتك تهیجنه سبب اولور؛ فقط بوامتداد مسئله‌سنده مشترک برخط واردرکه بوهرشیئی ایضاح ایدر.

احساس برالمدن عبارت اولمادینی زمان، تمادی ویا تکرار ایتدجه، و بناءً علیه زائل اولدجه کیت کیده احتیاج حالنی اکتساب ایدر. شاید او احساسی ایجاب ایتک ایچون الزم اولان انطباع آرتق حاصل اولماغه باشلارسه، تشوش، واضطراب، حساسیتده‌کی شوقك عاجز اولدیغنه دلالت ایدرلر. دیگر برجهندن دخی، انسانی حرکتده جهد زائل اولغه، فعل‌دها سریع ودها سربست وقوعه کلکه باشلادجه، اعتیاد، اراده‌نک امرینه آرتق غیرمنتظر، وحی اکثریا اراده شعورك خبری اولمادن واقع اولان برمیل وهوا حالنی ده‌آز زیاده اکتساب ایدر... بوصورتله تمادیت وتکرار، حساسیتی تنقیص وقابلیت تحولی تهیج ایلر، بوده عینی ویکانه برسیدن منبع‌درکه: بوسبب، اراده‌نک، شخصیتك، شعورك حیطه‌سی دوننده، خارجنده

اولی اوزره اعضای بدنہ کی استعداد انفعالیہ کیت کیدہ دھا زیادہ کیرن ، یرلشنہ غیر متأمل « بنفسہ حرکت و فعل » خاصیتک آرتماسیدر . [۱]

اعتیادک سامہ شمولی . — بوخصوص اعتیادک نہ دن عبارت اولدینغی تعینہده خدمت ایدر . روحیات عالم لرندن چوغی ، بوخصوصده ده قارت وارکوست قورنتک ملاحظہ لرینہ تبعیت ایدہرک ، اعتیادی صورت مطلقہده انفعالی برشی کبی تلقی ، وعادتا اونی قانون عطالتک برحالی عد ایدرلر : بوصورتہ اونی عالم طبیعتہ جاری برحادثہ عمومیہ عدومادہ جامدہ یه وارنجہ یه قدرتشکیل ایدرلر . فضلہ اولہرق ، اعتیادک اک مکملی جہادادہ بولندیغی زعم ایلرلر ، چونکہ یکی برعلت عارض اولمادجہ ، مادہده وقوعہ کلن تکیف اونده مستمر اولور ، واونک ایچون « اعتیاد » حالی آلیر . بناءً علیہ آتیلان برطاش سرعت واستقامتی الی نہایہ محافظہ ایدر ؛ قوللانیدیغمر براناختار ، کلیدی ایچندہ دھایی دوزر ، صنعتکار برکمانجی یه عائد برکان صندوقہ سی دھا آھنکلی برصورتہدہ اهتراز ایلر والہ : ایشته بونلرک کافہ سی اعتیادہ مخصوص حالادتر .

مادہده ایقاع ایدیان تکیفاتک بواستمراریت انفعالیہ سنہ « اعتیاد » دنیلہ بیلہ جکی شہہ سزدر . فقط عینی زماندہ اعتیادک ساحہ حیات وتفکرده دھا فضلہ برشی ، یعنی مخلوقده متقدم برتکینی تکرار وجودہ کتیرمک جہدومیلانی اولدینغی تصدیق ایتمک لازمدر . عطالت حال حاضر وماضی یه قارشی صورت مطلقہده بی قیداولمقدن عبارتدر ؛ اعتیاد ایسہ ، بالعکس ، برحال سابق الدہ ایتمک ایچون حال حاضر ی ترک ایتمک احتیاجیدر .

بناءً علیہ ، اعتیاد انجق حیات ایلہ باشلایہ بیلیر . آرسطونک قولنہ نظراً برطاش یوزدفعہ هوایہ آتلسہ ، بوسیله اونی ینہ براعتیاد اولہرق اکتساب ایتمز . فی الواقع حرکتی اجرایہ مقتدر اولمایان طاش ، بوحرکتی تکرار ایتمک ویکیدن حاصل

[۱] راوہسونک اعتیاد حقندہ کی اثرندن : بواثرک شو فقرہ سی دہ نقل ایدہم : « بناءً علیہ فعالیتدہ اولدینغی کبی حساسیتدہ دخی ، کاه ارادہ یه کاه مواد خارجہ نک ایقاع ایادیکی انطباعہ تقدم ایدن برنوع کیزلی فعالیت نمو وانبساط ایدر ؟ بوفعالیات اثنای فعالیتدہ باندات فعلی احداث ایدر ، حساسیتدہ ایسہ خارجی برمؤثرک وجودینہ متوقف اولان احترازی ، احساسی تولید ایتمز ، فقط اونی جلب ودعوت وعادتا کلسنی نوعلما نیاز ایدر . »

ایتمکه غیر مستعددر ؛ اونده ایقاع ایدیلن تبدل آتجق بعد مجردده کی مناسبات خارجه سنه ، وضعیتنه تأثیر ایدر ، یوقسه اونک وجودینه ، فعالیت باطنیه سنه طوقماز ، زیرا اوندن نه وارلق ونه فعالیت واردر . « اعتیاد یالکز قابلیت تغیری متضمن دکلدرد ؛ اعتیاد ، یالکز دیکشمکسزین دائم اولان برشیدرکه قابلیت تغیری متضمن اولمایوب ، کندیسندن تحول وقوعه کلن وینه تحول ایتمن برشیده کی استعداد قدر ، دها صیقجه اولان بر تبدلی دخی استلزام ایدر . »

زمره نباتات و میوه ناته اعتیاد . — اعتیادک ، درجه حیاته متناسب اولدیغنی بیله بیان وعلاوه ایتمک دخی لازمدر .

بونک ایچون اعتیاد ده اول زمره نباتاته ده کیرمشدر ؛ نباتات بعض اعتیادلره مستعددرلر . [۱] بونلرک بولندقلری اقلیمدن باشقه بر اقلیمه نقلیه یتشدریلرلی اعتیاددن بری اولدیغنی کی « اک یبانی عد ایدیلن نباتات دخی زراعت سایه سندن اهلیاشدیریلور .

حیواناته حیات دها زنکین ودها مخلوطدر ؛ بناءً علیه اعتیاد اونلرده دها مهم برایش کورمکدهدر . اول امرده اولای ، نبات کی حیوان دخی بولندیغنی محیطه آلیشیر ؛ بوی ، توی ، اخلاقی کلی بر صورتده دیکشه بیلیر . فضله اوله رق هر کس بیلیرکه تعلیم و تربیه ، تأنیس حیوانلرک طبیعت ابتدائیه سنی دیکشدره جک واونک یرینه دیکر برطاقم یکی خویلر اقامه ایده جک قدر موفق اولور .

انسانه اعتیاد . — لکن اعتیادک اک واسع تجلیکاهی ، کندیسندن حیات مغویه حیات فیزیقیه منضم اولان انساندر . سو آنده ، ایستر عضوی بر حرکت یاخود ذهنی بر عملیه اولسون ، هان هیچ بر فعلمز یوقدرکه اونده شوقا تونک حصه سی اولما . سون . برده طبیعت بشریه مضاعف اولدیغندن ، بزده کی اعتیادلری ایکی صنفه تقسیم ایده بیلیرز : بر قسمی اعتیادات فیزیقیه ، قسم دیکری ایسه اعتیادات نفسانیه در : بوایکی قسم اعتیادات دخی « فعلی » و « انفعالی » اوله بیلیر .

[۱] فصیله نقلیه دن Mimosa pudica دینلن نبات هر اقسام پیراقلرینی قاپار ، اگر بونی بر مدت کیجه لری ضیادار بر یرده وکوندوزین دخی قراقلق بر محزندم بولندیریر ایسه کوندوزین قراکلفده اوایق وکیجه لین دخی ضیاده اوپومش برحاله بولنمه بر مدت دها دوام ایدر . فقط بر قاق کون مکره یکی برطاقم عادلر ایدنه رک کوندوزین پیراقلرینی قیامغه وکیجه لین اونلری آچغه آلیشیر . (لومونک اعتیاد نام اثرندن)

اعتیادات جسمانیه. — اعتیادات فیزیقه اعضای آلیه مزه تعلق ایدر. اعضا من فوق العاده قابل تحولدر؛ محیط خارجیده وقوعبولان تحولاته هیچ طور مقسزین اویار، ذاتاً اونک یشایه بیلیمی بویه اولماسنه متوققدر. حتی دهها زیاده خصوصی ودها آز طبیعی برطاقم مؤثراتک تاثیریندهه آلیشه بیلیر: داءالکئوله مبتلا اولانلر، آفیون کشلر بوبابده کوزه چارپان برر مثالدر. دیگر طرفدن یوریش، رقص، میج اویونی، یوزمک، یازی واخل. یعنی بزه بوکون پک طبیعی کورینن بوحرکاتک منتظماً یاپلمسی اعتیادات فیزیقه دن باشقه شیلر دکلدر؛ بونلر هپ اعضا وعضلاتمک تدریجاً یوموشامش و آلمشش اولماسندن انبعات ایتمکدهدر.

بتون بواعتیادات جسمانیه میاننده برصنعت اوکرنمک ایچون چراقلق یاپیلدینی زمان حاصل اولان اعتیادلره بر موقع مخصوص ویرلملیدر: بونلر صنایع میخانیکیه یی تشکیل ایدر. برده بعض اعتیادات مخلوطه یی ده اونوتمایلم: مثلاً موسیقی و رسم کچی سربست صنایعه مقتضی اولان بواعتیادات هم تعلق ایتدکلی اعضانک مهارتی تزئید و هم ذهنک مساعیسی تسهیل ایتدیکندن اعتیادات فیزیقه اعتیادات نفسانیه یه کچمکه واسطه اولورلر.

اعتیادات نفسانیه: ذهنک، حساسیتک، اراده نک اعتیادری. — بواعتیادات روحک قوای نلته اساسیه سنه متعلقدر. ذهنه عائد اعتیادلر دها زیاده «اعتیادات عقلیه»؛ حساسیت و اراده اعتیادری ایسه «اعتیادات اخلاقیه» در.

اعتیادات عقلیه اول امرده نفس ناطقه نک قوا و اعمال متعددده سی قدر متنوعدر. بونلرک ادراکات مکتسبه نک تشکلی، بناء علیه عالم خارج یی بیلیمک خصوصنده نه قدر بیوک و مهم وظیفه سنی اولدیغنی اولجه کورمش ایدک. قوه حافظه تداعی افکار ایله مشروط اولوب تداعی ایسه ذهنک براعتیادیدر.

انکلیز مکتب فلسفیسنک مبادی عقله وارنجه یه قدر هرشیئی قانون اعتیادله ناصل ایضاح و تفسیر ایتمک ایستدیکی معلومدر. قوه مفکره تجربه، تأمله، طوغری استدلاله بوقیلدن اوله رق آلیشیر. او شیمدی کندی کندی نه قولایجه یاپدینی اعمالی اولجه صوبتله و نقصان اوله رق اجرا ایدیوردی، آنجق حاصل ایتدیکی اعتیادلر یجه سنده درکه اونلری شیمدی دها سهولته و مکمل اوله رق یاپه بیلور. بوخصوصی استعدادلرک

یابنده ذهنه ده‌ها زیاده متعلق ودها عمومی برطاقم اعتیادلر دخی واردر . تحصیل و تربیه ، ایچنده یشادیغمز محیط قوه مفکره مزه اکثریا اشیا ویا انسانلره قارشی برطرز خصوصی تلقی ویرمش اوله بیلیرکه اوندن واز کچمکلکمز اکثریا مشکلدرد . برعالم اوقودینی علمک اثنای تحصیلنده اکتساب ایتدیکی اعتیادات روحیه‌یی هر یرده تطبیق ایتک ایستر ؛ ریاضیات متخصصی اولان ایسترکه هر شیئی هندسه‌یه کوره حل ایتسون یاخود آنجق غایت صحتله اثبات ایدلش برشینه اهمیت و قیمت ویرر : *اسپنوزا* مسلکنی وجوده کتورن بواعتیاد دکلیدر ؛ بالعکس برفزلیق عالمی تجربه‌یه مستند اولمیان شیلره صحیح نظریله باقق ایستمز و تحت تصرفه گیرمه‌ین هر شیئی خیالی عد ایدر : بواعتیاد عقلی انسانی طوغریجه « پوزیتیویزم » مسلکنه سوق ایدر . نهایت بعض متفکرین دخی اشیایی ، تفرعاتی نظر دفته آله‌رق ، اولنری برنجی وحتی ایکنجی درجه‌ده تقسیم ایدرک تدقیق ایتک ایستلر : بونلر « تحلیلون Analytiques » درلر ؛ بالعکس ، دیگر بعضلری ده اشیایی هیئت مجموعه‌سنی ، یکدیگریته اولان نسب عمومیه‌سنی نظر دفته آله‌رق وینلرنده کی فرقلری قولایجه اونوده‌رق تدقیق ایدرلر : بونلرده « ترکیبون synthétiques » در .

حساسیت اعتیادلری نه‌دها آز نه‌ده ده‌ها حقیق در . اضطرابه و سعاده آلیشیلیر ؛ معلوم بر مضحکده [۱] برقادین هرکون زوجی طرفدن دوکلکه آلیشمش اولدیغندن دایاق کنیدیسی ایچون عادتا احتیاج حالی آلمش ایدی . احتراصات نفسانیه ، حساسیته عائد اعتیادلردن ، قلبک آز چوق درین بروشقلقلردن عبارتدر ؛ الحاصل ، اکثریته تطمین ایدلش اولان هوساتمزک بیوک برقیمی دخی نه درجه آز حس اولنورسه اونسبتده ده‌ها زیاده قوی وراسخ اولان اعتیادلردر .

اراده دخی قانون اعتیاده قارشی بر استتتا تشکیل ایتمز . آ. لومواآه کی بزم‌ده مسئله‌ده بربرندن فرقلی ایکی شیء آیرمقلغمز مناسبدر : بریسی « اعتیادات اختیاریه » دیگر « اعتیادات اراده‌یه » در . برنجی قسمی تشکیل ایدن اعتیادلر اراده‌نک سعیله حاصل اولان فقط اراده‌قدر عضویته ، ذهنه و حساسیته تعلق ایده بیلن اعتیاداندر : نه‌کیم بر موسیقی پارچه‌سنی چالمنی ویا بردرسی اوکرمنکی بر قاج دفعه‌بالا اختیار

[۱] مولیه‌رک قومدیلبندن (زور طبیب) دمدرد .

تکرار ابتدیکم زمان، نهایت موسیقی پارچه‌سنی کوزلبه چالغه، درسی پک ایی اوکرنمکه موفق اولورم. ایشه بوراده براعتیاد اختیاری واردر: بو، «اعتیاد فعلی» نك برشکل عالیسیدر.

اعتیادات ارادیه یالکزر اراده‌یه تعلق ایدنلردر؛ بونلر هرهانکی برطرزده اراده ایتک خصوصنده مکتسب قابلیتلردر: مثلاً بن‌رشیئی «معدانه و مصرانه ایسته‌مکه» «برشیه سرعتله قرار ویرمکه»، «فلان شیدن زیاده فلان شیئی، شره ترجیحاً خیری، یاخود خیره ترجیحاً شری ایستمکه» کندیمی الشدیره بیلیرم. [۱]

ذاتاً آرسطر فضیلتک براعتیاددن عبارت اولدیغنک فرقه‌واره‌رق دیوردی‌که: «برقیرلانغیج ایله ایلک بهار اولمادینی کبی یالکزر بر فعل فضیلت دخی اعتیادی احداث ایتز»: فضیلت، روحک دائمی وثابت بر استعدادی اولمالیدر. بوملاحظه‌یی قطعی و صریح بر صورتده ایضاح ایتک ایجاب ایتسه، دنیله بیلیر که فضیلت بر «اعتیاد اراده» در، و بوکا علاوه دخی فضیلت «براعتیاد اختیاریدر» دنیله بیلیر، فقط بواعتیاد اختیاری عاقبت اولیله اریلمدن، جهته زائل اولماسنی تجویز، و اونک یرینه مزیت ولیاقتی اقامه ایده‌رک، وازچکر.

اعتیادک فعالیت اوزرنه کی اثری. — اولیه ایسه اعتیادک نتایج و تأثیراتی نه‌لردر؟ اولجه بیان ایدیلن ایکی قانونه ودها طوغریسی قاعده عمومیه‌یه توفیقاً برنلری کشف ایتک قولاید. دیمشده‌که، اعتیاد، فعالیت تهیج ایدر. بوندن نه آکلاشیلیر؟ اولاهر فعل، حیز حصوله کلش اولماسی سببیه، بدایه کندیسنه حائل اولان مقاومتی ازاله، ویا هیچ اولمازسه اونک شدتی تنقیص ایتشدر. بوصورتله، ایکنجی فعل، اولکیسی قدر چوق مقداره مؤثریته محتاج دکدر؛ دها آز برسیک صرفی الیرر، یعنی فعالیت کتدجه دها بیوک برسهولته اجرا ایدلش اولور. چوجقلق زمانزده ایلک آدیملری آتمده یاخود ایلک حرفلری یازمده نه قدر زحمت چکمش ایدک. بونکله برابر بونلرشمدی بزه او قدر قولاید که بوبابده هیچ برسی صرفه اصلاً لزوم قالماشدر. فقط بر تصرف سعی، زمانجه‌ده بر تصرف دیمکدر. فعالیت صعوبته اجرا اولندینی زمان، اثری‌ده او نسبتده بطائله کال ایده‌بیلیر: بالعکس،

فعل نه نسبتده سهل اولورسه اودرجه‌ده سریع اولور: بؤکون اوطه مزك برجه‌شدن دیگر جهته کچمک، یاخود تمام برسطر یازی یازمق ایچون بر دقیقه بیله صرف ایتمیز. یالکنز بودکل: اعتیاد سایه‌سنده، فعل یالکنز سرعت و سهولت اعتباریله دکل مکملیتجه دخی مستفید اولمشد. بدایتده، متردد اولوب عادتا یوقلا رجه‌سنة حرکت ایدیورایدک؛ بتون قوه ارادیه مزی بوشنه صرف ایدیورایدک؛ یامیش اولدیمز ایش، ناقص، قابا نواقصه مالی ایدی. فقط یواش یواش، تکرار سایه‌سنده دها ای یانغه باشلادق؛ ترقی عرض وجود ایتدی، شمدی ایسه فعل مکمل، امین و خطاسزدر. ایلك دفعه‌سنده بر موسیقی نوطه‌سنی اوقومغه باشلادیمز زمان نه قدر خطا یامیشدق؛ اونی اوکرنک ایچون قاچ دفعه تکرار ایتمکلمز لازم کمشدی؛ فقط باس یوق؛ بر آرز صبر ایله اک صکره اونی مطلوب درجه‌ده مکملیتله چالغه موفق اولورز.

بوهر نوع فعالیت حقنده صحیحدر، فعالیت ایسترجه‌مانی، ایستروخانی اولسون، ایستر نفس ناطقه‌نک اک یوکسک عملیه‌لی ویا بونک حرکاتی موضوع بحث اولسون بوقاعده جمله‌سی حقنده طوغریدر. بو حقیقت هر نوع افعال حقنده قابل تطبیقدر: ایستر اونلر آزا ویا چوق قاریشیق بر سلسله تشکیل ایتسونلر، ایستره بسیط و منفرد برحاله بولنسونلر.

فقط بویله اولمقله برابر، بدایت امرده فعلی ویا افعال متوالیه‌دن هر برینی حاصل واحداث ایتسی وایشک تماماً اکالنه دکن اجرای نظارتدن و صرف دقدن قطعاً فراغت ایتامسی لازم کلن اراده، بوذهنی اشغال ایدیجی سعیدن تدریجاً واز کچه بیلیر؛ وحتی اک صکره‌ده بوندن بسبتون قطع علاقه ایده بیلیر. اعتیاد سایه‌سنده، فعل کیتدکجه اراده‌دن تخلص کریبان ایدن واونک رینه قائم اولان بر میل واستعداد حالنی اکتساب ایدر، ودها طوغریسی بومیل، اعتبادک کندیدر. فعل اودرجه قولای وقوعه کلیر، واکا تمامیه اویمش اولان مخلوق ایچون اوقدر طبیعی برحال اکتساب ایلرکه کیت کیتده منساقی بر شکل آلیر؛ بوسایه‌ده درکه بر بیانو معلی چاله‌جی شیلره صورت قطعیه‌ده متصرف اولورسه اونلری ذهناً «باشقه شیلرله مشغول اولدینی ویا اطرافنده کیلرله قونوشدینی» حالدده چاله بیلیر؛ بوموسیقی پارچه‌سی عادتا هم عقلی و هم فیزیولوژی‌یه منسوب برماکنه‌یه مستند آکندی کندینه چالینیر

کبی اولور. حتی حرکات اعتیادیه اراده دن اوقدر آیری و مستقلا درکه شاید بو، اونلرک اداره سنی درعهده ایچون مداخله ایتش اولسه بهمه حال بعض خطا و تأخر لره سبب اولوردی.

بونکله برابر فعل، اراده دائره سندن خارجه چیقنجه، تأملک دخی محیطندن خارج قالیر؛ دقت کیتدکجه او فعلدن انحراف ایدر، اعتیادک ترقیسی شعورک تنزل درجه سیله مترافق اولوب هرایکسی عینی زمانده واقع اولور؛ اعتیاد کسب قطعیت ایدنجه، فعل شعور نظر ندره ضایع اولمش کیدر. بوسیدن ناشیدرکه هیچ دوشونمکسزین و کمال تهالکله مباحثه و یاخود درین درین تأمل ایدره رک معتاد اولان برتنزی اجرا ایدر و اکثر یا یولک نهایته وارد یغمزده قطع ایتش اولدیغمز مسافه نك فرقه وارمش اولورز. بتون بونلری منساقی برماکنه کبی بائمش اولورز.

اعتیاد و غریزه. — بوتقدیرده اعتیادله غریزه آره سنده کی مناسباتک نه دن عبارت اولدیغنی کورمک قولایدیر. اعتیاد، واقعا اکتساب ایدلمش و تدریجاً تشکل ایتش حقیقی بر غریزه در: احتمالکله او، دهها آرزو غیر متأمل، کندیسنه مقاومت دهها قولای، و دهها آرزو لایحطی در؛ «اعتیاد، غریزه ده کی امنیت، ضرورته، قسریته، بلکه هیچ بروقت یتیشه سه مزده، دائماً اونلره دهها فضله یا قلا شمعده در. [۱] بناء علیه اعتیاد ایله غریزه آره سنده آنجق بر درجه فرقی موجود در. (منشأ اعتباریه فرقندن بحث ایتیورز)، بونکله برابر «بوفرق دخی نهایته قدر آزالتیله بیلیر. «خلاصه، اعتیاد، غریزه نك منها وحدودی اوله رق تلقی ایدیله بیلیر.

برده «اعتیاد درجه قسواسنه واردیغنی زمان بالذات غریزه مه معادلدر». بونی وقتیه **آرسلر** دخی مشاهده ایدره رک: «اعتیاد، طبیعت کیدر» دیمشدی، طبیعته مخصوص قسریت و غیر مشعوریت اونده دخی وارددر؛ موسیو **راوه سور** دخی دییورکه: اعتیاد، بر طبیعت مکتسبه در، ایکنجی بر طبیعت که منشئی ایلک طبیعتدر..؛ طبیعتلاشمش بر طبیعت، طبیعتلاشدیران طبیعتک بر ائیدر. «

اعتیادک مسامیت اوزر زمه کی اثر لری. — اعتیادک فعالیت اوزر ندره کی آثار نی

[۱] **راوه سور** لک «اعتیاد، اسنده کی اثرندن.

کوردك؛ شمدي ده اونك حساسیت یعنی برطرفدن تهیجات، دیگر جهتدن دخی اشواق و میلانلر اوزرنده کی تأثیراته عطف نظر ایده لم.

نهیجات . — یوقاریده سولشدك، اعتیاد، انفعالیتی تنقیص ایدر؛ بناء علیه اعتیادك بوباده کی تأثیری، تهیجاتك شدتی آزالتمق ویزی اونلره قارشى کیت کیده ده ازم تحسس ایلمکدر؛ اجزاجی وکیما کرلر، کیماخانه لرنده کی فنا قوقولردن آرتق متأذی اولمامغه آلیشیرلر؛ موزنی شویله دیردی: «بم عطریات کیسه م اولا بم بورنمه، اونى سکنز کون قوللانديغمدن صكره دخی انحق حاضر ونك بورونلرینه خدمت ایدر.»؛ عیاشلر ایچدکلری ایچکیدن آرتق لذت بولمامغه باشلارلر؛ برتشتنده موفق اولان برکیسه برمدت بیوک برمسرت حس ایدر، فقط برمدت صكره بومسرت زائل اولور کیدر؛ عینله «زمانك قادلری اوزرنده حزن وكدر اوچار.»؛ برما تمك آلامی تخفف ایدرك نهایت کسب تسلیت اولنور؛ مریض، اضطرابنه آلیشیر. وخسته لغنه صبور اولور؛ برطیب سفالتك منظره سنه کسب الفت ایدر. ویاپدینی عملیات جراحیه دن آرتق متأثر اولماز. هرشیده برلذت آرایانلر آرتق اوندن بیقمغه ویورولمغه باشلارلر. بتون بوواقعاتك اسبابی قولایجه آکلاشیلیر: حساسیتك جانی مؤسا sujet ایله تهیسیج آره سنده کی فرقلر و تضادلردن، حال ایله ماضی آره سنده کی مقایسه لردن عبارتدر؛ حساسیتك ایشله مسی ایچون خارجه مناسبات، ودائمیکی برشی لازمدر. فقط تضادلرک نهایت بولماسی و مؤسانك تهیسیجدن متأثر اولماسی اعتیاد ایله ممکن اولور: بونك اوزرینه آره دن هر درلو فرق زائل اولور؛ احساس تمادی ایده رك آرتق کندیسندن باشقه برشی ایله مقایسه ایدلز و آرتق هیچ برشی ایله مناستده بولماز؛ فقط تکرر ایدن بریکیلک اسکیلک رینه قائم اولور. [۱] بوصورتله تهیسیج دوچار ضعف اوله رق، جزئی برمدت صكره عدم تأثر ایچنده سونر: بونك ایچون اونك تازه لكنی محافظه و یاخود اونى بولق ایچون، تهیسیجلرك فاصله لرینی آرتدیرمق و یاخود اونلرك شدتلرینی تدریجاً تزید ایتدیرمك لازم کلیر.

ظاهری استئنار، بونلرك تاویلی . — شو برقاعده عمومیه در: حساسیت اعتیاد سایه سنده کیوشر. بوکاعتراضاً، برقاعده اساسیه نك برجوق استئنالری واردر

[۱] لومرايه لك «اعتیاد وغریزه، کتاندن.

دینه‌بیلیر : فقط ، بونلر ایجه حاده تدقیقندن کجیر یله جک اولورسه قاعده کلیه بی تأیید و توثیق ایتدکلری پک چابوق آکلاشیلیر .

شویله که بعضی مللر واردرکه زمان بونلرک شدتنه هیچ بر مرهم سوره مز ؛ بونلر آنجق بر مخلوقک اولومیله نهایت بولور ، واونک فوتنه باعث اولماسه لر بیله هیچ اولمازسه اونی تسریع ایدرلر . دیگر طرفدن ، بعضی لذت‌لر واردرکه تکررلرینه رغماً دائماً محافظه طراوت ولدت ایدرلر ، مثلاً : یمک ، ایچمک لذتی انسانک بتون عمرنجه طاتیلدر . فضله ازلهرق ، دیگر بعضی حظوظات واردرکه تکرر سایه‌سنده کیتدجکه ده‌ا زیاده شدید و مؤثر اولور : نته‌کیم ، عیاشده حس ذائقه کیتدجکه ده‌ا زیاده دوچار ضعف و تدنی ، تلذذ دخی تناسقص ایتدیکی حالده ، چاشنیجیده عینی حس ده‌ا زیاده اینجه‌لیر ، و تلذذ ده‌ا زیاده کست رقت ایلر ؛ کذلک عوامدن بریسی عین موسیقی پارچه‌سنی تکرار طویدینی زمان یورلدینی حالده ، موسیقی مراقیلیسی او پارچه‌نک اوتجی دفعه استماعده برنجیسندن ده‌ا زیاده مثلذ اولور . حاصلی عالم ، صنایع نفیسه اربابی ، واصحاب فضیلت ، حقیقت ، حسن ، خیردن منبعث تهیج‌اتدن اصلاً بی‌قمازلر . اعتیادک بونلری تنقیص و تخفیف ایتمک شویله طورسون ، بالعکس انبساط و تشددینه سبب اولدینی هرکسک بیلدیکی برشی دکلیدر ؟

بو استتارک اسبابی آشکاردر . ایلک ایکی مسئلهده اعتیاد تهیج‌اتی تخفیف ایدمه‌مز ، چونکه حد‌ذاتنده اعتیاد موجود دکلدر . برجهتدن ، تهیج و تأثیر غایت شدید و یاخود مخلوقک طبیعتنه بسبتون مخالف اولدیقندن بویله برحالده ، اولجه کورلدیکی وجهله ، اعتیاد تحدث ایدمه‌مز . دیگر جهتدن ، یمک ایچمک لذت‌لری ، حظوظات سائر مثملو ، بعضی احتیاجاتک تأمین و تسکیندن منبعثدر : فقط بوراده‌کی احتیاجات موقتدر ، یعنی دفع و تأمین ایدلدکدن صکره ، موازنه حیاتک ایجاباته تبعاً ، اولکی قدر شدید اولق اوزره تکرار کیری کلیرلر . بوسیله و بر قانون طبیعی به مبنی ، هر نه زمان احتیاج تسکین و تطمین اولتورسه هر دفعه‌سنده اوکا مخصوص تهیجکده عینله تکرر و تحصیل ایتسی ضروریدر . دیگر مثالدرده دخی آکلاشلمایه جق برجهت یوقدر . فی‌الواقع ، چاشنیجی و موسیقی مراقیلیسی احساسی یالکیز انفعالی برطرزده تقبل ایتمکله قالمالزلر ؛ بالعکس ، اوکا ذهنناً

حلول ایدرهك، حل ومقایسه ایدرك دائماً فرقلر، دائماً یكلكلر بولورلر. حال بوكه تضاد ویکلك لذتك شرطی، منبعدر. شونی ده علاوهً بیان ایدرلمكه، طبیعت لذتی فعله ربط ایتشددر: بناءً علیه فعالیت انكشاف ایتدجكه لنتده آرتار. بوده فعالیت ذهنیه سایه‌سندمه تحول ایدن، خیالی برشكه کیرن احساسك تخفف ایتجه‌جکنه، فقط کسب شدت ایدرجه‌جکنه یکی برسبب تشکیل ایدر. اعتیاد بوراده نتیجهً طبیعی‌سنی حاصل ایدر؛ قوای نفسانیه‌مزنی تمیه ایدر، بوانبساط وترقی ایه نتیجهً عادی‌سنی یعنی حقلی تولید ایلر. شو خصوصه‌ده دقت ایتك لازمدرکه: تهیجك تازه لکنی، زنده لکنی محافظه‌ایتدیرمه‌جك شی، فعالیتدر. روح احساساتدن ارتق‌آلوب مشغول اوله‌جق برشی بولمازسه، آرتق اونی خاییده اوله‌رق تلقی ایدر، بونك اوزرینه لذت فتوره اوغرار واستکراهه تحول ایدر: ایشه بوندن دولاییدرکه صنایع نفیسه اربابی بیله اولجه برخیلی مدت خوشلاندق‌لری موسیقی پارچه‌سندمه کندیلرینی جلب ایدر بیله‌جك برشی بوله‌مازلرسه، نهایت اونلر دخی بیقارلر.

هرکون دائماً یکی اوله‌رق علمدن، صنعتدن، فضیلتدن تولد ایدن حظوظاتك ده اسبابی بویله دکیدر؟ یالکیز بونلرده اوصانج وفقوردن قورقلماز. فی‌الواقع، جوهر نفس نه درجه صرف فعالیت ایتسه تهیجك درجهً شدتنه وارده‌ماز. اوکا تمامیه اویاماز: مخلوقك تعقیب ایتدیکی غایه برمسافه نامتاهیده‌در، ده‌ها طوغریسی بوغایه بالذات نامتاهیلکدر. فعالیتمز نه درجه انبساط ایتسه، نه قدر ایلری‌یه کیتسه، دائماً نه قدر یوکسلسه نافله‌در. هیچ بروقت غایه‌سنه ایریشه‌میه‌جکدر. کندیسيله غایه‌سی آرم‌سندمه هروقت نامتاهی برمسافه‌قاله‌جقدر! بناءً علیه، صاییسز حظوظات، دائماً لطیف بعض تهیجات واردرکه، قلب اونلردن هیچ بروقت بیقماز؛ بوراده دخی اعتیاد نتیجهً طبیعی‌سنی حاصل ایدر: فعالیتی آرتدیرر، اونی دائماً ده‌ها اوزاغه کتیرر، هر فعالیتده تحدت ایدن هر یکی ترقی‌ی ایتسه طبیعی برلنت تعقیب ایدرکه بونك درجه‌سی ترقینك درجه‌سيله مبسوطاً متناسبدر.

احساسك اهنیامه تحولی. — اعتیاد، تهیجاتك لذتی قاجیرر، آزاددر، یعنی اونلرك مشعوره اولماسنه سبب اولور: اعتیاد صورت قطیعه‌ده تحصیل ایدنجه احساسك آرتق تأثیری حس اولنماغه باشلار. فقط اولجه‌ده دنیلدیکی وجهله:

احساس زائل اولدقجه، احتیاج حالی اکتساب ایدر، اونی طامش اولان مخلوق ینه متلذذ اولمق ایستر. حظ، دائماً تطمین اولمنجه طالب بر آرزوی تولید ایدر، شاید بو آرزو تطمین اولنمازسه شدتلیر. دکرمنجی آرتق دکرمنک کورلیدیسی ایشتمز، بونکه برابر او کورلتی به کیت کیده ده‌ها زیاده محتاجدر. بونک دلیلی ایسه کورلدی زائل اولور اولماز دکرمنجینک راحتسز اولماسی و بوراحتسزلیک اونی اویندیرمسیدر. سرت مشروبات کنولیه به کسب الفت ایتیش اولان عیاشک، اونلردن حاصل ایتدیکی حظ کیندکجه آزالیرسه ده بومشروبات اونک ایچون احتیاجات مبرمه حالی اکتساب ایدر. صورت عمومی‌ده، حظوظاتی سوء استعمال ایدنلر بعدما اونلری طامسز بولورلر؛ بونکه برابر اونلرده ناقابل تسکین بر تشنکی تلذذ واردر، کسیدیلرینه امان واستراحت ویرمان بر صیتمه اونلری دائماً یاقار. احساسک آرزویه تحولی اونک لطافتی نسبتنده قولایقله اولور. بو کیفیت الم بخش احساس حقنده ده صحیحدر: توتون ایچمه‌نک بدایتده نه قدر مؤلم اولدینی معلومدر؛ بونکه برابر حقیقی بر احتیاجه تحول ایده‌بیلیر: بدایتده خوش اولمایان احساس اک نهایت بوصولنده کورنما مکه باشلار و یاخود لذته تبدل ایدر.

میلاندر. — میلانلر دخی تهیجانتک تابع اولدینی عینی قانونلره تابعدرلر. هر آرزو برغایه متوجهدر، یعنی مخلوقک حال حاضرلیه هنوز الده ایتدیکی دیگر بر حال آره‌سند بر مسافه‌نک وجودینه قائلدر. آرزو عادت اوزره تأمین و تطمین ایدلیمی؟ ایشه بوندن اعتباراً، بومسافه‌نی کیتدکجه ده‌ها زیاده ازاله، ده‌ها صیق اوله‌رق الده ایدیلن طرز وجود، بالذات مخلوقله کیت کیده اتحاد ایدر، وعادتا اونک حال معتادی اولور. بونک اوزرینه آرزونک بقاسنه سبب و محل اولمادیغدن زائل اولور. بالعکس، آرزویه عادت اوزره مخالفت ایدلیمی؟ ایشه بو مخالفت مخلوقده کیتدکجه بر جزو حالی آلیر. واک نهایت اوصفتی ده زائل اولور. بوصولنه، آرزو، میل ایتدیکی خیرک اکتساب و یا محرومیتی ایله منطقی اولور. بونک ایچوندرکه حیاته و یا صحتّه اولان محبتی، عائله‌مه و یاخود وطن‌مه اولان مربوطیت و شفقتی آرتق حس ایتیه‌ز: عینی صورتده، اولجه متفر اولدیغمز مصیبتلره ومثلاً حریت و یا ثروت و ساماندن محرومیت کی اضطرابلره دخی نهایت‌الامر کی کسب

الفت ایدرز ؛ حتی فضله اوله رق نه درجه سفیل اولورسه اولسون ایچنده یووارلاندیغمز حال و وضعیتنده خوشلانمغه باشلارز ؛ *وورورناغ* دیورکه : اسارت انسانی اودرجه آچالدرکه نهایت اونو سومکه باشلار . یوقاریدهده کورمشدک اضطرارمز ، متسلی اولمنی رد ایده جک قدر بزه خوش کله بیلیر .

تهیجات بختنده بیان وایضاح ایدیلن عینی مستنیات بورادهده تکرر ایدر . اولا احتیاجات موقوته نك حالی بویله در . بونلر نه غایه لرینك علی العاده استحصالیه ، نهده اوندن محروم اولمالریله انظفا پذیر اوله بیایلر ، چونکه بوایکی شرط اصلا تحقق ایتمز : *یمك یمه جك اولان محو وهلاك اولور* ؛ دیگر جهتن ، آجلق احتیاجی تطمین ایدلیکی زمان موقت بر زمان ایچوندر ، بواحتیاج چوق کچمه دن عینی شدتله ینه ظهور ایدر .

ماهیت وطیعتلری سبیلله اصلا تأمین ایدیه میان آرزولر ایچونده حال بویله در : بونلر غایه لرینه نائل اوله مدقلرندن ناصل منطقی اوله بیلیرلر ؛ بالعکس ، اونلر تطمین ایچون صرف اولنه جق مساعی نسبتنده کسب شدت ایدرلر : خسیس اولانلر آتونلری بریکدیرمکدن اصلا یورولق بیلمزلر ؛ حریص جاه وقاربازلر ایچونده قطعاً استراحت یوقدر . والده ، سودکجه فضله سور . « عشق وسودا کندیسندن اثر ونشانه ویردکجه آرتار . » [۱] کذلک خیر وحقیت آرزوسی دوچار فتور اولماز ، اونلره نائلتهده زائل اولماز ؛ بالعکس نشر انوار وخیرات ایتدکجه بویور ؛ حتی غایه لرینه عادت اوزره نائل اولمالرندن طولایی سونن میلانلر بیله قولایجه اتفاق و حال انتباهده ادامه ایدیه بیلیر ؛ الویررکه اونلره یکی بعض غایه ومقصدلر عرض ایدلسون ، حب وطن اصلا زائل اولماز ، چونکه هر وقت ایشلر ، وآثارینی کوسترمک ایچون دائماً بیکلرجه فرصت بولور .

شوراسی ده شایان نظر دررکه : عادت اوزره یرینه کتیرلمش ، تسکین ایدلمش اولان آرزو آرتق کندینی حس ایتدیرمدیکی زمان بیله بوندن ناشی زائل اولمش دکدر : او ، نه قدر آرمشعور به ایسه اونسبتده چوق شدید براحتیاج حالنده بایدادرر : بناء علیه بر لحظه ، عادت اوزره تطمین ایدلمکدن محروم قالماسی ، بتون

شدتیه ظاهر اولماسی و مخلوقه اك آجی آلامه سبیت ویرمی ایچون کافیدر . حیاته اولان فرط محبتی آتجق مرض ائسانده حس ایدر ، افراد عالمه مزك و وطنمك قلمزده اشغال ایتدکلی مهم و واسع موقعی آتجق اولردن اوزاقلاشدیغمز زمان آکلارز . کذلک بر احتراض کنیدیسی تطمین ایدمه مدیکمز زمان مطالبته رعایت اولنماسی پك شدتله الحاح ایدر .

اعتیادك محذور و نهیله لرلی . — اعتیادك باشلیجه آثار و نتایجی بونلردن عبارتدر . حقیقت حالده ، اکر مخلوق ایچون اوندن تولد ایدن نتایج یش نظر تأمله آله نجق اولورسه اعتیادك مشوم و مضر بر قانون اولوب اولمادینی جای سؤال اولور . واقعا اعتیادك فعالیتی ده قولاوی و مکمل برحاله افرای ایتدیکی شهبه سزدر ؛ فقط بونی ، فعالیت محدود بردأثرده دوران ایتدیرمك شرطیه اجرا ایتیمورمی ؟ اعتیاد سبیلله ، فعالیت حقیقه کنیدی اونیتمش ، کندیلکندن انفعالی اولمش ، ضعیفلامش ، کوره نك ایچنده غیر متحرک برحاله کلش کی کورینور . همده یالکز بوقدر دکل ؟ اعتیاد شعورك تدریجی اولومی دکلیدر ؟ فی الواقع ، بوقوته صورت قطعیهده مغلوب اولمش مرشی شعور ایچون تماماً غائب اولمش کیدر . بونكده سبی اشکاردر . برجهتدن ، شعور ، جهد و دقتله متناسبدر ؛ فقط اعتیاد سایه سنده ، افعال کیتدکجه ده سهولتله و نهایت کنیدی کنینه حیز حصوله کلیر ؛ جهد و دقت آرتق لزوم قالماز ، شوصورتله که اولجه شعورك علمی آئنده یابلان شیلر کیتدکجه بر پرده ظلمت آئنده جریان ایتکه باشلار . دیگر جهتدن ، شعور حد ذاتنده بر فرق احتسası اولماسه بیله ، فرقلر نه درجه زیاده قطعی ایسه ، شعور اولنستنده واضح و شدیددر . حالبوکه اعتیادك حاصل ایتدیکی نتیجه تضادلری تخفیف و خذف ایتکدر . بونك ایچوندرکه نتیجهده شعوری تنزیل و اك نهایت افنا ایدر . بوصورتله ، اعتیادك ثمره سی بزى برطاقیم مکمل ماکنه حالته قلب ایتك اولدینی ظن اولتور ؛ زیرا بزه ماکنه لرك هم غیر متحول و ثابت طرز فعالیتنی همده شعوردن محرومیتنی بخش ایدر .

اعتیادك همرت و فائده لرلی . — بونلرک هپسی عین حقیقتدر ، آنجق حقیقتك یالکز یاریسیدر . شهبه سز اعتیاد فعالیتله بر منساقیت و یریسور ؛ فقط بو منساقیتک بیله برجهتله بر ترقی اولدینی کورلیورمی ؟ اعتیاد اولماسه ایدی ، افعال مختلفه مز

دائما جهده عینی درجده صرف و انبساطی مستلزم اولمله برابر ، دائما متردد و ناقص بر حالده بوله جق ایدی . بوسیدن بز سیمیزك هیچ بر نمره سنی اقطاع ایتهدن چالشمغه محکوم اوله جق ایدك ، حیات دخی دائمی بر چراقلقدن عبارت قاله جقدی . حقلی اوله رق دینلمشدرکه : « اعتیاد اولماسه انسان یورومیه جك ، بلکه کوچك یاشده کی چوجق کبی سورونه جك ، قونوشایه جق ، ککه لیه جك ؛ اصلا بیلمکسزین اوکر نه جك ایدی . » [۱] یعنی هیچ برشی اوکر نیمه جك ایدی . حتی فضیلت و اخلاقک بیه مستحیل اوله جفنی کیم آکلماز ؟ « اگر احتراصات نفسانیه نك قوتی تناقص و اراده نكکی تراید ایتمکسزین غریزه و ارزولرک عینی مقاومترین هروقت غلبه ایتک لازم کسه ایدی ، اک یکتی ، اک جسور اولانلرک بیه فعالیتی چابوق توکنه جك ، هیچ طور مقسزین تجدد ایدن بو مبارزه دن طولانی بی تاب دوشه جکلر ایدی . »

خلاصه ، فعالیت بشریه نك مختلف ساحه لرده ترقینک ممکن الحصول اولمش اولماسی آنجق اعتیاد سایه سنده در ؛ مستعد اعتیاد اولان مخلوق ایچون ، ماضینک آرتق کچمش اولدیغنی و استقبایک هنوز کلدیکنی سولمک طوغری دکلدیر . اوکیسه نك ماضیسی محو اولمش دکل ، اوکیسه ماضیسنی حاله نقل ایتمش ، « او ، ماضی بی ید ضبط و تسخیرینه کچیرمش ، جوهرینی آرتدرمش ، کندی مایه سنه قارشدرمش ، و او واسطه ایله ید قدرتی استقباله ده اوزاتمشدیر » بناءً علیه اعتیاد محافظه کار برقوه اولوب حیاتک تمدایسنه ، ماضی ایله استقبالی یکدیگرینه ربط ایتمک و ماضیده استقبالی حاضر لامغه خدمت ایدر . اونک سایه سنده درکه مساعیمزدن هیچ بری فوت اولماز ، اولردن دائما برشی باقی قالوب بویه ایسه انسانی جهددن وقارا کلقدن ، آراشدیرمقدن تخلص ایدر ؛ اعتیاد اله ایدلمسی مجادله یه لزوم کوسترمش اولان شیرلی تثبیت ایدر ، ایلری یه طوغری حرکتی تأمین ایلر ؛ فعالیت ، امنیت ، راحت و مکملیتی هپ اوکا مدیوندر . وهپ بونلر بالضروره کوره نك دکلدیر ، بالعکس اوندن اجتناب ایچون بر واسطه در ؛ مسئله باشقه بر نقطه نظر دن تدقیق ایدیه جك اولسه دنیله بیلورکه اعتیاد ترقینک شرطی و انسانک الی نهایت تکملنه مساعددیر .

اعتیاد شبهه‌سز تدریجاً اراده و شعورك یرینه قائم اولور . فقط نتیجه‌ده بوا یکی قوت زائل اولمازلر ؛ بعض افعالک اجراسنه نظارتدن آزاده قالمش واعتیادک اونلری حسن نتیجه‌یه ایریشدیره جگنه‌امین اولدقلرندن ، باخصوص بر آرمه‌ارت کوسترلرلرسه ، یکی یولاره توجه ایله یکی شیرلر فتحنه تشبث ایده‌بیلرلر . اعتیاد ، مطلقا اراده و شعورك اولومی دکلدر ، بالعکس بونلرک استحصال حریت واستقلالله خادمدر ؛ اعتیاد منساقیت‌ده دکلدر ، بالعکس دها یوکسکه چیقمق ، دها ایلری‌یه وارمق ایچون بر قدمه ، بر باصامقدر . بوجهتله ، وهله اولاده برطاقم محاذیر مضره‌یی تولید ایتدیکی ظن اولئان بو قانونک بالعکس نتایج مفیده‌سی مبذولدر . بو ، بعضلری طرفندن سویلندیکی وجهله حقیقه " بر لطف و کرم قانونیدر " . ائیدی اکر اعتیادک بزده هیچ برشینک فوتنه‌میدان و یرمیوب بزم ایله برابر فانی اولمادینی و بالعکس کندی کندیمزه وارث اولمقلغمزه مدار اولدینی ، اخلافزه بر میراث احضار ایده‌بیلدیکی پیش نظر تأمله آلیرسه ، قولایلقله آکلاشیایرکه اعتیاد ، کندیسنه سی یاردیم ایدر و متخیله‌ده نفوذ ایلرسه نوع بشر ایچون ناقابل تحدید بر ترقی‌یه خادم اولور .

تطبیقات عملیه . — تربیه ابله اعتیاددر . — بودرسدن انبعاث ایدن بالعموم تطبیقات عملیه‌یی کوسترمکه آرتق لزوم‌قالدیمی ؟ چوجفه اعتیادات مستحسنه بخش و تأمین ایتک تربیه‌نک یکانه غایه‌سی ، ایشی ، دکلیدر ؟ فی‌الحقیقه تربیه‌نک وظیفه‌سی سجیه‌یی تشکیل ایتکدر . سجیه ، بالاده کندیسنه و یردیکمز معنای محدوده کوره دکل ، بالعکس کنیش معناسنه نظراً ، اخلاقه مدار تمیزمز ، حس و عمل خصوصنده کی طور مخصوصمز ، « علامت فارقه‌مز » و تعبیر جائز ایشه ، دستور خاصمز اولان شیدر . بناءً علیه او ، ایکی عنصردن مرکبدر : بر طرفدن ، فطرت اصلیه‌مز ، دیگر جهتدن دخی ، برنجی طبیعت اوزرینه آشیلانمش ، آز چوق محکم صورتده یرلشمش اولان هر نوعدن برطاقم اعتیادادن متشکل بر طبیعت ثانیه و مکتسبه‌دن عبارتدر . بو اعتیادلرک ممکن اولدینی قدر سالم و عقله موافق اولماسی مطلوب ایدی ؛ چونکه او وقت شخص لایق و متحمل اولدینی تکملی ، قیمت معنویه‌یی اکتساب ایدردی . بناءً علیه بر چوجفک سجیه‌سنی یا همق دیمک ، اونک استعدادات ابتدائیه‌سنی اصلاح

و یا تقویه ایتک ، حس و تفکر و اراده ایچون اونی یکی برطاقم اطواره آلدیرمق ،
و خلاصه اوکا طبعی و طوغری برطاقم اعتیادلر بخش ایتک دیمکدر .

تربیه‌نک ناشقه بر حکمت موجودیتی یوقدر : دکرلی دکر سز بعض اسباب
مختلفه دن دولای ، بو وظیفه‌ی اوندن نزع ایتک ، حقیقت حالده اونک موجودیتی
اورته دن قالدیرمق ، تامیله اونی یوق ایتکدر .

تربیه‌نک اثرهای . — بونی کشف ایتک قولایدر . تربیه‌نک وظیفه‌سی
• مضاعفدر . تربیه‌نک اک اول یاقمقله مکلف اولدینی شی ، چوجنک استعدادات
جلیه‌سنه نظارت ایتک ، وفنا خویلرک اونده یر بولماسنه مانع اولمقدر . بو ایش ،
ظن ایدلرکنندن ده کوجدر . اول امرده طبیعت ابتدائیه به بحق واقف اولمق
لازمدر : بعده ممکن اولدینی قدر سرعتله ایشه باشلانماید ، چونکه چوجنک
ایلک قازاندینی عادتلا کثراً پک چوق کولکله شیرلر ؛ دیگر جهندن ، هر زمان
بر نظارت شدیدیه صرفی استلزام ایدر ؛ زیرا اعتیاد ایلک فعل و یا ایلک انطباع
ایله باشلارودر حال یرلشیر . واقعا عامیانه دینلیدیکی کبی « برشینی بردفعه یاقمقله اوشی
عادت حکمه کیرمز » ؛ فقط بومل حکمه اعتیاد ایتماک لازم کلدیکی کبی تربیه‌نک
دخی اونی قبول ایتماسی اقتضا ایدر . اگر باشلاندینی آندن اعتباراً انتظامه رعایت
اولنمازسه ، میلانک نفوذی سرعتله آرتار ونفسه حاکم اولمقده کچیکمز . ایشه بوراده
اعتیادک قدرتی حقنده موتئی طرفندن درمیان ایدیلن مطالعه‌ی تذکر ایتک مناسب
اولور : « اعتیاد ملایم ومتواضع بر صورتده باشلار . او ، بزم اوزرمزه پای تحکمی
تدریجاً وعادتا کیزلیجه قویار ؛ فقط چوق کچمه دن غضوب وقاهر بر چهره کوسترمکه
باشلار ، بوده آنجی اومرخی تدقیق وتنفید ایچون کنديسنک تحکمندن قورتیلهرق
تفسمزه مالک اولمق ایستدیکمز زمان واقع اولور . » بناءً علیه ، چوجنک ایچنده
یشادینی محیط ، شاهد اولدینی مثاللر ، مالک اوله بیله جکی فنا غریزه لر ، هپ بونلر
مرینک فطانت وثباتی ایله دفعی لازم کلن مهالک جمله‌سنددر . تهلکده اولان چوجنک
استقبال مغنوسیدر . اعتیاد ایکی طرفی کسکین بر ییجاغه بکزر : اگر بونی قوللانمی
بیلمزسه ک ، او بزه دشمن اولور . اگر ایسترسه ک ، شاهراه خیرده ده ایلری به
کیتمکلکمز مساعده ایده بیلیر ؛ فقط عینی زمانده طریق شرده ده آشاغی به

دوشمکلمزه، و بزدن حس حیثی نزع ایده جک درجه یه قدر تذلل ایتمکلمزه باعث اوله بیلیر.

چوجقده فنا عادت لرك وجود پذیر اولماسنه مانع اولمق ایچون هر چوجنی متمادی بر نظارت آلتنه آله بیلیمك بك مشكل برایش اولدینی شبهه سزدر: چونكه مربی اکثریتله بر شینك اوكنی آلمقدن زیاده تصحیح و تعمیر ایله اوغراشیر. فقط شونی ده سویللی كه اونك بومشغله سی قانون اعتیاد طرفندن بیله بك زیاده مظهر تسهیلات اولور. چوجنك فعالیتنی جریان عادی سندن انحراف ایتدیرمك، افكارینك جهت توجهنی واذاقلنك طبیعتنی دكشدیرمك یعنی چوجغه دهایی بر طاقم اعتیاد لر اکتساب ایتدیرمك سایه سنده دركه چوجقندن تمایلات مردوده و قیجیهی تدریجاً ازاله ایتدیره بیلیمك ممکن اوله بیلیر: «اعتیاد، اعتیادله حال مبارزه ده در» بوطوغری سوزه، اعتیاد، اعتیادی افنا ایدر سوزینی علاوه ایتمك لازمدر: بوراده تربیه نك وظیفه منفیه سی آنجق اوکا معادل دیگر بروظیفه مثبته ایله حاصل اوله بیلیر.

چوجق دكل حتی بیوك بر آدمك بیله مدت مدیده زبون اولدینی بر هوا و هوسدن وازكچمسی، قولای دكلدر. بوبابده کی مشكلات طبیعی چوجقده دهایی بیوكدر. چوجنك بوكا قارشی جهد ایتمی لازم، حالبوكه جهد اونك ایچون كوچدر. بوججده بر از کیوشكلك كلیر كئز مترقب فرصت اولان احتیاط غائب ایتدیکی موقعی تکرار الیه کچیرمك ایچون بوندن استفاده شتابان اولور. فقط بوراده دخی اعتیاد معاومتزه یشیر. اونك سایه سنده، جهد دهایی مشقتلی اولور، مبارزه لرك مقداری آزالیر، باعث اولدقلری اضطرابات تخفف ایدر. اراده قوتجه بیویه رك تأمین غالبیته موفق اولور. شونی ده علاوه ایده لم كه چوجق کسب صلاح ایتمکدن وکندیسندن منتظر اولان حاله موفق اولماسندن متحصل بر لذتله بالطبع براردها تزئید قوت ایدر.

اعتیادك علم تربیه طرفنده دریمار شهره واعتراضه اولماسی. — بناء علیه اصل معرفت، چوجنی بعض مکمل اعتیادات قلییه، فکریه و ارادییه صاحب ایتمکدر. فقط حقیقت حالده مسئله بعض تربیه متخصصاری نزدنده بویه تلقی ایدلماشدر. خصوصیه مادام کیزو «تربیه دائر مکتوبلر» نام اثرنده چوجغه

بعض اعتیادلر بخش ایتک لازم کلوب کلدیکی اوزون اوزادی به تدقیق ایدیور؛ مادام کیزو اعتیادلری میخانیکی، کوره نکه تابع، و اعمالندن بی خبر برطرز فعالیت عد ایدیور، اونک رایج برطرز فعالیت، برمزیت اولسه اولسه قوای نفسیه دن یالکز برنی اوده دیکرلرینک ضررینه توسیع ایده بیلیرمش، مخلوقی یالکز برطرزده کی اعمالی اجرایی محکوم ایلرمش، وبوصورتله ظهوری ممکن اولان بر طاقم ظروف و احواله تطابق ایلمسنی منع ایدر ایش. بوکا بناءً مادام کیزو «اعتیادات فعلیه» یه اول امرده اعتیادات فکریه ایله تضاعف ایتدیکی تقدیرده اعتماد ایتور ودها طوغریسی اولنری قبول و تصدیقن امتناع ایدیور؛ «اعتیادات فکریه» دن مقصدی ده احوال جدیدده رهبرک ایده جک اساسلردر. خلاصه، اعتیاد، شخصیتک ایکی رکنی اولان تأمل و حریتک دشمنیدر، بوحواله ذهنک قدرت و مهارتی، اراده یه مخصوص چیویکک و مختاریتی نزع ایتدیکی تقدیرده اعتیادی استحسان ایتک مقتضیدر.

بوملاحظه ده موجود و مندیج اولان حقیقت و دلایله قارشى اعتراض ایدیه مز. محققدرکه اعتیاد کندی کندینه ترك اولنورسه اخبار ایدیلان محذورلره تمامیه مالکدر؛ شاید اعتیاده تماماً قاپیلیرساق، مختلف فعالیتلرمری اوکا اذدیره بیلیرز، و کوره نکه دوشورمش اوله بیلیرز. شوراسی پک ظاهردرکه تربیه دن مقصد چوجنی منساق، ولوکه انی ایشلر عادى برماکنه حاله کتیرمکدن عبارت اولمایوب، اونى مختار و تأمل و حریتله حرکتیه مقتدر برحاله افراغ ایتکدر. فقط بوراده دخی، موازنه سز بر اقیلان اعتیادک حصوله کتیره جکی نتایج و خیمه نك، ینه اعتیاد سایه سنده اوکی آله بیلیر. اوت! حیات انسانیه تأمل و اختیاردن عبارتدر، بزى موجودات سائرده دن تقریق ایدن و بزه حیثیت و یرن بونلردر؛ فقط شوخی ده تمامیه اعتراف ایده لم که تأمل اعتیاددن عبارت اولدیغی کبی اختیار دخی آنجق اعتیاد سایه سنده صرف و استعمال اولنور. بونده اعتراض ایده جک برشی یوقدر؛ تأمل، بدایت امرده چوجنه یسانجی کورینور و اوکا کوچ کلیر؛ بحق دنیه بیلیردی که چوجق نفسنه عطف نظر ایتکدن، حلول ایلکدن قورقار: نظرنی خارجه چویرمکی، بوکا شوکا عطف لحاظله هوس ایلکی ترجیح ایلر. چوجنه تأملک ده

مأنوس ودها قولای کلمسی انحق اعتیاد سایه‌سنده در . چوجفك كندیسه حاکم ومالك اوله‌بیلیمی ایچون اوزون برادمانه، چراقلفه احتیاج ولزوم واردر ؛ بو، کافه صنایعدن اک مشکل اولوب اوته‌کیلرده اولدینی کبی، بونده دخی دیکرلری کبی مکملیت وامنیت اعتیادسایه‌سنده حصوله کله‌بیلیر . بودیمک دکلیدرکه، اعتیاده مخالف عد ایدمک ایسته‌نیلن اختیار دخی نتیجه‌اعتیاددر ؛ اولجدهه بیان ایدلدیکی وجهله، اختیار، تأملدن طوغار، ودها طوغریسی بونلرک هرایکیسی عینی شیدر ؛ اونلر برابر ظهور، برابرجه انبساط ایدرلر . اعتیاد سایه‌سنده اختیار دها آز‌آلدانیر ودها زیاده اویانیق اولور ؛ دها زیاده جسور ویکیت اولور ؛ ادمان ایدیلن هر قوت مثللو قدرت و متاتی آرتار . بوندن باشقه : آنحق اعتیاد سایه‌سنده درکه اختیار کندیسه تمامیه مالکیت، اکلانه غیرت ایتدیکي خیرده ثباته، استراحت ایریشه‌بیلیر . بوندن اولکی درسده سوبلیدی کمزی درخاطر ایده لم : اختیار یالمامشدر، یابیلیر ودها طوغریسی موجود اولق ایچون کندی کندی فتح ایش اولمالیدر، کندی ربط و بند ایدن بیکلرجه رابطی، کندیسنی تهدید، تمديد وتضییق ایدن بتون ضروراتی تدریجاً قیروب چوزملیدر . اختیار کندی کندی فتح ایتملیدر . همده بونی یامغه مجبوردر ؛ اخلاقی، فضیلت ایشه بوندن عبارتدر . حالبوکه اعتیاد اولقسزین بوایش مستحیل، اولدن عقامته محکومدر، وظیفه ایسه قوای محدوده مزك اودرجه فوقده اولورکه آرتق یأس آور بر خیال شکله کیرر . اوت ! اراده جزئی کندیسنی یواش یواش غائب ایده‌بیلیر وکندی محوینه چالیشه‌بیلیر، اعتیاد دخی بوضایعک قطعی اولماسنه خدمت ایده‌بیلیر : « بو حال انسانک تصادف ایده‌بیله‌جکی احوالک اک طوقوناقلیسی واک مؤلیدر ؛ فقط اختیار اونک آزاد کیسه چالیشه‌بیله‌جکی کبی، کیتدجکه دخی کندیسنی طومغه، وامر خیرده دها قوی، دها صارصلماز اولمغه مقتدر اوله‌بیلیر ؛ مزیتک درجه قصواسی، واعتیادک یوکسک شکلی ایشه بوندن عبارتدر : آرسطر بومسئله‌دهه حقیقی اتیان ایده‌رک « فضیلت براعتیاد » در، دیمشدر :

اعتیادلرک شخصی تشکلی و بوندره نظارت . — مربیلر چوجغه تأمل و اختیاری اعتیاد ایتدیرملیدر، یعنی ممکن اولدینی قدر، چوجغه اعتیاده قارشی کندیسنی مدافعه

ایتمک و هیچ اولمازسه قوه عقلیه سیله اوئی تفتیش آلتندم بولندیرمق و حین حاجتده اوئی اراده ساهه‌سندم تبدیل و محو ایتمک اعتیادینی بخش و تأمین ایتلیدر . پک چوق وقت ، کرک کندیمزی و کرک سائرلرینی تدقیق ایتدیکمز صیره‌ده ، وجدانک بیلیم ناصل براعتیادینی اوزله‌یه‌رک ، ینه کندی ایجاد کرده‌سی اولان برقدردن شکایت باشلادیغنی ، و بعضاً بوندن اوتانوب قیزاردیغنی و بونکله برابر بوکا بیان محجوبیت ایتدیکی حالده اوئی ازمکه قادر اولمادیغنی مشاهده ایدرز ؛ ایشه بونک اوکئی آلمق لازمدر . چوجق ، سنا بیودکجه ، کندیسنه ممکن اولدیغنی قدر زیاده حاکم اولماسنی ، قوه عقلیه‌سنی دائماً غیر مختل و اراده‌سنی هر زمان قوتلی اوله‌رق محافظه ایتسنی اوکرنمیلیدر . بدایت امرده چوجق ، اولا خبری اولمقسزین اداره ایدلمشدر ، فقط صکره اوکندی کندی بیلهرک اداره‌یه موفق اولمالیدر . مربیلرک ، چوجفه برطاقم اعتیادات بخش و تأمین ایتدیکی صیره‌ده ، تعقیب ایدم‌جکلری مقصد ، چوجفه کندی اعتیادلرینی بالذات کندی یاپه‌جق و بعدما بوندن متولد مسئولیتی کندیسنی درعهده ایدم‌جک آن قطعی‌یی احضار ایتکدر . شونی‌ده اونوتاملیدر : انسانک سجه‌سی یالکیز طبعک و تربیه‌نک نتیجه‌سی اولمایوب ، اونک دخی ثمره‌سی و غیرتی اولمالیدر . کندی فعالیتنی ، سجه فطریه ابتدائیه‌نک متشکل اولدیغنی عناصر مختلطه ایله مزج ایتمه مجبور اولان تربیه‌نک وظیفه‌سی ، کندی کندیمزی طمانیه‌رق و کندی حریمزه اعتماد ایدم‌رک بالذات ایشه قاریشدیغمز ، سجه مرکز‌عاملی و شخصیتمزک صانعی اولدیغمز کون ختام بولور . ایشه بوسایه‌ده نهایت‌الامر بتون معناسیله « صاحب سجه » اولمق ممکن ایدوکنی‌ده آرتق علاوه ایتک اقتضا ایدرمی ؟ فی‌الواقع ، بزم مساعی شخصیه‌مزله وجوده کلان بو طبیعت نه وقت بلا اعتراض و بلا ضعف حاکم اولورسه ، قوه اراده‌نک ثباتنه عقلک متانتنه ، نه زمان مالک اولورسه‌ق ، خلاصه وظیفه‌نک یعنی رواقیونه کوره بتون حکمتی تشکیل و بزم عندمزده‌ده سجه صاحبی وجوده کترین وظیفه‌نک شواعتیاد مستمرینه نه کون صاحب بولورسه‌ق سجه بحق وجود‌پذیر اولمش اولور .

خلاصه

۱ — روحیات نقطه نظرند، اعتیاد بر طرز وجود، بر استعداد مکتسبدر؛ اولجه واقع اولان برحالی تکرار اعاده و حاصل ایتک میلیدر. اعتیادك منبعی ایلک برنجی تحولدهدر؛ تکرار، اعتیادك علایق اولمقدن زیاده اثریدر. اعتیاد، تحولك مدتی وشدتیه متناسبدر.

۲ — اعتیادك بعض شرائط منفیهسی وارددر: تحولك طوغریدن طوغرییه مخلوقك طبیعتنه مخالف اولماسی لازم كلدیكى كبی، نه پك شدید نه پك فوری اولماسی ایجاب ایدر.

۳ — اعتیادك جرئومهسی اولان تحول یا بالذات مخلوقدن، یا خود خارجی بر مؤثردن انبعث ایده بیلیر. بوسیله اعتیادلر، اعتیادات فعلیه و اعتیادات انفعالیه اولمق اوزره ایکییه تقسیم اولنور. اعتیاد فعلی فعالیتی تزید، و اعتیاد انفعالی انفعالیتی تنقیص ایدر. لکن اعتیاد حد ذاتنده طبیعت و اثرلری اعتباریه عینی در؛ او، فعلیدر؛ تحولی تثبیت ایده رك بونی مخلوق ایچون بر میل، بر احتیاج حاله قویار، و عینی زمانده اوکا دائر اولان شعور و احتیاسی آزالثیر.

۴ — اعتیاد آنجق حیات ایله باشلار؛ اونی جماداته قدرتشمل ایتك ایستیانلرده اولمش ایسه ده بونلرده آنجق بسبتون انفعالی بر دیومیت بولنوب یوقسه اولجه یاییلان بریشی تکرار احداث ایتك استعدادی مفقوددر. فضله اوله رق، اعتیاد بالذات حیاتك درجهسی ایله متناسبدر: بو، زمره نباتیه ده (نباتاتك اقلیمله امتزاجی) موجود ایسه ده زمره حیوانیه ده دها زیاده، ودها بیوك بروظیفه ایفا ایتكدهدر. (تأهیل و تأنیس حیوانات) انسان انواع مختلفه دن برچوق اعتیادلره مستعددر: اعتیادات عضویه بدنه، اعتیادات نفسانیه ایسه روحك قواسنه تعلق ایتكدهدر. (ذهن، قلب و اراده اعتیادلری.)

۵ — اعتیاد، فعالیت اوزرینه اجرای تأثیر ایده رك جهدی تنقیص، فعلی دها زیاده نسریع و تسهیل ایله برابر دها مکمل برحاله قویار، اونی، اراده‌یی برمدت سكره نرؤمسز براقان میلانه تحویل ایده رك دائره شعور خارجه دوشر. اعتیاد، مکتسب برغریزه، بر طبیعت ثانیه در.

۶ — اعتیاد حساسیتی تخفیف ایدر: بواعیاده لذت و الملك آرتق تأثیری قالماز. بونکه برابر مخلوقك آلیشه‌مدینی بعض المارك و بعض موقوت احتیاجاتك (بونلرده اعتیادك حصولی ممكن دكلدر.) تسکیندن منبعث لذاته ملکاتمرك کسب انبساط ایتمندن طولایي شدت‌لری آرتان حظوظات علویه‌نك استثناسی لازمدر. فقط اعتیاد دولایسیله تخفف ایدن احساس کیندکجه مخلوقه لزوملی اوله‌رق، اکثریا شدید براحیاچی تولید ایده‌بیلر.

۷ — بوقیلدن اوله‌رق میلانلر دخی اعتیاد طولایسیله کیندکجه سوز. مع‌هذا دائماً عینی شدتله و فقط موقوت یعنی منتظم فاصله‌لرله ظهور ایدن احتیاجات ایله تطمین و تسکینی اصلاً ممکن اولمایان و بویخصوصه صرف ایدیلن سعی نسبتنده آرتان لذاتی اسننا ایتك مقتضیدر.


۸ — اعتیادك نتایج و آثار عمومی‌سنة کینجه بونلر بدایت امرده مخلوقه مشغوم کی کورینور. بزی منساقته طوغری سوق و شعوری تدریجاً اطفا ایدر. فقط دیگر بر نقطه نظر دن حیالك تمادیسنة بادی اوله‌رق ترقی‌ی دائرة امکانه ادخال ایدر، واراده و شعورك مقاصد سائر یه اماله‌لرینه مساعد اولدیغدن بشریته بر تکمل غیر محدود. خادم بر قوت بخش و احسان ایلر.

۹ — تربیه چوجغه آنجق بعض ای اعتیادلر بخش ایتکدن عبارتدر. تربیه‌نك بوندن باشقه بر حکمت وجودی یوقدر. اونك ایشی طبعاً مضاعفدر: بر جهتن چوجقده بر طاقم اعتیادلرک حصوله نظارت ایتسی و بر طاقم فنا خویلرک اکتسابه مانع اولماسی لازم کلدیکی کی دیگر طرفدن چوجقک کسب ایده‌بیلدیکی بعض کوتی عادت‌لری اصلاح و بونك ایچون ده‌ا اییلرینك اکتسابه معاونت ایتسی اقتضا ایدر.

۱۰ — تربیه متخصصلرندن بعض‌لری اعتیادك غیر عالم و کوره‌نکه تابع بر طرز فعالیت اولدیغنی، اراده ایله تأملی کریده براق‌دیغنی بهانه اتخاذایده‌رک اعتیاده عدم اعتماد بیان ایدیور. فقط بو، صحیح دکلدر: اعتیادك تأملی ده‌ا سهل و مکمل قلدیغنی و اختیارك قدرتی تزید ایله اکمال ایتدیکنی ادعا ایتك پک طوغری اولور.

۱۱ — تربیه، چوجغه باشلیجه شو ایکی قیمتدار اعتیادی بخش ایتلیدر: بونلرده تأمل و اختیار اعتیادی یعنی اعتیاده قارشی کندیسنی مدافعه ایتك، اونی

تفتیش و لازم ایسه تعدیل ایلک اعتیادیدر . تریه نك غایه سی ایسه چوجفه بالذات
 کندیسى اعتیاداتی اکتساب ایده بیه جک زمانی احضار و تهیه ایتک و کندی تشبیه
 سجه سنی تنسیق ایتدیر مکدر . ایشته بوضورتله در که چوجق بالآخره سجه صاحبی
 اوله بیه جکدر .



روحیاتك استنتاجاتی

یكړمنجی درس

مابعدالطبیعی روحيات

روحك موجودیت وبقاسی

مابعدالطبیعی روحيات . — طبیعت بشریه ده ايكيلك . — حیات حیوانیه . — حیات ذهنيه و معنویه . — حیات عقل ، غایه انسانی . — عنصر متفكر ك ماهیتی مسئله سی . — روحیه و ماده . — روحك لطافت و غیر جسمانی حقیقه کی دلیلار : روح ایله جسدك بربرندن فرقی . — عنصر متفكر ك وحدتی : جسدك مرکبیتی . — عنصر متفكر ك عینیتی : جسدك هیچ طور مقسزین د کیشمی . — عنصر متفكر ك فعالیت : جسد مادینك عطالیتی . — روحیون دلیللرینك قیمتی : قانتك اعتراضلری ؛ « شائی أنا » ایله « أنای مطلقى » . — مادیونك دلائلی . — مادیونك دلیللرینی مناقشه . — ماده نك مبدئی : ماده .

تطبیقات عملیه . — تربیه ایله روحیه مسلکی : مفكوره حیاتی . — روحك بقاسی .

مابعدالطبیعی روحيات . — مشعوره حادثات ایله متنوع وظائف و خدمات معنویه و اخلاقیه نك تبعی بیندك . « تجربی روحيات » دیدیکلری ایشته اوندن عبارتدر . فقط بیلورز ، بوقدری روحیاتك تمامندن عبارت دکلدر . روحيات « علم روح » در : آنجق روحی طایبق ، اونی تجلیات شائیه سی اعتباریله بيلمك اولمایوب ، برده اکر موجود ایسه ، بذاته نه اولدیننی آرامق ، و حقیقت جوهریه سنی ، اکر بویه برشی ده وارسه ، تعین ایتمك ، و بناء علیه آتینی و نصیبی نه اوله بیه جکنی کسدرمکدن عبارتدر . بوحالده تجربی روحيات بزى طوغریدن طوغریه عقلی یاخود مابعدالطبیعی روحیه سوق ایدر : بونلرك برنجیسی ایکنجیسنك مدخل ضروریسی ، ایکنجیسی ده برنجیسنك تتمه طبیعیه سیدر .

طبیعت انسانیه ايكيلك . — اکر عموم طرفندن قبول ایدلش و هرکسی دایما مشغول ایتش برحقیقت وارسه ، بوحقیقت طبیعت انسانیه ده کی ايكيلکدر . وقته اسطر و افراطونه ك کورمش اولدقلری اوزره ، بری دیکری اوزرینه موضوع ،

بربرندن پك آیری شیر اولدقلری حالدہ، ینہ بربرینہ قاریشمش، وصیمیتلہ تفوذ ایتش، صانکک ایکی حیات واردر. افهوطورہ تبعاً، حیات حالیه‌نك برسقوط اولدیغنه، وروحك مقدما صفوت کاملہ حالندہ یشادیغنه، وحسب‌القدر جسدی احیا ایلسی اوزرینہ تلوث ایتدیکنہ اینامق جائز میدر؟ یاخود بونك عکسنہ، «ارسطو» یه تبعاً، خلقت وفطرتمز، سلسلهٔ صور وجود آرہ‌سندہ، طبعك یکی برترقیسی، فکرتك، ماده *matière* «قوہ»، *puissance* «اوزرینہ» فعل *acte* «ی، یکی بر مظفریتی نظریلہ باقق، وکرچه بعض جهتلردن هنوز موجودات سفلیہ ایلہ تعلقمز وارہ‌ده دیکر بعض جهتلردن صحیحاً لاهونی وقدسی برحیاته مظهریتز ممکن اولدیغنی تسلیم ایتك جائز میدر؟ بوناصل اولورسہ اولسون، انسانلرک حال وشانی، یاامقال ک تعبیری وجهلہ «نه ملک، نه‌ده بهیمہ» یاخود ده‌ها طوغریسی هم «ملک و هم بهیمہ» اولقدرد.

حیات مہیوانیہ . — فی‌الحقیقہ انساندہ اول امرده برحیات سفلیہ واردرکه بوکا «حیات حیوانیہ» دیہ بیلیرز، زیرا بویله برحیات ده‌ها اول بهایمده دخی واردر. اولاً، بو حیات تماماً جسمانیدر، واعضای آلیہ مزک ایشله مسندن عبارتدر، غایہ‌سی ده حفظ بدنذر. ثانیاً، بو حیات حیوانیہ اشاعی درجہ‌ده برحیات نفسیہ‌درکه بوکا «شہوانیہ» *sensitif* نامی‌ده ویریله بیایردی، زیرا بو حیاتی تشکیل ایدن موادک جملہ‌سی کاملاً حواسدن مقتبسدر، بناءً علیہ شرط حصوللری ینہ اعضای آلیہ‌در: بو حیات، احساس ایله احساسک تولید ایدہ بیله‌جکی بالجلملہ حادثات، یعنی برجهندن شوق، احتراض، دیکر جهندن تصور، صورت محسوسه واذکاردن عبارتدر. فی‌الواقع حیوانی شعوردن محروم بر ماکنہ عد ایدن *دوقارت* ک دعواسنی قبول ایتك مستحیلدر. اعتراف اولمالیدرکه بهیمہ‌نك برحیات نفسیہ‌سی واردر؛ فقط اونک بالجلملہ قواسنك اشاعی بر درجہ‌ده اولدیغنی و حیوانی آنجق ساحۃ احساسات ایچندہ بر اقدیغنی ده تصدیق ایلک‌ده طوغریدر. حیوان شہوانی، آلی برحیات ایچندہ محصور اولدیغندن هیچ بروقت بودائری تیجاوز ایدہ‌مز، ودبکر درلو برحیات اولدیغنی هیچ بروقت بیله‌میہ جکدر.

حیات ذہنیہ ومنویہ . — انساندہ ایسہ حال بویله دکلدرد: انساندہ حیات

حیوانیه بوحیات عالیہ نك حاضرلفی کیدر ، بوحیات عالیہ اولکی حیات اوزرینه آشیلانیور، استاد ایدیور ، فقط اودرکیه تنزل واقتصار ایتیور، اونك پك فوقه چیقایور : بو ، حیات عقل ، اصل معناسجه حیات ذهنیه ومعنویه در . فی الحقیقه ، انسان یالکز احساساتی نلقی وصور محسوسه یی ترکیب ایتمکه اکتفا ایتمز : انطباعات خصوصیه سنه غلبه وتصرف ایدر ، احساساتی عقلی اعانه سیله معلومات ، صور محسوسه سنی افکار حاله چویرر ، اشیا آره سنده کی نسب کلیه یی ، قوانین ضروریه وازلیه یی کشف وتیقن ایلر ؛ وبوصورتله علمی انشا ایدر .

بونك کبی بعض آرزو وشوقلری طویمقله ، اهوای نفسانیه وشهوات جسمانیه نك تأثیرانه بالااضطرار تابع اولمقله قساعت ایتمز ؛ امداد عقل ایله ، اونلری ضبط واداره ایدر ، شأنك اورته سنده قانونی ، خودکام سائقك یاننده سائق کلی یی ، ذوقك فوقده وظیفه یی تصور ایلر : اختیار وشخصیت حیاته حاضرلانیور . عینی زمانده ، قلبنده ، اشواق حسیه وشهوانیه یاننده ، پك باشقه یولده مطالب تجلی ایتمکه باشلار ، بومطالبده نامتناهی یی ، کلی تفهم ایدن عقلك ثمر ایدر ، بومطالب انسانی اکثریا عادی وخاییده اولان شو عالم جسمانیك اوته طرفلرینه ، تا عالم علینه قدر یوکسه لدر . ایشه بتون بونلر انسان ایچون حیات معنویه یی تشکیل ایدر .

مرآت عقل ، غایه انسانه . — سوزیمزه علاوه دیهلم که انسانه خاص اولان ، صحیحاً انسانی حیات بودر . وقیله **ارسطو** نك دیدیکی کبی ، انسانك بتون دیگر مخلوقاتدن مدار تمیزی عقلدر : انسانك علامت فارقه سی ، صفت میزه سی ، مابه الاصلیتی اوندن عبارتدر . بناء علیه انسانك قانون طبیعی سی حیات عقل ایله یشامقدر . شبه سز ، نفسمزده حساسیت ایله عقل بربرلرله پك شدتله مجادله ایتمکه درلر : بونلر نیجه دفعه لر اخلاقیون طرفندن اخطار و اخبار ایدلمش اولان ، « جسد » و « روح » غوغالریدر : هیچ برشی ذاتمزه موجود اولان شو درین اکیلیکی ، وبری تقویم ایدن دی حیات تساوی نقیضنی antinomie بونك قدر اظهاره مساعد دکلدرد . نیجه بیکلرجه قابا میلانلر ، بیکلرجه آچالدان احتراصلر ، بیکلرجه واهی خیاللر بزی بیمه درک سنده ایندرمکه چالیشیر طورر . نفسمزده بهمیت هپ واردر ، هر وقت عصیانیه وبری نیجه تسخیرینه آلمغه مهیادرد . فقط اونلره قارشی قویمق ایچون ایتدیکمز مجادله فطرتنك علویته دلیلدر ، زیرا جسدك

بستون اسیری اولان حیوان بونلره واقف دکلدرد ، بز بوجیاده دن نه قدر مظفر چیقمنه موفق اولورساق ، حیات عقل ایله اوقدر زیاده یشامش ، وماهیت اصلیه مزه اوقدر زیاده توافق ایلش ، وبتون معناسیله انسان عنوانه اوقدر زیاده کسب استحقاق ایتش اولورز . بز غایه مز ، اعضای آلیه مزك حیات جسمانیسی ایجاباته کوره یشامق اولمایوب ، اعضامزی حیات معنویه نك غایاته خدمت ایتدیرمك ، ولزومی تقدیرنده حیات جسمانیه دن فراغت ایلک وعقلک اوامرینه صادق قالمق ایچون اونی فدا ایتمکدن عبارتدر .

انسان نه ملك ونه بهیمه در : بو طوغریدر ، فقط انسانك غایه سی ، بهیمیت دکل ملکیتدر ، بویکی شقندن بهیمته دوشماك ایچون ملکیتیه سعی ایتك اونك مقتضای حال وشانیدر .

عنصر مفكرك ماهیتی سُدسی . — فقط اكر بزده بوقدر مخالف ومغایر ایکی حیات وارسه ، بونلرك عینی مبدأدن صادر اولماسی ممکنیدر ؟ مادام كه حیات حسیه نك مبدئی عضویتدر ، بدندر ، یعنی شوجوهر «متحین» دن ، وموجودتی بزده اوقدر محقق کورینن شو «ماده» دن عبارتدر ، حیات ذهنیه ومعنویه نك ده مصدر نهاییسی بستون باشقه بر جوهر ، یعنی «روح» ، یاخود «نفس» اولدیغنی تسلیم ایتك جائز دکلیدر ؟ خلاصه کلام نفس ناطقه نك ماهیتی نه در ؟ بونفس ناطقه مادیتدر ، روحانیدر ؟ بومسئله نك اهمیتی بالکز نظریات عقلیه یه منحصر اولمایوب ، بونك احتیاجات عملیه ایله ده مربوطیتی واردرد . فی الواقع ، نفس ناطقه نك آتیسیده ماهیتنه تابعدر : اكر نفس ناطقه نك ذاتی ، موت ایله بالضروره انحلاله محکوم اولان جسد ایسه ، بقای روحه اولان اعتقادك نه فائده سی اولور ، حال بوکه بو اعتقاد حیاتك مشغله سی ، مجاهده اخلاقیه نك مابه الاتباتی ، ادب و اخلاقیك و بناء علیه تربیه نك تمیل طاشی حکمنده در ؟

رومیه و ماده . — بومسئله ده بر برینه قارشی ایکی ذهاب واردرد . روحیه ذهابی ادعا ایدیورکه فکرتك مبدئی جسم اوله ماز ، بلکه بر جوهر روحانی اوله بیلیر : «روح» دیدیکمز شی بر لفظ مجرد دکلدرد : وجود فعلیسی اولان بر حقیقتدر ، hyperorganique بر قوتدر . روحیه ذهابی ایکی شکله کیرمشدر : بعضاً بالکز

«روحك جسدن» آیری اولدیغنی تصدیق ایله اکتفا وانسانده متغیرالجنس ایکی جوهر اولدیغنی تسلیم ایدرسده بونلرکده مناسب‌تری ایضاح ایتک کن‌دیسنبجه مشکندر: بوروجیه، مثلاً **ده‌قارتك** ذاهب اولدیغنی مسلکدرکه چکینکن بر ذهابدر، یالکز شو قدر فائده‌سی واردرکه متخیله‌نی زورلاماز و آرای عامه‌یه ده موافقدر؛ بوذهابه «روحیه ثنائیه spiritualisme dualiste» اسمی ویریه‌بیلیر. بعضاًده، اشیانک ده‌ا درینته کیره‌رک، جوهرک یالکز نفسدن عبارت اولدیغنی دعوا ایلر؛ «ماده» اولسون «جسد» اولسون بونلرک هپسی ینه نفسدر، یالکز نوعاًما «اویومش» یاخود «سونمش» بر نفسدر. لرینجك ذاهب اولدیغنی روحیه بوکیلندر، مومی‌الیهک راینه کوره‌روارلنک اساس نهائسی «موناد monade» در، یعنی ذاتی لطیف وروحانی، ذی حیات وقوانی بر «واحد» در، که «روحمز» اونک بر انودجی، برشکل عالی‌سیدر. بو عقیده آرای عامه‌یه و متخیله‌نک ظنون باطله‌سنه مغایردر، فقط وحدته هر وقت مجلوب اولان عقله ملایم کلکده‌در، بو وحدت ایسه حقایق اشیایه réel تعلق ابدن مسائله طریق یکانه اولمالیدر. بوذهابه‌ده «روحیه واحديه spiritu. moniste» دینه‌بیلیر.

ماده‌یه کلنبجه، بالعکس، یالکز بر جوهرک، یعنی «ماده» نک موجود اولدیغنی تصدیق وتأیید ایدر؛ بزده، جسده برابر، روحانی ولطیف بر مبدئک وجودنی تسلیمه اصلاً احتیاج یوقدر؛ «روح» خیال محضدن عبارتدر؛ وظائف وخدمات عقلیه ومعنویه وظائف فیزیولوژیقه کی جسده تابعدر؛ بواکی وظائف وخدماتک آثارنده کی فرقه باقوب علتلرینکده آیری اولدیغنه حکم ایتک طوغری دکدر. مفکره جله آلیه‌یه تابع و دماغک موجودیتیه مربوط یاخود طوغریسی دماغک بر محصولیدر: بوهرنر Buchner دییور، قاره جکر صفرای ناصل افراغ ایدرسه، دماغ‌ده مفکره‌نی اویله افراغ ایدر؛ دیگر بعضلری، ده‌ا احتیاطکار اولوب، دماغک بالخاصه «مفکره‌نی اعمال واحضار»ه یعنی «قوه عصیه‌نی» «قوه مفکره»یه تحویله‌مأمور اولدیغنی سولیکله اکتفا ایلرلر. والحاصل بر شئی تفکر، اراده، حس ایتدیکنز وقت، برطاقم اهتزازات دماغیه، مقری مرکز عصبی اولان بر سعی فیزیولوژیق دن باشقه هیچ بر شی واقع اولمایور، آره‌سنده واقع اولان بیکلرجه فعل ورد فعللردن دخی بعض آنلرده، ناصل

و نیچون اولدینی بیلنمکسزین ، «شعور» اطلاق اولنان شو باطنی ایشیق ، شو «شان زائد épiphénomène» فوران ایدر ، بونکله برابر شعور تماماً فائده‌سزدر ، بر بخار ماکنه‌سک یوریدیکی زمان بر قنارک کوره‌جکی ایش نه‌دن عبارت ایسه اونکده شو معامله کیمیویه دماغیه اوزرینه تأثیری اوندن عبارتدر .

روحک لطافت و غیر جسمانی مقننه کی دلیلدر : روح ابد جسمک بر برنده فرنی . — عجبا بوا یکی ذهابدن هانکیسنی ترجیح ایتلیدر ؟ بونک ایچون اولا هر ایکیسک سرد ایتدیکلری دلیلری تفتیش ایدهلم . اولا عنصر متفکرک جسده عائد اوصافه بسبتون مغایر اوصافه مالک اولماسی ایجاب ایتدیکنی اثبات ایتک قولایدر .

عنصر متفکرک و وحدتی : جسمک مرکبیتی . — برجهتدن ، شعوردن کچن شئون متعدد و متنوع اولدقلری حالده ، مبدئلری بهمه‌حال واحد اولماسی و بو وحدتک غیر قابل انقسام و اساسی بولماسی ضروریدر . فی الواقع ، هر تفکر ، احساسات ، صور محسوسه یاخود افکاردن مؤلف متعدد عناصرده کی کثرتی توحیددن عبارتدر ؛ فقط ، اکر روح اقسام متعدده‌دن مرکب اولسه و هر قسمک شعوری بولنسه‌یدی ، و بونلردن بری بر مسئله‌ی دیگری باشقه بر مسئله‌ی بیلنسه‌یدی ، ترکیب synthèse و وحدت ناصل نمکن اولوردی ؟ مثال اوله‌رق ، تصدیق عملیه ذهنیه‌سنی آلهلم : بر قسم حد اولی ، دیگر بر قسم حدثانی بیلیسه ؛ ایکی سلسله آرده‌سنده کی نسبتک تفرسی سایه‌سنده ، تصدیقک حصوله‌کله بیلمسی ایچون ، اوچنچی بر قسمک ایکی اولکی حدی بیلمسی بهمه‌حال لازم کلیر . فقط بونک مطلق واحد و بسیط اولماسی مقتضیدر ، زیرا اکر مرکب اولمش اولسه‌یدی ، بتون مشکلات یکیدن اورتایه چیقاجقدی ، او درجه‌ده کی نهایت اقسامی اولمایان یعنی غیر مرکب بر قسمک وجودنی تسلیمه مجبوری حاصل اولور . تصدیق حقنده یوروتدیکمز بو ملاحظه‌ی شعورک ، اک مرکبندن اک بسیط و ابتدائی حالاتنه قدر تطبیق ایده‌بیلیرز : بو تقدیرده شعور هر وقت عینی شیدر ؛ کثرت ایچنده بحسب الذات وحدتدر : عنصر متفکرک بالذات وحدتدن باشقه بر شی اوله‌ماز .

بالعکس ، جسد قدر مخلوط اولان هیچ بر شی یوقدر . یالکز اعضاسی اولوق شویله طورسون ، بالذات او اعضا انسجه‌دن ، اونلرده صایسز درجه‌ده جوق حجره‌لردن مرکبدر ، بو حجره‌لرک هر برنده ایسه قابلیت انقسامک درجه‌سنی

تعیینه هنوز موفقیت حاصل اولماشدر. دها قوتلی آلتلر الله ایدلدیجه ، هر بر حجره دها زیاده انقسام ایلکده در ، والحاصل هر حجره باشلی باشنه حقیقی برکائات تشکیل ایتکده در ! بناءً علیه ، جسده کوریلن وحدتک ظاهری برشی اولدیغنی آرتق کیم آکلاماز؟ برطاش ییغنده کوریلن وحدت نه قدر حقیقی ایسه جسده کی وحدت ده اوندن زیاده حقیقی دکدر ؛ یاخود دها طوغریسی اونک متصرف کورندیکی وحدت یوشور سایه سنده در : زیرا ، نظر مزده جسدی تقویم ایدن احساساتک کثرتی داخلنه وحدتی صوقان شی ، ذاتجه هر وقت متحد بولسان شعوردر ، نته کیم طاش ییغینی تقویم وتشکیل ایدن احساساتی ده اویله وحدت حائله کوسترن ینه اودر ! جسدک وحدتی انجق نفسک وحدتی افاده ایدر ، برنجی وحدت انجق ایکنجیسی ایله قائمدر ، جسدک وحدتی یکیدن حاصل ایتک ایسته مک ، برینی دیکرینک منفعتنه خذف ایلکمه قانقشمق ، غلیظ بر دور وتسلسله دوشمکدر .

عنصر متفکرک عینی : هسک هیچ طور مقصرین رکشمی . — عنصر متفکرک متحد اولماسی ، یعنی زمانک مختلف آنلرنده هب برشی قالماسی ، دها طوغریسی زمانک وتحولاتنک خارجنده ، « زمانه غیر تابع » اولماسی ایجاب ایدر ، ناصل که مسافه ومکانک ده خارجنده در . فی الحقیقه بو عینیت ذاتیه یی ، بو موقعده دخی ، فرض ایتدیرن شی حالات شعور مزدن هر بریدر . تسلیم ایده لم که انا ، یوکون دونکی انا ناک بسبتون غیری اولسون : بویله بر حالده حافظه ناصل ممکن اولوردی؟ حافظه نک موجود اوله بیامسی نفس متفکرک کنه ذاتیسی اعتباریله مطلقا عینی شی قالماسیله مشروطدر . تسلیم ایده لم که برحدی تفکرایدن جوهر نفسی دیکر برحدی تفکرایدن جوهر نفسیدن بسبتون غیری اولسون : بویله بر حالده عجب اتصدیق ناصل بر صنیعه سایه سنده وقوعه کله بیلردی ؟ بر صورت عمومیه ده ، هر عملیه ذهنیه ، نه اولورسه اولسون ، زمان ایچنده وقوع بولور ، فقط زمان غیر منقطع بر تعاقبدر ، بر ضرورت تمادیه در : حال وجود بولور بولماز ماضی به منقلب ومعدوم اولور ، حال قاجش اولان ماضی ایله هنوز وجود بولمایان مستقبل آره سنده طوتماز بر حددر : بناءً علیه ، اگر بو تقلباته غیر معروض بر جوهر نفسی ، یعنی « دوام ایدن » ، وبو صورتله ، حالده مستقبلی اقتطاف ایله اونی مستقبله ربط ایده بیلن بر جوهر

نفسی موجود اولمازسه ، شعور ایچون هرشی زائل ومضمحل اولور ، بویه برحال ذهنی ومعنوی برانعدام در .

بونکله برابر ، دیگر طرفدن ، انسانک جسدنده پک مهم ومیز بر واقعه واردر ، فقط بو واقعه اولکنک ضدیدر : یعنی جسد انسانی هیچ طور مقسزین دکشوب طور مقده در . بومسئله ده کوریه نک پک معروف اولان سوزلرینی ذکر ایتلیدر : اجساد نامیه ده هیچ بر ذره یرنده قالماز ؛ بونلرک هپسی متعاقباً کیرلر وچیقارلر ، حیات متمادی بر قاصیرغه در ، بوقاصیرغه نک استقامتی ، بستیون قاریشق اولمقله برابر ، ینه ثابت اوله رق قایلر ، قاصیرغه ایچنه سوریلوب طوتلش اولان ذره لرک جنسی ده ثابت قایلر ، انسق بالذات ذرات فردیه اویله ثابت قالماز » بوحالده هیچ طور مقسزین ذره لرکیدر ، یرلرینه دیگر ذره لرکلیر : برزمان صکره ، جسد مزنی ترکیب ایدن جوهرک هپسی تماماً یکیشمش اولور . بوبابده فلورنسی Flourens ک تجر به لری مسئله یی فصل ایتشدیر . بناء علیه ، جسدک عینیتی ده وحدتی کی اولدیغنی کیم کلاماز ؟ بو عینیت انجق خیالیدر ، ویالکیز ذهناً موجود در . فرض ایدم که براوک طاشلرینی بربری آردنجه قالدردمشر ویلرینه اولنره مشابه دیگرلرینی قومیشلر : خانه اسکیمی کبی قالمش کورنیور ، حال بوکه بتون اقسامی اعتباریله کاملاً باشقه شیدر . بونک اویله کورنمنسه سبب ایسه ، نفس ناطقه نک دونکی از ایله بوکونکی اوی مقایسه ایلمی وایکی صورت ذهنیه یی مشابه بولماسیدر . فقط بومقایسه حافظه یه متوققدر ، حافظه ایسه اُنانک عینیتی ایجاب ایدر . نتیجه اعتباریله موضوعک Objet عینیتی حاصل ایدن شی جوهر نفسینک عینیتی در دیمکله مساویدر . ایشته مثال اتحاد ایتدیکمز او ، انسانک جسدیدر ؛ بوحالده اونک عینیتی ظاهریدر ، تماماً ذهنیدر ؛ بو عینیت انجق نفس ناطقه نک عینیتی ایله قائمدر ؛ وبوعینیت برمحصول ، بر نتیجه در ، اونک منفعتنه نفس ناطقه یی کسندی عینیت ذاتیه سی ایله برلکده خذف ایتک ، ینه بر دور ونسلسه دوشمکدر .

عنصر مفکرک فعالیت : هسدر ما بونک عطائی . — والحاصل بیلورز : « روح » بحسب الذات فعالدیر ؛ ذاتمزده هرشی بو فعالیت اصلیه نک وجودینه دلالت ایدر ؛ حس ایتک ، تفکر ایتک دیمک فعل ایتک دیمکدر . ذاتاً بو فعالیت ، بالخاصه شکل عملیسنده ، یعنی افعال ارادیه ومختاریه ایله ظاهر در : بالذات انتخاب ایتدیکمز فعلی

اجرا ایتکلمز و بر حیات مختاره‌یه مظهریتیز بوکا دلیلدر : بر حرکتی باشلامغه مقتدر اولدیغمز کی اونی توقیف ویا استقامتی تبدیل ایتک دخی المزده در . بالعکس، جسدك ذاتی مادیدر، ماده ایسه تماماً منفعل و عاطلدر؛ ماده بذاته بر حرکتی باشلامقدن عاجزدر؛ بویله بر حرکتی توقیف ویا تعدیله‌ده مقتدر دکلدر . بویله اولنجه جسد ماکنه‌سنگ حرکت و تبدیل مکان ایلمی انجق روح سایه‌سنده اولور . مساعی عضلیه‌نك و اراده‌مزده کی تورك شعوری واسطه‌سیله اولنره علت کندیمز اولدیغنی بك آجیق اوله‌رق حس ایدرز. « واقعا جسد چوق وقت فعلدن ابا ایدر، لکن بو واسطه ایله‌ده روحك جسدن نه‌قدر آیری اولدیغنی ده‌ا ای مشاهده ایلرم . زیرا اعضا‌نك بو عجزی ایچنده دخی روح ینه تام قالیر و کندیسنی اویله حس ایدر، افعال ذاتیه‌سی، یعنی تصمیماتی ینه اجرایی آسان برشکلده، اعضا بونلره مطاوعتکارانه معاونت ایتش کی ینه مکمل قالیر. »، « روح کندی استقلالنی یالکز اعضا‌نك جبری عدم فعالیتیه دکل، ده‌ا طوغریسی اونك عکسه عصیان ایتدیکی زمان اك ای بر صورتده کوستر . شدید و فوری بر احتیاص، مثلاً بر تجاوزده قارشی حاصل اولان کین، درحال قائمی قاینادر و بالجله اعضامده انتقام‌آلغه متوجه، غیر ارادی بر حرکت بطشیه حاصل ایدر. فقط بر لحظه ایچنده بتون بوفوران سکونت بولش کورینور، بتون بوخلجان خفیلر؛ زیر بر فعل ارادیده بولندم، جسد‌ده بوکا اطاعت ایتدی . » بناءً علیه روحی بر محصله عد ایتک، واسکی بر اعتراضه توفیقاً، خدمات و وظائف جسمانیه‌نك بر « آهنگی، دیبه تلقی ایلک ناصل قابل اولور. و قتیله افمطوره ك دیدیکی کی، آهنگك ربانی استعمال ایتدیکی هیچ بروقت کورلماش اولدیغنی حالده روحك جسدی استعمال و تصرف ایتدیکی کوریلوب طور مقده‌در؛ اویله ایسه حاکم ایله محکومك بر برینه قارشیدیرلمی ممکن اوله‌بیلیرمی ؟

در ره‌بوره دلیلبرنك قیمتی : قانتك اعتراضلری، شائی انا ایلر مطلبه انا . —
روحیونك، روحك جسدن آیری اولدیغنی اثبات ایچون استناد ایتدکلی دلیللر بوقیلنددر و بونلرک قطعی کوروندیکنی اعتراف ایتک لازمدر .

عجبا شائی انا یعنی جوهر نفسی‌نك، داخل شعورده کندی ذاتنه کوروندیکی وجهله، کندیسنده بر آز اول وجودینی تشخیص ایتدیکمز و ایضاحنی مسلک

مادی‌بوندن دائماً طلب ایده‌بیه‌جکمز سجه‌لره مالاک اولدیغنه شبهه اولنه مازسه‌ده، فقط شائی آنادن « مطلق آنایه » یعنی ذاتی اعتباریله نفسه منطق دائره‌سنده کچمک ممکن دکلدر دییه قانتیه تبعاً، بر اعتراض وارد اولمازمی؟ فقط « آمپر » ک طلب ایتدیکی « ذاتی أنا »، شائی أنا ایله مخالفت وضدیتده بولنه بیلیرمی؟ « ذات l'être » ک « شأن » نه اولدیغنی تقدیر ایده‌بیه‌جک بر حالده بولنماسی لازم گلزمی؟ برده منحصرراً اگر فعلی آنایه بر کثرت محضه وبر تبدل دائمی عطف اولدیغنی تقدیرده شعورك بزه کوستردیکی ظواهری نه طرزده ایضاح وتفسیر ایتک ممکن اولور؟ دیگر طرفدن، نه‌دن « شائی » أنا ایله « ذاتی آنائی » تفریق و قوه متفکره‌یی شعورك واصل اوله‌میه‌جنی وبوتقدیرده موجودیتی شئونه‌نسبتله‌دها آزمحقق بر نفسه اسناد ایتک نه‌دن ایجاب ایدیور؟ اضافی ومطلقک بوتقریقی حواس ایله خارجاً ادراک اولونان اشیای خارجیه حقدمه مطابق اوله‌بیلیرسه‌ده، بالذات شعور وادراک باطن حقدمه هیچ بر قیمتی یوقدر. شائی أنا ایله مطلق أنا یکدیگرندن آیری و غیر متجانس ایکی موجودیت دکلدر، بلکه ایکی نقطه نظرندن ودها طوغریبی مختلف ایکی زمانده ملاحظه ایدلمش یالکمز بر حقیقتدن عبارتدر. شائی انا، حال انکشافده بولان تفکرندن واونک ازمه ایچنده کی ترقیاتندن عبارتدر؛ او وقایع خصوصیه‌نک بتون ساسله‌سی ایچنده طاعلمش، انکسار ایتش، متکثر فکرتردر. مطلق آنادخی فکرتردر، فقط بوفکرکرت طوبلانمش، کندی اوزرینه تمرکز ایتش و عادتاً کندیسنه عودت ایتش در، بو أنا نفس ناطقه‌یه بالذات کندیسی طرفندن ده صمیمی بر صورتده انفاذ نظر اولنماسی، فکرک، حیاتک و وارلغک حقیقی منبعیه ده واسطه‌سز بر صورتده تماسیدر. ذاتاً بوایکی تعبیر بر بندن آیرماز. هر نوع کثرت وتنوع وحدت اوزرینه موضوع اولمالی، هرتحول آنجق دکشمه‌ین برشیته نسبتله آکلاشیلیر: بناء علیه افکار خصوصیه‌مركز تنوع وتحولی افکار معینه‌نک قانونرینه تابع اولمایان مطلق بر تفکر اوزرینه استناد ایتلیدر. فکرک، اگر شئونک ایچنده طاعلمغه محکوم، کندیخی ضبط ایتکه وبر فعل خصوصیده کندیته قارشی اخذ موقع ایلکه واسطونک دیدیکی کبی « تفکرک تفکری » [۱] اولمغه غیر مقتدر اولسه ایدی زائل اولور و کندیسندن اثر قالمازدی.

مادیونک دلیلدیری . — بونکه برابر مادیون طرفدن سرد ایدیلن دلائلک تدقیق ایله اونلرک حائز اولدقلری قیمتک استنباطی لازمدر .

بونلر باشلیجه اوچ اساسه ارجاع اولته بیلیر :

اول باول دنیلورکه روح نه کوریلور نه ده طوتیلور؛ حواس واسطه سیله مدرک دکلدیر : بنساءً علیه موجود دکلدیر . مشاهیر مادیوندن بری دیورکه : « تشریح ییجامک آلتنه دوشمه دیکه روحه اینانمایه جفم » . ذاتا بویله بر موجودیت نه یه یارار؛ بر مبدئه ، موجودیتی ظاهر و باهر و هرکس طرفدن تحقیقی ممکن اولان برعلته ، یعنی عضویت ودها طوغریسی عضویتک دماغ ذیلن جزئیه اسناد ایله ، حیات روحیه یی ایضاح و تفسیر ایتک دها علمی دکلیدر ؟

ذاتاً بویکیفیت تجربه ایلده ثابتدر : هر زرده دماغه تصادف ایدیلورسه ، اوراده هیچ اولمازسه بر درجه یه قدر تفکرده تصادف اولنور؛ دماغک بولمادینی یرده ایسه نه تفکر و نه ذهندن اثر بیله کورلر . دیکر طرفدن تفکر و دماغ عین نسبت داخلنده تزايد و یا تناقص ایدرلر : ذکا ، دماغک حجیمه شکل و ترتیب کیمویسنه و ثقلیه تعاریجنه و الخ منوط و متوقفدر : مثلاً ، حد وسطی و معتادی متجاوز بعض دماغلرک فی الواقع کزیده ذکا اصحابنه عائد اولدینی کورلشدیر . خلاصه دماغه تأثیر ایدن شی تفکرده تأثیر ایدر . بر آفت دماغیه حتی قوه حافظه نك ضیاع تامنی انتاج ایده بیلیر . بوسیددن دولای ، تفکرک سبب اصلیمی دماغ اولدینی کورمکدن ناصل ابا ایدیلیر ؛ بعض مادیونه نظراً ، ماده بویله کلیتینک محصولی و صفرا کبدک برافرازی اولدینی کبی تفکر دخی دماغک بر اثر و وظیفه سیدر . ذاتاً صورت عمومیه ده کافه قوای نفسانیه ، عضویت ایله صیقی بر مربوطیتده بولتقددرلر : عضویته اجرای تأثیر ایدن شی اونلر اوزرنده ده برعکس تأثیر حاصل ایدر . بویله جه اقلیم ، صورت تغدی ، جنسیت یعنی ارککلک و دیشلیک و امراضک بعضاً « مغنویات » اوزرینه اجرا ایتدکلری تأثیر فوق العاده در . ایشته بونکه ثابت اولیورکه « مغنویات » « جسمانیتک » ترس طرفیدر .

والحاصل بونظریه ، علوم مثبتیه نك انک زیاده شایان اعتماد نتایجیه دخی تأید ایتمکده در . فی الواقع علوم مذکوره کوستریورکه طبیعتک قوای مختلفه سی یکدیگرینه تبدل ایتماک شویله طورسون ، بالعکس بعضلری دیکرلرینه تحول ایده کلمکده در .

بوصورتله حرکت حرارته ، حرارت‌ده ضایه منقلب اوله بیلیر . واضح . بو ، بویه اولنجه دماغده دخی حرکت ، تفکره نیچون تحول ایتمسون ؟ بالعکس بونی قبول ایچون علمک کشف ایتمش اولدینی کافه قوانین ایله هر درلو ممانتدر واردر . بو صورتله ، تفکر ، نتیجه اعتباریله آنجیق اهتزازات دماغیه نك برتحولندن ، حرکتک بر طورندن عبارتدر .

مادیونک دلیلربنی مناقشه — واقعا ، بوخصوصده سویلنه جک پک چوق شی وارسه ده ، بز یالکز بعض مطالعات اساسیه ایله اکتفایه مجبورز . اول امرده برنجی دلیل اکر برشیئی اثبات ایده ایدی ، حقیقه چوق شیلر اثبات ایتمش اولوردی . او ، روح کورلنز ، و برتشریح ییجاغنگ اوجنده ده بولماز . نته کیم الله دخی دورین ایله کورلنز . فقط بو ، روحک وجودینی انکار ایچون بر دلیل تشکیل ایدرمی ؟ برتهیج ، بر فکر دخی باشده کی کوزلرله کوریلن شیلردکلدر ، حتی بونلرک قوتلی آلتلرک معاونته مظهر اولسه لر ییله . بونکله برابر اولنرک موجودیتدن شبهه ایتمک قابیلدر ؟ حتی مادیون دخی بوحداتی اهتزازات عصیه یه عطف وارجاع ایتمک صورتیله موجودیتنه قائلدر ! فی الحقیقه بتون دلائل ایله یالکز برشی ثابت اولیورکه اوده مادیونک معلومات محسوسه نك ماهیت ومنزلتی حقنده ادنا بر فکره مالک اولما ملریدر . حواسک بزک نهایت اخبار ایتدکری شی نه در ؟ بعض بسیط ظواهر ایله بعض شئون دکلی : حقیقت وذات اشیایه کلنجه ، بودائما حواسدن اوزاق ، ومحتجبدر . بناء علیه ، تجربه ایله معلوم اولمایان شیک موجود اولمادیغی ادعا ایتمکدن ایسه ، بالعکس اعتراف وتصدیق اقتضا ایدرکه : وجودی اولمایان شی حواسک ایرشیدیکی شیلدر . حقیقی وموجود اولان شی ایسه غیر مرئی اولاندر . دنیلورکه « تشریح ییجاغنگ آلتنه نه زمان دوشرسه روحه اوزمان اینانیرم » . آنجیق ، ایسته بالخاصه اورایه دوشمیدیکی ایچون ، اوکا اینانه بیلورز ، شاید کونک برنده ، فرض محال اوله رق ، بومکن اولسه یدی ، اودقیقه ده روحک حقیقی زائل اولوردی !

ینه دیرسکزکه ، واضحی مبهم ایله ، حقیقی معانی مجرده ایله ، حیات معنویه یی « روح » ایله ایضاح وتفسیر آز علمی برشیدر . کورمیورمیسکزکه بو عتاب تماماً سزه راجعدر ؟ زیرا سزکه شعوری دماغله تفسیر ایدیورسکز ، حد ذاتنده

دماغك نه اولديغنى بزه سسويلىكنز . جوابه يلكته نيمكنز : چونكه بونى اصلا بيله ميه جكسكنز : بناءً عليه واضعى مبهم ايله تفسير وايضاح ايدن سزسكنز . دماغ سزك نظر كزده آنجق برزمره « احساسات » دن ، يعنى بر فكردن ، بر معنائى مجرددن ، باشقه برشى اوله ماز : معنائى مجرد اولمايان ، واقع و صورت مطلقه ده حقيقى اولان برشى وارسه اوده فكرتدر ، نفس ناطقه در ، بو حلاله حقايق اشيانك هم انمودجى هم اصل نهائيسى اولان شئى معنائى مجرد ايله ايضاح ايدن سزسكنز ! ده قارثك شوسوزى دائما طوغريدر : « روح ، جسمدن ده قولاى آكلاشايير » : ياخود ده طوغريسى بزم تفرس ايتديكمز يكانه حقيقت آنجق روحددر . جسم ايسه حد ذاتنده آكلاشيله ميان برشى در ، يعنى اونك موجوديتى فرضى و ياخود وهمى اولمقدن خالى دكلدر .

فى الحقيقه ايكنجى دليل ده جدى كورلمكده در . فعل تفكرك دماغده نه دن متولد اولديغنى تعينده مادبون آره سنده اتحاد يوقدر ، بونى سر رشته اتخاذايله اونلره اعتراض ايتمه لم : ماديوندن بعضلى فعل تفكرى دماغك حجمده ، ديكر بر طاقى ثقلنده ، بعضلى ماد فوسفوريه نك مقدارنده و بوكا مائل احوالده بولنديغنى ادعا ايتكمده درلر ؛ ده احتياطكار اولان ديكر بعضلى دنخى « تفكرك اجتماع ايتش و آهنگلى بر صورتده اتحاد ايتش اولان بتون بوشرائطه تابع اولديغنى » بيان وادعا ايديورلر . [۱] براى استشهاد ايراد اولان بو احوالى قبول ايدلم ، و عجا باشقه دليللر بولهرق بونلره عطف ايديلان اهميتك بلكه بر قسم كليسى رفع ايدوب ايتمه جكلرنى آراشدرمايه لم : يالكنز بونلره اثبات ايتديرمك ايسنه دكلرى شيلرى بونلرك حقيقه اثباته مدار اولوب اولمادقلىنى آراشديره لم .

دماغ و تفكرك برلكده بولنديغنى قبول ايتماك غير ممكن اولديغى و تجربه نك شهادتنه قارشى طورده جق اولان بر مسلك روحيونك يك مناسبتسز بر مسلك اوله جنى شبهه سزدر . فقط بو برلكده موجوديت ، تفكرك دماغك بر فعلى ، بر محصولى اولديغنى اثبات ايدرمى ؟ دماغ ايله تفكر آره سنده صيقى بر مر بوطيت بولنديغى ادعا اولنديغى زمان ، بوكا قارشى هيچ برشى دنيله مز . بو جهت ادعا ايدلسون ، يالكنز بو نقطه ده طور ولسون ، حسب المنطق ، ده ايلرى يه كيتمك ممنوعدر ؛ بويله

[۱] (ژانه) نك دماغ و تفكر ؛ زمان حاضرده مسلك مادبون اثرينه مراجعت اولنه .

یا پلازسه تجربه ایسنلدیکی صورتده تفسیر ایدلش، و اوکا ایسته نیلن و اونک ده دیمه دیگی شی سویلدلش اولور. دماغ، موجودیتک حال حاضرنده، تفکرک عضوی، آلتی، شرط لازمی اوله بیلیر؛ عجبا تفکرک « علت حقیقه سی »، مبدأ و منبعیدر؛ بونی بر مثال ایله ایضاح ایده لم؛ هر نه زمان بر موسیقی شناس آلت موسیقیه سنی الّه آله جق اولورسه چاله بیلیر؛ او، لندن آلتدینی زمان چالغه قادراوله ماز؛ اکر او آلت بوزولورسه هیچ برانی هوا چاله ماز اولور. بونکله برابر، موسیقی حاصل ایدن او آلتدر دینه بیلیرم؛ اونک وجودی الزم بر شرط اولدینی ادعا اولنورسه، بونی هر کس قبول ایدر؛ فقط اونک شرط کافی، سبب یکانه و کلی اولدینی فصل ادعا اولنور؛ [۱] بناء علیه، تفکرک حقیقه مختلف طبیعتی شرائط متعددهیه مربوط اولدینی دنیله بیلیر؛ فقط بونلر آرسنده دیکر لرلندن دهامهم بر شرطک یعنی قوه متفکره نک، روحک، نفس ناطقه نک بولندیغی قبول ایچون بر مانع یوقدر. تفکر ایتدیکنر زمان، دماغ اهتزاز ایدر؛ فقط اونک اهتزاز ایتدیکی ایچونمی دوشونمش اولورز؛ یوقسه بزم دوشوندیکمز ایچونمی او اهتزاز ایدیور؛ ایشه روح مسئله بوراده در، بونی کیم حل ایده بیلیر؛ جانی بردماغی تجربه طریقیله ناصل موقع تحقیقه حیقارملی، تفکرک اوکا مربوط اولوب اولمادیغنی ناصل کورملی؛ بوفرضیه نک ممکن اولدینی فرض ایتسه نک دخی، المزه بعض حرکتلر کچمش اوله جقدی که بونلرک ده تفکرله ادنی بر مناسبتی اولمایه جقدی.

بناء علیه، دماغک، تفکرک یالکنر « شرطی » اولدینی، « روح » ک دخی اونک حقیقه « علتی » بولندیغنی قبول ایتک تمامیه مشروع بر کیفیتدر. فضله اوله رق، دماغی آلت اتخاذ واونی احتیاجات ذاتیه سنه کوره اعمال ایدن شیک روح اولدینی قبول ایچون هیچ بر مانع یوقدر. دماغ ایله تفکر آرسنده موجودیتی تصدیق ایدیلن تحولات متقارنه حتی دها زیاده نشو و نما بولش بردماغ ایله دها بیوک بر ذکانه اکثریا برلکده بولندیغی کیفیتی آنحق بوضوئله ایضاح اوله بیلیر. بروحشیک فکرلری پک آذر؛ بناء علیه دماغی حال توقفده قالیر؛ کوبلی، برشهرلیدن دها آز دوشنور؛ بونک ایچون دماغی دها کوچکدر: خلاصه، دها قوتلی اولان ملکات عقلیه کندیلرینه بالطبع دها قوی وسائط اجرائیه احداث ایدرلر،

[۱] (فونسه غریو) ک مبادی فلسفه نام اثرینه مراجعت اولنه.

مفکره نك بوتكاملی بالضروره دماغك تكاملی ايله مترافقدر، فقط بودماغی اومفكره احداث ایتشدرد. بناءً علیه مادیونك مدعای بوکا روحیونك قبول ایتدکاری معنایی ویرهرك قبول اولنه بیلیر. [۱]

بوتقدیرده بر معنایه کوره اکر روح کندیسسی ایچون تقویم ایتش اولدینی عضوه مربوط ایسه، دیگر بر نقطه نظر دن موجودیتك شرائط حاضره سی داخلده، اوندن رهایب اولمش اولدینی علاوه مقال ایده جکمی یز؛ شبهه سزدرکه اعضای آله اولقسزین دوشونه مدیکمزی سویلك طوغریدر؛ چونکه هر تفکره بر ماده یعنی احساسات، صور محسوسه والخاص انطباعات عضویه لازمه. فقط شوراسنی ده تکرار ایتك لازمدرکه، تفکر، تصورات محسوسه نك بوغباری آرهنده طاغلیوب، بالعکس طویلانهرق، اولنره اجرای حکم، وکندیلرینی افکاره تبدیل ایدر، یعنی نسب ضروریه سنی کشف ایدر وکلایك تحدسنه قدر ارتقایدر. [۲] ایشته مفکره نك ذاتی، خدمت مخصوصه سی بوندن عبارتدر: تفکر ایتك کلی یی، واجبی تفهم ایتك دیمکدر. عجباً دماغده بوکلی مفهومه بحق تقابل ایدن شی نه در؛ بونه دائماً جزئی اولان براهتزاز منفرددر، نه ده اولسه اولسه ینه برطاقم احساسات جزئی حاصل ایده بیلن برزمره احساساتدر، بر تصور عمومی ده دکلدر، زیرا بو اونك تماماً معکوسیدر. اوراده تفکر محضك بر فعل صافی، وصورت وشدکی جهتیله عضویت دماغیه ايله هیچ بر مناسبتی اولمایان بر فعل، «عضویتك فوقده» بر عملیه واردرد، وبومعنایه کوره ارمطونك شو سوزینی تصدیق ایتك لازمدر: «تفکر آنحق عضو سز واقع اولور.»

نهایت مسلك مادیونك صوك دلیله کله لم: بویزی دهآ آراشغال ایده جك، چونکه رفع وازاله سی قولای برسوء تفهمه مستنددر. فی الواقع ادعا اولنان «استحاله قوا قانونی» غیر موجوددر؛ بوکا «قوانك عدم استحاله سی قانونی» نامی ویرلك دها موافق ایدی.

سزدیورسکزکه حرکت حرارته منقلب اولور، حرارت دخی ضیا اوله بیلیر: بو بر توهمدرد. حرکت، حرانه تحول ایتز؛ حرارت، بر حالت شعوریه،

[۱] نه کیم قوللاندینی آله قیمت ویرن اونی قوللانان هنروردرد.

[۲] مفراطك فردوره نام اثرنده کی کوزل سوزلره باقیکنز.

بر احساس بسیطدر، ونه ایسترسه کز یاپکز: حرکت ایله احساس آره سنده کی اوچوروم ناقابل مروردردر. اولی بالطریق، حرارت دخی ضیایه اصلا تحول ایده منر. بونلر، یکدیگرنیدن بستیون مختلف، نوعی، ناقابل رد و تحویل ایکی حالت شعوریه در. بناءً علیه، بزدن خارجه علم نقطه نظرندن آنجق برشان یعنی حرکت وارددر، بو حرکت، شرائط مختلفه دائره سنده عمل ایده درک، اوزرمزده مختلف بر طاقم احساسات حصوله کتیریر، یعنی صفحات مختلفه اکتساب ایتش ظن اولنور. حرکت تحول ایتمز، حد ذاتنده نه ایسه اوپله یعنی حرکت اوله رق قالیر وباشقه برشی اوله ماز. اکر باشقه شکلره کیرمش، تحول ایتش کورینورسه، بو آنجق شعورده وشعور سایه سنده واقع اولور. سز شعوری، تفکری حرکتک تحولاتیه ایضاح ایتک ایستیوردیکز: ایشه! ایشک طوغریسی بونک عکسیدر، و حرکتک ادعا ایدیلن تحولاتی ایضاح ایدن یالکز شعور، وتفکر در. بوراده دخی سز اثری، مؤثر یرینه وضع ایدیورسکز! برده حرکت بالذات کندی ذاتی سایه سنده قائم بر حقیقت مطلقه اولمق شویله طورسون، آنجق داخل شعورده، نفسده موجود بر کورنیش، برفکر در؛ شو صورتله که حرکت لهنه اوله رق نفس ناطقه یوقدر دیمک بعینه حرکتی انکار دیمکدر. [۱]

مادیونک مبدئی: ماده. — بناءً علیه مسلك مادیونک دلیلری بدایت امرده حائر کورندکلری، قیمته مالک اولمقدن پک اوزاق بولنمقده درلر. ذاتاً باشقه درلو ناصل اوله بیلیردی؟ حیات روحیه، شعور «ماده دنیلن» مبدأ ایله تفسیر ایدمک ایستلیدیکی زمان، هیچ اولمازسه بومبدئک موجودیتدن ایجه امین اولمق واونک طبیعتی طانیق لازمدر. حالوکه هیچ ده بویله دکدر: بزجه محقق و طوغریدن طوغرییه معلوم اولان یالکز بر حقیقت وارددر، بوده تأملده حاضر کندی روحزددر، مادهیه کلنجه بونک نه موجود اولوب اولمادیغنی وماهیتی نه اولدیغنی بیلیمورز. بدایت امرده، اوقدر ظاهر، ناقابل مناقشه کورینن مادهی طوتمق آکلامق ایستدیکمز زمان المزدن قاجیر بیوروبالمجبوریه برطاقم عناصر نفسانییه انحلال ایدیور. بزم خارجه زده برشینک موجود اولدیغنه شبهه یوقدر. فقط بونه در؟ ایشه بونی دائماً بیلماکه محکومز. کندیمزدن طیشارییه چیقامایورز، احساساتدن باشقه

برشی^۱ ادراك ایدمه یورز؛ ماده بزم ایچون شعورك بر زمزه و حالاتندن، سائقه و هم ایله نفس ناطقه دن آپریش برطاقم تکلیفات باطنیه دن عبارتدر. [۱] بوا حساساتک خارجنده، و بونلرک کهنه واقف اولمق اوزره، بر جوهر ویا بر علت تحیل ایدیه جکمیدر؛ فقط اونی ناصل تصور ونه صورتله ذهناً استحضار ایتلیدر؛ عجباً بونا منهای بر صورتده قابل تقسیم بر حیز *étendue* صورتنده می؟ هر طرفدن ایچندن چیقلماز برطاقم مشکلات ایچنده قالیور. نامتهای بر صورتده قابل تقسیم بر حیز موجود اوله ماز؛ مرکب اولان برشی^۲ آنجق عناصرندن استدانه ایتدیکی حقیقه مالکدر، حالبوکه نامتهای بر صورتده قابل تقسیم اولان بر حیزده عناصر حقیقه موجود اوله ماز. ایکورک قبول ایتدیکی کی، «آتوم *atomes*» دنیلن لایتجزی عناصرک موجودیتی می تسلیم ایدملی؟ فقط آتوم دخی بذاته متحیز یعنی الی مایتهی قابل تقسیمدر؛ بناء علیه حیز کی بونکده حقیقت خارجیه سی یوقدر. والحاصل، دعوای غائب ایتمکدن متحصصل یأس تأثیریه دنیله جکمیدرکه، ماده (له یینیج) ک «موناد» لرینه مائل بسیط و غیر متحیز برطاقم قوتلردن متشکلدر. پک ایی! بزمده ایستدیکمز بودر، چونکه بوتقدیرده بوقوتلرک نفس ناطقه مشابه بر صورتده تصور اولندیغنی وبویله اولمق لازم کلدیکنی ودها طوغریسی اونلرک حقیقه^۳ روحدن، آزچوق ذاتی عالم نفسدن عبارت اولدقلرینی کیم آکلاماز؟ اشته بونک اوزرینه مسلک مادیون، یالکز بر حقیقی یعنی فکرتی قبول ایدن اک خالص روحیه مسلکنه ترک موقع ایدر. واقعا، ماده دایماً اورایه واصل اولمغه مجبوردر: اومسلک قابل تعقل اولماسی ایچون ییقلماسی لازمدر؛ موسیو *راوه سورنه* کدرینجه دوشونه رک دیدیکی کی «روحی ماده لشدیرمه دن اول، ماده یی روحلاشدیرمق مقتضیدر». یاخود ده طوغریسی بومسلک تشکل ایتسیله محکوم زوال اولیور؛ چونکه اک نهایت اومسلک بالخاصه انکار ایتدیکی نفس ناطقه نک بر تلقیسندن، بر رذالت کی رد ایتدیکی شعورك بر اختراعندن باشقه نه در؟ «اکر یالکز ماده موجود اوله ایدی، مسلک مادیون مفقود اولوردی. [۲]

[۱] ادراك خارجی حقنده کی درسه مراجعت اولنه؛ کذا ژانه نک، زمان حاضرده مسلک مادیون ودها غله تفکر نام ایکی اثری مطالعه اولنه.

[۲] أ. ناویل. كذلك موسیو لاشولیه نک روحیات و متافیزیقی.

تطبیقات عملیه . — تربیه مسلک رومیویه : مفکره میانی . — بومطالعات نه قدر متافیزیقی « مابعدالطبیعی » اولورلرسه اولسونلر ، بونلرک انتاج ایتدکلی تطبیقات عملیه مهمدر ؛ ده طوغریسی بونلر تربیه‌نک اوله‌بیله‌جکی شیئی ، ودائماً متوجه اولماسی لازم کلان غایه‌یی فعلاً تعیین ایتزلرمی ؟ مسلک مادیون انسان ایله بهیمه آره‌سنده‌کی هر درلو فرقی حذف ، بزده یالکز حیات حیوانیه‌یی مشاهده وهرشیئی عضویتک وظائفه تنزیل ایدیور . بناءً علیه « مسلک مادیون » تربیه‌سی ، قوت ، مهارت و اقتدار کبی یالکز صحت بدنه متعلق خصوصاته عطف اهمیت ایتمکدن ، حظوظات و رفاهیت ایچون یاییلان مبارزده تأمین غالیته ایده‌بیله‌جک ، احساساتک قابلیت تکثیر ایده‌جک ، غریزه ایله احتیاط و شهوتک ده‌ا زیاده سربستیسنه مساعد اوله‌جق اولان قوای جسمانیه‌نک انبساطی تأمیندن باشقه نه اوله‌بیلر ؟ بو ، آنجق تربیه نامنی لماشیمکدن باشقه تربیه ایله علاقه‌سی اولمایان بیاغی بر تربیه وده طوغریسی عیناً تربیه‌یی انکاردر ، چونکه « بو تربیه ، انسانک غایه طبعیه‌سنه مخالف اولوب ، بیوک برفکره ، عالیجناب بر حرکت اجراسنه غیر مقتدر ، یرده سورینان دنی بعض کیمسه لری تشدیر مکدن باشقه بر شیئه یاراماز . بناءً علیه ؛ « مسلک روحیون » تربیه‌سندن باشقه حقیقی بر تربیه بولنمادیغنی کورمک قولای برشیدر . شهسز بدنه اهمیت ویرمامک ، اوکا دشمن نظریله باقق ، وبوصورتله مخاطره‌لی بر « مسلک زهادته » ده دوشمک ایجاب ایتر : بدن ، روحک عضوی ، آلتیدر ، وده طوغریسی بدنی بالذات روحک اداره‌سنده یشایان « مونا » لردن متشکل بر سیستم ، بر منظومه عدایدن له‌یمنجک نظریه‌سی قبول ایدلدیکی تقدیرده بدنک حیاتی ، روحک حیاتی در : بدن نه قدر زیاده سالم وقوی اولورسه ، اونسبتده ده زیاده ، مطیع و ملایم اولور ، بدن بزنی نه قدر آز مشغول ایدرسه روحک حیات علویه‌سنه ده زیاده مساعد اولور . حیات فیزیقیه ، نه حذف ایدملی نه‌ده نظر استخفافله کورلملیدر . یالکز اونی حیات اخلاقیه تابع بولندیرملیدر . فقط غایه حقیقیه ایسته بودر . هر زمان نظر دقتدن دور طوئلامق لازم کلان جهت بودر .

تربیه‌نک دائماً نظر اعتنایه آلماسی کلان شیئی ، روح ایله بونک حیثیت و حسناتی در . بزنی عوالم علویه ، اقطار رفیعۀ کماله طوغری کتورن ، شو عالم مادییه مخصوص سفائلرک فوقه حیقاران مطالب عالییه ، اصیل آرزولری تقویه و تغذیه ایتمک ، بر

غرض و عوض تعقیب ایتیان مودت و محبت‌لری ، افکار معظمه‌نک و بناءً علیه افعال عظیمه‌نک منبئی اولان احتیاسات علویه‌بی ادامه و تشجیع الیک ، لاهوتِ حسنی محافظه ایتک ، تربیه‌نک ایشته وظیفه‌سی بودر . تربیه بزى « مکمل حیوان » دکل بالعکس « انسان » یاملیدر یعنی « کوزل » وصفه لایق نه وارسه اوکا مجلوب قلبلر ، حقیقته مربوط عقللر و هپسندن اقدام ، امر خیرده ثابت قدم ، هر شیئه رغماً عدل و حقانیتک غلبه‌سنه قانع ، انسانلرک دهایی بر حاله کلسی ایچون مبارزه‌یه عازم اراده‌لر وجوده کتیرملیدر : وظیفه و مفکوره ، ایشته غایه‌مز ، ایشته حیاته معنا و یرن یکانه برشی بودر ، حیاتک نه اولدیغنی بیلدیرن ، اوکا حیات و یرن ، ویشامغی انسانه ایسته‌دن ، کذلک ابقای نام حقنی بزه بخش ایله‌ین بودر . اگر اوکا بتون قوتلر مزله مربوط اولورساق ، حقیقه ابقای نام ایتش اولورز . شریک فعلی بقا پذیر اولماز ، او ، کندیسيله برابر تماميله محو و نابود اولور ، واونک ایزنی اورتهدن قالدیرمق ایچون استعجال ایدیلر ؛ حالبوکه عفتکار بر کیمسه‌نک فعلی ابدیاً دائم و باقیدر ؛ ایشله‌نمش بر ایلیک زمانک مهاجمانه قارشى مقاومت ایده‌رک زائل اولماز ، وقایه اولنور ؛ او ، بر ترقی ، اشیانک تکامل نامتناهیسی ایچنده ایلری‌یه طوغری بر خطوه‌در .

روملک بغاسی . — بونکه برابر احتمالکه پک چوق کیمسه‌لر غیر شخصی و بسبتون خارجی اولان بویولده بقادن پک آزمونلر ؛ بزه دها صیمی دیگر بر بقا لازمدرکه اوده بزم وجودمزک ، بزم « انا » مزک حیات جاودانیسیدر . ذاتاً تربیه‌نک هر جهتی بونیجه علویه ایرشمک ایچون ایدی ، وهرشی بونک صحتنه دلالت ایدیوردی . فی الواقع ، شاید سعادتدن محروم قللمش وهرشیئی فدا ایتش اولدیغ حالده ، بزم مقدرمله ، وقتی ممکن اولدیغی قدر خوش کچیرمکدن باشقه برشی دوشونمامش وعدل و خیری عبث برر خیال کبی تلقی واونلرله استمزا ایده‌رک حظوظاتک قسم اعظمی طاتمیش اولان دیگر بر شخصک نصیبی آرده‌سنده هیچ بر فرق بولمنازسه واکر چکدیکم مشاق و مزاحندن طولایی بکا هیچ برشی میسر اولماز ، وموت ایله برابر قبرک منجمد عزاتی ایچنده تماميله محو و نابود اولمغه محکومیم مقرر ایسه ، نیچون بن‌ده هوا و هوسمه تبعاً یشامایم وبتون هوسلم بکا دست نیازی اوزاندقلری حالده نیچون بن‌دخی اونلره مطاوعت ایتیه‌یمده وظیفه‌نک قانون

شدیدینه خادم اوله‌رق هوسات نفسانیه‌م ایله حال مبارزده بولنه‌یم و بئلکمی ضبط و تسخیره ، طبعی تبدیلی و تحویله چالیشه‌یم ؟

تربیه‌ده هرشی ، دیورزکه ، روحک بقاسنه اینانمغه خادمدر . وشوده علاوه اولمالیدرکه بوعتقاد مسلك روحیونك عقیده اصلیه‌سیدر : روحك لطافت وعدم جسمانیتنی قبول ایتك عینی زمانده اونك لایموتلغنی‌ده قبول ایتكدر . بناءً علیه فلسفه‌نك ، بومذهب طبعینك ، حیات جاودانی حقده اوتنه‌دن بری کوسترمش اولدیغی براهین معلومه‌یی تکرار ایتكکه محتاج دکلز ، كذلك بذاته وجودك ناقابل اعدام و بناءً علیه وجودك برشكل علویسی اولان هویت روحیه‌نك ناقابل زوال اولدیغنی ، فضله اوله‌رق افراطونه طرفندن ده وقیله مشاهده و کشف ایدلیدیکی وجهله روحك ، بسیط ، ناقابل تحلیل و بوجهته قانون انفساخن آزاده بولندیغنی اثباته‌ده محتاج دکلز ؛ یاخودینه وارسته بیاندرکه ذاتمزه هرشی ده‌ها یوکسک برنشنه‌نك وجودینه دلالت ایدر ، زیرا نامتاهیلکه متوجه اولان قوای نفسانیه‌مز بودنیای دنیده آنجق ناقص برصورته اجرای فعالیت ایدیور ، بولنده تجلی ایدن مطالب عالیه برحیات دیگرک دلائل و مواعیدنی متضمندر .

قائت بوبابده ده‌ها معنوی ، اخلاقی بر دلیل اوله‌رق بقای روحی ، وظیفه‌نك علوی بر تصدیق و تأییدی مقامنده اولمق اوزره ، عدالت نامنه طلب و ادعا ایدیور ، بزبونی‌ده ایراده لزوم کورمیورز .

البته بتون بودلائل جالب نظر دقت و حائر قیمت اولدیغنی کبی یکدیگرینك متممیدر ؛ فقط احتماله بولنر روحده حیات مستقبله‌یی حیات حاضرده‌دن لزومندن زیاده آیرمق قصورینی حائردرلر . روحده بوزمان فرقی قطعاً موجود دکلدر ، چونکه بذاته نفس لطیف اولان روح زمانه غیر تابع اولدیغندن موجودیتی غیر زمانیدر : اونك لایموتلغنی مسئله‌سیله موجودیتی مسئله‌سی بردر . شبهه‌سز اونك حیاتی انبساط ایدر و زمان آره‌سنده یاییلبرسه‌ده طاغلاماز و اصلا محو و تلف اولماز : او ، بالعکس ، متحیز و متوالی شئون ظاهره‌سندن نه قدر تجرد ایتمش ، و مکانی spatial و زمانی تعیناتك خارجنده نه درجه‌ده چکیلوب طوبالانش ایسه اوقدر زیاده بالذات کندیسیدی . بویه اولنجه ، « اولوم » دیدیکمز شی اوکا اصلاً تأثیر ایتمز ، ده‌ها طوغریسی اوکا طوقورسه اونی افشا ایتمز ؛ بلکه اولوم اونك حیاتی

آتمام ایدر واوئی قفس تندن آزاد ایدر . روح بودنیای دنیده حواس و متخیله نك
آثاری اولان خیالات و اوهامدن قرارمش ، حرکات خارجیه تأثیریه راحت قاجش ،
همان هر وقت کندندن طیشاری چقمغه و ذاتنه یابانجی قالمغه مجبور قالمش اولدینی
حالدّه بو حریقی استحصال ایدنجه و ارادن پرده قالفنجه کندینسك بسیط و محل حوادث
اولمایان ماهیت حقیقیه سنی ادراك و ذاتی تماشا ایدر : آرتق اورتادن کثرت و مخالفت
قالقوب یالکز « ذاتی شعور » قالیر . [۱] فقط روح بویکی عالمده کسب لیاقت
ایتمش اولدینی سعادته بکام و یا استحقاق کسب ایتدیکی عذابه گرفتار اولور .

« روح مجرم ، کندینی وارلغك ، کلاک جهت معکوسنده تنمواتمش ، شر ایله ،
عدم ایله طولش کورر . بوندن بویله اونك وارلنی کندینسك ایسته یه رك دوشدیکی
شو سفالتی تماشادن عبارتدر ؛ اوکا ترتب ایدن عذاب ، حد ذاتنده مشاهده جمال
و کمال غیر قابل انفکاک بر صورتده کندی فطرتی اقتضاسندن اولدینی حالده اوئی
انکار الیمی سبیلله شیمدی اوندن محروم قالماسیدر . بونك عکسنه ، بر روح فضیلتشعار
دخی ، ذات اقدس احدیته دهها زیاده تقرب ایدرك عشق و شوقله لبریز اولمق اوزره
او منبع لطف و خبری تماشا ایله دمکذار اولور . » [۲]

بقای روحی اثبات ایتدی کمزی وعد ایله میورز ؛ اونك اثبات قبول ایتدیکنی
ظن ایدیورز ، زیرا بالذات روح اوئی تفرس الیمکده در . بونك سبی شوبقا صفتك ده
روح کبی بر احسان الهی اولماسیدر ، بزی خلق ایدن و مقصد سبحانیسی بزه کندینسی
بیلدیرمك و ایفای وظائف عبدیت ایتدیرمك اولان جناب حق ایسته سیدی بزی
بر فعل مخصوصیله افنا ایده بیلیردی ، فقط حکمت صمدانیه سی بونی اقتضا ایتما مشدر .
بو عالم فانیده بزی بکله ین هر درلو چله ره جسورانه کوکس کرمك ، وظیفه
اوغرینه مردانه اوغراسمق و بونلری ده استهزای روز کاره و عالم شهودك حزن انکیز
مناظرینه رغماً یایمق ایچون بزه دهانه لازمدی ؛ وجدانمز فدا و یا غائب ایدلمش
سعادتن بحضور اولماسون ، تشکی ایتمه سین ، مغبر اولماسون ! وظیفه یی غایه اوله رق
قبول ایتك ، بر دفعه دهها سویله یورز ، خیر حقیقی یه ربط قاب الیمکدر ؛ شو

[۱] لا سلم دن .

[۲] لودوویق قاررو Ludovic Carru ک La Morale utilitaire عنوانلی کتابدن .

بو عباره نك ترجمه سی تعدیل ایدلشددر .

حیات مستعار دنیادن، مکان وزمانك شومغفل ظواهرندن ال چكمش اولوق، اولمك دكل او آندن اعتباراً حیات ابدیه ایله متمم اولوق دیمكدر .

خلاصه

۱. تجربی روحیات طوغریدن طوغریه نظری روحیاته یاخود متافیزیقه « مابعدالطبیعه » یه موصلدرکه بو علم اونك متمم طبیعیسیدر .
۲. انسانك طبیعتی مضاعفدر؛ اونده ایکی حیات وارددر، بریسی حیات حیوانیه که حیات عضویه یاخود حسیه مخصوص وظائفدن متشکلدر، دیکری برحیات ذهنیه و اخلاقیه درکه بونی تقویم ایدن عقلدر. بوایکی نوع وظائف بربرلرندن پك درین بر صورتده آریلیرلر، حتی بربرلرینه اکثریا مابین و معارضدرلر .
۳. فقط بالخاصه، بزده بویله بربرندن آیری ایکی حیات اولنجه، حیات حیوانیه نك مبدأ و عنصری اولان « جسم » ك یاننده، حیات مغویه و اخلاقیه یی ایضاح ایچون، ذاتی روحانی دیکر بر عنصرك وجودنی تسلیم ایتك لازم دکلیدر؛ روحیه مسلکی بونی ادعا ابتدیکی حالده مادهی مذهبی انكار ایلکده در .
۴. روحیه، کندی لهنده اوچ دلیل ایراد ایدیور: ۱. نحیسی تفكرك ماده اصلیه سی مطلقاً واحد اولوق اقتضا ایدر؛ بالعکس جسم مرکبدر و نامتناهی بر صورتده قابل تقسیمدر: جسمك وحدتی آنحق نفسك وحدتی ایله حاصل وقائمدر؛ ۲. نحیسی تفكرك ماده اصلیه سی ذاتنك عینی اولوق ایجاب ایدر؛ بالعکس بدن هیچ طور مقسزین دكیشیر و برزمان صكره كاملاً ایکیشمش بولنور؛ بونك عینتی آنحق ظاهریدر . و اونك بویله کورنیشی آنحق نفسك عینتی سایه سنده در؛ ۳. نحیسی قوه مفكره سربستدر، بالعکس بدن جسمانی عاطلدر .
۵. شه سر، قانت أنانك شعور آینه سنده کندینه تجلی ایدن هیئته باقوب اوندن مطلق أنانك نه اولدینی استتاج اولنه مایه جفنی سسویه یور . فقط شائی ایله ذاتی أنا moi nouménal « بربرندن آیری أنالر دكلدر؛ بونك ایکسی ده عینی أنادر، آنحق شائی أنالر مطلق أنانك تصوراتندن عبارت اولدینی حالده مطلق أنا بتون ذات وهویتیه قائمدر .

۶. مادیه مذهبی بوکا مقابل باشلیجه اوچ صنف دلیل ایراد اییدیور :
 ۱. نجیسی روح کندی کورمیور ، بناءً علیه موجود دکلدر ؛ ۲. نجیسی تجربه دماغ ایله تفکر آره‌سنده برمناسبت مستمره‌نک موجود اولدیغنی کوستریور ، بناءً علیه تفکر ایدن دماغدر ؛ ۳. نجیسی تفکر بر حرکت متحولدن باشقه برشی دکلدر .
 فقط بودلائل مسئله‌نی فصل ایده‌جک ماهیته دکلدر .

۷. برنجی دلیل واسطه حواس ایله مستحصل معلوماتک شمول صحیحی حقنده کی جهته مستددر ؛ حواس حقیقت اشیا به دسترس اوله‌مایور ، اگر روحه ایریشمش اولسه‌لردی ، ایشه او وقت اونک حقیقتندن شبه اوله‌بیلردی . کندی
 کندنده کورمه‌ین دماغدر ، دماغ بزم ایچون بر زمرة احساساتدن باشقه برشی دکلدر .


ایکنجی دلیل دماغک یالکز بر شرط تفکر اولدیغنی اثبات ایدر ، یوقسه اونک علی اولدیغنی اثبات ایتز . بوندن باشقه ، تفکر ایتک ایچون حقیقه اعضا به احتیاج یوقدر (ارسطو) .

اوچنجی دلیل کلنجه ، بو بر سوء تفهمه ابتسا اییدیور ؛ حرکتک متحول کورنمی آنجق شعور داخنده وشعوره نسبتله‌در ؛ یوقسه حرکت حد ذاتنده هر نه ایسه اوندن عبارتدر : شعورک حصوله حرکتک بر تحولی سبب عد ایتک ، اثری مؤثر یرینه قویمقدرد .

۸. بوندن ماعدا مادیونه مذهبیرینک قیمت حقیقه‌سنه قانع اولق ایچون ماده‌نک نه اولدیغنی صورملیدر : ماده جد ذاتنده غیر قابل معرفتدر ، ماده‌نک موجودتی بستیون مشکوکدر ، ماده‌نک تصویری آنجق بمائلته ممکن اوله‌بیلیر ؛ مادیه مذهبی کندی اورنایه قویمقله کندیسنی انکار ایتش اولیور .

۹. مادیه مذهبیه موافق بر تربیه آنجق شهوانی ومنفعت جویانه اوله‌بیلیر . شبه یوقکه ، بونی استحقار ایتک جائز دکلدر ، فقط تربیه‌دن مقصد روحه مخصوص حیات علویه ایله یشامق ایچون بدنی استخدامدن عبارتدر : تربیه‌نک دوشونه‌جکی وچالیشه‌جنی شی هپ بوندن عبارت اولمالیدر . انسانک حیات حقیقه‌سی وظیفه‌در . انسانک موجودیتته بر معنا ویرن ، اوکا تأمین بقا ایله‌ین هپ اودر : خیر واقع هیچ بر زمان فنا بولماز .

۱۰. شو بقای غیر شخصینک یاننده برده بقای شخص واردر، انسانک مساعی و اقداماتی ایچون بوالزمدر. روح غیر زمانیدر؛ بناءً علیه اولوم روحه طوقونه ماز، یاخود اولومک طوقونماسی روحی قفس تندن قورتارمق، واکا یکی بر حیات حاضر لایق ایچوندر، روح حیات عقباده کندی کنه‌نی ده‌ای ادراک و مستحق اولدینی مکافات و یا مجازاته اوراده نائل اولور.



تربیه به عائد تطبیقاتله برلکده

روحیات درسلسری

مواد مندرجه

برنجی درس

نریه وررمیات

روحیات برعلم اوله رق موجوددر

موضوعی - اصولی

۱ - تربیه . تربیه اطفال و روحیات - روحیاتك تعریفی . تجربی روحیات . نظری روحیات . - روحیات برعلم اوله رق موجوددر . - روحیاتك برموضوعی وارددر . - مادیونك مدعاسی - مادیه مدعاسك قیمتی : تیندال Tyndall و تهن Taine - حادثات روحیه ایله حادثات عضویهك بربرندن فرقی - بویاکی صنف حادثاتك بیلملری بربرندن فرقلیدر - طبیعتلری ده بربرندن آیریدر . تحویل ممکن . - روحیات و فیزیولوجیا .

نظریات عملیه . - تربیه جسمانیهك وجوبی - تربیه جسمانیهك اقسامی - عمومی حفظ صحت - مكتب حفظ صحتی - ذهنی یورمق - جسمانی ادمانلر . ژیمناستیک . - اویونلر - تربیه جسمانیهك معناسی .

۲ - روحیاتده اصول : تأمل - اصول و تأمل علیهنده اعتراضلر . استبصار خارجینك وجوبی - روحیاتك منابع استعلامی - تأمل ، اصول آفاقی ایچون الزمدر - روحیاتده تجربه به مراجعت اصولی - روحیاتده استقراء - قانون علمی فکری و روحیات .

تطبیقات عملیه . - روحیاتده اینجهك استعدادی . - خصائصك « خویلك » تنوعی . - حریت - خصائصك علمی .

ایکنجی درس

شعور وقوا

۱ — شعور، حادثات روحیه‌نک وصف مشترکی . — شعور بنفسه، وشعور متأمل . — شعورك شو ایکی صورتی آراسنده کی مناسبتر . — شعورك درجه‌لری . — غیر مشعوریه نظریه‌سنک قیمتی .

تطبیقات عملیه . تأملک انتباهی — تأملک اهمیت اخلاقیه‌سی . — کوچوک ادراکلرک خدمت عملیه‌سی .

۲ — حادثات روحیه‌نک تصنیفی — حادثات روحیه‌نک اوچ صنفی — تصنیفده تفریط یوق . ژوفروانک نظریه‌سی — تصنیفده افراط ده یوق — شو اوچ صنف حادثاتک اوصاف مختلفه‌سی — اوچ صنف حادثاتک کندی موجودیتلری اعتباریه استقلالی — تنی وانکشافلری اعتباریه استقلالری — اوچ صنف حادثاتک مغایرتی — قوای ثلثه . قوه‌نک ماهیت صحیحه‌سی — اتحاد قوا — قوای ثلثه‌نک حکمتی . تطبیقات عملیه — تربیه : ایشی . تربیه کله‌سنک ایکی معناسی — تربیه‌نک مشکلاتی — قوانک نسق انکشافی . تربیه‌تدریجیه . — انجذاب قلبی . — تعقیب دکل ، تدریجی تربیه .

اوچنجی درس

حساسیت

حساسیت . — حساسیتک اقسامی . — تهیجات : لذت والم . — تهیج ومیلان . — تهیجک منبئی . — لذت وفعالت . — تجربه ایله سختی اثبات . — تهیجاتک اضافیتی . — تهیجاتک نفوذی . — لذت والمک مناسبی ؛ بدینلک . — احساسات جسمانیه واحساسات قلبیه . — احساسات . — احساسات باطنیه ؛ حاسه حیویه . — احساسات خارجه . — احساسات قلبیه .

تطبیقات عملیه . — کوکل آلیجی سعی نظریه‌سی : بونک قیمتی . — مکافاتلر . — تربیه والم ؛ « طبیعی رد فعللر » مسلکی . — مجازات . وجدانک تصدیق وتأییدی .

دردنچى درس

ميلانلر

- مېرور . — ميلانلر كېمى . — ميلانلر وخدمتلىر . — ميلانلر كېمى .
 ۱ — شخسى ميلانلر . — جسمانى ميلانلر : اشتها . — روحانى ميلانلر .
 قاراشلىق ميلانلر .
 تطبیقات عملیه . — خودكاملىق و تربیه . — غبطه .
 ۲ — اجتماعى ميلانلر : دېكر كاملىق . — تعطف . — تفك شرائطى : ذكا
 و خياله . — عشق . — تعطفك موضوعلىرى .
 تطبیقات عملیه . — تهيجاتك سرايتى . — تقليد قانونى . — تواد تعطفكارينك
 قيمت اخلاقيهسى . — تواد تعطفكارينك مراقبهسى .
 ۳ — على ميلانلر . — على ميلانلر كېمى . — حقيقته محبت . — كوزله محبت .
 اىنيه محبت . — على ميلانلر كېمى : احتساس دينى . — على و تعطفكارى ميلانلر
 موجوديتى . — تطبیقات عملیه . — على احتساسلر كېمى .

بشنجى درس

احتراس

- امراض . — احتراض، ميلان منفرد . — احتراض، ميلان منحصر . — ميلان
 و احتراض . — احتراضاتك اسباب تشكىلى . — وراثت . — تمايلاتك زجر وارضاسى . — محيط
 جسمانى و محيط معنوى، اسباب معنويه : دقت . — خياله . — عقل raison و اراده . — احتراضاتك
 اقسامى . — احتراضات شخسيه . — احتراضات اجتماعيه . — احتراضات عاليه .
 تطبیقات عملیه . — حیات بشردہ احتراضاتك ايفايتديكى خدمت . — تربيه و احتراض .

آلتنجى درس

ذهن

مدخل

ذهن ، طانيق و آكلامق قوهسى . — ذهنك اقسامى .

تطبیقات عملیه - تربیة ذهنيه - قوای ذهنيه‌ك تيمیه‌سی : بیلکيلرك مختلف صنفلرینه تطبیق . - تربیة ذهنيه‌ك ماهیتی .

يدنجی درس

قراي اکتسابیه

ادراك خارجي

تجربه ، هر معرفتك باشلانغیچیدر . - ادراك خارجي ؛ مشكلات . ماده‌ك کیفیات ثانویه‌سی . - کیفیات اولیه . - اجسامك کیفیاتی : بوندن نه آكلاشلما لیدر . - ادراكك ماهیت حقیقه‌سی . - ادراكك ماده‌سی : احساسات . - حاسه و حواسك اعضاسی ؛ حواسك سلسلهٔ مراتبی . قوهٔ ذائقه و قوهٔ شامه . - قوهٔ سامعه . - قوهٔ باصره . - قوهٔ لامسه و حاسهٔ عضلیه . - ادراكك شكلی ؛ ادراكك واحساس . - مسئله‌ك وضعی . - علی‌العموم «شیء» مفهومی ؛ بونك منشئ . - معین شیء مفهومی ؛ بونك منشئ . ادراكات طبعیه و ادراكات مكتسبه . - ادراكك مكتسبك ماهیتی . - حواسك كندیلكندن وقوع بولان تربیه‌سی . - ادراكات مكتسبه‌ده قوهٔ لامسه‌ك ایفا ایتدیكى خدمت . - قوهٔ باصره‌ك ادراكات مكتسبه‌سی . - كوزك احساسات عضلیه‌سك اهمیتی . - حواسك قابلیت تكملی . - ادراكك ماهیت و منزله‌سی اوزرینه عمومی نتیجه . - ادراكك اشكال مرضیه‌سی : حواسك غلطلری . - اوهام حواس . - برساملر .

تطبیقات عملیه . - تربیة حواسك اهمال ایدلمه‌سی . - حواس قابل تربیه‌در . - استبصار ممارسه‌لری . - تربیة حواسك ماهیتی . - تربیة حواسك تاریخی . - حقیقی مربی ، طبیعت‌در . - تربیة حواسك غایه‌سی .

سكزنجی درس

ادراك داخلي

ادراك داخلي . - انا . - انا ، جوهر . - جوهر حقنده علم ابتدائی . - انا ، علت . - علت حقنده علم ابتدائی . - غایه حقنده علم ابتدائی . - اناك واحدیتی ،

عینیتی، دیمومیتی. — اُنانك احتساسی. — اُنانك احتساسی ایله اُنانك فکری. — اُنانك فکری ایله اُنا. — فکر اُنانك عناصری: قوا. — عضویت. — شعور وحافظه: فکر اُنانك تغیراتی. — مستقبل اُنانك تصویری. — «کندی کندینی طانی». — ادراك داخلینك حدودی.

تطبیقات عملیه. — کندینی بیلیمکده کی منفعتلر. — اعتماد نفس، تواضع واحترام اذواقك، قابلیتلك تعینی. — مسلکك انتخابی. — معلمك کندینی طانیمه سی وکندی کندینی مطالعه ایلمی لزومی.

طقوزنجی درس

قرای حافظه

حافظه

حافظه نك الصمیمی. — حافظه: تعریف؛ شعور ایله مناسباتی. — حافظه نك ساحه فعالیتی. — حافظه نك عناصری.

۱ — افکارك محافظه سی. — نظریه لر. — محافظه افکاره مخصوص قوانین. — عضویتك ای حالده اولسی. — انطباعك شدتی. — تهیج. — دقت. — افکارك تمایزی. — افکارك ترکیبی. — تکرار. — حافظه خارجی و حافظه داخلیه. — ۲ — افکارك احیاسی. — کندیلیکندن حاصل تذکر. — بالتداعی تذکر. — بالاراده تذکر.

۳ — تشخیص. — تذکر و تذکر مههم. — تشخیص شرائطی: زمان حقنده کی فکر و اُنانك عینیتی. — تشخیص میخانیزمسی؛ مسئله نك وضحی. — تذکر ایله ادراک فرق. — تذکر ایله وهم خیالینك فرق. — نظریه نك تصدیق.

۴ — احلال: وبونك میخانیزمسی. — حافظه نك امراضی: ضیاع حافظه ایله فرط حافظه. — حافظه لرك انواعی. — حافظه نك مزایاتی.

تطبیقات عملیه. — حافظه وقوه میزه. — حافظه و تربیه اخلاقیه. — حافظه نك تربیه سی.

اوتنجی درس

تداعی افکار

تداعی افکار؛ تداعی افکار دأرئ شمولی و ماهیتی . - تداعی حقنده کی اسقوجیا نظریه سی : نسب اصلیه و نسب عارضیه ، نفسلرک انواع مختلفه سی . - اسقوجیا نظریه سنک قیمتی . - تداعینک شرط ضروری و کافیزی : قانون اتصال . - تداعی واعتیاد . - قانون مجانست : بونک قانون اتصاله رجوعی . - تداعینک اسباب تالیه سی . - مفکره ده تداعینک اهمیتی . - تداعینک حدودی . - تداعی و ظنون باطله . تطبیقات عملیه . - تربیه و تداعی و سعادت . تداعی و خط حرکت . - تربیه نک فعل مثبتی .

اون برنجی درس

متخیله

متخیله نک ایکی صورتی . - متخیله مصوره . - صور محسوسه : عالم محسوسک تخیلی . - عالم مغنوینک تخیلی . - عالم مجردک تخیلی . - متخیله ده انواع و عدم مساوات . - متخیله مبدعه . - متخیله نک ایکی صورتی بیننده کی مناسبات . - متخیله نک اصلیتی . - متخیله ناصل معامله ایدر . سعی متخیله نک وحدتی . - متخیله سافله . - خولیا و رؤیا . - سیر فی المنام . - جنت . - متخیله سافله و عضویت . - متخیله عالیه . - متخیله عالیه نک عناصری . - دهاء علمی و بدیعی . - مفکوره و خیال . - علمده ، صنایع نفیسه ده ، مختلف مسلک کرده متخیله نک ایفا ایتدیکی خدمت . تطبیقات عملیه . - متخیله نک تمیه سی لازمیدر . - متخیله نک فالقلاری . - متخیله نک فائده لری . - متخیله حقنده تربیه نک ایفا ایتدیکی خدمت .

اون ایکنجی درس

قوای اعمالیه

دقت ، تجرید ، مقایسه ، تعمیم

۱ - حواس و مدرکه . - دقت . - دقتک ماهیت حقیقه سی . - دقت و غفلت . - دقتک اشکالی . .

تطبیقات عملیه . - دقت و معرفت . - دقت و قوای ذهنیه . دقت منحصره . - دقت و حیات معنویه . - اعتیاد تأمل .

۲ - تجرید . - تجریدك ماهیت حقیقیه‌سی؛ درجه‌لری . - تجریدك اهمیت . - تجریدك محذورلری .

تطبیقات عملیه . - چو جفك تجریددن نفرتی . - تدریساتده تجرید ، تدریسات تحدسیه . - تدریسات تحدسیه‌نك حدودی؛ تجریدك حصه‌سی .

۳ - مقایسه . - مقایسه‌نك اهمیت .

تطبیقات عملیه . - مقایسه قوه‌سنگ تهذیبی .

۴ - تعمیم . - فکر و صورت محسوسه . - فکر و لفظ . - تضمن و شمول . - عمومی فکرلرلك نوعلری . - تعمیمك اهمیت . - عمومی فکرلر مسئله‌سی : حقیقیه ، تصویریه ، اسمیه . بواوچ نظریه‌نك تألیفی .

تطبیقات عملیه . - چو جفك تعمیم خصوصنده تمایلی . - تعمیم قوه‌سنگ تهذیبی .

اون اوچنچی درس

تصدیق و استدلال

پور روآیال Port royal نظریه‌سی . - ۱ . تصدیق : ماهیتی؛ تحدسی تصدیقلر ایله قیاسی تصدیقلر . تصدیق هر وقت قیاسیدر . - معنای عامیانه سیله تصدیق ، روحیات اعتباریه تصدیق . تصدیقك ارکانی . - حقیقت و جهل مرکب . - تصدیقك اقسامی . - اعتقاد : متضاد نظریه‌لر . - اعتقادك بتون روحله وقوعی .

تطبیقات عملیه . - تربیه ذهنیه‌نك اهمیت . - قوه حاکمه‌نك برتربیه‌سی وارمیدر؟ قوه حاکمه تربیه‌سنگ لزومی . - قوه حاکمه‌نك تهذیبی : استعداد تنقید . - قوه حاکمه‌نی تربیه ایتمه‌نك طریق .

۲ - استدلال : ماهیتی؛ خدمت‌لری . - معرفت نظریه و معرفت تحدسیه . - استدلالك صور و اشکالی . - جزئی دن جزئی‌یه انتقال . - تعلیل : میخانیزمه‌سی . - تعلیلك ارکانی ، حدلر و قضیه‌لر . قیاس . - قیاسك مبدئی . - تعلیلك وظیفه‌سی . - تعلیلك قیمتی . - استقراء : ماهیتی . - استقراء عامیانه و استقراء علمی . - استقراء علمینك مقدم‌لری . - استقرانك مبدئی . - استقرانك وظیفه‌سی . - استقرانك قیمتی .

تطبیقات عملیه . - چو جقده استدلالی انکشاف ایتدیرملمیدر ؟ استدلالک
تربیه‌سی : روح‌هندسی وکیاست . - استدلالک حدودی : یقین‌علمی و یقین‌معنوی .

اون دردنبجی درس

معرفتک مبادی مدبره‌سی

La raison عقل

عقل : معرفتک مبادی مدبره‌سی . - مبدأ عینیت و مبدأ سببیت . - بو ایکی
مبدأ بیننده کی نسبت : مایعقلیت احتیاجی . - مبادی مشتقه . - مبدأ تناقص . -
مبدأ تناوب . - مبدأ علیت . - مبدأ جوهر . - مبدأ قوانین . - مبدأ غایت . -
مبادی ترکیه‌نک سبب مصحح متعارفه‌سی ایله نسبتی . - مبادینک اوصافی . -
مبادینک عمومیتله تفکرجه اولان خدمتی . - مبادینک تفکراتمژده اولان خدمتی . -
برنجی حقیقت و بیلکیلر . - مکان و زمان . - ابدی ، کیر ، واجب ، غیرمناهی . -
اکمل ، مطلق : الله مفهومی . - عقلک مأمور اولدینی خدمتله . عقلک منشی :
ایکی مدعا . - اختباریونک مدعای . - اختباریه صرفه : بونک قیمتی . - تداعیه :
بونک قیمتی . - تکاملیه : قیمتی . - اختباریه خطاسی . - وهیه مسلکی . -
ده‌قارتک وهیه‌سی . - Kant ک قلیه‌سی . - وهیه‌نک معنای حقیقیسی : عقل ایله
شعورک مناسباتی . - عقلک منشی حقنده نتیجه استدلال . تطبیقات عمایه . - عقل
تربیه ایدیله‌بیلیری ؟ . - عقل وظنون باطله . - عقلک تهذیبی .

اون بشنجی درس

نطقک تفکرله مناسبتلری

نطق . - کلام ، اک مکمل نطق . - نطق ، تبلیغ افکارک و ترقیات علمیه‌نک
شرطیدر . - نطق تصوراتک استقراری ایچون شرطدر . - نطق و نفس ناطقه‌نک
عملیه‌لری . - نطق و علم . - نطق و عموماً تفکر . - نطق ایله تفکرک تلازمی . -
تفکرک نطقدن اقدمیتی .

تطبیقات عملیه - چو جفک نطقنه نظارت . - نطقک محذورلری .

اون آلتنجی درس

فعالیت

غریزه

فعالیت . - فعالیتك اشکالی . - حرکاتلری . - افعال منعکسه ، افعال منساقیه ، غریزی افعال . - غریزه : ماهیتی . - غریزه‌نك اوصافی . - غریزه حقدنه تکاملیه‌نك نظریه‌سی . - تکاملیه نظریه‌سك قیمتی . - غریزه ، حیات ، ذهن . تطبیقات عملیه . - حیات انسانیه : غریزه شخصیت . - ای و کوتی غریزه‌لر : تربیه‌نك ایشی . - انسانك کندی نفسی کندی تربیه ایتیمی : ترقی فردی ایله تکافل اخلاقی : اسپه‌نسرك غریب دعواسی .

اون یدنجی درس

اراده

اراده - اراده‌نك ایکی وجهی . - فعل ارادینك تحلیلی : ممکنات تصویری . - مشورت : دواعی عقلیه ، سوائق حسیه . - قرار . - اجرا : بونك فعل ارادی ایله مناسبترلری . - فعل ارادی آراسنده اراده . - فعالیت غریزه ایله فعالیت اراده . - اراده و ذهن . - اراده و شوق . - اراده‌نك درجائی . - اراده‌نك خسته‌لقلری . - اراده‌نك نقصانلری . - اراده شخصیتك اساسی در . - سجه صاحبی آدم نه دیمکدر . تطبیقات عملیه . - تربیه اخلاقیه : اهمیتی . - اراده‌نك طوغریدن طوغریه تربیه‌سی . - بالواسطه تربیه ؛ احرارانه انضباط . - تربیه اراده‌نك معناسی . - تربیه « سجه » لر خلق ایده‌بیلیرمی ؟ تشکل مسلک . - شجاعت .

اون سکزنجی درس

اختیار

اختیار مسئله‌سی . - اختیار و اراده . - اختیارك موجودیتنه اعتقاد . - اختیار اعتقاد فعلنی تجاوز ضرورتی . - اختیار علمینده اعتراضلر ، جبریّه . - ایجابیه :

ایجابیه‌نك ایکی صورتی : علمی ایجابیه : استناد ایتدیکی مبادی .- ایجابیه ایله اختیارك آره‌سنی تألیف خصوصنده کی ده‌نه پیشلر .- آله‌جق یکی وضعیت .- مبدأ علیت اوزرینه مستند ایجابیه‌نك تنقیدی .- بقای قوت مبدئی اوزرینه مستند ایجابیه‌نك تنقیدی .- روحیاته کوره ایجابیه : بونك دلائلی .- «اسبابدن عدم تأثر» اختیاری حقنده کی نظریه .- روحیاته کوره ایجابیه‌نك مناقشه‌سی .- اختیار قابل اثباتمیدر ؟ اختیار حقنده نتیجه استدلال .

تطبیقات عملیه .- اختیارك حدود و شرائطی .- انسانك کندی نفسی حقنده تیقظی .- اختیارك کرچکلکی .- چوجفك بونده شبهه ایتسندنه کی محذورلر .- اختیارك کمال مرتبه‌سی و فعلاً موجود اختیار .- شخص انسانینك تشککنده طبیعتك و اراده‌نك حصه‌سی .

اون طقوزنجی درس

اعتیاد

اعتیاد : ماهیتی .- اعتیادك شرطلری : مثبت شرطلر .- اعتیادك منفی شرطلری .- اعتیادفعلی و اعتیادانفعالی .- اعتیادك ماهیت و آثاری اعتباریله وحدتی .- اعتیادك ساحه‌سی .- زمره نباتات و حیوانانده اعتیاد ، انسانده اعتیاد .- اعتیادات جسمانیه .- اعتیادات نفسیه : ذهنك ، حساسیتك ، اراده‌نك اعتیادلری .- اعتیادك فعالیت اوزرنده کی اثرلری .- اعتیاد و غریزه .- اعتیادك حساسیت اوزرنده کی اثرلری .- تهیجات .- استثنائات ظاهریه : بونلرK تأویلی .- احساسك احتیاجه تحویلی .- میلانلر .- اعتیادك محذور و تهلكه‌لری .- اعتیادك خدمت و فائده‌لری . تطبیقات عملیه .- تربیه و اعتیادلر .- تربیه‌نك اثر خاصی .- اعتیادلرK شخصی تشکلی و بونلره نظارت .


یکرمنجی درس

مابعدالطبیعی روحیات

روحك موجودیت و بقاسی

مابعدالطبیعی روحیات .- طبیعت بشریه‌ده ایکیلک .- حیات حیوانیه .- حیات

ذهنیه و معنویه . - حیات ، غایه انسانی . - عنصر متفکرک ماهیتی مسئله سی . - روحیه و ماده . - روحک لطافت و غیر جسمانیتی حقنده کی دلیلر : روح ایله جسدک بربرندن فرقی . - عنصر متفکرک وحدتی : جسدک مرکبیتی . - عنصر متفکرک عینیتی : جسدک هیچ طور مقسزین دیکشمسی . - عنصر متفکرک فعالیت : جسد مادینک عطالتی . - روحیون دلیلرینک قیمتی : قانتک اعتراضلری ؛ « شأنی انا » ایله « اناى مطلق » . - مادیونک دلائلی . - مادیونک دلیلرینی مناقشه . - مادیونک مبدئی : ماده .



ياكاشلرك جدولى

صحيفه	سطر	ياكاش	طوغريسي
۳۳	۲۳	ياپارمى	ياپامازمى
۶۶	۱۷	ايتدى	ايتديكى
۶۹	۱۹	جهت	جهد
۷۶	۴	دفع	رفع
۸۰	۱۵	بوسطرده كى نقصان ۸۱	نجى صحيفه نك التنده كوسترلمشدر.
۱۰۰	۱۵	دينك	دينينك
۱۰۸	۱۵	بونكلا	بونكلا
۱۲۵	۶	برده	بره
۲۱۱	۸	محافه	محافظه سى
۳۳۵	۰	بوصحيفه نك نومروسى	۳۵۳ اوله جقدر .
۳۵۰	۰	بوصحيفه نومروسى	۳۶۸ اوله جقدر .
۳۹۸	۲۸	[۵] موسيوريبو الخ	بوعبارده دن درت سطرلق ير نقصان ديزلمشدره . بونقصانك مالى شودر: « اوآدم برمراسمده بولمق اوزره تراش اولمش كي نيمش قوشانمش، الديو نلرني طاقمش اولدينى حالدده بردرلو سوقاغه چيقامامش »
۴۴۵	۱۱	تحليون	تحليليون
۴۶۴	۱۴	تمديد	تحديد

